

**TRIENNIIUM
PHILOSOPHIC
UM QUOD P.
ANDREAS
SEMERY...**





- 56.e.

M

18
C. 6. g

14-20-c-17

۱۲۰۰

TRIENNIVM PHILOSOPHICVM

Q V O D



P. ANDREAS SEMERY REMVS
E Societate I E S V

In Collegio Romano

*Philosophiæ iterum Professor
dictabat*

Secunda hac editione ab
Authore recognitum
& auctum.

Annus Tertius.



VENETIIS, M. DC. LXXX.

Typis Io: Baptistæ Tramontini,
D. Rocchi, Sub Signo Nobilitatis,
Superiorum Permissu.

TRIENNIVM

PHILOSOPHICVM

1790

T. ANDREAS SEMPER ROMVS

In Collegio Romano

Philosophie namque Pr. 1790

disputat

Secundum hoc editionem 20

Philosophie namque

& editionem

Amicus T. 1790



VENETIS, M. DC. LXXX

Typis in Lapide Perpetuo
D. Nicolai, 210 210 210
Lapide Perpetuo



Lectori beneuolo

B I B L I O P O L A

TRiennalem Philosophiæ curriculum iam ante aliquot annos tibi exhibitum, amice Lector, meis hisce typis iterari oportuit, ut eorum votis fieret satis, qui ad difficiliora humanæ sapientiæ mysteria duci se volunt via haud difficili, labore non improbo. Habes autem hunc suos ita distributum in annos, ut nulla ex tribus scientijs quæ toti cursui nomen imponunt sine aliarum consortio prodeat, sed metaphysica physicis, vtrisque logicam ex more iam in hac Romana Academia recepto promiscua videantur, commodò,

ni fallor , tuo : cui quæ singulis
annis agitari solent in scholis, sin-
gulos diuifa dantur in Tomos :
Fecisse vero me rem tibi gratam
vt velim , sic tu tuo studio ac hu-
manitate fac intelligam. Vale .



INDEX QVÆSTIONVM.

DISPV TATIO PRIMA.

De Generatione , & Corruptione :

Qu. 1.	D E Generatione.	pag. 3.
Qu. 2.	De Corruptione.	9.
Qu. 3.	De resolutione vsque ad materiam primam.	13.

DISPV T. II.

De alteratione.

Qu. 1.	Q uid sit, & quomodo fiat al- teratio.	41.
Qu. 2.	Qua ratione qualitas intendatur.	pag. 50.
Qu. 3.	De homogeneitate gradum.	64.

DISPV T. III.

De causis substantiæ.

Qu. 1.	D E causa accidentium.	76.
Qu. 2.	De virtute immediate pro-	a 3 du.

ductiua substantiæ.

85.

Qu. 3. *De causa principali.* 104.

*De causa creatiua & potentia obedi-
dentiali V. Disp. 2. de Ani-
ma. Quæst. 6. p. 594. & 581.*

DISPVT. IV.

*De concursu Dei cum causis
secundis.*

Qu. 1. **D***E necessitate talis concursus.*
pag. 123.

Qu. 2. *De concursu Dei cum causis libe-
ris.* 140.

Qu. 3. *De serie naturali effectuum.* 191.

Qu. 4. *De existentia causæ primæ.* 221.

DISPVT. V.

*De conditionibus ad agendum
requisitis.*

Qu. 1. **D***E alteratione similis à simi-
li.* 238.

Qu. 2. *An simile secundum qualitates nō
corruptiuas agat in simile.* 249

Qu. 3. *De actione per Antiperistasim.*
pag.

pag. 257.

Qu. 4. De propinquitatē agentis ad pas-
sum. 264.

Qu. 5. De duplici actione totali. 294.

Qu. 6. De reactione. 326.

Qu. 7. De terminis magnitudinis, et par-
uitatis in qualitatibus. 328.

DISPUT. VI.

De Elementis.

Qu. 1. Quid sit & quod duplex Ele-
mentum. 335.

Qu. 2. Quæ qualitates cuique Elemen-
to conveniant, 341.

Qu. 3. An qualitas in Elemento minus
intensa patiatur admixtionem
contrariæ. 355.

Qu. 4. An qualitates symbolæ Elemento-
rum sint eiusdem vel diversæ
rationis inter se. 358.

Qu. 5. De virtutibus motuivis Elemento-
rum. 364.

Qu. 6. De Graui & Leui. 374.

Qu. 7. De acceleratione motus. 387.

Qu. 8. Detur ne quies in puncto reflexio-
nis. 396.

a 4 Qu. 9.

Qu. 9. De mixtione Elementorum. 402.
Qu. ult. De transmutatione Elementorum.
pag. 407.

DISPUTATIONES

In Libros de Anima.

DISPUT. I.

De Anima in genere.

Qu. 1. Quid sit Anima. 410

Qu. 2. De Vita. 417.

Qu. 3. An ratio vite sit vna in Deo, &
creatura. 431.

Qu. 4. De vnitae vel pluralitate Ani-
marum in eodem viuento. 451

Qu. 5. An in generatione hominis intro-
ducantur successive tres ani-
me. 462.

Qu. 6. De vnitae vel multiplicitate
formae substantiali in eodem
viuento. 476.

Qu. 7. De formis partialibus. 488.

Qu. 8. Quanam partes viuentis animen-
tur. 494.

Qu. 9.

Qu. 9.	De potentijs animæ.	502.
Qu. 10.	De subiecto actuum vitalium.	
	pag.	513.

DISPUT. II.

De singulis Animarum speciebus.

Qu. 1.	D E Anima vegetatiua.	521.
Qu. 2.	De anima sensitiua.	539.
Qu. 3.	De organis sensuum externorum.	
	pag.	542.
Qu. 4.	De anima rationali.	557.
Qu. 5.	De immortalitate Animæ ratio.	
	nalis.	566.
Qu. 6.	An ex eo quod anima rationalis creetur recte inferatur esse a solo Deo.	625.
Qu. 7.	Anima rationalis sit forma informis.	625.
Qu. 8.	An animæ uiuentium sint indiuisibiles.	644.
Qu. 9.	De Anima à corpore separata.	
	pag.	646.
Qu. 10.	De speciebus intentionalibus.	658.
Qu. 11.	De habitibus potentiarum vitalium.	681.
	a	Qu. 12.

Qu. 12. De intensione remissione, & corruptione habituum.

DISPUT. III.

De obiecto, & actibus voluntatis humanæ.

Qu. 1. Quidnam sit obiectum voluntatis. 724.

Qu. 2. De Amore boni. 740.

Qu. 3. De pura omissione libera. 774.



Ioannes Paulus Oliua Præpositus
generalis Societate Iesu .

Cum Triennium philosophicum P. An-
drea Semery Remi nostræ Societa-
tis Sacerdotis aliquot Societatis nostræ
Theologi recognouerint , & in lucem edi-
posse probauerint ; facultatem facimus
ut typis mandetur , si ijs ad quos spe-
cat videbitur , cuius rei gratia has li-
teras manu nostra subscriptas ac Societa-
tis nostræ sigillo munitas damus .

Romæ I. Octobris 1681.

Ioannes Paulus Oliua .

INDEX R E R V M.

A

Abstinere à cibo an semper sit ad usus ieiunij.
695.

Accidentia quid habeant pro subiecto in-
hæſionis. pag. 14. & 18. an eadem in ge-
nito quæ in corrupto. 27. an tranſeant de
ſubiecto in ſubiectum. 34. à quo conſer-
uentur. ibid. contraria & media quid ſint
42. an immediate & ſe ſolis producant
ſubſtantiam. 86. & 88. in quo ſenſu a-
gant in virtute ſubſtantix. 100.

Actio purum medium. 311. in qualitatibus
corruptiuis an ſit à proportionẽ maioris
inæqualitatis. 69. vniuoca eiufdem in
ſeipſum. 83. in diſtans. 266. & 238. ſi-
milis in ſimile & ſeq. duplex actio tota-
lis. 297. 310. & ſeq. actio directã, reflexa
& refractã. 288.

Actus liberi Dei an adæquate Deo intrinſe-
ci. 436. & ſeq. an compleantur per ali-
quid æternum. 437. & ſeq. an per aliquid
temporale. 439. actus nolitiuus in Deo.
446. & ſeq. puta omiſſio libera omnis ac-
tus. ibid.

Actus vitalis multiplex. 514. quodnam cui-
uſlibet ſubiectum. ibid. & ſeqq. Actus
voluntatis quilibet Deo & creaturæ? 181
magis pendens a Deo quam à creatura.

188. & seqq. relinquit speciem sui 682.
Agens quid intendat. 338. an al quando plus
agat in remoto quam in proximo & quo-
modo. 289. an repatiatur. 322.
Alteratio quid & quotuplex. 41. & seq. ex-
tensiva & intensiva. 42. est motus succes-
siuus. & continuus 43. & 46. requirit dis-
similitudinem. 239. V. Intensio qualitatis.
Amor an solius boni? 750. Possitne esse ma-
ior alterius quam sui. 737. necessarius non
necessario maior quam liber. 738.
Angeli quomodo loquantur inter se. 274.
quomodo excitent cogitationes in nobis.
298. unde arguant quid cogitemus. ibid.
Anima quid sit. 411. quotuplex. 415. an
multiplex simul in eodem viutente. 347.
an successive. 360. an superior contineat
inferiorem. 352. & seqq. an distinguatur
à suis potentiis. 401.
Anima rationalis an eiusdem perfectionis
in omnibus. 561. per quid vna perfectius
intelligat quam alia 560. 564. eius im-
mortalitas demonstrabilis. 566. & seqq.
& 571. & seqq. & 579. & seqq. quo modo
in operando pendeat à phantasmate. 577.
In quo sensu sit quid subsistens. 672. &
586. in quo numerus se ipsum in orbem
mouens. 581. an sit forma informans. 625
an tota in toto & tota in qualibet parte
corporis. 631. cur in suo primo esse petat
vniti corpori. 651. status separationis an
sit illi violentus. 632. separata quomodo
intelligat. 719. quomodo excitentur in
ipsa species. 719. anima sensitiva an di-
ui-

nissibilis. 331. in partes homogeneas 642.
cur ad defectum alicuius partis tota defi-
ciat. 645. vegetatiua an & quomodo vi-
uat per vegetationem. 520. eius facul-
tates. 523.

Antiperistasis. 257. per quid habeatur. 258.
& seq. & 262.

Appetitus innatus & elicited in quo diffe-
rant. 742. sensitius quid sit & quid ha-
beat pro obiecto. 550. & seq.

Augumentatio quid & quomodo. 131.

B

Beatitude quid sit. 742. & seq. & 747. an in
actu intellectus, an in actu voluntatis 746.
& seq. an ametur per quemlibet actum
voluntatis. 757. & seqq. In quo sensu sit
vniuersale bonum. 758. an debeat esse &
cognosci perpetua. 762. an inæqualiter
beati sint æqualiter contenti. 760.

Bonum quid sit. 727. quotuplex. 741. an sit
obiectum vnicum voluntatis. 731. & seq.
summum bonum in quo consistat. 742.
& seq. 746. & seq. an necessiter ad amo-
rem sui. 650. & seq. & 769. an quolibet
bonum sub præcisa ratione boni necessi-
ter ad amorem sui. 755. an quodlibet bo-
num ducat in cognitionem & amorem
summi boni. 761.

C

Calidum quid sit. 347. calor febrilis per quid
sit

- sit febrilis 362. calor cur aliqua induret
 aliqua liquefaciat, 348. & seq.
 Causa quælibet adæquata an includat ali-
 quid principium liberum. 136. causa prin-
 cipalis. 104. & seq. nascentium ex putri-
 110. & seq. causa instrumentalis. 104.
 & seq. productiua substantiæ. 93. & 98.
 totalis. 296. duplex causa totalis. 29. 300.
 finalis. 297. vniuersalis. 169.
 Cognitio quomodo fiat. 669. & seq. indiffe-
 rens. 148. an sufficiat ad libertatem ibid.
 & seqq.
 Color. 556. qui differat à lumine. 242. &
 556.
 Concurfus Dei. V. Deus.
 Contentus quis sit. 760.
 Contrarietas an causet successiuitatem in
 alteratione. 46.
 Conuersio an necessario dicat productionē
 nouæ substantiæ. 11. & seq.
 Corpus per quid constituatur in esse corpo-
 ris. 480. & seq.
 Corruptio. 10. quid habeat pro termino 11.
 Creatura creatrix per modum causæ prin-
 cipalis an sit possibilis. 595. an per modum
 causæ instrumentalis. 606.
 Creatura habet perfectissimam dependentiā
 à Deo. 132.
 Creatura non indigens Deo implicat. 182.
 & seq.

D

- Dammati an cogantur odisse suam miseriā.
 767. an peius se habeant cum sola culpa,
 quam

quam cum culpa simul, & pœna 767.
Densum quid? 364. per quid habeatur. 366.
& seq.

Deus concurrit ad omnes & singulos effe-
ctus causæ secundæ. 124. & seq. eadem
indivisibili actione qua causa secunda.
138. quomodo 139. & seq. 158. & seqq.
Et author actus boni, non autem mali.
158. & seq. est primum liberum. 163. &
seq. semper intendit bonum. 170. perfe-
ctissime dominus cuiuslibet actus liberi.
176. determinat ad individuationem.
178. & seq. etiam causas libertas. 194. &
seqq. Deum existere an sit per se notum
207. an sit demonstrabile & quomodo.
221. & seq. an per rationem optimi ibid.
per quid formaliter sit libere volens, aut
nolens, aut omittens. 436. & seq. 419.
425. &c. cur libere communicet se ad ex-
tra, necessario autem ad intra. 648. &
seq.

Dissimilitudo inter agens & passum. 239.

Diuerſitas operationum an arguat diuerſi-
tatem principiorum. 458. diuerſitas sub-
stantiæ à substantia unde arguatur. ibid.

Doloriferum an & quomodo possit amari.
730.

E

Effectus finis qui sint 298.

Elementum quid sit. 336. quotuplex. 340.
quæ cuiusque qualitates. 342. an ambæ
in summo. 350 an minus intensa habeat
admixtionem contrariæ. 355. elementa

an

an formaliter an virtute solum maneant
in mixtis. 403. an quodlibet in quodlibet
transmutetur 408. an facilius symbolum
in symbolum. ibid. an ex duobus gignatur
tertium. ibid.

Epicurei an perniciosius errarint quam Sto-
ici. 743.

F

Felicitas. V. Beatitudo.

Finis intrinsecus & extrinsecus actionis. 311
& seq.

Forma substantialis an & quomodo sit pri-
mus actus. 17. & seq. quomodo partici-
pet de subiecto ex quo educitur. 637. for-
ma corporeitatis. V. corpus formæ par-
tiales an dentur. 487.

Frigidum. 347.

Fundus vasorum continentium aquam fer-
uentem quomodo non viat. 47.

G

Generatio quid sit. 3. quem terminum ha-
beat. 5. an generatio vnius sit corruptio
alterius. 12. & seq. generatio vitalis quid
sit. 532. generari cur dicatur de secunda
non autem de tertia persona S. Trinitatis.
535. & seq.

Glacies non sit à solo frigore. 243.

Gradus intensionis an homogenei. 64.

Graue quid sit. 374. an agat in sibi simile.
255. grauitas in quo consistat. 375 & seq.
à quo

à quo profluat 377. grauia an grauitent
in propriis locis. 384. quomodo moue-
ant se. 419. cur minus ponderent in aqua
quam in aere. 387. cur velocius in fine
moueantur. V. Motus .

H

Habitus quid sit. 682. in quo consistat . 684.
an oppositi stent simul. 694. Intellectus
& voluntatis qui differant. 697. 699. quo-
modo pendeat à phantasmate. 712. an in-
tendatur per actus remissos. 703. & seq.
quomodo remittatur. 705. & seq. & cor-
rumpatur. 708. & seq. per quid actuetur
in anima separata. 719. an in anima sepa-
rata sit corruptibilitas. 718.

Homogeneitas graduum. V. Gradus, & In-
tensio .

I

Imaginatiua per quid differat in operando
ab intellectuua 589. & seq. 693. Imagi-
natio quos modo moueat corpus. 272. &
seq.

Instrumentum aliud coniunctum aliud se-
paratum. 121. an eleuetur in agendo à
principali. 122.

Intellectus qui habeat pro obiecto verum .
726. In quo sensu sit quodammodo om-
nia. 661. an intelligat dependenter à spe-
ciebus. 669. an distinguatur à voluntate .
504. agens & possibilis. 669. vter nobilior.
672.

In-

Intensio qualitatis quid sit. 42. per quid formaliter habeatur. 50. 57. an per partes homogeneas 63. unde maior in remoto quam in proximo? 289. V. Alteratio. V. Antiperistasi. V. Gradus.

L

Leue quid sit. 374. an leuiter in proprio loco. 384. quomodo moueat se. 419. Leuitas quid sit. 375. & seq. à quo immediate profluat. 377.

Libertas necessitate. 148. & 158. an sufficiat ad ipsam cognitio indifferens. 153. Libertas contrarietatis & contradictionis. 776. Libertas diuina & humana circa eundem actum. 181. Libertas actus an prærequirat cognitionem indifferentem circa ipsum, an solum circa obiectum ipsius. 788 & seqq. an sit intrinseca actui. 791. & seqq.

Lumen quid sit. 555. qui differat à calore. 153. Luminosum an agat in simile. 149. 151.

M

Malum an possit amari. 730. & seq. an detur summum. 764. an si daretur necessario odio haberetur. 767. malum culpæ an maius quam malum pænæ. 763. an pænæ & culpæ maius quam solum culpæ 766.

Materia sola est subiectum inhesionis accidentium 15. mediante quantitate. 19. an sit forma corporis. 481.

Mix-

Mixtio quid sit. V. Elementum.

Motus per quid in fine velocior. 387. & seq.
vnde augeatur in proiectis. 394. & seq.

Mouens immobile est infinite perfectum.
228. & 232. motus primi mouentis qui
recipitur in diuersis mobilibus. 169.

N

Negato essendi an possit apperi. 728.

Nutritio quid sit, 523. quomodo fiat. 524.
In homine. 643.

O

Oculus. V. sensus,

Odium an possit esse maius sui quam alterius. 737.

Odor. 551.

Omissio pura libera an repugnet. 775. an
possit eligi præ actu. 768. & seqq. an possit
de illa reddi ratio. 802. an sit possibilis in
Deo. V. Deus.

Ordo grauium & leuium vnde habeatur.
380 an & quomodo detur in natura ordo
per se. 73.

P

Partes viuentis an aliæ aliis prius formen-
tur. 534. an omnes animatæ 495. & seq.

Perfectio causæ quomodo arguatur ex effe-
ctu. 127. perfectius ex genere & perfecti-
us ex toto genere. 671.

Perficece an sit subiectari in eo quod perfi-
citur 25. Phan.

Phantasia an sit potentia reflexiua. 591.
Phantasmata quomodo excitentur in ani-
ma. 714

Potentia creata principaliter creatiua an sit
possibilis. 594. an saltem instrumentaliter
606. potentia obediens ad omnia an
detur. 608. an sit possibilis. 612. 696. 619.
& seqq.

Potentia nunquam redigenda ad actum an
implicet. 460.

Potentia animæ rationalis aliæ organicae ali-
æ inorganicae. 502. an distinguantur ab
anima & inter se 504.

Potentia animæ sensitiua. V. Sensus.

Predeterminatio phyfica an compossibilis
cum libertate. 146. & seqq.

Pulchrum quid sit. 649.

Punctum concursus. 293. quomodo in ipso
qualitas intendatur. ibid. & seq. In pun-
cto reflexionis an detur quies. 396. &
seqq.

Q

Qualitates contrariæ vel mediæ quid sint
42. an habeant terminos magnitudinis &
paruitatis. 328. & seq. qualitates primæ
quot & quæ? 335. & seq. quæ & qualiter
in quolibet elemento 341. 350. & 355.
symbolæ an sint eiusdem rationis in di-
uersis. 358. an magis actiua sint minua-
resistitiua & quomodo. 409.

Quantitas orimum accidens. 18. subiectum
immediatum aliorum. 19.

Quies in puncto reflexionis. 396. &c. quies
ho-

hominis ut homo est 746. & seq.

R

Ranarum ex putri na scentium causa. 109
& seq.

Rarum quid sit. 364. per quid formaliter
habeatur. 365. & seq. 368.

Reactio. 320.

Reflexio. 228. eius lenes. 229. in puncto re-
flexionis an detur quies. 396. & seq.

Refractio 189. eius leges. 291.

Remissio qualitatis. 42.

Resistentia quid sit & quotuplex. 320. an de-
tur in qualitatibus alteratiuis. 321.

Resolutio usque ad materiam primam an
detur. 27.

S

Sanguis an sit animatus, 495.

Sapor. 541.

Semina rerum in principio mundi undecun-
que dispersa. 110. & seq.

Sensatio hominis & bruti. 473. in quo su-
biectetur. 514.

Sensus quotuplex sit. 539. internus an detur
in anima pure sensitiva. 540. obiecta
sensuum interiorum 516. organum vi-
sus. 542. ubi fiat visio. 545. unde habea-
tur appatens geminatio obiecti. 547. or-
gana sensuum interiorum. 549. appetitus
sensitivus quid sit & quid habeat pro o-
becto. 550. obiecta sensuum externo-
rum.

Series naturalis effectum. 194. & seq.

Sonus. 553. & seq.

Species impressa & expressa. 657 & seq. impressa datur in potentia visiva 660. in tactu 662. & seq. in auditu. 666. in sensibus internis & in intellectu. 667. & seq. quomodo recipiantur in organo. 643. relinquuntur in actibus. 682. & seq. in his consistunt habitus. 684. quomodo excitentur in anima separata. 719.

Stoici perniciosiores Epicureis. 749.

Subiectum denominationis & inhesionis. 15

Substantia an agat intra se ipsam. 76. an & quomodo extra se. 80, sit immediate à solis accidentibus in genere virtutis create. 86.

Successuum an compossibile cum immateriali. pag. 591.

Successio animarum in generatione. 441.

T

Temperans quis sit. 462.

Terminus actionis generatiuæ. 5. corruptiuæ. 11. magnitudinis & paruitatis in qualitatibus. 329 & seq.

Totum an sit subiectum accidentium. 22.

V

Vegetatio hominis & bruti. 747. in quo subiecto recipiatur. 517.

Verbum mentis. 658.

Verum qui obiectum Intellectus. 726.

Vir-

- Virtus an habere possit rationis finis. 743.
 Vita quid sit & quotuplex. 417. in quo formaliter consistat. 418. conceptus vitæ communis Deo & creaturæ an detur. 431.
 Viuens an habeat plures animas simul. 431. an successive. 462. an habeat necessario partes etherogeneas. 483. quibus partibus constet. 493. quænam partes viuentis viuant. 494. & seq.
 Vnio an sit terminus formalis actionis generatiuæ. 5.
 Vnum per se an stet cum pluralitate formarum. 453.
 Voluntas an se ipsa sit adæquate libere. 149. an & quomodo moueatur à solo Deo. 165. & seqq. quomodo moueat se. 166. & seqq. eius indifferentia comparata cum indifferentia intellectus. 167. & seqq. an habeat solum bonum pro obiecto 724. & 766. an amare possit negationem essendi. 728. an habeat appetitum innatum ad summum bonum. 742. an necessitetur quoad exercitium ad amorem boni. 754. an distinguatur ab Intellectu. 504. an possit omittere libere. V. Omissio.




IN ARISTOTELIS

LIBROS

DE ORTV

& Interitu.

DISPVATIONES .



HILOSOPHICI Cur-
sus annum tertium de
ortu & Interitu inscri-
bimus, non quod ortus
& Interitus sensibilibum


rerum totum huius anni studium
sibi vindicet, sed quod primum. Ani-
masticam enim tractaturi, non me-
diocrem illi nostrorum studio-

Tom. III:

A

rum

rum partem debemus. Metaphysicam autem, cuius nomen hic annus habet, non ita in hunc annum reseruauimus, vt non illam magna ex parte in alias huiusce operis partes distribuuerimus. Quam multa enim in Logica, & Physica, quę Metaphysicę propria sunt, tractata inuenies; hic tamne cum de Deo, vt pote prima rerum omnium causa, agendum sit, habebis præcipua.



DISPUTATIO I.

De Generatione & Corruptione .

QVÆSTIO I.

De Generatione .

ARTICVLVS I.

*Quid sit Generatio ; quis terminus actionis
generatiuæ ;*

PHILOSOPHVS lib. 1. de Gene-
rat. & Corrupt. textu 23. sic habet :
*Quando totum transmutetur non ma-
nente aliquo sensibili ut subiecto eo-
dem : sed ut ex genitura tota sanguis , aut
ex aqua aer , aut ex aere omni aqua . genera-
tio iam hoc tale : huius autem corruptio .* Ex
his Philosophi verbis compingitur genera-
tionis definitio : *mutatio totius in totū nullo
sensibili remanente ut subiecto eodem .* Ge-
nerationis exempla adducit Philosophus
in mutatione aeris in aquam , aquæ in æ-
rem , & alijs huiusmodi .

Definitionem hanc non conuenire om-
ni omnino generationi manifestum est . Nā
Generatio Verbi Diuini quæ maxime &
proprissime generatio est , definitionem
huiusmodi non sustinet . Sed generationem

à quo profluat 377. graua an grauitent
in propriis locis. 384. quomodo moue-
ant se. 419. cur minus ponderent in aqua
quam in aere. 387. cur velocius in fine
moueantur. V. Motus.

H

Habitus quid sit. 682. in quo consistat. 684.
an oppositi stent simul. 694. Intellectus
& voluntatis qui differant. 697. 699. quo-
modo pendeat à phantasmate. 712. an in-
tendatur per actus remissos. 703. & seq.
quomodo remittatur. 705. & seq. & cor-
rumpatur. 708. & seq. per quid actuetur
in anima separata. 719. an in anima sepa-
rata sit corruptibilitas. 718.

Homogeneitas graduum. V. Gradus, & In-
tensio.

I

Imaginatiua per quid differat in operando
ab intellectiua 589. & seq. 693. Imagi-
natio quos modo moueat corpus. 272. &
seq.

Instrumentum aliud coniunctum aliud se-
paratum. 121. an eleuetur in agendo à
principali. 122.

Intellectus qui habeat pro obiecto verum .
726. In quo sensu sit quodammodo om-
nia. 661. an intelligat dependenter à spe-
ciebus. 669. an distinguatur à voluntate .
504. agens & possibilis. 669. vter nobilior.
672.

In-

Intensio qualitatis quid sit. 42. per quid formaliter habeatur. 50. 57. an per partes homogeneas 63. unde maior in remoto quam in proximo? 289. V. Alteratio. V. Antiperistasi. V. Gradus.

L

Leue quid sit. 374. an leuiter in proprio loco. 384. quomodo moueat se. 419. **Leuitas** quid sit. 375. & seq. à quo immediate profluat. 377.

Libertas necessitate. 148. & 158. an sufficiat ad ipsam cognitio indifferens. 153. **Libertas** contrarietatis & contradictionis. 776. **Libertas** diuina & humana circa eundem actum. 181. **Libertas** actus an prærequirat cognitionem indifferentem circa ipsum, an solum circa obiectum ipsius. 788 & seqq. an sit intrinseca actui. 791. & seqq.

Lumen quid sit. 555. qui differat à calore. 153. **Luminosum** an agat in simile. 149. 151.

M

Malum an possit amari. 730. & seq. an detur summum. 764. an si daretur necessario odio haberetur. 767. **malum** culpæ an maius quam **malum** pænæ. 763. an pænæ & culpæ maius quam solum culpæ 766.

Materia sola est subiectum inhesionis accidentium 15. mediante quantitate. 19. an sit forma corporis. 481.

Mix-

Mixtio quid sit, V. Elementum.

Motus per quid in fine velocior. 387. & seq.
vnde augeatur in proiectis. 394. & seq.

Mouens immobile est infinite perfectum.
228. & 232. motus primi mouentis qui
recipitur in diuersis mobilibus. 169.

N

Negato essendi an possit apperi. 728.

Nutritio quid sit, 523. quomodo fiat. 524.
In homine. 643.

O

Oculus, V. sensus,

Odium an possit esse maius sui quam alterius. 737.

Odor. 551.

Omissio pura libera an repugnet. 775. an
possit eligi præ actu. 768. & seqq. an possit
de illa reddi ratio. 802. an sit possibilis in
Deo. V. Deus.

Ordo grauium & leuium vnde habeatur.
380 an & quomodo detur in natura ordo
perse. 73.

P

Partes viuentis an alia aliis prius formen-
tur. 534. an omnes animatae 495. & seq.

Perfectio causæ quomodo arguatur ex effe-
ctu. 127. perfectius ex genere & perfecti-
us ex toto genere. 671.

Perficece an sit subiectari in eo quod perfici-
turi 25. Phan.

Phantasia an sit potentia reflexiva. 591.

Phantasmata quomodo excitentur in anima. 714

Potentia creata principaliter creativa an sit possibilis. 594. an saltem instrumentaliter 606. potentia obedientialis ad omnia an detur. 608. an sit possibilis. 612. 696. 619. & seqq.

Potentia nunquam redigenda ad actum an implicet. 460.

Potentia animæ rationalis aliæ organicæ aliæ inorganicæ. 502. an distinguantur ab anima & inter se 504.

Potentia animæ sensitivæ. V. Sensus.

Prædeterminatio phyfica an compossibilis cum libertate. 146. & seqq.

Pulchrum quid sit. 649.

Punctum concursus. 293. quomodo in ipso qualitas intendatur. ibid. & seq. In puncto reflexionis an detur quies. 396. & seqq.

Q

Qualitates contrariæ vel mediæ quid sint 42. an habeant terminos magnitudinis & paritatis. 328. & seq. qualitates primæ quot & quæ? 335. & seq. quæ & qualiter in quolibet elemento 341. 350. & 355. symbolæ an sint eiusdem rationis in diversis. 358. an magis activæ sint minus resistivæ & quomodo. 409.

Quantitas primum accidens. 18. subiectum immediatum aliorum. 19.

Quies in puncto reflexionis. 396. &c. quies ho-

hominis ut homo est 746. & seq.

R

Ranarum ex putri na scentium causa. 109
& seq.

Rarum quid sit. 364. per quid formaliter
habeatur. 365. & seq. 368.

Reactio. 320.

Reflexio. 228. eius lenes. 229. in puncto re-
flexionis an detur quies. 396. & seq.

Refractio 189. eius leges. 291.

Remissio qualitatis. 42.

Resistentia quid sit & quotuplex. 320. an de-
tur in qualitatibus alteratiuis. 321.

Resolutio usque ad materiam primam an
detur. 27.

S

Sanguis an sit animatus, 495.

Sapor. 541.

Semina rerum in principio mundi vnde cum
que dispersa. 110. & seq.

Sensatio hominis & bruti. 473. in quo su-
biectetur. 514.

Sensus quotuplex sit. 539. internus an detur
in anima pure sensitiva. 540. obiecta
sensuum interiorum 516. organum vi-
sus. 542. ubi fiat visio. 545. unde habea-
tur apparens geminatio obiecti. 547. or-
gana sensuum interiorum. 549. appetitus
sensitivus quid sit & quid habeat pro o-
becto. 550. obiecta sensuum exteriorum.

Series naturalis effectum. 194. & seq.

Sonus. 555. & seq.

Species impressa & expressa. 657 & seq. impressa datur in potentia visiva 660. in tactu 662. & seq. in auditu. 666. in sensibus internis & in intellectu. 667. & seq. quomodo recipiantur in organo. 643. relinquuntur in actibus. 682. & seq. in his consistunt habitus. 684. quomodo excitentur in anima separata. 719.

Stoici perniciosiores Epicureis. 749.

Subiectum denominationis & inhesionis. 15

Substantia an agat intra se ipsam. 76. an & quomodo extra se. 80, fit immediate à solis accidentibus in genere virtutis create. 86.

Successuum an compossibile cum immateriali. pag. 591.

Successio animarum in generatione. 441.

T

Temperans quis sit. 462.

Terminus actionis generatiuæ. 5. corruptiuæ. 11. magnitudinis & paruitatis in qualitatibus. 329 & seq.

Totum an sit subiectum accidentium. 22.

V


Vegetatio hominis & bruti. 747. in quo subiecto recipiatur. 517.

Verbum mentis. 658.

Verum qui obiectum Intellectus. 726.

Vir-


- Virtus an habere possit rationis finis. 743.
- Vita quid sit & quotuplex. 417. in quo formaliter consistat. 418. conceptus vitæ communis Deo & creaturæ an detur. 431.
- Viuens an habeat plures animas simul. 431. an successive. 462. an habeat necessario partes etherogeneas. 483. quibus partibus constet. 493. quænam partes viuentis viuant. 494. & seq.
- Vnio an sit terminus formalis actionis generatiuæ. 5.
- Vnum per se an stet cum pluralitate formarum. 453.
- Voluntas an se ipsa sit adæquate libere. 149. an & quomodo moueatur à solo Deo. 165. & seqq. quomodo moueat se. 166. & seqq. eius indifferentia comparata cum indifferentia intellectus. 167. & seqq. an habeat solum bonum pro obiecto 724. & 766. an amare possit negationem essendi. 728. an habeat appetitum innatum ad summum bonum. 742. an necessitetur quoad exercitium ad amorem boni. 754. an distinguatur ab Intellectu. 504. an possit omittere libere. V. Omissio.



IN ARISTOTELIS
LIBROS
DE ORTV

& Interitu.

DISPVATIONES.




PHILOSOPHICI Cur-
sus annum tertium de
ortu & Interitu inscri-
bimus, non quod ortus
& Interitus sensibilibum
rerum totum huius anni studium
sibi vindicet, sed quod primum. Ani-
masticam enim tractaturi, non me-
diocrem illi nostrorum studio-

Tom. III.

A rum

rum partem debemus. Metaphysicam autem, cuius nomen hic annus habet, non ita in hunc annum reseruauimus, vt non illam magna ex parte in alias huiusce operis partes distribuuerimus. Quam multa enim in Logica, & Physica, quæ Metaphysicæ propria sunt, tractata inuenies; hic tamne cum de Deo, vt pote prima rerum omnium causa, agendum sit, habebis præcipua.



DISPUTATIO I.

De Generatione & Corruptione .

QVÆSTIO I.

De Generatione .

ARTICVLVS I.

Quid sit Generatio ; quis terminus actionis generatiuæ ;

PHILOSOPHVS lib. 1. de Generatione & Corruptione textu 23. sic habet : *Quando totum transmutetur non manente aliquo sensibili ut subiecto eodem : sed ut ex genitura tota sanguis , aut ex aqua aer , aut ex aere omni aqua . generatio iam hoc tale : huius autem corruptio .* Ex his Philosophi verbis compingitur generationis definitio : *mutatio totius in totū nullo sensibili remanente ut subiecto eodem .* Generationis exempla adducit Philosophus in mutatione aeris in aquam , aquæ in aerem , & alijs huiusmodi .

Definitionem hanc non conuenire omnino omnino generationi manifestum est . Nā Generatio Verbi Divini quæ maxime & propriissime generatio est , definitionem huiusmodi non sustinet . Sed generationem

eius quis enarrabit : Prædicta igitur definitio soli generationi conuenit quæ est ab agente naturali naturaliter operante . Non enim solum ex nihilo nihil fit , sed nulla substantia fit quæ non ex alia substantia fiat : adeoque agens naturale naturaliter operando non generat , nisi vnâ substantiam in aliam conuertendo : puta lignum in ignem , aerem in aquam , vel è conuerso , Generat autem formaliter , vt alibi dictum est , per hoc quod formam communicet subiecto præsupposito , siue formam huiusmodi producat , siue non , Propterea æque proprie homo generat hominem ac ignis ignem . quamuis non æque producat formam hominis homo , ac formam ignis , ignis . Vtrobique autem producit à generante ratio formaliter communicatiua formæ ad subiectum , quæ est vnio , hoc est ratio formalis qua duo extrema fiunt vnum quid .

Dicitur igitur *mutatio totius in totum* , non quod in substantia genita nihil esse debeat de substantia corrupta . Docet enim Philosophus esse subiectum commune transmutationum huiusmodi , hoc est tam formæ subsistens quæ de nouo ponitur in natura , quam subabat formæ , quæ à rerum natura appellitur : sed quia nec substantia simpliciter remanet secundum se totam , neque secundum vllam sui particulam : vnde dicit Philosophus in aqua quæ ex aere fit non remanere aeris particulam : aliter non totus aer esset mutatus in aquam .

Dicitur præterea : *Nullo sensibili remanente*

nente ut subiecto eodem; per quas particulas explicat Philophsus discrimen inter generationem & alterationem, hoc scilicet inter mutationem substantiæ in aliam substantiam, & mutationem eiusdem substantiæ secundum passiones, puta ex calida in frigidam, &c. Nam idem homo est modo calidus modo frigidus: & idem æs modo rotundum modo angulare; quia mutationes huiusmodi sunt secundum accidentiā. adeoque in eodē subiecto simpliciter, hoc est in substantia, quæ recte ponitur pro subiecto aliorum prædicamentorum: ut explicatū est alibi. Quod autē nomine subiectū sensibills intelligat Philophsus substantiam simpliciter, patet ex ipsius explicatione, in qua habes in mutatione æris ex rotunde in angulare, remanere idem subiectum, secus autem in mutatione aeris in aquam: cum tamen certum sit ex eiusdem doctrina tam in aere, quam in aqua esse idem primum subiectum, hoc est eandem materiam primam.

Actionis autem generatiue terminus simpliciter & absolute est substantia quæ de nouo fit; Rectè enim dicis gigni de nouo ignem, hominem, plantam & sic de cæteris. Qui tamen pro termino actionis generantis ut talis, nihil aliud intelligere volun quam id quod per huiusmodi actionem formaliter de nouo ponitur in rerum natura, disputant an terminus ilius sit forma, an unio formæ ad materiam.

In hac dubitatione dicendum est terminū formalem actionis generantis ut talis, esse v-

nionē. Patet ex dictis, quia actio est formaliter generatiua per hoc quod communicet formam materiæ; communicat autē formā materiæ per hoc quod producat vnionem: igitur est generatiua per hoc quod producat vnionem. Explicatum est hoc, vbi dictū est hominem æque proprie generari ab homine. ac ignem ab igne cum tamen certum sit actione generatiua nō attingi formā, hoc est animam humanam, sed vnionem eiusdē animæ ad materiam: non attingi, inquam, animam humanam, vt id quod fiat, quamuis attingatur vt id quod communicatur.

Hinc etiam non per hoc formaliter solū quod pereat forma, sed per hoc quod separatur à subiecto destruitur simpliciter seu corrumpitur totum: vnde sicut æq; proprie gignitur homo, ac equus: ita etiam æque proprie moritur: primū fit per productione; secundum per destructionem vnionis, extremum extremo communicantis.

Dices: homo dicitur generare hominem per hoc quod disponat materiam ad receptionem animæ: g. non dicitur generare per hoc formaliter quod communicet formam materiæ. Antecedens probatur ex doctrina D. Thomæ in quæst. disp. quæst. 3. art. 4. vbi sic habet. *Quadam creantur nulla materia presupposita nec ex qua nec in qua: sicut Angeli & corpora celestia, & ad horū creationem natura nihil operari potest dispositiue: quadam vero creantur etsi non presupposita materia ex qua sint, presupposita tamen materia in qua sint, vt animæ humane. Ex*

par-

parte illa ex qua habent materiam in qua natura potest dispositiue operari, &c. Vbi docemur quod natura quæ nequit concurrere ad productionem Angeli: potest concurrere & concurrat de facto cum Deo ad productionem hominis: sed hic concursus est formaliter ipsummet generare: ergo homo generat hominem per hoc quod disponat materiam ad animam.

Resp. disting. antec. homo generat &c.: dispositiue: concedo: formaliter: nego. Sicut ignis per hoc quod disponat materiam ad receptionem formæ, non formaliter sed dispositiue generat ignem, ita homo per hoc quod disponat materiam ad receptionem animæ, non formaliter, sed dispositiue generat hominem. Quod autem solum dispositiue facit aliquid, non facit illud simpliciter, & consequenter plusquam dispositiue homo generat hominem, quandoquidem simpliciter & absolute generat hominem: non autem per productionem animæ ergo per communicationem eiusdem, vt dictum est.

Dices secundo. Actio qua educitur forma de potentia subiecti est generatiua: ergo terminus formalis actionis generatiue est forma & non vnio.

Resp. primo: trans. antec. negando consequ. Dictum est in Physica actionem educitiuam formæ esse etiam educitiuam vnionis. Sed actio educitiua vnionis est generatiua: ergo actio educitiua formæ est generatiua.

Resp. secundo. Disting. antec. educitiua

ormæ, qua talis, est generatiua: nego: qua
eductiua vnionis: concedo ant. & nego con-
sequentiam. Actio generatiua: hominis est
eductiua vnionis, non autem eductiua for-
mæ: & tamen est propriissime generatiua.
Si igitur in vna eademq; actione reperian-
tur istæ duæ rationes, videlicet quod sit &
eductiua formæ & eductiua vnionis, erit
generatiua prout eductiua vnionis, non au-
tem prout eductiua formæ.

Instabis: per hoc formaliter quod agens
educat formam de potentia subiecti, ge-
nerat: ergo actio est generatiua prout edu-
ctiua formæ.

Resp. dist. ant. generat substantiam seu
totum, nego, generat formam, omitto ant.
Idem dic consequenti. In homine seu in
productione hominis duæ actiones inter-
ueniunt: altera terminata ad animam, altera
ad vnionem animæ ad corpus: per secun-
dam formaliter generatur homo, per primā
creatur anima: ratio igitur productiui for-
mæ est non solum ratione sed re separabilis
à ratione productiui vnionis. Duæ istæ ra-
tiones quæ indiuisis realiter distinguuntur,
distinguuntur saltem formaliter in vno co-
demque, si vni eidemque conueniant. Iux-
tā vnā, non autem iuxta alteram sustine-
tur ratio generatiui. Ratio generantis pro-
priissime reperitur in homine: ergo ad ra-
tionem generantis non requiritur quod
producat formam, & consequenter etiam
vbi datur ratio producentis formam, non
facit ad rationem generantis. Sicut ratio
ani-

animalis, propriissimè reperitur in cane
ergo ad rationem animalis non requiritur
quod sit hinnibile, & consequenter etiam
vbi datur hinnibile, non facit ad rationem
animalis.

Q V A E S T I O - II.

De Corruptione.

EX intelligentia generationis habes in-
telligentiam corruptionis, sicut ex in-
telligentia formæ intelligentiam priuation-
nis. Puta ex intelligentia videntis intelli-
gentiam cæci. Quemadmodum enim per
generationem aliquid, quod antea non e-
rat, incipit esse; ita per corruptionem a-
liquid quod antea erat, desinit esse. Id quod
in aliud conuertitur, esse desinit, hoc autem
in quod illud conuertitur, incipit esse. Potest
igitur ex definitione generationis formari
definitio corruptionis: mutatio totius in
non totum. Quæ contingit per hoc quod
primum subiectum transeat à forma ad non
formam. Nam sicut generatio seu concep-
tus generationis terminatur ad esse illius rei
quæ fit ita conceptus corruptionis termi-
natur ad non esse rei quæ destruitur.

Sed ecce suboritur scrupulus in eo quod
diximus, primo esse, seu primo existere id
in quod aliud mutatur, seu conuertitur. Nā
in Venerabili Sacramento Eucharistiæ sub-
stantia panis vere conuertitur in corpus; &
substantia vini vere conuertitur in Sangui-

nem Christi Domini, & tamen neque corpus neque sanguis per conuersionem huiusmodi incipiunt esse. Hinc apparet naturalia quidem nota fuisse Philosopho, ignota autem supernaturalia.

Dicendum est circa nouū hoc esse & corpus Christi Domini sub accidentibus panis, & sanguinis eiusdem sub accidentibus vini, esse multiplicem opinionem. sunt qui dicant Corpus Christi Domini quāuis ante existens iterum tamen produci sub prædictis speciebus & toties eiusdem productionem iterari, quoties conficitur Sacramentum. In hanc sententiam vergunt non pauci ex ijs, qui idem pendere posse asserunt per multiplicem actionem totalem à multiplici causa totali; non tamen omnes; quia etiam qui hoc sentiunt possunt circa illud aliter, sine vlla incohærentia sentire. Iuxta hanc opinionem per conuersionem prædictam Corpus Christi Domini de nouo existit non simpliciter quasi antea non existeret, sed secundum quid, videlicet secundum nouam dependentiam in esse ab illa causa à qua antea non pendeat.

Alij negant Corpus Christi Domini produci per actionem conuersiuam panis in ipsam; quam aiunt terminari ad Corpus Christi Domini non vt ad terminum, quem efficiat, sed vt ad extremum quod communicat accidentibus; cum quibus constituit vnum Sacramentum, terminum autē formalem, seu qui fit, actionis prædictæ esse vniōem prædicti corporis ad prædicta

Et accidentia. Dicitur igitur actio conuerſiua abſque eo quod efficiat illum terminum, in quem terminus deſtructus conuertitur. Hæc ſententia eſt longe probabilior, quam altera, & maxime conſonat his quæ & hic, & alibi dicta ſunt à nobis.

Dicendum eſt igitur per conuerſionem produci ſubſtantiam de nouo, ſi huiusmodi conuerſio ſit intra ordinem naturæ, de qua ſola hic cum Philoſopho philoſophamur. Cæterum eſſe poſſibilem conuerſionem, in qua ſubſtantia in quam alia conuertitur, nõ fiat de nouo, habes ex Euchariſtiæ Sacramento, in quo non niſi à paucis, & quidẽ improprie dicitur iterũ prodnci Corpus Chriſti, paucis, inquã, ſi cum numero hoc idem negantium comparentur. Non tamen habes fieri conuerſionem vnius ſubſtantię in aliam abſq; eo quod quidquã fiat de nouo: nam etiam in conuerſione Euchariſtica de nouo fit Sacramentũ, idq; per productionẽ vnionis inter corpus Chriſti, & accidentia. Hæc conuerſio quia eſt ſpecialis, etiã ſpeciale nomen obtinuit, diciturq; tranſubſtantiatio, per quam videlicet non ſolum forma, ſed etiam materia prioris ſubſtantię abit in nihilum, ſuccedente ſub ſpeciebus relictis tota ſubſtantia, tam ſecundum materiam, quam ſecundum formam corporis, & ſanguinis Chriſti Domini.

Porro quemadmodum quærebatur ſupra terminus generationis, ſeu actionis generatiuæ, quæri poteſt hic terminus corruptionis, ſeu actionis corruptiuę. Quæ in re

reuocandum est id, quod alibi diximus, videlicet corruptionem vnius esse generationem alterius, & è conuerso. Eadem igitur actio, quæ est corruptiua ligni, est generatiua ignis, & sic de cæteris. Hinc sequitur terminum actionis corruptiuae esse substantiam quæ de nouo gignitur. Pater hoc: terminus actionis generatiuae est res, quæ gignitur, actio generatiua, & actio corruptiua sunt idem: ergo terminus actionis corruptiue est res quæ gignitur. Quia tamē illa eadem actio, quæ ponit vnum, tollit aliud; propterea dixerunt non esse rei, quæ destruitur esse aliquo modo terminum actionis corruptiue, cum præcipuè ipsemet conceptus corruptiui si conceptus damnantis ad non esse, id quod antea erat. Potest igitur dici terminum per se actionis corruptiuae, & primarium esse substantiam quæ fit, terminum verò per accidens & secundarium esse non esse rei, quæ destruitur.

D. Thomas ex Philosopho multis in locis, sed præcipuè, & luculenter hoc explicat lib. 3. contra Gentes cap. 6. §. ultimo; vbi sic habet: *Numquam inuenitur mutatio corruptionis siue mutatione generationis, & per consequens nec finis corruptionis siue fine generationis. Natura ergo non intendit finem corruptionis seorsum à fine generationis, sed simul vtrumque, non enim est de intentione naturæ absoluta, quod non sit aqua, sed quod sit aer, quo existente non est aqua. Hoc ergo quod est esse aerem intendit natura secundum se, hoc verò quod est non esse*

esse aquam non intendit nisi in quantum est coniunctum ei, quod est esse aerem, sic igitur priuationes à natura non secundum se intente sunt, sed secundum accidens, formæ verò secundum se. Doctrinam hanc quā explicatis Doctor, & exemplificat in corruptione aquæ, eiusdemque conuersione in aerem, alibi attigimus. Tu illam applica omni corruptioni.

Denique proloquium hoc : *Generatio vnius est corruptio alterius*, alibi etiam explicatum habes. Quemadmodum autē dicimus hic per illam eandem actionem, per quam vnum gignitur, corrumpi alterū : dic etiam per illam eandē actionem qua vnum disponitur ad interitum, disponi alterum ad ortum, & sic non solum loquendo de generatione, & corruptione formali, sed etiam de dispositiua, verum erit : *Generatio vnius est corruptio alterius*, & e conuerso

Q V A E S T I O III.

De resolutione vsque ad materiam primam.

A R T I C V L V S I.

De subiecto accidentium.

Consentiunt Peripatetici omnes in perseuerantia subiecti communis in utroque extremo conuersionis. Puta eandem esse materiam primam, quæ est in igne,

igne, ac eam quæ fuit in ligno. Cū hac consensione dissentiunt deinde in pluribus. Primo an in substantia vel omni, vel aliqua, præter illam formam per quā constituitur ultimo in hac specie entis, detur aliqua alia forma substantialis. v. g. an in cane præter animā canis detur forma substantialis corporis: negant Thomistæ. Scotistæ affirmant. Secundo, an siue data, siue negata forma corporeitatis, dentur in eodem formæ substantiales partiales, pura forma cerebri diuersa substantialiter à forma cordis; forma ossis diuersa à forma carnis, & sic de cæteris. Tertio, an ijs omnibus siue datis, siue negatis remaneant in substantia genita ex ijs accidentibus aliqua, quæ erant in corrupta. De duobus primis agitur ex professo in libris de anima. De tertio disputatur hic, & vt methodicè disputatur; quæritur primo, an prædicta accidentia habeant pro subiecto totam substantiam, an illam partē substantiæ quæ est primum subiectum: hoc est, an solam materiam primam.

Pro resolutione quæstionis sciendum est hoc nomen *Subiectum* accipi posse vel pro subiecto denominationis, vel pro subiecto inhesionis. Subiectum denominationis est quod sustinet denominationes, quæ habentur per accidentia prædicta, hoc est tota substantia: nam de homine simpliciter dicitur s est calidus: vel frigidus, cuitus. aut longus, & sic de cæteris. Substantiæ enim dicuntur ageri, & pati, & vt alibi diximus cæteris omnibus prædicamentis substantiæ.

Subiectum inhaſionis eſt illud, de cuius potentia formæ educuntur. His poſitis.

Dicendum eſt accidentie, de quibus hic, recipi inhaſiue non in toto, ſed ſolum in primo ſubiecto. Probatur concluſio: quia recipi inhaſiue in aliquo ſubiecto dicit præſuppoſitionem ſubiecti recipientis: ſed non totum præſupponitur accidentibus, ſed ſolum primum ſubiectum, ergo non totum, ſed ſolum primum ſubiectum eſt ſubiectum inhaſionis accidentium. Maior patet ex definitione ſubiecti inhaſionis, & ex alibi dictis, ubi probatum eſt materiam primam ex ratione cauſæ paſſiuæ habere prioritatem naturæ reſpectu eorum, quorum eſt cauſa. Probantur iam minor, quia accidentia quæ ſunt in genitu natura præſupponitur formæ, quæ eſt in genito, formæ inquam ſubſtantiali: ergo ipſa forma ſubſtantialis nequit natura præſupponi ipſis accidentibus. Conſequentia liquet ex dictis in *Phyſice*, ubi repudiata eſt mutua prioritas naturæ. Præſupponi autem accidentia formæ ſubſtantiali probatur, quia accidentia quæ introducuntur in materiam formæ deſtruendæ ſunt diſpoſitione ad formam producendam, ad eamq, actiuè concurrunt. Immo; vt dictum eſt, ſecundum intentum naturæ primarium ſunt propter formam indecendam, ſolum autem ſecundario ad aliam expellendam.

Hoc argumentum, quod militat contra rationē ſubiecti in toto reſpectu prædictorum accidentium, puta reſpectu caloris, fri-

gris, & aliorum huiusmodi, quæ communiter dicuntur realia, & communia, nō militat contra aliud genus accidentium, puta, contra actus vitales. Non enim hac rationatione probabis animam in corpore animato non esse parziale subiectum, etiam inhaesionis sensationū totius. Ratio disparitatis est evidens, quia sensationes, puta auditio, visio, tactio, & alia huiusmodi non sunt dispositiones ad animam, nec præcedunt, sed consequuntur solum eiusdem existentiam.

Confirmatur conclusio posita à paritate formæ substantialis, quam evidens est recipi in solo primo subiecto. Contra tamen hanc confirmationē est obuia Aduersariorū responsio duplex. Prima est formam substantialem non recipi in toto, quia implicat in terminis recipi in se ipso: adeoq; forma nequit esse subiectum parziale sui. Hoc autem non accidit in accidentibus, ut constat. Secunda est formam substantialem esse primū actū: primū autem actum non recipi in alio actū, patet ex terminis, cum veto forma accidentalis sit secundus actus, non solum non repugnat recipi in alio, sed ex ipso conceptu secundi actus, petere videtur recipi in alio, qui sit primus.

Prima responsio est clara, sed non infirmat confirmationem adductam; tam enim primum subiectum est sufficiens ad rationem subiecti adæquati respectu accidentis quam respectu formæ substantialis. In secūda fit æquivocatio in nomine primi actus.

Forma substantialis dici potest primus actus, quia est primario, & per se intenta à natura, secundario autem & in gratiā ipsius intenditur accidēs. Hæc prioritas est dignitatis, nec exigit vt in natura prius existat forma substantialis, quam accidentalis: immò sæpe congruit vt id quod primo intenditur ultimo ponatur, & è conuerso, iuxta illud *Primum intentione. ultimum in executione*. Secundo dici potest forma substantialis primus actus, eo quod nolum vumquā accidens adueniat materiæ, nisi habenti formam aliquam substantialem. Nam agens naturale nunquam agit in materiam spoliatam omni forma substantiali. In vtroque sensu fiat acceptio primi actus nihil fauet Aduersarius. Prima acceptio est magis legitima. Quod si pro primo actu intendit Aduersarius actum subiectantem aduentitios actus: nega formam substantialem esse primum actum & dic actus accidentales recipi non in actu substantiali, sed in subiecto eiusdem. In forma igitur distingue: forma substantialis est primus actus secundum ordinem dignitatis concede, secundum ordinem existentix, nega, seu; prius prioritate executionis, nega prioritate intentionis; concede, & dic patere ex terminis dispositiones præire rei, ad quam sunt dispositiones.

Deniq; probatur eadem conclusio: quia ageos naturale in eo instanti, in quo educit formam de potentia materiæ, præsupponi materiam quantam: ergo quantitas præsupponi.

ponitur actioni agentis, & consequenter formæ substantiali, quæ per talem actionem producitur. In veritate antecedentis est ratio, ex qua D. Thomas, & alij aiunt quantitatem esse in materia pro priori ad quodlibet aliud accidens; ut indicatum est in *Physicis*, ubi de quantitate. Nam agens naturale non agit, nisi extensum, & in subiectum extensum. Docent enim Philosophus quod punctum, si detur, nec agit, nec patitur: extensio autem habetur formaliter per extremitatem partium in ordine ad locum, hæc autem radicatur in quantitate, ut dictum est in loco.

Dices: agens naturale presupponit quantitatem non quæ sit, sed quæ fuerit, ero &c.

Resp. quantitatem quæ fuit & non est, non apte materiam passioni: debet autem in illo eodem instanti in quo patitur formam, esse apta pati; igitur non sufficit quantitas quæ solum fuerit, sed necesse est ut sit: iuxta nos autem est apta per quantitatem, quæ fuit & est, ut patebit ex sequentibus. Quod autem si quantitas præsupponatur in materia ad formam, forma nequeat eidem mutuo præsupponi, adeoque nec esse eiusdem subiectum, putet ex dictis.

Dubitatus autem; an primum subiectum seipso immediate, an mediante quantitate subiectet alia accidentia. Quantitatem esse accidens superadditum rei quantæ supponitur hic sufficienter probatum in *Physica*. Hanc eandem non subijci in primo subiecto mediante alia accidente, patet ex dictis: qui enim primum accidens mediate priori

accidente in materia subiectionetur? superest igitur indagandum an cetera accidentia, puta calor & frigus mediante ipsa in materia subiectionentur.

Dicendum est subiectionari in materia mediante quantitate. Probatur hæc conclusio ex Mysterio venerabilis Eucharistiæ. In hostia consecrata æque ac in alia contingit vel ab ambiente vel à qualibet alia causa produci de nouo calorem & frigus, siccitatem & humiditatem. Vel igitur qualitates huiusmodi educuntur de potentia subiecti, vel nullo concurrente subiecto producuntur. Si secundum: creantur. Si primum: non est subiectum ex quo educantur aliud quam quantitas. Nam in hostia consecrata non remansit vlla pars substantialis panis conuersi in Corpus Christi: adeoque nequit pro subiecto assignari materia quæ prius erat pars panis aut panis ipse. Corpus autem Christi Domini nihil huiusmodi patitur, nec est aptum pati seu secundum se totum, seu secundum materiam sui: superest igitur vt quantitas panis ipsi pani superest, sit subiectum ex quo prædicta accidentia educantur.

Ex hoc autem quo quantitas appareat ibi subiectum cæterorum accidentium immediatum recte infertur conclusio supra posita. Nam calor aut frigus, & cætere huiusmodi manent in eo subiecto, in que erant, tota autem accidentium collectio, quæ continetur ipsa quantitas, manet sine subiecto. Nota obiter quod siue sola materia, siue totum indicatur esse subiectum inhaesio-

nis

nis accidentium, est eadem ratio pro quantitate, vt consideranti patebit.

Dices: accidens nequit esse subiectum accidentis, g. quantitas non est subiectum immediatum aliorum accidentium.

Resp. cum D. Thoma distinguendo antec. nequit esse subiectum per se concedo ant. nequit esse subiectum per accidens: nega antec. Subiectum per se vocat hic D. Thomas id quod ita subiectat aliud vt ipsum non indigeat in alio subiectari. Subiectum autem per accidens id quod ita subiectat aliud; vt & ipsum in alio subiectetur: primi generis non est quantitas, sed secundi. Hoc est quantitas subiectat alia accidentia non ratione sui, sed ratione materiæ in qua subiectatur: vnde etiam respectu accidentium habes in materia rationem primi subiecti.

Dices secundo. Posset dici quod deficiente materia succedit quantitas in munere subiecti; & consequenter accidentia subiectari immediate in materia per se, per accidens autem & ex defectu materiæ in quantitate; adeoq; ex hoc quod in conuersione Eucharistica accidentia cætera subiectentur in quantitate, non habetur quod quantitas dicenda sit simpliciter & absolute subiectum immediatum reliquorum accidentium.

Resp. nullam esse necessitatem hæc transmigrationem faciendi circa accidentia de materia in quantitate, sed quemadmodum non miraculose sed naturaliter in quantita-

re recipiuntur noua; ita etiam naturaliter insunt vetera accidentia. Hoc est tam naturaliter inest quantiti calor, qui erat in pane, quam in eadem recipitur aut calor aut frigus, aut quodlibet aliud huiusmodi, quod hostiæ consecratæ de nouo accidit.

A R T I C V L V S II.

Satisfit obiectionibus.

Objicitur 1. Totum simpliciter & absolute sustinet denominationes ab accidentibus; ergo in toto simpliciter & absolute recipiuntur accidentia; totum autem non est sola materia; ergo accidentia non recipiuntur in sola materia. Antec. patet: quia de homine simpliciter & absolute dicitur, est niger: est albus, est longus aut curtus, & sic de cæteris.

Resp. primo quod eo ipso quod accidentia recipiuntur in aliqua parte totius, recipiuntur in toto; sicut eo ipso quod Petrus est in aliqua parte huius scholæ, est simpliciter in hac schola. Quia tamen hoc non est intentum arguentis.

Resp. 2. Concesso antecedenti: negando consequ. Totum est subiectum denominationis, nec tamē propterpa totum est subiectum inhesionis neq; enim ad hoc vt alicui toti conueniat quæuis denominatio necesse est formam denominatam in vtraque parte totius in hæsiue esse. Actus intellectus vel in sola anima vel in solo intellectu vel solū

lum in utroque recipitur, & tamen totus homo
 est homo simpliciter & absolute denomi-
 nat & est intelligens. Idem dic proportiona-
 liter de aliis accidentibus, quæ constat non
 recipi in hæsiue in materia, cum apud omnes
 habeantur pro spiritualibus.

Ratio cur accidentia etiam si sint in sola
 materia vi in subiecto in hæsiue, denomi-
 nant simpliciter & absolute totum, est quia
 accidentia non sunt materiæ sed totius, seu
 non sunt in gratiam primi subiecti sed in
 gratiam substantiæ. Quod autem possit de-
 nominare totum id quod non recipitur in
 singulis partibus totius patet in exemplis
 adductis; adæque etiam si totum sit tale non
 requiritur quod singulæ partes formæ subie-
 ctæ per quam est tale, immo neque quod sin-
 gulæ partes sint tales, quod manifestum est
 in homine, qui dicitur absolute niger & al-
 bus, cum anima hominis nequeat denomi-
 nationes huiusmodi sustinere.

Dices: Ideo nigredo nequit recipi in hæ-
 siue in anima, quia est accidens materiale; g;
 etiam si in homine non utraq; pars subiectæ
 accidentia, poterit in aliis substantijs oppo-
 situm dari.

Resp. Ex hoc ipso confirmari conclusio-
 nem supra positam. Per te in homine non
 utraq; pars sed sola materia subiectat al-
 bedinem & tamen homo æque proprie est
 albus ac quolibet aliud; ergo ad denomi-
 nationes huiusmodi non requiritur in utraq;
 parte ratio subiecti. In forma nega antec.
 Ratio cur albedo & alia huiusmodi non

ra-
 ti-

recipiuntur in anima, est ratio non specialis pro homine, sed communis omnibus: quia videlicet ratio subiecti adæquata sufficienter habetur in primo subiecto.

Int. Ergo verum est: *Æthiops est albus*
Conseq. prob. quia ad denominationem albi simpliciter sufficit albedo in aliqua parte subiecti: est autem in aliqua parte *Æthiopis*, videlicet in dentibus.

Resp. neg. conseq. Ad probat. dist. sufficit &c. in qualibet aliqua parte: nega; in ea aliqua quæ importatur per denominationem: concede. Homo albus idem est ac Homo habens pellem seu superficiem albam; quod non dicitur de *Æthiope*. Dens albus est dens habens superficiem albam; quod dicitur de dente *Ethiopis*. An autem in sola materia pellis aut superficiem, an etiam in forma recipiatur albedo, non probatur per denominationem albi, sed alijs argumentis inquiritur.

Obij. 2. Accidentia non solum uniuntur materiæ sed etiam formæ; ergo non solum inhærent materiæ sed etiam formæ. Probatur conseq. quia idem est uniri ac inhære, ergo &c.

Resp. i. transmissio antecedenti, neg. conseq. Ad probationem nego ant. nam anima rationalis unitur materiæ cui non inhæret, & inter materiam & formam materiale siue substantialem siue accidentalem datur unio mutua, nec tamen mutua inherencia seu inhæsiō, si hoc nomen inhæsiō sonet ut oportet ad præsens institutum. In lacte albedo

bedo & dulcedo simul vniuntur ; dicuntur enim vnitim reperiri in lacte , nec tamen in vno suo subiectat, immo natura subiectat alteram , sed simul in eodem subiecto recipiuntur , vt pater .

Resp. 2. dist. antec. non solum vniuntur materiæ sed etiam formæ eodem genere vnionis ; nego, diuerso genere vnionis ; conc. Vniuntur materiæ vnione educta de potentia materiæ ; vniuntur formæ per compenensationem , & si vis etiam per identitatem subiecti ; idem enim est subiectum formæ substantialis & accidentium .

Obiic. 3. Accidentia sunt magis in gratiam formæ , quam in gratiam materiæ ; ergo potius recipiuntur in forma quam in materia . Probatur antec. quia potius sunt propter id quod est in toto potissimum , quam propter id quod est in toto minus precipuum . Probatur autem conseq. quia potius perficiunt id propter quod potius sunt , quam id propter quod minus principaliter ; ergo potius perficiunt formam quam materiam ; implicat autem quod magis perficiant id quod non habet , quam id quod habet rationem subiecti . Probatur hoc vltimum ; quia quidquid perficitur à qualibet forma , perficitur vt subiectum .

Confirmatur hoc idem quia accidentia non sunt aliquid extrinsecum formæ quam perficiunt : g. sunt aliquid intra ipsam receptum : hoc autem est habere illam pro subiecto : Puta calor non est aliquid extrinsecum formæ ignis , sed aliquid intra ipsam

rece-

receptum : ergo calor habet formam ignis pro subiecto .

Resp. Ad hoc vt vnum ab altero etiam intrinsece perficiatur non est necesse vt habeat respectu ipsius rationem subiecti . Patet hoc in communi nobis & Aduersario sententia . In composito substantiali duo extrema mutuo sese perficiunt & quidem intrinsece : ergo & forma perficit materiam , & materia formam ; & tamen est certum duo illa extrema non se mutuo subiectare : non enim quemadmodum materia formam , sic & forma subiectat materiam . Tota igitur illa æqui-uocatio quæ sit in li perficere , & perfici facile dissoluitur . Potest enim concedi quod perficiant , & negari quod subiectentur . Ipsa materia magis est in gratiam formæ , quam in gratiam sui . Patet hoc eadem ratiocinatione qua supra , nam materia est in gratiam substantiæ : ergo est magis propter id quod est potissimum in substantia , quam propter aliud : sed forma est in sua substantia potissimum : ergo materia magis est propter formam quam propter seipsam . Hęc omnia nihil concludunt .

Aliter etiam solent arguere . Forma substantialis melius se habet intrinsece per accidens quam sine accidentibus ; ergo accidentia recipiuntur intrinsece in forma . Puta forma aeris melius se habet intrinsece cum calore & humiditate quam sine ipsis ; Huic vltimę ratiocinationem hanc adnecte Forma substantialis peius se habet intrinsece cum quibusdam accidentibus , quam si

ne illis: puta aqua peius se habet cum calore quam sine calore: g. etiam & illa accidentia recipiuntur intrinsece in forma, puta calor in forma aquæ: consequ. probat. quia nequit forma aquæ peius se habere intrinsece per aliquid ipsi intrinsecum. Igitur in forma ad argumentum.

Resp. concesso antecedenti: negando consequ. Ad probationem nega id intrinsece recipi in forma per quod forma melius se habet. Ad cætera quæ dicuntur dic formam melius se habere intrinsece per hoc quod habeat identitatem subiecti cum prædictis accidentibus, hoc est per hoc quod formæ & prædictorum accidentium sit idem subiectum. Sicut peius se habet intrinsece forma per identitatem subiecti cum accidentibus sibi contrarijs. Itaque illa intrinseceitas quæ consistit in hoc quod simul sint in eodem subiecto, couenit formæ & accidentibus; non autem illa per quam forma sit subiectum accidentium. Etiam anima rationalis melius se habet intrinsece per rectam temperiem in corpore, quam sine illa & cum opposita. An autem dicendum sit formam intrinsece perfici per accidentia est quæstio de voce; si perfici petat rationem subiecti, negandum est si sufficit vel identitas subiecti, vel aliquid aliud huiusmodi; concedendum. Recte autem dicitur intrinsece perfici ipsa substantia forma autem quæ est substantiæ melius vel deterius se habere per hoc quod materia sit his vel illis accidentibus prædita, proprijs vel contrarijs.

A R T I C V L V S III.

Non datur resolutio vsque ad materiam primam.

HÆc conclusio multos habet fautores præcipuè ex Scotistis, nec pauciores aduersarios præcipue ex Thomistis. Vtrisque citandis hic, vt & in alijs breuitati consulens libenter superdeo.

Probatur igitur Conclusio auctoritate Philosophi de cuius mente in hac controuerfia vix locus est dubitandi. 2. de Gener. text. 26. probat elementa symbola facilius in se inuicem transmutari, quam dissymbola quia altera ex qualitatibus quæ erant in corrupto, manet in genito; ergo secundum Philosophum in genito manet aliquid de corrupto præter materiam primam. Elementa symbola sunt quæ in altera ex qualitatibus conueniunt, dissymbola quæ in nulla. Aer & aqua sunt symbola quia vtriq; conuenit humiditas. Ignis & aqua sunt dissymbola quia nulla qualitas est vtrique communis. Ignis enim est calidus & siccus, aqua vero frigida & humida: vt supponere debes hic ex dicendis.

Hæc Philosophi auctoritas hebet rationem adiunctam. Nam cum tam aquæ quam aeri debeatur humiditas; non est cur natura conuertendo aerem in aquam, aut è conuerso, destruat in subiecto humiditatem: hoc est accidens vtrique formæ debitum,

aliam omnino similem inductura? Confirmatur ex modo quo qualitates huiusmodi destruuntur, videlicet per productionem contrariarum: certum est autem quod natura a quam factura ex aere, non inducit in primum subiectum siccitatem.

Hæc tamen Philosophi ratio non omnibus probatur. Quamvis enim admittas elementa symbola facilius in se inuicem transmutari quàm dissymbola, adhuc habes quod dicas contra Philosophum. Dum elementa symbola in se inuicem pugnant, vna qualitas vnius pugnat contra vnâ qualitatem alterius: dum autem pugnant dissymbola: duæ contra duas: sed non est facilius vnâ ab vna, quam duas superari à duabus; ergo vel falsum est symbola transmutari facilius quam dissymbola, vel huius rei querenda est ratio aliunde. Hæc ratiocinatio videtur rationabilis. Vt quid enim assumitur victoria vnius supra vnum facilior, quam, duorum supra duos.

Resp. 1. Nos hic nihil aliud intendisse quam monstrare mentem Philosophi, & approbare quod dicit, non esse remouendam à subiecto qualitatem idoneam formæ nouæ, quæ præextiterit cum forma veteri. An hoc contingat ex faciliori victoria vnius de vno quam duorum de duobus, est impertinens ad rem: cum præcipuè Philosophus per transmutationem faciliorem nihil aliud intelligat quam mutationem minorem, hoc est secundum pauciora. Quod accidit vbi Symbolum in Symbolum transmutatur: quan-

quandoquidem mutatio est secundum unam qualitatem dumtaxat.

Probatur 2. Conclusio posita : quia in genito saepe deprehenduntur per sensum illa accidentia quae erant in corrupto : est autem difficile sibi persuadere, non esse illa eadem, sed alia eiusdem omnino rationis. Puta in animali seu in cadauere animalis deprehenditur per sensum calor, qui immediate ante mortem inerat animali : est autem difficile creditu non esse illum eundem secundum indiuidium, sed solum secundum speciem.

Dices identitatem inter accidens quod est & accidens quod fuit, non posse deprehendi per sensum, neque certitudine metaphysica neque physica : & consequenter stare adhuc sententiam Aduersarij : quod videlicet pareat calor animalis, succedat calor cadaueris. Hoc idem dici poterit in alijs casibus : Puta vermis genitus ex flore rubro est ruber, ex caulibus est viridis, & sic de alijs, quae quotidie habemus ob oculos : non quod eadem viridas quae erat in caulibus persueueret in verme, sed quod alia omnino similis.

Resp. nos per sensum certificari physice de calore, viriditate & alijs huiusmodi : per discursum de identitate inter calorem vnius & calorem alterius. Videtur enim absurdum quod natura in substantia genita ponat accidens omnino simile accidenti quod immediate antea destruit, sine vlla causa ; siue illud accidens sit amissum, siue

inimicum rei genitæ. Si enim inimicum sit: ad quid illud producit, præcipue nulla existẽte causa cui tribui possit vt effectus, si autem amicũ est, cur aliud omnino simile, vt istud intrudat?

His omnibus adde quod supra dictum est; videlicet accidentia quæ disponunt ad corruptionẽ vnius, disponere etiam ad generationem alterius, vnde illa eadem quæ expellunt formam veterem intrudunt nouã vltima autem dispositio cum se teneat ex parte efficientis, coexistit effectui adeoque calor qui paulatim ita intenditur vt aptet materia formæ ignis, est ille idem qui materiam ineptam reddidit formæ ligni. Hic autem non est solum vltimus gradus ex introductis: neque enim hic solus est dispositio adæquata ad ignem, sed hic & alii præcedentes: præcedentes autem certum est etiam apud Aduersarios coexistere formæ veteri, adeoque præexistere in corrupto.

Denique probatur conclusio ex alibi dictis. Ex quolibet fit quodlibet, non tamen immediate sed per varias transmutationes. Puta terra non immediate transit in aerem, nec aqua in ignem. Huius autem nequii cõueniens ratio reddi, si omnia penitus accidentia pereunt in corruptione cuiuslibet rei non enim est cur materia sit magis apta formæ aeris, quam formæ ignis in instanti *A*, si in instanti *A* non præsupponitur in ipsa vllũ accidens vni magis quam alteri formæ propitium. Posita autem doctrina Philosophi de perseuerantia accidentis sub v-

traq;

utraq; forma facilis est huius rei ratio. Con-
tingit enim accidens relictum aptum esse,
seu potius aptare materiam vni potius quā
alteri formæ. Rem habes in exemplo. Da
ignem agere in aquam, vt hanc conuertat
in ignem. Ignis ex aqua prius facit aerem
quam ignem. Cur hoc? nisi quia destructa
frigiditate in aqua adeoq; introducto ca-
lore fit complexio ex humiditate & calore,
humiditas enim præerat; hæc autem com-
plexio aptat subiectum formæ aeris. Ignis
vero vltterius agens humiditatem pellit in-
troducta siccitate: & sic materiā aptat for-
mæ ignis. Habes hoc clarissime 2. de Gener.
tex. 27. *Quando aquæ corruptum fuerit fri-
gidum, ignis autē siccum, aer erit, relinqui-
tur enim huius quidē calidum, illius autem
humidum.* Vbi vides ex conflictu gemini e-
lementi consurgere tertium ex perseueran-
tia duarum qualitātū in cōmuni subiecto.

Obijc. 1. Si in materia remanent acci-
dencia rei corruptæ, forma adueniens facit
cum illa vnum per accidens; consequens est
falsum: g. & antec. Sequela maioris pro-
batur; quia in tali hypothesis forma aduenit
enti in actu, nam accidentia actuant mate-
riam; ergo &c.

Resp. neg. sequelam maioris. Ad probat.
Accidentia actuant materiam secundum
quid, & per ordinem ad actum simpliciter
Quod autem aduenit enti in actu secundum
quid: non propterea facit vnum per acci-
dens. Vbi aduerte non negari quod forma
cum materia & accidentibus, faciat vnum

per accidens; siue illa accidentia præexistant formæ, siue hanc subsequantur.

Obijc. 2. Si accidentia corrupti manent in genito, tollunt à forma substantiali rationem primi actus. Hoc est inconueniens; ergo & id vnde &c. Probatur sequela maioris: quia quod supponit alium actum ante se, non est primus actus, sed si accidentia &c. Forma supponit alium actum ante se ergo &c.

Resp. distinguendo maiorem: tollit à forma rationem primi actus, primitate dignitatis & intentionis nego: primitate executionis & existentia: concedo; & eodem modo distincta minori, nega consequ. Audiatur hic D. Thomas in 3. parte quæst. 9. art. 3. ad secundum *Per calorem, ait, disponitur materia ad suscipiendam formam ignis, quæ tamen adueniente calor non cessat, sed remanet quasi quidam effectus talis forma.* Igitur, secundum D. Thomam, calor ille qui erat dispositio præuiæ ad formam ignis, est in materia eadem forma adueniente: nec propterea timeret D. Thomas ne forma iacturam faciat illius dignitatis qua dicitur primus actus.

Ex hac D. Thomæ doctrina manifestum sit formam illam quæ ab vno agente est posse ab alio conseruari in esse. Nam calor ille qui ab igne A vel à sole erat in subiecto conseruatur deinde in eodem à forma adueniente ignis B. Quod tamen non ab omnibus conceditur; immo hoc idem passim impugnari videbis hoc argumento. Nequit idem

idem effectus esse plurium causarum materialium successiue; ergo neque plurium efficientium. Antec. probant; quia forma transire nequit à subiecto in subiectum, adeoq; mutare nequit causam passiuam. Probatur autem consequ. veteri argumento. Non est potior ratio.

Huic argumento sic aliqui respondent. Causa passiuæ ad formam se habet ut determinabile ad determinatum: effectiua autē ad effectum ut determinatum ad determinabile. Hinc forma non est indifferens ad dependentiam ab hoc vel illo subiecto, secus ad dependentiam ab hac vel illa efficiente; adeoq; forma non transmigrat à subiecto in subiectum, effectus autem mutat causam à qua dependeat, puta lux à candelæ *A* producta, cōseruari potest à candelæ *B*.

Hæc responsio est superficialis. quemadmodum enim determinatum est indifferens ad hoc vel illud determinabile, ita poterit determinabile esse indifferens ad hoc vel illud determinatiuū, vel ē conuerso: adeoq; afferenda est alia ratio. Hanc autem facile inuenies si aduertras materiam primā quæ à Philosopho ponitur pro subiecto formarum, esse in sententia Philosophi simpliciter & absolute; in sententia omnium, naturaliter indefectibilem: causas autē efficientes esse omnino defectibiles. Hinc sequitur causæ passivæ non substituendū fuisse supplementum: quid enim suppleat pro indefectibili? causæ autem efficienti debuisset substitui, cum causa efficiēs, sit de genere

corum, quæ oriuntur & occidunt. Formæ igitur non mutant subiectum quia subiecto inhaerent indefectibili; mutant causam efficientem, quia causæ efficientes secundæ sunt omnes defectibiles. Hinc argumētum propositum non plus valet quam hoc: Causæ indefectibili non succedit alia causa in munere causandi; g. nec defectibili.

Hæc autem omninò conueniunt cum ijs, quæ diximus, subiectum videlicet accidentium esse solam materiam primam. Si enim accidentia subiectentur in toto; cum totius geniti sit alia forma quam corrupti; necesse est accidens transire de subiecto in subiectum, dato quod perseueret idem in genito quod erat in corrupto. Hinc aliud agumentum solues, nam.

Obijc. 3. Si accidentia corrupti manent in genito, accidens transit de subiecto in subiectum; consequens est contra Periparum. g. & antec.

Qui dicunt accidentia subiectari in toto, & simul negant resolutionem vsq; ad materiam primam, distinguunt maiorem; de subiecto totali negant, de partiali concedunt, aientes non esse inconueniens, quod accidens mutet subiectum parziale, in genito autem est quidem alia forma, sed eadem materia, quæ in corrupto, & consequenter accidens habet nouum subiectum non omnino, sed ex parte.

Nos vero putamus, quod si mutet ex parte, potest etiam omnino, adeoq; aliter respondemus. Accidens mutat subiectum de-

nominationis: concedimus: immò ponimus pro conclusione; mutat subiectum inhesionis negamus. Subiectum denominationis est corruptibile, est enim totum: inhesionis verò est incorruptibile, cum sit materia prima.

Obiic. 4. Non est assignabilis causa conseruatiua accidentis in genito, ergo accidēs non durat idem in genito, quod in corrupto. Probatur conseq. implicat enim vllam rem durare in esse, nullo conseruante. Probatur autem antec. quia supponamus hominem, aut canem extingui vel in aqua, vel in niue. Quamdiu viuit habet aliquid caloris, nec in instanti in quo moritur, hoc, est in quo primo non est, cum antea fuerit, est omnino sine calore: causa autem huius caloris conseruatiua nequit esse nec agens extrinsecum, nec forma noua: hæc enim est forma cadaueris, illud vero est nix, vel aer frigidus: ergo calor ille nullo conseruante durat in natura.

Hoc argumentum fieri solet contra Adversarios petendo ab ipsis, vt assignent causam effectiuam noui caloris. Hæc nequit esse agens extrinsecum, nec forma noua; g. aliquid producit de nouo, nullo producente. Est autem exterminis longe mirabilius fieri aliquid nullo faciente; quàm aliquid conseruari, nullo alio conseruante. Qui enim dicit *A* fecit seipsum, ridiculus est. non ita qui dicit: *A* conseruat seipsum.

Aliqui igitur causam caloris in cadauere assignant spiritus igneos toto corpore diffu-

fos: nec improbabiler: sed eadem assignatur à nobis pro causa conservatiua. Neq; enim credibile est illos spiritus destruere calorem in instanti *A*, vt alium in eodẽ instanti omnino similẽ producãt. Adde quod hac difficultas de calore est omnino materialis quoad punctum præsens. Nam argumenta quibus probatum est accidentia subiectari adẽquate in materia, probant eadẽ esse in genito, quæ in corrupto cum prebet coexistentiam eorundem formis sibi succedentibus, & conseq, alia via procedendum est contra conclusionem.

Resp. autem ad argumentum propositũ per instantiam. Calor in aqua productus ab igne, remoto igne, conservatur, vt patet. Assignent Adversarij causam conservatiuam illius. Suppono autem aquam calidam ab aere frigido circumambiri. Si assignetur hic causa conservans formam aquæ; inepte assignatur: hæc enim non fouet, sed expellit quantum potest calorem. Si materia prima: igitur materia prima est sufficiens accidentium conservatrix, adeoq; argumentum propositum non habet vim. Quod si dicant calorem, & alia huiusmodi esse accidentia nostra sua permanentia, adeoque non petere naturaliter aliam causam sui conservatiuam, quam influxum ordinarium primæ causæ, dant solutionem argumenti propositi: accidentia enim, quæ sunt in genito quamuis contraria, sunt de genere permanentium, adeoq; non pereuntium, nisi per aduenientiam oppositorum. Eorum autem
quæ

quæ sunt ex natura sua permanentia est sufficiens conseruationum influxus ordinarius causæ primæ.

Ad illud quod dicitur de spiritibus, quod videlicet causent calorem in cadauere, notandum est, quod calor qui sentitur non est illi spiritus, sed effectus illorum spirituum, ipsi autem, donec penitus extinguantur, quod paulatim fit, aliquem semper minorem, & minorem calorem, vel producunt vel conseruant. Non enim contingit subiectum transire à summe calido in frigidum in instanti, sed per gradus, iuxta illud: *Non datur transitus ab extremo ad extremum sine medio.*

Circa eadem accidentia ex hoc ipso principio desumitur hoc argumentum. Non datur transitus ab extremo ad extremum sine medio; g. non debet subiectum ex summe calido fieri frigidum: ergo tota caloris intensio non debet simul destrui: ergo etiam si sit contraria formæ geniti, debet permanere: non autem necesse est, vt permaneat secundum individuum: g. sufficit vt remaneat secundum speciem. Probatur; quia ad impediendum transitum huiusmodi non requiritur identitas numerica accidentium.

Resp. Quod si constaret dari resolutionem usque ad materiam primam ita philosophandum esset. Constat enim experientia quod qualitas corrupti saltem specie manet in genito, in eoque paulatim decreuit: donec omnino intereat. Da igitur certum esse resolutionem compositum usque ad ma

teriam primam. Assignanda est aliqua ratio productiua qualitatis quam dicimus paulatim decrescere, cum constet non dari transitum ab extremo ad extremum sine medio. In tali casu recurrendum esset ad aliquam determinationem in natura per quam causæ vniuersales tenerentur in huiusmodi casibus qualitatem prædictam producere. Cum autem non certum sit dari resolutionem huiusmodi; per hoc ipsum argumentum recte probatur oppositum: stulte enim ponitur ista lex vt natura destruat calorem B, alium omnino similem eius in locum suffectura.

Hinc est argumentum pro nostra sententia. Non datur transitus ab extremo ad extremum sine medio: g. non datur resolutio vsque ad materiam primam. Probatur conseq. quia in resolutione destruitur tota collectio accidentium corrupti sine vlla necessitate accidentium similium in genito; g. congruentius esset similia non produci immo produci opposita, cum sæpe accidat vni formæ aliquod saltem accidens deberi summe contrariū accidenti, quod erat cum forma præcedenti.

Dices causam productiuam accidentium vel aliquam determinationem ad productionem eorum esse sigillationem materiæ primæ, quæ videlicet sit vt post talem collectionem succedat alia paulo dissimilis, & huic alia, & sic dic cæteris vsque dum per intermedias ab extrema ad extremam peruentum fuerit. Hoc idem exemplificans

per

per motum localem. Mobile existens hic ,
 vt per motum localem perueniat ad extre-
 mum huius scholæ , debet transire per loca
 intermedia , producendo in se successiue has
 & illas vbicationes intermedias .

Resp. rogando quid sit illa sigillatio ma-
 teriæ? An aliquod accidens quod præfuerit
 in eadem? an pñra denominatio extrinseca
 quod in materia præfuerit talis collectio? Si
 primum; perseverat accidens in materia cū
 forma noua: si secundum; ineptum est dice-
 re quod fuisse sit causa physice productiua
 alicuius effectus . Quod enim fuerit talis
 collectio non est aliquid quod sit, nisi in ra-
 tione veri, vt vidimus in logica: adeoque
 nequit physice producere calorem , calorē ,
 &c. Ad illud de mobili est disparitas mani-
 festa, nam subiectum quod mouetur recte
 assignatur pro causa productiua nouæ &
 nouæ vbicationis, vel per impetum à se, vel
 per impetum ab alio in se productum . At
 verogenitum in quo dicimus reperiri ac-
 cidentia, non recte assignantur pro causa
 cuiuslibet collectionis vt patet ex dictis .

Obijc. vltimo auctoritas Philosophi,
 tum vbi definit generationem, tum in libro
 prædicamentorum cap. de subst. Ibi dicit in
 generatione non remanere vllum sensibile
 vt subiectum idem: sed si remanet materia
 prima cum ijsdem accidētibus , remanet a-
 liquod sensibile vt subiectū idem ; ergo &c.
 Minor probatur: nā materia cū accidentibus
 est subiectum sensibile, in libro autem præ-
 dicamentorum ait: *Non existentibus primis*
sub-

substantijs impossibile est aliquid aliorum
esse. Hoc est destructis singularibus impos-
sibile est accidentia conservari; quia hæc nō
seipsis sed in singularibus stant. Igitur qua-
libet destructa singulari substantia, destruitur
& qualibet ipsius accidentia.

Resp. utrobique ab Aduersario malè ex-
plicari Philosophum, In definitione: nomi-
ne *subiecti eiusdem* intelligit eandem sub-
stantiam, ut dictum est in loco. Quod si a-
liter hunc textum explicare voluerimus fa-
cit contra arguentem. Nam etiā destructis
accidentibus alijsque succedentibus cum sit
eadem omninō materia est idem subiectum
sensibile, neque enim variatio accidentium
variat subiectum; sicut in alteratione muta-
tis accidentibus vere & proprie manet idē
subiectum sensibile. In forma igitur nega-
torem Ad probationem concede mate-
riam cum accidentibus esse subiectum sen-
sibile, nega esse idem subiectum: immo es-
se subiectum in sensu Philosophi

Ad illud ex libro predicamentorū, Phi-
losophus ibi diuidit substantiam in primam
& secundam. Primam substantiam vocat
quolibet singulare, secundas autem substā-
tias vocat vniuersalia. Et cum probet non
dari vniuersalia, dicit omnia deficere defi-
cientibus primis substantiis, puta deficien-
tibus Petro Paulo &c. non permanet ho-
mo; quia non datur in natura homo nisi Pe-
trus Paulus & alii huiusmodi. Adeoque
hic Aristotelis textus tam facit ad rem,
quam quilibet alius casu citabilis.

DISPUTATIO II.

De Alteratione.

Q V A E S T I O I.

Quid sit & quomodo fiat alteratio.

Quid sit alteratio facile intelligitur ex supra dictis, Potest autem magis vel minus stricte accipi. Minus stricte accipitur quando sumitur pro qualibet mutatione secundum accidens. Hoc modo alteratur aer quando ex tenebroso fit lucidus, aut è conuerso: alteratur oculus quando ex non vidente fit vident. Stricte autem accipitur alteratio pro mutatione subiecti secundum qualitates corruptiuas. Definitur autem: *mutatio in passionibus seu qualitatibus contrariis, aut medijs, manente eodem subiecto sensibili*. Pura cum eadem aqua ex frigida fit calida. Idem homo ex sano fit agrotus. Qualitates secundum quas est alteratio proprie dicta, dicuntur patibiles seu passibiles, non quod ipsae aliquid patiatur, sed quod ipsae faciant passionem. Patitur enim ab iis subiectum & ad corruptionem disponitur. Dicuntur autem contraria quae in eodem genere maxime distant, seque ab eodem subiecto expellunt. Huiusmodi sunt calor & frigus; humiditas & siccitas; quae in genere qualitatis inter se

ma-

maxime distant, & ita se habent ad subiectum vt quantum inducitur de vna, tantum expellatur de alia. Mediæ autem dicuntur quæ inter vtramq; sunt: siue habeantur per mixtionem quandam vtriusque. siue sint ipsæ etiam qualitates simplices: de quo alibi. Huiusmodi sunt tepore inter calorem & frigus, flauedo alique huiusmodi colores inter album & nigrum.

Hanc alterationis definitionē vnanimiter accipiunt Peripatetici. De hac autem queritur primo an sit motus successiuus. Pro quo sciendū est dupliciter intelliigi posse alterationem, videlicet vel secundū extensionem, vel secundum intensiōem. Extensio qualitatis est motus quo qualitas ab vna in aliam partem subiecti propagatur. puta cū in ferro bipalmari calor à primo palmo serpit ad secundum. Intensio vero est motus quo qualitas in eadem parte subiecti magis, magisq; augetur. Constat enim eundem primum palmum fieri magis & magis calidum. Nam vt ait Philosophus 4. Physic. textu. 84. *Potest fieri ex calido magis calidum, nullo facto calido quod antea non erat calidum, quando minus erat calidum.* Hinc definiri solet intensio qualitatis: *motus per quem aliquid ex tali fit magis tale.* Intensioni opponitur remissio: quæ definitur: *Motus per quem aliquid ex tali fit minus tale.* Hispositus,

Dico primò. Alteratio subiecti secundum extensionē est motus successiuus. Pater hoc experientia. Nam calefactibile approxima-

tum

tum igni prius calefit secundum partem viciniorem, quam secundum minus vicinam.

Dico secundo. Alteratio etiam secundum intensiorem est motus successivus. Hoc etiam constat experientia. Aqua enim igni superposita paulatim & successive magis magisque incallescit. Idem dic vice versa de remissione. Ille enim idem calor, qui non totus simul advenit, nec totus simul abit, ut etiam constat.

Vnde autem habeatur hæc successivitas non facile explicatur. Dictum est à nobis in *Physica* mobile secundum locum, etiam nullo existente impedimento, motum iri non instantanee, sed successive. Puta lapis in vacuo moveretur transeundo prius per partem spatij imaginarij sibi proximam, quam per remotam. Hinc determinatio ad motum successivum non est à resistantia contrarij, quavis contrarium de facto resistat motui, non, ne omnino fiat, sed ne tam velociter fiat.

Hoc eodem modo philosophantur nonnulli de qualitatibus alterationis. Eas enim successive intendi manifestum est, sed rei manifestæ non est manifesta causa. Certum est insuper qualitates huiusmodi in eo subiecto in quo intenduntur resistantiam habere qualitatis contrariæ. Puta calor qui intenditur in aqua resistantiam habet à frigore in eadē aqua pugnante, immo prepterea dicuntur corruptivæ, quia expellunt per introductionem suam à subiecto qualitates oppositas, quæ sunt secundum naturam formæ quæ consequenter expellunt. Quid autem fieret

si agentia secundum qualitates huiusmodi in subiectum agerent nullam habens contrarietatem ; puta si ignis applicaretur materiam spoliare omni frigore , & humiditate quid & quomodo ageret : An instantanee , an successive induceret in materiam dispositiones aptas formæ ignis , & ipsammet formam : Quis dininet ? Experimentum huiusmodi nec Aristoteles nec ullus vnquam mortalium fecit .

Probabilius existimo tunc etiam qualitates aptas introduci ab igne , non instantanee , sed successive introducturi . Ratio est quia est de ratione qualitatum habentium contrarium successive intendi : tunc autem non mutant genus aut naturam ex eo quod per accidens non inueniant contrarietatem in tali subiecto . Ratio est quia quemadmodum vbicatio A in mobili est dispositio ad vbicationem B , & vbicatio B ad vbicationem C ; ita primus gradus est in subiecto dispositio ad secundum , secundus ad tertium , & sic de cæteris , vltimus verò ad formam illam cuius est proxima dispositio .

Alij successiuitatem non ex natura qualitatis , sed ex pura resistantia contrariæ repugnantis , oriri existimant . Aiunt enim ideo calorem in aqua successive intendi , quia quantum producitur de vna qualitate tantum destruitur de opposita . Hinc oritur pugna , quæ nequit esse instantanea .

Certum est accidentia quæ carent contrario instantanee diffundi , secus quæ habent contraria . Luminosum statim illuminat co-

rum

cum spatium ad quod extenditur ipsius acti-
uitas, tantum illuminat quantum potest.
Calidum autem non statim, nec quantum po-
test, sed per partes tam extensius quam in-
tensius suum calorem effundit. Contingit
hoc quotidie in agente luminoso simul &
calido, quod lumen intra totam sphaeram
instantanee tam secundum intensionem,
quam secundum extensionem, calorem vero
secundum utramque successiue dispergit.

Dices: aliqua qualitates habentes contra-
rarium aliquando instantanee producuntur
& intenduntur, ergo successiuitas non recte
refunditur in contrarietatem. Antecedens
probat in habitibus puta homo imtempe-
rantissimus aliquando euadit per vnicum a-
ctum temperantissimus. Hinc est quod dici-
tur: actum virtutis intensum sapissime ge-
nerare habitum. Ita contingit aliquando
homines ex pessimis euadere statim opti-
mos, ut constat legentibus acta Sanctorum.

Resp. disting. antec. de qualitatibus pure
physicis & procedentibus per actiones pure
physicas: nega. De qualitatibus non pure
physicis & pendentibus ab agentibus mora-
liter: omitte antecedens, & eodem modo di-
stingue consequens. In iis quae pendent a
voluntate libera sit transitus ab extremo ad
extremum sine medio, ita ut qui summe ama-
bat in instanti A summe oderit in instanti B:
sed amor & odium non se habent sicut ca-
lor & frigus. Hae enim sunt qualitates pure
physicae & ab agentibus pure physicis, illae
autem vel non sunt qualitates, sermo est etiam
de

de habitibus, vel si sint qualitates, non sunt ab agentibus pure physicis. Ratio cur voluntas ab extremo transeat ad extremum fundatur in intellectu representante motiva efficacia pro hoc, vel illo extremo, & libertate eiusdem voluntatis.

Ex his habes rationem successiuitatis haberi ex contrarietate, siue illa contrarietas faciat actualem resistantiam, hoc est siue actualiter in subiecto detur qualitas contraria qualitati introducenda, siue non detur. Primum se habet per se & semper accidit, secundum se haberet per accidens, si eueniret. Aduerte autem quod secundum Philosophum eadem est ratio in prædictis agendi, quæ successiue agendi. Hæc enim agunt ut contraria, ex quo alibi deducemus rationem cur initio pugne sit actior, quam in progressu & in fine. Sed de hoc alibi.

Motum igitur huiusmodi successiuum esse non est qui negari possit. Est qui neget esse continuum, asserens motum illum interrumpi per morulas interpositas. Ita Capreolus in primum distinct. 7. quæst. 2. art. 2. qui alterationem fieri ait per saltus: ita ut in instanti *A* producaturs prima qualitatis particula, in secundo vero detur morula, in qua subiectum disponitur ad secundam particulam eiusdem qualitatis, quam recipit in tertio & sic de ceteris usque ad vltimum. Huic sententiæ pauci subscribunt: Nos cum multis repugnamus asserentes quod.

Intensio quantitatis alteratiue est motus continuus. Probatur hæc conclusio: quia
nul-

nulla est ratio interponendi morulas, ergo &c. Probatur antecedens ex natura agentis necessarii quod approximatum passo apto pati, necessario agit. Confirmatur hoc idē euertendo principium Aduersarij duod videlicet post primam particulam qualitatis introductę quiescat & disponat subiectū ad vltiorem intensionē. Hęc enim videntur implicantia. Si enim quiescit, quomodo disponit subiectum, nihil agendo in ipsum si autem aliquid agat, quid aliud producit nisi qualitatem? Est igitur contra rationem imaginari otium huiusmodi.

Contra ea quę dicta sunt. Obijcitur primo experimentum quod refert Philosophus probl. Sect. 24. *Fundus*, ait, *vasorum non urit quę aquam feruentissimā continent sed plerique fundos sustinentes deportant; aqua verò ipsa exempla urere posset*, ergo experientia constat fundum vasis qui est proximus igni non eque calefieri, ac aquam quę est in summitate vasis; ergo falsum est partes proximiores magis pati ab agente, quam remotiores.

Resp. admittendo experimentum quod est vnicuiq; obuium. Et hoc admissio cōcessa prima consequentia, distingo vltimum consequens: falsum est, &c. ceteris paribus: nego, ceteris imparibus: concedo. Habes huius problematis solutionem apud eundē Philosophum. Ait enim ideò fundum vasis non urere, quia calor in fundo vasis contrahitur ab aqua extinguitur. Hanc solutionē vt intelligas scire debes aquam quo magis calc-

calcfit eo magis rarefieri, quo autem magis rarefit, eo magis leuitate. Hinc aqua proxima igni incallescens sursum ascendit, quæ autem minus calida est, adeoq; plus frigoris retinet, deorsum cadit vt pote grauior, deorsum autem cadens fundum lebetis ita temperat vt tangi possit. Quod si tandiu supponas ignem, vt rota aqua efferueat tunc vide ne manu sustineas lebetem, nisi vri velis & excoriari.

Obj. 1. Si quis admoueât manum proxime igni vehementi, sentit calorem vehementissimum: ergo calor non producitur successiue sed instantanee.

Resp. conc. antec. negando conseq. Cuius falsitas constat ex eo quod si quis illi manui qua sentit calorem vehementissimū, manum alteram superponat, inueniet illa non esse calidissimam, immo quandoque esse frigidam. Ratio igitur sensationis prædictæ est quia sentitur calor non solum receptus in manu, sed etiam agent in igne. Verum quidem est agens validius cæteris paribus plus qualitatis producere intra idem tempus, quam minus validum.

Contra secundum Articulum obijcitur primo auctoritas Philosophi 8. Physic. textu 23. dicentis quod qui dicunt rem continue alterari repugnant manifestis; ergo secundum Philosophum manifestum est motum alterationis non esse continuum sed discretum.

Resp. Quod qui Aristotelem citant hoc
mo.

modo, repugnant valde manifestis, manifestissimum enim est nihil aliud ibi Philosophum intendere nisi res alterabiles non alterari per omnia sæcula sæculorum, sed quolibet alterationem tandem habere finem. Lapis, inquit ille, non semper magis ac magis indurescit, sed tandem in aliqua duritie conquiescit. Et vniuersaliter matus huiusmodi aliqua quiete terminantur.

Obii. 2. Si intensio qualitatis esset motus continuus, in quolibet spatio temporis produceretur in subiecto intensio infinita: consequens est absurdum; ergo & antecedens. Sequela maioris probatur: quia, quælibet pars temporis constat instantibus infinitis; ergo per instantia infinita superadduntur nouæ & nouæ partēs intensiōis singulæ æquales vni certæ. Huiusmodi autē faciunt intensiōem infinitam.

Resp. Negando sequelam maioris, Ad cuius probationem nega antecedens, Ex dictis in Physica nec tempus constat instantibus, nec continuum permanens punctis; vtrumq; autem est diuisibile in infinitum. Quemadmodum igitur in continuo permanente non est assignabilis vlla pars: quæ non sit in alias plures minores & minores diuisibilis; ita in successiuo quælibet assignetur est in alias minores & minores diuisibilis. Non est igitur nec in tempore nec in qualitate producta assignabilis vlla pars, quæ fuerit tota simul; cum hoc discrimine, quod in qualitate pars prior manet cum posteriori, secus in tempore.

Q V Æ S T I O II.

Quaratione qualitas intendatur.

A R T I C V L T S I.

*Refelluntur alienæ sententiæ, nostra
statuitur.*

PRima sententia est qualitatem intendi per depurationem à contrario. Hanc sententiam tribunt Ægidio quodl. 2. quæst. 54. & 1. de Gener. quæst. 18. Probatur autem primo auctoritate Philosophi dicentis subiectum esse magis tale, quando minus habet de admixtione contrarij. Puta aquam esse magis rîsgidam, quando minus habet de admixtione caloris. Secûdo. Per hoc præcisè, quod ab aqua liquid caloris auferas introducti ab igne, euadit magis frigida; ergo per puram depurationem à qualitate contraria, alia qualitas euadit intensior.

Hæc sententia reicitur satis communiter. Aliud enim est habere minus caloris, aliud habere plus frigoris; sicut aliud est non esse calidum, aliud esse frigidum. De Angelo recte dixeris; non est calidus, inep- te autem: est frigidus. Immo si congruenter ad ea quæ alibi dicta sunt ex Philosopho philosophemur; intentum naturæ calefacientis primum non est aliquid tollere, sed aliquid ponere, Actio enim primario tendit ad ens, secudario autem ad
non

non ens illius entis, quod est impossibile cum ente quod fit.

Præterea multæ qualitates intenduntur sine ablatione contrariæ: neque enim est de ratione qualitatis intensibilis habere contrariam: puta lux intenditur per multiplicationem luminosi, vel per maiorem approximationem ad illuminabile, & tamen lux caret contratio. Gratia etiam intenditur & caret contraria. Igitur ratio Aduersarii non est vniuersalis pro omni qualitate intensibili, adeoque, ex hoc ipso capite est suspecta.

Uterius. Vna qualitas depuratur à contraria non per hoc quod contraria tota quanta est auferatur: neq; enim per quodlibet incrementum caloris totum frigus absuitur: ergo depuratur subiectum a contrario per decrementum contrarij, & consequenter contrarium remittitur per ablationem partis. Si autem remittitur qualitas per ablationem partis à parte, recte etiam intenditur per aditionem partis ad partem.

Denique sequeretur ex prædicta sententia, ad quodlibet incrementum caloris in aqua, remanere in eadem eandem semper mensuram frigoris: hoc repugnat; ergo & id &c. Probatur. Da intendi calorem in aqua, das consequenter depurari aquam à frigore. De iterum aquam frigesieri, seu redire ad pristinum frigus, dabis aquam pure & præcise deputari à calore; per hoc autem præcise quod a calore depuratur non producit secundum te frigus, ergo aqua

euadit frigida sine vilo frigore, vel frigus antecedens simul expellebatur ab aqua dum calefaciebat, & simul remanebat in aqua, adeoque præter hæc contradictoria, videlicet quod frigus simul pellatur & simul remaneat, habes quod aqua dum incalescit retinet totum suum frigus.

Propterea probabile est nihil aliud voluisse qui hanc sententiam posuerunt, nisi eadem actione qua subiectum depuratur ab vna qualitate, aliam in eodem produci illi contrariam. Et in hoc sensu explicandum est dictum Philosophi quod est verissimum. Quantum enim plus addis caloris, tanto minus est frigoris, aut è conuerso: non quod magis frigidum habeatur formaliter per puram carentiam caloris, sed quod vnâ intendi ex qualitatibus, est concomitanter alteram remitti intra eandem contrarietatem, & è conuerso.

Hinc patet ad rationem, distinguendo; per ablationem caloris euadit magis frigida, formaliter nega; concomitanter; concede antec. & nega conseq.

Secunda sententia apud Thomistas satis celebris est qualitem intendi per hoc quod magis magisque eadem indiuisibiliter manens radicetur in subiecto. Hic modus loquendi metaphoricus sectatores suos varias diuisit in classes. Neque enim radicationem istam vno omnes modo explicant: vt videre est apud Suarezium Tom. 1. Metaph. disp. 46. sect. 1.

Alij enim radicationem hanc aiunt in
hoc

hoc consistere quod qualitas acquirat perfectiorem existentiam in subiecto. Hęc explicatio maioris radicationis eradicata est a nobis in Physica, vbi essentiam & existentiam esse realiter idem demonstraui mus. Impugnatur præterea præscindendo ab identitate alibi demonstrata. Hęc ipsa existentia vel est indiuisibilis, & perfectior acquiritur per destructionem imperfectioris, vel est diuisibilis & ex imperfectiori, euadit perfectior per additionem partis ad partem; neutrum dici potest, ergo nequit hoc modo explicari intensio. Minor probatur; quia si dicas existentiam acquiri perfectiorem, per hoc quod imperfectiori destructa, alia de nouo ponatur in reum natura; sequitur aquam dum refrigeratur producere in se calorem. Probatur sequela: quia sicut existentia perfectior habetur præ destructionem imperfectioris, & productionem perfectioris; ita è conuerso remissio habetur per destructionem perfectioris, & productionem imperfectioris, adeoque aqua, dum remittitur calor in ipsa, dat semper nouam & notuam existentiam calori imperfectiorem quidem & imperfectiorem; dare autem existentiam rei & illam producere sunt vnum & idem. Quod si dicas existentiam qualitatis euadere perfectiorem per hoc quod nouas & nouas partes acquirat, idem de ipsa met caloris entitate dicetur commodius, videlicet qualitatem intendi per additionem gradus ad gradum.

Alij maiorem radicationem aiunt consi-

si agentia secundum qualitates huiusmodi in subiectum agerent nullam habens contrarietatem ; puta si ignis applicaretur materiam spoliatam omni frigore , & humiditate , quid & quomodo ageret : An instantanee , an successive induceret in materiam dispositiones aptas formae ignis , & ipsammet formam ; Quis dininet ? Experimentum huiusmodi nec Aristoteles nec ullus unquam mortalium fecit .

Probabilius existimo tunc etiam qualitates aptas introduci ab igne , non instantanee , sed successive introductum iri . Ratio est quia est de ratione qualitatum habentium contrarium successive intendi : tunc autem non mutant genus aut naturam ex eo quod per accidens non inueniant contrarietatem in tali subiecto . Ratio est quia quemadmodum vbicatio *A* in mobili est dispositio ad vbicationem *B* , & vbicatio *B* ad vbicationem *C* ; ita primus gradus est in subiecto dispositio ad secundum , secundus ad tertium , & sic de ceteris , ultimus vero ad formam illam cuius est proxima dispositio .

Alij successiuitatem non ex natura qualitatis , sed ex pura resistantia contrariae repugnantis , oriri existimant . Aiunt enim ideo calorem in aqua successive intendi , quia quantum producitur de vna qualitate tantum destruitur de opposita . Hinc oritur pugna , quae nequit esse instantanea .

Certum est accidentia quae carent contrario instantanee diffundi , secus quae habent contraria . Luminosum statim illuminat totum

cum spatium ad quod extenditur ipsius acti-
uitas, tantum illuminat quantum potest.
Calidum autem non statim, nec quantum po-
test, sed per partes tam extensius quam in-
tensius suum calorem effundit. Contingit
hoc quotidie in agente luminoso simul &
calido, quod lumen intra totam sphaeram
instantanee tam secundum intensionem,
quam secundum extensionem, calorem vero
secundum utramque successiue dispergit.

Dices: aliqua qualitates habentes contra-
rium aliquando instantanee producuntur
& intenduntur, ergo successiuitas non recte
refunditur in contrarietatem. Antecedens
probatur in habitibus puta homo imtempe-
rantissimus aliquando euadit per vnicum a-
ctum temperantissimus. Hinc est quod dici-
tur: actum virtutis intensum sapissime ge-
nerare habitum. Ita contingit aliquando
homines ex pessimis euadere statim opti-
mos, vt constat legentibus acta Sanctorum.

Resp. disting. antec. de qualitatibus pure
physicis & procedentibus per actiones pure
physicas: nega. De qualitatibus non pure
physicis & pendentibus ab agentibus mora-
liter: omitte antecedens, & eodem modo di-
stingue consequens. In iis quæ pendent a
voluntate libera sit transitus ab extremo ad
extremum sine medio, ita ut qui summe ama-
bat in instanti A summe oderit in instanti B:
sed amor & odium non se habent sicut ca-
lor & frigus. Hæc enim sunt qualitates pure
physicæ & ab agentibus pure physicis, illæ
autem vel non sunt qualitates, sermo est etiã
de

de habitibus, vel si sint qualitates, non sunt ab agentibus pure physicis. Ratio cur voluntas ab extremo transeat ad extremum, fundatur in intellectu representante motiva efficacia pro hoc, vel illo extremo, & libertate eiusdem voluntatis.

Ex his habes rationem successiuitatis haberi ex contrarietate, siue illa contrarietas faciat actualem resistantiam, hoc est siue actualiter in subiecto detur qualitas cōtraria qualitati introducendæ, siue non detur. Primum se habet per se & semper accidit, secundum se haberet per accidens, si eueniret. Aduerte autem quod secundum Philosophum eadem est ratio in prædictis agendi, quæ successiue agendi. Hæc enim agunt vt contraria, ex quo alibi deducemus rationem cur initio pugne sit actior, quam in progressu & in fine. Sed de hoc alibi.

Motum igitur huiusmodi successiuū esse non est qui negari possit. Est qui neget esse continuum, asserens motum illum intertūpi per morulas interpositas. Ita Capreolus in primum distinct. 7. quæst. 2. art. 2. qui alterationem fieri ait per saltus: ita ut in instanti *A* producaturs prima qualitatis particula, in secundo vero detur morula, in qua subiectum disponitur ad secundam particulam eiusdem qualitatis, quam recipit in tertio & sic de ceteris vsque ad vltimum. Huic sententiæ pauci subscribunt: Nos cum multis repugnamus asserentes quod.

Intensio quantitatis alterationis est motus continuus. Probaturs hæc conclusio: quia
nul.

nulla est ratio interponendi morulas, ergo &c. Probatur antecedens ex natura agentis necessarii quod approximatum passo apto pati, necessario agit. Confirmatur hoc idē euertendo principium Aduersarij duod videlicet post primam particulam qualitatis introductę quiescat & disponat subiectū ad vltiorem intensiōē. Hęc enim videntur implicantia. Si enim quiescit, quomodo disponit subiectum, nihil agendo in ipsum si autem aliquid agat, quid aliud producit nisi qualitatem? Est igitur contra rationem imaginari otium huiusmodi.

Contra ea quę dicta sunt. Obijcitur primo experimentum quod refert Philosophus probl. Sect. 24. *Fundus*, ait, *vasorum non urit quę aquam feruentissimā continent sed plerique fundos subslinētes deportant; aqua verò ipsa exempla urere posset*, ergo experientia constat fundum vasis qui est proximus igni non ēque calefieri, ac aquam quę est in summitate vasis; ergo falsum est partes proximiores magis pati ab agente, quam remotiores.

Resp. admittendo experimentum quod est vnicuiq; obuium. Et hoc admissio cōcessa prima consequentia, distinguo vltimum consequens: falsum est, &c. ceteris paribus: nego, ceteris imparibus: concedo. Habes huius problematis solutionem apud eundē Philosophum. Ait enim idē fundum vasis non urere, quia calor in fundo vasis contractus ab aqua extinguitur. Hanc solutionē vt intelligas scire debes aquam quo magis calc-

calefit eo magis rarefieri, quo autem magis rarefit, eo magis leuitate. Hinc aqua proxima igni incallescens sursum ascendit, quæ autem minus calida est, adeoq; plus frigoris retinet, deorsum cadit vt pote grauior, deorsum autem cadens fundum lebetis ita temperat vt tangi possit. Quod si tandiu supponas ignem, vt rota aqua efferueat tunc vide ne manu sustineas lebetem, nisi vris velis & excoriari.

Obij. 1. Si quis admoueat manum proxime igni vehementi, sentit calorem vehementissimum: ergo calor non producitur successiue sed instantanee.

Resp. conc. antec. negando conseq. Cuius falsitas constat ex eo quod si quis illi manui qua sentit calorem vehementissimū, manum alteram superponat, inueniet illa non esse calidissimam, immo quandoque esse frigidam. Ratio igitur sensationis prædictæ est quia sentitur calor non solum receptus in manu, sed etiam agent in igne. Verum quidem est agens validius cæteris paribus plus qualitatis producere intra idem tempus, quam minus validum.

Contra secundum Articulum obijcitur primo auctoritas Philosophi 8. Physic. textu 23. dicentis quod qui dicunt rem continue alterari repugnant manifestis; ergo secundum Philosophum manifestum est motum alterationis non esse continuum sed discretum.

Resp. Quod qui Aristotelem citant hoc

modo, repugnant valde manifestis, manifestissimum enim est nihil aliud ibi Philosophum intendere nisi res alterabiles non alterari per omnia sæcula sæculorum, sed quælibet alterationem tandem habere finem. Lapis, inquit ille, non semper magis ac magis indurescit, sed tandem in aliqua duritie conquiescit. Et vniuersaliter matus huiusmodi aliqua quiete terminantur.

Obii. 2. Si intensio qualitatis esset motus continuus, in quolibet spatio temporis produceretur in subiecto intensio infinita: consequens est absurdum; ergo & antecedens. Sequela maioris probatur: quia quælibet pars temporis constat instantibus infinitis; ergo per instantia infinita superadduntur nouæ & nouæ partēs intensiōis singulæ æquales vni certæ. Huiusmodi autē faciunt intensiōem infinitam.

Resp. Negando sequelam maioris, Ad cuius probationem nega antecedens, Ex dictis in Physica nec tempus constat instantibus, nec continuum permanens punctis; vtrumq; autem est diuisibile in infinitum. Quemadmodum igitur in continuo permanente non est assignabilis vlla pars: quæ non sit in alias plures minores & minores diuisibilis; ita in successiuo quælibet assignetur est in alias minores & minores diuisibilis. Non est igitur nec in tempore nec in qualitate producta assignabilis vlla pars, quæ fuerit tota simul; cum hoc discrimine, quod in qualitate pars prior manet cum posteriori, secus in tempore.

QVÆSTIO II.

Quaratione qualitas intendatur.

ARTICVLVS I.

*Refelluntur alienæ sententiæ, nostra
statuitur.*

Prima sententia est qualitatem intendi per depurationem à contrario. Hanc sententiam tribunt Ægidio quodl. 2. quæst. 54. & 1. de Gener. quæst. 18. Probat autem primo auctoritate Philosophi dicentis subiectum esse magis tale, quando minus habet de admixtione contrarij. Puta aquam esse magis frigidam, quando minus habet de admixtione caloris. Secundo. Per hoc præcisè, quod ab aqua liquid caloris auferas introducti ab igne, euadit magis frigida; ergo per puram depurationem à qualitate contraria, alia qualitas euadit intensior.

Hæc sententia reicitur satis communiter. Aliud enim est habere minus caloris, aliud habere plus frigoris; sicut aliud est non esse calidum, aliud esse frigidum. De Angelo recte dixeris; non est calidus, inerte autem: est frigidus. Immo si congruenter ad ea quæ alibi dicta sunt ex Philosopho philosophemur; intentum naturæ calefacientis primum non est aliquid tollere, sed aliquid ponere, Actio enim primaria tendit ad ens, secundario autem ad
non

non ens illius entis, quod est impossibile cum ente quod fit.

Præterea multæ qualitates intenduntur sine ablatione contrariæ: neque enim est de ratione qualitatis intensibilis habere contrariam: puta lux intenditur per multiplicationem luminosi, vel per maiorem approximationem ad illuminabile, & tamen lux caret contratio. Gratia etiam intenditur & caret contraria. Igitur ratio Aduersarii non est vniuersalis pro omni qualitate intrensibili, adeoque, ex hoc ipso capite est suspecta.

Uterius. Vna qualitas depuratur à contraria non per hoc quod contraria tota quanta est auferatur: neq; enim per quodlibet incrementum caloris totum frigus absimitur: ergo depuratur subiectum a contrario per decrementum contrarij, & consequenter contrarium remittitur per ablationem partis. Si autem remittitur qualitas per ablationem partis à parte, recte etiam intenditur per aditionem partis ad partem.

Denique sequeretur ex prædicta sententia, ad quodlibet incrementum caloris in aqua, remanere in eadem eandem semper mensuram frigoris: hoc repugnat; ergo & id &c. Probatur. Da intendi calorem in aqua, das consequenter depurari aquam à frigore. De iterum aquam frigesieri, seu redire ad pristinum frigus, dabis aquam pure & præcise deputari à calore; per hoc autem præcise quod a calore depuretur non producit secundum te frigus, ergo aqua

euadit frigida sine vlllo frigore, vel frigus antecedens simul expellebatur ab aqua dum calefaciebat, & simul remanebat in aqua, adeoque præter hæc contradictoria, videlicet quod frigus simul pellatur & simul remaneat, habes quod aqua dum incalescit retinet totum suum frigus.

Propterea probabile est nihil aliud voluisse qui hanc sententiam posuerunt, nisi eadem actione qua subiectum depuratur ab vna qualitate, aliam in eodem produci illi contrariam. Et in hoc sensu explicandum est dictum Philosophi quod est verissimum. Quantum enim plus addis caloris, tanto minus est frigoris, aut è conuerso: non quod magis frigidum habeatur formaliter per puram carentiam caloris, sed quod vnâ intendi ex qualitatibus, est concomitanter alteram remitti intra eandem contrarietatem, & è conuerso.

Hinc patet ad rationem, distinguendo; per ablationem caloris euadit magis frigida, formaliter nega; concomitanter; concede antec. & nega conseq.

Secunda sententia apud Thomistas satis celebris est qualitatē intendi per hoc quod magis magisque eadem indiuisibiliter manens radicetur in subiecto. Hic modus loquendi metaphoricus sectatares suos varias diuisit in classes. Neque enim radicationem istam vno omnes modo explicant: vt videre est apud Suarezium Tom. 1. Metaph. disp. 46. sect. 1.

Alij enim radicationem hanc aiunt in
hoc

hoc consistere quod qualitas acquirat perfectiorem existentiam in subiecto. Hęc explicatio maioris radicationis eradicata est a nobis in Physica, vbi essentiam & existentiam esse realiter idem demonstrauimus. Impugnatur pręterea pręscindendo ab identitate alibi demonstrata. Hęc ipsa existentia vel est indiuisibilis, & perfectior acquiritur per destructionem imperfectioris, vel est diuisibilis & ex imperfectiori, euadit perfectior per additionem partis ad partem; neutrum dici potest, ergo nequit hoc modo explicari intensio. Minor probatur; quia si dicas existentiam acquiri perfectiorem, per hoc quod imperfectiori destructa, alia de nouo ponatur in reum natura; sequitur aquam dum refrigeratur producere in se calorem. Probatur sequela: quia sicut existentia perfectior habetur pre destructione imperfectioris, & productionem perfectioris; ita è conuerso remissio habetur per destructionem perfectioris, & productionem imperfectioris, adeoq; aqua, dum remittiur calor in ipsa, dat semper nouam & notuam existentiam calori imperfectiorem quidem & imperfectiorem; dare autem existentiam rei & illam producere sunt vnum & idem. Quod si dicas existentiam qualitaris euadere perfectiorem per hoc quod nouas & nouas partes acquirat, idem de ipsa met caloris entitate dicetur commodius; videlicet qualitatem intendi per additionem gradus ad gradum.

Alij maiorem radicationem aiunt consi-

stere in hoc quod qualitas perfectius vniamur subiecto. Hac autem vnione qualitas melius actuatur suum subiectum. Contra hanc vnionem verte, mutatis nominibus quod dictum est contra illam existentiam; rogando videlicet, an ipse vnio intendatur per destructionem imperfectioris, productionem perfectioris; an per additionem partis ad partem. Primum in pugna argumento iam facto de causa productiua vnionis: secundum dic melius conuenire qualitati quam vnioni.

Præterea nomine perfectioris vnionis intelligitur vnio qua vnum alteri tenacius hæreat. Hoc autem posito sequitur calorem minus intensum esse magis intensum, quod repugnat interminis. Sequala probatur, quia res, aiunt, facilius amittit summum, quam remissum calorem, & consequenter perfectius vnitur remissus quam summus. Est igitur magis radicans calor remissus quam summus. Hæc omnia patent in quolibet subiecto calefactibili, in quo remoto calefacente, summus calor statim definit, remissus diutissime perseuerat.

Alij qualratem magis radicari aiunt formaliter per hoc, quod magis educatur de potentia subiecti. Quomodo autem educatio suscipiat magis & minus nec ipsi, nec alij explicant. Educienim est fieri dependenter à subiecto, vnde donec magis appareat quid intelligant per magis educi, argumentis iam factis impugnentur, nam cū metaphoram suam diuersimode explicant,

nequeunt tamen iisdem argumentis non peti.

Denique contra omnes istos modos valet argumentum hoc. Est axioma in schola Philosophi & D. Thomæ receptum, formas substantiales non intendi neq; remitti. Quomocunq; autem explicetur prædicta radicato poterunt intendi & remitti: ergo radicationis huiusmodi male explicatur. Minor probatur: quia quid repugnat formam habere perfectiorem existentiam, perfectiorem unionem, educi actione vehementiori & validiori? Hoc autem per aduersarios est intendi: ergo &c. Quod dicant formam substantialem educi totam simul & non per partes secus eutem accidentalem: recte explicatur cur intendantur qualitate, non autem formæ substantiales. Et in hoc sensu verum erit qualitatem intendi per maiorem radicationem; quo enim plus est de qualitate in subiecto, eo plus radicitur in eodem, nihil aliud intelligendo per maiorem radicationem quam in existentia qualitatis secundum plures sui partes.

Cæterum non defuere qui per *ly magis raditari* nihil aliud intelligerent quàm profundiores radicas iacere in eodẽ subiecto: hoc est idem subiectũ altius, & profundius penetrare, & hoc insinuari visum est per verbum *raditari*; sed hi decepti sunt hoc vocabulo. Nam profundius peruadere subiectum & ad partes intimiores propagari sequitur quidem plerumq; ad intensiōem, non tamen est intensio sed extensio quali-

tatis Quidam simile imaginantur nonnulli sub his vocibus *magis educi*, quasi idem sit ac ex profundioribus subiecti partibus trahi. Quibus omnibus occasionem dedit metaphorica ista dictio: *magis radicari*.

Tertia sententia est Durandi aientis qualitatem intendi per hoc quod imperfectiori destructa, alia indivisibiliter perfectior producat. Fundamētū huius sententiæ est quod intensio est motus successivus: in successivis autem pars non coexistit parti. Ita obiectum melius seu intensus cognosco in hoc instanti quam in antecedenti; non per hoc quod cognitioni præcedenti superaddatur alia cognitio, sed per hoc quod, priori elapsa, aliam perfectiorem eliciam.

Reprobatur hæc sententia detegendo æquivocationem qua nititur; motus quo intenditur qualitas est quid successivum: & in hoc fatemur partem non coexistere parti qualitas autem ipsa quæ per motum producit est quid permanens, adeoque in ipsa par coexistit parti. Subiectum autem est formaliter tale non per motum, sed per qualitatem quæ est terminus motus. Motus etiam quo extenditur qualitas, est quid successivum: cum evidens sit qualitatem in vna parte subiecti productam coexistere qualitati productæ in altera parte.

In actionibus vitalibus, cuiusmodi sunt cognitiones, recte dicit Durandus non haberi intensionem per additionem partis ad partem. Huiusmodi enim sunt de natura temporis ut alibi dictum est; ac in permanen-

mentibus non est vlla ratio cur res producta in instanti *A* pereat ad aduentum rei quæ producitur in instanti *B*; puta quod calor productus in instanti *A* pereat, adueniente calore in instanti *B*: non enim apparet impossibilitas plurium graduum caloris simul.

Immo experientia constat calorem in aqua, remoto igne, non totum simul perire, sed paulatim remitti: igitur dum aqua à maiori transit ad minorem calorem, pereunte parte caloris, remanent alię partes, quæ paulatim ab aqua prævalente pelluntur. Neque enim probabile est totum calorem perire, & alium paulo minorem ab eadem aqua produci, donec per omnes gradus minores & minores transierit.

Dicendum est igitur nec intensiorem haberi per hoc quod, destructa imperfectiori producat qualitas indiuisibiliter perfectior; nec remissionem per hoc quod, destructa perfectiori, producat alia imperfectior. Nam in actionibus quidem vitalibus vel perfectioris vel imperfectioris operationis sæpe habes causam præsentem: principium videlicet huiusmodi operationum: at verò neque causam destructiuam caloris habes quando ignis intendit calorem in aqua, neque productiuam, quando aqua igne remoto, calorem remittit.

Dicendum igitur. Intenso fit per additionem partis ad partem. Probat hanc conclusio primo per falsitatem aliarum sententiarum quas supra reieccimus: secundo

quia hoc modo facillime intelligitur qui subiectum ex tali fiat magistrale, & è conuerso ex tali minus tale. Sicut enim intensio fit per additionem, ita remissio per deductionem. Nec vnquam accidit agens naturale vnâ qualitatem intendere, quin alteram intra eandem contrarietatem remittat. Ita ex opulento fiet magis opulentus per hoc quod opibus præexistentibus aliæ opes superueniant, & minus opulentus, per hoc quod ab opibus quas habes, aliquæ detrahantur.

Præterea per intensiorem augetur virtus, non solum autem vnio virtutis, ad agens; virtus autem agēis est qualitas; puta virtus quæ ignis calefacit, est calor, quæ aqua frigefacit, est frigus, & sic de cæteris. Qualitates igitur augentur secundum suum esse, & consequenter non vnio, sed qualitas ipsa perficitur. Idemque dicitur magis aut minus tale; secundum quod plus vel minus habet de hac vel illa qualitate.

Hoc idem sensisse D. Thomam probat Ruuius: Tu vide S. Doctorem in 2. 2. quæst. 24. art. 4. ad 3. vbi sic habet: *Dicendum quod quidam dixerunt charitatem non augeri secundum suam essentiam, sed solum secundum radicationem in subiecto, vel subiectum feruorem, sed hi propriam vocem ignorauerunt. Cum enim accidens sit, eius esse est inesse, unde nihil est aliud ipsam secundum essentiam augeri quam eam magis inesse subiecto, quod est magis eam radicare in subiecto. Similiter etiam ipsa,*
essen-

essentialiter est virtus ordinata ad actum; unde idem est ipsam augeri secundum essentiam, & ipsam habere efficaciam ad producendum feruentioris dilectionis actum. Hæc D. Thomas.

Tu de alijs qualitatibus eodem modo philosophare. Calor est virtus ordinata ad calefaciendum: idem igitur erit in subiecto acquirere plus virtutis calefactiue, ac acquirere plus caloris. Hæc, vt vides, pugnant contra sententias iam impugnatas, & probant sententiam quam admittimus, intensiōem videlicet clare, facile, & rationabiliter explicari per additionem partis ad partem. Quod autem intelligis de intensiōe per additionem, intelliges vice versa de remissionem per detractiōem.

A R T I C V L V S II.

Satisfit Obiectionibus.

O Bije. 1. Quando intenditur curuitas arcus, hoc est quando arcus ex curuo fit magis curuus; hoc non fit per additionem curuitatis ad curuitatem, sed per destructionem prioris curuitatis & acquisitionem curuitatis indiuisibiliter maioris; ergo à pari quando intenditur calor aeris vel aquæ, hoc est quando aer, vel aqua, ex calido fit magis calidus, hoc non habetur per additionem caloris ad calorem, sed per destructionem caloris prioris & acquisitionem subsequentis indiuisibiliter maioris.

ris, Idem die vice versa quando lentatur seu remittitur arcus, Probatur consequentia: quia tam repugnat ligno tendenti quantum potest ad rectitudinem producere in se curuitatem, quam aquæ tendenti quantum potest ad frigus producere in se calorem: sed cum tota hac repugnantia lignū à maiori curuitate tendens ad rectitudinē producit in se minores & minores curuitates; ergo etiam aqua tendens à maiori calore ad frigus producet in se minores & minores calores.

Confirmatur: quia ratio cur lignum restituens se à maxima curuitate ad rectitudinem producat in se minores & minores curuitates, est quia transire nequit à summe curuo ad rectum sine transitu per curuitates intermedias: sed neq; aqua transire potest à summe calida ad frigidam sine transitu per calores intermedios: ergo etiam aqua poterit in se producere calores minores & minores, donec deueniat ad debitum frigus. Paritas est nitida; sicut enim à summe curuo ad rectum via est per curuitates minores & minores intermedias: ita à summe calido ad frigidum, via est per minores & minores calores intermedios.

Hoc idem argumentum mutatis terminis facies in quolibet mobili à magna distantia properantis ad centrum suum. Mobile, ut ex remotissimo fiat propinquum, debet successive producere in se minores & minores distantias. Hoc autem videtur absurdum ex terminis non consideranti, quod illæ
quæ

quæ dicuntur minores distantia, reipsa sunt approximationes ad centrū. Quid autē absurdi est quod mobile vt accedat ad centrū, successiue producat in se maiores & maiores approximationes ad ipsū. Sicut igitur minores ille distantia sunt maiores approximationes: ita etiam minores illi calores in aqua sunt maiora, vt ita dicam, frigora, si non formaliter saltem concomitanter. Nihil igitur absurdi erit, quod aqua dicatur, dum remittit calorem in se productum, producere simul maiora frigora & minores calores, donec perueniat ad frigiditatem sibi debitam.

Resp. conc. antec. negando conseq. Eadem curuitas tam est impossibilis cum alia curuitate siue maioris siue minori, quam vbicatio A est impossibilis cum alia vbicatione eiusdem subiecti. Tam igitur repugnat subiectum habere simul duas curuitates, quam duas vbicationes, & quemadmodum non acquirit vbicationem subsequenter, nisi amissa priori: ita nequit acquirere subsequenter curuitatem, nisi relicta antecedenti. Idem dic de mobili tendente ad centrum quod ita fluit per spatia intermedia vt nunquam simul sit in duobus locis. Est autem absurdum dicere non posse simul esse in eodem subiecto duos gradus caloris, & vnam qualitatem ab alia pelli. Hinc etiam de *vbi* dicitur quod non suscipiat magis & minus: quod non dicitur de qualitate: non enim vnum est magis vbicatum quam aliud, cum vnum
fit

sit magis tale . Ex his patet ad argumen-
tum . Ad confirmationem nega maiorem .
Ratio quæ affertur non est ratio adæquata :
nam non posse transire ab extremo ad ex-
tremum sine medio est commune curuo ,
distanti , & calido . Ideo igitur transit pro-
ducendo curuitates & vbicationes inter-
mediat , quia non habet alium modum re-
ducendi sed rectitudinem & locum debi-
tum , & est aptum producere in se huius-
modi ubi fluentia , vt alibi dictum est . Por-
ro quemadmodum mobile proceducit ubi
intermedia vt ad centrum perueniat ex di-
stanti , ita aqua producit in se gradus fri-
goris intermedio , vt perueniat ex calida
ad debit frigidam .

Hinc falsum est minores calores esse viā
ad frigus debitum : sed via ad frigus debitum
est frigus minus , quod paulatim intenditur
vsque ad summum , ita igitur compara gra-
dus frigoris intermedios vsq; ad summum ,
sicut cōparas vbicationes intermedias cum
vbicatione qua mobile sit in centro . Deci-
pitur autem Aduersarius in hoc quod ad in-
crementum frigoris decrescat calor , & cum
decremento caloris maneat minor calor ,
qui non est ab actione aquæ refrigeratis se ,
sed cum actione . Ex his patet ad reliqua .

Obiic. 2. Primus gradus qualitatis in-
tensione est terminus à quo respectu se-
cundi : secundus , respectu tertij , & sic de
reliquis : sed terminus à quo non manent
cum termino ad quem , vt dictum est alibi ,
ergo nec primus cum secundo , nec secun-
dus

us gradus cum tertio, & sic de cæteris.

Resp. transmissa maiori, distinguendo minorem: nullus terminus à quo manet cum termino ad quem, nega; al. quis terminus à quo non manet cum aliquo termino ad quem: concede minorem: & nega consequ. Etiam quando calor extensive diffunditur primus palmus est terminus à quo respectu secundi; nam à primo vadit ad secundum, & tamen manet simul vterque calidus. In intensione à primo ad secundum gradum; duplex terminus à quo considerari potest. Vnus est priuatio secundi gradus à qua subiectum procedit ad habitum, & hic nū manet cum secundo gradu, hoc est cum termino ad quem: alius est ipsemet gradus primus qui est terminus positivus, & hic manet cum termino ad quem. Idem in augmentatione considerare potes. Planta dum à priuatione maioris altitudinis transit ad maiorem altitudinem per additionem materiæ ad materiam, non retinet priuationem maioris altitudinis, retinet tamen materiam cui per nutritionem alteram superaddit.

Dices ergo subiectum est simul minus calidum, & magis calidum. Probatur consequentia: quia retinet minorem calorem cum maiori: minor facit minus, maior magis calidum; ergo est simul minus calidum & magis calidum.

Resp. negando consequ. Ad probationem Minor, si solus sit, facit minus calidum; si cum alio non facit. Immo vt ex sequenti-

bus patebit neque hic per seipsum est minor, nec ille maior: sed hic cum exclusionem aliorum graduum est modicus, ille simul cum alijs est magnus calor, seu potius constituit cum alijs magnum calorem.

Obijc. 3. Isti gradus per quorum additionem qualitas intenditur sunt homogenei vel ætherogenei; neutrum dici potest; ergo intensio non fit per additionem gradus ad gradum.

Q V Æ S T I O III.

De homogeneitate gradum.

A R T I C V L V S I.

Gradus intensiōis sunt homogenei

Conclusio pro titulo posita multos habet aduersarios, multos etiam amicos. Aduersarij sunt Suarius disp. 46. Metaph. sect. 1. Hurtadus disp. 5. de alteratione sect. 2. alique quos sequitur P. Maurus in Physica quæst. 28. Putant hi gradus qualitatē esse inter se dissimiles; itaut ille qui secundo loco producit ex natura rei præsupponat illum qui productus est primo, nec detur inter hunc & illum indifferentia ad rationem primi, & secundi. Amici sunt Gabriel Vasquez, Ruuius alijque: sed, quod magni faciendum est, amica ratio, qua ostenditur gradus eiusdem qualitatis esse inter se omnino similes, eumque qui

pro-

producitur tertius, potuisse esse primum, & sic de cæteris, quibus ratio quarti vel quinti est extrinseca à tot vel tot alijs præ-existentibus in eodem subiecto.

Ratio autem qua probatur hæc conclusio est quia ad intensiorem qualitatis non datur vlla necessitas dissimilitudinis inter gradus; cum per multiplicationem graduū omnino similium recte intelligas ex tali fieri magis tale. Ad ponendam autem dissimilitudinem requiritur argumentum positive probans dissimilitudinis necessitatem.

Præterea est dictum Philosophi, quod magis & minus non variant speciem; si autem secundus gradus est per seipsum dissimilis primo, calor ut duo est specie diversus à calore ut vnum: nam omnis dissimilitudo mutat speciem, ut habes in Logica. Adde quod etiam si quælibet dissimilitudo non esset sufficiens ad diversitatem specificam, sed requireretur notabilis: calor ut sex speciei differet à calore ut duo: datur enim inter hunc, & illum notabilis dissimilitudo: cum tamen reipsa non differant nisi secundum plus & minus intra eandem speciem qualitatis: hoc est cum per calorem ut sex habeatur plus, per calorem ut duo minus de eadem qualitate.

Confirmatur primo conclusio à paritate quantitatis: ad hoc enim ut aliquid crescat in ratione quanti, non est necesse secundum partem seu materie, seu quantitatis esse diversam à prima; ergo pariter ut idem crescat in ratione talis, non est necesse ut se-

cun-

cundus gradus, aut tertius, per quem fit magis tale, sit dissimilis ab eo vel ijs per quos erat simpliciter tale.

Confirmatur 2. quia species intentionalis intenditur per additionem speciei ad speciem eiusdem rationis: ita ut nihil referat, an hæc, vel illa fuerit prima, aut secunda: ergo similiter alia qualitates. Antecedens probatur experientia: per hoc enim quod sæpius videris, aut audiueris idem, data omnimoda paritate inter visiones, & auditiones, eiusdem melius recordaris: ergo species rememoratiua facta est perfectior per multiplicationem specierum eiusdem omnino rationis: partes enim visiones & auditiones pares sui species relinquunt.

Vbi aduerte discrimen inter actus, siue actiones vitales, & species relictas ab actibus. Actiones fluunt, nec vna alter superadditur: species autem permanent, & vna alteri recte coniungitur in vnitatem speciei perfectioris. Denique probatur conclusio respondendo obiectionibus.

A R T I C V L V S II.

Satisfit Obiectionibus.

O Bije. 1. Si gradus qualitatis sunt homogenei, sunt in eodem subiecto plura accidentia solo numero distincta; consequens est absurdum: ergo & antecedens. Sequela maioris probatur: quia sunt in eodem

dem subiecto plures gradus eiusdem qualitatis omnino similes : ergo &c. Minor autem probatur : quia accidentia indiuiduantur à subiecto : ergo multiplicari nequeunt indiuidualiter sine multiplicatione subiectorum.

Resp. transmissa maiori : negando minorem . Ad probationem nega antec. Dictum est enim alibi quamlibet rem à seipsa habere , & non ab villo alio , quod sit hæc potius quam illa . Transmissa est maior , quæ tamen posset negari ; nam multiplicitas ista graduum est vna maior qualitas , sicut multiplicatio partium materiæ , aut quantitatis per nutritionem facit vnā quantitatem . Gradus superueniens gradui facit vnum calorem , sicut aqua superueniens aquæ facit vnā maiorem .

Obijc. 2. Si gradus sint omnino similes , simile ager in simile , & minus intensum in magis intensum : consequens est absurdum : g. & antec. Sequela maioris probatur : quia quilibet gradus est eiusdem perfectionis cum quolibet alio : ergo tertius est eiusdem perfectionis cum octauo ; g. non plus requiritur in causa ad producendum octauum , quam ad producendum tertium . accipe iam duo calida , vtrumque vt quinque . Calidum vt quinque posset in subiecto producere tertium gradum caloris sed sextus gradus non est maioris perfectionis quam tertius : ergo poterit producere sextū g. calidum vt quinque poterit vltterius calefacere aliud calidum , vt quinque . Quod
au-

autem dicis de sexto post quintum, dic de septimo, & octavo, & quod dicis de calido ut quinque respectu alterius calidi ut quinque, dic de calido ut tria, respectu calidi ut sex. Confirmatur; quia quotiescumq; datur & subiectum aptum recipere, & agens aptum producere cum debita approximatione, toties alterum debet agere, & alterum pati: sed datur hoc quotiescumque calidum ut quinque sit proximum alteri calido ut quinque: g. &c. Minor probatur, quia & calidum ut quinque potest producere unum gradum, & calidum ut quinque potest recipere unum gradum caloris.

Supponit arguens impossibilem esse actionem similis in simili: de quo alibi disputabitur. Huius impossibilitatem facile ostendit in gradibus ætherogeneis: calidum ut quinque nequit agere in aliud calidum ut quinque, quia in calido ut quinque gradus ulterior esset calor ut sex; in calido autem ut quinque non continetur perfectio caloris ut sex: ergo calidum ut quinque nequit agere in aliud calidum ut quinque. Si autem gradus qui facit calidum ut sex non est perfectior quolibet alio gradu, non est cur non contineatur in calido ut quinque adeoque cur produci nequeat ab ipso. Tamen hæc eadem impossibilitas componenda est hic cum graduum homogeneitate. Igitur ad argumentum in forma.

Resp. neg. sequelam maioris. Ad probationem concede quemlibet gradum esse eiusdem perfectionis cum quolibet alio;

ne-

negā post quemlibet gradum posse quemlibet à quolibet produci in alio. Debes igitur affere rationem, cur, stante æqualitate perfectionis in singulis, nequeat tamen quilibet in quolibet subiecto producere quemlibet, post quamlibet mensuram. Rationem habes passim apud Philosophum, præcipuè lib. 2. de Gener. vbi docet rationem agendi in ijs quæ generant, & corrumpunt esse contrarietatem, sed inter similia deest contrarietas: ergo inter similia deest ratio agendi. Rursus inter contraria illud agit quod excedit alterum in qualitate actiua, quia iuxta commune adagium: *Actio est à proportionem maioris inequalitatis*. Hinc habes minus intensum non agere in magis intensum; da enim calidum vt tria, & calidū vt sex; habes in his excessum frigoris in calido vt tria, supra calidum vt sex, & excessum caloris in calido vt sex supra calidum vt tria; igitur calidum vt tria debet refrigerare calidum vt sex, & calidum vt sex calefacere calidum vt tria, vt actio vnius in alterum sit ab excessu virtutis in utroque.

Huius rei rationem à priori habebis vbi ex professo de actione similis in simile. Interim nota nos loqui de agentibus secundum qualitates alteratiuas; Sunt enim qui negantes actionem similis in simile secundum qualitates huiusmodi, illam admittant secundum qualitates non alteratiuas: quæ opinio, vt infra dicetur, est valde probabilis, & sua probabilitate disijcit argumentū

Ad-

Aduersarii: si enim similia in aliquo genere qualitatis agunt in se inuicem; se intendunt intra eadem speciem qualitatis: nequit igitur dici gradum quo vtrumlibet fit intensius tale esse maioris perfectionis, quam alii gradus, cum ab aliis gradibus producantur; stant principio quo innititur idem discursu: quod perfectior intensio nequeat esse ab imperfectiori.

Ad confirmationem patet ex dictis distinguendo, quotiescumq; &c. cum debita proportionem agentis ad passum: concede; sine debita proportionem: nega maiorem, & eodem modo distincta minori, nega consequ. Calidum ut quinque est aptum producere vnum gradum caloris, & etiam plures, non in quolibet subiecto, sed in subiecto cum quo habeat contrarietatem, & cum quo habeat excessum in virtute, secundum quam agit.

Obijc. 3. Calor ut octo exigit in subiecto formam specie diuersam ab ea quam exigit calor ut quinque; ergo calor ut octo specie differt à calore ut quinque. Probatur antec. Calor ut octo exigit in subiecto formam elementi, videlicet formam ignis ad quam est dispositio: calor autem ut quinque exigit in subiecto formam aliquam mixti, cuius temperamentum sit cum aliquo excessu calidi supra frigus: hæ autem formæ sunt specie diuersæ. Probatur iam consequ. quia dispositiones ad formas species diuersas sunt specie diuersæ. Probatur hoc. Est innatum talibus dispositionibus

petere formas, quas petunt, adeoq; exigentia huiusmodi diuersificant entitatie dispositiones huiusmodi. Hoc argumentum aliquos mouet.

Resp. non cesso antecedenti, distinguendo consequēs: est specie diuersus calor vt octo à calore vt quinq; secundū speciē mensuræ; concedo consequ. secundū speciē entitatis: nego consequ. Calor vt octo, seu octo gradus caloris sunt mensura caloris specie diuersa à mensura, que sit ex quatuor; sicut quatuor homines sūt numerus specie diuersis à numero, qui habetur per duos. Ad diuersitatem autem specificam formæ sufficit huiusmodi diuersitas. Patet hoc ex alibi dictis: plus enim, & minus non variant speciem, quamuis plus caloris vna forma requirat quam alia: *Ly plus, & minus* cum identitate specifica dicit diuersitatem in mensura eiusdem specie qualitatis: vnde mutat speciem non qualitatis, sed intensiōnis, & hic est sensus Philosophi, quem etiā vltcrius explicabis exemplo extensionis: certum est enim plus, & minus qualitatis extensæ non mutare speciem in qualitate: quamuis mutet speciem in extensione qualitatis; puta tres palmi caloris, sari sic liceat, est extensio diuersa specie ab extensione, quæ habetur per vnum palmum. Hęc omnia sunt clara, vnde mirum est aliquem argumento prædicto moueri.

Obiic. Si gradus sint homogenei sequitur duo calida vt quatuor compenetrata euadere singula calida vt octo, adeoq; con-

uertenda in ignem. Consequens est absurdum, g. & actec. Sequela probatur, quia in quodlibet erunt octo gradus caloris: sed, ut supponitur, octo gradus caloris sunt dispositio naturalis ad ignem, g. &c.

Resp. 1. quod si sunt in quolibet per compenetrationem octo gradus caloris, sunt simul in quolibet octo gradus frigoris, adeoque vtrumq; remanent in eadem temperie in qua erat antea, hoc est tantundem habens frigoris quantum caloris: octo autem gradus caloris cum totidem gradibus frigoris non sunt dispositio ad ignem. Hinc vides argumentum nihil valere.

Resp. 2. negando sequelam maioris. Ad cuius probationem distingue; in quolibet essent ut in subiecto; nego; essent alio modo, hoc est localiter; concedo. Dictum est in Physica subiectum non fieri tale per puram presentiam, seu per intimam penetrationem accidentis, seu qualitatis secum: Vnde si fatuus compenetraretur cum sapiente, non propterea euaderet sapiens, quamvis eo ipso haberet compenetratam sibi sapientiam. Posse etiam distinguere iuxta primam responsionem; haberet octo gradus caloris cum totidem frigoris; omitto: octo gradus caloris secluso frigore: nego. Hæc autem mensura caloris cum non præualeat; nec magis agat, nec magis exiget, quam mensura qualitatis oppositæ. Hinc etiam centum calida ut quatuor non magis calefacient, quam vnicum; imò non calefacient, quia non est in ipsis potior ratio

tio calefaciendi, duam frigefaciendi.

Obijc. 5. Cum gradibus homogeneis non datur potior ratio in intensione ut hic producaturs prius quam alius; nec in remissione hic pereat prius quam alius; ergo sine ordine oriuntur, & occidunt isti mileri gradus: hoc autem est inconueniens in natura, quæ ut sapiens petit in entibus ordinem per se, abominatur autem ordinem per accidens. Porro hic ordo per se habetur cum ætherogeneitate graduum, nam in intensione, qui est primus nō potuit esse secundus, qui secundus non potuit esse aut primus, aut tertius, & sic de cæteris. Item in remissione, qui destruitur primo loco, non potuit destrui secundo; qui secundo nec primo, nec tertio, sed quemadmodum dum intenditur qualitas incipit à primo, & per gradus ascendit ad octauum; ita dum remittitur destructio incipit ab octauo, & per eandem scalam descendit ad primum. Vbi vides dari pulcherrimum ordinem.

Resp. multos ludere in his terminis: *ordo per se* & *ordo per accidens*, in ijs quæ fiunt in natura nullus est ordo per accidens, si ly *per accidens* recte intelligas, quia omnia ordinantur secundum voluntatem auctoris naturæ, qui est sapientissimus. Itaque ad argumentum in forma; concede maiorem, nega minorem. Ad illum ordinem distingue: nō datur in gradibus ordo per se, sed ordo per accidens, si ly *per accidens* idem est, ac casualis: nega: si idem est, ac non exigitur determinate à natura; concede, Huiusmodi

autem ordinem non abominatur natura, sicut sapiens Architectus non abominetur ordinem, quem pro sua voluntate ponit inter lapides, quorum alios sursum alios deorsum locat.

Dices: ergo ad productionem huius potius quam alterius recurrendum est ad determinationem causæ primæ. Hoc autem est absurdum.

Resp. concedo conseq. nego esse absurdum, sicut non est absurdum recurrere ad determinationem causæ primæ pro hac, vel illa determinata collectione accidentium, in hoc, vel illo Individuo: neq. per aduersarios absurdum est recurrere ad determinationem causæ primæ pro hoc potius, quam illo tertio gradu caloris, aut frigoris. Hoc ut intelligas breuiter aduerte primum gradum caloris, qui producitur in aqua, non esse vnicum inter gradus possibiles esse primos: quamuis nequeat esse secundus: idē dic de secundo, & tertio: cuiuslibet enim rationis sunt possibiles non tot, quin plures. Ad habendum igitur hunc potius, quem alterum ex possibilibus intra eundem ordinem, recurrendum est ad aliquam determinationem, Si Aduersarius recurrit ad causam primam, idem facit quod nos. Si inter illos possibiles vult vnum ex se esse determinatum, ut producat hic, & nunc, potius quam quilibet alius, sine vlla ætherogeneritate quæ propterea sit inter illos possibiles; idem etiam licebit dicere de gradibus, quos admittis: vnum videlicet esse ex natura sua

sua determinatum ut sit potius, quam alias omnino similis, absque eo quod sint inter sed dissimiles.

Ex his apparet nullum ex gradibus caloris, qui producitur in aqua, opponi cum ullo determinate ex gradibus frigoris, quod est in eadem, Quilibet autem ex gradibus qualitatis, quæ producitur, opponitur cum tota collectione qualitatis oppositæ ut tota adeoq; necesse est aliquem ex illa collectione perire, quicumq; ille sit, sicut si in vas aqua plenum guttam alius liquoris infundas, necesse est aliquam aquæ guttam effluere siue hanc, siue illam. Sicut autem ut hic potius, quam ille prior subiectum introeat recurris ad determinationem causæ primæ: sic etiam recurre, ut hic potius quam ille prior exeat, siue destruat. Quæ omnia consonant et dictis in Logica ubi de Individuo, & dicendis infra circa seriem naturalem effectuum. Porro qui æthorogeneos ponunt, aiunt introductionem primi gradus esse expulsionem supremi qualitatis contrariæ, secundi verò expulsionem immediate sequentis post supremum, puta introductio primi gradus caloris in aquam est expulsio octavi gradus frigoris, secundi verò est expulsio septimi, & sic de reliquis

Dices. Ultimi gradus, hoc est, facientes summe tale, difficilius introducuntur quam primi; & primi, hoc est facientes parum tale, difficilius expelluntur quam ultimi: g. sunt dissimiles. Antec. prob. quia Ignis difficilius producit in aqua ultimos gradus

quam primos: aqua difficilius amittit infimos gradus frigoris quam summos: statim enim deficit a feruore diutissime tepida.

Resp. 1. neg. antec. si cætera sint paria, hoc est, secluso omni vel adiuuante, vel prohibente extrinseco, Facile est hac in re decipi per hoc quod celerior sit transitus sensibilis ex feruente in non feruentem, quam ex vno in alterum gradum teporis, quod ideo accidit quia tepor maiorem latitudinem habet quam feruor.

Resp. 2. trans. antec. neg. conseq. Aqua, præsentente contrario, facilius parum agit quam multum, adeoque: facilius conseruat in se modicum frigus quam summum.

Resp. 3. quod ubi duo contraria se mutuo alterant, in fine minus agunt quam in initio, quia in fine minus habent contrarietatis.

DISPUTATIO III.

De causis substantiæ.

QVÆSTIO I.

De causa accidentium.

ARTICVLVS. V.

Ad substantia sit actiua.

DVbitari potest de actiuitate substantiæ dupliciter, an scilicet actiua sit intra seipsam, an actiua in subiectum extrinsecum. Aliqui ex Thomistis negant substantiam intra seipsa quicquam producere immediate per seipsam. Aiunt autem primam passionem substantiæ inesse à generante, per hanc autem cætera produci à substantia intra seipsam. Prima igitur passio quod est primum accidens non est ab vilo alio accidente, quod repugnat ex terminis, cætera autem accidentia sunt à primo. Hanc refellit Suarius, Hurtadus, alijque ex recentioribus, quibus nos etiam suffragamur. Nam.

Contra est primo: quia secundum Philosophum in libris Analiticorum potissima demonstratio est ea, quæ probat primam passionem per essentiam, vt dictum est à nobis ibidem: sed demonstratio potissima est

à priori; g. demonstratio primæ passionis per essentiā est à priori; demonstratio autem. à priori, est per causam; essentia igitur est causa suæ primæ passionis.

Præterea ratio qua probant aut probare nituntur substantiam non esse in seipsa immediate actiuam est nulla. Aiunt enim quod substantiæ propter limitationem sui esse nequit conuenire esse immediate actiuam. Quod autem substantiæ limitatæ perfectionem excedat ratio immediata actiuæ, nescio qua ratione sibi persuadeant, hoc enim est ex terminis improbabile. Immo facile est sic arguere. Non est supra perfectionem accidentis creati esse immediate actiuum; ergo neq; supra perfectionē substantiæ. Quasi vero ex eo quod immediate agat possit quidlibet agere.

Dices: eo quod accidens agat immediate non arguitur illimitatio: quia non per hoc tollitur ab accidente quod sit entis ens, & quasi non ens, immo non simpliciter ens, sed solum cum addito; at vero conceptus substantiæ non est conceptus entis infimi, quod sit solum improprie ens &c. Vnde si tantæ perfectioni addas esse actiuum immediate, faces perfectionem illimitatam.

Resp. hæc esse pura puta verba. Etiam si dēs aquam in seipsa immediate producere frigus, ignem in seipso immediate & per seipsum, producere calorem, non est vlla probabilis ratio re propterea infinitate virtutem actiuam vtriusq; adhuc enim remanet principium prodoctiuum huius vel illius

lius qualitatis solum & in tanta mensura
& non vltius? ibitur gratis omnino huius-
modi infinitatem ponunt.

Insuper tenendum est quod in Physica
diximus de forma substantiali: agentes con-
tra Atomistas; hanc videlicet esse princi-
pium recuperatiuum qualitatis amissæ per
actionem agentis contrarij. Dum autem
dicimus formam immediate producere ac-
cidentia huiusmodi; non propterea dicimus
hæc accidentia recipi in forma. In substan-
tia enim de qua hic agimus, duo agnosci-
mus, materiam videlicet & formam. in
forma vim agendi, in materia potentiam re-
cipiendi. dum igitur eiusdem substantiæ
pars agit in alteram, eadens substantia di-
citur agere intra seipsam. Damus autem
actiuitatem formæ, receptiuitatem materiæ.
Iuxta illud Philosophi, *unumquodque agit
inquantum est actu cui consonat: unum-
quodque patitur inquantum est potentia*.
Cum igitur & forma sit actus, & materia sit
potentia, & utrūque faciat vnū; recte in vno
eodēq; & agēdi vi & recipiēdi cognoscimus

Denique in substantia dari vim produ-
ctiuam accidentium est manifestum; dispu-
tatur solum an hæc vis actiua sit identifica-
ta cum substantia, an ab eadem distincta.
Dicimus identificatam, quia non est vlla
ratio multiplicandi in substantia & princi-
pium quo substantia est, & principium quo
substantia agat; qui autem distinguit, debet
hanc multiplicitem ostendere, quod ne-
mo hactenus probabili ratione obtinuit.

ARTICVLVS II.

*An substantia immediate per seipsam agat
in extrinsecum .*

A Quæ tribuitur frigus ; non solum quod est in aqua & per quam est frigida, sed etiam quod est in subiecto aquæ proximo , dicitur enim hoc ab aqua frigi fieri. Primū tribuitur vt ratio formalis qua frigida est : secundum vt effectus . Quæritur an illud accidens productum in extrinsecum sit ab aquæ substantia immediate, an solum mediate, immediate autem à frigore quod est in aqua . Quod de aqua dico , dic de cæteris dum inquiritur ab substantia agat in extrinsecum per seipsam an per sua accidentia ?

In hac controuersia dicendum est substantiam agere non per seipsam sed per sua accidentia in subiectum extrinsecum . Probatur hæc conclusio : quia qualitas vel sit in subiecto sibi debito , vel in subiecto sibi indebito , eodem modo immutat passum sibi proximum, ergo actio est immediate non à substantia, sed à qualitate : quæ propterea dicitur virtus actiua substantiæ Anteced. probatur per calorem in aqua, vel ferro vel plumbo receptum , qui æque acriter vrit , ac si esset in subiecto sibi consentanea ; ergo vis actiua est in ipso calore : tunc enim manifestum est actionem non esse à substantia : non à substantia ignis , cuius accidens proprium est calor , cum ibi non sit ignis :
non

non a substantia aquæ, plumbi, vel ferri: quæ potius est radix frigoris quam caloris.

Immo plerumque accidit calorem in extraneo subiecto acrius vrere subiectum, sibi applicatum, quam si esset in proprio. Hoc experieris, si manum tuam in flamma, tum in plumbo liquefacto leuiter immergere non dedignaberis. Vis igitur calefactiua est calor. Vis frige factiua est frigus, & sic de cæteris.

Probatur secundo ex duobus principijs communiter receptis in tota Peripato; Primum est: *quæ generant & corrumpunt secundum quod contraria sunt, agunt.* Secundum est, *substantia substantiæ non est contraria.* Primum habes passim apud Philosophum in libris de Gener. secundum apud eundem in prædicamento substantiæ. Ex quibus inferes: ergo substantia in substantiam non agit per seipsam sed solum per accidentia; puta ignis non agit in aquam, prout ignis est, sed prout est calidus; nam ista duo secundum formas substantiales contrarietatem non habent; habent autem secundum qualitates, quæ in utroque sunt visagendi. Immo si recte calleas sensum Philosophi in hoc dicto; *substantia substantiæ non est contraria per seipsam sed per accidentia*, inuenies nihil aliud significari nisi; substantia in substantiam non agit per seipsam sed per sua accidentia. In quo naturæ ordinem obserua, quæ substantiam fecit suorum accidentium in se propuctricem, ut per ea agat in extrinsecum, seque

hac actione propaget in specie. Actio enim per quam ignis alterat aquam tandit ad productionem ignis, vt alibi ostendetur. Ita artifex sua instrumenta sibi efficit, & instrumentis vtitur ad aliud faciendum.

Dices: vis recuperatiua accidentium tribui potest alicui accidenti quod sit in eadem substantia: ergo sicut substantia agit in extremum nō per seipsam immediate, sed per aliquid à se distinctum, ager etiam intra seipsam non per seipsam immediate sed per aliquid à se distinctū; ergo non est necesse quod esse actiuum in se immediate dicatur de substantia. Probatur antecedens: quia species Eucharistiæ recuperant temperamentum præcedens, si ab aliquo agente extrinseco fuerit immutatum, ergo vis recuperatiua tribui potest accidenti non autem substantiæ. Probatur hoc, quia si hostia consecrata vel nimium incaluerit, vel aliquid huiusmodi passa fuerit à quolibet agente extrinseco; ita se reducit ad statum pristinum, sicut si esset substantia panis: ergo accidentia panis etiā extra panē recuperant temperamentū propriū panis. Sicut autem extra panem illud recuperant; ita intra: vtrobiq; actione quæ sit nō à substantia immediate sed ab ipsis accidentibus.

Resp. 1. Vis recuperatiua accidentium tribui potest substantiæ immediate per seipsam; ergo non est quod iribuatur accidenti. Ant. constat ex dictis in Physica & ex cōmuni conceptu substantiæ, per quem dicitur prima radix suarum proprietatum.

Resp.

Resp. 2. negando antec. Ratio est quia idem non agit in seipsum actione uniuoca , vt ait Philosophus in libris de Generatione. Puta calidum non se magis calefacit , nec frigidum se magis frigefacit actione qua calor in eodem subiecto in quo est calorem intendat . Ratio quam affert Philosophus est ; quia idem corrumpere seipsum . Si enim calor qui est in subiecto A posset in eodem subiecto calorem intendere , ita augetur calor in illo subiecto , sicut augetur per actionem extrinseci calefacientis ; immo cum calor intrinsecus sit magis applicatus passo , vehementius ageret . Igitur sicut ab agente extrinseco ita calor augetur vt destruat subiectum , sicut etiam ita augetur ab intrinseco , quod est inconueniens . Hoc autem non accidit si à forma immediate sit qualitas in subiecto recepta in bonum subiecti , qualis est illa que habetur per recuperationem debiti temperamenti . Tunc autem cum actio sit ab ipsa met forma substantiali diuersa à quodlibet accidente , manifestum est idem non agere in seipsum actione uniuoca : quia non eiusdem rationis sunt & virtus produciens & terminus productus .

Ad illud de accidentibus Eucharisticis . dicendum est hoc ipsum Mysterium ex hoc ipso capite quod Mysterium sit , petere à Deo recuperationem temperamenti quod esset proprium panis . An autem hoc habeatur per actionem accidentium , an alio modo : puta per actionem qua sit à Deo

solo, vel à quolibet alio agente extrinseco, incertum est: sicut & incertum est qua ratione multa alia eueniant circa Hostiam consecratam, in qua quicquid saluari potest sine miraculo, sapienter saluatur: quicquid nequit sine miraculo, eo ipso sapienter admittitur & non sine necessitate miraculum.

Dices. Si ignis spoliaretur toto suo calore & per diuinam omnipotentiam si conservaretur, adhuc calefaceret subiectū sibi proximum: ergo ignis calefacit per suam substantiam immediate, non autem per virtutem sibi superadditum.

Resp. rogando Aduersarium vnde hoc sciat? Resp. secundo negando antecedens; quod eo ipso non gratis negatur: quia sine ratione assertur, immo contra rationem. Nam aqua suo frigore spoliata non frigefacit: ergo pariter ignis suo calore spoliatus non calefaceret. Ex hoc ipso habes argumentum pro tua sententia. Substantia enim agit secundum mensuram qualitatis actiue, puta aqua è lepida in frigidam vergens leuiter frigefacit: si autem per suam substantiam, cur non vehementer?

Q V Æ S T I O II.

*De Virtute immediate productiua
substantiæ.*

A R T I C V L V S I.

*An substantia sit immediate ab
accidentibus.*

IN assignanda virtute à qua immediate
fluat substantia tres potissimum factio-
nes inuenies in Philosophia . Prima est
Thomistarum, qui in solis accidentibus, im-
mo sola accidentia virtutem adæquate im-
mediate productiuam substantiæ agnoscunt.
Secunda est Scotistarum, qui solam substā-
tiam hoc honore insigniunt, vt aliā substan-
tiam immediate producat, ita vt accidentia
agant disponendo subiectum , nullo autem
modo immediate attingant ipsam substan-
tiam in ratione termini immediate produ-
cti . Tertia est P. Suarij qui & accidentia
& substantiam simul ponit pro virtute im-
mediate effectiua substantiæ . Hanc tertiam
sententiam ex recentioribus plurimi ample-
ctuntur .

Ad resolutionem controuersię tenendum
est quod alibi diximus , in substantijs adæ-
quate materialibus , quales sunt omnes sub-
stantiæ sensibiles , vno homine excepto , è
potentia subiecti reduci non solum vnionē ,
sed ipsammet formam . Quæritur autē hic
qua

qua virtute immediata educatur forma huiusmodi, & consequenter hic habemus pro vno eodemque educere formam substantialē ac immediatē producere substantiā quod ipsa etiā in nostra sententia eadem sit indiuisibilis actioeductiua formæ & productiua substantiæ, vt patet ex dictis.

Dicendum est primo. Accidentia immediate producunt substantiam. Probatur hæc conclusio iisdem rationibus quibus probari potest ignem vrere; aquam frigefacere; ignem producere ignem potius quam aquā & sic de cæteris: quia videlicet quotiescunque ignis applicatur subiecto combustibili illud cōburit: ignis proximus manui illam calefacit: siue potius: combustibile prope ignem conuertitur in ignem: manus prope ignem incalescit. Hoc est probare à posteriori. Non autem aliunde scimus hoc illius rei causam esse quam quia ad præsentiam huius & illius, hæc & illa res ponitur in rerum natura: vnde si semper contingeret id quod semel contigit in fornace Babilonica, & alias in alijs huiusmodi occasionibus; negaremus ignem esse calefactuum nisi quod ipsos Tiranni ministros combussit.

Probatur igitur nostra conclusio. Sæpissime nullo igne præsentē nec vlla substantia cui sapienter tribui possit vt effectus noua substantia: sed præsentibus accidentibus eius generationi proportionatis, prodit de nouo substantia in natura. Puta ad intensionem caloris sequitur in subiecto
for.

forma ignis, adeoque nouus ignis efficitur; ergo calor ille recte dicitur immediate concurrere ad productionem illius nouæ substantiæ. Apparet hoc quotidie apud Nautas, Molitores, Architectos, & alios huiusmodi, qui vident suos funes accendi, aliasque machinas inflammari ad intensiorem caloris excitati per motum. Hoc idem accidit in attritione aeris inter calibem & filicem, alijsque huiusmodi, in quibus aer attenuatus & motus, ita rarefcit, vt materia ipsius euadat & inepta forma aeris, & apta formæ ignis; ideoque aer conuertatur in ignem.

Præterea constat experientia pullos calore clibani educi ex ouis, & oua ipsa mutari in pullos, absque eo quod ibi adsit vlla substantia cui generatio pulli tribui possit. Stulte enim calcem & lateres & quamlibet aliam huiusmodi substantiam, quæ constet furnus pro virtute pullorum generatiua assignares. Nihil igitur ibi pro virtute effectiua reperies nisi temperamentum illarum qualitatatum quæ in substantiam, cui immediate agunt; illamque conuertunt in pullum.

Non pauci ad generationem huiusmodi cælum inuocant pro causa immediate influente. Non est dubium cælestia corpora esse causas vniuersales effectuum inferiorum: sed pro isto partu nequeunt specialiter aduocari ob argumentum quo Aduersarij parant vt contra nos; videlicet temperamentum qualitatatum quæ sunt & in oio,

& circa ouum non est neque formaliter neque eminenter quid viuens: ergo nequit esse virtus immediate productiua viuentis. Antecedens probant facile, & vltro conceditur; consequentiam putant æque euidentem, quia videlicet nequit virtus productiua vllius effectus esse minoris perfectionis effectus: omne autem non viuens est imperfectius quolibet vitente. Vita autem pulli non est in infimo genere vitæ; cum sit vita sensitiua. Hoc argumentum quanti faciendum sit, patet ex dictis, & patebit magis.

Obserua hoc aliud magis vrgeri in oppositum. Constat à solis accidentibus produci quandoque substantiam: accidentia sunt ex toto genere in perfectione infra substantiam; ergo constat quandoque perfectius ab imperfectiori immediate produci. Maiorem probabis inductione fere per omnes substantias; nam & ignis sapissime, sapius autem species innumerae viuentium tam in genere vegetatiuorum, quam in genere sensitiuorum præsentibus solis accidentibus, nulla autem causa particulari substantiali secunda, oriuntur. Igitur his omnibus constat non aliam esse virtutem immediatam creatam quibus debeant suum esse quam accidentia.

Dicendum est secundo. Substantia est immediate à solis accidentibus vt à virtute adæquata creata.

Hæc conclusio est contra aliquos ex recentioribus Thomistis, qui absente substan-

tia totam virtutem actiuam aiunt esse accidentia, illam autem præsentem simul cū accidentibus opinantur immediate concurrere ad effectum. Puta dum funes Mokitoris aut Nautæ ex motu & affrictu inter se vel cum alijs corporibus ita incalescunt vt conuertantur in ignem, sola accidentia sunt virtus adequata ex qua nouus ignis. Si autem ignem admoueas stuppæ non solus calor sed cum calore simul forma substantialis ignis applicati, stuppam conuertet in ignem; forma substantiali & calore se mutuo attemperantibus in vnā virtutē adequate productiuā effectus.

Hic modus philosophandi non placet. Constat enim à solis accidentibus quociescunque sūt sufficiens dispositio ad formā, produci formā, igitur etiam præsentē substantia, ab iis, & non ab ipsa producitur vt à virtute: dixi *vt à virtute* quia non est dubium rectius ignem esse causam ignis & dici, quam calorem. Probatur autem conclusio posita primo ex Philosopho passim, & notanter in libro de sensu & sensili capit. de sapore. *Qua igitur ignis & qua terra nihil natum est agere vel pati, nec aliud quicquam; qua autem inest contrarietas in eis, hæc omnia agunt & potiuntur.* Igitur secundum Philosophum non agunt hæc secundum quod substantia sunt, sed secundum quod talia, quia vti dictum est, cum actiones huiusmodi sint corruptiue, necesse est ex contrarietate esse; contrarietas autem ex accidentium cum forma, aut accidentium

tium cum accidentibus.

Philosopho consonat D. Thomas, qui multis in locis comparat accidentia agentis naturalis cum agente, sicut comparantur instrumenta artificis cum arrifice. Quæ admodum enim Artifices per ferram & malleum assimilant opus formæ quam habet in anima, hoc est ideæ; sic agens naturale: puta ignis per calorem & siccitatem assimilant passum sibi secundum formam naturalem inducendo in ipsum formam similem illi quam habet.

Denique consonat hæc eadem ratio cum alibi dictis, quod videlicet substantia non agat extra se per seipsam immediate. Verum quidem est præsentem ignem facilius lignum comburi quam absente, quia præsentem ignem facillime inducuntur illa accidentia quæ sunt dispositio necessario inuehens formam. Non autem illud dictum Philosophi: *qua ignis & qua terra nihil natum est agere vel pati, nec aliud quidquam, qua autem inest contrarietas in eis hæc omnia agunt & patiuntur*. Ex quibus vides & ad agendum & ad patiendum contrarietatem requiri: adeoque si poneres ignem prope aliquod subiectum, quodcumque illud esset, non habens ullam contrarietatem; iuxta Philosophum nihil ageret.

A R T I C V L V S II.

Audiuntur aliqua & solvuntur :

Contra conclusionem ultimo loco positam pugnet primo loco Aduersariorum Achilles. Obicitur igitur 1. Nemo dat quod non habet: ergo accidentia non sunt virtus adæquate productiua substantiæ. Antec. ex libris Iuristarum assumitur vt indubitatum, & videtur naturæ lumine euidens. Neque enim tradit librum Petro aut nummum, nisi qui aut librum habet aut nummum. Probatur autem consequ. quia virtus adæquate productiua substantiæ dat substantiæ perfectionem substantiæ dat enim illi totum suum esset ergo virtus adæquate productiua substantiæ debet habere perfectionem substantiæ: sed nulla collectio accidentiū habet perfectionē substantiæ: ergo nulla collectio accidentiū est virtus adæquate productiua substantiæ.

Hoc proloquium: *Nemo dat quod non habet* sicut non retinet apud Physicos eundem sensum quem apud Iuristas, ita nec eandem vim. Eos autem decipit qui cum identitate vocum non aduertunt ad diuersitatem conceptuum. Apud Iuristas idem numero præhabetur quod datur: apud Physicos habere est esse vel eiusdem perfectionis, quod conuenit causæ vniuocæ; vel maioris, quod æquiucæ, cum effectui. Si tamen neges virtutem immediate effecti-

Etiam debere esse perfectionis saltem æqualis cum effectu: arguunt contra; quia *Nemo dat quod non habet*: non animadver-
rentes se vel pure contradicere, adeoque
nihil probare: vel etiam in suo sensu ma-
nifestè falsum dicere, dum perfectionem
effectus, hoc est effectum ipsum imaginan-
tur priori ad esse realiter existentem
intra causam, sicut nummus præexistit in
crumena dantis, in quo sensu est manifesta
vis prædicti proloqui. Unde D. Thomas
p. p. quæst. 115. art. 1. ad 5. ait eos qui pu-
tant esse contra rationem accidentis quod
excedat suum subiectum in agendo, ita
imaginari idem numero destruere ab agente
ingatiens, sicut imaginabatur Democri-
tus qui ponebat fieri actionem per defluxum
atp morum.

Præterea habere, ut sonat hic, idem est
ac esse & dare idem ac efficere. Ignis ha-
bet perfectionem substantiæ idem est ac:
Ignis est substantia. Ignis dat effectui per-
fectionem substantiæ idem est ac: Ignis effi-
cit substantiam. Ex quo infer: ergo *Nemo
dat quod habet*: probatur quia nulla causa
est suus effectus, seu: nulla causa est id
quod ipsa efficit: seu: nulla causa per iden-
tatem habet perfectionem quam facit.
Aiunt hoc esse evidens nec explicatione
nostra indigere. Quærentibus autem quid
igitur velint per illud proloquium: *Nemo
dat quod non habet*. respondent se nihil
aliud velle nisi quod in causa immediata
adæquata sit tantumdem saltem perfectio-
nis

nis quantum est in effectu. Si autem asserti
rationem petas: assignant: quia *Nemo dat
quod non habet*. Quod quidem de datione
quæ sit rei traditio, axioma est: de datione
vero quæ sit effectio, distinguendū vt infra.

Si de nomine conueniret inter Aduersa-
rios & priscos sapientes: hoc dictum: *Ne-
mo dat quod non habet*: in eo sensu quē as-
ferunt: videlicet: omnis causa est vel æ-
qualis vel maioris perfectionis cum suo
effectu posset admitti pro vero. Nam pri-
sci sapientes distinguunt inter causam & vir-
tutem causæ: virtus causæ est aliquid distin-
ctum à causa, qualitas videlicet actiua cau-
sæ, puta calor est virtus actiua ignis. dum
que ignis dicitur causa alterius ignis, dum
virtus ignis immediate producit alium
ignem: est que satis consuetum dare nomen
causæ, non illi à quo immediate est effe-
ctus: sed radici & principio illius à quo
immediate est effectus. Habes hoc in arte-
factis. Pictura non tribuitur vt causæ pen-
nicillo aut motui penicilli, sed Apelli aut
Zenofidi penicillum mouenti: vnde qui
omisso Apelle prorumperet in laudes pen-
nicilli ob insignem picturam, esset ridicu-
lus. His positis cum accidentia nihil sint ni-
si virtus huius vel illius causæ, tribuitur ipsis
effectus non vt causæ, sed vt virtuti.

Rursus non in omni eo à quo immedia-
te procedit effectus debere esse tantumdem
saltem perfectionis quantæ est effectus, ma-
nifestum est. Effectus enim immediate est
ab actione, & tamen actio est longe im-
per-

perfectior effectu quem ponit. His positis

Resp. dist. antec; nemo dat quod non habet neq; formaliter neque eminenter, in genera causę simpliciter; omitto. in genere virtus; nego antec. Transeat quod in causa requiratur tantum perfectionis quantum est in effectu, non propterea, hoc idem requiritur in virtute causę.

Resp. 2. Disting. idem antec. nemo dat quod non habet neque formaliter neque eminenter; nego antec. quod non habet neque formaliter, neque eminenter, neque virtualiter; omitto antec. & nego consequ. Hac secunda responsio est pro ijs Aduersarij qui virtutem causę volunt nuncupare causam effectus, quibus permittendum est male loqui. Accidentia autem eo ipso quod sunt naturalis virtus causę vel eque vel magis perfectę quam effectus, continent virtualiter perfectionem effectus: quod nihil aliud est quam esse virtutem huius causę ad hunc effectum puta calor ignis eo ipso quod sit virtus actiua ignis, habet virtualiter alterum ignem, ad cuius productionem est virtus.

Quod si velit Aduersarius ipsammet virtutem esse perfectionis saltem æqualis æqualitate entitativa cum suo effectu, seu potius cum effectu, qui mediante ipsa procedit à causa: negandum est, & hoc assumere est petere principium contra asserentem accidentia, quamuis longe imperfectiora quam sit substantia, essetamen virtutem immediatam adæquate productiuam sub-

stan-

stantia; dixi; æqualia æqualitate euitati-
ua; si enim sermo est de alia æqualitate
quam geometricam vocant: dici potest ac-
cidentia esse æqualia ipsi substantiæ: hæc
enim æqualitas non consistit in alio quam
in proportionem virtutis effectiue ad effectum.
Hoc modo potentia visiva dicitur æquari
omni visibili: quia videlicet est proportio-
nata in ratione potentiæ, omni visibili vt
obiecto adequato.

Denique supponendo ea quæ communiter
& à nobis & ab Aduersarij admittuntur,
verum est illud dictum quod afferunt intel-
lectu inde causa simpliciter adæquata, cum
enim nullus effectus sit qui immediate sit à
sola virtute creata, consequens est vt vir-
tus immediate influens in effectum, vt pote
Deus & hæc vel illa virtus creata, sit magis
perfecta suo effectu. Hinc non solum as-
sumere potest Aduersarius tantumdem
virtutis esse causa adæquata immediata,
seu in virtute immediata adæquata quan-
tum est in effectu: sed etiam plus, cum ve-
rum sit nullum vel minimum effectum non
esse à virtute infinita. Sed petitionem
suam restringunt ad æqualitatem perfectio-
nis in causa seu virtute immediate effectiua,
quia perfectionem huiusmodi petunt in
causa seu virtute creata.

Obii. 2. Substantia est magis propor-
tionata substantiæ quam accidentia: ergo
substantia per seipsam non autem per acci-
dentia immediate efficit aliam substantiam.
Confirmatur quia agere immediate non
est

est supra perfectionem substantiæ creatæ .

Resp. dist. antec. substantia est magis proportionata proportionem entitativam : concedo antec. proportionem virtutis ad effectum immediatam : nego antec. & consequ. Huiusmodi proportio ostensa est in accidentibus per rationem à posteriori, qua fere semper utitur Philosophus in physicis . Ad confirmationem ut ingenue philosophemur : nescimus an agere immediate extra se, sit supra, an infra perfectionem substantiæ . Hoc scimus accidentia esse virtutem immediatè sufficientem ad effectum . Sunt qui conclusionem hanc nostram tueri conantur per rationes à priori . Hi vel dicunt quod agere immediate sit infra dignitatem substantiæ creatæ, eo quod convenientius sit eam instrumentis uti quàm seipsa agere : & hi redarguuntur quia quod non est infra dignitatē substantiæ increatæ, inepte ponitur infra dignitatem substantiæ creatæ. Vel dicunt esse supra dignitatem, cumque ordinem in natura constituunt, ut substantia perficiat seipsam immediate, per hæc autem accidentia, quibus se perfecit, agat in extrinsecum, impotens à gere per seipsam, ne si hoc insuper illi conveniat, superbiat tantam in se prærogativam agnoscens. Qui sic philosophantur, an serio philosophantur? Ad confirmationem in forma transmissio antec. negatur consequ. Transmittitur antec. non quia sciatur ut verum, sed quia nescitur an falsum. Potest autem à posteriori cognosci hanc rationem

non

non conuenire cum illa alia, absq; eo quod sciatur an quia supra, an quia infra sit.

Obii. 3. Causa immediata creata debet aliququaliter præcontinere effectum: accidentia nullo modo præcontinent substantiam, ergo accidentia non sunt causa immediata substantiæ, Maior probatur, quia si causa nullo modo præcontinet effectum, non est potior ratio cur hic effectus sit potius ab hac, quam ab illa specie causæ, puta non est potior ratio cur aqua aquam, ignis ignem quam cur ignis aquam, & aqua ignem efficiat; nam si petas cur aqua potius aquam quam ignem? recte respondetur, quia aqua præcontinetur aliququaliter in alia aqua, non autem ignis. Minor autem probatur; quia accidentia sunt infra substantiam, implicat autem id quod est infimum continere id quod est summum; sicut implicat calum Lunæ continere cælum Solis, aut Martis. Probatur vltcrius eadem minor, quia modi quibus effectus præcontinetur in causa, sunt duo, videlicet vel per æqualitatem, vel per excessum, neuter autem conuenit vlli collectioni accidentium respectu vllius substantiæ.

Resp. primo, quod si ita argueret Diuus Thomas, concederem totum primum syllogismum, nam vere, & proprie loquendo collectio accidentium non est causa immediata, sed virtus causæ immediatæ. Vbi nota quod etiam influente dumtaxat virtute distincta à substantia, adhuc tamen substantia recte diceretur causa immediata,

quia quod mediat non mediat vt causa
 sed vt virtus: sicut etiam si inter virtutem
 ipsam, & effectum aliud mediet, tamen re-
 cte dicitur virtus ita immediate effectiua;
 mediat autem actio à virtute distincta, &
 ab effectu. Sed quia qui sic arguit idem
 vult intelligere per virtutem causæ, quod
 per causam, & id vocat causam immedia-
 tam, à quo immediate fluit effectus; pro-
 pterea omissa maiori, neg. min. Dictum est
 supra substantiam præcontineri in colle-
 ctione præuia accidentium virtualiter, ad-
 de & aliud vocabulum; instrumentaliter;
 continetur enim in ipsis, vt in instrumento
 causæ. Contineri autem constat ex eo quod
 fiant, nec aliud intelligi potest per ly *Con-
 tineri*. Paritas illa de cælo inferiori res-
 pectu superioris est inepta, & laborat in æqui-
 uoco quo laborant Aduersarij in hac con-
 trouersia. Imaginantur enim effectum in-
 tra virtutem, vel causam, sicut aquam in-
 tra fontem, vel puteum, & quia magna a-
 qua nequit contineri in paruo puteo, ita
 imaginantur substantiam, quæ est magnum
 ens, non posse contineri in collectione qua-
 libet accidentium, quæ semper est paruum
 ens. Cælum minus non est virtus maioris,
 vel æqualis; qua contineat, vel potius ef-
 ficiat æquale, vel minus: collectio acciden-
 tium est virtus causa, vel æqualis effectui
 vel perfectioris effectui.

Ad aliam probationem minoris patet ex
 dictis. Æqualitas, vel maioritas perfectionis
 impertinenter se habet ad rationem causæ,
 &

& effectus. Multa æqualia non sunt productiua suorum æqualium : multa perfectiora non sunt productiua imperfectiorū, nec lapis lapidem, nec elephas muscam producit, vnde qui ad perfectionis mensuram, vel æqualem rei producendæ, vel etiā maiorem re producenda, recurrunt in assignanda causa, hallucinantur; cum nobis mortalibus non aliunde constet his aut illis rebus inesse vim horum, aut illorum effectuum productiuam, quam ex eo quod sciamus hoc & illud ab hac & illa re produci. Puta vnde scis calorem esse caloris alterius effectuum, non autem albedinem alterius albedinis, nisi à posteriori, hoc est ab obseruatione, quam facis calefactibile prope calorem, & à calore calefieri: dealbabile autem etiam hærens albo non dealbari. Si albedo haberet vim dealbandi subiectum efficienter, ut calor habet vim calefaciendi nullus inter uos esset niger, cum omnes habeant prope se parietem album. Ad illud de aqua, & igne dic neque aquam esse instrumentum ignis, nec ignem aquæ; adeoque nec aquam calefacere nec ignem frigefacere; seu nec aquam efficere ignem nec ignem aquam.

Dices: ergo accidentia producant substantiam in uirtute substantiæ, sed consequens est absurdum; ergo & antec. Minor probatur; quia agere in uirtute substantiæ nihil ponit in accidente supra conditionem accidentis: sed intra conditionem puri accidentis non habet vim producendi substantiam:

tiam : ergo neque in virtute substantiæ habet vim producendi substantiam. Item : accidens agens in virtute substantiæ non est supra naturam accidentis : sed producere substantiam est supra naturam accidentis ; ergo agens in virtute substantiæ non producit substantiam.

Resp. conc. seq. neg. min. Ad probationem nega iterum minorem. Ad aliam probationem idem dic. In hac phrasi, quæ est apud Thomistas satis frequens. *Agere in virtute substantiæ* facile scandalizantur aduersarij : sed immerito : nihil enim aliud significat, nisi quod accidentia sicut non sunt gratia sui, ita nec operantur gratia sui, & sicut sunt entia substantiæ, sic etiam sunt virtus actiua substantiæ : & quia virtus actiua substantiæ, agunt secundum intentum substantiæ, & secundum finem substantiæ, cuius sunt virtus actiua, Hinc aiunt Thomistæ huius dicti : *Accidens agit in virtute substantiæ* esse sensum intransitiuum, adeoque nihil aliud significari per illud, nisi quod accidens ad agendum sit virtus substantiæ, & quemadmodum penicillus agit secundum perfectionem Pictoris, à quo accipit mutum, ita accidens agit secundum perfectionem substantiæ, à qua accipit esse, & cum esse, vim actiuam quandoquidem ipsis esse est esse vim actiuam substantiæ.

Hinc dum Aduersarius vrget : quid addit supra entitarem accidentis *in virtute substantiæ* ? male interroganti bene respondes, *nihil*, sed solum significat ipsummet esse

De virtute immed. effect. substant. 101
esse accidentis, secundum veram & propor-
priam rationem, hoc est secundum quod
est virtus actiua substantiæ, adeoque recte
dicitur agere vt virtus substantiæ in qua
præcontinetur aliquo ex modis prædictis
perfectio tota effectus. Sic etiam in artifi-
cialibus perfectio effectus est in artifice nõ
autem nisi improprissime in instrumentis
artificis: puta perfectio Ludouici trium-
phantis, est in Bernino, non autem in scal-
pro vel malleo. Hinc tota operis gloria re-
dundat in artificem.

Dices: instrumentum artificis continet
instrumentaliter perfectionem artefacti per
hoc quod actu moueatur ab artifice: sed
accidentia non actu mouentur à substantia,
ergo accidentia non continent perfectionem
operis naturalis.

Resp. neg. min. Qui sic arguit videtur
nomine motus nullum alium motum intel-
ligere quam motum localem. Hoc autem
est ineptum. Accidentia mouentur à sub-
stantia naturaliter per hoc quod sint id
quod est virtus actiua substantiæ, vimque
mouendi passum habet formaliter per hoc
quod sint; & ideo etiam absente substan-
tia mouent: adeoque debes in qualitate a-
ctiua considerare per identitatem vim mo-
uendi, sicut in malleo consideras motum,
aut impulsus receptum ab artifice per quẽ
mouet mouet. Accidentia igitur sunt ipsa-
met vis motiua, sunt à substantia, & in-
gratiam substantiæ, & propterea produciunt
substantiam; quia agunt non propter se, sed

propter substantiam.

Obiic. 4. Intellectus nequit esse uirtus immediata adæquata ad uisionem beatificam: ergo neque accidentia possunt esse uirtus adæquata immediata ad substantiam. Antec. est certum ex Theologis. Conseq. probatur. Ideo præcisè intellectus non est uirtus adæquata ad uisionem beatam: quia in uisione beata reperitur aliqua perfectio, puta ratio supernaturalitatis, quæ non reperitur in intellectu; sed etiam in substantia qualibet reperitur aliqua perfectio quæ non reperitur in vlla collectione accidentium; ergo neque accidentia poterunt esse uirtus immediata adæquata ad substantiam. Minor est euidens, nam in qualibet substantia reperitur perfectio substantiæ.

Resp. conc. antec. neg. conseq. Ad probationem respondeo primo transmissa mai. neg. min. Perfectio supernaturalitatis non reperitur nec formaliter nec eminenter nec virtualiter in intellectu: quia intellectus neque est formaliter nec eminenter supernaturalis, nec uirtus animæ quæ sit supernaturalis. Accidentia autem quamuis nec formaliter nec eminenter sint substantia, sunt tamen uirtus substantiæ. Respondeo secundo neg. mai. Ratio cur intellectus se solo non sit uirtus adæquata ad uisionem beatam, est quia nec ipsi nec animæ cuius est intellectus debetur ex natura rei uisio beata, cum hæc sit supra ordinem naturæ, ut supponit ipse arguens, at vero & accidenti
&

& substantiæ cuius accidens est instrumentum, debetur ex natura rei substantia, alteri quidem vt causæ, alteri autem vt virtuti eiusdem.

Denique aduertendum est quod inter nos & Aduersarios conuenit de concursu causæ primæ in omnes effectus, de quo disputatione sequenti. Et conuenienter utrique concedimus substantiam numquam procedere à solis accidentibus. Nos autem non aliter exigimus concursum causæ primæ cū accidentibus ad productionem substantiæ, quam concursum eiusdem cum accidentibus ad productionem aliorum accidentiū; aut concursum eiusdem in sententia Aduersarii, cum substantia, ad productionem substantiæ. Vt autem Aduersarius concursum huiusmodi cum accidentibus, vt causa prima nō fungatur mero munere causæ vniuersalis, pro aliqua causa particulari, influat in substantia nouam, quoties hæc præsentibus solis accidentibus oritur in natura. Putamus autem absurdum semper aut plerumque recurrere ad supplementum cum fere semper in generationibus rerū non sit vlla substantia particularis, cui immediate tribuatur effectus, hoc accidit & in ijs quæ nascuntur ex putri, in oleribus & plantis alijsque infinitis quæ ex seminibus terræ mandatis & putrefactis iuxta illud; *nisi granum frumenti cadens in terram mortuum fuerit, ipsum solum manet, si autem mortuum fuerit multum fructum affert.*

Quia autem in hac controuersia sapissimè sit mentio causæ principalis, instituenda est breuis quæstio circa ipsam.

Q V Æ S T I O III.

De Causa principali.

A R T I C V L V S I.

Quid sit causa principalis.

CAusam principalem definiunt aliqui eam esse cuius actio in effectum est à virtute vel nobiliori, vel æque nobili ac est effectus: instrumentalem verò cuius actio est à virtute ignobiliori quam sit effectus. Hanc definitionem habes apud Suarium, disp. 17. Metaph. sect. 2. Ait autem Suarius conuenire hanc definitionem tam causis vniuocis quam æquiuocis; Vniuocis: quia cum sint eiusdem speciei cum effectu, proculdubio sunt eiusdem perfectionis ac ille: ita ignis A cum igne B. Æquiuocis autem, quia quamuis causa & effectus sint in diuersa specie, tamen non debet causa esse perfectionis minoris: immo, ait Suarius, causa æquiuoca est semper suo effectui perfectiori. Deus est causa æquiuoca creaturarum, & omnem perfectionem creaturarum excedit. Anima & Angelus sunt causæ æquiuocæ suorum actuum, & sunt suis actibus perfectiores, & sic de cæteris. Huic inductioni addi posset ratio à priori: videlicet
opor.

oportet causam principalem continere totam perfectionem effectus ; ergo si causa principalis est æquiuoca est perfectior effectui . Consequentia probatur : quia ut principalis continet perfectionem effectus , ut æquiuoca habet perfectionem per quam dissimilatur effectui ; quod autem habet totam perfectionem alterius , & præterea aliquam aliam , est perfectius altero ut patet ex terminis .

Qui hanc definitionem admittunt : considerantes causas & effectus ubi æqualitatem inueniunt vel maioritatem causæ cum effectui ; causam principalem appellant ; ubi effectum perfectiorem causa , causam aiunt instrumentalem : & ubi nihil inueniunt in creatis æquale saltem effectui , ad Deum confugiunt , qui cum sit auctor naturæ , debet ibi adesse ubi deest causa secunda , sicut v. g. cantorū magister , deficiente aliquo ex cantoribus , suam ipse qualemcumque vocem substituit , vel validius organum pulsat ut harmonia aliquo modo impleatur . Deus autem habet hoc supra Magistrum cantorum , ut perfectiori concursu suppleat imperfectioris defectum . Hoc posito aiunt ignem respectu ignis esse causam principalem ; calorem respectu caloris . Calorem vero respectu ignis esse causam instrumentalem . Quid autem dicent de igne respectu caloris ; si principalem appellant : calor & ignis sunt duæ causæ principales caloris , si vocant instrumentalem ; contra est ; quia est calore perfectior : foras se dicent & ea-

lorem & ignē esse indiuisibiliter duas causas principales caloris producti, sicut v. g. ignis *A* & ignis *B* sunt duæ causæ principales ignis *C*, quamuis inadæquata; fortasse dicent ignem non esse causam caloris nec principalem nec instrumentale immediate, sed principalem mediatam & æquiuocam, per hoc quod calore perfectior calorem efficiat immediate effectuum alterius caloris.

Hæc definitio causæ principalis non placeat, quia controuertitur inter Philosophos primæ magnitudinis, an in causa principali necesse sit tantumdem perfectionis haberi quantum in effectu *D. Thomas* 3. contra Gentes cap. 69. causam principalem animalium quæ ex putrefactione gignuntur, ait esse corpus cæleste quia, inquit ille, est primū alterans. Dicit autem animalia huiusmodi sufficienter refundi in virtutem calorum, quia quamuis uiuant tamē imperfectissima sunt: cum cætera animalia quorum formæ sunt perfectiores indigeant ad sui productionem agente vniuoco. Hæc doctrina seu potius hæc sententia *D. Thomæ* est mihi probabilis supra doctrinam & definitionem aliorum, & tamen dici nequit in corpore cælesti tantumdem perfectionis haberi quantum in imperfectissimo viuentium; nam vt ipse *D. Thomas* cum *Augustino* sapissimè asserit: viuentia sunt ex toto genere perfectiora non viuentibus; adeoque musca est sole perfectior; quæ in hac cum Sole contentionē patronum habet ipsummet *Augustinus*.

gustinum, quem ipsa non terret, quia parua est, sed animat quia animata est.

Hinc inaniter cōtendunt alii inuenire in nobilitate celestium corporum cōpensatiuum vitæ qua carent, vt possint esse causæ principales prædictorum viuentium: aiuntque calorum incorruptibilitatē compēlare perfectionem viuentis quæ est in muribus, ranis, & muscis. Hoc autem non valere patet ex dictis. Addo falsam esse, ex dictis alibi, calorum incorruptibilitatem, nihil etiam valituram ad rem præsentem si vera esset. Qui putant incorruptibilitatem principii influentis valere pro vita qua insignitur effectus, habent hanc in materia prima quæ in quamlibet formam materiale influit.

Mitto alia quæ in hac controuersia afferi solent. Et dico causam principalem esse illam quæ in suo ordine causandi habet rationem primi mouentis; instrumentalem vero quæ huic subordinatur, habetque rationem medii in causando. Bonitas huius definitionis declaratur per ea quæ dicta sūt in Physica, vbi ex Philosopho definita est causa efficiens: *Primum unde motus*. Nomine autem efficientis intelligit ibi Philosophus eam causam, de qua dicitur simpliciter quod agit, non autem ea qua vtitur causa vt medio seu virtute agendi: idque siue illa causa producat substantiam si. bi similem, siue qualitatem: puta de igne dicitur & quod inflammet & quod calefaciat; quamuis non vtrumque effectum per

se, sed alterum saltem per sua accidentia præstet, quæ propterea dicuntur eiusdem virtus actiua.

Licet hic obiter obseruare consonantiam seu harmoniam doctrinæ peripateticæ in agendo de causis. Docuit Aristoteles, in libris Physicorum, de materia prima, hoc est de subiecto naturæ, philosophandum est per analogiam ad materiam secundam, quæ est subiectum artis. De forma naturali per analogiam ad formam artificialium ubiq; philosophatus est, nunc de causa efficiente per analogiã ad artifices discurret. Quemadmodum enim in artificialibus non dicitur causa simpliciter artefacti tota illa collectio instrumentorum, quæ immediate influit in artefactum: sed artifex ipse quamuis non influat immediate; ita etiam in naturalibus non dicitur causa simpliciter & sine addito, nisi ipsamet causa principalis, quamuis non ipsa, sed instrumenta ipsius effectum immediate producant.

Insuper recte dicitur primum mouens id in quo sistit curiositas inuestigantis seriem concurrentium ad effectum, puta in inuestigatione causarum concurrentium ad motum lapidis sursum proiecti, non quiesces, si audias moveri lapidem sursum ab impetu in ipso recepto, sed ulterius inquires, donec ad aliquam causam deuenias, quæ lapidalem impulsus impresserit, & ibi quiesces, & ubi inuenies lapidem illum proiectum esse à Socrate, dices, sine ulteriori inquisitione, causam talis motus simpliciter &

& sine addito esse Socratem. Qui supra causam principalem aliter definiebant, dicerent impulsus in lapide receptum, esse causam simpliciter, & causam principalem motus fursus; quia inuenirent in impetu non minorem perfectionem quam in motu.

Similiter ubi vides palatium magnificè & affabre ædificatum, non quiesces si roganti quis ædificauerit, nihil tibi assignetur præter secures & malleos, immò us etiam in-nominatis, si audias palatium hoc ædifica-tum esse à Bonarota nihil ultra inquiris. Idem dic de alijs huiusmodi. Nota autem nos in definitione causæ principalis omni-nò præscindere ab hoc an plus, an minus, an tantum perfectionis contineat, quantum effectus qui ab ipsa procedit.

A R T I C V L V S II.

Quæritur causa principalis nascentium ex putri.

NAsci aliqua adimalia ex putri sappo-
nunt hic ex innumeris obseruationi-
bus Peripatetici; quamuis post aliquas ob-
seruationes hoc idem negetur a nonnullis.
Nascuntur autē huiusmodi animalia adeo
frequenter, vt fere nemo sit qui non obser-
uarit. Talia sunt Mures, Ranæ, Arenæ,
Muscæ, Vermes & alia id genus, quæ quam-
uis aliquando propagentur per generatio-
nem ex similibus, aliquando tamen ex me-
ra cæterorum corporū putrefactione oriun-
tur.

tur. Immo tantum abest vt nulla generentur hoc pacto, vt contra ferè omnia generetur hoc pacto. *Putredint dixi Pater meus es tu, frater meus & soror mea vermibus.* Quia tamen specialiter hoc apparet in aliquibus, eorum propterea specialiter inquiritur causa principalis : & vt res in aliqua re particulari exemplificetur ; quæritur causa principalis murium aut ranarum , que ex putri nascuntur .

Prima sententia est D. Thomæ loco citato, vbi dicit cælestia corpora esse causam huiusmodi effectuum . Hæc sententia est valde probabilis, præsertim si attēdas ad id quod dicit Augustinus lib. 3. de Trinitate, vbi de muribus & ranis aliisq; huiusmodi, quæ à Magis Pharaonis vel factæ sunt vel visæ fieri, quærit Augustinus an fuerint veri Mures, & veræ Ranæ, an tantummodo apparenter. Conculditque post longum ratiocinium, fuisse veras ranas & veros mures procreatos ope cacodæmonū seruientiū Magis Pharaonis. Dicuntur autem cacodæmones huiusmodi viuentia procreare, per hoc quod applicent causas eorum effectiuas subiectis dispositis; hoc est applicando actiua passiuis: qua ratione dictum est in Phyfica multa ex operibus consuetis fieri per naturam, fieri quandoque per artem. *Omniū quippe rerum, quæ corporaliter visibiliterque nascuntur, ait Augustinus, occulta quædam semina in ipsis corporeis mundi huius ele mentis latent.*

Hæc autem semina rerum effectiua non ali-

aliter applicantur quam per motum localem. Cum igitur corpora caelestia suis motibus hæc inferiora moueant, recte dicuntur hæc ipsa semina ita congregare, & applicare subiectis, ut per vim sibi innatam generent illa viuientia, quorum sunt semina. quibus si addas influxum caelestium corporum, quæ ut causæ vniuersales influunt in omnia inferiora, habes unde dicas cum D. Toma istorum viuientium causam esse corpus caeleste.

Secunda sententia est aliorum qui causam istorum viuientium aiunt esse Intelligentiam. Intelligentia autem alia est creata, alia increata. Qui dicunt increatam hoc est Deum; ideo ad Deum confugiunt; quia non inueniunt in vlllo alio concurrente ut causa particulari Perfectione cui tribuere possint vitam illem etiã imperfectissimam, quã in huiusmodi viuentibus agnoscunt. Aiunt enim quod quamuis in intelligentia creata reperiant rationem vitæ: tamen cum hæc non influat in ranam aut muræm aut alia huiusmodi per suam substantiam; sed tantum mouendo localiter ea quæ ranas & mures immediate efficiunt, nequeunt illi tribuere ut causæ ranam genitam; sicut v.g. incendium non tribuitur ut causæ physicæ, applicanti facem, sed faci ipsi: rursus in causis applicatis per intelligentiam non reperitur prædicatum viuientis, igitur alibi querenda est causa. Qui vero Intelligentiam creatam pro causa predictorum agnoscunt; ita philosophantur de Intelligentia sicut
phi-

philosophati sumus de Cælo; cui superaddunt, demandatam esse ab Intelligentiâ in-creata administrationem mundi inferioris. Intelligentiis creatis, & hoc etiam consonat doctrinæ Augustinianæ. Si enim mali Angeli ut malis faueant, ita mouent semina rerum ut serpentes & id genus alia procreent: boni Angeli ut naturæ consulât, quâ amant, ita certis temporibus orania mouent, ut semina rerum suos effectus edant. Quia tamē Angeli naturam administrant mouēdo corpora celestia, immediatius huiusmodi effectus refundes in Celum, quam in Angelum, adeoque D. Thomæ sententiam præferes huic secundæ: præcipue cum etiam si des moueri cælos ab intrinseco, habeas eandem rationem qua sint causa istorum effectuum. Tertia sententia est eorum qui dicunt ranarum & murium & aliorum huiusmodi causas esse ranam in communi, murem in communi &c. seu ranam ut sic & murem, ut sic. Hæc sententia ut Platonica est, reie-dem rationem fore pro ranis & muribus, quæ pro quibuslibet ex his inferioribus. Omnium enim singularium causæ sūt idæ apud Platonicos. Dixi: ut Platonica est: quia: ut nostra est; vera est. Quomodo autem nostra sit, paucis edissero. Tenendum est bonod ait Augustinus de seminibus rerū vndecunque dispersis. Hæc autem semina non sunt ea solum, quæ primordialiter in principio mundi prima causa vndecunque isperfit, de quibus ait idem Augustinus li-
bro

bro citato cap. 9. ista quippe primordialiter in quadam textura elementorum cuncta iam creata sunt, sed acceptis opportunitatibus prodeunt. Nam sicut marres grauidæ sunt foetibus, sic ipse mundus grauibz est causis nascentium. Ex his vltimis Augustini verbis patet quid sentiat, vbi dicit iam creata esse primordialiter quæ acceptis opportunitatibus prodeunt. Ea vocat primordialiter creata; quorum semina, seu virutes effectiuæ iam sunt in natura

Ea inquam semina, non sunt ea solum, quæ initio mûdi Deus disperxit, sed præterea sunt & alia innumerabilia, quæ ab infinitis animantibus vel similibus vel dissimilibus vndecumq; iactantur, immixta excrementis quæ ab iisdem profluunt; quod occasionem dedit quibusdam dicendi nihil simpliciter ex putredine nasci, cum nec in illo pyro, nec in illo pomo gignatur vermis, nisi aliqua bestiola ibidem infederit, & cū aliquo excremento aliquid reliquerit, quod sit semeo aut vermis, aut cuiuslibet alterius animalis in ipso nascentis, quab hoc ipsum non esset ex putredine nasci. Cū igitur infinite particule ranarum & murium excrementitiæ hinc inde spargantur; quæ neque sunt huius aut illius muris, aut ranæ, sed omnium aut certe plurium: recte dicitur rana in communi; hoc est neque hæc neque illa determinate assignabilis à nobis, sed quælibet & murium & ranarum & aliorum huiusmodi collectio esse causa ranarum & murium ex putri nascentium,

Quo-

Quomodo autem post pluuias quadā anni tempestate precipue huiusmodi animalia oriantur facile est intelligere, nam certum est seminibus huiusmodi vna magis quam altera tempestate, anni, animalia abundare, quæ disiecta & rursus vi caloris attenuata feruntur sursum; vnde deinde per pluuias decidunt in terram ex qua breuissimo tempore oriuntur, vt experientia constat, & ranæ, & muscæ & alia huiusmodi. Hinc respiciendo causam adequatam huiusmodi animalium facile est in ea inuenire tantum perfectionis, quantum est in effectu.

Qui dicunt ranas & mures & sarpētes ex ijs dumtaxat seminibus nasci, quæ à Deo initio creata sunt; ij etiam vocare possunt aliquam causā ranæ quæ nascitur ex putri ranam vt sic, quia videlicet vis illa generatiua ranæ quæ cōpetit prædictis seminibus est vis naturalis ranæ simpliciter, adeoque non huius aut illius dumtaxat, sed omnis ranæ; vnde recte dicitur ranæ vt sic tribui generationem ranæ ex putri, quia hæc nascitur ex vi seminis; quod est proprium & virtus propria ranæ.

Ex his omnibus patet tres omnes supra citatas sententias suam habere probabilitatem & in nulla earum quidquam portentii esse; quamuis circa tertiam plerique impingant, dum illud sensum à nostro omnino alienum, imaginantur.

Denique quarta sententia est causam principalem nascentium ex putri esse collectionem illarum substantiarum à quibus
est

est virtus immediate productiva eorum.

Præbatur autem hæc conclusio ex definitione causæ principalis. Sicut enim causa principalis in artefactis est id quod movet instrumenta ad finem artificis, ad perfectionem operis intenti, ita etiam in naturalibus, id cuius sunt instrumenta, seu id cuius est virtus activa, seu id à quo est virtus immediate effectiva effectus, recte dicitur causa principalis ipsius. Ita dicimus in Plantis Plantam esse causam alterius Plantæ, Latucam lactucæ, quia Lactuca ex semine nascitur, quod ab alia lactuca decissum est. Statuimus autem supra, virtutem immediate activam esse sola accidentia & consequenter, si stemus in proprietate sermonis etiam res quæ non est, poterit dici causa immediata simpliciter effectus, qui fit. Explicatur hoc. Da vnum aut alterum murem cum excrementis disieciisse aliquas particulas seminales aptas muri gignendo, & postea ab improba fele miserabiliter devorari, tunc etiam mortuis muribus, virtus seminalis relicta in aptam materiam incidens germinabit in murem, musis de nouo geniti virtus immediate effectiva erit vis seminalis relicta; quia causam dicimus id à quo est virtus, mures defunctos recte appellabimus causam muris, qui propterea recte dicitur proles posthuma viriusq; parentis extincti. Dicentur autem prædicti mures causa immediata: quia inter hos & novum murem nihil mediat, quod habeat proprie rationem causæ.

ARTICVLVS III.

Sostisfit obiectionibus.

OBiect. 1. scæppe collectio substantiarum à quibus est virtus immediate actiua non continet tantum perfectionis quantum est in effectu; g. huiusmodi collectio non est causa principalis effectui. Probatur antec. quia talis collectio sede non compræhendit vllum viuens; puta si oriatur mus aut rana ope illorum dumtaxat seminum, quæ prima causa creauit initio mundi. Conseq. autem videtur certa: quia saltem in causa principali contineri debet tota perfectio effectus.

Resp. 1. Transmisso antec. si sermo sit de continentia formali, neg. conseq. Non definiuimus causam principalem per æqualitatem perfectionis cum suo effectum, sed per rationem primi mouentis: in illo casu Aduersarij, primum mouens & applicatiuū virtutis actiue, erit vel corpus celeste, vel intelligentia. Nec corpus celeste est viuens nec intelligentia influit vt viuens: idem enim accideret si virtus seu spiritus seminalis in materiam aptam non ope intelligentiæ, sed casu & temere, puta flante Austro incideret.

Resp. 2. Negando antec. nam si accidat virtutum productiuā esse immediate à Deo sicut quando est à rana, tribuitur rane quod fecerit, ita tribuitur Deo, in illa hypothesi.

si. Dicimus autem non esse necesse recurrere ad Deum : quia post primam creationem huiusmodi viventium sufficienter efflunt ab ipsis spiritus productiui similia : veletiam per innumeras & respecte nostri casuales combinationes seu complexiones spirituum dissimilium oriuntur quotidie nouæ species ex putri nascentium.

Obiic. 2. Perfectio causæ recte arguitur ex perfectione effectus ; lg. nequit reperiri in effectui villo perfecto supra perfectionem causæ. Prob. antec. ex eo quod recte philosophetur Psalmista. *Qui plantauit autem non audiet, aut qui finxit oculum non considerat.* Vbi ex eo quod aliquæ Dei creaturæ & aueriant & videant, multo magis Deus ipse & audiens & videns arguitur, à quo habent & audire & videre. Probatur autem conseq. quia si verum est posse in effectui perfectionem inueniri, quæ non sit in causa : huic argumente: *creatura videt & audit, ergo & creator vel formaliter vel eminenter videt & audit*: respondebit aliqui concessio ant. neg. conseq. Rationem negari reddet: quia potest esse aliquis effectus sua causa perfectior.

Hoc posito, quod videtur manifestum, subsumitur: sed in mure & rana reperitur aliqua perfectio; quæ non est collectione earum substantiarum à quibus est virtus productiua muris & ranæ g. talis collectio non est causa muris aut ranæ. Discursus est li quibus.

Resp. Conc. antec. dist. conseq. nequit in effectui reperiri perfectio quæ non sit in causa

sa adæquata: conc. in causa inadæquata; nego. Id quod vrget Aduersarius contra collectione substantiarum facit contra ipsum. Si enim spirituum illa collectio, quibus inest vis procreatiua rane tota est à Deo: falsum est quod id à quo est collectio accidentium non habet totam perfectionem effectus. Si autem est ab alijs viventibus; idem quod prius. Recte autem ex perfectione effectus arguitur perfectio causæ: quia quamuis virtus immediate effectiua non sic æque perfecta ac effectus, id tamen cuius est talis virtus, aut cuius propria est talis virtus, est æque perfectum ac ipse. Ideoque ex hoc quod aliqua creatura & audiat & videat recte arguitur Deum eminenter & audire & videre, quia non est aliud, qui potentia talium creaturarum effectiua tribui possit, quam Deus, aut si aliquid aliud est, hoc ipsum debet esse à Deo, & consequenter cum necessarium sit tandem deuenire ad Deum, vt ad primum principium, necesse est in ipso omnem omnino perfectionem reperiri.

Atq; hic nota non solum perfectionem, quæ est in effectu, sed etiam longe maiorem ab effectu ipsi argui in causa. Si picturam elegantem aspicias aut statuam; in vtraq; tota perfectio est talis dispositio partium & dolorum non autem solum inferes similem dispositionem esse in Artifice; sed perfectionem longe alterius ordinis, artem videlicet & sapientiam, quæ manifeste arguitur ex eo in quo certum est nec artem inueniri

nec

nec sapientiam.

Obiic. 3. Non est de ratione virtutis immediate disponentis ad formam, efficere formam ad quam disponat: g. atiam si accidentia sint immediata dispositio ad formam substantialem; non propterea erunt virtus productiva formæ: sed plerunq; accidit nullā dari substantiam creatam cui tribui possit talis effectio: g. plerunq; pro causa effectiva formarum recurrendum est ad causam primam, quæ ubiq; est, & omnia in omnibus operatur. Probatur antec. quia datur in natura virtus immediate disponens materiam ad animam rationalem, adeoque exigens à Deo ut illam producat? & tamen huiusmodi virtus non est effectiva animæ rationalis. Quemadmodum igitur in productione animæ Deus gerit vices causæ particularis, sic etiam in productione aliarum formarum, inter quas erunt animæ ranarum, murium, muscarum, verminum &c.

Resp. conc. antec. neg. cons.: q. Deus in productione animæ rationalis non gerit vices ullius causæ secundæ, nec est in supplementum ullius alterius quandoquidem anima rationalis non est in ordine earum formarum quæ educuntur de potentia materiæ. Agens autem creatum non aliter agit quam educendo formam de potentia subiecti. Turpe est autem animam ranæ facere sociam animæ rationalis in hac dignitate. Cum igitur ratio cur anima non sit à virtute quæ est immediata dispositio ad ipsam, sit; quia hæc est supra vires agentis creati.

ut pote non producibilis nisi per creationē, manifestum est hanc non extendi ad alias formas, quæ sunt in ordine inferiori, & producibiles per concursum subiecti in genere causæ passivæ. Hinc cum apparet illas fieri ad exigentiam virtutis proportionate, & non inveniatur vlla substantia, cui tribui possint ut immediate influenti; dicendum est illas educi à prædictis accidentibus ut à virtute immediata adæquata in suo genere. Nec enim negamus etiam causam primam immediate influere in effectus huiusmodi.

ARTICVLVS VETIMVS.

Expediuntur reliqua.

EX dictis patet aliquando Deū esse causam principalem etiam per modum supplementi respectu aliquorum effectuum non tamen in eo sensu qui intenditur ab Adversariis. Rem explico. Aversarij ideo ponunt Deum causam principalem animalis ex putri ut habeant substantiam viventem, quæ immediate influat in huiusmodi effectum innixi videlicet huic principio: causa particularis immediata habet totam perfectionem effectus, & quia in causis secundis non inveniunt perfectionem huiusmodi, ideo Deum aduocant in supplementum causæ particularis. Nos vero in alio sensu dicimus accidere posse quod Deus sit causa particularis alicuius ex huiusmodi effectibus; puta si accideret spiritus illos quibus inest

virtus actiua & procretiua rerum, esse nō ab aliis animantibus seu causis secundis, à solo Deo immediate: adeoque tunc nō aliter influeret in ranam aut murem, quā si illi spiritus seu illa semina essent aliarum ranarū vel murium, nisi in hoc quod huiusmodi spiritus seu semina essent ab ipso solo: de cætero haberet se vt vniuersalis rerum omnium procreator, cōcurreretq; per modum causæ vniuersalis non specialiter influendo in ranam, sed eodētaxat concursu quo concurreret, si etiam adesset ibidem rana genitrix ranæ.

Collige secundo, nō esse de ratione instrumenti esse coniunctū causæ principali. Hinc bona est comunis diuisio instrumenti in coniunctum & separatū. Aliqua instrumenta nō agunt nisi coniuncta causæ principali: aliqua etiā separata. Primi generis sunt serra, malleus, pennicillus. Secundi: pondera horologii & alia huiusmodi. Ratio vtriusq; est: quia prima agunt secundum impetum receptū ab artifice, secunda secundum impetum innatum, quoscit sapiēter vti artifex. Pennicillus nō mouet colores secundū ideam Pictoris, nisi per impetum receptum à Pictore. Pondus horologii mouet horologiū secundum ideam horologii per impetū sibi innatum: & in id vnum debet incūbere Artifex ut illud bene disponat secundū locum. Ad rationem instrumenti secundi generis, pertinet illa collectio accidentiū, quā diximus esse virtutem immediate productiuam nouæ substantiæ: hæc enim est per seipsam vis motiua passi, cui applicatur, &

eiusdem assimilatua illi substantiæ, cuius est virtus seu instrumentum.

Collige tertio quomodo intelligendum sit id quod satis communiter dicitur: instrumentum in agendo eleuari à causa principali. Quod ita nonnulli intelligunt quasi de ratione instrumenti sit accipere à causa principali totam illam perfectionem, quæ transfundenda est in effectum. Rem igitur sic imaginantur; in causa velut in fonte perfectionem agnoscunt transmittendam per riuulum seu per canalem in effectum, qui de nouo fit; qua in re vt obseruat Doctor Angelicus loco supra citato, sentire videntur cum Democrito, effectum esse à causa per effluuium quoddam corpusculorum à causa exeuntium vt extra ipsam effectum constiuant Eleuari igitur in agendo instrumentum, nihil aliud est quam instrumentum esse causam vel virtutem productiuam effectus proportionati & debiti causæ cuius est instrumentum. Qui effectus est nobilior ipso instrumento. Adde quod falsum est id quod multi aiunt rationem instrumenti consistere in hoc quod indigeat eleuari à causa principali, vt effectum edat idem debitum. Hoc non esse proprium instrumenti patet ex eo quod etiam causæ principali huiusmodi eleuato competat, vt contingit in intellectu & voluntate, seu si manis in anima, quæ quamuis sit causa principalis & cognitionum & volitionem supernaturalium, indiget tamen ad operationes huiusmodi eleuari per auxilia supernaturalia.

DISPUTATIO VI.

De concursu Dei cum causis secundis.

QUESTIO I.

De necessitate talis concursus.

ARTICVLVS I.

Proponitur aliquod argumentum pro necessitate huiusmodi.

INTER recentiores neminem fere inuenies qui in hac controuersia non inuehatur in Durandum, eo quod in secundum dist. 1. qu. 5. num. 11. dixerit Deum non concurrere immediate ad omnes & singulos effectus causæ secundæ, sed solam mediate: quatenus videlicet produxit omnes causas secundas cum virtute sufficienti ut ex se & sine alio concurrente operentur, qualibet iuxta suam naturam. Cui sententiæ qui fauere voluerit poterit usurpare illud Genescos: *Requieuit Deus die septimo ab omni opere quod patrauit.* Hoc est, postquam omnes rerum species procreauit. iisque sese propagandi per multiplicationem indiuiduorum virtutem indidit, fuit eas agere, nihil ipse vltius agens; ita tamen ut omnie in ipsum ut in

F 2 cau.

causam redundant, cum sit ipse causæ causarum. Hæc dixerit qui Durandum vel probare vel excusare voluerit.

Dicendum est autem quod à Theologis & Philosophis vel omnibus vel fere omnibus vnanimiter dicitur: Deum videlicet concurrere immediate ad omnes, & singulos effectus cuiuslibet causæ secundæ. Hanc sententiam quam omnes vnanimiter ponunt, non omnes vnanimiter probant, ex quo apparet persuasionem hanc inditam omnibus de concursu immediato, in aliquo alio fundari quam in euidenti aliqua ratione, quæ si alicui hætenus innotuisset, omnes facile in vnā solum sententiā, sed in vnum tuendæ sententiæ modum coegisset.

Sunt qui necessitatem diuini concursus euidenter probari existiment hoc argumento. In quolibet effectū est aliqua perfectio, quæ non reperitur in causa secunda, immo cuius opposita imperfectio reperitur in causa secunda; ergo nulla causa secunda est causa adæquata simpliciter vllius effectus. Consequentiam probant; quia *Nemo dat quod non habet*, quod dictum verificari oportet saltem de causa omnino & simpliciter adæquata. Antec. autem probatur: quia quilibet effectus est distinctus ab omnibus imperfectiōibus suæ causæ, & nulla causa est distincta à propriis imperfectiōibus. Quælibet enim creatura est sibi sua & perfectio, & imperfectio: igitur quælibet causa secunda est illa imperfectio, à qua effectus ipsius per seipsum distinguitur
quo-

quidlibet enim à quolibet alio distinguitur ;
vt patet ex terminis .

Hinc inferunt existentiam Dei probari
evidenter non solum per existentiam & gu-
bernationem vniuersi, quæ sunt argumenta
potissima quibus vtuntur sapientes : sed et-
iam per existentem cuiuslibet effectus
creati ; idque non ex eo quod omne con-
tingens debeat tandem aliquando reduci
tamquam in causam, in aliquid simpliciter
necessarium, quod est argumentum D.Th.
& aliorum primi ordinis primæ notæ ;
sed ex illa perfectione quæ cum quodlibet
effectu intrinsece identificatur. Musca v.g.
est effectus cuius tota perfectio tribui ne-
quit vlli creaturæ aut vlli creaturarum col-
lectioni. ergo ad productionem ipsius re-
quiritur aliquid supra omne creatū. Quod
autem supra omne creatum est, est increatū
& Deus. Ant. prob. quia musca est distin-
cta non solum ab omnibus imperfecti-
bus alterius muscæ, sed etiam omnium alia-
rum rerum, cum nec alia musca nec om-
nium aliarum rerum collectio, sit à propriis
imperfectiōibus distincta ; ergo in musca
reperis perfectionem aliquam quam nō re-
peris in collectione omnium aliarum rerum
ergo res omnes aliæ creata non sunt suffi-
cies causa muscæ. Quamuis enim inclu-
dant perfectiones incomparabiliter maio-
res quæ sint perfectiones muscæ, tamen hæc
perfectionem non habent, esse videlicet
distinctas ab imperfectiōibus propriis, im-
mo habent esse suas imperfectiōes, cum

tam certum sit muscam esse distinctam ab imperfectionibus eorum omnium ; quem certum est muscam non esse vllum ex ijs omnibus . Quod autem hæc sit perfectio simpliciter simplex facile probant : quia prædicatur de Deo : Deus enim est distinctus ab imperfectionibus rerum omnium creatarum . Hoc argumentum est mirabilis Theologi P. Antonij Perez , & quia P. Antonij , plausibile , & multis euidens .

Quod si dica hoc argumentum posse contra Deum ipsum conuerti sic . Quilibet effectus habet essentialiter esse distinctū a Deo . Deus non habet esse distinctū à Deo ; ergo hoc prædicatum effectus nequit habere à Deo . Respondebunt fortasse , quod perfectio effectus debet præcontineri in causa , non autem imperfectio . Esse autem distiuctum à Deo non est perfectio , sed imperfectio , & consequenter non debet præcontineri in Deo : immo cum quilibet effectus sit , & ex Deo , & ex nihilo : habet quod boni habet ex Deo ; quod autem mali ex nihilo . Atq. ita per viam perfectionis , & nihili ; tuam instantiam annihilant .

Argumentum propositū mihi semper , & multis alijs visum est infidum . Et primo quidem etiā si probaret necessitatem diuini concursus in quemlibet effectū , non tamen probaret indigentiam cōcursus immediati ; de quo hic tota est lis . Nam quamuis sit euidens perfectionem effectus contineri in causa , non tamen est euidens contineri in virtute immediate productiua eiusdem . Pa-

tet hoc ex dictis. Visum est enim neq; perfectionem ipsam specificam reperiri sēper in virtute immediate creata, quamvis hanc requirens etiam qui prädito argumento utuntur in causa secunda. Ex quibus sic posses arguere. Virtus immediate effectiva substantiæ non habet totam perfectionem specificam, immò neq; genericam substantiæ quam facit; ergo tam est recurrendum ad Deum pro perfectione specifica, & generica, quam pro individuali: non recurrūt neq; pro specifica, neq; pro generica: ergo immerito recurrunt, pro individuali. Hoc argumentum est ad hominem contra eos, qui nobiscum sentiunt de virtute immediate productiva substantiæ.

Contra omnes autem præfato argumento utentes valet primo, quod etiam si collectio creaturarum non habeat formaliter illam perfectionem, quæ est distinctio a suis imperfectionibus, quæ tamen reperitur in musca, habet tamen alia infinitas maiores, ut dicitur in ipso argumento, & consequenter habet hanc etiam eminenter: aiunt enim in illa causa cōtineri emninenter perfectionē effectus, quæ est effectui perfectior. Valet secundo: quod etiam si musca *B* non habeat illam perfectionem individualē, quæ est in musca *C* habet omnino æqualem. Sicut enim musca *B* est distincta ab omni imperfectione muscæ *C*, & aliarum omnium creaturarum: ita musca *C* est distincta ab omnibus imperfectionibus muscæ *B*, & omnium aliorum, & consequenter non est in musca

Nulla perfectio, cui non sit alia omnino similis in musca. Quod autem illa, quæ est in effectu, sit vel fuerit eadem numero in causa non potest exigere, nisi qui imaginatione male utitur ad philosophandum.

Itaq, ad argumentum propositum est in promptu responsio. In quolibet effectu est aliqua perfectio, quæ non reperitur eadem numero in causa creata; concedo; quæ non reperitur secundum speciem, & æquivalentiam in causa creata; nego: idem dic ad reliquum argumenti. Perfectio individualis tam non reperitur in vlllo alio quam hoc indiuiduum non est vllū aliud; consequenter implicat vnum dare esse alteri, & non dare illi esse distinctum; quod est tam euident, quam euident est nihil effici à seipso.

ARTICVLVS II.

Conclusio posita alijs agumentis probatur.

Primum argumentū sit consensus Theologorum, & Patrum innixus Dei testimonio vnanimiter ab omnibus intellecto pro concusu immediato. Tale est illud apud Ioann. 5. *Pater meus vsque modo operatur, & ergo operor.* Quod oppones illi, quod supra allatum est. *Requiebit Deus die septimo ab omni opere quod patrauit.* Nō enim ita requieuit, vt nihil in æternū agat, sed itaut totam vniuersi machinam absoluerit, nihilque amplius ad ipsius cōplementum necessarium fuerit. Secundum sit illud

illud Apostoli : *In ipso enim uiuimus, mouemur, & sumus*, ubi Apostolus Atheniensium cæcitatem reprændit, ex eo quod Deum ignorent, quem in suo esse, & in suo operari semper ubiq; præsentem, & secum operantem habent. Tertium sit illud eiusdem Apostoli 2. ad Corinth. c. 15. *Quod seminas non corpus, quod futurum est semininas, sed nudum granum ut puta tritici, aut alicuius cæterorum. Deus autem dat illi corpus sicut uult, & unicuique seminum proprium corpus.* Intentum Apostoli toto hoc capite est declarare resurrectionem mortuorum, quam docet faciendam à Deo excitante in præmortuo corpore nouam uitam, sicut in operibus naturæ excitat ex mortuo grano tritici nouum triticum. Quemadmodum igitur Deus est, qui suscitatur nos iam mortuos, & ex corpore animali, & mortali facit spiritale, & immortale, ita etiam ex tritico, & ex quolibet alio semine putrefacto, facit aliud triticum, & alia huiusmodi, dâns omnibus esse cum proportionem ad semen, ex quo, operante Deo nascuntur.

Habes aliud simile huic secundo Machab. cap. 7. ubi septem Martyrum Mater femineæ cogitationi masculinum animum inserens, sic alloquitur filios; *Necio qualiter in utero meo apparuistis; neque enim ego spiritum, & animam donavi uobis, & uitam, & singulorum membra non ego ipsa compegi, sed enim mundi creator, qui formauit hominis natiuitatem, qui que omnium inuenit originem, & spiritum uobis iterum*

cum misericordia reddet & vitam sicut nunc vos metipsos despiciati propter legem eius, in hac oratione nota hæc verba: *Et singulorū membranon ego ipsa compegi*. Ex quibus apparet non solum animam, quæ nostris membris infunditur, sed & ipsam membrorum compagem opificium esse diuinæ, adeoq; infinitæ sapientiæ.

Dices, hæc & alia testimonia nihil aliud probare, nisi quod Deus omnia in omnibus operetur: non autem quod immediate cum omnibus operetur. Confirmatur: quia ignis vere & proprie calefacit, quamuis non immediate: ergo etiam Deus vere, & proprie dat corpus tritico, & vnique seminum proprium corpus; quamuis non immediate sed mediante virtute actiua, quam causis secundis, vnique secundum naturam propriam distribuit.

Sed contra est: quia si ita esset, male reprehenderes eos, qui dicunt mundi, & ea omnia, quæ in prima creatioe extiterū, facta quidem à Deo, postmodum autem quæ de nouo facta sunt, à præexistētibus suecessiue facta, & fieri, sine immediata operatione Dei: & tamen hos vt à veritate errātes reprehendit Aug. lib. 5. de Genesi ad litteram c. 20. vrgetq; hoc testimonio: *Pater meus vsque modo operatur*, ostendens Deū numquam ab operando cessare, & quod si vel momento ab operando cessaret, omnia redigerentur in nihilum: ergo secundum August. quem vnanimiter ceteri Doctores sequuntur, prædicta verba ita intelligenda sunt

sunt, vt sonent dependentiam immediatam & eorum quæ sunt in essendo, & eorum quæ sunt in fieri à causa prima. Probatur, quia etiam si nunc cessaret Deus ab operando, adhuc fuisset actio primo productiua causarum, à duplus fuerunt subsequentes effectus; ergo si hec se solis sufficiunt ad effectus, cessant Deo, non propterea isti non fierent, & in nihilum omnia reuerterentur. Plura scripturæ, & August. testimonia habes apud nostrum Gabrielem Vasquez 1. secundæ disp. 128. cap. 3. & alibi.

Contra est secundo: quia si non aliter Deus est causa eorum, que nunc sunt, quā per hoc quod semel creauit causam secundam à qua per lōgam seriem causarum, & effectuum ea procedunt, quæ nunc sunt: nō magis proprie Deus vsq; modo operatur, quam primus omnium equorum vsq; modo generet equum, & primus omnium ignium vsque modo generet ignem: & tamen ineptum est dicere, quod æque Christus de primo igne dicere potuerit, ac de suo Patre. *Vsq; modo operatur.* Sequela probatur; quia in tantum Deus vsq; modo operatur secundum Aduersarios, in quantum est immediatus auctor illius equi, à quo median- tibus aliis innumeris præsens equus procedit. sed ille ipse primus equus est causa minus remota equi præsentis; ergo ille ipse primus equus in generatione equi præsentis vsque modo operatur: quod est ridiculum. Minor est euident; quia inter equam, qui nunc fit, & actionem Dei, medi pri-

mus equus, & omnes alij intermedij: inter primum autem & ipsum nō mediat primus: sed soli intermedij. Aliter igitur prædicta testimonia intellige.

Porro quod posset dici Deum nihil operatum fuisse, nisi in prima mundi creatione, si Aduersarij credendum est: prodatur sic. Sint tres ignes *A B C*. *C*. productus à *A*, *B* ab *A*. *C* producat calorem in aqua. Peto, an Deus operetur hunc calorem in aqua; Respondet aduersarius affirmatiue: quia, inquit, Deus fecit ignem *C*; à quo calor in aqua producit. Rursus interrogo an Deus immediatè fecerit ignem *C*? Respondet negatiue, sed fecit, inquit, ignem *C*, quia fecit ignē *B*; à quo immediatè processit ignis *C*. Togo iterum, an ipsum ignem *B* Deus immediatè fecerit: Respondat negatiue; hunc enim fecit mediante igne *A*. Et sic per tuas interrogationes retrocede vsq; ad initium; & inuenies Deum in tantum vsque modo operari secundum aduersarios; in quantum initio mundi creauit Cœlum, & terram, & omnia quæ in eis sunt. Hoc autē erroris reprehendit Augustinus, & alii.

Ex his patet ad paritatem cum igne, Ignis proprie loquendo calefacit: quia, per actionem immediatè procedentem ab ipsius virtute intrinseca mouet passum; ergo etiam Deus ptoprie ager, per hoc quod per actionem immediatè procedentem ab ipsius virtutes intrinseca moueat passū. Virtus autem actiua Dei est ipsemet Deus. Immo, ut visū est supra, sunt qui velint hāc esse Dei præroga.

rogatiam, ut non agat per potentiam sibi
superadditam. Deus igitur cum igne con-
currit ad producendum calorem igni intrin-
secum, cum calore igni intrinseco ad pro-
ducendum alium calorem in passo, cum ca-
lore producto in passo, ad productionem
formæ: & sic nihil agit, nisi Deo secum
egente, & quilibet effectus immediatus pē-
det à Deo, quam à causa principali secunda,
ut habes & ex dictis, & ex dicendis.

Alia ratione idem prob. Conceptus per-
fectissimæ dependentiæ quæ qualibet crea-
tura habet à Deo talis est, ut omnis, &
qualibet sit impotens esse, & operari sine
immediato concursu ipsius: ergo Deus im-
mediate influit in quemlibet effectuum cau-
sa secundæ. Conseq. est evidens. Anteced.
probatur; quia posita tali dependentia per
purum non agere Dei, nulla res, vel erit,
vel aget, aut potius omni res, & agere, &
esse desinet. Hoc autem esse perfectissimū
genus dependentiæ, conitatur ex terminis. V-
bi vides, quod ad hoc ut hæc, vel illa crea-
tura non sit, aut non agat, non requiris po-
ni ullum impedimentum ad ipsius esse, aut
operari, sed solum exis Deum non age-
re, & consequenter ponis perfectissimum
illud Dei dominium, quo creatura ita
Deu subditur ut merito dicat: si vel mo-
mento me deseras, nulla sum; quod non
posset dicere, nisi Deus in ipsius esse, & o-
perari immediate influeret. Et primo quidē
causa creata non posset dicere si momento
me deseras, nulla sum, nisi immediate per
seip-

seipsum illam conseruet. Res vero quæ sit; idem non posset dicere; si operari causæ secundæ esset etiam Deo cessante. Cur enim nulla sit eo cessante, qui nihil influit in esse ipsius;

Confirmatur hæc ratio, & explicatur. Suppone dari hic ignem, à quo nollit Deus stuppam comburi eidem proximam: sicut noluit tres pueros comburi in fornace Babilonica. Hoc posito sic philosophare. Implicat Deum nolle combustionem stuppæ, & simul facere quidquid facit quando comburitur stuppæ. Sed quando comburitur stuppæ nihil aliud facit, quam conseruare ignem cum virtute actiua ipsius; ergo implicat Deum nolle comburi stuppam, & simul conseruari ignem cum virtute actiua. Rursus non implicat conseruari ignem cum virtute actiua, & tamen non vrere: ergo præter ignem, & virtutem actiuam requiritur aliud ad combustionem stuppæ applicatæ.

Præterea sine influxu Dei immediato non est intelligere quid sit Deum conseruare ignem, & virtutem actiuam ignis: vtrumque enim sicut est in natura independenter à Deo: ita etiam potest independenter ab eodē seruari. Necesse est igitur, ad hoc vt intelligas rem conseruari à Deo, te etiam intelligere dependentiam immediatam rei à Deo, per quam videlicet ita sit in natura, vt cessante Deo à conseruando, res ipsa necessario cesset ab essendo. Est enim absurdum dicere Deum non posse impedire rem ab essendo

endo, nisi per actionem vel productiuam alterius rei impossibilis cum ipsa, vel destructiuam illius, cum longe sapientius de Deo sentiat, qui dicit Deum posse destruere quamlibet rem per hoc præcise quod cesset ab ipsa conseruanda. Hoc idem alibi indicatum est, ubi dictum est actionem non terminari ad non ens; sed per hoc ipsū non fieri rem, quod non detur actio ipsius effectiua, per hoc ipsum non seruari, quod non detur actio ipsius conseruatiua.

Promouetur ulterius eadem ratio. Non implicat posito igne, eiusdem virtute actiua, & stuppa approximata Deum nolle, quicquam de nouo produci. Hoc autem, nequit esse verum in sententia aduersariorū, ergo &c. Maior est certa, nec aduersarius vnquam affaret implicantiam. Minor verò probatur; quia posito igne, & stuppa applicata, nequit non fieri ignis, nisi Deo producente posituum impedimentum ad ignem, ergo in prædicta circumstantia necesse est poni de nouo in natura vglignem, vel aliquid aliud exclusiuum ignis. In nostra autem sententia posito igne, & approximata stuppa, nihil de nouo fiet per hoc præcise, quod Deus non agat. Desinere autem ab essendo rem, quæ erat, non fieri rem, quæ nondum est, per hoc præcise quod Deus non agat, est argumentū euidens perfectissimæ dependentiæ rerum à Deo.

Ex his omnibus patet, quod alibi indicatum est; nullam causam adequatam simpliciter cuiuslibet affectus esse simpliciter, &

absolute necessariam, hoc est talẽ, vt ipsa data nequeat non dari effectus, & consequenter omnem causam adæquatam includere aliquod principium liberum. Explicatur hic in causa productiua caloris. Non repugnat dari ignem: & stuppam approximam, & non produci calorem; igitur ignis approximatus stuppæ cum tota sua virtute actiua, non necessario necessitate metaphysica producit calorem; est igitur cum igne, & virtute actiua ignis aliquod aliud principium ita concurrens ad productionem caloris, vt possit non concurrere, determinando se pro suo libito ad concurrendum, vel non concurrendum. Hoc autem principium est causa prima, cui effectus quilibet est simpliciter liber, quia posita qualibet causa secunda potest cum ipsa non agere, & per suum non agere, facere vt nullus sit causæ secundæ effectus. Hoc idem magis patebit ex responsionibus ad obiectiones.

Obijc. 1. Operari mediante alio, non est operari immediate; Deus operatur mediatis creaturis, g. Deus non operatur immediate. Maior patet ex dictis. Ignis produciens ignem mediante qualitate immissa in passum non producit immediate. Minor autem probatur: quia Deus calefacit mediante igne, frigefacit mediante aqua, & sic de cæteris, varias causas varijs aplando effectibus. Confirmatur hoc idem ex Diu. Thoma negante Deum per seipsum immediate dare esse, & conseruare in esse, omnem

nem creaturam, quorum vtrumq; agit mediantibus causis. Ita habes in 1. part. quæst. 104. art. 2. & alibi.

Resp. concessa maiori & minori: negando conseq. Deus enim & mediate, & immediate producit, & conseruat omnem creaturam. Mediate quatenus per causas à se factas, immediate: quatenus cum iisdem causis à se conditis concurrat ad effectus ipsarum. Hinc posses etiam distinguere minorem. Deus operatur mediantibus creaturis solum: nego minorem: mediantibus creaturis, & præterea per seipsum: conc. minorem. Ad probationem satis patet. Ad confirmationem dic D. Thomam loco citato, & alibi loqui ex professo contra eos, qui aiebant res omnes produci, & conseruari à solo Deo, sine concursu vllius causæ creatæ, quod vocabant fieri, & conseruari à Deo immediate. Hoc autem falsum esse, docet D. Thomas.

Obijc. 2. Si Deus concurrat ad omnes effectus causæ secundæ, vel concurrat eadē actione cum causa secundā, vel diuersa, hoc est vel ita ut una eademq; sit actio Dei, & creaturæ, vel ita ut si alia actio Dei, alia creaturæ, neutrum dici potest; g. Deus non concurrat immediate. Maior est euident, minor probatur. Et primo quod non eadem actione; tum quia actio qua ponitur effectus non excedit virtutem agentis creati, adeoq; potest esse adæquate ab agente creato: tum quia nequit eadem actio esse à duobus agentibus, nisi in illis sit eadem numero
vir-

virtus, quod non contingit in Deo, & creatura. Probatur iam, quod nec actione diuersa; quia aut vna actionum illarum attingeret prius terminum quam alia, aut vtraque simul: neutrum dici potest; ergo &c. Minor probatur: si enim dicas ab vna actione prius attingi terminum, quā ab altera, actio subsequens actum ager: est autem contra conceptum actionis, quod sit ad id quod ipsi præsupponitur: omnes enim actionem concipiunt, vt viam ad terminum: si dicas, quod vtraq; simul eo ipso vna ex ipsis superfluit, cum vna sit satis ad terminū. Nec dici potest, quod vnā partem effectus producat Deus, alteram creatura, quia sic idem indiuisibiliter non esset à Deo, & à creatura, & aliquid ita esset à creatura, vt non esset à Deo. Ex his concludit Durandus Deum non concurrere immediate ad omnes effectus causę secundę.

Resp. concessa mai. neg. min. & dico per eadem indiuisibiliter actionem Deum, & creaturam influere in eundem numero effectum. Ad probationem nega, creaturam sine concursu Dei posse elicere vllam actionem. Immo constat causam secundam aliquando non egisse, cum tamen certum sit causam necessariam semper agere quantum potest: igitur non potuit. Non potuit autem quia Deus noluit concurrere. Ad secundā rationem contra identitatem actionis: nega eandem actionem esse non posse à duobus agentibus etiam in virtute diuersis. Verum quidem est actionem, quę sit à duobus, esse aliā
ab

ab ea, quæ esset ab altero tantum, vt alibi diximus, sed quid hoc ad Durandum?

Instabis; Si eadem actio esset indiuisibiliter à Deo & à creatura, sequeretur actionem qua Petrus peccat esse actionem Dei, & Petri: consequens est absurdum, ergo & antec. Sequela maioris probatur: quia actio æquè procedens à Deo ac à Petro non debet magis dici actio Petri quam Dei: immo videtur potiori iure dicenda Dei quam Petri, quia denominatio est à potiori: in complexo autem ex Deo & Petro Deus est potior. Item dici potest quod Deus peccat simul cum voluntate Petri. Probatur hoc: quia recte dicis Deum calefacere simul cum igne, quia est eadem actio procedens indiuisibiliter & à Deo & ab igne: sed etiam eadem est actio indiuisibiliter procedens & à Deo & à voluntate Petri; ergo recte dixeris Deum peccare simul cum voluntate Petri.

Resp. difficultatē propositam quoad denominationem peccantis esse communem nostræ sententiæ & oppositæ: siue enim Deus immediate, siue mediate solum concurrat ad omnes operationes creaturæ est eadem vis obiectionis allatæ. Patet hoc, quia etiamsi Deus solum mediate concurrat ad calefactionem factam per ignem per hoc videlicet quod conseruet ignem & virtutem ipsius actiuam, Deus in sententia Durandi dicitur calefacere, & hoc modo intelligitur Deus omnia in omnibus operari; g. pariter Deus conseruans in Petro potentiā
&

& virtutem peccandi dicitur operari peccatum, seu peccare cum voluntate Petri. Conseq. est evidens quia per hoc præcise calefacit cum igne & per ignem, quod conseruet in igne potentiam calefaciendi, sed etiam in voluntate Petri conseruat potentiam peccandi; g. cum voluntate Petri, & per voluntatem Petri peccat. D: Augustinus fatetur diu se laborasse in liberando Deo ab hoc quod est esse auctorem peccati, cum indubitatum sit illum esse auctorem potentia seu voluntatis qua homo peccat, & quia hæc difficultas distraxit auctores in varias sententias circa modum quo Deus concurrat ad actus liberos tam bonos quam malos, ideo circa hoc punctum instituenda est.

Q V Æ S T I O I.

De concursu Dei cum causis liberis.

A R T I C V L V S I.

Proponitur prædeterminatio Physica.

Voluntatem creatam esse ex se iusufficientem ad bene vel male velle, bene vel male nolle, hoc est ad operari, supponitur hic, & consequenter aliquid aliunde requiri ut constituatur in ratione potentia simpliciter completa ad hunc vel illum actum. Illud complementum tam certum est se tenere ex parte actus primi, quam indubi-

bitatum illud influere per modum causę in-
actum secundum. Complementum illud ali-
qui ex Thomistis ponunt in qualitate qua-
dam à Deo immissa, quam vocant physicam
prædeterminationem, per quam videlicet
voluntas creata ita mouetur ad hoc vel il-
lud, vt stante prædeterminatione huiusmo-
di implicet non esse id ad quod est præde-
terminatione. Puta stante prædeterminatione
ad actū bonum, tam implicat non esse actū
bonum, quā implicat non esse stante actu
bono, actum bonum, hoc est quam implicat
esse simul duo contradictoria.

Impugnatur hæc physica prædetermina-
tio potissimum ex capite libertatis quam
destruit. Prius tamen quam impugnationem
huiusmodi aggrediar, obseruo per qualita-
tem huiusmodi non saluari quod creatura
non agat sine immediato Dei concursu. Nā
etiam prædicta æqualites impressa voluntati
est aliqua creatura, igitur si ipsa cum vo-
luntate ita agit vt Deus per seipsum non
concurrat ad actum; falsum est nullam rem
creatam agere nisi Deo agente cum ipsa.
Quod si dicas Deum simul cum illa qualita-
te impressa agere; hoc idem dicere potes
de Deo cum ipsamet voluntate.

Impugnatur iam prædeterminatio physi-
ca nomine libertatis. Voluntas creata se-
sola non potest elicere vllam operationem:
ergo se sola non est principium adæquatum
vllius operationis: ergo vt habeas principium
adæquatū operationis sequiritur hæc phy-
sica prædeterminatio in voluntate, vel si-
mul

mul cum voluntate, & consequenter voluntas non est principium adæquatum operationis nisi ut instructa physica illa prædeterminatione; sed instructa physica prædeterminatione non est libera ad hunc vel illum actum, ad actum vel negationem actus ergo physica prædeterminatio destruit libertatem: Minor subsumpta probatur: quia physica prædeterminatio est ita determinatio ad amorem v. g. ut implicet voluntatem hac prædeterminatione præditam non amare. Est autem evidens ex terminis illud principium, quod se solo nequit agere, si ad agendum compleatur per aliquid essentialiter determinatum ad vnum; numquam esse liberum ad hoc & illud, seu potius ad hunc actum vel oppositum. Patet hoc, quia se solo neutrum potest, & hoc conuenit omni causæ creatæ, quatum nulla est adæquata sufficientia ad vllum actum, rursus id per quod completur in ratione proxime potentis, est essentialiter determinatum ad vnum, ergo numquam datur principium adæquatum vllius actus quod sit principium adæquatum vel omittendi talem actum, vel exeundi in oppositum. Implicat enim in principio adæquato essentialiter determinato ad unum, intelligere sufficientiam adæquatam & indifferentiam ad vtrumlibet.

Promouetur vltcrius idem argumentū. Voluntas creata ut sit potens simpliciter & absolute operari libere, debet compleri à Deo in genere potentia liberæ; sed per phy.

physicam prædeterminationem non completur in genere potentia liberæ: ergo per physicam prædeterminationem non completur modo sibi proportionato. Maior nequit negari, minor probatur; quia complementum cum quo non stat indifferentia ad opposita non complet potentiam in ratione potentia liberæ; cum physica prædeterminatione non stat indifferentia ad opposita; ergo &c. Minor probatur: quia physica prædeterminatio est essentialiter determinatiuum ad alterum ex oppositis: puta prædeterminatio ad amorem est essentialiter determinatiuum ad amorem: prædeterminatio ad odium est essentialiter determinatiuum ad odium. Vbi aduerte nos æqualiter agere hic & contra eos qui voluntatem nostram præmoueri aiunt per qualitatē immixtam, & contra eos qui eadem à deo ipso præmoueri contendunt non enim interest, quantum ad libertatem, seu potius ad interitum libertatis, vnde præmoueamur, si præmotione moueamur essentialiter determinata ad vnum.

Dices etiam stante prædeterminatione ad vnum manere in voluntate essentialiter indifferentiam ad opposita: quia voluntas secundum se præcise considerata est omnino indifferens ad hanc vel illam prædeterminationem: hoc est & ad prædeterminationem ad amorem: & ad prædeterminationem ad odium. Hoc modoparies etiam stante albedine est essentialiter indifferens ad nigrum & al-

& album; quia inexistencia albedinis in ipso non tollit ab ipso aptitudinem ad oppositum.

Resp. nos non agere hic de indifferentia ad hanc vel illam prædeterminationem quæ utriq; supponimus, siue admittamus siue negemus voluntatem physice prædeterminari: sed de indifferentia actus primi proximi: hoc est principii simpliciter adæquati ad vnum & alterum ex oppositis. Indifferentia parietis ad albedinem & nigredinem non facit parietem electum albedinis aut nigredinis, & consequenter nec electum ad esse disgregatiuum, aut congregatiuum visus; quæ consequuntur necessario ad albedinem & nigredinem. Eodem modo indifferentia voluntatis ad hanc vel illam prædeterminationem non facit voluntatem esse electiuam huius vel illius prædeterminationis; adeoque nec illius aut alterius operationis, quam impossibile est ad hanc vel illam prædeterminationem non sequi.

Argumento proposito reponere solent Aduersarij distinctionem celeberrimam sensus compositi & sensus diuisi. Aiunt etiam cum physica prædeterminatione esse liberam voluntatem, quia potest elicere actum oppositum illi ad quæ præmouetur, vel carere actu ad quem præmouetur, non in sensu composito sed in sensu diuiso. Hanc distinctionem explicant exemplis familiaribus etiam apud nos. Pura Socrates sedens libere sedet, quia etiam sedens potest non sedere; aut etiam stare, non in sensu composito, sed

in

in sensu diuiso . Item posita præscientia quod Petrus cras peccabit , adhuc cras Petrus libere peccat , quia potest non peccare in sensu diuiso , quamuis non possit in sensu composito: hanc eandem distinctionem alii terminis alii vsurpant : puta stante prædeterminatione ad amorem , potest Petrus non amare similitate potentia; non autem potentiam simultatis. sicut Petrus sedens potest non sedere similitate potentia; non autem potentia simultatis .

Hanc distinctionem non bene intelligi , aiunt , vel si bene intelligatur non in eo sensu impugnari a nobis in quo intelligitur . Nam, aiunt sic impugnant Aduersarij hanc distinctionem, quasi sensus sit Petrum habere potentiam ad non amandum , si in Petro non ponatur aut si à Petro auferatur prædeterminatio ad amorem : quem sensum aiunt esse ineptum & omnino extra-intentum. In Petro inquiunt , etiam si prædeterminato ad amorem , datur cum tota prædeterminatione ad amorem, potentia ab non amorem, seu etiam potentia ad odium: sicut in pariete albo cum tota albedine datur potentia ad nigredinem : quamuis non datur in Petro potentia ad coniungendum non amorem siue odium, cum prædeterminatione ad amorem: sicut non datur in pariete potentia ad coniungendam negationem albedinis aut nigredinis , cum albedine . Eodem modo simul cum sessione est in Petro potentia standum , seu ad non sedendum ; quamuis non sit in Petro potentia ad componendam

stationem seu non sessionem cum sessione:
& stante diuina præscientia de peccato cra-
stino Petri stat simul in Petro potentia ad
non peccandum ; quamuis numquam stet
in Petro potentia ad componendum non
peccatum cum præscientia de peccato.

Hæc responsio nullo modo soluit diffi-
cultatem, & facit Petrum detentum in vin-
culis æque liberum ad ambulandum, ac ho-
minem prædeterminatum ad amorem facit
liberum ad non amandum. Per hoc quod
Petrus sit ligatus non tollitur in Petro po-
tentia ambulatoria, sicut per hoc quod se-
deat non tollitur in ipso potentia standi :
ergo Petrus in vinculis est æque liber ad
ambulandum, ac Petrus sedens est liber ad
standum. Nemo est cui statim non veniat
in mentem disparitas inter vtrumque. Pe-
trus sedens est liber ad ambulandum quia
est in potestate ipsius abicere sessionem &
loco sessionis ponere stationem: at vero Pe-
trus ligatus non habet in sua potestate ab-
icere vinsiula & ambulare. Item Petrus li-
bere sedet; quia elegit sedere potius quam
non sedere, & ideo recte dicitur esse liber
ad standum, quia stare potest in sensu diui-
so à sessione. Non autem dici potest Petrum
esse libere prædeterminatum, quia elegit
prædeterminari potius quam non prædeter-
minari, adeoque posse non amare in sensu
diuiso à prædeterminationem. Et tamen ad
hoc vt qualibet actio dicatur nobis libera,
oportet vt sit ex nostra electione, seu à no-
bis vel signatè vel exercite eligentibus il-
lam

latam præ non illa.

Impugnatur igitur hæc responsio. Ad hoc ut Petrus sit liber in sensu composito prædeterminationis oportet ut vel sit in potestate ipsius abijcere prædeterminationem, vel cum prædeterminatione ad vnum componatur in Petro potentia adæquata & proxima ad oppositum: sed neutrum datur ab aduersarijs; ergo Petrus in sensu composito cum prædeterminatione non est liber. Maior probatur: quia implicat in terminis me esse liberum ad hoc vel illud, & independentem a mea libertate deesse mihi potentiam adæquatam, tam ad hoc quam ad illud. Minor autem probatur: tum quia non est in mea potestate abijcere hanc prædeterminationem: tum quia potentia in ratione potentia adæquata & proxima ad oppositum completur formaliter per prædeterminationem ad oppositum: sed implicat simul dari in Petro duas hæc prædeterminationes; ut fatentur Thomistæ, & ut est evidens ex terminis; ergo &c.

Dices: cum tota prædeterminatione ad amorem est in Petro voluntas natura sua libera & capax odiendi; ergo cum tota prædeterminatione physica est in Petro libertas ad oppositum. Antecedens probatur: quia physica prædeterminatio non euertit naturam voluntatis creatæ: voluntas autem est natura sua potentia libera; ergo prædeterminatio non tollit à voluntate rationem liberæ.

Resp. primo per infantiam iam semel allatam & insolubilem. Vincula & catenæ quæ ligant & detinent Petrum non tollunt à Petro potentiam ambulandi: ergo etiam in sensu composito vinculorum Petrus est liber ad ambulandum. Antecedens probatur: quia potentia ad ambulandum habetur formaliter per potentiam loco motiuam: & determinatio ad ambulandum potius, quam ad non ambulandum per voluntatem pro suo libito imperantem ambulare, præ non ambulare. Est autem evidens per vincula, quibus premitur Petrus, non destrui in Petro nequit potentiam loco motiuam, neque voluntatem. Et tamen nemo sapiens dixerit Petrum in vinculis esse liberum ad ambulandum.

Dices disparitatem esse inter vincula detinentia Petrum & prædeterminationem, quæ præmouet Petrum ad amorem. Vincula ita sunt impossibilia cum ambulare, ut cogant non ambulare; prædeterminatio autem non est ita impossibilis, cum non amare, ut cogat non amare. nam etiam prædeterminatus ad amorem incoactus amat & consequenter non est illi violentum non amare, cum certum sit homini ligato ad stipitem violentum esse astare ad stipitem.

Resp. hanc disparitatem esse optimam sed insufficientium. Nostra argumenta non probant per physicam prædeterminationem cogi voluntatem Petri ad amorem, sed solum probant necessitari. Ad hoc autem ut

Petrus sit liber non sufficit illa libertas quæ est a coactione, sed requiritur illa quæ est à necessitate. Vincula Petri ad stipitem, & prædeterminatio Petri ad amorem in hoc conueniunt, quod cum neutro ex his steterit potentia expedita ac oppositum, esto disconueniunt in hoc quod prima cogant habere stipitem, secunda non cogat sed solum necessitet ad amorem. Dicitur libertas à coactione omnis voluntarietas, siue in voluntate reperiatur principium adæquatum ad opposita, siue non: dicitur autem libertas à necessitate, quando voluntas est completè potens ad vtrumlibet ex oppositis. Prima libertas reperitur in Beatis ad amandum Deum, secus secunda. Beatus enim cum summa propensione voluntatis amat Deum, quem tamens in sensu composito beatitudinis non potest non amare. Non debet autem admitti eam dumtaxat in homine libertatem dari ad hos & illos actus quos exercet in via, quæ datur in patria.

Resp. secundo falsum esse quod voluntas sit per naturam suam adæquate libera; sicut falsum est quod voluntas creata sit se sola adæquate potens vel amare, vel odire, vel quodlibet aliud operari. Diximus enim supra, nullam causam creatam esse sufficientem simpliciter adæquatam ad vllum effectum. Immo ex hoc ipso quod voluntas creata sit ex natura sua libera, fecimus argumentum contra prædeterminationem. Nam si est natura sua libera & potens ad vtrumque ex oppositis, cum non habeat

G 3 hoc

hoc per seipsam adequate, debet in ratione
 ralis compleri; & consequenter compleri
 per aliquid quod sit constitutum actus
 primi proximi ad opposita: sed eo ipso
 quod completur per physicam prædetermi-
 nationem, non completur huiusmodi; ergo
 &c. Igitur ad argumentum in forma di-
 stingue: voluntas est natura sua libera &
 capax odiendi per seipsam præcise: nego;
 simul cum concursu causæ primæ; concedo;
 & sic ad reliqua. Quod si concursus ille
 per quam completur, sit determinatus, &
 determinatiuus ad vnum, nequit in volun-
 tate intelligi potentia adequata ad oppo-
 situm.

A R T I C V L V S II.

Impugnatur iterum prædeterminatio physica.

Alia eiusdem opinionis impugnatio fit
 quod per physica prædeterminatio-
 nem Deus sit: vere & proprie causa siue au-
 ctor peccati; consequens est absurdum, er-
 go & antecedens. Sequela maioris proba-
 tur: quia ille est auctor peccati à quo est
 determinatio ad peccatum; sed admissa
 prædeterminatione, determinatio ad pec-
 catū est à Deo; ergo admissa prædetermi-
 natione Deus est causa & auctor peccati.
 Maior explicatur & ipsa sui explicatione
 probatur. Quotiescumque ad vnum eundē-
 que actum plura concurrunt, illi tribuitur
 actus

actus secundum considerationem moralem à quo est determinatio ad ipsum. Puta ad occisionem Petri concurrunt, & Paulus & gladius Pauli: sed gladius se solo impotens ferire ferit impulsus & determinatus à Paulo: Propterea occisio Petri quamvis physice sit à gladio & à Paulo, est tamen secundum considerationem ethicam à Paulo; vnde in pœnam homicidij suspenditur Paulus, non autem gladius.

Deus autem in quolibet peccante; ita se habet per physicam suam prædeterminationem; sicut se habet Paulus in gladio feriente. Nam sicut gladius est se solo impotens ferire, ferit autem vel hostem patriæ, vel ciuem, prout mouetur si Paulo: ita voluntas creata est se sola impotens operari: operatur autem vel bonum, vel malum; prout ad hoc vel illud per physicam prædeterminationem mouetur à Deo. Et quemadmodum hic vel ille impulsus seu motus imprimitur gladio, independenter ab omni & quacunque electione gladij; sic etiam imprimitur voluntati creatæ hæc vel illa præmotio independenter ab omni & quacunque electione ipsius. Sicut igitur Paulus ibi est verè & propriè auctor homicidij: sic etiam Deus erit verè & propriè auctor peccati.

Neque enim putare debes pendere ab electione voluntatis quod habeat hanc uel illam præmotionem. Hoc enim est exercitium liberæ voluntatis diuinæ & non alterius. Quod si fingeres prædeterminationem dari ad electionem voluntatis creatæ: tunc

voluntas recte operatur eligendo prædeterminationem ad bonum, male autem eligendo prædeterminationem ad malum. Et quia quælibet electio est operatio voluntatis; de concursu Dei ad hanc ipsam electionem eadem esset omnino controuersia. Vide iam quo iure Deum reprehendat & puniat peccantem; qui exprobranti Deo quod peccet respondere potest: me solo sum impotens peccare, aut quidlibet operari; concursus autem illè quo me simpliciter & absolute potentem facis, est determinatus, & me determinat ad vnum: dum igitur pecco, quid aliud ago quem sequi motum quo in peccatum impellis: & cui tam implicat me resistere, quam implicat te non esse omnipotentem;

Prima Aduersarij responsio est Deum determinare voluntatem creatam ad materiale, sed non ad formale peccati, adeoque peccatum non esse Deo tribuendum, sed creaturæ. Hoc autem materiale & formale peccati varij varie explicant iuxta varias opiniones de malitia morali actuum. Aliqui dicunt quemlibet actum, secundum omne quod dicit de positiuo esse bonum; adeoque Deo amabilem; secundum vero id quod dicit de negatiuo esse malum adeoque inamabilem immo odibilem, utpote priuatum illo bono quo formaliter esset rectus, si esset actus moralis bonus: hæc priuatio cum non sit ens, non est à Deo. Et voluntas creata ceret in suo actu rectitudine debita, non quatenus ex Deo est, sed quatenus est

ex nihilo. Peccati igitur non est querenda causa efficiens formaliter ut peccati, sed causa deficiens, qualis est voluntas creata, cui propterea marito tribuitur defectus in genere moris. Atque hic assertur auctoritas Augustini id ipsum dicentis: videlicet mali non esse querendam causam efficientem sed deficientem; quod quam recte dicitur ab Augustino, tam mele adducitur in ipatruicinium physicae praedeterminationis.

Alii dicunt consideranda esse in actu morali praedicata aliqua quae habent rationem materiae metaphysicae, & haec sunt praedicata generica; alia quae habent rationem formae, & haec sunt praedicata differentialia. Prima sunt materiale peccati, secunda formale. Ad prima Deus determinat, secus ad secunda. Exemplum sit in actu odmerga proximum. Actus odii habet quod sit ens, quod sit actus, quod sit vitalis, quod sit tendentia in aliquod obiectum, aut fuga ab aliquo obiecto. Haec omnia praedicata sunt generica, nec quidquam mali inuoluunt. Habet praeterea quod sit odii erga proximum, & contra legem naturae praecipientem ut frater diligat fratrem? haec praedicata malignant, seu malificant actum; ad haec autem non determinat Deus.

Haec aduersariorum responsio id obtinet à multis, ut relicto puncto controuersiae disputent de constitutiuo formali actuum malorum; seu de ratione in qua formatiter consistat malitia actuum humanorum. Hoc autem non obtinebit a nobis? Pergemus igitur

tur in proposito: rogabimurq. Adversarium
 an Petrus cum ea prædeterminatione cum
 qua odit proximum contra legem naturæ
 sibi intimatā, sit proxime & adæquate po-
 tens ponere actum præditum illa rectitudi-
 ne morali, in qua consistit bonitas actus, vel
 saltem omitere illum actum odii: an sit po-
 tens potentia proxima & adæquata ponere
 actum non habentem nisi illa prædicata ge-
 nérica de quibus supra, an non: Si est pro-
 xime & adæquate potens; ergo cū physica
 prædeterminatione ad actum *A* stat etiam
 physica prædeterminatio ad omissionē actus
A; vel ad actum oppositum actui *A*: quod
 est impossibile. Probatur consequētia: quia
 actus primus proximus seu causa simplici-
 ter adæquata ad quemlibet actum includit
 prædeterminationem physicam a ipsum: &
 quia impossibile est cum physica prædeter-
 minatione ad *A* non stare *A*; cum physica
 prædeterminatione ad actum oppositū actui
A non stare actū oppositū actui *A*: implica-
 bit non stare cum prædeterminatione ad *A*,
 actum oppositum actui *A*, quod euerit om-
 nino naturam prædeterminationis. Est e-
 nim primum principium apud Adversarios
 non posse simul esse prædeterminationem
 & negationem actus, ad quem est præde-
 terminatio: idem dic de actu opposito.

Quod sit in Petro non datur adæquata po-
 tentia ad omissionem odii aut ad amorem,
 nec imputatur illi quod non faciat id quod
 non potest, vel quod faciat id quod nō po-
 test non facere. secundum prima principia
 lum-

luminis naturalis & secundum doctrinam
millies repetitam ab August. Stultum est id
Petro imputare ad culpam, quod ita facit
vt non possit non facere, vel quod ita non
facit, vt non possit facere, hoc enim est
culpae cecum quod non videat, surdum
quod non audiat.

Dicunt igitur alii cum tota physica præ-
determinatione adhuc remanere liberā vo-
luntatem creatā, quia adhuc representatur
obiectum circa quod versatur per cogni-
tionem indifferentem. Hæc autem cognitio
sufficit ad libertatem, Cognitionem autem
indifferentem vocant eā, quæ in obiecto re-
presentat bonum admixtum malo, & vecis-
sim malum admixtum bono. Ex hoc nim
quod representet bonum, apta est mouere
ad amorem, ex hoc quod malum; apta est
mouere ad odium: ex hoc quod neq; bo-
num sine malo, neque malum sine bono;
nec necessario mouet ad odium, nec neces-
sario ad amorem.

Hæc explicatio cognitionis indifferentis
nullo modo saluat Aduersarium. Dum
enim dicimus per physicam prædetermi-
nationem necessitari voluntatem, manife-
stum est vim necessitantem non poni à no-
bis nec in obiecto, nec in cognitione obie-
cti. Adeoque nobis probantibus quod vo-
luntas creata necessitetur per physicam
prædeterminationem, respondent Aduer-
sarius hanc non necessitari per obiectum,
neque per cognitionem obiecti. Finge ali-
quem tibi dicere quod Petrus vinculis o-

nustus est liber cum toto illo pondere vincu-
lorum addeambulandum. Hoc si neges,
habet argumentum; cum toto pondere
catenarum est in Petro cognitio indifferens
circa ambulationem; hæc cognitio sufficit
ad libertatem: ergo cum toto pondere ca-
ténarum, est in Petro libertas ad ambu-
landum. Maiore est euidens, nam in sensu
composito cum vinculis est in Petro co-
gnitio repræsentans in ambulatione bo-
num admixtum malo & malum admixtum
bono. Immo contingere potest & de facto
contingit in sensu composito vinculorum,
dari in Petro cognitionem nihil represen-
tans formaliter in ambulatione nisi ra-
tionem boni: adeoque si nihil respicias nisi
ad cognitionem, inuenies in Petro in sensu
composito cum vinculis necessitatem am-
bulandi, nedum libertatem ad ambulan-
dum vel non ambulandum.

Aliud igitur est cognitionem indifferen-
tem requiri ad libertatem, aliud sufficere,
primum damus, secundum negamus, non
enim definitur potentia libera, illa quæ est
potentia actiua cum cognitione indifferēti
sed illa quæ positis omnibus ex parte actus
primi proximi prærequisitis ad agendū po-
test pro suo libito agere & non agere. In
hac definitione includitur cognitio indiffe-
rens, nā si in obiecto nihil appareat præter
rationē boni, talis cognitio non potest mo-
uere ad odiū; si nihil præter rationem mali
non potest mouere ad amorem, cum igitur
agens liberum agat ex cognitione, vt libe-
re

eragat, agere debet ex cognitione inq̃ſſe-
reti: vt libere agat ſaltē libertatē contrarie-
tatis, nam fortasſe etiam cū cognitione ni-
hil repræſentante præter rationem boni,
ſtat libertas contradictionis, de quo non eſt
locus hic diſputandi, vbi nimirum nihil in-
tendimus niſi probare efficaciter quod cum
phyſica prædeterminatione non ſtat liber-
tas, etiam ſi ſtet cognitio indifferens, ſicut
in eo qui deorſum impellitur è uertice
montis non eſt libertas ſeu potentia adæ-
quata & expedita manendi ſurſum. quam-
uis in ſenſu composito cum tali impulſu,
ſtet cognitio quod bonum ſit manere ſur-
ſum.

Dicunt deniq; alii ſtare libertatem cum
phyſica prædeterminatione, quia hæc non
pertinet ad actum primum, nec eſt ex con-
ſtitutiuis potentiæ adæquate, ſed eſt ipſe-
met nexus actus primi cum ſecundo, ſeu
ipſammet determinatio actus primi ad ſe-
cundum.

Sed contra eſt. Nam prædeterminatio eſt
nexus actus primi cum ſecundo, ſeu deter-
minatio actus primi ad ſecundum: non eſt
in mea poteſtate hæc uel illa prædetermi-
natio: ergo non eſt in mea poteſtate hic
uel ille actus ſecundus ſeu non eſt in mea
poteſtate determinare me ad hunc potius
quam ad illum actum ſecundum. Libertas
autem non conſiſtit in præciſa indifferen-
tia actus primi ad hunc uel illum actum
ſecundum, ſed in poteſtate determinandi
actum primum huiusmodi ad hunc uel illū
actum

actum secundum. Habitus Logicae est indifferens ad concurrendum vel non concurrendum ad syllogismum; neq; enim necessitat me ad syllogizandum; non tamen est liber: sed liber dicitur ille qui voluntate sua determinat habitum ad otiaudum, vel syllogizandum.

ARTICVLVS III.

Statuitur qualis sit concursu Dei.

Concursum Dei cum causis secundis ita ponimus vt non alius sit cum liberis alius cū determinatis ad vnū, sicut concursū luminis cū potentia visua ita ponimus, vt non alius sit cum oculis hominum, alius cum oculis elephantū. Sermo autem est hic de concursu intra ordinem naturæ. Nam de supernaturali non est nostrum hic agere.

Concursus igitur Dei cum causis liberis habetur in actu primo per exhibitionem omnipotentia indifferens; & in actu secundo per actionem ipsam, qua Deus & creatura indiuisibiliter agunt, hæc quidem vt determinans, ille autem vt determinatus ad hanc potius quam ad illam speciem actus.

Explicatur hæc conclusio. Diuina omnipotentia complet in genere causæ actiue omnem & quamlibet causam secundam, vnamquamque autem secundum modū proprium suæ nature. Puta complet ignem in genere causæ actiue, complet quæ, complet voluntatem humanam. Omnipotentia

com-

completus ignem ex ipsamet natura ignis determinatur ad hoc vt sit potius effectiua alterius ignis aut caloris, quam aquæ, vel frigoris; vnde dicitur determinata ad vnū? quia videlicet complet causam natura sua determinatam ad vnū. Idem dic vice versa de aqua; quam complet determinate & determinata ad productionem vel alterius aquæ, vel frigoris, potius quam ignis, aut caloris. Voluntatem autem humanam ita comple, vt non determinet illam ad vnum, sed vt faciat simpliciter & absolute potentem ad vtrumlibet ex contrariis vel ex contradictoriis; operetur autem cum voluntate secundum rationem voluntatis, hoc est determinata ab ipsa voluntate ad vnum potius, quam ad alterum ex oppositis, per hoc quod voluntas per seipsam vnum potius quam alterum ex oppositis operatur.

Probatur iam cōclusio sic explicata. Deus cum causa secunda libera ita concurrat, vt maneat illa sa libertas causæ secundæ; ergo ita complet per suum concursum causā secundam, vt simul cū tali concursu sit potentia adæquata ad vtrumlibet ex oppositis. Non enim ita completur in ratione potentia libere, vt per complementum auferatur indifferentia ad opposita. Igitur principium illud adæquatum a quo est operatio est principium indifferēter se habens ad opposita: sed illud principium adæquatum includit concursum diuinum; igitur etiam ipse concursus debet indifferēter se habere ad opposita.

Rursus quotiescunq; in actu primo proximo includitur aliquid essentialiter connexum cum operatione potius quam cum non operatione: cum hac operatione potius quam cum opposita, toties actus primus proximus non est indifferenter se habens tam ad operationem, quam ad non operationem, tam ad hanc operationem, quam ad oppositam, ergo nihil quod se teneat ex parte actus primi proximi debet esse connexum cum operatione potius, quam cum non operatione, cum hac operatione potius, quam cum opposita: ergo concursus Dei ut constituens actum primum proximum non est magis connexus cum una, quam cum altera parte disiuncti. Esse autem in actu secundo determinatum ad unam potius, quam ad alteram partem disiuncti inter opposita, tam est evidens, quam evidens est in actu secundo poni unam partem disiuncti, potius quam alteram.

Hanc eandem doctrinam perfecte intelliges à paritate habituum concurrentium ad diuersos actus. Habitus Logicæ v. g. est omnino indifferens ad hunc vel illum Syllogismum: puta ad syllogismum in *Barbara* vel in *Baroco*: determinatur autem ad concurrendum ad hunc potius quam ad illum formaliter per hoc, quod hunc potius quam illum Syllogismum elicias. Item habitus charitatis est indifferens ad hunc & illum actum amoris, tum erga Deum, tum erga proximum; determinatur autem ad hunc potius quam ad illum per hoc forme-

maliter quod hunc potius quam illum elicias; tam autem habitus Charitatis quam habitus Logicæ complent, hic intellectum ille voluntatē in ratione potentiæ adequatæ tum ad syllogizandum; tum ad amandū. Vides igitur posse cōpleri potentiā ad plura absque eo quod ad vllum potius ex plurib' quam ad alterum compleatur. Hic autem comparatio sit inter compleri potentiæ ad actus liberos & compleri potentiæ ad actus pertinentes ad hos vel illos habitus.

Dices: Logica ita complet intellectū ad syllogizandum vt non condurrat ad syllogismos malos, immo malus syllogismus est ab intellectu carente Logica. ita se habet diuinus concursus in ratione completis potentiā ad libere operandum, sicut Logica in ratione completis intellectum ad syllogizandum; ergo diuinus concursus non est ad actus liberos malos sed actus liber malus erit à uoluntate carenti Dei concursu.

Resp. transmissis maiori, & minori; negaendo consequ. Transmissis, inquam, quia disputari posset de maiori. Negatur autem consequentia; quia diuinus concursus complet potentiā ad actus liberos seu ad operandum libere, sicut logica ad syllogizandum; ratio autem actus liberi æque reperitur in acto malo ac in actu bono; ergo in utroq; reperis rationem ad quam completur potentia; at vero in syllogismo malo non reperitur ratio syllogismi: & consequenter complementum ad syllogizandum non

non facit ad ipsum. Propterea dictum est supra comparisonem esse inter complementum ad syllogizandum, & complementum ad operandum libere. Voluntas in ratione libere operantis æque est in actu secundo per male, ac per bene operari; intellectus non æque syllogizat non syllogizando ac syllogizando.

Confirmatur conclusio posita auctoritate simul & ratione S. Doctoris ubiq; docentis & nominatim in prima secundæ quæst. 9. art. 6. ad tertium: & quæst. 10. art. 4. corpore: quod voluntas humana etiam in sensu composito diuini concursus, seu motiones diuinæ se habet ad opposita, & ipsa se determinat, quia est principium actuum liberum, cuius est se determinare: & quamuis se sola nihil possit utpote indiga diuinæ motionis sine qua nihil agit, Deus tamen ita illam mouet ut non determinet, sed ut ipsa maneat actuum principium non determinatum ad vnum. Est hac in remens D. Thomæ adeo aperta, ut nulla in re minus indigeat commentatore. Veritas conclusionis ex dicendis magis semper, magisque apparebit.

A R T I C V L V S IV.

Diluuntur aliquæ obiectiones.

Objec. 1. si concursus Dei est in actu primo indifferens, nequit voluntas creata cum illo exire in actum: consequens est

est absurdum; ergo & antecedens. Sequela maioris probatur: quia totus actus primus est indifferens; totus enim quantus est ex voluntate constat & Dei concursu, & si vis etiam ex cognitione obiecti in quorum singulis, & in quibus omnibus nihil est nisi indifferens: sed ab indifferenti ut indifferenti nequit egredi ullus actus secundus: ergo totus ille actus primus nequit exire in actum secundum. Minor subsumpta probatur; quia omnis actus secundus est quid determinatum; quælibet enim operatio est hæc potius quam opposita: nequit autem ab indifferenti egredi aliquid determinatum.

Confirmatur; quia principium æqualiter se habens ad plura non est magis ad vnum quam ad aliud: sed quod non est magis ad vnum quam ad aliud, nequit ponere vnum præ alio, seu potius quam aliud: ergo principium indifferens, &c.

Resp. Negando sequelam maioris. Ad probationem concessa maiori, nego minorem, Hoc dictum: ab indifferenti nequit egredi aliquid determinatum, non est principium, ut aiunt aliqui; sed est euidenter falsum. Deus ipse est perfectissime indifferens & tamen egreditur in actum secundum prout vult. Ut actus vel effectus sit liber facienti, debet producere ab indifferenti ut tali. Quod si nihil aliud intendit Aduersarius nisi quod agens dum agit, non retinet indifferenciam, hoc est indeterminationem ad utrumlibet ex oppositis: verum est quod intendit, sed nihil intendit ad rem; est enim
cui-

euidens in actu secundo & per actum secundum poni alterum ex oppositis determinare inter contraria vel contradictoria .
D. Thomas 1. secundæ quæst. 9. art. ultimo quærens utrum voluntas moueatur à solo Deo, & statuens conclusionem affirmatiuā per illud Apostoli ad Philippenses secūdo .
*Deus est qui operatur in nobis velle & per-
 adere ipse sibi sic obijcit. Deus non est cau-
 sa nisi bonorum, secundum illud Geneseos,
 vidit Deus cuncta quæfecerat & erant val-
 de bona: si ergo à sole Deo voluntas mouere-
 tur numquam moueretur ad malum, cum
 tamen voluntas sit qua peccatur & recte vi-
 uitur.* En obiectionem clarissimam . Audi
 iam ab eodem Doctore clariorem respon-
 sionem .

*Dicendum est, inquit, quod Deus mouet
 voluntatem hominis sicut vniuersali motor
 ad vniuersale obiectum voluntatis, quod est
 bonum: & sine hac vniuersali motione homo
 non potest aliquid velle, sed homo per ratio-
 nem determinat sese ad volendū hoc vel il-
 lud quod est uere bonum, vel apparens bo-
 num .* Nulla obiectio vllius momenti fieri
 potest in hac materia, cui hæc S. Thomæ
 responsio non abunde satisfaciatur . In illa
 autem notanda sunt hæc verba: *homo de-
 terminat sese*, quæ omnino opponuntur iis
 quæ dicuntur ad Aduersariis: homo non
 determinat se, sed determinatur à Deo .

Habes autem ex hac D. Thomæ respon-
 sione, quomodo volūtas siue homo premo-
 ueatur à Deo, videlicet per inditam sibi in-

clinationem ad bonum, tam enim impossibile est ferri voluntatem extra rationem boni, quam potentiam visivam extra rationem colorati, & sicut hæc non est indifferens ad videndum coloratum vel non coloratū; ita nec illa est indifferens ad amandum bonum vel non bonum. Dicimus autem voluntatem esse determinata à Deo ad rationem boni, per hoc præcise quod talis potentia sit à Deo: vnde libertatem voluntatis non ponimus in hoc quod possit eligere bonum vel malum? supponimus enim hic malū sub ratione mali esse inamabile, adeoque ineligibile.

Verum intra rationem boni, quæ multas boni species complectitur, voluntas ipsa determinat sese ad hoc, vel ad illud bonū prout vult, & per ipsum velle: puta ad honestum potius, quam ad iucundum, & quia cum iucundo sæpe coniungitur ratio inhonesti, propterea dicitur eligere malum pro bono, quia illud idem malum quod eligit, est extra rationem illius boni; quod tenetur eligere: quamvis non sit extra rationem boni, quod potest eligere: electio enim siue honesti, siue utilis, siue iucundi est electio boni, sed non semper illius boni, ad quod tenetur: & quia non illius boni, ideo dicitur electio mali.

Ad confirmationem neganda est maior. Immo est proprium potentiæ electivæ indifferenter se habere ad opposita in actu primo. Ad ea quæ dicta sunt ex D. Thoma adde hæc alia ex quæstionibus de malo qu. 3.
de

de causa peccati art. 3. ad quintum. *Voluntas cum sit ad utrumlibet per aliquid determinatur ad unum, scilicet per consilium rationis; nec oportet hoc esse per aliquod agens extrinsecum.*

Obiic. 1. Ideò intellectus ad intelligendum hoc potius quam illud; potentia visiva ad hoc videndum potius quam illud, determinari debet per speciem huius potius, quàm illius; quia secundum se vtraque potentia est indiffens, & æqualiter se habens ad plura intra rationem tum intelligibilis tum visibilis, sed etiam voluntas indifferenter se habet ad plura intra rationem volibilis: ergo per aliquid determinari debet ad volendum vnum potius, quam aliud, hæc autem determinatio sicut in intellectu, ita etiam in voluntate debet esse ab intrinseco. Patet hoc, quia eandem indifferentiam, quam habet intellectus, aut potentia visiva ad intelligendum, & videndum hoc & illud, habet etiam ad habendum determinatum ad hoc, vel ad illud, Et similiter eandem indifferentiam, quam habet voluntas ad volendum hoc, vel illud, habet ad habendum determinatum ad huc, vel ad illud. Hæc obiecto supponit & intellectum, & potentiam visivam compleri: hanc per speciem obiecti visibilis, illum per speciem obiecti intelligibilis, vtrumq; secundum proprium modum.

Resp. negando maiorem brevitatis causa Intellectus, idem die proportionaliter de oculo, debet compleri in ratione proxime

intellectui per speciem obiecti intelligibilis non præcise, quia est indifferens ad hoc vel ad illud; sed quia est tali indifferentia indifferens: indifferentia videlicet, quæ consistit non in proxima, & adæquata potentia ad utrumlibet, sed in insufficientia per se ipsum ad utrumlibet, nequit autem compleri per aliquid indifferenter se habens ad opposita, tum quia species obiecti A non est indifferens ad hoc, uel ad illud, puta species hominis ad hominem, uel ad equum quia non est potentia electiua, sed necessaria. Voluntas verò cum concursu indifferenti recte intelligitur sufficiens ad utrumlibet, & in ratione sufficientis ad utrumlibet recte constituitur per ipsummet concursum indifferentem. Cui si superadda hanc esse potentiam natura sua electiuam, habes quomodo ipsa se determinet, eligendo videlicet hoc potius quam illud ex ijs, quorum utrumlibet æqualiter potest. Non igitur debet ab extrinseco, sed à seipsa determinari.

Satisfaciendum est iam obiectioni, quæ quæstioni præsentī occasionem dedit, videlicet. Si eadem actio esset indiuisibiliter à Deo, & à Petro; sequenter actionem, quæ Petrus peccat, esse actionem Dei, & Petri, adeoq; actionem peccaminosam esse actionem Dei. Ad hoc in forma responde breuiter cum distinctione, actionem peccaminosam qua actio est, esse actionem Dei; concede; qua peccaminosa est, esse actionem Dei; nega. Ad id quod dicitur, tam est à Deo.

motus primi mouentis non vniiformiter recipitur in omnibus mobilibus, sed in vnoquod; secundum proprium modum: alio enim modo causatur à motu Cœli motus corporum inanimatorum, quæ non mouent seipsa, alio &c. Breuiter docet ibi defectum qui est in actione non reduci ad primum mouens, & adducit exemplum claudicationis, in qua quod est de motu, reducitur in virtutem motiuam; quod autem est de pefectu, non est à virtute motiua, sed à tibia vitiosa, quamuis in claudicatione non sit aliud mutus, aliud obliquitas eiusdem motus. Ratio istorum est ea, quam sæpe diximus; quia nimirum motio primi mouentis determinator formalite per actionem secundi, vt sit motio ad bonum, vel ad malum actu concurrens. Quotiescumq; enim duæ causæ concurrunt indiuisibiliter in eundem effectum, vna determinans, & altera determinabilis, toties effectus tribuitur determinanti.

Hoc ipsum est, quod intelligit Dominicus Sotus Thomista egregius, quem sequitur Gabriel Vasquez dum ait, Deum concurrere ad peccatum per modum causæ pure naturalis, & physicæ; voluntatem autem creatam per modum causæ moralis. Hoc idem intelligunt multi alii discipuli S. Thomæ, dum aiunt, Deum concurrere ad materiale, non autem ad formale peccati; nihil aliud intelligentes, nisi quod Deus materialiter, non autem formaliter ad peccatum concurrat; quod est concurrere ad

peccatum non peccando , vt paret ex dictis .

Dices, Si actus est bonus, tribuitur Deo, & Deo aguntur gratiæ pro ipso, Vnusquisque enim etiam de suo bono opere est debitor Deo; ergo sit actus si malus debebit Deo tribui : Censeq. prob. quia concursus indifferens eodem modo se habet : & ad malum , & ad bonum; ergo non est potior ratio cur ipsi tribuatur bonum, quam malum .

Resp. concessisse antec. neg. conseq. Ad probationem distingue antec. eodem modo se habet quoad rationem indifferentis; concedo; quod omnia , nego antec. , & conseq. Disparitas autem est multiplex . Prima est , quod actus bonus est secundum intentionem primi mouentis, malus vero non ita ; sicut motus animalis est à virtute motiua , obliquitas autem in motu non ita ; sed que admodum hic virius motiua determinatur à tibia ad influendum in elaudicatione ; ita motio primi mouentis determinatur à voluntate , ad influendum in prauam operationem . Hoc idem facile etiam intelliges , si imagineris Principem dantem tibi gladium , vt interficias hostem patriæ , indifferentem tamen ex se vt determinetur ad occisionem hostis , vel ab patricidium . Si occidas hostem , dehes Principi quod occideris , si patrem , male refundis in Principem .

Præterea actus bonus non tribuitur Deo propter concursum, dumtaxat indifferen-

tem,

tem, quo munit voluntatem creatam: sed propter rationē causę moralis, quā sustinet respectu operis boni: imperat enim bonum vsum sui concursus, & nostrę libertatis, adhortando, suadendo, & pręmia promittendo iis, qui ipsius pręcepto, consilio, suasioniq; steterint. Ad actum vero malum non concurrat hoc pacto, immo illum prohibet dissuadetq; comminando penam iis, qui suo concursu, & propria libertate abutuntur. Non igitur eodem modo se habet Deus ad bonum, & ad malum.

Obiic. 3, Sequitur ex doctrina tradita, primum liberum, seu primam libertatem determinari à secunda, adeoque primum liberum non esse primum liberum; consequens est absurdum ex terminis; ergo & antecedens. Sequela maioris probatur? quia ex dictis voluntas creata determinat Deum, qui est primum liberum, seu prima libertas; ergo detrudat Deum à dignitate primi liberi, de cuius ratione est cetera omnia determinate, non determinari ab ullo alio.

Resp. hoc argumentum ludere in hac voce. *Primum liberum.* Doctrina tradita non tollit à Deo rationem primę libertatis, quandoquidem facit Deum prius determinantem voluntatem, seu complementem in ratione potentis ipsum determinare: unde dignitas primi liberi, & primę libertatis salva manet in Deo. Rem explico, Est in potestate Dei omnino libera complere, vel non complere causas secundas in ordi-

ne ad suos effectus; eligit complere potius, quam non complere; & hæc electio est exercitium solius primæ libertatis. Eligit autem complere eo modo quo vult. Si velit ita complere voluntatem creatam, ut non possit cum tali complemento non amare, v. g. siue ita ut coniungere nequeat non amorem cum complemento ad amorem, ita illam complet ut implicet illam liberè amare: & hoc modo putamus accidere in sententia physice prædeterminantium. Si autem velit ita complere ut voluntas creata etiam in sensu composito, sit ad vtrumlibet ex oppositis, hoc est ita ut ad vtrumlibet ex oppositis possit se ipsam determinare; complet illam secundum propriam rationem potentiæ libere: & hoc modo res accedit in sententia D. Thomæ.

Totum autem hoc complementum præcedit omnem actum voluntatis creatæ: & consequenter exercitium primæ libertatis est ante quodlibet exercitium secundæ. Dum autem complet voluntatem creatam concursu illo indifferenti, complet illam in ratione potentis se, & Dei concursum determinare pro suo libito, ad hunc, vel illum actum ex oppositis. Deus igitur determinatur à voluntate creata, sed quam prius determinat. & complet, ad hoc ut possit Deum dererminare, & consequenter voluntas determinat Deum dependenter à voluntate antecedenti Dei, volentis se determinari pro libito voluntatis, quam complet.

Obiic.

Obijc. 4. sequeretur causam simpliciter & propriissime principalem determinari à causa instrumentali. Item causam primam subordinari causæ secundæ; quod est philosophari modo inuerso; cum rectus modus philosophandi subordinet causæ primæ causas secundas, & causæ principali causas instrumentales. Probatur autem utraque sequela: quia omnes causæ secundæ tam necessariae quam liberae dicuntur instrumenta causæ primæ: cui longe perfectius subordinantur, quam calor igni, serra fabro, aut quodlibet aliud instrumentum ulli primo mouenti.

Hæc obiecto nomine differt à prima: re ipsa est eadem. Igitur eadem sit omnino responsio. Causa instrumentalis determinat principalem dependenter à voluntate antecedenti principalis: omitto, alio genere determinationis: nego. Idem dic de subordinatione. Dum Aduersarius huiusmodi determinationem & subordinationem meditatur, fingit fabrum dicentem serræ vel malleo: en brachium meum vobiscum est; facite cum illo quod vobis lubet: quod est absurdum: non animaduertens discrimen inter instrumenta mortua & non libera, & instrumenta uiuentia & libera. Causa secunda etiam libera est instrumentum Dei, se liberum, cui non repugnat Deum dicere; en tibi paratam meam omnipotentiam, utere ea prout uis iuxta illud: mors & uita, hoc est bene uel male operari, in manibus hominis.

H ; Immo

Immo argumentum aduersarij clarissime & validissime pugnat contra ipsum. Nam in sententia ipsius, evidens est Deum non esse primum liberum, primam libertatem. Probatur hoc: quia repugnat ratio primi in ea ratione in qua repugnat ratio secundi, & in qua nequit esse nisi ratio vnici; sed in sententia aduersarij præter Deum non datur vllum liberum sua vlla libertas; ergo in sententia aduersarij Deus non retinet rationem primi liberi seu primæ libertatis. Maiore est evidens. Nec enim Deus dicitur prima libertas nisi ex suppositione quod aliqua alia extra ipsum detur libertas. Propterea non dicitur primus Deus aut prima diuinitas, quasi extra ipsum sit aliquis alius Deus, aut aliqua diuinitas. Minor autem probata est, vbi ostensum est per physicam prædeterminationem tolli libertatem à causis secundis. Vt igitur sit prima libertas, necesse est posse facere causam liberam quam facit modo explicato.

Obiic. 5. Voluntas Dei qua concurrat cum causa secunda est indifferens ad hanc vel illam speciem actus; g. æque satisfat voluntati diuinæ per actum malum ac per actum bonum; hoc autem est absurdum; ergo &c. Probatur 1. conseq quia voluntati indifferenti ad bonum & ad malum æque satisfat ponendo malum ac ponendo bonum: sicut exigentiæ indifferenti ad hoc vel illud, æque satisfat siue determinate detur hoc, siue illud. Minor autem subsumpta probatur, quia videtur blasphemum

num didere quod qui odit fratrem, qui fur-
ratur, qui dehonorat parentes, satisfacit
voluntati diuinæ; cam dicat Psalmista: *non
Deus volens iniquitatem tu es.*

Hoc argumentum circa diuinam volun-
tatem mirum est quam diuiserit auctores
quorum plerique longam disputationem
faciunt circa decretum quo Deus concur-
rit cum causis liberis. Multos inuenies qui
dicant Deum concurrere cum Petro vo-
luntate disiunctiua, hoc est qua velit vel
bonam vel prauam operationem. Alij di-
cunt concurrere voluntate conditionata,
hoc est qua velit Petrum, si non bene ope-
retur, male operari, vel è conuerso. Con-
tra vtramque ex his voluntatibus militat
argumentum, quamuis qui vtramque tenet
illud soluere sibi videantur. In nostra sen-
tentia nihil est circa diuinam voluntatem
difficultatis. Sciendum est igitur aliam esse
in Deo voluntatem qua aliquid simpliciter
vult, aliam qua aliquid solum permittit, a-
liam qua approbat, aliam qua reprobatur
hos & illos actus. Dum autem dicimus a-
liam & aliam, intellige secundum quandam
virtualitatem. Hoc posito etiam tollenda
est equiuocatio quæ est in hac voce per-
mittit. Potest enim Deus permittere ali-
quid moraliter, & aliquid pure physice. Per-
mittit moraliter hoc & illud; quando si-
gnificat sibi neque hoc neque illud displicere.
Putat permittit tibi vt olfacias rosam;
vt accedas ad ignem, vt disputas de causa
substantiæ & alia id genus quæ propterea di-

cuntur permissa à lege æterna . Nō sic per-
mittit hominē surpi, peierare, blasphemari:
quia positivè hæc probibet : permittit tamē
hæc eadem physice , qatenus finit hominem
natura sua liberū ipsa Dei omnipotentia ab
huiusmodi malefacta abuti : & ad hoc per-
mittēdum hoc modo tenetur ex numero &
sapientia Prouisoris, secundum quam causas
secundis consulit, vnicuiq; secundum modū
sue naturæ . His positis & rite intellectis.

Dicendum est eum qui bene operatur
satisfacere : siue obsequi voluntati diuinæ ,
cum vero qui male : idem voluntati resiste-
re & repugnare . Atque hic si aliquis oppo-
nat tibi : *voluntati eius qui resistit* ? repone
illud aliud : *vos Spiritui Sancto semper resi-*
stitis . Voluntas igitur qua ponit omni-
potentiam suam in manibus tui arbitrij nihil
vult nisi bonum , quamuis det aliquid quod
etiam concurrat ad malum ; & consequen-
ter quamuis concursu exhibitus sit indiffe-
rens , volūtas tamen exhibēs non est indiffe-
rens . Habes huius rei exemplum in Magi-
stratu dante tibi gladium quo occidas ho-
stem patriæ, & imperante vt illum occidas .
Res data , videlicet gladius est indifferens
ad occidendum hostem , vel ciuem ; volun-
tas tamen dantis nō est indifferens ad mor-
tem hostis vel ciuis . Hoc idem habes in
quæstionibus de malo supra citatis qu. 3.
quæ est de causa peccati arr. 2. vbi docet D.
Thomas quod actio perfecta est secundum
intentionem primi mouentis, quamuis mo-
tus ipsius sit secundum modum recipientis.

Ex

Ex hoc quod sit secundum modum recipientis, patet quod voluntas intendens actum bonum & liberum nequit exhibere concursum natura sua determinatum ad vnum. Et his patet ad argumentum in forma. Laborat enim in æquiuoco inter voluntatem dantis & concursum datum. Non diximus voluntatem esse indifferentem, sed concursum exhibitum per talem voluntatem; hinc ad argumentum in forma nega maiorem.

Dices. Omnipotentia exhibita est indifferens ad actu bonum & ad actu malum; voluntas exhibens omnipotentiam est identificata cum omnipotentia; ergo voluntas exhibens est indifferens ad actu bonum vel malum. Maior patet ex dictis. Minor est certa: non enim aliud est in Deo voluntas, aliud omnipotentia. Eodem modo posset vice versa argui à voluntate ad omnipotentiam. Voluntas non est indifferens, sed solum ad bonum; omnipotentia identificatur cum voluntate; ergo omnipotentia non est indifferens, sed solum ad bonum. Eodem modo contra ipsammet voluntatem intendentem, hoc est volentem simpliciter tum permittentem siue moraliter, siue solum physice. Voluntas intendans est voluntas boni dumtaxat: sed voluntas permittens identificatur realiter cum intendente; ergo voluntas permittens est boni dumtaxat. Hæc omnie, vt vides sunt vna eadem. difficultas: immo probari posset hæc eadem ratiocinatione eidem voluntati

nos repugnare simul & simul obsequi; nam alicui voluntati Dei resistimus dum peccamus, non omni voluntati Dei resistimus dū peccamus: quælibet voluntas Dei est omnis voluntas Dei realiter; ergo eidem voluntati Dei resistimus & non resistimus, & consequenter quotiescunq; peccamus ponimus contradictoria & facimus chimeram. Quod alicui voluntati resistamus peccando patet ex illo: *Vos Spiritui Sancto semper resistitis*: quod non omni patet ex illo alio: *voluntati eius quis resistit?* hoc est nemo resistit.

Resp dist. conseq. voluntas in ratione volentis est idifferens ad bonum & ad malum: nego conseq. in ratione potentis concedo conseq. Vel: voluntas sub ratione voluntatis: nego; sub ratione potentia: concedo. Eadem distinctio soluit reliqua argumenti. Sicut enim eandem rem distinguis sub ratione voluntatis, & sub ratione potentia; ita eandem voluntatem distingue sub ratione intendentis & sub ratione permittentis. Et sicut voluntatem distinguis in permittentem & intendentem; ita voluntatem permittentem distingue in permittentem physice & permittentem moraliter.

Dices: Si Deus nihil intendit nisi operationem bonam potest voluntas creata frustrare intentionem diuinam; consequens est absurdum; ergo & ant. Min. prob. quia qui non assequitur id quod intendit, deficit ab intento, vt patet ex terminis: absurdum est

est autem dicere Deum deficere ab intento . Pretera dicit alicubi Philosophus , quod causaiciens à fine intento , facit monstrum , ergo si Deus deficiat à fine intento facit monstrum . Hinc peccata dicuntur monstra in genere moris , sicut monstra dicuntur peccata in genere naturæ .

Resp. nihil monstri esse quod Deus faciat monstra , & deficiat , à fine illo particulari quem intendit exhibendo omnipotentiam in complementum causæ liberæ . Quod autem suo fine & sua expectatione frustretur audi ipsum congruentem . *Quid potui facere vinea mea & non feci? Expectavi ut faceret vuas , fecit autem labruscas .* Et hæc legens dubita si potes diuinam expectationem aliquando frustrari . Aduersarius interroganti Deo posset respondere . Potuisti prædeterminare ad vuas , & tunc vinea tua nequiuisset producere labruscas . Nos autem humiliter fatemur ingratitudinem nostram dicentes ; salus nostra ex te , perditio nostra ex nobis : defecisti quo possemus & debuimus bene operari ; Abusi sumus dono tuo . Hoc quod per occasionem & exempli gratia meditamur hic cum Propheta intra ordinem gratiæ ; meditare vniiformiter intra ordinem naturæ .

Consulto dixi *finem particularem &c.* quia finem vniuersaliter & vltimo intentum , quidquid agat creatura , semper obtinet Deus ; siue enim bene operis siue male : omnia redundât in gloriam Dei manifestâ-

tis se omni creaturæ vel per præmia quæ largitur bonis, vel per pœnam quam infligit malis neque enim in sola misericordia, sed in iustitia sua laudandus est Deus. Hinc posse distinguere: posset homo frustrare intentionem Dei efficacem: nego; intentionem inefficacem: omitto. Per omnem & quemlibet concursu quem tibi exhibeat, intendit efficaciter gloriam suam; & hanc infallibiliter obtinet; intendit autem non efficaciter, sed ut intendi debet ex causa libera, operationem bonam & hanc intentionem frustras, dum male operari, frustras autem non inscium, adeoque non decipis; sed genarum peccati tui, & peccatum tuum etiam ad suam gloriam permittentem; & in hoc ipso mirabilem, quod tua etiam rebeli voluntate utatur ad fines suæ omnipotentissimæ voluntatis.

ARTICVLVS VLTIMVS.

Inferuntur aliqua ex dictis.

Apparet primo ex ijs quæ diximus voluntatem, qua Deus exhibet suam omnipotentiam creaturæ, intendere simpliciter, absolute, & efficaciter potentiam completam ad opposita; hoc est ad bonum & malum. Hoc autem intendere non est intendere malum: quia hæc ipsa potentia est bona, & ex genere eorum bonorum, quæ Augustinus in libris de libero Arbitrio vocant media; sine quibus bene vivere non

non possumus, illis tamen vti bene & male possumus: vocat autē media ea quæ sunt inter summa & infima. Summa appellat quibus non possumus nisi bene vti, & huiusmodi sunt virtutes, vnde est illud apud eundem: virtute nemo male vitur. Infima dicit sine quibus bene viuere possumus, ijs autem bene & male vitur prout volumus & huiusmodi sunt honores, diuitiæ, sanitas & alia huiusmodi quæ dicuntur bona externa.

Apparet secundo eundem indiuisibiliter actum esse liberum Deo & creaturæ; sed non eodem modo. Quilibet actus voluntatis Petri est liber Deo, quia Deus omnino libere compleuit voluntatem Petri in ratione potentiæ ad illum actum sufficientis: implicat enim dari causam secundam se sola sufficientem ad ullum effectum. Ille idem actus est liber Petro: quia hoc ipsummet complementum per quod voluntas constituitur sufficiens ad actum, non est magis connexum cum hoc actu, quam cum opposito; uel cum omissione ipsius; libertas igitur Dei exercetur in constituendo actu primo proximo; libertas Petri in determinando actum primum proximum ad hunc potius quam ad illum actum secundum, hoc est in eliciendo hunc potius quam illum actum. Habes actum Dei formaliter liberum terminari ab bonum, nam actus primus proximus etiam ad peccatum est aliquod bonum, cum ille idem sit actus primus proximus ad actum

virtutis. Habes etiam actum liberum. Per te terminari aliquando ad bonum, aliquando ad malum; prout bene operatur vel male, & consequenter ipsammet Dei omnipotentiam aliquando ad malum, aliquando ad bonum trahi voluntate creata.

Præterea habes cur Deus ad constitutionem actus primi dicatur concurrere formaliter ut volens non autem ad quemlibet actum secundum. Ratio est, quia exercitium libertatis diuinæ consummatur in constitutione actus primi, nec nouam libertatem Deus exercet per actum secundum, exercet autem per actum secundum suam libertatem voluntas creata. Propterea huic tribuitur actus secundus, Deo actus primus, utrique ut libere & volenter operanti, cur autem insuper Deo tribuatur actus bonus dictum est supra.

Apparet tertio non solum de facto Deum concurrere cum qualibet causa creata ad quamlibet operationem, sed implicare creaturam quæ in operando concursu huiusmodi non indigeat. Patet hoc, quia implicat creatura carens essentialiter dependentia immediata à Deo, hoc est ad cuius existentiam implicet Deum immediate concurrere: sed si esset possibilis creaturæ operans Deo non cooperante, daretur aliqua creatura ad cuius existentiam implicaret Deum immediate concurrere, ergo &c. Min. prob. quia operatio seu effectus talis creaturæ non posset pendere immediate à Deo

eo enim ipso quod esset actio Dei & creaturæ, non esset illa eadem quæ esset actio solius creaturæ, & consequenter si singas possibilem operationem quæ sit solius creaturæ, singis possibilem operationem, quam non implicet esse, & implicet esse dependenter immediate à Deo. Adde quod hic ipse conceptus pendentis à Deo perfectissimo genere dependentiæ, essentialiter imbibitur in conceptu creaturæ: cum creatura quælibet sit relatio transcendentalis sui ad Deum, ut ad dominum secundum perfectissimam rationem dominii.

Dices, artifex qui potest facere artefactum semper indigens assistentia artificis est minus sapiens & minus potens, quam artifex qui insuper potest facere artefactum, non semper indigens assistentia artificis: ergo si Deus possit facere præter creaturas quas fecit aliquam creaturam quæ non indigeat semper assistentia ipsius, erit sapientior & potentior: sed Deus est adeo potens & sapiens, ut implicet sapientior & potentior; ergo Deus de facto præter creaturas immediate indigentes concursu ipsius, potest alias facere non indigentes. Ant. patet ex comparatione inter duos Horologarios quorum alter debeat semper mouere per seipsum immediate rotas horologii sui; alter ita condar horologium ut etiam remotum ab artifice moueat seipsum signans horas & tempora, per organum in se receptum à suo artifice.

Resp. conc. ant. neg. conseq. Væ artificibus,

bus, si vbiunque sunt eorum artefacta, ibidem esse deberent nec artefacta moueri possent nisi in ipso artifice Et tamen datur necessitas metaphysica vt vbiunque est quodlibet opus Dei ; ibi sit Deus : & hoc quod dicit Apostolus ; *In ipso enim viuimus & mouemur & sumus* non ideo dicit : quia ex electione nostra aut ex libera Dei voluntate in sensu composito nostræ existentia in ipso viuamus, moueamur , & simus sed quia impossibile est quicquam esse, moueri, aut viuere quin in Deo sit, moueatur, & uiuat. Quod igitur in artifice creato dedecet contingere, necesse est contingere in Deo. Dedecet artificem, quia assistere vbiq̃ue suis coleribus illa mouendo per seipsum, est importunum artifice, & ita incommodum vt non possit sufficere nisi paucissimis, adeoque limitato agentis creati petit hanc perfectionem in ipso, vt possit facere opus non indigens in omni, & quodlibet sui motu præsentia, & influxu ipsius. Cum contra illimitatio & infinitas artificis increati oppositum petat ; iuxta dicta. Deus enim non defatigatur, nec vilesceat per hoc quod in omnibus sit & cum omnibus operetur, quia hoc maiori facilitate facit quam quælibet creatura velit fieri id quod fit, nam facere necessatio sequitur ad velle, *Ipse dixit & facta sunt, ipse mandauit & creata sunt.* Quod si in artefactis moueri hoc vel illo modo esset ad nutum quemlibet artificis ; esset etiam perfectio in artifice quod nihil moueretur nisi ipso

ipso mouente, sit tantam mentem in artifice ponas vt possit de tam multis simul cogitare & velle, cum certum sit mentem diuinam esse omnis lassitudinis incapacem, adeoque posse ad omnia simul incumbere.

Dices: Ergo pro concursu diuino cum qualibet causa secunda, sufficit nutus diuinæ voluntatis: sed hoc posito non requiritur influxus immediatus ipsius in quemlibet effectum, ergo &c. Minor subsumpta probatur? quia potest intelligi perfectissima dependentia causæ secundæ à primâ, per hoc quod secunda nequeat exire in actum, nisi annuente & permittente prima; hic modus concurrendi non ponit influxum immediatum physicum causæ primæ in effectus causæ secundæ, ergo potest intelligi perfectissima dependentia causæ secundæ à primâ, absque physico influxu causæ primæ in effectum secundæ.

Resp. transmissa conseq. neg. min. subsumptam. Ad probationem nego minorem. Nutus ille & permissio causæ primæ debet esse secundum modum recipientis. Duplex autem genus est pro præsentī, causarum secundarum. Aliæ sunt causæ morales, hoc est operantes moraliter, aliæ physicae & operantes non ex cognitione, Primæ non solum contra nutum, sed contra expressam & indubitam & euidentem significationem diuinæ voluntatis, operantur nam & id omittunt quod Deus iubet fieri, & id faciunt quod vetat, Dicuntur tamen
age-

agere Deo permittente, quia agunt Deo physice concurrente, adeoque se habente ad ipsorum operationes per modum causæ non moralis sed physicæ. Secundæ nequeunt recipere nutum aut permissionem diuinæ voluntatis nisi per physicam immutationem sui, Deo videlicet aliquid in ipsis & cum ipsis operante quod non operaretur si nollet eas operari. Ridiculum enim est imaginari ignem petentem à Deo licentiam vrendi, sicut Monachus petit ab Abbate licentiam loquendi vel edendi. Hoc enim petit subditus à superiore, ut voluntatem suam conformet voluntati ipsius: licentia igitur & permissio vrendi in igne est secundum naturam ignis; adeoque secundum naturam agentis pure physici, & consequenter illius licentiæ vel permissionis receptio in igne est secundum physicam immutationem ipsius, & cum sine hac nequeat agere, nequit agere nisi per hanc Dei voluntatem compleatur ad agendum; voluntas autem complens ad agendum per modum principij physici eo ipso complet per modum potentiae, & consequenter recte dicis voluntatem Dei materialiter, omnipotentiam autem formaliter esse complementum causæ secundæ, ad omnem & quælibet effectum ipsius.

Instabis: sufficeret non impedire virtutem ceteroquin adequatam agendi: ergo &c.

Resp. quid intelligis per ly *non impedire*? si idem sit ac non vetare: causæ mo-

rales agunt etiam impeditæ : nequit igitur intelligi de non impediendo moraliter . Oportet igitur physice non impedire , & consequenter si nolit causam secundam agere physice impedire . Ostensum est autem supra nulla ratione melius posse physice impedire , quam non cooperando physice cum causa secunda . Si enim Deus nolit ignem calefacere , non est modus significandi hoc suum nolle nisi per aliquid physicū ; quod physicum impediat ignem ab agendo . Dictum est autem initio quæstionis esse contra perfectionem diuini dominij vt nequeat impedire vnam rem ab essendo , quin aliam ponat : vnam causam ab operando quin aliud ipse operetur . In iis autem in quibus supponitur potentia physica adæquata operandi , contingit operari etiam Deo prohibente , adeoque contingit diuinam omnipotentiam operari seu cooperari cū voluntate creata , contra voluntatem diuinam . Patet hoc ex dictis ; quia per omnipotentiam completur voluntas creata in ratione principij adæquati ad illam operationem quam prohibet Deus , & quæ etiam in sensu composito cum prohibitione diuina existit in rerum natura . Oportet igitur aliter impediri , si nolit & efficaciter nolit , rem de nouo existere . Hoc autem præstat non per hoc quod agat , sed per hoc quod non agat , qui est modus perfectissimus diuini in omnia & super omne dominij , vt satis patet ex dictis .

Dices vltimo . Sine concursu determinato

nato ad unum non habet Deus perfectissimum dominium in omnem & quemlibet actum suæ creaturæ, huiusmodi concursus non admittitur, ergo &c. sequela maioris probatur, quia ad rationem perfectissimi domini pertinet quod quilibet actus sit, si velit non sit, si non velit. Sed sine concursu determinato ad unum, non solum non habetur hoc, sed habetur oppositum: videlicet quod existat ille actus, quem Deus non vult existere, non existat ille quem vult existere: ergo &c. probatur hæc vltima minor, quia per concursum indifferentem habetur aliquando actus malus: malum autem, ex dictis, numquam vult Deus ergo aliquando existit actus quem Deus non vult existere; item per concursum indifferentem Deus vult actum bonum: existente autem actu malo non existit bonus: ergo non existit actus quem Deus vult existere. Hinc inferes creaturam esse perfectius dominam sui actus quem Deum. Probatur: quia posito concursu indifferenti ad vtrumlibet, est vel actus bonus vel actus malus pro libito creaturæ: non est pro libito Dei: ergo creatura est &c.

Resp. neg. mai. Ad probationem distinguo mai. ad rationem perfectissimi domini pertinet quod quilibet actus sit, si velit efficaciter: conc. si velit inefficaciter; nego Idem dic ad cætera. Ad illationem nego creaturam esse perfectius dominam: ad probationem. Transmissis maiori & minori nego consequentiam. Perfectio diuini domini

nisi in actus liberos creaturæ nequit consistere in hoc quod ad illos determinet voluntatem creatam; nam actus liber determinatus ab intrinseco est chimera : qui igitur ponit Deum determinare voluntatem creatam ad unum, non ponit Deum Dominum actus liberi, quandoquidem per hoc ipsum destruit libertatem. Consistit autem perfectio diuini dominitum in hoc quod pro suo libito ponat vel non ponat actum primum: tum in hoc quod non nisi ipso cōcurrente creatura quicquam agat : tum denique in hoc quod quicquid agat creatura, hunc ipsum creaturæ actum in suam gloriam vertat, & de illo disponat omnino pro suo libito.

Distinxi velle in efficaciter & ineffaciter
 Quia quamuis possit non dari res quā Deus ineffaciter vult, nequit tamen non dari res quam efficaciter vult. An autem quilibet actus bonus possibilis possit efficaciter intendi à Deo, est alia difficultas. Vel igitur sermo est de actu bono in ordine gratiæ, & secundum considerationem theologicam; vel de actu bono intra ordinem naturæ, & secundum considerationem pure philosophicam: de primo nihil ad nos: neq; enim hic fit per illum dumtaxat cōcursum de quo hactenus de secundo: dico eo ipso quod est possibilis, esse efficaciter intendibilem à Deo. Probatur; quia eo ipso quod est possibilis, contingere potest vt ponatur si contingat poni est efficaciter intendibilis, immo & intentus ergo eo ipso quod est possibilis, est efficaciter intendibilis. Minor probatur, quia si cō-

tingat poni, Deus videt fore ut in tali differe-
rentia temporis, puta in instanti A, ponatur
si videt fore ut ponatur, potest efficaciter
intendere: ergo, &c. Quod si supponas es-
se quidem possibilem, sed putè & præcisè
possiblem, ita ut non accadat vñquam po-
ni; dico quod nec à Deo nec à creatura est
efficaciter volibile ut sit in sensu composito
puræ & præcisæ possibilitatis, & hoc vide-
tur ex terminis evidens.

Instabis, posito toto actu primo est in li-
bertate Socratis ut hic actus existat, vel non
existat; non est in libertate Dei; ergo ali-
quid est in libertate Socratis, quod non est
in libertate Dei: ergo aliquod dominium
habet Socrates in suum actum, quod non
habet Deus, ergo alio genere intentionis
potest intendi efficaciter à Socrate, quàm à
Deo.

Resp. conc. ant. dist. conseq. est in liber-
tate Socratis quod non est in libertate Dei
eodem genere libertatis: concedo: quod nō
est in libertate Dei præstantiori genere li-
bertatis: nego. Idem dic de dominio; in quo
autem consistat illa libertatis diuinę diui-
niq; domini excellentie, dictum est supra.
Certum est componi debere cum libertate
Socratis eo ipso quod est dominium in ac-
tū liberū Socratis: non componi autē si de-
terminatio sit ab alia voluntate, quàm à vo-
luntate Socratis, est manifestum. Quod si
sermo sit non de hoc actu bono Socratis in
individo, sed vel de hoc, vel de alio si-
mili, puta de actu bono eliciendo circa
hoc,

hoc, vel illud obiectum: dico quod cum Deus videat in aliqua circumstantia fore, ut Socrates benè operaretur, potest eo ipso efficaciter intendere bonam operationem decernendo illi has, & illas circumstantias; loquor de circumstantiis purè naturalibus, quia loquor de bono iuxta considerationem purè naturalem. De huiusmodi circumstantiis loquitur Philosophus, ubi dicit bonam cognitionem esse à Fortuna; melius dixisset à Providentia quam etiam homo purè Philosophus debet in Deo agnoscere. Ad bonam autem cogitationem certum est sequi nōnumquam bonam operationem, quāvis ad hanc non se habeat, nisi per modum putæ conditionis.

Q V Æ S T I O III.

De serie naturali effectuum.

A R T I C V L V S I.

Vnde habeatur determinatio ad hunc præ illo, effectum, in necessariis.

N Vllum effectum pendere à causa secunda, quin indivisibiliter pendeat à prima ostensum est supra. Quæritur hic utra ex his causis determinet individuationem effectus. Sciendum est enim quod quamvis quælibet causa creata, & particularis sit limitata ad aliquod genus vel ad ali-

aliquam speciem effectuum : neque enim
 ominis fert omnia tellus : habet tamen
 inter effectus à se producibilens latitu-
 dinem infinitam . Puta quamuis ignis
 nequeat producere nisi ignem , potest
 tamen igne producere non tot quin
 plures .

Præterea quamuis ignes ab igne A pro-
 ducibiles sint non tot quin Plures, tamen
 ignis hic & nūc productus est determinate
 hic & non alius . Quætitur igitur vnde
 habeatur ista determinatio ad hunc potius,
 quam ad alium omnino similem illi . Hic
 enim sermo est de ijs effectibus, qui pure
 & præcise distinguuntur, adeoque de deter-
 minatione ad indiuiduationem pure me-
 taphysicam. Puta cum ex stuppa A ignis A
 producit ignem B, habes cur ignis produ-
 ctus sit potius ab A quam à quolibet alio;
 stultum enim est dicere in prædicra cir-
 cumstantia non esse potiore rationem
 cur ignis agat in stuppoam A quam quilibet
 alius; aut in qualibet aliam. Ex hoc ta-
 men quod in his circumstantiis nequeat
 nisi ab hoc agente & ex hac materia pro-
 duci ignis; non sequitur non posse produ-
 ci nisi hunc ignem : neque enim hic ignis
 est hic per hanc materiam, & per esse
 ad hoc agente? sed & per hanc materiam
 & per hanc formam: vnde cum & ab hoc
 agente & ex hac materia educi possint for-
 mæ non tot quin plures: adhuc remanet
 inuestigandum vnde habeatur, quod
 hic potius quam alius prodeat in natu-
 ram.

Idem

Idem dic de circumstantijs quæ hunc ignem physice & sensibiliter indiuiduant. Quilibet ignis, qui fiat hic & hodie, est ignis qui fit octaua Ianuarij & in Scholæ Metaphycæ; & quicumque conantur hoc demonstrare, actum agunt, oleumque & operam perdunt: quis enim de hoc dubitet, putamus autem ignes producibiles ad hoc agenac hic & hodie, & ex hac materia, esse non tot quin plures; quarimusque quænam causa determinet ad hunc potius quam ad illum. Qui asserunt determinationem esse à causa secunda, aiunt dari seriem naturalem effectiuū; qui determinationem aiunt esse à primâ: naturalem seriem negant; reipsa vtrumlibet sentias, seriem naturalem admittis. etiamsi enim determinatio sit à prima, est ab ea non supernaturaliter, sed naturaliter operante, & ad exigentiam indeterminatam causarum, & effectuum, cui satisfieri nequit nisi per aliquid determinatum. Quia tamen qui determinationem petunt à causa prima, hac phrasi vtuntur; *non datur series naturalis effectuum?* ideo, si nos etiam pro prima stamus, eadem phrasi vtemur: quæ iam ex vsu significat determinationem ad hoc præ illo indiuiduum, esse à causa prima.

Prima sententia apud plerosque sui assertores, per seriem naturalem vix aliud intelligit, quam determinationem ad indiuiduationem physicam. Constat hoc ex argumētis, quibus seipsa tuctur. Prebat v.g. seriem naturalem ex hoc quod ignis qui hic & nunc

producitur, eo ipso est potius Romanus, quam Florentius, Ianuariensis potius quam Martius ab igne *A* potius, quam ab igne *B*. Breuiter in hoc igne ex iis quæ sunt in natura, & ex principiis ipsius in genere causæ secundæ colligunt eā accidentiū collectionem, in qua alibi recognouimus indiuiduationem physicam. Sed hanc eandem collectionem non determinate exigi ab hoc numero igne etiam alibi dictum est.

Secunda sententia negat seriem naturaliam effectuum, atq; determinationem causæ ad hunc potius, quam ad illum effectum ex pluribus ab eadē causa producibilibus, esse à causa prima, Pro prima sententia videas P. Maurum lib. 3. quæst. 2. pro secunda Arriagam aliosq; &c.

Prima conclusio sit. Effectus ab his causis in his circumstantiis naturaliter producibilis non est vnus, sed multiplex. Probatur hæc conclusio: quia limitatio causæ secundæ nõ petit non posse producere hic & nunc, nisi illem effectum, quem de facto producit: ergo effectus hic & nunc producibilis non est vnus. Consequentia est clara. Antecedens probatur, quia limitatio causæ secundæ nõ exigit hunc numero effectum non habere vllum alium inter possibiles, sibi omnino similem, vt habes ex dictis in Logica: rursus hic effectus non habet essentialē affixionem his causis, aut circumstantiis, ergo nõ est vlla ratio cur hic effectus ita producatum hic & nunc, vt naturaliter nequeat alius produci.

Secun-

Secunda conclusio sit. Non datur series naturalis effectuum. Hæc conclusio sub alijs terminis idem dicit, quod prima. Probatur autem, quia non est prior ratio, cur causa secunda hunc effectum potius exigat, quam quemlibet alium omnino similem; ergo determinatio ad hunc numero effectum, non est à causa secunda: intellige determinate potente hunc: cum enim detur hic, quia indeterminate petit aliquem; dici potest esse al qualiter à causa secunda. Antecedens probatur; quia ex vno capite hic effectus habet multos alios sibi omnino similes, & respectu eiusdem cause possibiles: ex alio non habet ullam omnino expensibilitatem præ quolibet alio; ergo non est unde exigatur determinate a causa secunda. Cõfirmatur hoc ex dictis alibi, quod si effectus præ alio intra eandem speciem determinate exigeret hanc accidentium collectionem, eo ipso effectus eiusdẽ speciei differet specie, Hæc enim determinata exigentia in hoc huius, in illo eius collectionis accidentium dissimilaret effectus entitativæ; cum huiusmodi collectiones sint entitativæ dissimiles; dissimilitudo autem qualibet entitativa facit, ex alibi dictis, diversitatem specificam. Quod entitativæ dissimilaretur effectus huiusmodi, probatum est alibi; quia videlicet hæc & illa exigentia sunt in entitate ipsa, quamvis sint ad terminos entitati superad-ditos.

Aduerte autem conclusionis ratione non

in eo niti, quod illi effectus sint omnino similes. Nam formæ omnino similes, non propterea quod sint similes, sunt indifferentes ad subiecta similia; nec principia omnino similis per hoc, quod sint similia indifferenter se habent ad formas inter se omnino similes. Pura Petrus & Paulus sint inter se omnino similes similitudine entitatiua: & visiones claræ ut quatuor quæ Petrus, & Paulus videant hanc albedinem, sunt omnino similes: non propterea aut istæ visiones indifferenter se habent ad Petrum, aut ad Paulum, vel Petrus & Paulus indifferenter ad hanc, aut illam visionem. Ratio est, quia hæc visio quamuis omnino similis illi est tamen essentialiter affixa huic non illi. Vnde de istis visionibus dici nequit, quod vna sit æque bona ac altera eidem Petro, ratione perfectissimæ similitudinis intervtranque, cum tamen de igne *B*, ac de igne *C* dici possit vnum esse æque bonum agenti, ac alterum: & formam ignis *B* esse æque bonam huic materie, ac formam ignis *C*. Hæc visio quam elicit Paulus non est bona Petro: quia non est possibilis petro: sicut illa quam elicit Petrus non est bona Paulo, quia Paulo impossibilis. Hoc autem dici nequit de effectibus, de quibus hic agitur: unde valet hoc argumentum: ignis *B* est æque proportionatus attentis omnibus hisce circumstantiis igni *A*, ac ignis *C*; ergo non est potior ratio cur ignis *A* exigat hic & nunc ignem *C* potius quam ignem *B*. Non valet autem hec aliud; visio *C* est æque propor-

tionata Petro, ac visio C; ergo non est potior ratio cur Petrus exigat hanc potius visionem quam illam; loquor de duplici visione, quarum altera sit essentialiter affixa Petro, altera Paulo. Falsum enim est, quod etiam cum omnimoda similitudine inter vtramq; vna sit æque eidem principio proportionata, ac altera.

Item neque conclusio probatur hoc argumento. Ignis B est omnino similis igni C; g. ignis A æque potest producere ignem B, ac ignem C. Nam eodem modo dicere posse, ignis A est omnino similis igni B; ergo ignis A æque potest producere ignem A, ac ignem C, Propterea in probatione addimus: inter ignes ab igne A producibiles, in quo necessario includitur distinctio à producente. Est enim primum principium nihil fieri à se ipso. Conclusio manifestior erit ex obiectionibus.

Obijc. 1. Qualibet species causæ est determinata ex se ad vnam speciem effectuum; puta ignis ad ignem, equus ad æquum: er. qualibet causa in individuo est determinata ex se ad vnum numero effectum. Consequentia probatur: quia sicut se habet species ad speciem, ita individuum ad individuum.

Resp. primo, quod hoc argumentum etiã probat hanc numero causam neque successive producere posse plura individua. Qualibet species causæ est ita determinata ad vnam speciem, vt non possit successive plures effectuum species dare. Neque enim

ignis producere potest ignem, & aquam, & lignum. Neque equus producit equum, & postea lupum: postea canem: & sic de cæteris: ergo qualibet causa in individuo est ita determinata ad individuum, ut neque successive possit plura producere. Probatur consequentia: quia sicut se habet species ad speciem: ita individuum ad individuum.

Resp. secundo transmissio antecedit. quod falsum est, negando consequ. Ratio disparitatis est manifesta: quia hæc species causa habet aliam quam specialem proportionem cum hac specie effectus. Absurde enim diceretur: non est potior ratio cur ignis producat calorem quam frigus; cum statim responderi possit: ignis est calidus, non vero frigidus: & consequenter est potior ratio cur calefaciat, quam cur frigefaciat. At uerò idem ille ignis in individuo non habet maiorem proportionem cum hoc, quam cum illo alio calore omnino simili: & consequenter recte dicere potest; non est potior ratio cur hunc potius exeat, quam illum. Ad id quod dicitur: distinguitur; sicut se habet, &c. in omnibus: nega, in aliquibus: transmittit. Vel breuitatis causa, omittit omni distinctione, simpliciter nega; est enim pure verbalis comparatio.

Obijc. 2. Hoc numero individuum est individuum quod sit in hoc tempore, in hoc loco, ex hac materia: nullum aliud individuum est huiusmodi; ergo hoc individuum est hoc individuum, per hoc quod fiat in hoc

hoc loco, in hoc tempore, ex hac materia.

Rerp. concessis maiori, & minori: negando conseq. Sicut hoc individuum sit hic & nunc, & ex hac materia, ita quodlibet aliud individuū intra eandem speciem fieri potuit hic & nunc, & ex hac materia. Ostensū est enim cum individuo quod sit hic & nunc, & ex hac materia non identificari exigentiam qua determinate petat fieri hic & nunc, & ex hac materia. Adde quod ad veritatem conclusionis non est necesse hoc estensum fuisse. Debet enim Aduersarius ostendere hanc exigentiam; cum nobis sufficiat dicere, quod in individuo sufficit exigentia indeterminata huius vel illius collectionis circumstantiarum, per quam à quolibet alio discerni possit. Nam à posteriori solum constat exigentiæ naturæ satisfieri semper per aliquam determinante collectionem accidentium. Est autem evidens etiam exigentiæ indeterminata satisfieri non posse, nisi per aliquod determinatum. A priori nulla ratione probabili ostenditur hanc exigentiam esse in individuo quolibet determinate ad vnum, adeoque stat nostra conclusio infirmitate opposita, sicut medicus valat infirmitatē agrotantium.

Obijc. 3. Hæc forma est hæc & non alia per hoc formaliter quod sit in hac & non in materia: quotiescunq; agens naturale producit effectum, educit formam ex hac potius quam ex illa materia, & ab hac potius

quam ab illa materie determinatur ad eundem formam ; ergo agens naturale habet determinationem in natura ad hanc potius quam ad aliam formam . Maior est principium Thomisticum . Individuatio enim est à materia . Minor probatur : quia agens ad agendum determinatur à materia sibi proxima . Materia autem illi proxima est hæc potius quam illa .

Resp. neg. antec. Prædictum principium reiecimus alibi, Diximusq; & hanc formam & hanc materiam & hanc qualibet aliam rem esse seipsis formaliter & non per aliud à se distinctam , & non aliud .

Obijc. 4. Si non datur series naturalis effectuum , non est vlla ratio cur non reproducatur effectus semel corruptus ; consequens est absurdum ; ergo & antecedens . Sequela maioris probatur quia causa secunda ex se solum tendit ad speciem , hoc est ad producendum aliquem effectum huius speciei ; quicumq; tandem ille sit ; intra latitudinem autem effectuum in hac specie contentorum , comprehenditur tam corruptus quam non corruptus : neq; enim ignis qui heri fuit , & iam non est , est alterius speciei ab igne qui iam est , aut ab igne qui erit , cum numquam fuerit ; ergo ex se non magis tendit ad non corruptum quam ad corruptum . Admissa autem serie naturali redditur competens ratio cur effectus corruptus numquam redeat in rerum naturam quia videlicet numquam redeunt eadem circumstantiæ , nam inter ceteras circum-

stan-

stantias est tempus , quod numquam redit idem.

Resp primò quod siue sit possibile naturaliter , siue impossibile effectum ante corruptum reproduci , est eadem difficultas , Si enim est naturaliter impossibile : ad huc manet indifferentia causæ ad effectus non tot quin plures; nam effectus primo producibiles sunt infiniti; & consequenter etiam si quod semel fuit, nequeat iterum esse; adhuc aliqua dererm natio requiritur ad hunc præ ille inter primo ponibiles . Da esse possibile: tunc indifferentia est & ad non tot quin plures ex primo ponibilibus , & ad innumerabiles ex ijs qui iam ante fuerunt : etiamsi igitur determinetur causa à circumstantiij vt faciat hunc vel illum , indifferentia ad has circumstantias est in effectibus innumerabilibus.

Præterea vel effectus constituitur hic numero formaliter per has circumstantias , vel per ordinem ad has circumstantias: non primum, quia cum sit sententia fere apud omnes recepta tempus elapsum esse essentialiter irrenocabile , non solum effectus corruptus non posse redire ad esse per vires naturæ , sed neq; per vires quæ sunt supra naturam, hoc autem neque Aduersarij dicunt , non secundum , quia hic ordo non habet vllum fundamentum vt dictum est in loco, discretium enim sensibile indiuidui ab indiuiduo non habetur nisi per ipsamet collectionem accidentium , quæ siue detur indeterminate exigenti , siue deter-

minate, semper datur determinate hæc, & non alia. Negata igitur reproducibilitate effectuum, solum habes non posse vllum ex corruptis fieri hic & nunc: cur autem ex primo producibilibus hic potius fiat quam ille, habere non potes nisi ex illo ordine, qui nullo solido fundamento probatur. Certe hoc argumentum: ignis *B* potest esse in hoc tempore; ergo etiam ignis omnis o similis igni *B*, item hoc aliud: non repugnat vlllo modo locus huius ignis qui fit hic & nunc, fieri alium ad eadem causa: numquam inuenit solutionem rationabilem.

Qui autem dicunt posse quidem, sed de potentia absoluta, rationabilius philosophantur, quam qui dicunt posse etiam naturaliter, sed non æque naturaliter, atque hic qui de facto fit: hi enim præter has voces nihil omnino dicunt.

Resp. 2. negando sequelam maioris. Ad probationem, dic eandem rationem militare contra reproducibilitatem effectus, negata, quod militat, admira sere naturali effectuum; siue enim determinate siue indeterminata exigenti hac collectionem eccideatium hæc detur: semper vna datur: quæ admodum autem repugnat eidem determinate exigenti hanc, præter hanc aliam dari: ita etiam repugnat indeterminate exigenti hanc vel illam præter eam quæ datur, quantlibet aliam dari: sed petenti indeterminate esse in aliquo loco & in aliquo tempore iam datum est esse nudiustertius & esse Romæ; g. iam æque satisfactum est huic exigentiæ,

tiæ, ac satisfiat exigentiæ qua determinate petit esse hic & nunc. Rem explico. Roga Aderfarium cur ignis heri accensu & extinctus nequeat hodie reaccendi; respondebit; quia ignis qui heri accensus est exigebat determinate esse heri & per esse heri physice indiuiduatur: nunc autem non reddit ipsum heri; & consequenter nec ipse ignis cui inter alias circumstantias cum debeat tempus, non debet aliquid quam illud quod determinate exigit. Dum hæc respondet putat se satisfecisse tuæ interrogationi, non autem animaduertit se respondere & satisfacere etiam suæ. Roganti enim idem quod rogasti respondes, quia ignis qui fieri fuit & quilibet alius petit esse in aliquo loco & in aliquo tempore in quo non sit alius in primo sui esse: huic autem petitioni satisfactum est dando illi determinate esse Romæ & nudius tertius: cum igitur factum sit huic exigentiæ per has determinate circumstantias potius quam per alias; nullæ aliæ circumstantiæ illi debentur, & propterea circumstantiæ præfentes sunt illi omnino indebitæ. His omnibus edde ridiculam esse hanc consequentiam, ignis *A* nequit producere hic & nunc ignem heri extinctum; ergo nequit producere nisi ignem *B*. Quasi vero post effectus corruptos, vnicus possibilis remaneret. Nota autem tam in hac quam in opposita sententia per vnum tempus, vnum locum, & sic de cæteris vnā indiuiduationem physicam haberi.

Obiic. 5. Si ignis *A* hic & nunc quantum est ex se non est determinatus ad hunc numero ignem, ignis *A* posset producere seipsum; consequens est in possibile; ergo & antecedens. Sequella maioris probatur, quia si non est determinatus ad hunc numero ignem, petit producere ignem sub ratione ignis, si autem petit producere ignem sub ratione ignis, potest producere seipsum; g. &c. Probatur minor, quia sub ratione ignis eque continetur ipse, ac quilibet alius ignis: si ergo nullum determinate ignem respicit, sed indeterminate & disiunctive aliquem ignem, non magis respicit vllum alium quam seipsum.

Confirmari posset hic discursus ex doctrina D. Thomæ 1. part. quæst. 45. art. 1. ad primum ubi dicitur quod hic homo non potest esse causa naturæ humanæ absolute, quia esset causa sui ipsius; sed est causa quod natura humana sit in hoc homine generato, & sic supponit in sua actione determinatam materiam per quam est hic homo, In qua doctrina continetur hic discursus aut contineri videtur. Si homo non determinaretur à materia ad hunc numero hominem, homo hic per actionem generatiuam tenderet in hominem sub ratione hominis: sed hic homo per actionem generatiuam non tendit ad hominem sub ratione hominis; g. hic homo à materia determinatur ad hunc hominem. Minor probatur, quia si hic homo per actionem quæ generat tenderet ad hominem peteret esse

cau-

causâ à hominis sub ratione hominis, si autē hoc petit, petit esse causam indifferenter vel sui vel alterius vel potius naturæ totius humanæ: cum igitur ipse sit etiam in natura humanu, æque potest causare seipsum ac quodlibet aliud indiuiduum.

Ab hoc homine transit D. Thomas ad quodlibet ens creatum. Quemadmodum. inquit, quilibet homo in particulari participat naturam humanam, ita quodlibet ens creatum participat, vt ita dixerim, naturam essendi, quia solus Deus est suum esse, si igitur aliqua creatura causeret esse absolute, eodem discursu conficitur quod causeret seipsam, necesse est igitur vt non causet esse absolute, sed solum esse in hoc. Hoc argumento quod ego ad hanc rem attuli, vtitur D. Thomas ad probandum nullam creaturam creare. Create, inquit, est dare esse absolute, esse autem est vniuersalissimus effectus, vniuersalissimus autem effectus est vniuersalissime causæ, quæ est Deus, causa autem secunda nō dat esse absolute sed dat esse in subiecto, & quia dat esse in subiecto, non creat sed generat.

Resp. Negando sequelam maioris. Ad probationem dic ignem non tendere ad rationem ignis, sed ad rationem ignis à se distincti, ratio autem ignis ab ipso distincti non est communis ipsi & cuilibet alteri. Sicut Deus etiam si det absolute esse, non tendit tamen actione sua creatiua ad esse secundam totam rationem essendi; nam in tota ratione essendi comprehenditur ipse: sicut
igi-

igitur Deus actione creatiua tendens ad esse intelligitur tendere ad esse distinctum à se : ita ignis actione generatiua tendit ad ignem sed distinctum à se. Quando autem D. Thomas dixit Deum actione creatiua tendere ad esse absolute ; nec limitauit nec debuit limitare ad esse quod sit distinctum à creante , illa enim limitatio quæ inepte non intelligitur , inepte ponitur : hoc est quam ineptum est non intelligere se , ineptum est ponere , sicut ineptus esse medicus qui diceret , curabo infimum , dummodo non sit mortuus vel quotquot ægrotabunt in hac yrbē omnes inuisam , dummodo sint à me distincti , quæ omnia sunt inepta ex terminis .

Aduerte autem D. Thomam , si quid probat pro Aduersario , probare neq. de potentia absoluta dispensari posse in hac serie effectuum , Nam impossibile est agens creatum agere nisi in subiecto præsupposito : subiectum autem præsuppositum est ipsummet determinatum ad hunc numero effectum , & consequenter quælibet forma intra hanc speciem educatur ex hoc subiecto , facit hanc numero rem . Qui autem dicunt dari seriem naturalem effectuum , ne idem possit producere seipsum , posse tamen in hac serie dispensari ; ita ut ex hac materia fiat hæc alia res quam quæ nata est fieri , non philosophantur ad mentem D. Thomæ , per quem tam impossibile est rem aliam esse ex hac materia , quam hanc materiam esse aliā quam quæ est . Adde quod apud D. Thomam non rectè diceres ; eum si vna die ante vel post

postquam natus est, natus esset, aut in alio cubiculo, non futurum fuisse eundem numero hominem qui fuit, quod tamen conceditur à multis admittentibus seriem. Denique sicut Deus dum dispensat exigentiæ naturæ determinando hunc præ illo effectum, ita dispensat, ut nequeat determinare ignem A ad producendum seipsum, ita dum satisfacit exigentiæ indeterminatæ per aliquem determinatum effectum: ita satisfacit ut nequeat igni A dare eundem ignem pro effectum. Ideoque qui argumento supraposito fulciunt conclusionem oppositam, dare debent impossibile; videlicet per diuinam omnipotentiam posse idem producere seipsum: Deus enim dispensans, ut potest, in serie natureli ita potest operari ac si talis series non daretur, sed si talis series non daretur, posset, ait arguens, determinare idem ad producendum se ipsum, g. Deo in tali serie dispensante, posset idem producere se ipsum. Ratio est, ait ille, evidens, quia ignis petit ignem sub ratione ignis: sub qua æque ipse ac quilibet alius continetur.

A R T I C V L V S II.

*Etiam in liberis Deus determinat ad indi-
uiduationem.*

Sicut in explicando concursu Dei cum causis secundis, facilius impingitur circa liberas, quam circa necessarias: ita etiam in assignanda causa determinante ad indiuiduationem, facilius est decipi circa effectus

liberos, quam circa necessarios. Probatur tamen conclusio supraposita. Inter effectus sibi possibiles nequit causa libera determinare se ad vnum potius quam ad quemlibet alium; g. debet aliunde determinari. Consequentia est euidentia. Si autem aliunde, vnde nisi à causa prima? Antec. probatur: quia nullus est effectus causæ liberæ cui non sint possibiles infiniti alij omnino similes & ab ipso indiscernibiles ab eadem causa secunda, impossibile est autem determinare se ad vnum præ omnibus aliis non discernendo vnum ab aliis.

Nota quod dicimus: omnino similes & indiscernibiles. Petrus est indifferens ad actum amoris vt quatuor erga Paulum, & actum amoris item vt quatuor erga Franciscum, habens pro motiuo vtriusq; sapientiam vel pietatem quam in vtroq; putat equalē, si duo actus non dissimulantur neq; à principio à quo sunt, neq; à terminis quos respiciunt, adeoq; cohærenter ad ea quæ dicta sunt alibi, sunt omnino similes inter se; cum tota hac similitudine entitatiua, habent tamen posse discerni, quia termini ipsi quamuis similes entitatiue habēt tamen dissimilitudinem secundum accidens, adeoq; potest Petrus determinare se ad amorem erga Paulum, eligendo amare Paulum præ amare Franciscum. Paulum & Franciscum esse discernibiles inter se à Petro, cum tota similitudine entitatiua manifestum est, contingit enim vnum esse album, alterum nigrum, vnum esse Romanum alterum Forentinum.

Actum

Actum autem amoris ut quatuor, quem elicit Petrus erga Paulum, non esse unicum ex possibilibus sed posibles esse actus amoris intensos ut quatuor erga eundem Paulum ab eodem Petro elicibiles non tot quin plures, singulos in hoc loco, in hoc instanti, probatur eo ipso, quod non probatur oppositum. Inter hos dicimus non posse Petrum eligere unum præ quolibet alio: sed quemcūq; tandē eliciat determinari ad eum à causa prima unde non est conclusio; Petrum nō posse eligere hunc, vel illum actum præ hoc vel illo alio omnino simili: sed præ quolibet alio, seu præ omnibus alijs: est enim certum inter aliquos similes posse discernere quamvis non possit inter hunc, & quemlibet alium. Hoc modo intellecta cōclusio probatur magis obiectionum solutione.

Obiic. 1. Si Deus determinat ad individuationem, non solum determinat inter actus bonos hunc præ illo, sed etiam inter peccata hoc præ illo; sed si determinat inter peccata hoc præ illo, est auctor peccati; ergo si Deus determinat ad individuationem, est auctor peccati. Maior est clara, neq. enim est potior ratio cur causa secunda eligat inter hunc & illum actum malum quam inter hunc & illum actum bonum, ut patet ex dictis. Minor probatur etiam ex dictis; quia quotiescunq. duo in eundem effectum ita influunt ut unum habeat determinare, alterum determinari, toties determinanti imputatur effectus: imputatur inquam secundum considerationem moralem
sed

sed causa prima, & causa secunda ita influunt in hoc numero peccatum, ut secunda determinetur, prima determinet, g. peccatum debet secundum considerationem moralem imputari primæ, & non secundæ. Maior à nobis adhibita est alibi pro vera. Min. est nostra conclusio.

Mirabile est, quam diuersimode respondeatur huic argumento à diuersis circa conclusionem idē sentientibus quod sentimus Resp. breuiter concessa mai. neg. min. Determinare siue se, siue alterum ad malum potius, quam ad bonum aſt peccare. & esse auctorem peccati, intes duo mala inter se omnino similia determinare se, vel alterum ad hoc potius, quam ad illum, secundum hoc quod dicit de indiuiduatione præcise, non est peccatum. Rem explico; da necesse esse ut fureris decem, vel abſtineas; si te determines ad furandum potius quam ad non furandum peccas, & si aliuste determinet, peccat: da necesse esse ut fureris vel hos, vel illos alios decem nummos aureos ex eam crumena, & omnino similes, & æquales quoad omnia, per hoc quod hos potius quam illos determinate fureris, neque tibi, neq. vlli alteri imputatur ad culpam. Igitur ad probationem conc. mai. distingne min. causa secunda determinatur à prima ad hoc peccatum præ alio omnino simil, conc. ad hoc peccatum præ actu bono. neg. min. & dist. conſeq. hoc peccatum imputatur causæ primæ, quod sit simpliciter; aut quod sit præ actu bono: neg. quod sit

fit præ alio omnino simili. conc.

Instabis : nequit causa prima determinare ad hoc præ illo , nisi determinet ad peccatum simpliciter , nequit causa prima determinare ad peccatum simpliciter : ergo nequit determinare ad hoc peccatum præ alio . Probatur maior , quia sine determinatione primæ causæ nequit causa secunda exire in vllum actum : ergo in quemcumque actum exeat , determinatur ad illum à causa prima . Rursus nequit exire in actum , nisi qui determinate sit hic potius quam ille : ergo exire in quemlibet actum est exire in actum , qui sic hic potius quam ille ; ergo determinare ad hunc potius quam ad illū , est determinare ad peccatum voluntatem non peccaturam sine hac determinatione . Sicut autem si Petrus determinet Paulum ad hoc potius quam illud mendacium , non mentiturum neq; hoc , neq; illo , si non determinet , est vere , & proprie auctor peccati , sic etiam si Deus determinet voluntatem creatam ad hoc potius quam ad illud peccatum , non peccaturam , nisi determinet , est vere , & propriis auctor peccati .

Resp. quod si Petrus ita compleat Paulum concursu suo in ratione potentis peccare , vt Paulus sine hoc complemento peccare non posset , contingere potest vt Petrus per hoc sit reus peccati à Paulo commissi . Propterea qui alios adiuvant in peccando , & ipsi peccant : non tamen Deus est auctor peccati per hoc quod sine ipsius concursu

curfu peccare impotentes, suo concursu potentes efficiat.

Resp. 2. dist. mai. nisi determinet ad peccatum simpliciter determinatione eligente inter bonum & malum, malum autem præ bono, nego, electione terminata ad vnum præ alio malo: concedo. Voluntas peccat, quæ complera ad bonum, & ad malum determina: se eligendo malum præ bono: hoc modo non determinat Deus dum determinat ad indiuiduationem, reipsa autem ille actus ad quem determinat est actus peccaminosus, adeoque implicat determinare ad hunc actum, non determinando ad peccatum simpliciter. Ad reliqua patet ex dictis. Non spectat ad Petrum consulere ita libertati Pauli, vt sit proxime potens, & bonum & malum; spectat autem ad Deum. Certe si Deus nullo modo vellet concurrere cum voluntate, voluntas nihil boni ageret, nihil mali, rursus si ita vellet concurrere, vt nollet ad malum, ita operaretur bonum, vt non libere operaretur, cum igitur sit secundum naturam hominis libere operari, oportet vt per sufficientiam ad bonum & ad malum, & bene operetur. & male; itant quotiescumque bene, & laudabiliter operatur, operetur cum sufficientia ad malè operandum: quotiescumque malè, & illaudabiliter, id etiam faciat cum sufficientia ad bene.

Obiic. 2. Deus determinat ad rationem indiuidualem, sed ratio indiuidualis identificatur realiter cum ratione specifica, ergo

go Deus determinat realiter ad rationem specificam min. probata est in Logica, ubi de gradibus metaphysicis.

Resp. dist. min. ratio specifica identificatur cum ratione individuali, si accipias quaecunque rationem specificam; nego, si accipias rationem specificam huius individui, conc. min. & eodem modo distinguo consequ. determinat ad rationem specificam hanc, concedo, ad quemlibet rationem specificam, nego. Non diximus in Logica rationale identificari cum animali, statim enim sic argueretur, rationale est in homine, animal est in boue. Immo rationale est realiter homo, animal est realiter bos? sed rationale, & animal identificantur, ergo homo, & bos realiter identificantur. Diximus autem rationale hoc identificari cum hoc animali, & gradum specificum cum generico in eodem individuo esse idem realiter. Idem dic de gradu specifico, & de individuali, qui sunt realiter idem, in eodem individuo. Hoc idem vice versa proponi potest pro causa secunda determinante se ad speciem. Videlicet, voluntas creata determinat se ad rationem specificam actus, cum ratione specifica identificatur realiter ratio individualis, ergo voluntas creata determinat se ad rationem individualem. Ratio specifica in hoc individuo identificatur cum ratione individuali, non autem ratio specifica ut sic.

Proponitur etiam hoc alio modo. Causa secunda determinat sed ad speciem, sed species

cies identificatur cum individuo; ergo causa secunda determinat se ad individuum, vel etiam: causa prima determinat ad individuum: individuum identificatur cum specie, ergo causa prima determinat ad speciem. Vtriusque Syllogismi minor est falsa. Non enim magis species identificatur cum individuo, aut individuum cum specie, quam totum cum parte: aut pars cum toto, potest tamen claritatis causa distinctionem adhibere: species adæquate accepta identificatur cum individuo: nego, inadæquate accepta, concedo. Item individuum identificatur cum specie adæquate accepta, nego, inadæquate accepta, concedo. Quod nihil aliud significat, nisi hoc individuum esse partem huius speciei, siue intra collectionem omnium constituentium hanc speciem, reperiri hoc individuum.

Obiic. 3. Non est explicabile quomodo causa prima determinet secundam ad hoc numero peccatum, ergo &c. Probatur antecedens, nam causa prima concurrit ad peccatum per suam omnipotentiam, quæ complet voluntatem creatam, sed hæc omnipotentia non est ad hoc potius, quam ad illud, ergo causa prima complet secundam per aliquid quod non sit ad hoc magis quam ad illud: complere autem per aliquid huiusmodi non est determinare ad hoc præ illo; ergo causa prima ita complet secundam ut non determinet ad hoc præ illo.

Resp. neg. antec. Quamvis enim difficile

le consentiant auctores in explicando modo, quo causa prima determinat secundam, tamen re ipsa statuendus est aliquis. Aliqui dicunt primam causam determinare ex prævisione, quod secunda peccabit: posito autem quod sit peccatura, eligere hoc peccatum præ alio, seu decernere hoc peccatum præ alio. Puta sciens te mentiturum, decernit tibi mendacium A præ mendacio B, aut quolibet alio; cum autem malitia sit in mentiendo, non autem in mentiendo mendacio A potius, quam mendacio B, non decernit tibi peccatum. Hæc explicatio sic impugnatur. Deus videt te mentiturum; ergo videt te mentiturum hoc determinate mendacio; neque enim mentieris mendacio ut sic; sed decernit tibi hoc mendacium sciens te mentiturum, ergo decernit hoc determinate mendacium sciens te mentiturum, seu prævidens te mentiturum hoc determinate mendacio, sed mentieris hoc determinate mendacio determinatus à Deo, ergo determinat tibi hoc mendacium prævidens te determinatum à se ad hoc mendacium, & consequenter determinat hoc ex prævisione suæ determinationis ad hoc quod videtur ridiculum. Explicatur hoc ex dictis. Implicat te mentiri quin eo ipso mentiaris mendacio quod sit potius hoc quam quodlibet aliud, & consequenter Deus omnia videns videt, non te mentiturum abstrahendo ab hoc vel illo mendacio, sed te mentiturum eo mendacio determinate quo mentiturus es; adeoque si ex
huius-

huiusmodi præuisione determinat tibi hoc præ omni alio, mendacium; hoc mendacium tibi decernitur ex præuisione decreti tibi decernentis hoc ipsum; non enim mentitur es hoc mendacio nisi determinatui a causa prima ab hoc mendacium, & consequenter nisi causa prima decerneret tibi hoc mendacium.

Alii decretum huiusmodi scientiæ visionis innixum repudiantes aliud excogitarunt innixum scientiæ quam mediam vocant: quia videlicet cognoscit Deus conditionate futura in hac vel illa vel qualibet alia hypothesi; puta cognoscit Deus quid fecturus fuisses si loco veniendi ad Gymnasium, domi remansisses; quid faceres si post horam gymnasii domum repetes incēderes in talem aut talem ex soldalibus. Quid faceres si modo Constantinopoli esses, ibique non Philosophiam nostram, sed Alcoranum audires. Dicunt igitur per scientiam huiusmodi determinati Deum ad decernendum tibi hoc præ illo mendacium. Puta: scit Deus quod si esses in tal vel tali circumstantia: puta si interrogareris à Præfecto vel à Magistro responderes mendaciter; videt autem simul te collocandum in prædictis circumstantiis; & quia ad rationem mali non refert quod hoc potius quam illo mendacio mentiaris, decernit tibi hoc præ illo mendacium.

Eodem argumenro quo impugnata est prima explicatio, impugnatur secunda: sicut enim Per scientiam visionis videt futurum

rum absolute non mendacium ut sic, quod numquam erit, sed mendacium hoc: ita, etiam per scientiam mediam videt futurum conditionate, non mendacium ut sic, quod in nulla hypothese esset, sed mendacium hoc: rursus eo ipso quod esset hoc, esset Deo decernente hoc præ quolibet alio: ergo ideo decernit hoc in esse absoluto, quia videt quod decerneret hoc in esse conditionato: & consequenter habet hoc decretum quia illud haberet: habes hoc ex dictis; sicut enim non erit hoc præ illo, nisi quia decernitur hoc præ illo: ita non esset in vlla hypothese hoc præ illo; nisi quia decerneretur hoc præ illo; & consequenter decernit hoc præ illo, quia cognoscit quod in hac hypothese decerneret hoc præ illo: quod est æque ridiculum ac primum.

Fuit qui diceret Deum decernere hoc præ illo ex prescientia duadam, qua videt voluntatem humanam, si sibi relinqueret nullo adiuta concursu, hoc vel illo genere peccati peccaturem Cum igitur se ipsa esset peccatura, non determinat illam ad peccandum, sed solum hoc præ illo peccatum decernit: adeoque non est auctor mali ut habes ex dictis.

Hæc explicatio minus valet quam reliquæ. Implicat enim quod voluntas se sola & nullo concursu adiuta vlllo modo operetur: si igitur fingas Deum videre quid faceret se sola nullo concursu adiuta, fingis Deum videre quid faceret, si in ea esset

hypothesi, in qua nihil facere posset. In ea igitur hypothesi nihil ageret, & consequenter implicat Deum videre quod in tali Pypothesi male ageret. Patet hoc ex dictis; nulla enim causa secunda est se sola & sine concursu primæ sufficiens agere.

Dicendum est igitur causam primam determinare ad hunc numero actum siue bonum siue malum, per hoc quod hunc numero & non alium vel intendat vel permittat; per hoc quod hunc intendat & non alium si bonus est, hunc permittat & non alium, si malus. Pro quo sciendum est quod quamuis diuina omnipotentia secundum se sit indifferens ad quemlibet actum creaturæ, siue bonum siue malum, adeoque in ratione potentiae non discernat vnum ab alio, tamen hæc omnipotentia exhibetur creaturæ à volente & cognoscete: quia est à volente, est pro libito volentis, quia est à cognoscente est pro libito discernentis quemlibet à quolibet: potest igitur exhibere suam omnipotentiam ita ad vnum in his circumstantijs, vt non exhibeat ad alterum; igitur potest Deus ita exhibere suam omnipotentiam ad *A* vt non exhibeat ad *B*; rursus obseruamus in Deo duplicem voluntatem, intendentem alteram; alteram permittentem; sicut igitur potest exhibere suam omnipotentiam intendendo *A* & non *B*; ita etiam potest permittendo *A* & non *B*: igitur si exhibeat omnipotentiam tuæ voluntati vt determinate intendat solum actum charitatis *A*, & permittat so-
lum

lum actum odii. *A* : completàd opposita
& quemcumque ex his actibus elicueris ,
elicies determinando te ad speciem , de-
terminatus aliunde ad individuum : atque
ita vides te numquam determinari ad hunc
numero actum , vt nequeas nisi hunc ; sed vt
nequeas nisi hunc vel illum alium ipsi op-
positum .

Hinc recte dixeris voluntatem tuam eli-
gere inter duo , voluntatem autem diuinam
decernere inter infinita ; ex quibus actibus
te determinas ad vnum eliciendo vnum præ
alio , & quia illi duo actus sunt diuersi in
specie , & contrarii , diceris determinate te
ad speciem : quia in vtraque specie causa
prima ad vnũ dumtaxat parata est concur-
rere , dicitur determinare te ad individuum ;
vbi dices quam integra maneat tua libertas
quam neque ad individuum ita Deus de-
terminat vt simul non reliquant cum om-
nimoda sufficientia ad oppositum . Igitur
etiam cum determinatione diuina ad hoc ,
potes oppositum , quia hæc ipsa determina-
tio , quamuis sit determinate ad hoc intra
hanc speciem , nō est tamen determinate ad
hanc simpliciter ; sed ad hoc numero , vel
ad illud numero oppositum ; alteram inten-
dendo , alterum permittendo .

Dices . Non est vlla ratio dicendi
hoc modo Deum determinare ad indi-
uiduationem , ergo &c.

Resp. esse rationem optimam : quia qui
aliter explicat insufficienter explicat , ne-
que componunt diuinam determinationem

cum determinatione quæ sit à nobis, Si autem hoc modo explicetur, recte componitur & diuina & humana determinatio ut patet, igitur ita oportet explicare.

Instabis: non est potior ratio cur Deus intendat hoc quam quodlibet aliud aliud-
dem omnino bonitatis; cur Deus permittat hoc quam aliud omnino simile & eiusdem omnino malitiæ; ergo gratis dicitur quod Deus intendat hoc præ omni alio; permittat hoc præ omni alio. Probatur consequentia; quia ideo voluntas creata nequit se determinare ad hoc præ alio, quia non est potior ratio cur se determinet ad hoc quam ad quodlibet aliud; ergo si neque in Deo est potior ratio cur determinet se ad hoc quam ad quodlibet aliud, Deus non se determinabit ad hoc potius quam ad quodlibet aliud.

Resp. concesso antec. negando conseq. Non est alia ratio determinandi hoc præ illo: quam voluntas determinantis. Hoc idem dic de voluntate humana determinate se ad speciem: quæ ideo male potius quam bene operatur, quia vult. Ratio igitur cur voluntas humana nequeat se determinare ad hoc præ quolibet alio intra eandem speciem, non est quia non est potior ratio pro hoc, quam pro quolibet alio, sed quia non discernit; adeoque neque decernere potest hoc præ quolibet alio.

QVÆSTIO IV.

De existentia Causæ primæ.

ARTICVLVS I.

An sit per se notum dari Deum.

Dictum est supra nullam causam secundam exire in actum sine immediato concursu causæ primæ: supponendo magis, ut de facto supponi potest, pro indubitato, quam probando existentiam causæ primæ. Hæc autem quæstione duo inquirimus: primum est; an sit per se notum præter causas secundas existere primam, hoc est: an sit per se notum dari Deum. Secundum; an hoc ipsum sit naturali ratione demonstrabile. Primum primo articulo, secundum secundo expediemus:

In tota autem hac quæstione; quam in prima parte proponit Doctor Angelicus crimus eiusdem Doctoris meri, sinceri interpretes omnia ad mentem ipsius, quantum esse qui poterimus, resoluentes. Sciendum est igitur, quod: *per se notum* dupliciter dicitur; primo quo ad se: secundo, quo ad nos. Ipsum deinde *per se notum*, quo ad nos dupliciter: videlicet vel quo ad omnes, vel quo ad solos sapientes. Per se notum quo ad se dicitur illud obiectum, cuius sit intelligatur subiectum & prædicatum, statim intelligitur prædicatum con-

uenire subiecto, eo quod in ipsomet sub-
 iecto imbibatur. Verbi gratia; hoc obiectum
 siue hoc verum, *homo est animal* est per se
 notum, quo ad se, quia si intelligas quod
 significet hoc nomē: *homo*: quid hoc aliud
animal, statim intelligis animal homini
 conuenire; quia animal in ipsamet ratione
 hominis imbibitur. Per se notum quoad
 nos dicitur illud, quod nobis propositum
 statim seipso determinat ad assensum, quod
 ita sit; hoc autem subtilissimus in per se
 notum quoad omnes, & in per se notum
 quoad sapientes. Per se notum quoad om-
 nes est illud, quod ab omnibus statim as-
 sensum obtinet, quibus termini proponun-
 tur, propter euidentem connexionem inter
 eosdem terminos, puta *totum est maius,
 sua parte*: cuiusq; enim proponantur hoc
 axioma, statim assensum obtinet, nec aliud
 requirit à te vt assentiaris, nisi quod intel-
 ligas terminos, quod vt præstes, non in-
 diges explicatione Philosophi, sed Cale-
 pini.

Per se notum quoad sapientes est, quod
 propositum intellectui, si bene intelligatur,
 assensum obtinet; sed non est adeo facilis
 intelligentiæ, vt etiam rudibus fiat mani-
 festum. Hoc modo dicit ex Boetio Drius
 Thomas esse per se notum, quod incorpo-
 rea non sunt in loco: quod ita intelligen-
 dum est, vt incorporea non contineantur,
 seu non circumscribantur à loco: hoc au-
 tem est per se notum solis sapientibus, quia
 soli sapientes perfectè intelligunt quid sit
 esse

esse incorporeum, & quid sit circumscribā
à loco his suppositis.

Dico primo cum Diuo Thoma: darē
Deum est per se notum quoad se. Proba-
tur conclusio, quia illud est per se notum
quod se, cuius prædicata essentialiter in-
ter se connectuntur, sed hoc prædicatum
existere essentialiter connectitur cum hoc
alio Deus: ergo Deum existere est per se
notum quo ad se, quod hoc prædicatum
existere essentialiter imbibatur in conceptu
Dei probatur, quia Deus in suo conceptu
quidditativo inuoluit omnem omnino per-
fectionem (Intellige conceptum quiddita-
tium adæquatum) sed necessitas existendi
est aliqua, & quidem magna perfectio, er-
go Deus in suo conceptu formali inuoluit
necessitatem existendi, sine necessariam exi-
stentiam. Confirmatur, & explicatur hoc
idem, quia quod non existit re ipsa nihil
est, adeoque deficit à perfectione essendi;
sed Deus in suo conceptu quidditativo ex-
cludit omnem defectum; ergo excludit nō
esse; excludere autem non esse est formali-
ter includere esse.

Confirmatur iterum, quia Deus est Ens,
quo melius excogitari non potest: sed si
non includeret in suo conceptu quidditati-
uo necessitatē existendi, posset aliquid ex-
cogitari melius ipso: ergo Deus inuoluit in
suo cōceptu quidditativo necessitatem exi-
stendi. Maior est prima, & communissima
notio Dei. Minor probatur: quia ens ex suo
conceptu quidditativo indefectibile, me-

lius est, quam non indefectibile. Si igitur ex vna parte ponas Deum cum reliquis prædicatis, hoc dempto: & altera parte eadem prædicata cum hoc insuper, quod sit indefectibile, manifestum est hoc secundū melius esse quam primum.

Dico 2. Deum existere est per se notum sapientibus. Inter sapientes primo loco ponendi sunt Beati, qui clarè, & intuituè Deum contemplantur, adeoq. habent talem euidentiā de Dei existentia, qualem nos habemus de existentia Solis. Præter Beatos si aliqui in hac vita non ad intuitionem Dei, sed ad perfectionem sublimis sapientiæ pertingunt ad tantum assequuntur, vt de hac veritate; *Deus est*, nequeant dubitare Id quomodo assequantur explicabitur articulo sequenti.

Aliis à sapientibus non est per se notum, quia vt ait D. Thomas, quod ab aliquo negari potest non est omnibus per se notum: sed Deum existere ab aliquibus negatū est: ergo Deum existere non est per se notum omnibus Minor probatur, quia: *Dixit insipiens in corde suo, Non est Deus*. Vbi nomine insipientis non est intelligendus homo, qui non habeat vsum rationis, nam homini, qui ob defectum, vel ætatis ob dementiam ratione non vtitur, non exprobat, quod neget existentiam Dei. Ratio est, quia Deus non exprobat, nisi quod vel peccatum est, uel pœna peccati. Nomine igitur insipientis intelligendus est Atheus, qui posuit in corde suo, vt non intelligerat.

Que-

Quemadmodum autem quia ita est per se notum, quod duo, & tria faciunt quinque : & *Totum est maius sua parte* : vt nemo intelligens hos terminos possit huic veritati negare, assensum, hæc dicunt per se nota, quo ad omnes, ita è conuerso, quia aliqui intelligens hos terminos: *Deus existit* potest negare assensam, dicendo v. g. nullum ens existere, quo nequeat existere melius; idèd hæc veritas non est per se nota quo ad omnes: ijs autem, quibus non est per se nota, opus est demonstratione.

A R T I C V L V S II.

An sit demonstrabile Deum existere?

AD hoc quæsitum respondemus affirmatiue cum D. Tho. 1. p. q. 2. a 2. Sunt qui credant demonstrari quali à priori hoc argumento. Est euidens per rationem optimi non destitui rationem entis, ergo est euidens esse possibile ens optimum. Sed si est euidenter possibile, euidenter existit, ergo est euidens ens optimum existere : hoc autem est Deus. Minor subsumpta probatur : quia positis cæteris perfectionibus melius est existere quam non existere, ergo si non existit non est optimum, potest enim cogitari melius ipso. Probatur iam primum antec. quia est euidens rationem boni non pugnare cum ratione entis, ergo nec ratioem optimi. Conseq. prob. quia bonum additum bono facit malius. Sicut sa-

pientia addita sapientiæ facit sapientio- rem
 calor additus calori facit calidus. Immo
 quo plus addis boni plus addis ectis, cum
 bonum, & ens dicantur ad conuertentiam.
 Confirm. quia est euidens quod chimera
 non est id quo melius cogitari non potest,
 ergo est euidens. quod qui concepit id quo
 melius cogitari non potest non concipit chi-
 meram.

Totum hoc argumentum, sed pauciori-
 bus veris sibi proponit D. Tho. quasi con-
 tra se probaturus esse omnibus per se notum
 Deum existere, & clarissimè soluit, aien-
 do quod etiam si quis intelligat quid signi-
 ficetur hoc nomine *Deus*, videlicet *illud quo
 maius cogitari non potest*, non sequitur ob-
 iectum significatum esse in *rerum natura*,
sed in apprehensione Intellectus tantum,
 ita 1. p. q. 2. a. 2. ad 2. instituendo igitur re-
 sponssioni Doctoris Angelici.

Resp. neg. anteq. ad prob. cōc. anteq. neg.
 conseq. Ad cuius prob. dist. bonum quacū-
 que additione additum bono facit euiden-
 ter melius, nego, aliqua additione: conc.
 Idem dic de sapientia addita sapientiæ, de
 calore addito calori: si enim sapientiam
 addas qua maior haberi nequeat. non est
 euidens te non addere sapientiam chi-
 meram: sicut si abbas calorem quo maior
 nequeat esse, addis in sententia multorum
 calorem chimericum. Eodem modo si ad-
 das bonum quo maius cogitari non possit,
 non est euidens te non addere bonum chi-
 mericum: adeoque te per huiusmodi con-

ceptus non facere chimeras. Ad confirm. dist. antec. est evidens quod chimera non est realiter id quo melius &c. conc. non est obiectiue, & in apprehensione intellectus tantum id quo melius &c. neg. antec. &c. Si non est evidens hanc rationem: *id quo maius cogitari non potest* non esse chimera: neque est evidens chimera non esse id quo maius &c.

Dices. Ergo, qui concipit illud reale, quo maius cogitari non potest concipit id quod est evidens non esse chimera. Resp. neg. conseq. Verum est quod si realiter detur illud reale quo maius &c: non est chimera, non est autem evidens ex eo quod concipiatur, quod detur; Est autem evidens quod etiam si esset impossibile realiter dari, adhuc est impossibile concipi illud reale quo maius &c. Sicut est evidens posse concipi creaturam qua nihil melius possit dari, quamvis sit evidens hanc esse chimera. Vide disp. 4. Log. q. 6. a 3. ubi inter alias chimeras inuenies hanc. *Chimera existens à parterei*. Ex eo autem quod ita sit in apprehensione intellectus male argues ita esse in rerum natura: ut hebes ex D. Tho. loco supracit. Cur enim Intellectus nequeat appingere prædicatum realisi & realiter existentis etiam impossibili? quasi vero per hoc quod ita apprehendat, aut etiam iudicet, ita re ipsa sit. Dum igitur concipis. *Illud reale quo maius cogitari non potest*, est evidens esse obiectiue in intellectu. Quod illud reale &c. Sed non est evidens es-

se præterea aut posse esse in rerum natura : quod non est datum , ait Sanctus Doctor deponentibus Deum non esse , Ratio autem cur non sit evidens non repugnare rationem optimi est , quia ad huiusmodi rationem requiritur tot perfectionum complexio ut non sit evidens vnam ab altera non excludi , cum ex perfectionibus , quæ nobis hic innotescunt multæ sint tales ut aliæ cum alijs pugnent .

Dices . Nulla perfectio pugnat cum alia , qua perfectio est , sed solum ratione imperfectionis admixtæ , ergo in obiecto , in quo non ponatur vlla imperfectio , sed solum omnis perfectio est evidens non potest pugnare .

Resp. trans. antec. neg. conseq. Quia hoc ipsum non est ex se evidens in complexione omniæ perfectionū nullā esse , cui non sit admixta hæc imperfectio qua cum aliqua alia sit impossibilis . Imo non cuilibet perfectioni hoc inesse ut cum aliqua alia pugnet . Vbi aduertens non dicere quod detur repugnantia in complexione omniū omnino perfectionum . Hoc enim est falsum , sed quod non sit evidens talem repugnantiam non dari . Catarum dari ens optimum eodem D. Thoma duce , non à priori , quia est essent aliter in causarum , non quasi à priori & veluti per causam formalem , quia cum nullum prædicatum proprium Dei sit nobis per se notum , nequit , nisi aliunde probetur , esse medium ad demonstrationem suæ existentia , sed à posteriori ,

Sic

Sit primo loco demonstratio Dei per rationem primi mouentis immobilis, quam Philosophus non semel adducit, & D. Thomas illustrat. In conceptu primi mouentis immobilis omnis omnino perfectio includitur, quod enim ulterius perfectibile est non est immobile, cum possit ad ulteriorem perfectionem moueri. Sic autem proponitur demonstratio prædicta. Omne, quod mouetur, ab alio mouetur: ergo datur ali- quod mouens immobile. Consequentia probatur, quia si etiam mouens mouetur, vel ab alio mouetur, vel falsum est omne quod mouetur, ab alio moueri, si autem ab alio mouetur, vel illud aliud mouet immotum, vel non. Si immotum, habes intentum, si secus, in infinitum procedens, nec habes vllum motum, si enim in mouentibus & motis in infinitum proceditur, nihil mouetur, cum nihil sit primum vnde motus.

Circa antecedens statim tibi occurrit diuisio alibi facta à D. Thoma: mobilis videlicet, in illud, quod mouet se, & illud, quod ab alio mouetur. Animata sunt mobilia, quæ mouent se; inanimata verò mouentur ab alio, vt dicemus infra. Ex hec diuisione videtur falsificari hoc principium: Omne quod mouetur, ab alio mouetur, cum alterum ex membris diuidentibus mobile, sit contradictorium huius principii, videlicet, omne quod mouetur, vel à se mouetur, vel ab alio. Verum male reducitur hac prædicta diuisio, nam
etiam

etiam animata dum mouent se ipsa, ab alio mouentur: Puta à bono alliciente, si appetant, à malore pellente, fugiant. Quod aulem omne id quod mouetur ab alio moueatur, probamus cum D. Thomas sic.

Omne id quod mouetur est in potentia ad id ad quod mouetur: quod autem est in potentia ad aliquid, nequit reducere se ipsum à potentia in actum, sed indiget reduci in actum ab eo, quod est in actu. Exemplificat D. Thomas in calido, quod calidum actu est, frigidum vero potentia. Calidum inquit in actu, & frigidum in potentia nequit reducere se ad actum frigidi, quia reducere frigidum potentia in actum frigidi pertinet ad frigidum actu, idem autem secundum idem non est simul in actu, & simul in potentia, ergo reducere à potentia in actum pertinet non ad id, quod est in potentia, sed ad id, quod est in actu, puta reducere potentia frigidum in actu frigidum pertinet ad aquam, reducere potentia calidum in actu calidum pertinet ad ignem. Omne igitur, quod mouetur, ab alio mouetur. Totus hic discursus breuiter sic comprehenditur, Omne quod mouetur reducit à potentia in actum, sed omne quod reducit à potentia in actum ab alio reducit, ergo omne quod mouetur, ab alio mouetur. Maior probatur ex definitione motus, qui est actus entis in potentia prout in potentia, hoc est actualis quedam tendentia in ulteriorem perfectionem. Minor habetur ex dictis, quia pertinet ad id.

id, quod est in actu reducere in actum id quod est in potentia. Nequit autem respectu eiusdem idem esse in actu, & in potentia.

Multa hic, si per tempus licet, examinanda forent circa minorem. Videtur enim quod aliquid reducat se ipsum à potentia in actu. Intellectus a potentia intelligendi reducit se in actum intelligendi, voluntas à potentia volendi in actum volendi, imo videtur hoc esse de conceptu potentia, ut transire possit ad actum; de conceptu inquam potentia actiua; si igitur dicas hoc principium: Omne quod a potentia reducit in actum, ab aliquo reducit, quod iam est in actu: intelligendum esse cum limitatione ad potentiam passiuam; probabiliter dixeris. Exemplum D. Thomæ adhibebis sic: Aqua si sit in actu calida, & in potentia frigida, non indiget frigido in actu, ut à potentia reducat in actum; sed ipsa per se ipsam est radix suæ frigiditatis, & principium productiuum eiusdem: si autem est actu frigida, potentia vero calida; tunc indiget calido in actu, puta igne, ad hoc, ut potentia calida euadat actu calida. Ratio est: quia frigiditatis est potentia actiua, caloris autem passiuus. Ex hac doctrina paret non rediter intelligendum esse principium D. Thomæ, & Philosophi: si autem non ruditer, sed ut oportet intelligas, habes in exemplis quibus vteris contra prædictum principium, probationem eiusdem principij.

Omne quod mouetur ab alio mouetur ; dupliciter intelligi potest. Primò vt sensus sit , Omne id quod mouetur ad vltiorem perfectionem moueri , & consequenter ab vltiori perfectione per modum trahentis , aut aliquo alio modo determinantis ad hunc motum , & in hoc sensu verum est principium : est enim impossibile , quod intelligas rem in motus , quin eo ipso intelligas tendentem ad vltius bonum , idque præcipue in his , quæ dicuntur mouere se ipsa . Puta aqua ; dum mouet se ad frigus , ad vltius bonum mouetur ; Intellectus cū in actum intelligendi , voluntas cum in actum volendi sese reducant , ad vltiora bona per motus eiusmodi tendunt , vnde dixit Philosophus solum summum bonum mouere immotum , quia eo ipso , quod est omne bonum , ad nullum vltius tendere potest ; adeoque cætera omnia mouet tum efficienter , vt dictum est vbi de concursu Dei , cum finaliter , quia ipse est omnium vltissimus finis ; cætera autem etiam dum se mouent , mouentur , quia ab vltiori bono trahuntur . Repetiri autem in aliquo ente omne bonum , adeoque impossibilitatem vltioris boni ex abundantia hoc argumento non demonstratur . Hinc Commentator Doctoris Angelici Caietanus fatetur prædictu argumento nō magis probari mouens immobile , quod sit Deus ; quam quolibet aliud : adeoque non afferri à D. Th. nisi vt probentur quædam prædicata , quæ deinde ostendet conuenire Deo .

Secundus sensus prædicti principii esse potest: Omne quod à non esse mouetur ad esse, ab aliquo moueri quod sit à se hoc est quod à nullo alio educatur de non esse ad esse. Et in hoc sensu argumentum est demonstratiuum, coinciditque cum demonstratione, quam hic subdimus.

Secunda igitur demonstratio est ab effectibus. Certum est multa fieri, nihil autem fieri à seipso. Quod multa fiant, manifestum est: nihil fieri à se ipso est æque euidens sapientibus ac quod nihil simul est, & non est, aut quodlibet aliud huiusmodi ex principijs ex se notis: alijs autem probatur sic Si idem posset facere se ipsum, idem præexistere sibi ipsi; quod enim alicui efficienter dat esse, necesse est, quod priori habeat esse nihil autem est, quod sit prius, quam sit; nihil igitur se ipsum facit: sed quidquid sit ab aliquo fieri necesse est. Non est confundenda hic controuersia impertinens ad rem præsentem; an videlicet idem per actionem *A* pendens ab aliqua causa adæquatà, possit per actionem *B* pendere à se ipso in genere causæ efficientis. Sunt qui concedant, vt videre potentis apud Ouidium, & alios. Qui tamen hoc dant. hoc etiam requirunt, vt id, quod sit, ab aliquo fiat, quod sufficit ad rem præsentem.

Iam verò si omne quod sit, ab aliquo fiat necesse est pari causam aliquam, quæ non fiat, sed sit à se: hæc autem causa est Deus; ergo datur Deus: Hæc demonstratio est Aristolica, & per viam causæ primæ. Quod de-

debeat dari aliquod ens, quod ò nullo fiat probatur: quia si etiam ipsum fieret: ab alio fieret: de illo allo rædit difficultas, an sit absq: eo quod fiat; an etiam ipsum ab alio fiat: & sic in infinitū: igitur deueniendū est ad aliquid causans omnia, cum ipsū à nullo causetur. Hanc demonstrationem esse ad captum etiam rudiorum nonnulli obseruāt, sed in hoc decipiuntur, quod ex eo capite illam minoris æstiment. Esse ad captum rudiorum pater, quia nullus est, qui excurrendo per omnes effectus, statim non assentitur, nullum ex ipsis esse sui ipsius causam: immo qui non irideat Sophistan, si suadere velit aliquid à se ipso esse factum. Puta Rusticus nō creder hanc catedram esse factam à se, nec hanc imaginē, nec quidlibet aliud, sed pro quocumque effectu semper ad causam recurret ab ipso distinctam. Quod autem deueniendum sit ad aliquam causam, quæ non sit facta, facile ostenditur per repugnantiam, non infiniti, quod multi, lique sapientes admittunt: sed processus in infinitum in inuestigatione causarum efficietiam, quem processum nullus, nisi ignorans admittit.

Demonstratur tertio ex contingentia eorum, quæ vidimus existere. Nos ipsi ita existimus, vt aliquando non extirerimus: contingenter igitur existimus. Idem dic de maioribus nostris, & de vniuersis rebus creatis quæ indifferentes sunt vt existant, vel non existant. Ex hac autem indiffesentia rectè infertur existentia entis necessarij, cuius cate-

ra indigent, ut sint, cum ipsum nullo alio
indigeat. Proponitur si hoc argumentum.
Si omnia essent simpliciter indifferentia
ad esse, & non esse; ita ut nihil necessario
existeret, nihil omnino existeret: conse-
quens est euidenter falsum; ergo & ante-
cedens. sequela maioris probatur, quia si
A est indifferens ut sit, vel non sit, ab alio
debet determinari ut sit potius, quam non
sit; *B* determinatur igitur à *B*. Rursus si ip-
sum *B* est indifferens, ut sit, vel non sit, eo
ipso ad esse potius, quam ad non esse de-
terminari debet ab alio; determinetur igi-
tur à *C*, & sic de cæteris; si autem sic in
infinitum procedas, nunquam habebis pri-
mum determinans & per consequens nul-
lum habebis determinatum.

Explicatur hoc idem vberius: suppona-
mus causam illam à qua cætera determina-
ta sunt ad existendum, fuisse ipsum etiã in-
differentem ad hoc, ut existeret, vel nō exi-
steret. Peto quis illam determinarit ad exi-
stendum: non enim potuit determinari ad
existendum, nisi ab aliquo determinatè exi-
stente. Rursus interrogo, an illud aliud
determinatè existens esset se ipso deter-
minatum ad esse, an determinatum ab al-
io. Si primum; habeo intentum. Si se-
cundum; idem argumentum instauro. Et
sic procedatur in infinitum in inuestiga-
tione determinantium, & determinato-
rum, & nec inuenietur primum, a quo de-
terminatio.

Quod si aliquis non satis intelligens,
quid

quid sit abire in infinitum, pertinaciter affirmaret, etiam in illo infinito posse inueniri primum, vnde determinatio: roga, an illud primum sit se ipso determinatum ad esse, adeoque, an sit ens simpliciter, & metaphysicè necessarium; an ipsum etiam debuerit ab alio determinari? si primum; habes Deum: si secundum: ergo illud non est primum vnde determinatio.

Dicas: dictum est in Physica, vnāquamque rem per se ipsam, & non per aliud esse determinatam ad existendum: ergo hic male recurritur ad aliquid, per quod quælibet res determinetur ad existendum potius, quam non existendum,

Respondeo, illic sermonem fuisse de determinatione in genere causæ formalis: hic de determinatione in genere causæ efficiētis. Deus, & creatura non differunt in hoc, quod hæc determinetur ad existendum per aliquid à se distinctum in genere causæ formalis, Deus autem per se ipsum: sed in hoc, quod hæc essentialiter exigat determinari ab alio in genere causæ efficientis: Deus autem essentialiter excludat à se omnem causam efficientem.

Porro ex prædicta necessitate existendi siue ex ipsamet quideitate entis simpliciter necessarij ingeniosi recentioris inferunt carentiam omnis imperfectionis, siue omnis omnino perfectionis plenitudinem: inferunt autem sic: id, quod nulli displiceat potest nisi insipienti, nullum habet de-

fectum: sed ens necessarium nulli displicere potest, nisi insipienti: ergo eas necessarium nullum habet defectum, Maior probatur, quia omnis defectus est rationabile motuum displicentiæ, adeoque habens defectum potest etiam sapientibus displicere: ergo quod non potest displicere nisi insipienti est ens carens omni defectu. Iam minor est probare, videlicet, quod ens simpliciter necessarium nulli displicere possit nisi insipienti, quia quod necessario existit, quod impossibile est non existere, stultè displicet quod existat. Hoc argumentum est ingeniosum, an sit solidum, non vacat hic examinare.

Denique probatur existentia Dei à Gubernatione vniuersi, ita vt etiam veteres, qui sapientiæ studebant, admirantes potentiam, sapientiam, bonitatem, qua reguntur vniuersa, dubitare non poterint, dari prudentissimum, potentissimum, optimum rerum omnium Gubernatorē: hanc demonstrationem habet psalmista multis in locis, debet autem extendi non solum ad Gubernationē physicā vniuersi, quia videlicet terra suis temporibus generat, Cæli ordinatissimè voluuntur, redeunt tempestates & singulæ partes componentes hoc vniuersum suas vices & sua munia obeunt, sed etiam ad Gubernationem moralem qua etiam impii quamuis fingant se nihil timere, tacite tamen timeant vindicem suorum scelerum; nec proprijs cogitationibus fidunt, intelligentes dum statu naturæ esse aliquem, quem etiam secre-

to peccantes debent formidare. Hæc eadem naturæ ductu ingenta omnibus Dei intelligentia sicut terret impios; solatur bonos, qui suarum etiam cogitationum testem se habere Deum, & præmiatorem intelligunt, atquæ hæc circa demonstrabilitatem existentia Dei sufficiant.

DISPUTATIO V.

*De conditionibus ad agendum
requisitis.*

QVÆSTIO I,

De alteratione similis à simili.

NUllam causam creatam agere sine concursu increatae ostensum est supra. Præter concursum huiusmodi exigit causa secunda conditiones quasdam, sine quibus aut omnino, aut naturaliter agere nequit. Quærimus autem hic, an inter conditiones necessario requisitas numeranda sit dissimilitudo inter ea, quæ agunt, & patiuntur: & primo quidem: an alterabile nequeat nisi à dissimili alterari. In hac controuersia dicendum est cum Philosopho 1. de Genet. textu 48. 50. & 52. simile non alterari à simili. Non quodcumque, ait ille, natum est pati, & facere: sed quæcumq, aut

contraria sunt, aut contrarietatem habent.

Vbi late docet, quod quæ ad inuicem agunt, & patiuntur secundum qualitates alteratiuas, habent aliquam similitudinem, quatenus sunt in eodem genere, & aliquam dissimilitudinem, quatenus sunt in diuersa specie; intellige secundum eas qualitates, secundum quas agunt. Puta manus calida, & manus frigida, quæ secundum quod sunt tales, sunt in eodem genere, videlicet in prædicamento *qualis*. & in eodem maxime distant, videlicet secundum calorem, & frigus,

Probatur autem conclusio 1. autoritate & ratione Philosophi. Quia omne agens in agendo intendit assimilare sibi passum; si autem simile ageret in simile, non assimilaret, sed dissimilaret; ergo simile nequit agere in simile. Ratio fundamentalis, quam alibi etiam attingimus est: quia omnis alteratio est ex natura rei ordinata ad mutationem secundum substantiam, siue ad generationem: omne igitur agens agit, vt faciat nouam substantiam, siue vt assimilet sibi substantialiter passum; ad assimilationem autem substantialem prærequiritur assimilatio accidentalis; ergo omne agens secundum qualitatem agit, vt possum sibi assimilet secundum illam qualitatem, secundum quam illud alterat; quod autem simile agens in simile dissimilaret sibi passum, manifestum est.

Probatur 2. eadem conclusio alia ratione eiusdem Philosophi. Quia si sint duo similia,

milia, puta A, & B vtrumque calidum vt quinque, non est potior ratio, cur vnum agat quam alterum; ergo neutrum agat, vel vtrumq. non vtrumq. ergo neutrum. Maior est euidens, min. prob. quia si agit vtrumque, duo similia se inuicem destruent, sed omnis destructio in substantiis corruptibilibus est ab aliquo contrario; ergo vnum simile erit alteri contrarium; & duo similia erunt duo sibi mutuo contraria, quod repugnat interminis. Destructionem in predictis substantiis esse à contrario, patet ex principio alibi explicato, corruptio vnius est generatio alterius, actio igitur destructiua vnius est alterius generatiua. immo actio destructiua primario, & per se est generatiua. Si autem generatiua certe nō alius rei similis illi quam destruit, sed dissimilis, similis autem sibi. Puta actio corruptiua ligni, est generatiua alterius, non ligni, sed ignis, si ab igne lignum corrumpitur. Debet igitur agens esse dissimile rei, quam corrumpit.

Probatur 3. alia ratione eiusdem. Si B simili, aut ille, pati aliquid possibile est, & ipsum à seipso. Proinde his ita se habentibus nihil utique erit aut incorruptibile, aut immobile, si simile secundum quod simili actiuum. ipsum enim seipsum monebit omne. Hoc est si simile potest pati à simili, idem potest pati à seipso: consequens est absurdum, ergo & antecedens Minorem probat Philosophus, quia si idem patitur à seipso nihil erit incorruptibile, aut immobile,

consequens est inconueniens : ergo & antecedens . Probat sequelam mai. quia quolibet substantia sensibilis , cum habeat aliquam qualitatem alteratiuam , puta aliquid caloris , frigoris , &c. habet id à quo necessario patitur , & corrumpatur : & consequenter ipsa se sua qualitate alterabit , atque corrumpet.

Confirmatur hic discursus : quia si simile agit id simile , ideo agit , quia ad agendum , & patiendum sufficit potentia actiua agentis , & passiuæ subiecti ; quarum vtraque reperiri videtur in duobus inter se similibus . Puta calidum *A* est potens producere vñ gradum caloris , & calidum *B* potens illum recipere : sed etiam in ipso met calido *A* reperitur hæc vtraque potentia ; ergo etiam calidum *A* poterit agere in seipsum Minor probatur : quia vere calidum *A* vt quinque est potens producere vnum gradū caloris , & in eodem datur potentia vnius gradus recipiendi . Valet igitur discursus Philosophi : simile pati potest à simili , & idem à seipso .

Ratio autem agēdi secundum qualitates corruptiuas assignata à Philosopho , sicut repellit actionem eiusdē in seipsum , ita & actionem similis in simile . Ad hoc , inquit , vt vnum moliat destructionem alterius . debet esse contrarium illi ; idem autem non est sibi contrarium : nequit igitur idem sui ipsius destructionem moliri ; vides idem omnino valere contra actionem similis in simile : nam simile non est contrarium simili .

li, nequit igitur similo sui similis destructio-
nem moliri. Sicut igitur idem non alterat
seipsum, nec simile alterat simile; quando-
quidem alteratio est inchoata corruptio.

Qui discursum Philosophi voce tenuis
accipiet, ubi dicit. *Sit idem patitur a seipso.*
nihil utique erit aut incorruptibile, aut im-
mobile. Concedet seq. mai. negabitque ab-
surdum esse ex substantijs, de quibus hic,
nullam esse aut incorruptibilem, aut im-
mobilem. Cū sermo sit de substantij cor-
ruptibilibus. Qui sic respondebit Philoso-
pho, id vnum ostendet, se non assequi men-
tem Philosophi: sensus enim eorum, quæ
dicta sunt, est, quod si idem ageret in seipsū
semper moueret se ad interitū; per qua-
litates sibi debitas & innatas seipsum cor-
rumperet, cum tamen & ratione, & expe-
rientia constet ex iis, de quibus hic agimus
corrumpi nihil, nisi à contrario, quodlibet
autem eo durare diutius, quo à contrario
magis remouetur.

Obije: 1. Minus intensum agere potest
in magis intensum: ergo multo magis si-
mile agere potest in simile. Probatur cons.
quia simile respectu similis plus habet vir-
tutis actiuae, quam minus intensum respec-
tu magis intensi. Anteced. probatur ex-
perientia, quia aer frigidus congelat a-
quam: sed aer est minus frigidus, quam a-
qua, ergo minus frigidum agit in magis fri-
gidum.

Resp. neg. antec. cuius falsitas alibi o-
stensa est per illud proloquium: actio est à
pro

proportione maioris in aqualitatis. Ad probandum respondetur 1. neg. mai. Causa adæquatè congelatiua aquæ non est aer frigidus, sed simul cum aere multæ particulæ corporum exiccantium, & adstringentium. Adeoque à solo frigore glaciem esse negant communiter Meteoristæ. Certè ad congelationem concurrere multos spiritus igneos manifestum est congelatoribus qui & niuem & glaciem, ut diutius durent & acri sagant, multo sale inspergunt. Respondetur 2. neg. min. vnde enim habet arguens aerem esse minus frigidum aqua; Quod aqua grauius efficiat sensum etiam in genere frigida haberi potest à densitate ipsius etiam cum minori intensione frigoris. Caterum quando aer imminens aquæ congelat aquam, est aqua frigidior, ut latè ostendi posset.

Obiic. 2. Ferrum candens producit ignem: ergo minus calidum producit magis calidum. Antecedens probatur experientia: quia ferrum cādens comburit stuppam, illamque euertit in ignem. Hinc probatur conf. Ignis enim est ferro cādente calidior.

Resp. omisso antec. neg. conf. Ad probat. Ignis est calidior ferro, non, tamen est calidior igne, qui in ferro includitur. Ferrum candens non solum est calidum, sed ignitum; quod patet ex crustula illa, quæ in eodem refrigerato apparet; quæ nihil aliud est, quam carbo quidam ab igne relictus ex ferro, sicut relinquitur ex ligno

combusto. Præterea in eiusdem ferri meatibus, & poris inclusæ sunt multæ particule igneæ, quæ stuppam instammat. Vltcrius non est certum quemlibet ignem esse calidiorem quolibet ferro intensissime calido. Calor enim etiam minus intensus cum alia accidentium complexione fortasse sufficiet ad ignem excitandum ex stuppa, qui cum in ferro non sit cum eadem, sed cum longe diuersa, ad conuertendum ferrum in ignem non sufficeret.

Obijc. 3. Potest cum æquali intensione qualitatis dari inæqualitas secundum raritatem, & densitatem: ergo vnum simile poterit agere in aliterum; puta magis densum in minus. Ant. est cerum: probatur cons. quia maior densitas æqualei maiori intensioni: & consequenter sicut intensius ageret in minus intensum, ita densius in minus densum. Confim. quia per densitatem vis actiua magis vnitur? vis autem vnita fortior.

Resp. 1. quod etiam si ita esset. nihil esset contra intentum: si enim densitas maior maiori æqualet intensioni, per hanc ipsam æquivalentiam tollitur similitudo. Propterea etiam in nostra sententia à multis conceditur totum.

Resp. 2. conc. anteced. neg. conseq. Ad probat. distigue; densitas maior æqualet maiori intensioni quoad omnia: nega: quo ad aliqua: concede. Maior densitas quia mais vnit partes agentis, reddit agēs validius; non tamen ita validum vt plus
quali-

qualitatis det quam habeat, seu vt inten-
dat supra se possum. Ratio est in illo prin-
cipio quod supra diximus, agens secundum
qualitatem alteratiua agit vt secundum illa
assimilet sibi passum.

Obijc. 4. Sic moles ignea vndecumq; al-
maris, huic si manum admoucas magis ca-
lesces quam calefieres, si ab eadem mole de-
traheretur dimidium, ita vt remaneret so-
lum semipalmaris: ergo non solum prima
medietas, sed etiam secunda agit in manū
hoc est non solum illa molis medietas an-
terior manui proxima; sed etia posterior
agit in manum; sed hoc saluari nequit sine
actione similis in simile: ergo &c. Minor
subsumpta probatur, quia si posterior me-
dietas ignis agit in manum non agendo in
primam & anteriorem medietatem, datur
actio in distans; hanc autem non dari sup-
ponitur ex dicendis; ergo medietas poste-
rior agere debet in manum agendo simul
in medietatem anteriorem. Hoc idem ar-
gumentum valet de duobus ignibus sibi
proximis: cui libet enim manus approxime-
tur, magis calefiet quam si esset vnicus, o-
porteret igitur vt qui pone alterum est, &
trans alterum & per alterum, & consequen-
ter in alterum agat.

Resp. 1. hoc argumento, si quid va-
leret, probatum iri non solum actionem
similis in simile, posito quod non datur a-
ctio in distans, sed etiam quod in subiecto
produci deberet qualitatis intensio supra
maximam inter possibiles. Pone enim duo

agentia ambo calida vtroque; certe cuiusq. manum ad moueris, magis calefies quam si esset vnicum: igitur alterum trans alterum & per alterum, & consequenter in alterum ager: sed vtrumque supponitur calidum in summo: ergo in collo vt summo augebitur calor, quod est naturaliter impossibile tam apud nos, quam apud arguentem.

Resp. 2. in forma admittendo hypothesim. Et transmissio toto primo entimemate, nego min rem subsumptam. Ad probationem, nega & primam medietatem agere in secundam, & dari actionem in distans. Tota equiuocatio est in hoc principio: *non datur actio in distans*, quod non ita debet intelligi vt inter quamlibet partem agentis & passum, nihil detur in quod ista non agat. Hoc enim est falsum, sed ita vt inter agens totale & passum, nihil detur in quod hoc non agat. In hypotesi autem admissa, inter totam molem igneam, & manum nihil crediat nisi aer, qui etiam ab eodem igne incaluit.

Transmisi &c. quia tota moles agit, quæ est tam prima quam secunda medietas, non actu, sed potentia. Quod si fingas esse actu has medietates, dic solum proximam manui agere, idque in quocunque tandem medietates molem diuidas: per alteram autem impediri agens contrarium, ne de eiusdem actiuitate quicquam diminuat; adeoque etiam alteri medietati deberi quod hæc tam acriter agat.

Dices. Ergo calefactio erit directe à sola

la vltima superficie. Prob. conf. quia hæc sola est proxima calefactibili: tota vero reliqua moles solum indirectè calefacit, quatenus conseruat vim calefactiuam remouendo actionem contrarij.

Resp. neg. conf. & suppositum consequ. puræ superficies vel non dantur, vt diximus in Physica, vel si dantur, secundum Philos. non sunt actiue. Actio igitur est à qualibet parte sensibili molis prædictæ modo explicato.

Ad aliud de duobus agentibus dic vel simul coalescere in vnum, vel si actio est ab vnico, dic ideo esse validiorem quia per alterum impeditur agens contrarium, ne in idem in passum agat, aut agens impediat ab agendo.

Obiic. 5. Duo luminosa æqualia in intensione luminis se mutuo augment; ergo datur actio similis in simile inter luminosa; ergo etiam dari poterit inter duo calida. Prima consequ. est euident: probatur secunda, quia non est potior ratio de vnis quam de alijs. Antec. autem probatur experientia, si post luminosum *A* ponatur in aliqua distantia luminosum *B*; luminosum posterius transmittit lucem per luminosum anterius, & tamen sunt æqualia in intensione luminis; ergo æqualia agunt in se inuicem: tam enim luminosum *B* cernitur trans luminosum *A*, quam luminosum *A* trans luminosum *B*.

Resp. questionem à nobis propositā esse circa similia in qualitatibus alteratiuis, non

circa similia in qualitatibus actiuis quidem,
se non alteratiuis. Nam circa hæc est spe-
cialis difficultas. Et quidem ex ijs qui ne-
gant actionem similis in simile secundum
qualitates corruptiuas, alii negant, alii con-
cedunt actionem similis in simile secundum
qualitates pure actiuas. Itaq; transmittit
antec. & primam conseq. nega secundam.
Ad probationem dic esse potiore ratio-
nem de vnis quam de aliis, ea autem est
multiplex, sed præcipua petenda est ex fi-
ne naturæ in vtrisque agentibus. Nam, vt
vidimus ex Philosopho, agens secundum
qualitates corruptiuas agit vt assimilet sibi
passum realiter, & propaget se realiter se-
cundum speciem, hoc est vt aliam substan-
tiam edat sibi similem. Agens vero secun-
dum lumen solum agit vt assimit realiter si-
bi passum, sed tum vt se manifestet poten-
tiæ visuæ, tum vt alia eidem potentiæ vi-
sibili reddat. hoc est vt propaget se non
secundum esse reale, sed secundum esse in-
tentionale. Hinc habes quod si primum
agat in simile, agit contra finem naturæ &
contra impetum innatum agendi, secus se-
cundum. Da duas manus calidas vt quin-
que mutuo intendere suum calorem, mu-
tuo se comburent. Da duas candelas mu-
tuo intendere suam lucem, mutuo se elu-
rificabunt: Hæc sufficerent ad solutionem
argumenti. Ad veritatis autem indagatio-
nem instituenda est.

Q V Æ S T I O II.

*An simile secundum qualitates non cor-
ruptiuas agat in simile.*

SVpponendum hic pro certo duo lumi-
nosa æqualia in intensione luminis, pu-
ta duas faces *A* & *B* ita disponi posset vt
vna trans alteram videatur. Hinc alii
aiunt, alii negant sequi actionem similis in
simile. Ad actionem similis in simile requi-
ritur vt terminus qui producitur sit eiusdem
rationis cum eo quod præerat in passo,
passumque assimilabat agenti. Ita calidum
vt quinq. si alterum calidum item vt quin-
que in calore intenderet, esset vera actio
similis in simile. Si autem calidum vt quiu-
que alterum calidum vt quinque illumina-
ret, non propterea diceretur simile agere
in simile.

Atque; huc reduciur à nonnullis punctū
præsentis controuersia: dum admittunt lu-
men à luminoso *A* transmitti per luminosū
B: sed negant lumen diffusum eiusdem ra-
tionis esse cum lumine innato, hoc est in-
trinseco ipsimet luminoso, Quod si ita est
etiam luminosum *A* actione sua augeat lu-
men in luminoso *B*. non tamen agit in si-
mile actione de quo hic, quia non producit
in passo aliquid eiusdem rationis cum eo
quod in eodem præerat, reddebatq; lumino-
sum simile luminoso:

Admissa tamen similitudine inter lumen

innatum luminoso, & lumen ab eodem diffusum, adhuc dubitari potest an detur actio similis in simile inter prædicta luminosa. Nam si quis diceret luminosam *A* transmittere per luminosam *B* ad oculum vidētis & lumen & speciem sui, ita tamen ut in luminoso *B* non producat lucem, sed solum speciem sui coloris: per actionem autem talis speciei productiuam, transfuset usque ad oculum actionem productiuam lucis: quomodo redargui posset?

Dicendum est primo. Siue actione similis in simile saluari potest quod luminosum *B* appareat & videatur trans luminosum *A*, & è conuerso, etiam dato quod lumen diffusum sit eiusdem rationis cum eo quod est in intrinsecum luminoso.

Probatur hæc conclusio. Quia ad hoc ut luminosum *A* transmittat lumen ad oculum sine actione in distans, sufficit quod in medio aliquid agat. sed potest in medio aliquid agere, etiam si in medio non producat lumen, ergo potest transmittere lumen non producendo lumen in medio, sine actione in distans. Maior est certa ex dicendis. Ad hoc ut agens producat aliquid in remoto sine actione instans, non requiritur ut idem agat in medio quod in remoto. Ita sol produciens in visceribus terræ aurum & argentum non propterea agit in distans, quia non idem producit in spatio intermedio. Minor autem probatur; quia potest in luminoso interposito producere speciem sui coloris; & cum actione talium specierum producti-

ua propagare ulterius actionem luminis productiuam, sicut sol cum actione productiua & diffusiuā lucis, aliorumque influxuum per medium interpositum, propagat actionem productiuam auri & argenti in visceribus terræ.

Dices, vehiculum specierum est lux, g. species non sunt vehiculum lucis. Sicut enim absurdum esset dicere hominem vehi quidem solitum rheda, aliquando tamen ipsum esse suæ rhedæ vehiculum: ita absurdum est dicere lucem esse quidem ordinarium vehiculum specierum, species tamen aliquando fieri vehiculum lucis.

Resp. conceden. totum; vel potius transmittendo. Vehiculum specierum est lex, non tamen necessario lux quæ sit, obiecti tales species emittētis. Sicut homo vehitur curriculo, non tamen semper suo. In casu posito vehiculum specierum & actionis species propagantis esset lumen luminosi B, per quod transmittitur ad oculum videntis & lumen & species luminosi A.

Dicendum secundo. Potest in qualitatibus non corruptiuis admitti actio similis in simile. Probatur hæc conclusio ex inanitate argumentorum quæ fiunt contra actionem similis in simile. Cum igitur pateat ad oculum luminosum tras luminosum cerni, nec sit vlla ratio probans nō fieri hoc per diffusionem luminis in tota linea intermedia; probabilius est rem ita contingere vt argumentorum solutione patebit.

Obiic. 1. Si daretur actio similis in simili.

le nen essent potior ratio cur hoc ageret quam illud, g. vtrumq; ageret sed hoc est absurdum, ergo non datur, Antec. est ratio Philosophi contra actionem similis in simile. Minor subsumpra probatur, quia si vtrumq; ageret 1. idem ageret in seipsum, saltem actione reflexa, videlicet candela *A* intenderet candelam *B*, à qua ipsa inuicem intenderetur: nam candela *B* per lumen receptum à candela *A* facta luminosior illuminatricem suam reilluminaret. 2. sequeretur quod in intensione illa reciproca in infinitum ireretur. Nam *A* auget *B* & augetur à *B*, Auctum à *B* reauget magis ipsum *B* B iterum auctum iterum auget *A*, & sic in infinitum.

Resp. concesso toto primo entimemate: negando minorem subsumptam. Cōceditur hic prædictum entimema, quia discursus Philosophi contra actionē similis in simile non est contra omnem actionem, sed contra actionem agentium secundum qualitates corruptiuas. Ad probationem minoris omitto primam sequelam, quod videlicet luminosum *A* actione reflexa ageret aliquo qualiter in seipsum. Sed nego secundam, quod videlicet in reciproca luminis intentione in infinitum ireretur. Sic autem res contingeret, seu potius contingit. Luminosum *A* transmittit an luminosum *B* quantum luminis potest, sed illud quantum, potest est valde modicum. Constat enim actionem luminosi maxima in minimo spatio decrementa habere, Rursus per modicum illud
lu

luminis sibi affusum luminosum *B* factum paulu luminosius aliquid etiam, sed pauculū luminis refundit in luminosum *A*, & cum semper decreseat magnopere lumen hinc inde affusum, vt pote semper longe minus recepto, non modo non augetur in infinitum: sed contingit totum illud incrementum vix ad intensiorem vnus gradus peruenire, supra mensuram in vtroque ex luminosis præsuppositam,

Obijc. 2. Non est potior ratio cur species emissæ à colorato non sint color eiusdem rationis cum eo qui est in colorato, quam cur lumen emissum à luminoso non sit eiusdem rationis cum lumine quod est in luminoso, ergo vel species coloris sunt etiam calor, vel lumen emissum non est propriè lumen. Et consequenter etiam si luminosum diffundat lumen etiam per aliud luminosum, non propterea ager in simile, sicut per hoc quod coloratum diffundat species suspet aliud coloratum non propterea datur actio similis in simile. Quod autem coloratum diffundat species sui per aliud coloratum patet in hypothesis admissa, in quia luminosum simul & coloratum trans aliud eiusdem luminis & coloris à nobis cernitur.

Resp. neg. antec. Per lumen emissum à luminoso non cernimus ipsummet luminosum, sed obiecta quibus tale lumen affunditur. Puta per lumen emissum à sole, cerno non solem ipsum; sed hunc parietem & quolibet aliud huiusmodi. Lumen igitur

tur non est manifestatiuum solius obiecti à quo est; sed cuiuslibet à quo reflectatur ad oculum. Species vero sunt manifestatiuæ non illius obiecti à quo reflectuntur; sed illius à quo sunt. Si opponas nummum pluribus speculis itaut ab vno fiat in alterum reuerberatio, videbis per singula specula nummum, vt experientia constat, cum non quodlibet obiectum reuerberans lumen emissum à sole manifestet solem.

Obiic. 3. Si simile agit in simile etiam idem in seipsum, conseq. est absurdum, ergo & antecedens. Minor est Philosophi vt dictum est supra. Maior autem ab eodem probatur; quia non est potior ratio. Qui discursus valere videtur etiam in præfenti.

Resp. Idem agere in seipsum, vt dictum est supra, sed non eodem genere actionis quo agit ad extra. Luminosum est in se productiuum sui luminis, & per lumen in se productum diffusiuum eiusdem ad obiecta externa; Ratio à priori cur per lumen & species luminosum non agat intra seipsum, est; quia tum lumen tum species sunt vt faciât obiectum intentionaliter præsens, vbi non est præsens realiter. Vnde dicuntur communiter species esse vicariæ obiecti. Agit igitur luminosum intra actione æquiuoca, hoc est actione non à lumine ad lumen, sed à luminoso ad lumen: extra se autem actione vniuoca, videlicet quæ est à lumine & luminis præductiua. Aduerte autem inter species & lumen aliud discrimen, quod

quod videlicet lumen dicitur communiter qualitas actiua, non autem color à quo tamen species emittuntur. Ratio est, quia lumen à lumine, non autem color à colore; sed species coloris à calore est.

Dicuntur autem huiusmodi species intentionales, quia faciunt obiectum cuius sunt, præsens potentiis intentionalibus. Quamuis enim species obiecti vndecunque fundantur, tamen funduntur in gratiam potentiae intentionalis: puta potentiae visuæ. quæ per species vndecunque emissas potest vndecunque obiectum percipere.

Quæres an alia quam luminosa in se mutuo agant, si sint similia. Ratio dubitandi est præcipue circa ea quæ graua sunt aut leuia. Si manu sustineas pondus decem librarum & eidem ponderi pondus etiam minus graue superimponas, puta vnam aut alteram libram siue plumbi siue argenti, senties augeri impetum in manu supposita eamque intensius premi. En plumbum decem librarum sua grauitate pressum deorsum ab alio pondere etiam minus graui deorsum intensius permittitur: habens igitur de suo impulsus vt decem, recepit in eodem incrementum duorum aliorum graduum, in quo videtur non solum simile agere in simile, sed minus in magis intensum.

Ad hanc experientiam varii varie. Alii dicunt ex vtroque corpore manui superposito fieri vnam molem à qua indiuisibiliter procedit totus impetus manum premens; sicut

sicut v. g. duo equi trahentes currum sunt vnum agens totale à quo indiuisibiliter procedit impetus tractiuus currus : nec obstat quod ex istis corporibus aliud sit plumbum, aliud argentum, aut quidlibet aliud : plura enim etiam diuersa specie vnam molem constituunt : sicut si currui equum & asinum admoueres, non propterea non essent vnum rotale tractiuum.

Alii pondus subiectum concedunt impelli à superposito, sed aiunt id accidere per actionem æquiuocam. Aiunt enim grauitatem innatam qua corpus deorsum impellitur non esse eiusdem rationis cum impetu accecto ab extrinseco, & consequenter non dari actionem similis in simile, etiam si pondus subiectum à superposito impellatur.

Alij denique concedunt actionem similis in simili in casu posito. Hæc vltima sententia est valde probabilis. Ratio est à fine huiusmodi impulsuum, quorum est ferre corpora quibus insunt ad locum ipsis debitum, aut si non ferre, saltem niti vt ferant. Hinc huiusmodi qualitates non diffunduntur in sphaeram sed per vnam lineam premunt; quodlibet autem corpus impediatur motum seu lationem sursum quidem in leuibus, deorsum autem in grauib; neutris impedit nisum; cum igitur etiam per obicem nitantur euadere, non est cur obicem ipsum non impellant. Diuersitas autem inter impetum innatum, & impresum versus eandem lineam, non videtur necessaria.

Aduer-

Aduerte autem quod sicut minus graue impellit magis graue, ita etiam in luminosis, de quibus supra, minus luminosum agit in magis, nam minus luminosum trans magis luminosum apparet, vt experientia constat. Cur autem in his etiam minus intensum agat in magis, habes rationem eandem quam attulimus pro actione similis in simile.

Q V Æ S T I O III.

De Actione per Antiperistasis.

PEt antiperistasis idem agere in seipsum etiam actione vniuoca fuere qui existimarent. Et autem antiperistasis, quantum ad nomen attinet, circumobstantia contrarij; puta cum vel calido circumfunditur frigidum, vel frigido calidum, Contingit autem vt dum vna qualitas à sua contraria circumobundet, ipsa euadat intensior. Hinc putei, & criptæ hyeme sunt calidiores; æstate vero frigidiores. Neque enim hac in re audiendi sunt, qui hanc, & caloris, & frigoris intensiorem negant, reicientes omnia in fallaciam sensuum. Aiunt enim puteales aquas æstate frigidiores apparere, quia calidiori gutture hauriuntur, hyemo vero calidiores, quia frigidiori. Certum est dispositionem organi multum facere ad hunc, vel illam sensationem: effectus autem quos antiperistasi tribuimur saluare, velle per puram apparentiam, sensuumque fal-

discussione controuersia ibi instituenda ;
impugnatur prædicta sententia.

Primo quia species intentionales caloris non sunt contrariae frigori ; igitur non debent reperiiri e frigore tamquam a contrario. Probatur antec. quiaa quamuis album & nigrum sint inter se contraria , species tamen alibi non sunt contrariae nigro , nec è conuerso. Immo per idem medium propagantur & in eadem potentia visive recipiuntur . Pat hoc quia omnis videns simul videt album, & nigrum: & memorans albi simul meminit & nigri ; sicut & meminit simul calidi & frigidi . Ratio à priori est : quia species intentionales non sunt aptae generare aut corrumpere , & consequenter non habent in se contrarietatem illam , quæ in qualitatibus quarum sunt species .

Hinc impugnatur secundo eadem sententia . Nam species intentionales qualitatis non sunt eiusdem qualitatis productiue ; ergo etiamsi reuerberentur versus principium a quo exeunt , non propterea producent in ipso nouam qualitatem . Ratio est quia species intentionales non sunt in natura vt assimilent potentiam in quam immittuntur similitudine reali cum re à qua emittuntur ; sed solum vt assimilent illam similitudinem intentionali. Pate species Petri emissæ ad oculum Pauli non sunt in oculo vt constituent oculum realiter, sed solum vt constituent intentionaliter similem Petro .

Alterâ sententia est Toleti primo de Gener. c. 7. qu. 14. Docet hic vnum contrarium in præsentia alterius non diffundere suam actionem extra se, sed illam in se conuertere, plusque de præhabita qualitate producere, vt ab eodem melius se defendat.

Hæc sententia pugnat cum principijs quæ supra posuimus ex Philosopho. Contrarietas est ratio agendi non seipsum, sed in contrarium: & de facto etiam in antiperistasi qualitas agit contra contrarium circumobsidens quantum potest. Per hoc quod calidum à frigido circumueniuntur, non euadit sibi ipsi contrarium, & consequenter non habet rationem agendi secundum qualitatem, secundum quam ratio agendi est contrarietas.

Præterea causa productiua nouæ qualitatis per conuersionem actionis in ipsum agens, vel est ipsamet substantia vel qualitas in substantia præexistens, neutrum dici potest; ergo modus hic explicandi incrementum qualitatis in antiperistasi non subsistit. Maior est certa, min. probatur; quia qualitas quæ intenditur in substantia per antiperistasiin sâde est contraria ipsi substantiæ: absurdum est autem imaginari substantiam, vt melius se defendat à contrario plus producere in se de qualitate sibi noxia. Puta terræ & aquæ noxius est calor, frigus vero propitium, constat autem ad circumobstantiam frigidi aquam reuelcere & terram. Hieme enim & putei & cri-

ptæ

piæ aliaq; loca subterranea contempescunt ;
Nequit igitur tribui substantiæ vt defen-
denti se à suo contrario .

Præterea substantia aquæ nec in se , nec
in alio est productiua celoris ; igitur nequit
ab alio in seipsam conuertere actionem ,
productiuam caloris . Vterius substantia
non agit in extrinsecum per seipsam , ergo
non conuertit in se actionem , qua ageret
in extrinsecum .

Quod si dicas substantiam non per seip-
sam sed per qualitatem à se distinctam age-
re in seipsam , contra est primo : quia qua-
litas huiusmodi est de genere contrariorum
& à contrarietate habens rationem agen-
di , Secundo : quia qualitas ante quam cir-
cumobscideretur à contraria non intende-
bat seipsam in suo subiecto , ex illa ratio-
ne quam alibi attulimus ex Philosopho :
quod videlicet seipsum actione corruptiua
moueatur nihil : ergo neque quando circum-
obsidetur à contrario . Contrarium enim
plerumque amicum est illi substantiæ , in
qua per sui circumscistentiam oppositam
qualitatem intendit : puta frigus est ami-
cum aquæ & terræ , & tamen per circum-
scistentiam ipsius & aqua & terra repescit .
Denique qualitas in subiecto est virtus a-
gendi non ad intra , sed ad extra : vt sæpe
dictum est ; quod autem ad præsentiam
sui contrarij euadat actiua etiam aduer-
sus proprium subiectum est omnino im-
probabile , cum potius præsentia contra-
rij illam aduersus contrarium ipsum existi-
mulet .

Vera igitur ratio & causa intensiōis per antiperistasisim, est confluxus corpusculorū ea qualitate præditorum, quæ dicitur intensi. Puta aqua putealis hyeme incalescit per congregationem corpusculorum, quæ prius effluebant ex aqua, iam vero à frigido circumobstante coguntur in eadem manere. Hæc corpuscula patent ad oculum; adeo sunt copiosa. Dum enim aquam e puteo haustam aeris tepidiori exponis, eleuantur ex aqua in tanta copia, ut aqua videatur fumare. Hoc quod dico ex aqua, patet etiam in terra, quæ astate profunde effossa immitit eos halitus, quos antea continebat & quibus tota hieme incaluit. Hæc explicatio est iam communis, & habentibus oculos indubita. In stagnis, lacubus, fluuijs, tota nocte innumerabiles halitus continentur à quibus aqua incalescit, qui aere tepesciente statim auolant. Hinc melius est ire ad balneum ante exortum solis quam orto iam Sole, & prope mediam noctem quam statim ab occasu Solis nisi Sol ipse vehementer calefecerit aquam. Ratio est: quia halitus aquam intepidantes tota nocte continentur intra aquam, illamque calefaciunt, itque qui vi Solis sursum fuerunt eleuati, occidente Sole, paulatim in eandem equam recidunt, illamque calefaciunt.

Hec doctrina est Philosophi multis in locis. Querit hic sectione prima probl. 29. cur per autumnum ac hiemem potius quā per astatem febres ardentes oriantur. Et respondet causam esse, quoniam calor pul-

sus

sus à frigore introrsum se contrahit. Ibi etiam rationem reddit cur qui heme lauantur frigida, minus deinde frigoris sentiant quam qui calida: quia, inquit, calida poros aperit, & corpusculis calidioribus introrsum inclusis aditum pandit, quo aulent: at verò per frigidam cutis spissescit seu densatur: adeoque cohibentur introrsum spiritus calidioris. Nec vllum vnquam problema proponit in quo appareat antiperistasis, quin illud soluat per effluuium vel congregationem corpusculorum.

Hinc 4. Meteorum summa 2. capit. 2. ait quod frigidum aliquando quidem calefacit, sed non vt calidum. Calidum enim calefacit producendo calorem, frigidum vero quia congregat dum circumobstistit. Vbi aduerte per frigidum calefieri tamquam per applicatiuum agentis. Deum enim v. g. ad aere sese per hiemem constipante, corpuscula calida versus aquam & intra specus truduntur, prædicta corpuscula aquam & terram tepesciunt. Quod autem contrarium à contrario pellatur, constat infinitis experiencijs,

Igitur & per hoc quod spiritus inclusi cohibeantur introrsum, & per hoc quod aliunde exclusi introrsum meent, hoc vel illud corpus fit magis tale. Ex hac doctrina rationem reddetur tam facile & tam periculose infrigidentur ij, qui postquam vehementi aliquo exercitio, puta ludo pilæ vel follis incaluerunt, exponunt se frigido ambienti. In ijs enim poti aperti sunt, per quos

quos patet exitus spiritibus calidioribus ;
& ingressus frigidioribus .

Dices : etiam in criptis æstate nix soluitur , quæ hieme non est soluta : ergo falsum est criptas frigidioris esse æstate quam hieme .

Resp. concesso antec. negando consequ. Nix soluitur in criptis si in ijs sit aditus ventis calidioribus , vel pluriæ : vel si sint tam exigue profunditatis , vt facile vincatur moles illa terra à calido circumfuso . Cæterum frigidiores esse criptas æstate quam hyem negari nequit nisi ab eo , qui potest omnia negare ,

Q V Æ S T I O IV.

*De propinquitate agentis ,
passum .*

A R T I C V L V S. I.

An detur actio in distans .

A Gens increatum agere in distans tam repugnat , quam repugnat non esse ubique . An agens creatum agere possit in distans hic controuertitur . Agere autem in distans non est agere aliquid in remoto , quod non agas in proximo ; vt dictum est supra : sed agere in remoto , nihil agendo in proximo , saltem quod ac actionem in remoto deferuat .

Non pauci in hanc opinionem venerunt

vt

vt crederent dari actionem in distans, idque ob experimenta quædam, quæ sine huiusmodi actione vix videntur posse saluari. Magnes agit in ferrum trahendo illud ad se, nihil agendo per medium. Torpedo, piscis de quo Philosophus in hystoria Animal. Piscatoris manum stupescit, & immobilem reddit, & ex hoc effectu torpedinis nomen sortitur. Vetulæ fixis oculis aspicientes puellulos, vel etiam agnos eosdem fascinant, vnde est illud, *Nescio quis teneros oculus mihi fascinat agnos*. Sanguis hominis interfecti ad præsentiam interfectoris ebullit in cicatricibus. Virga vucis auellanæ inclinatur ad terram ibi, vbi in terræ visceribus metalla, vel fontium scaturignes latet. Basiliscus etiam aspectu interficit.

Præterea non semel accidit vt egrotante parente, filius etiam distant ægtotet, & parente moriente, filius patiat deliquium. Immo contingit aliquando ex gemellis fratribus procul à se inuicem distantibus, dum alter casu & ab extrinseco grauiter ægrotaret, alterum etiam morbo affici. & eodem leuiter altero conualescente. Huc etiã facit quod aiunt de nasus Tropeæ resectis, dicunt enim nasum Tropeæ, quæ Calabria Ciuitas est, resectum corrumpi, quando corrumpitur seu moritur homo, ex cuius carne prædictus nasus resectus est.

Deniq; est experimentum satis commune vnguenti armarij. Hoc vnguentum applicatum gladio infecto sanguine hominis

vulnerati agit hominem vulneratum ad quamcunque distantiam. Est autem absurdum & incredibile quod per totum spatium intermedium diffundatur actio talis unguenti, aut pulveris. Aiunt autem multos hoc unguento usos renunciendo prius omnibus pactis iam explicitis, quam implicitis, quæ cum Dæmone esse possent, effectum curationis intentæ sortitos esse. Alia huiusmodi congeri solent partim vera, partim falsa in fauorem actionis indistans.

Dicendum est ijs omnibus nihil probari pro actione indistans. Quantum ad ea quæ dicta sunt partim vera, partim falsa, partim credibilia, partim incredibilia, dicendum est in quibusdam ita accidere per qualitatem diffusam per medium: in quibusdam nihil tribuendum esse rei remotæ. Magnes, Torpedo, Verula, Basiliscus & metalla latentia diffundunt qualitates per medium, quibus mediantibus prædictos motus efficiunt, quamuis illos eodem non efficiant in proximo. Quod aiunt de sanguine ebulliente ad præsentiam intersectoris vix est credibile. Hactamen vulgi persuasionem videntur. Iudices & Notarij, ut obseruent vultum Rei, an hoc ipsum expauescat, & ad præsentiam occio conturbetur. Ebullitio illa, si aliquando accidit, tribuenda est motui ipsiusmet cadaueris, quod ad præsentiam Rei manibus ministrorum erigitur.

Ad ea de parente & filio, fratribusque

gemellis: dic contingere posset vt influxus noxii vni sint ob similitudinem temperamenti noxii & alteri: & quia raro contingit tanta temperamenti similitudo, ideo raro contingit morbum esse vtrique communem. Quoad morbum qui casu accidit, puta quoad vnosus si accidit altero vulnerato alterum dolore, vel casu accidit, vel ex speciali aliqua prouidentia, quæ in huiusmodi rebus est omnino mirabilis. De nasus Tropæ, dic etiam id accidere, si accidit, ob idebitatem temperamenti & carnis, à qua decifus est nasus, & nasi ipsius. Contingit enim eodem influxus esse eidem temperamento noxios.

Ad vltimum de vnguento armario, dic ingenue vnguentum huiusmodi reponendum inter optima; quia nocet, nec prodest. Qui curantur in vicario corporis lino, vel gladio, iubentur multa etiam circa suum vulnus præstare. Inter cetera tueri illud ab omni noxio ambiente: illud detergere & purgare statis temporibus, & alia id genus. Vbi hæc sufficiunt, puto vulnus curari. Vbi præterea requiritur influxus vnguenti: puto nihil fieri, & hac est vera & solida responsio.

Quia tamen apud vulgus etiam Philosophorum inualuit vere aliquid fieri per prædictam applicationem vnguenti, quod non fieret nisi applicaretur: dic id accidere ope cacodæmonis, cum quo primi inuentores huiusmodi vnguenti ita conuenerunt, vt etiam execratus & anathematizatus vul-

neri assisteret, illud curraret. Pacta huiusmodi habet apud Marrinum del Rio in disquisitionibus magicis.

A R T I C V L V S II.

Non datur actio in distans.

Superiori articulo, si quid confectum est, nihil aliud confectum est nisi exprimentis aduci solitis non probari actionem in distans. Non tamen propterea probatum est non dari actionem in distans. Hoc igitur probandum est hic. Probatur autem 1. ex ijs quæ dicta sunt à nobis in Physica ubi de impossibilitate vacui. Corporum contiguitas ideo necessaria est in natura ut vnum agere queat in alterum, ut docet Philosophus passim, præcipue autem 1. Meteor. cap. 2. ubi sedem elementorum describens, & mundi huius sensibilis constitutionem; dicit mundum hunc inferiorē superiori contiguum esse debere, ut ab eo gubernetur. *Est autem, inquit, ex necessitate continuus quodammodo iste superioribus lationibus, ut omnis ipsius virtus inde gubernetur*, Si autem agens ageret in distans non esset necessaria ista omnium corporum contiguitas; ergo agens non agit in distans. Idem Philosophus 7. Physic. à textu 10. vsque ad 13. ostendit manifestum esse quod id quod mouetur & mouens, hoc est agens & passum simul sunt, & nihil mediat inter ipsa.

Con-

Confirmatur? quia non est vlla ratio excogitabilis cur vacuum dari nequeat in natura conuenientior hac; quia scilicet debent superiora corpora influere in hac inferiora, & influxus suos in alia aliis mediantibus transfundere. Si autem possent nihil agendo per medium in remotiora influere, non esset necesse vt remotioribus per ea quæ intermedia sunt suos influxus communicarent. Possent enim remotiora sine intermediorum mutatione moueri.

Aduertendum est autem non requiri inter agens & passum talem proximitatem vt inter vtrumque nihil mediet, quæ dicitur proximitas suppositi; sed sufficere proximitatem quam vocant virtutis, id est talem vt inter agens & passum nullum corpus mediet, ad quod non diffundatur actio seu virtus agentis: sine in illo producat aliquid eiusdem rationis cum eo quod producit in remoto, siue diuersæ.

Probatur 2. Conclusio experientia, qua constat agens non agere in remoto, quando agere nequit in medio, etiamsi alias remotum sit intra spheram actiuitatis ipsius Luminosum. Aptum diffundere suam lucem & agere ad viginti passus, nequii ad tertium passum suam actionem diffundere, si nequeat secundum passum intermedium illuminare: puta si inter tertium passum distantia à luminoso, ipsummet luminosum interponatur corpus opacum. Certe tertius passus distantia est intra spheram actiuitatis predicti luminosi: cur igitur non

illuminantur, nisi quia actio nequit à luminoso procedere ad tertium passum, nisi propagetur per passus intermedios? Hinc qui distat ab agente impedit illud ab agendo in se, ipsius actionem in medio intetrum-
pat, seu potius, rumpit actionem agentis, si interrumpat.

Probari solet hæc eadem conclusio hoc argumento. Si agens naturale agere posset in distans agere posset ad quamcumque distantiam. Puta ignis existens in India posset calefacere non existentes Romæ; consequens est absurdum, ergo & antecedens. Soquela maioris probatur: quia etiam subiectum existens hic est aptum calefieri, agens existens in India est aptum calefacere: approximatō agentis ad passum non requiritur; ergo agens ad quamcumque distantiam agere potest.

Huic argumento reponit Aduersarius subiectum in tanta distantia positum ab agente, non esse intra sphaeram actiuitatis ipsius. Puta homo existens Romæ non est intra sphaeram actiuitatis ignis existentis in India. Concedit enim absurdum esse quod agens ad quamcumque distantiam agere possit. Ratio est: quia agens naturale agit quantum potest; & in nulla circumstantia agere potest, in qua non agat. Da igitur agere posse: eo ipsa das de facto agere ad quamcumque distantiam & consequenter si designem existentem in India posse comburi hic Romæ, merito tibi cauebis ne, ab igne qui ea in India comburaris: imò
im.

immerito & stulte : si enim agere potest in distans nullo obice te ab ipsius actione eripies , quandoquidem etiam non peruadens actione sua obicem , te combureret .

Verum enimvero rogare licit hic quid sit esse intra sphaeram actiuitatis ? Nam pro sphaera actiuitatis , quid aliud assignetur quàm totum illud spatium ad quod diffunditur agentis virtus & actio ? Intantum igitur agens non agit ad quamcunque distantiam , inquantum quælibet distantia non est intra totum spatium in quo agit . Si autem est intra illud spatium in quo toto est actio , eo ipso non agit in distans ; igitur reipsa agere nequit in distans . Certe si igni *A* assignes pro sphaera actiuitatis decem palmos spatij in orbem ; manifestum est quod si vnum ex palmis prædictis ponas Londini , alterum Viennæ , alterum Coloniae , alterum Calecutti & sic de cæteri , & deinde singas ignem illum actione sua impiere decem illos palmos , non facis ignem agentem in plus spatij , quam de facto sit aptus agere : ineptè tamendices ignem prædictum reipsa posse agere in prædicto decem palmos spatij .

Eadem absurditas erit si etiam intra spatia à se inuicem minus distita ita includas actiuitatem agentis , vt in palmo sibi proximo aliquid agat , in secundo nihil , aliquid in tercio & sic de cæteri : vt propterea visum hoc fuerit Philosopho manifestum , mouens videlicet debere esse coniunctum ei quod mouetur . standum est

igitur dictis , & obiectionibus satisfaciendum .

Obiicitur i. Imaginatio habet vim alterandi corpus distans , vel partem in corpore à se distantem , nihil agendo vel alterando per medium , ergo datur actio in distans Antec. probatur experientia ; constat enim ad imaginationem rei terribilis cor comprimi , ad imaginationem rei iucundæ dilatari . Contingit etiam aliquando malum ex imaginato fieri verum , & verificari dictum commune : imaginatio facit casum .

Resp. cum Suario sermonem esse hic vel de corpore alieno , vel de corpore proprio illius cuius est talis imaginatio . Si de corpore alieno & diuiso falsum est quod alterari queat per imaginationē ; si de corpore proprio ; verum est ipsum per imaginationē moueri , nec inde sequitur actio in distans . Imaginatio non immediate mouet corpus , sed mediante appetitu sensitivo . In cerebro autem in quo sunt organa propria & imaginationis & memoriæ & sensus communis , sunt etiam receptacula multorum spirituum qui per totum corporis discurrunt , prout hi vel isti neruuli in eodem cerebro flectuntur , dilatantur vel comprimuntur : per dispersionem igitur & diffusionem istorum spirituum , fiunt hi vel illi motus , qui propterea fieri dicuntur per imaginationem : quia per imaginationem & ab imaginatione spiritus motuum effectores impulsum accipiunt ; & propterea non sit actio in distans .

Dixi

Dixi non moueri per imaginationem corpus alienum & diuisum ab imaginante. Nā etiam alienum, si coniunctum sit; alterari potest. Ita docent Medici ab imaginatione matris foetum, quē in vtero gestat, alterari: quorum experimenta sunt satis communia: hinc quæ imaginatur & appetit leporem, saepe infantem edit oris leporini: quæ quamuis difficile explicentur; stulte tamen non admittuntur. Frequentissima autem & receptissima explicatio est quod hæc accidunt ut imaginationis maternæ, quæ fatum suum ijs notis insignit, quibus ipsa prius per imaginationem se suosque humores signauit. Hæc magis ad Medicum spectant.

Obij. 2. Angelus distans ab altero Angelo ipsum alloquitur, puta Gabriel Michaellem, nihil agendo per spatium intermedium, & hoc quidem naturaliter; ergo naturaliter datur actio in distans. Antec. supponitur: debet enim inter Angulos dari commercium, & communicatio, quædam sermonalis. Conseq. autem probatur: quia Angelus nequit ab altero audiri nisi alter agat in ipsum, producendo in ipsius intellectu aliquid quo intelligatur. Est autem absurdum dicere speciem illam quæ ab vno Angelo in alterius intellectu producit propagari per totum spatium intermedium.

Resp. nos non bene percipere quomodo Angeli loquantur nobiscum, cum tamen plures bonæ cogitationis; quas in nobis excitant, sint loquutiones Angelorum: quo-

modo igitur intelligamus is qua ratione inter se colloquantur? Epeditissima. Hoc explicandi est illa, quam habes apud eundem hic, & communis apud Authores. Angelus alium Angelum alloquitur per directionem voluntariam sui conceptus ad alterum sicut etiam nos tam procul ab Angelis & Beatis, & Angelos & Beatos alloquimur. Certe circe nostram, que beatos alloquimur, locutionem est eadem omnino difficultas. Dum enim clamas, *Sancte Antoni adiuua me*, etiam si clamore clames plusquam Stentor eo, nimini persuadebis tuum hunc clamorem ita ad aures beati deferri, ut per totum spatium intermedium diffundatur. Est igitur communis doctrina apud Theologos ex D. Thoma prima parte quæst. 107. art. 4. & 5. quod ad illum peruenit nostra locutio ex Angelis siue Beatis, ad quem à nobis voluntarie dirigitur, Deo ad exigentiam huius nostræ voluntatis & naturæ Angelicæ, excitante intellectu illius, ad quem oratio nostra dirigitur, speciem seu cognitionem nostri conceptus & voti. Atque hoc pro re præsentis est plusquam abundas.

Obii. 3. Non est assignabilis vlla ratio à priori cur repugnet actio in distans: ergo non repugnat. Antec. probatur, quia si esset aliqua ratio maxime esset limitatio agentis creati, sed hæc non valet, ergo nulla est ratio. Maior probatur, quia nequit alia excogitari. Probatur etiā minor: quia illimitatio agentis reddit impossibile simpliciter & absolute actionem in distans, est

autem absurdum refundere in limitatione agentis id quod æque, immo magis habetur per illimitationem. Quod autem id magis habeatur per illimitationem probatur: quia agens illimitatum, videlicet Deum, agere in distans est metaphysice impossibile, cum fortasse non repugnet metaphysice agens creatum agere in distans. Repugnere autem metaphysice quod Deus agat in distans, manifestum est ex eo, quod impossibile est Deum non esse ubique, & consequenter agere alicubi, ubi ipse non sit.

Resp. 1. Esse innumerabilia ea quæ à posteriori nobis eidentissima sunt, nec tamē à nobis probari à priori possunt. Euidens est calorem esse caloris actuum; non tamen albedinis albedinem. Pete rationem à priori. Si assignetur dicendo quod calor est qualitas corruptiua non autem albedo: pete rationem à priori cur calor sit qualitas corruptiua, non autem albedo. Et si rem ad extremum perducas inuenies non aliunde cōstare quod hoc quidem agat, illud vero tantum exorietur, quam à posteriori.

Rursus si roges an potētia visua quæ conuenit bruto fundetur in perfectione an in imperfectione, quidquid dicatur est in proprio obiectio. si dicatur fundari in perfectione: contra est, quia Angelus qui est bruto perfectior, non habet potentiam visiuam. si in imperfectione, etia contra est, quia etiam perfectiora bruto: vt sunt homines habent potentiam visiuam, Dicendum est igitur quod esse oculatum conuenis bruto

ratione perfectionis talis speciei seu talis generis determinati, hoc est in perfectione talis imperfectione admixta. Nam cognoscere quidem est perfectio simpliciter simplex, & ab omni imperfectione præsendens, cognoscere autem oculariter & per organum materiale quale est oculus, est illius perfectionis limitatio quædam, & consequenter imperfectio quædam illi perfectioni admixta.

Similiter si rogeris an homo habeat esse peccabilem ratione perfectionis, an ratione imperfectionis quicquid respondeas, facile impugnaris. Si dicas esse peccabilem ratione perfectionis, contra est, quia enti perfectiori puta Deo, non conuenit esse peccabile, imo conuenit, & quidem ratione suæ summæ & infinitæ perfectionis esse impeccabile. Si dicas habere hoc hominem ratione imperfectionis, contra est, quia bruta sunt imperfectiora homine & tamen non sunt peccabilia, ergo non conuenit illi esse peccabilem ratione imperfectionis. Recte igitur dixeris peccabilitatem in genere motis esse passionem entis in tali perfectionis gradu seu genere constituti. Bruta libertate carent, quæ necessaria est ad operandū, adeoque ad peccandum moraliter: dixi moraliter quia physice peccant, dum ab iis deficiunt quæ pertinent ad perfectionem illorum naturæ. Cæcitas in animantibus, sextus digitus in homine & alia id genus, quæ quoti die accidunt, sunt peccata naturæ, quæ quando grandia sunt, monstra dicuntur:

Deus

Deus est imperfectissime liber sed in omni genere perfectionis indefectibilis, adeoque non ex defectu libertatis, sed ex perfectione indefectibilitatis habet esse impeccabilem. Libertas creata est media inter utrumque extremum habens & perfectionem libertatis, & imperfectionem defectibilitatis, & quia tam physice quam moraliter est defectibilis quælibet voluntas creata, ideo tam physice quam moraliter potest peccare, hoc est deficere.

In agente creato agere solum ubi præsens est, dicit aliquid de perfectione: unumquodque enim agit, ait Philosophus, in quantum est actu, siue in quantum perfectum est. Agere dumtaxat ubi præsens sit, fundari potest in limitatione vel in limitatione. Si fundetur in metaphysica necessitate essendi ubique; manifestum est fundari in perfectione infinita. Si in indigentia præsentiae localis ad passum, ut illud mouere possis, cum ubique non sis, fundatur in limitatione. Omnis enim indigentia fundatur in limitatione essendi. Posses igitur negare antecedens, & pro ratione à priori afferre limitationem agentis creati.

Resp. 2. neg. antec. & dico absolute rationem à priori esse à limitatione agentis quoad rationem agentis. *Li quoad rationem agentis* non ponitur otiose. Nam etiam si non esse ubique sit formaliter limitatio in aliquo genere essendi, non est tamen formaliter limitatio in ratione agentis. Agens autem creatum nec ubique est quia etiam

in

in hoc genere limitatur: nec ubique agit; quia etiam in hac ratione limitationem habet. Hæc limitatio constat non solum à posteriori, sed etiam à priori. non solum ex natura agentis creati, quod sufficeret, sed ex providentia naturæ, ad quam pertinet ut contrarium à contrario fugere possit, & res rei actionem vitare; stultum est enim de vilo agente creato dicere; *Quo me abscondam à facie iræ tuæ*, Puta si ignis agere possit in distans; quid iuvat iter te, & igne, vel obicem, vel ingens spatium interponi; Si Sol aut quodlibet aliud luminosum agat indistans quid iuvat inter te & ipsum corpus opacum interijci; est igitur necessarium ad rectum ordinem naturæ: immo ad conservationem naturæ agentia non agere nisi ad tantam distantiam, & intra tantam distantiam actionem rumpi, si inter rumpatur.

Aduerte autem agentia alia alijs prauallere & ad maiorem distantiam suam actionem diffundere. Pura igitur maior ad maiorem distantiam calefacit quam ignis minor. Quamuis enim ignis calefaciat per calorem à se diffusum, adeoque actio calefactiua immediate procedat à virtute contingente passivam, tamen denominato agentis cadit simpliciter supra ignem, seu supra quodlibet suppositum cui tribuatur effectus. Hinc quamuis & validioris & infirmioris agentis virtus sit equaliter proxima rei quam mouet, dicitur tamen vnum agens magis, aliud minus distare à re quam mouet.

mouet. Dicitur inquam à recte loquentibus, non autem ab ijs qui nomine agentis intelligunt quidlibet à quo quomodecunque sit actio.

ARTICVLVS III.

An ex operatione Dei, Dei probetur immensitas,

HÆc quaestio delibabitur hic à nobis, cui occasionem dedimus per quandam reduplicationem superiori articulo. Diximus pertinere ad limitationem agentis creati vt agentis, non agere ad quamcumque distantiam, aut ad aliquam distantiam, nihil omnino agendo per medium. Igitur non agere in distans, non fundatur solum in illimitatione essendi, sed etiam in limitatione intra rationem agentis. Hinc oriri potest dubitatio, an ex eo quod Deus vbique operetur, probatur efficaciter quod Deus vbique sit. Deum esse vbique supponimus vt indubitatum, adeoque non posse non esse vbique. Hoc autem vbique esse, non dubitamus fundari in illimitatione essendi. Si autem fiat hypothesis per impossibile quod Deus non vbique sit, quaritur an ex hac hypothesis rectè inferri possit per locum intrinsecum, quod nec vbique operetur.

Thomistæ existimant res spirituales, quarum Princeps est Deus, esse in loco formati per operationem. In hac sententia Angelum

gelum; Michaellem esse in hac schola habetur formaliter per hoc quod Angelus Michael in hac schola operetur. Scotistæ affirmant ubicationem substantiæ spiritualis esse pro priori ad operationem; & consequenter Angelum Michaellem prius natura esse in hac schola, quam in hac schola operetur; adeoque, non fieri huic scholæ præsentem per operationem. In sententia Thom. cum esse in loco sit operari, & per operati formaliter habeatur esse in loco, non est locus dubitandi an ibi operari possit Deus ubi non est. In sententia Scotistica dubitari potest, an facta hypothese quod Deus sit solū in Cælo, possit operari hic aut ubique,

Dicendum est in tal hypothese Deum ubiq. opraturum esse. Probatur conclusio: quia per hanc hypothese non tollitur a Deo esse perfectissime dominum suæ virtutis actiue: ita ut illa uti pro suo libito possit, igitur etiam si Deus præsentia suppositi non esset ubique, posse esse ubiq. præsentia virtutis, & operationis. Vbi aduerte, quod supponens Deum non esse ubique ubiquitate suppositi, non supponit propterea Deum non esse Deum, immo supponit quod esse ubiq. ubiquitate prædicta nō permissum sit ad illimitationem essendi. Eo autem ipso quod non supponat Deum non esse Deum, neq. supponit in Deo limitationem essendi. Oportuit hoc notare ne statim argueres, non esse ubiq. est limitatio essendi, ad limitationem essendi sequitur limitatio operandi, ergo ad non esse ubique sequitur

limitatio operandi; sed ex limitatione operandi rectè inferitur, quod nequeat vbiq. operari; ergo ex non esse vbiq. rectè inferitur, quod non posset vbiq. operari. Minorē probares per illud dictum, quod habetur pro axioma: *Modus operandi sequitur modum essendi.*

Ex hac nostra resolutione habes non valere; Deus non est hic; ergo non operatur hic; neque Deus operatur hic: ergo est hic: & conseq. neque: Deus operatur vbiq. ergo est vbiq. Sermo est autem de esse non quomodocumq. sed per præsentiam ipsiusmet suppositi. Nam esse vbiq. Dei, vt explicatur etiam à D. Thoma, rectè etiam saluatur in hac ipsa hypothesi. At enim Deum esse in omnibus per potentiam, per Præsentiam, & per essentiam, cum in sanctis sit insuper per gratiam. Est in omnibus per potentiam in quantum omnia subdita sunt Potestati eius; per præsentiam, in quantum omnia nuda sunt, & aperta oculis eius: per essentiam in quantum adest omnibus vt causa essendi: & cum hoc sit esse vbiq. quod iuxta S. Doctorem conuenit Deo, adhuc hoc toto admissio fieri potest hypothesis, quod non vbiq. sit per præsentiam suppositi, & præscindere an huiusmodi præsentia sit de cōceptu immensi.

Rem facile intelliges, sit intellexeris me esse præsentem iis omnibus, qui hic me audiunt, me aspiciunt, & à me aspiciuntur. Vere, & rigoroſe sum his omnibus præſēs, quamuis non ibi ſim phyſice, & realiter,
vbi

& conseruat nos in esse, ergo non distat à nobis, sed si ex eo quod hic agat non infertur quod sit hic, posset concedi Apostolo antecédens, & negari consequentia, adeoq. dici, quod Apostolus malè arguit. Hoc autem absurdum est, cum longè certior sit, & scientior in arguendo Apostolus, quam Aristoteles.

Resp. non posse negari Apostolo consequentiam Apostoli, posse tamen negari consequentiam Aduersarii, putat Aduersarius inferre Apostolorum ex operatione Dei realem, & physicam præsentiā Dei, non modo secundum virtutem, aut operationem, sed etiam secundum suppositum. Negamus autem hanc esse Apostoli consequentiam, dicimusq. ex eo quod in Deo viuamus, moueamur, & simus, recte inferri Deum esse in nobis per præsentiā, potentiam, & essentiam, modo explicato per D. Thomam prima part. quæst. 8. art. 3. quem supra retulimus, non autem esse in nobis per physicā, & realem compenetrationem suppositi. Igitur ad argumentum Apostoli: concede totum, & explica illud non distare, vt explicatum est supra.

Præterea Apostolus, aiunt alii, non intendit ibi probare existentiam Dei physicā, & realem vbiq; ex eo quod vbiq. operetur, sed existentiam intentionalem. Concio Apostoli ad Athenienses est hæc. Viri Athenienses colitis ignotum Deum, vt testatur ara, quam inscribitis Ignoto Deo: hic tamen Deus non est ignotus, cum vbiq. operans, vbiq.

vbique se manifestet, illum igitur eundem quem aliquammodo ignoratis, aliquammodo etiam potestis agnoscere, &c. Sic idem Apostolus ait in epistola ad Rom. *Indivisibilia Dei per ea quæ facta sunt intellecta conspiciuntur, sempiterna quoque virtus eius, & divinitas*, cum igitur ubique sit aliqua creatura Dei, ubique est aliquid virtutem, & omnipotentiam creatoris deprædicans. Iuxta hanc Apostoli interpretationem facile est respondere; Deus ubique operatur, ergo ubique est per physicam, & realem præsentiam suppositi, nega. Consequenter per præsentiam intentionalem subdistingue: per huiusmodi præsentiam in actu primo; concede in actu secundo, nega. Vel etiam si absolute concedas, nihil dicis contra te. Etiam si enim, des non solum Deum ubique cognosci posse per suam creaturam, sed de facto ubique cognosci, nihil dicis contra hactenus dicta.

Dices, non esse ubique secundum suppositum esse realiter & physice limitatio in esse, ex limitatione in esse recte infertur limitatio in operari, ergo ex non esse ubique secundum suppositum recte infertur limitatio in operari; rursus cum limitatione in operari non fiat posse agere ubicumque voluerit, & utcumque voluerit, ergo cum non esse ubique non fiat posse operari ubicumque voluerit, & utcumque voluerit. Minor subsumpta probatur, quia cum limitatione in operari non fiat virtus infinita operandi, & consequenter fuit fundamentum conclusio,

tionis supra positæ, posse enim agere modo prædicto fundauimus in infinitate virtutis actiue, quam diximus remanere etiam in hypothesi Dei non existentis vbique secundum suppositum.

Resp rogando Aduersarium, an facta hypothesi, quod Deus nō sit misericors adhuc possit Deus agere vbique. Certe respondebit prædicatum misericordis impertinenter se habere ad agendum hic, vel non agendū & tamen idem omnino argumentum facies pro misericordia, quod fecit ipse pro vbi-quitate secundum suppositum. Patet hoc, nam nō esse misericordem est limitatio in esse: ad limitationem in esse sequitur limitatio in operari, ergo &c. Idē dic de quolibet prædicato. Nec tamen dabit aduersarius, si Philosophus sit, ex quolibet prædicato quilibet æque formaliter inferri, puta non dabit hanc conseq. Deus operatur hic, ergo est misericors, vel ergo est iustus ac istam: Deus operatur hic: ergo est hic. Vult igitur aduersarius ex defectu vbi-quitatis negari defectum operationis vbique, tamquam ex prædicato specialiter hoc inferente, & ex operatione hic inferri existentiam hic, seu præsentiam hic ipsiusmet operantis, ex speciali necessitate, adeoq. ex speciali connexionē operationis cum præsentia. Cæterum ex defectu cuiuslibet prædicati in Deo inferri defectum cuiuslibet alterius vltro concedimus, cū deficiente quolibet, deficiat ipse Deus, Quodlibet enim prædicatum Deo conueniens est Deus.

Ex

Ex his patet ad argumentum ex defectu obiquitatis inferitur limitatio virtutis specialiter; nego, sicut ex defectu cuiuslibet ulterius prædicati diuini; omitto: & sic ad reliqua. Sufficit pro veritate conclusionis non magis inferri diuinam immensitatem ex operatione, qua vbique agit, quam diuinam misericordiā aut iustitiam, aut quodlibet aliud prædicatum Deo conueniens.

A R T I C V L V S IV.

Satisfit nonnullis quaestis.

QUæres 1. An agens creatum saltem de potentia absoluta agere possit in distans?

Respondetur affirmatiue. Ratio est, quia non apparet repugnantia. Agere enim in distans non dicit neq. formaliter, neque consequenter agere, & non agere, aut quidlibet aliud huiusmodi.

Obiic. 1. Ut agat debet esse simul tempore cum passo; ergo etiam debet esse simul loco, ergo neq. diuinitus aget in distans. Confirmatur; quia si ideo agere potest in distans, quia potest Deus supplere proximitate, poterit etiam agere non existens in hoc tempore, quia Deus supplere poterit pro duratione, nequit hoc, ergo nequit illud, vel è conuerso: potest illud, ergo & hoc.

Resp. 1. hoc argumento, quia nimis probat, nihil præbati. Nam si eadem est ratio

loci, quæ temporis, sicut ad agendum requiritur identitas temporis, ita requireretur identitas loci, & sicut actio in passum non fluit immediate, nisi ab eo quod est in eodem tempore extrinseco cum passo, ita non fluet, nisi ab eo quod est in eodem loco extrinseco cum ipso: adeoq. non dabitur actio, nisi penetrati in compenetratum quod est euidenter falsum.

Resp. 2. conc. antec. neg. conseq. Ratio est, quia eo ipso quod res non est nunc, simpliciter non est, agere autem supponit esse. Quod autem non est hic, non propterea non est. Ad confirmationem. Deus nequit supplere defectum durationis, nisi vel durando pro ipso, vel substituendo aliquid quod duret loco ipsius: durare enim quod sit ipsius supponit ipsius esse; si autem aut Deus, aut aliquid pro ipso duret, & agat, ipsum non agit, puta si pro virtute *A* ponat virtutem *B*, actio quæ erit à *B* non facit agens *A*: & consequenter non aget virtus, quæ non est, per hoc autem quod suppleat propinquitatem agentis, seu virtutis iam existentis, non supplet virtutem, seu pro virtute, & consequenter recte intelligitur etiam non proximum hic agere hic, cū non intelligatur non existens nunc agere, nunc loquendo de eo à quo immediate est actio.

Obiic. 2. In sensu composito predictæ distantia neque per diuinam omnipotentiam dari potest contactus agentis, & passi: sine contactu agentis & passi dari nequit actio agen-

agentis in passum: ergo in sensu composito prædictæ distantiae nequit agere agens in passum, Minor probatur quia actio agentis in passum est formalissimus contactus agentis cum passo.

Resp. per probationem minoris tolli æquiocationem, & ostendi falsitatem maioris. In sensu composito prædictæ distantiae implicat contactus mathematicus, non consistens in alio, quam in propinquitate unius ad alterum. Non implicat autem contactus physicus, ut ponitur in probatione minoris, hoc est actio unius in alterum. Contactus mathematicus est necessarius mutuus, ut patet, non autem physicus: de hoc ultimo dicebat B. Iob: *Manus Domini tetigit me*. Ad argumentum in forma vel nega, vel distingue maiorem: assignando duas rationes contactus, ut supra.

Quæres 2. Quomodo agens plus agat in remoto, quam in proximo?

Agentia etiam quæ in orbem agunt, intensius aliquando agunt in magis, quam in minus remoto. Puta Sol regionem aeris terræ proximam magis calefacit, quàm remotiorē à terra, adeoq. Soli ipsi propinquiorē. Si phiala vitrea aqua plena opponatur lucernæ, in aliqua distantia post phialam, lumen habes intensius, quam ante phialam, cum tamen spatium phialam antecedens sit lucernæ propinquius. Radii solis per speculum, ut vocat, visorium transmissi ignem excitant, cum ante speculum vix sentiantur. Constat igitur intensius aliquando agi in

magis, quam in minus remoto. Quæritur hic quomodo hoc accadat. Ad intelligentiam.

Sciendum est triplicem esse. quantum ad præses attinet, actionem, Prima est directa, secunda reflexa, tertia refracta. Directa est illa, quæ per lineam omnium brevissimam à suo principio procedit sine vlllo angulo. Per lineam huiusmodi ruit lapis ex alto, dummodo in nullum obicem impingat. Actione huiusmodi operatur quodcumque potest natura. Quia linea recta cum sit omnium brevissima, per hanc celerrime agitur; natura autem agit quam celerrime potest. in quibuscumque circumstantiis.

Actio reflexa est illa, quæ in processu à suo principio per lineam rectam impingens in obicem, retrocedit versus suum principium. Huiusmodi actione species emiscæ à vultu Ganimedis in speculum, reuertuntur ad ipsum, & ad quoslibet ipsum in speculo contemplantur.

Actio refracta est illa, quæ incidens in medium diuersæ raritatis, aut densitatis, non reuertitur versus principium, sed vltius pergit, non tamen per eandem lineam, sed per diuersam, quæ cum prima facit angulum. Hac actione species baculi recti in aqua immersi transmittuntur ad oculum, qui propterea fractus apparet.

Tam circa reflexionem quam circa refractionem dantur aliquæ leges; quas breuiter indico, & primo pro reflexione. Si linea actionis cadat supra corpus reflectens perpendiculariter etiam perpendiculariter

versus suum principium reuertitur : ita vt & linea incidentiæ , & linea reflexionis sit omnino eadem ; ita pila lusoria è manu decides in panum perpendiculariter , versus eandem manum reuertitur , facitq; cum plano duos angulos rectos , Si verò linea actionis directæ cadat supra planum non perpendiculariter ; sed oblique ; itaut faciat angulos inæquales vnum actum , & alterum obtusum , tunc reflexio non fit per eandem lineam , sed per aliam quæ faciat angulum reflexionis æqualem angulo incidentiæ Vtriusque reflexionis exemplum facile tibi ipse repræsentabis .

Contingere tamen potest vt corpus re-percussium non moueatur per lineam reflexionis facientem angulum æqualem angulo incidentiæ , ratione gravitatis illud inclinantis deorsû , sed hoc non accidit in actione propagatiua lucis , aliautem huiusmodi qualitatum , pro quibus , & in quibus prædictæ leges seruantur .

In refractione atem natura seruat has leges . Si actio directâ transeat à medio rariori ad densius , refractione fit ad perpendicularem . Si autem à densiori ad rarius , refractione fit à perpendiculari . Ratio huius diuersitatis est , quia in medio rariori magis dispergitur , in densiori magis vnitur actio . Rem ob oculos tibi ponas tum in speciebus ab eare propagatis intra aquam , tum in propagatis ab aqua per aerem . Primæ intra aquam franguntur ad perpendicularem secundæ in aere à perpendiculari .

Ex hac reflexionum refractionumq. breui faciliq. doctrina habes vnde explices quomodo aliquando accidat agens principale plus qualitatis producere in parte à se remotiori, quam in minus remota. Ad productionem enim qualitatis concurrit non solum qualitas diffusa per medium, sed etià illa quæ est in principali agente: vnde principali tribuitur talis productio. Docet hoc expresse Philosophus 8. Phys. tex. 32. versus finem, vbi dicit impetum quo resilit sphaera à pariete repercussa esse non à pariete, sed à proiiciente.

Dicendum est igitur per reflexionem augeri siue intendi qualitatem in parte remotiori magis, quam in parte minus remota. quia tantumdem agit cæteris paribus agens principale in linea reflexa, quantum ageret in directa, si hæc protenderetur vltius, adeoq. qualitas illa, quæ produceretur per lineam directam producit per reflexam, & posita simul cum ea quæ directe producit, facit illam maiorem. Exemplum sit in radio Solis incidentie in terram. Hic radius si non impediretur à terra, vltius procederet, versus centrum mundi; sed impeditus retrocedit versus Solem ipsum, & in suo retrocessu producit in aere illam eandem intensiorem lucis, & caloris, quam produceret in linea directa versus centrum mundi. Rursu cum iam in eadem aëris parte directe producit aliquam intensiorem lucis, & caloris, hæc noua intensio priori vnta maiorem intensiorem confititur. Et quia

ubi est quilibet eorum, quibus vere, & proprie sum præsens. Eodem modo qualibet causa vere, & proprie dicitur adesse effectui ut causa essendi, puta Sol luci quæ est in aere, quamvis reipsa non sit in eodem loco in quo est lux. Et Principis recte dicitur per potentiam esse in sibi subditis, seu potius subditi Principis recte dicuntur esse subditi potestati eius, etiam si persona Principis non sit in quolibet loco, in quo est quilibet ex subditis.

Confirmatur igitur conclusio posita; quia facta hypothese, quod Deus non sit ubique, nisi modo explicato nihil tollitur de diuina omnipotentia: sed pertinet ad diuinam omnipotentiam ubiq. agere posse, ergo facta tali hypothese adhuc manet, quod diuina omnipotentia ubiq. agere possit. Rursus non est de conceptu diuinæ omnipotentiae ita ubiq. agere, ut ubique necessario agat, sed ubicumq. agat, ideo agat, quia agere vult si autem ubicumq. agit, ideo agit, quia agere vult. manifestum est ex eo quod agat hic, non recte inferri eum agere in toto spatio, quod inter ipsum, & hunc locum diffunditur.

Dices. Apostolus ex eo quod Deus ubique operetur infert Deum esse ubiq; ergo valet hæc consequentia; *Deus operatur hic, ergo est hic*. Ant. prob. quia sic philosophatur Apostolus: *Non longe abest ab unoquoque nostrum, in ipso enim uiuimus, mouemur, & sumus*, quasi sic diceret: Deus nobiscum uiuit vitam nostram, nobiscum mouet nos

& conseruat nos in esse, ergo non distat à nobis, sed si ex eo quod hic agat non infertur quod sit hic, posset concedi Apostolo antecedens, & negari consequentia, adeoq. dici, quod Apostolus malè arguit. Hoc autem absurdum est, cum longè certior sit, & scientior in arguendo Apostolus, quam Aristoteles.

Resp. non posse negari Apostolo consequentiam Apostoli, posse tamen negari consequentiam Aduersarii, putat Aduersarius inferre Apostolorum ex operatione Dei realem, & physicam praesentiam Dei, non modo secundum virtutem, aut operationem, sed etiam secundum suppositum. Negamus autem hanc esse Apostoli consequentiam, dicimusq. ex eo quod in Deo viuamus, moueamur, & simus, recte inferri Deum esse in nobis per praesentiam, potentiam, & essentiam, modo explicato per D. Thomam prima part. quaest. 8. art. 3. quem supra retulimus, non autem esse in nobis per physicam, & realem compenetrationem suppositi. Igitur ad argumentum Apostoli: concede totum, & explica illud non distare, vt explicatum est supra.

Præterea Apostolus, aiunt alii, non intendit ibi probare existentiam Dei physicā, & realem vbiq; ex eo quod vbiq. operetur, sed existentiam intentionalem. Concio Apostoli ad Athenienses est hæc. Viri Athenienses colitis ignotum Deum, vt testatur ara, quam inscribitis Ignoto Deo: hic tamen Deus non est ignotus, cum vbiq. operans, vbiq.

vbique se manifestet, illum igitur eundem quem aliquammodo ignoratis, aliquammodo etiam potestis agnoscere, &c. Sic idem Apostolus ait in epistola ad Rom. *Indivisibilia Dei per ea quæ facta sunt intellecta conspiciuntur, sempiterna quoque virtus eius, & divinitas*, cum igitur ubique sit aliqua creatura Dei, ubique est aliquid virtutem, & omnipotentiam creatoris deprecans. Iuxta hanc Apostoli interpretationem facile est respondere; Deus ubique operatur, ergo ubique est per physicam, & realem præsentiam suppositi, nega. Consequenter per præsentiam intentionalem subdistingue: per huiusmodi præsentiam in actu primo; concede in actu secundo, nega. Vel etiam si absolute concedas, nihil dicis contra te. Etiam si enim des non solum Deum ubique cognosci posse per suam creaturam, sed de facto ubique cognosci, nihil dicis contra hæc tenet dicta.

Dices, non esse ubique secundum suppositum est realiter & physice limitatio in esse, ex limitatione in esse recte inferitur limitatio in operari, ergo ex non esse ubique secundum suppositum recte inferitur limitatio in operari, rursus cum limitatione in operari non stat posse agere ubicumque voluerit, & utcumque voluerit, ergo cum non esse ubique non stat posse operari ubicumque voluerit, & utcumque voluerit. Minor subsumpta probatur, quia cum limitatione in operari non stat virtus infinita operandi, & consequenter fuit fundamentum conclusionis,

tionis supra positæ, posse enim agere modo prædicto fundauimus in infinitate virtutis actiue, quam diximus remanere etiam in hypothesei Dei non existentis vbiq; secundum suppositum.

Resp rogando Aduersarium, an facta hypothesei, quod Deus nō sit misericors adhuc possit Deus agere vbiq;. Certe respondebit prædicatum misericordis impertinenter se habere ad agendum hic, vel non agendū & tamen idem omnino argumentum facies pro misericordia, quod fecit ipse pro vbiq; uitate secundum suppositum. Patet hoc, nam nō esse misericordem est limitatio in esse: ad limitationem in esse sequitur limitatio in operari, ergo &c. Idē dic de quolibet prædicato. Nec tamen dabit aduersarius, si Philosophus sit, ex quolibet prædicato quilibet æque formaliter inferri, puta non dabit hanc conseq. Deus operatur hic, ergo est misericors, vel ergo est iustus ac istam: Deus operatur hic: ergo est hic. Vult igitur aduersarius ex defectu vbiuitatis negari defectum operationis vbiq;, tamquam ex prædicato specialiter hoc inferente, & ex operatione hic inferri existentiam hic, seu præsentiam hic ipsiusmet operantis, ex speciali necessitate, adeoq; ex speciali connexionione operationis cum præsentia. Cæterum ex defectu cuiuslibet prædicati in Deo inferri defectum cuiuslibet alterius ultro concedimus, cū deficiente quolibet, deficiat ipse Deus, Quodlibet enim prædicatum Deo conueniens est Deus.

Ex

Ex his patet ad argumentum ex defectu obiquitatis inferitur limitatio virtutis specialiter; nego, sicut ex defectu cuiuslibet vltierius prædicati diuini; omitto: & sic ad reliqua. Sufficit pro veritate conclusionis non magis inferri diuinam immensitatem ex operatione, qua vbiq; agit, quam diuinam misericordiã aut iustitiam, aut quodlibet aliud prædicatum Deo conueniens.

ARTICVLVS IV.

Satisfit nonnullis quæsitis.

QUÆRES 1. An agens creatum saltem de potentia absoluta agere possit in distans?

Respondetur affirmatiue. Ratio est, quia non apparet repugnantia. Agere enim in distans non dicit neq. formaliter, neque consequenter agere, & non agere, aut quidlibet aliud huiusmodi.

Obiic. 1. Vt agat debet esse simul tempore cum passio; ergo etiam debet esse simul loco, ergo neq. diuinitus aget in distans. Confirmatur; quia si ideo agere potest in distans, quia potest Deus supplere proximitate, poterit etiam agere non existens in hoc tempore, quia Deus supplere poterit pro duratione, nequit hoc, ergo neque illud, vel è conuerso: potest illud, ergo & hoc.

Resp. 1. hoc argumento, quia nimis probat, nihil probari. Nam si eadem est ratio lo-

loci, quæ temporis, sicut ad agendum requiritur identitas temporis, ita requireretur identitas loci, & sicut actio in passum non fluit immediate, nisi ab eo quod est in eodem tempore extrinseco cum passo, ita non fluet, nisi ab eo quod est in eodem loco extrinseco cum ipso: adeoq. non dabitur actio, nisi penetrati in compenetratum quod est euidenter falsum.

Resp. 2. conc. antec. neg. conseq. Ratio est, quia eo ipso quod res non est nunc, simpliciter non est, agere autem supponit esse. Quod autem non est hic, non propterea non est. Ad confirmationem. Deus nequit supplere defectum durationis, nisi vel durando pro ipso, vel substituendo aliquid quod dureret loco ipsius: durare enim quod sit ipsius supponit ipsius esse; si autem aut Deus, aut aliquid pro ipso dureret, & agat, ipsum non agit, puta si pro virtute *A* ponat virtutem *B*, actio quæ erit à *B* non facit agens *A*: & consequenter non aget virtus, quæ non est, per hoc autem quod suppleat propinquitatem agentis, seu virtutis iam existentis, non supplet virtutem, seu pro virtute, & consequenter recte intelligitur etiam non proximum hic agere hic, cū non intelligatur non existens nunc agere, nunc loquendo de eo à quo immediate est actio.

Obiic. 2. In sensu composito prædictæ distantiae neque per diuinam omnipotentiam dari potest contactus agentis, & passi: sine contactu agentis & passi dari nequit actio agen-

agentis in passum: ergo in sensu composito prædictæ distantiae nequit agere agens in passum, Minor probatur quia actio agentis in passum est formalissimus contactus agentis cum passo.

Resp. per probationem minoris tolli æquiuocationem, & ostendi falsitatem maioris. In sensu composito prædictæ distantiae implicat contactus mathematicus, non consistens in alio, quam in propinquitatē unius ad alterum. Non implicat autem contactus physicus, ut ponitur in probatione minoris, hoc est actio unius in alterum. Contactus mathematicus est necessario mutuus, ut patet, non autem physicus: de hoc ultimo dicebat B. Iob: *Manus Domini tetigit me*. Ad argumentum in forma vel nega, vel distingue maiorem: assignando duas rationes contactus, ut supra.

Quæres 2. Quomodo agens plus agat in remoto, quam in proximo?

Agentia etiam quæ in orbem agunt, intensius aliquando agunt in magis, quam in minus remoto. Puta Sol regionem aeris terræ proximam magis calefacit, quā remotiorē à terra, adeoq. Soli ipsi propinquiores. Si phiala vitrea aqua plena opponatur lucernæ, in aliqua distantia post phialam, lumen habes intensius, quam ante phialam, cum tamen spatium phialam antecedens sit lucernæ propinquius. Radii solis per speculum, ut vocat, vistorium transmissi ignem excitant, cum ante speculum vix sentiantur. Constat igitur intensius aliquando agi in

magis, quam in minus remoto Quæritur hic quomodo hoc accidat. Ad intelligentiam.

Sciendum est triplicem esse. quantum ad præses attinet, actionem, Prima est directa, secunda reflexa, tertia refracta. Directa est illa, quæ per lineam omnium breuissimam à suo principio procedit sine vlllo angulo. Per lineam huiusmodi ruit lapis ex alto, dummodo in nullum obicem impingat. Actione huiusmodi operatur quodcumque potest natura. Quia linea recta cum sit omnium breuissima, per hanc celerrime agitur; natura autem agit quam celerrime potest. in quibuscumq. circumstantiis.

Actio reflexa est illa, quæ in processu à suo principio per lineam rectam impingens in obicem, retrocedit versus suum principium. Huiusmodi actione species emisce à vultu Ganimedis in speculum, reuertuntur ad ipsum, & ad quoslibet ipsum in speculo contemplantes.

Actio refracta est illa, quæ incidens in medium diuersæ raritatis, aut densitatis, non reuertitur versus principium, sed vltcrius pergit, non tamen per eandem lineam, sed per diuersam, quæ cum prima facit angulum. Hac actione species baculi recti in aqua immerfi transmittuntur ad oculum, qui propterea fractus apparet.

Tam circa reflexionem quam circa refractionem dantur aliquæ leges; quas breuiter indico, & primo pro reflexione. Si linea actionis cadat supra corpus reflectens perpendiculariter etiam perpendiculariter

versus suum principium reuertitur : ita vt & linea incidentiæ , & linea reflexionis sit omnino eadem ; ita pila luforia è manu decides in panum perpendiculariter , versus eandem manum reuertitur , facitq; cum plano duos angulos rectos , Si verò linea actionis directæ cadat supra planum non perpendiculariter ; sed oblique ; itaut faciat angulos inæquales vnum actum , & alterum obtusum , tunc reflexio non fit per eandem lineam , sed per aliam quæ faciat angulum reflexionis æqualem angulo incidentiæ Vtriusque reflexionis exemplum facile tibi ipse repræsentabis .

Contingere tamen potest vt corpus re-percussium non moueatur per lineam reflexionis facientem angulum æqualem angulo incidentiæ , ratione grauitatis illud inclinantis deorsū , sed hoc non accidit in actione propagatiua lucis , alia tunc huiusmodi qualitatum , pro quibus , & in quibus prædictæ leges seruantur .

In refractione atem natura seruat has leges . Si actio directa transeat à medio ratiore ad densius , refractione fit ad perpendicularem . Si autem à defiori ad rarius , refractione fit à perpendiculari . Ratio huius diuersitatis est , quia in medio ratiore magis dispergitur , in densiori magis vnitur actio . Rem ob oculos tibi ponas tum in speciebus ab eare popagatis intra aquam , tum in propagatis ab aqua per aerem . Primæ intra aquam franguntur ad perpendicularem secundæ in aere à perpendiculari .

Ex hac reflexionum refractionumq. breui faciliq. doctrina habes vnde explices quomodo aliquando accidat agens principale plus qualitatis producere in parte à se remotiori, quam in minus remota. Ad productionem enim qualitatis concurrunt non solum qualitas diffusa per medium, sed etià illa quæ est in principali agente: vnde principali tribuitur talis productio. Docet hoc expresse Philosophus 8. Phys. tex. 32. versus finem, vbi dicit impetum quo resilit sphaera à pariete repercussa esse non à pariete, sed à proiiciente.

Dicendum est igitur per reflexionem augeri siue intendi qualitatem in parte remotiori magis, quam in parte minus remota. quia tantumdem agit cæteris paribus agens principale in linea reflexa, quantum ageret in directa, si hæc protenderetur vltius, adeoq. qualitas illa, quæ produceretur per lineam directam producit per reflexam, & posita simul cum ea quæ directe producit, facit illam maiorem. Exemplum sit in radio Solis incidentie in terram. Hic radius si non impediretur à terra, vltius procederet, versus centrum mundi; sed impeditus retrocedit versus Solem ipsum, & in suo retrocessu producit in aere illam eandem intensiorem lucis, & caloris, quam produceret in linea directa versus centrum mundi. Rursu cum iam in eadem aeris parte directe producit aliquam intensiorem lucis, & caloris, hæc noua intensio priori vnta maiorem intensiorem constituit. Et quia

quo magis elongantur à terra radii reflexi. eo magis inter se disperguntur, ideo etiam eo magis decrefcit luci & caloris intensio, cæteris paribus.

Hinc habes cur etiam estate in verticibus montium fit frigidiusculus aer, qui tamen in vallibus, & in planis est calidiffimus, Nimirum in vallibus & planis fiunt reflexiones radiorum, quæ non preueniunt vsque ad vertices montium, vel si eo perueniunt, adeo dispersi, & diuatici perueniunt, vt nihil, vel fere nihil efficiant. In verticibus autem ipsis montium reflectuntur quidem radij, sed ad latera, & non per eandem lineam, vt constat proicienti pilam supra globum, vel aliam figuram huiusdi.

Dices: cacumina montium fere semper aliquantulum ventilari, & hanc esse causam cur ibi aer non adeo incalescat, aut calor ipsius non adeo sentiatur.

Resp. ita esse. Sed etiam omni vento cessante habes in dictis, cur ibi non sit ad eo vehemens calor.

De refractione eodem proportionaliter modo philosophandum est. Plures radij Solis, vel alterius luminosi impingentes in vitrum vstorium, vel in phialam aqua plenam tranfeunt à medio rariori ad medium densius, vt patet: adeoque iuxta leges naturæ refractione fit ad perpendiculararem. hoc est vniunt inter se prædicti radii versus centrum phialæ, vel vitri vstorij. Tranfeuntes deinde a vitro, seu phiala in aerem proximum non statim disperguntur, sed paulatim,

tim, adeoque aliquo modo uniti inter se egrediuntur è phiala. Hinc si in materiam incidunt facile inflammabilem illam inflammant, quia videlicet Sol tantundem caloris producit in illa materia quantum dispersisset per prædictos radios: tanta autem intensio est ad ignem sufficiens in materia cateroquin idonea.

Hic etiam satisfacies roganti, quæ sit causa qualitatem intendens in puncto concursus. Ad cuius intelligentiam scias oportet fieri quædam specula concava Solis radios ita excipientia, ut omnes illos reflectant versus sui centrum, ibique ita uniant, ut in illo puncto, in quod omnes confluunt, vehementis lux & vehemens calor oriatur. Scribebant ante aliquot annos speculum huiusmodi adeo exquisitè elaboratum, ut ad flammam candele aurum ipsum in puncto concursus liquefieret; & in multis duplicationibus factum experimentum. Quæritur causa tantæ intensiois.

Dic causam esse Solem ipsum, vel quodlibet aliud huiusmodi radios emittens ad speculum. Tantum enim lussis, & caloris producit in illo unico puncto, quantum produceret per omnes illos radios undecumque diffusos. Qui calor in puncto unitus cum intensissimus sit, est ad formam ignis sufficiens, qui ibi generatur, si materia inveniatur idonea.

De liquefactione metalli ad flammam. candæ, certum est flammam candele in ipsamet candele cuspide longe potentio,

rem esse quam intra medium eiusdem. Hec experieris si candele cuspidi plumbum applices, statim enim liquiescet cum tamen in medio flammæ detentum non nisi longo tempore dissoluatur. Ratio est: quia in cus-
spide tota vis flammæ vnitur, & in cus-
pide conflunt omnes spiritus ignei eiusdem flammæ. Si verum est aurum ipsum à candela liquefieri in puncto concursus: dicendum est præter calorem, qui in prædicto puncto vnitur, confluere etiam spiritus igneos innumerabiles, qui simul vniti intensissimum calorem efficiunt.

Quod si dicas candelam non plures spiri-
tus emittere, quam habeat in se. Respondeo
ita esse. Et hic valet ad litteram: *nemo dat
quod non habet*. Sed ex materia quam con-
uertit in ignem flamma candelæ, novos se-
per, & novos spiritus gignit, quos continuo
eiaculatur in speculum: qui in tanta copia
congregantur, vt vehementius agere possint
quam ipsamet flamma candelæ.

Q V Æ S T I O V.

De Duplici actione totali.

A R T I C V L V S I.

*Possint ne esse plures causæ totales eiusdem
numero effectus.*

Dictum est ad agendum requiri præ-
sentiam agentis ad passum. Dubita-
ri potest an ad agendum per modum cau-
sæ

sa simpliciter adæquata requiritur insuper absentia omnis alterius agentis; seu influentis in eundem effectum. Hoc est quod sub aliis terminis alibi agitur à nonnullis: videlicet: an eiusdem numero effectus esse possint plures causæ totales in actu secundo.

Et quidem de pluralitate causarum totalium in diuerso genere causandi non controuertitur. Nam & causa materialis debet esse adæquata in suo genere, & formalis in suo, & sic de cæteris. Controuertitur autem de pluralitate causarum totalium in eodem genere causæ. Puta possint ne ignis *A*, & ignis *B* ita esse causæ efficientes ignis *C*, ut quilibet scorsim acceptus sit causa totalis, & adæquata ipsius. Præterea non est sermo de multiplici causa totali in actu primo; supponimus enim tam ignem *B*, quàm ignem *A*, aut quēlibet alium huiusmodi esse in actu primo causam efficientem cuiuslibet alterius ignis. Quæritur autē, an sicut contingit plures esse causas efficientes in actu primo eiusdem effectus; ita contingere possit esse plures in actu secundo, hoc est: ita ut quælibet ex illis sit causa totalis in actu secundo effectus.

Denique nomine causæ totalis, & adæquata ne intelligas eam, ultra quam nulla alia influat in effectum. Qui enim hoc intelligit nomine causæ totalis, disputare nequit an possint esse plures causæ totales eiusdem effectus: cum repugnet in terminis ita influere in effectum, ut nulla alia influat; &

influere in effectum, alia simul influente. Nomine igitur causæ totalis eam intellige, quæ ita dat effectum, ut qualibet alia cessante, ipsaq; nihil plus quam influit influente, idem omnino effectus detur. De huiusmodi causa quæritur an respectu eiusdem effectus queat esse multiplex.

Prima sententia asserit posse etiam naturaliter esse duas causas totales eiusdem numero effectus. Hæc sententiam habes apud Suarezium, qui illam refellit disp. 16. Metaphys. sect. 4. num. 11.

Secunda negat etiam supernaturaliter posse esse duas causas totales eiusdem numero effectus. Hæc sententia communis est inter Scotistas, ducem suum sequutos in 3. dist. 1. quæst. 2. & in 2. dist. 20. Scotistis fauent hac in re non pauci Thomistæ, inter quos Caiet. 3. parte, quæst. 67. art. 7. Et ex nostris multi cum P. Vasquez in tertiam partem disp. 29. cap. 4.

Tertia sententia mediat inter utramq; ex oppositis; aitq; non posse quidem naturaliter esse plures causas totales eiusdem numero effectus: posse tamē supernaturaliter. Hæc sententia est Suarij disputatione citata, multosque, & egregios habet sectatores.

Priam conclusio sit. Neque de potentia Dei absoluta possunt esse plures aut pauciores causæ totales intrinsecè eiusdem numero effectus. Probatur hæc conclusio, si explicetur. Causæ intrinsecæ sunt constitutivæ intrinseca rei: manifestum est autem non esse idem totū quod constat ex pluribus; &
id,

id, quod constat ex paucioribus. Puta si præter materiam, & formam *A*, ponas insuper formam *B*; evidens est non haberi illud idē totū per duo, quod haberetur per tria. Hinc mirabile est Scotistas arguera à pari: *nequeunt eiusdem rei esse plures, vel pauciores causæ materiales, aut formales: ergo neque plures, vel pauciores causæ efficientes.* Certe eiusdem rei possunt esse plures causæ efficientes, saltem disiunctivè: cum tamen evidens sit non posse idem totum haberi per plura disiunctivè constitutiva.

Secunda Conclusio. Etiam naturaliter possunt esse plures causæ totales eiusdē numero effectus in genere causæ finalis: hoc est: idem numero effectus poni potest propter duos fines, aut plures, singulos adequatos. Progatur conclusio; quia illa eadem ambulatio, quæ ponitur propter sanitatem, potuit poni propter sanitatem simul, & voluptatem; itaut quilibet ex his finibus adequate moveat ad ipsam: ergo eadem ambulatio potest adequate finalizari à duplici fine, utrolibet totaliter finalizante. Idem dic de tribus & quatuor, &c.

Dices; distinguendum esse inter effectus immediatos, & mediatos causæ finalis; siue inter actionem internam, & actionē externam pendentem à causa finali. Effectus immediatus causæ finalis est amor ille, quo erga finē fertur agēs operans propter ipsū: mediatu vero est medium illud, quod operans adhibet ad consecutionem finis. Effectus immediatus dicitur etiam actio inter-

na qua ferimus in bonum ; mediatum verò actio externa, qua medium ponimus ad finē obtinendum. Hac distinctione posita, dicas posse quidem eundem effectum mediatum esse propter plures fines adequatos; sed non eundem immediatum. De mediato patet ex argumento supra adducto : de immediato, quod nequeat, probatur : quia impossibile est amorem illum, qui est vnius finis puta sanitatis, esse etiam amorem alterius, puta voluntatis : quod si sit vtriusq; non est idem amor qui esset vnius. Nam amor sanitatis & voluptatis essentialiter differt ab amore tum solius voluptatis, tum solius sanitatis.

Resp. quod hæc doctrina circa differentiā inter amorem vnius, & amorem plurium, siue alterius, quam est vera, tam est extranea. Arobaret etiam hac ratiocinatione, neque disiunctiue, posse moveri à pluribus causis finalibus adequatis: sicut enim idem amor nequit esse solius sanitatis, qui sit vel voluptatis, vel sanitatis simul & voluptatis: ita nec id. m potest esse disiunctiue vnius, aut alterius, vnius; aut plurium. Fundatur igitur opposita ratiocinatio in hoc, quod non bene attingat propriam causalitatem causæ finalis. Illud dicitur causari finaliter, seu finalitari à sanitate & voluntate, quod amatur, & ponitur signate tum propter sanitatem, tum propter voluptatem: sed ipsemet amor sanitatis, & voluptatis non amatur signate & propter sanitatem, & propter voluptatem; ergo, &c. Amari, & adhiberi in gratiam alterius, seu

potius gratia alterius consequens, est amari ex amore alterius; ipse autem amor non amatur ex amore alterius.

Ceterum accipiendo ea omnia, quæ consequuntur a propositionem rei quæ est finis, pro effectibus finis; certum est non eundem esse effectum adæquatum vnius, qui est effectus adæquatus alterius. Posset autem prædictus amor dici ratio, quæ finis finalizat: per hunc enim voluntas determinatur ad media adhibenda, quibus rem amatam obtineat. Puta amor efficax sanitatis determinat voluntatem ad sumendam medicinam. Non desunt qui causalitatem voluptatis, & sanitatis, respectu amoris, quam erga se excitant in voluntate, dicant esse de genere efficientis. Ita species emisse ab obiecto reducuntur ad causam efficientem respectu cognitionum, quas potentia prædictis speciebus munita elicit. Quemadmodum enim potentia visiva completur in ratione proxime potentis elicere visionem per species emissas ab obiecto visibili; ita etiam potentia volitiva completur in ratione proxime potentis elicere amorem, per præsentiam intentionalem obiecti amabilis; cum hoc discrimine, quod potentia visiva recte disposita receptis speciebus necessario videt: volitiva vero, etiam præsentia bonitate obiecti, non necessario amat, saltem, loquendo de bono, quod non appareat purum bonum.

Tertia Conclusio. Non repugnet simpliciter, & absolute eundem numero effectum esse à pluribus causis totalibus efficientibus

Probatur hæc conclusio argumento cōmuni huiusmodi colusionibus , Non apparet quod duas causas efficientes influere singulas totaliter in eodem effectum , inuoluat contradictionem ; ergo &c. Anr. probatur efficaciter eo ipso , quod non probatur efficaciter oppositum . Illud autem alibi sic explicuimus , vt nihil hic sit addendum.

Hanc eandem conclusionem probant alij assignando aliquem finem sapienter expetibilem in multiplicatione causę totalis. Hic finis, aiunt , est maior securitas effectus, seu securitas effectus existendi simpliciter in hypothesi , in qua Deus faciat hoc decretū, *volo vt ignis C existat cessante actione ignis A, & nulla alia ipsius in locum substituta.* Stante hoc decreto adhuc existet ignis C per actionem ignis B; non exiturus, vt patet, si fuisset vnica, & solitaria actio ignis A. Hoc argumentum non magnifacio, sed quia pro nobis est , valeat quantum valere potest . Vnum habet pro certo quod etiam si argumentum hoc nulli vmquam in mentē venisset , esset eadem omnino nostrę conclusionis probabilitas .

Alii aliquid aliud poni excogitant in actione illa supererogatoria quoad existentiam effectus. Habet enim, inquiunt , quod possit verificare aliquas propositiones conditionatas, In his non immoror. Rogo solum cur non etiam absolutas? Quidquid enim est , verificat propositiones non tot quin plures de sua existentia. Vbi nota , quod qui per huiusmodi argumenta superfluitatem adi-

munt

munt ijs, quæ vt superflua reiiciuntur ab aliis: nihil vñquam admittent esse superfluum; adeoque nihil vñquam repudiabunt vt tale.

Obiic. 1. Si idem effectus penderet à duplici causa totati, ab eadem causa penderet, & non pendaret, conf. est impossibila, ergo & ant. Sequela maioris probatur, quia si supponas effectum pendere ab actione *A* totaliter, eo ipso non pendet ab actione *B*: ergo &c. Probatur ant. quia pendere ab actione *B* est ita debere suam existentiam actioni *B*, vt si hæc non daretur, cæteris omnibus inuariatis, ipsa non existeret: sed in suppositione duarum actionum totalium, etiamsi non daretur actio *B*, adhuc cæteris omnibus inuariatis, effectus existeret: ergo in prædicta suppositione effectus non pēdet ab actione *B*. Minor est euidens: quia simul cum actione *B* supponitur actio *A* dans totaliter esse effectui: sed simul pendet ab actione *B*, vt esset conclusio, ergo pendet, & nō pendet. Melius dicitur pendere à causa, quam ab actione: sed est idem argumentum. Hæc eadem ratiocinatione probatur quod à neutra pendet, & simul ab vtraque; Ab vtraque quia ita supponit conclusio: à neutra quia qualibet deficiente; adhuc effectus existeret,

Mutatis nominibus hoc idem proppnitur sic. Effectum esse à duplici causa totali, est effectum ad sui existentiam indigere duplici causa totali, implicat effectū indigere duplici causa totali: ergo implicat esse à duplici

plici causa totali. Maior probatur, quia tota ratio, propter quam effectus est à causa, est indigentia causæ quæ est in effectui, ergo habere esse à duplici causa totali, est habere indigentiam duplicis causæ totalis. Minor etiam probatur; quia eo ipso quod indigentia satisfi adæquatè per actionem, implicat in terminis esse indigentiam actionis. B.

Resp. argumentum propositum euanescere per explanationem huius vocabuli: pendere. Si per ly pendere intelligas rem ita esse ab hac causa ut cessante tali causa non esset, implicat in terminis pendere à duplici causa totali, sed hic sensus non modo non est nostræ cōclusionis; verum est oppositus nostræ cōclusionis; ita enim dicimus rem esse à duplici causa, ut utralibet deficiente adhuc res esset, & secundum totam suam perfectionem intrinsecam esset, si autem per ly pendere nihil aliud intelligas, nisi procedere, aut effici, negamus quod procederet, & non procederet: efficeretur, & non efficeretur. In forma nega sequelam maioris & argumentum dissolue per explanationem vocabuli.

Ad illud de indigentia nega mai. Effectui pendere, seu esse à duplici causa totali, non est esse in effectui indigentia duplicis actionis: sed potius est vni eidemq: indigentia alicuius actionis indeterminate, satisfieri liberaliter per duplicem, quamvis nec hac, nec vlla alia determinate accepta indigeat.

Instabis: non est assignabile à quam ex
plu-

pluribus causis pedeatur effectus in hypothese plurium causarum: ergo vel à nulla, vel ab omnibus: non à nulla ergo ab omnibus; sed ostensum est quod non ab omnibus, ergo. &c.

Resp. neg. ant. Pendere accepto pro procedere pondebit ab omnibus, & à singulis totaliter. Pendere accepto pro indigere, à nulla determinate pondebit. Nulla enim est actio determinate assignabilis, de qua dici possit, hac indiguit effectus ut existeret. Indiget aptem effectus actione aliqua, quæ exeat extra causas, satisfit autem huic indigentiae per hanc, vel per illam, vel per utramque, prout magis, vel minus liberaliter existit. Qui bebet tibi unum duplionem, si dederit decem, non assignabis ullum, quod determinatur tibi debuerit satisfacere; quicumque autem assignes, assignas determinate quo potuit,

Obiic. 2. Implicat quod res accipiat ab alio id, quod aliunde habet sed in casu posito res habet esse à causa A; ergo implicat quod illud accipiat à causa B. Confirmatur, quia Deus operatur per singulas actiones causae secundae, ergo per actionem A dat esse effectui; ergo nequit eidem effectui dare esse per actionem B. Probatur ultima cons. quia actum ageret, & datum daret, quod est inconueniens.

Resp. neg. mai. Ad confirmationem conc. ant: & prima cons. nego ultimam. Ad probationem dist. actum ageret, hoc est, ageret per unam actionem id, quod agit per aliam concedo; ageret per unam actionem id,

id, quod præsupponeret iam actum per aliam; nego. Agendo de prima productio: ne: implicat in terminis actum agere in secundo sensu, non autem in primo.

Obiicies 3. Influxus totalis causæ *A* cum influxu totali causæ *B* est essentialiter plus, quam influxus totalis solius causæ *A*: sed influxus totalis causæ est effectus ipsius: ergo effectus totalis causæ *A* cum effectu totali causæ *B* est essentialiter plus, quā effectus solius causæ *A*: ergo effectus utriusque est quid distinctum ab effectu utriuslibet: & consequenter non est ille idem effectus ab utralibet, qui est ab utraque. Maior probatur; quia complexum ex utroque influxu actuali est totum cuius est pars influxus cuiuslibet seorsim sumptus totum autem est essentialiter plus, quam pars. Fuit qui crederet hoc argumento probari evidenter implicantium plurium causarum, totalium eiusdem effectus.

Resp. rogando quid intelligat per ly influxus? si nomine influxus actualis intelligat ipsummet effectum, ut dicit in minori, falsum est quod influxus actualis causæ *A*, & influxus actualis causæ *B* sit essentialiter plus, seu aliquid maius: quam influxus actualis solius causæ *A*: & petere hoc: est petere principium: cum id ipsum ponat nostra conclusio: videlicet nihil poni per actionem *A*, quod non idem ponatur per actionem *B*: & consequenter petere complexum ex effectu posito per actionem *A*, & effectu posito per actionem *B*, est petere com-

complexum ex eodem cum seipso: & dicere hoc complexum esse maius quolibet effectu, est dicere idem esse maius seipso. Quod si nomine influxus actualis intelligat ipsammetationem, qua effectus precedit à causa; concede complexum ex influxu causæ A. & influxu causæ B, esse essentialiter quid plus, quam solus influxus causæ A: est enim evidens quod vtraque actio simul sumpta est aliquid plus, quam quælibet seorsim. Sed quæstio nostra non est an duæ actiones sunt essentialiter quid plus, quam vtralibet: quis enim de hoc dubitet; sed an per duas actiones illas, quæ sunt plusquam vnica, necessario ponatur aliquid plus, seu maior terminus, quam per vnicam; & hoc est quod negamus, quia tamen Aduersarius vel nomine influxus actualis intelligi ipsummet effectum: in forma ad argumentum nega maiorem.

Instabis: in effectu procedente per duplicē actionē reperitur aliquid, quod non reperitur in effectu procedente per vnicā, ergo non est idem effectus per duas, qui esset per vnam. Ant. probatur; quia actio ex dictis supra, recipitur in termino, ergo terminus per duas actiones procedens à duplici causa, habet in se duas actiones effectus autem procedens ab vna per vnam, habet in se vnam dumtaxat, ergo &c.

Resp. transf. ant. eiusque probatione, neg. conf. Quamuis actio recipiatur in termino, non tamen est terminus. Transmittimus autem recipi in termino, quia per
ter-

terminum recte intelligitur res, quæ sit. Hæc autem ex materia constat, & forma, adeoque ex subiecto actionis. Conclusio autem est, non quod per duas actiones non habeatur formaliter aliquid plus, quam per vtramlibet, sed quod nihil plus fiat per ipsas.

Obiicies 4. Ex doctrina tradita sequitur posse produci rem iam ante producta, conf. est absurdum, ergo & ant. Sequela maioris probatur: quia rem iam existentem noua actione produci non inuoluit contradictoria. Rursus hæc secunda actio potest ordinari ad varios fines, quos sibi proponere potest diuina sapientia. Imo valet idem omnino de hac actione aliam subsequente, quo de actione B concomitante actionem A. Etiam si enim nullus nobis finis in mentem veniat, ad quem ordinetur: absurdum tamen est ex hoc inferre nullum esse finem, neque ipsi Deo excogitabilem, ad quem ordinetur.

Resp. hanc sequelam continere meram putam quæstionem de nomine. Illam actionem, quam Aduersarius petit, ultro damus. An dicenda sit productio, an conseruatiu ipsimet Aduersario remittimus. Certum est quod non erit prima productio, & quod terminus per huiusmodi actionem non accipiet primò esse. Secus in casu nostræ conclusionis. Si enim actio A, & actio B concomitanter & indiuisibiliter terminentur ad eundem numero ignem: ignis primò est ab vtraque.

Dices, per illam actionem subsequentem actum agitur, & datum datur, ergo nequit actio illa subsequens admitti.

Resp. conc. ant. neg. conf. Etiam actio conseruatiua caloris actum agit, & datum dat, conseruando terminum actionis prateritæ. Repugnantia est in primo agendo iam actum, & primo dando iam datum, non autem in secundo producendo iam productum.

Obiicies 5. Nequit eadem actio esse à pluribus causis, ergo nec idē effectus à pluribus actionibus. Ant. probatur, quia actio non est indifferens vt terminetur ad vnum, vel ad plures effectus est enim essentialiter alligata causæ, & effectui, itaut si sit ab igne *A*, sit essentialiter distincta ab ea, quæ est ab igne *B*, & si sit ab vtroque, sit essentialiter distincta ab ea, quæ esset à quolibet diuissim. Eam igitur actionem, quæ est ab *A*, fuisse ab *A*, & à *B* dicit contradictoria, vt saepe explicatum est.

Resp. concessio antec. & tota probatione eiusdem, neg. conf. Disparitatem habes in obiectione. Actio est essentialiter affixa rei, cuius est actio: effectus non est essentialiter affixus causæ, cuius est effectus. Est enim sermo de effectibus absolutis. Aduerte autem argumento propositio, si quid probaret, probatum iri neque disiunctiue eundem numero effectum esse posse à duplici causa totali; cum eadem actio non sit indifferens vt sit ab hac, vel ab illa causa. Nota insuper, quod etiam si de aliquo effectui
pro-

probaretur non posse esse à duplici causa ; ob aliquam essentialem affixionem cū vna , nihil probaretur contra nostram conclusionem .

Obii. 6. Si non repugnet duplex causa totalis, neque repugnat mutua causalitas in genere efficientis , conseq. ex alibi dictis est falsum , ergo & antec. Sequela mai. prob. Ponamus de facto ignem C pendere & totaliter ab igne A , & totaliter ab igne B . In hac hypothesi ? quod B pendeat à C non impedit quin possit esse causa eiusdē C , ergo &c. Antec. prob. quia quod etiam B non agente existeret C , & è conuerso , non probat quod neque B pendeat à B , nec è conuerso ; hoc enim probaret impossibilitatem duplicis causæ totalis , vt patet ex dictis. Quolibet enim non agente , adhuc habetur effectus ; ergo &c. Confirm. quia per hoc quod B pendeat à C , nec minus virtutis actiue , nec minus distinctionis habet in hoc eodem instanti à C , quam habeat ignis A , à quo ponitur pendere C .

Resp. neg. seq. Ad prob. admitta hypoth. , nega antec. Ad probat. conc. antec. nega conseq. Non ideo reieciimus mutuam causalitatem. quia utrolibet non agente , adhuc alterum existeret , sed quia actus secundus natura præcederet primum , resque esset prius in actu quam in potentia , quod est absurdum ex terminis , nam per actionem cui natura præsupponitur efficeret actum primum ad primam sui existentiam . Ad confirm. dici idem valiturum etiam non
ad-

admissa duplici causa totali. Nam etiam si ponatur solus ignis *B*, adhuc tantum habet & virtutis, & distinctionis à *C* quantum quilibet alius à *C* distinctus. Non igitur ex defectu virtutis aut distinctionis, sed ex necessitate metaphysica quod res non sit prius in actu quam in potentia negamus mutuam causalitatem. Hæc autem necessitas fuit adeo evidens Philosopho 1. Phys. cap. ult. ut non alio ratiocinio usus fuerit ad probandum ingenerabilitatem materiæ primæ, quia si ex aliquo primo subiecto sit, cum hoc subiectum sit ipsa, est antequam fiat. Manifestum est autem non aliam prioritatem requiri in causa passiva, quam in efficiente, adeoque prioritatem illam actus secundi ad primum quæ ut evidenter absurda relictur, esse prioritatem secundum naturam.

Dices. Ut existens ab *A* efficeret actum primum sui ut existentis à *B*. &c. Resp. hoc ipsum esse absurdum ex terminis. Nam existentia ab *A* & existentia à *B* accepta est eadem, prima, indivisibiliter & per actiones concomitanter se habentes ad idē. Hæc autem efficeret actum primum sui ipsius, adeoque esset antequam esset, imò ageret antequam esset, cum agere, si sit, necessario sit tantum post esse, valet: agit: ergo est: non è couerso: Aduerte autem quod quamuis ordo secundum naturam non sit æque sensibilis, ac ordo secundum tempus, est tamen æque realis, & æque necessarius.

ARTICVLVS. II.

*Possit ne naturaliter esse idem effectus
à multiplici causa efficiente
totali.*

Quartæ Conclusio. Nequit idem numero effectus esse à duplici causa efficiente, vtrique totali. Est sententia communis apud recentiores. Hanc autem à priori sic probant. Deus & natura nihil faciunt frustra, sed si darentur duæ causæ totales in actu secundo, earum altera esset frustra; ergo nequeunt naturaliter dari duæ causæ totales eiusdem numero effectus. Maior est principium in primo de Cælo tex. 32. assumptum à Philosopho vt per se notum. Minor probatur; quia illa actio est frustra, per quam nihil habetur, præter ipsam, quod non haberetur, etiam si non esset, sed vtralibet ex his actionibus non existente idem haberetur effectus, qui habetur illa existente, ergo altera ipsarum est frustra. Vbi nota, id quod probatur de altera probari eodem argumento in vtrique. Maior probatur, quia nulla actio ponitur gratie sui, sed solum gratia termini, siue effectus, ergo si idem terminus, siue effectus per ipsam habetur qui haberetur sine ipsa, superflue & frustra ponitur ipsa. Minor vero supponitur ab vtrique parte disputantium: si enim per vtram;

utramque simul aliquis effectus habetur, qui non haberetur per utramlibet; eo ipso neutra seorsim sumpta, sed utraque simul est causa totalis, singulæ autem partiales.

Sunt qui respondeant ad argumentum propositum negando minorem. Ad probationem illius sistingunt maiorem, illa actio est frustra, per quam nihil habetur, nec alio modo, concedunt, per quam nihil habetur, sed habetur alio modo: negant maiorem, & eodem modo distincta minori, negant consequentiam. Posita vnica actione habetur effectus dependens ab vna causa: duplicata actione habetur dependens à duplici, triplicata à triplici &c. Et consequenter quamuis habeatur idem terminus, habetur tamen diuersimodè; adeoque nulla actio in consortio cuiuslibet alterius erit superflua.

Hęc tamen responsio est absurda. Si enim valeret, nulla omnino res repudiari posset ex cepte superfluitatis. Semper enim per hoc quod sit, habebitur aliqua denominatio quæ non haberetur, si ipsa non esset. Puta reicitur vt superfluius modus relationis inter album *A*, & album *B*: quia, etiam præscindendo ab ipso, album *A*, & album *B* sunt inter se similia, ergo ad similitudinem est superfluius modus. Distinguetur consequens: ad similitudinem quomodolibet habendam: concedetur; ad similitudinem habendam hoc modo; negabitur. Et nihil omnino fingere poteris; quod alius
reii-

eijcere possit ut superfluum, quia quicquid detur dabitur aliquod complexum, quod non daretur, si ipsum non esset. Idem omnino dic de ijs, qui aiunt aliquid boni habendum per actionem *B* in consortio actionis *A*, quod non haberetur sine ipsa: Est enim certum, quod in omni eo, in quo admittis rationem entis, admittis rationem boni.

Ut igitur principium Philosophi valeat aliquid: supponendum est actionem non posse esse propter se, sed solum adhiberi à natura ut medium ad effectum: præter autem hanc bonitatem mediæ nullam esse aliam in actione. Præterea ponendum est, quod quamvis natura agat propter finem, ut ostensum est supra; agere tamē propter fines extrinsecas est proprium agentis intentionaliter, & ex cognitione. Rem explico. Ignis accendens stuppam agit propter finem: homo ignem applicans stuppæ agit propter finem. Finis ignis *A* comburentis stuppam est ignis *B*, qui dicitur finis intrinsecus talis actionis: finis autem hominis applicantis ignem ad stuppam potest esse multiplex: neque enim solum intendit ignem *B* per actionem ignis *A*; sed præterea intendere potest dare signum, vel periculi imminētis, vel salutis, vel aliquid aliud huiusmodi. Operari propter finem primo modo, est commune omni agenti: operari secundo modo est agenti ex intentione elicita finis. Hoc posito facile est ostendere, quod natura duplicando actionem ageret frustra: non autem
Deus

Deus. Ageret frustra natura, quia non agit propter fines extrinsecos, sed solum propter intrinsecū, qui est terminus: adeoque actio nequit à natura ordinari nisi ad terminum; qui terminus cum æque habeatur per vnā, ac per duas, frustra duplicatur: Deus autem potest ordinare actionem ad alios fines: & consequenter ex eo quod sit frustra duplex actio in natura operāte, & in Deo operante purē ad exigentiam naturæ; non tamen erit frustra in Deo operante vel supra, vel præter exigentiam naturæ.

Probatnr autem eadem conclusio à posteriori, Numquam plures causæ totales influunt totaliter singulæ in actu secundo ergo nequæunt naturaliter plures causæ totales influere singulæ totaliter. Conseq. probatur: quia natura semper facit quantum potest; si igitur numquam per plures influat, totaliter per singulas, signum est evidens quod non potest. Probatnr aut. quia quotiescunque plures causæ singulæ sufficientes ad effectum applicantur passo, toties singulæ vel minus agunt, vel si tantumdem agunt quantum acere ut, plus agunt omnes quam singulæ; ergo numquam plures sūt efficientes singulæ totaliter eundem effectum Antec. explicatur. Da plures homines, singulos aptos vni pōderi eleuādo, eleuare ōnes simul hoc pōdus: manifestū est singulos minus defatigari, quā si quilibet se solo pōdū attolleret. Idq; non ex electione, sed natura rei nō enim eligunt minus defatigari, sed eli-

gunt plures simul attollere, vt singuli minus defatigentur, adeoque exercitium libertatis consistit in hoc, quod plures, vel pauciores vniantur in idem: non autem vt vniti in idem minus defatigentur. Idem patet si duo funes, aut plures sustineant idem pondus; quilibet ex ipsis minus tenditur, & suo modo minus laborat, etiam si singuli ad pondus prædictum sufficiant. Duo ignes aut plures vehementius, & celerius intra idem spatium temporis calefaciunt, adeoque plus caloris producant, quam quilibet seorsim acceptus. Pura celerius inflammant idem inflammabile, adeoque dum vnus introduceret quatuor gradus, ambo simul introducant octo, non quod aliquid introducat ab vno, quod non ab altero; sed quod ambo simul, & indiuisibiliter intra quamlibet mensuram temporis plus aliquid agant, quam quilibet. Natura autem semper facit quantum potest.

Denique habes dictum Philosophi 7. Metaph. cap. 2. asserentis esse quidem multas causas eiusdem effectus, sed non eodem modo, hoc est, non multas in eodem genere causæ. Pura eiusdem ignis est causa efficiens, materialis &c.

Obiicies 1. Plures sacerdotes sunt causa singuli adæquata existentia Christi domini sub speciebus Eucharisticis: ergo possunt eiusdem numero effectus esse plures causæ adæquata. Ita autem se habet conuersio panis in corpus Christi ad virtutis Sacerdotis operantis per verba, sicut conuersio

ligni in ignem ad virtutem igni operantis ;
 vel per seipsum ; vel per accidentia . Præ-
 terea eque absurdum est multiplicare actio-
 nes adæquatas in miraculo , ac actiones na-
 turales in opere naturæ , ergo vel vtrobiq;
 vel nullibi , non nullibi , vt patet , nam
 centum Sacerdotes proferentes formulam
 consecrationis supra eandem Hostiam ,
 eundem panem conuerunt in eundem Chris-
 tum singuli adæquate , quia vel vno ex ipsis
 dicente , eadem omnino cōtingit conuersio .

Resp. diuersimodè responderi ad hoc ar-
 gumentum . Sunt qui dicant per totidem
 actiones produci Christum Dominum ,
 quot sunt formulæ , seu potius quot sunt
 Sacerdotes proferentes formulam conuer-
 suam panis in corpus Christi Domini :
 aiuntque causam productiuam esse ipsum
 met Sacerdotē , qui propterea verè , & pro-
 priè dicitur cōficere corpus Christi Domi-
 ni . Alij dicunt produci verè corpus Chri-
 sti sub speciebus panis , Sacerdote dicen-
 te : *hoc est corpus meum* : sed actionem pro-
 ductiuam non esse ab alio , quam à Christo
 Domino , cuius nomine Sacerdos dicit ; *hic
 est corpus meum* , posse autem Christum Do-
 minum centies , & millies producere seip-
 sum . Actionem productiuam non esse à Sa-
 cerdote , sed à Christo , cuius nomine Sa-
 cerdos loquitur , suadent ex ipsa formula ,
 quæ si non esset in ore Sacerdotis nomine
 Christi , sed nomine proprio : falsa esset ;
 dicit enim ; *hoc est corpus meum* : cum re
 ipsa nequeat Sacerdos suum dicere corpus

Alii pro termino actionis, qua conficitur Sacramentum corporis Christi non ponunt ipsummet corpus Christi, sed unionem, qua corpus Christi cum speciebus vnitur: pro termino, inquam, qui producat. Actio igitur communicatiua corporis Christi cū speciebus, & conuersiua panis in corpus Christi habet pro termino, quem efficiat, unionem: pro termino, quem communicet, corpus Christi iam ante existent, Hæc vltima sententia placet, —

Sed eadem prorsus difficultas est siue ad Christum, siue ad unionem actio terminetur. Nam non minus absurdum est plures actiones totales terminari ad unionem habendam per quamlibet, quam ad corpus Christi Domini. Hæc tamen difficultas facile soluitur dicendo: actionem & esse vnicam, & esse à Christo Domino Sacerdotibus moraliter solum, & non physicè influentibus: quatenus videlicet omnes simul mouent Christum Dominum, vt, collocet se sub speciebus panis, idem facturum, si vel vnus verba proferret. Non est autem nouū facere aliquid intuitu plurium, quod æque faceres intuitu cuiuslibet idem potentis, Quod si quis omnino velit actione esse à Sacerdote, nō moraliter solum, sed physicè, habes disparitatem inter causas supernaturaliter, & causas naturaliter operantes est autem certum Sacerdotē in altissimo hoc mysterio supernaturaliter operari.

Obijc. 2. Possunt naturaliter plures causas finales fluere singulæ totaliter in eundem

dem numero effectum, ergo etiam plures
 causæ efficientis. Ant. est nostra doctrina.
 Conf. probatur, quia sicut natura nihil ha-
 bet superflui, ita naturæ nihil deest neces-
 sarij, necessarium autem est ad bene esse
 singulis mediis singulos fines adipisci: ne-
 dicamus naturam laborare paupertate fabri
 delphici, qui vno gladio utebatur ad om-
 nes vsus; quam paupertatem remouet à
 natura Philosophus. cuius est hoc dictum;
*natura non laborat paupertate fabri del-
 phici.*

Resp. conc. ant. neg. conf. Pluralitas fi-
 nium per idem numero mediū nihil ponit
 absurdi: nihil enim demit necessarij, nihil
 ponit superflui. Melius enim est vno medio
 plures assequi fines, quam vnicum cæteris
 paribus. Argumentum petatum ex pauper-
 tate fabri delphici non facit ad rem. Pro-
 batur autem eadem planè ratiocinatione
 centum discipulis rectius adhiberi centum
 magistros, quam vnum. Non erat pauper
 faber delphicus eo quod vno gladio utere-
 tur ad plures, sed eo quod uteretur ad om-
 nes vsus, inter omnes autem aliqui non
 erant proprii. Qui panem, & casaum, &
 pipionem eodem gladio diuidit, non pro-
 pterea est pauper, quia isti plures vsus, sunt
 vsus proprii gladii. Qui autem eodem gla-
 dio uteretur, vt serra ad secandum lignum
 ex paupertate hoc faceret: quia alius est
 vsus gladii, alius serræ: & in hoc erat
 paupertas fabri delphici, quod eodem
 gladio panem diuideret, secaret lignum,

sculperet, laeuigaret, & cætera id genus, in quo erat ars morabilior, & cum arte mirabiliori, mirabilior paupertas.

Obijc. 3. Causa necessaria agit quantum potest: ergo duæ causæ efficientes possunt naturaliter influere, imo naturaliter influunt singulæ totaliter in effectum. Antec. est primum principium in tractatu de causis: agere enim non secundum totum sum posse, sed plus vel minus, vel etiam nihil, est prerogatiua potentiae liberæ. Probatur iam consequ. quia qualibet causa seorsim accepta, est adæquata in actu primo, ergo potest esse adæquata in actu secundo, ergo de facto est: facit enim qualibet quantum potest. Exemplum habes in duobus ignibus eidem stuppæ applicatis. Quilibet seorsim acceptus potest urere stuppam, ergo in utrisque simul est duplex actus primus adæquatus ad eundem ignem: sed utriusque actus secundus tantus est, quentus actus primus: ergo actus secundus utriuslibet est adæquatus, & consequenter tertius ille ignis ita est adæquate ab utroque, ut sit adæquate ab utrolibet.

Resp. dist. ant. causa necessaria agit quantum potest in his circumstantiis, in quibus est conc. ant. quantum potest in quibuscumque circumstantiis; nego ant. In casu posito neutra est actus primus adæquatus, sed utraque simul, ut habes ex dictis, adeoque etiam in his circumstantiis tantus est actus secundus, quatenus primus: quamuis enim in qualibet habeas sufficientiam adæquatam, non

tamen habeas illā pro quacumq. circumstā-
tia respectu cuiuslibet effectus. Puta duo illi
ignes simul accepti sunt sufficientia ad octo
gradus caloris, intra vnum minimum tem-
poris inducendos in stuppam, vterlibet au-
tem esset solum ad quatuor intra eadem
mensuram temporis: quamuis vterlibet ean-
dem caloris mensuram duplo temporis spa-
tio induceret. Citius igitur habes effectum
à duobus, quam ab vno, & consequenter
ratio causæ totalis, sicut in actu secundo est
in vtroq. simul, ita etiam in actu primo in
circumstantijs positis. Ita etiam aliæ circū-
stantiæ aliter determinat etiam causas ne-
cessarias, puta maior, vel minor approxi-
matio agentis ad dasum, maior, vel minor
contrarietas, aut dissimilitudo, & sic de
cæteris. Vbi obiter nota hanc sententiam
longe facilius defendi in sententia nostra,
quæ ponit accidentia pro virtute immediate
productiua substantiæ, quam in opposita:
da enim ipsammet substantiam ignis imme-
diate producere alium ignem: & explica-
quomodo duæ substantiæ producant tertiam
quæ & in instanti producit tota, & est in-
cepax intensiōis. iuxta illud: *Substantia
non suscipit magis, & minus*. Nos autem
qui accidentibus damur hoc, quod natura
dedit, videlicet vt sint virtus immediate
productiua substantiæ, esserimus eadem in-
tra eadem mensuram citius in idem subie-
ctum induci à pluribus, quam à pauciori-
bus efficiētibus, sic cetera sint paria: & quia
vltra determinatam mēsuram, ex consensu

omnium, non augentur naturaliter qualitates: ideo quantumlibet multiplices agentia, ubi hæc eo peruenit ut sit productiua, formæ, illam producit, nec ultra determinatam sibi à natura iniectionem intenditur, iuxta Phil. 1. 5. de Gen. Anim. c. 4.

Q V Æ S T I O V.

De reactione.

OMne agens in agendo repari est veluti axioma. Ad illius intelligentiam aliquid de resistentia dicendum est. Resistere igitur secundum acceptionem notissimam est impedire ne vel aliquid fiat, vel tam celeriter aut tam perfecte fiat. Corpus opacum resistit propagationi luci, dum impedit ne lux diffundatur. Homo contranitens validiori se, resistit impellenti se, non modo cum impedit omnino, ne aliter ipsum dimoueat, sed etiam cum impedit ne tam cito & tam procul amoveat.

Resistentia de qua hic, est resistentia quæ tale resistit tali puta calidem frigido, nam ut ille: *frigida pugnabunt calidis, homentia stecis*. Potest autem resistentia huiusmodi, quæ propria est qualitatibus alteratiuarum considerari tum in actu primo, tum in actu secundo. In actu primo est ipsamet qualitas ut exigens vel non poni, vel non tam perfecte poni actionem suam contrariam, in actu secundo est ipsamet non positio qualitatis ad exigentiam alterius. Ut autem hoc intelligas:

Di.

Diuiditur resistentia in actiuam & formalem. Per actiuam intelligunt satis communiter actionem ipsam, qua vna qualitas imminuit sibi contrarium, adeoque vim hostilem debilitat, redeatque ad victoriam super se minus idoneam. Hoc modo frigidū oppositum calido resistit calido, minuendo videlicet in ipso calorem, adeoque vim aduersus se actiuam. Resistentia formalis accipitur saepe pro eadem forma in subiecto vt exigente vel non produci, vel non tam facili produci contrariam. Hoc modo frigus ligno inexistens est formalis resistentia calori. Aliquando etiam resistentia formalis pro eodem est, ac non productio qualitatis oppositæ ad exigentiam alterius informantis subiectum.

Utumque hoc resistentiæ genus conuenire qualitatibus alteratiuis probatur. Et primo de resistentia actiua. Constat enim calidum agere in frigidum iuxta se positum adeoque imminuere vim actiuam sibi inimicam. Probatur etiam de forma i, quia cum qualitas alteratiua non destruat instantanee, sed successiue, & non plus inducatur de ipsa, quam destruat de opposita, eo ipso petit oppositam non nisi successiue intendi. Confirmatur, quia etiam agens, in quo nihil imminuitur de qualitate actiua, non nisi successiue subiectum alterat, in quod agit, & eo minus intra eandem temporis mensuram atterat, quo plus eidem inest de qualitate opposita.

Hopposito, prædictum axioma multis

indiget limitationibus. Primo enim nequit intelligi de omni agente simpliciter. Certum est enim primum agens nihil repati. Secundo ut agens à passio repatiatur, oportet ut agens & patiens sint mutuo intra sphaeram actiuitatis. Sol enim agens intra terram, non repatiatur ab eadem. Sensus igitur præfati axiomatis est, quotiescumque duo corpora secundum qualitates alteratiuas contraria ponuntur intra sphaeram mutuo suæ actiuitatis, toties datur actio, & reactio, pure calidum oppositum frigido ita agit in ipsum, ut repatiatur ab ipso. In hoc sensu acceptum axioma probatur primo authoritate Philosophi multis in locis, & præcipuè 4. de Gener. Animal. cap. 3. ubi ait, quod *omne agens patitur etiam à patiente, ut quod secatur habetur ab eo quod secatur*: quod calefacit refrigeratur à calefaciente. Denique quodcumque mouet, excepto primo, mouetur aliquo motu. Quæ omnia à Philosopho ibi adducta per experientiam habes manifesta. Constat enim, quod si altera manus sit frigida, altera calida: hæc ita calefacit illam, ut refrigeretur ab ipsa. Et hoc quidem secundum eandem partem: neq. enim ita intelligenda est conclusio, ut calidum secundum vnā partem agat, secundum alteram patiatur.

Probatur 2. eadem conclusio; quia & calidum est intra sphaeram actiuitatis frigidi, & frigidum intra sphaeram actiuitatis calidi; & in utroq. datur ratio agendi, contrarietas videlicet; ergo utrumq. agit, si autem

utrum-

utrumq; agit, utrumque, & patitur, cum actio vnius sit alterius passio.

Probatur 3 quia mixta & elementis fiunt, ut videbimus disputatione sequenti ad hoc autem ut fiat talis mixtio, debent ita attemperare suas qualitates, ut debitum mixto temperamentum consurgat: sed hoc fieri nequit, nisi per mutuam actionem vnius in aliorum: ergo &c. Minor probatur quia si ita vnum agat, ut nihil patiat, ipsius qualitas non attemperatur per mixtionem oppositæ, sed integra manet, puta si de ignis calore nihil imminuatur à frigido non attemperatur calor cum frigore in temperamentum debitum mixto.

Denique patet conclusio experientia, & argumentum solutione.

Oblic. 1. calidum non agit in frigidum, nisi vincat resistantiam frigidi: nec frigidum in calidum, nisi vincat resistantiam calidi, sed implicat simul frigidum vinci à calido, & calidum à frigido: ergo implicat hæc duo in se mutuo agere, & à se inuicem pati. Maior probatur, quia & actio calidi in frigidum inuenit resistantiam in frigido, & è conuerso.

Resp. non esse nouum, quod idem & vincatur, & vincat pro eadem indifferentia temporis; non simpliciter, & absolute, sed secundum quid, duo exercitus hinc indudum pugnant, ambo secundum quid vincunt, & secundum quid vincuntur. Calidum, & frigidum habeant ambo septem gradus qualitatis, quæ pugnent, Vincitur calidum

à frigido. dum à frigido patitur detrimen-
tum vnias gradus, vincitur frigidum à ca-
lido dum idem detrimentum patitur; atque
hic verificatur illud adagium: inter duos
litigantes tertius gaudebit, nam ex mutua
illa tam iactura, quam victoria, consurgit
tertiū quoddam residua virtusque quali-
tate gaudens. In forma distingue maiorem
nisi vincat secundum quid; concede simpli-
citer, & absolute, nega, Sensus distinctio-
nis est clarus.

Obiic, 1. Ex actione, & reactione sequi-
tur idem moueri naturaliter duobus moti-
bus contrariis, consequens repugnat alibi
dictis, ergo & antec. Sequela maioris pro-
batur. Ponantur duo contraria puta calidū,
& frigidum vtrumque bibalmare. Io hac
hypothesi primus palmus calidi patitur à
frigido, & primus palmus frigidi à cali-
do; ergo & primus palmus calidi dissimi-
latur secundo palmo eiusdem: & vicissim
primus palmus frigidi: sed eo ipso & pri-
mus palmus calidi debet incalescere à se-
cundo, & primus palmus frigidi frigescere;
ergo vterque est istis primis palmis de-
bet moueri duobus motibus contrariis. Mi-
nor subsumpta probatur; quia eo ipso
quod secundus palmus est in qualitate in-
tensior primo, potest, adeoq. debet agere in
ipsum: sed in eundem agit agens contras iū:
ergo idem & à calido simul, & à frigido
mouetur.

Resp. neg. seq. mai. Ad probationem
admissa hypothesi nega min. subsumptam.

Ad probationem distingue: secundus pal-
mus intensior primo debet agere in ipsum
in quibuslibet circumstantijs: nego; in de-
bitis circumstantis, concedo. In hypothe-
si admissa agens contrarium est validius,
adeoque potior est ratio cur ipsum agat,
quam secundus palmus in primum. Quam-
vis enim primus habeat aliquam dissimili-
tudinem cum secundo, longe tamen maio-
rem dissimilitudinem imo contrarietatem
habet cum agente opposito, cum igitur
alterutrum solum debeat agere, ne eadem
qualitas in eodem instanti oriatur, & occi-
dat in eodem subiecto: manifestum est po-
torem esse rationem de vno, quam de al-
tero.

Dices, ita disponantur duo illa contra-
ria, ut inter utrumque intermediat aer. In
tali casu aer intermedius movebitur duo-
bus motibus contrarijs; ergo idem quod
prius. Probatur antec. quia & per aerem
corpus frigidum transmittet actionem suam
in calidum, & calidum actionem suam in
frigidum, hæc enim in se mutuo agent: er-
go aer & motu frigefactionis à frigido, &
motu calefactionis à calido simul movebi-
tur. Hoc idem apparet in phiala manui ca-
lidæ superposita, in quam aqua frigida
infundatur. Nam in tali casu, & aqua
refrigerat manum; & manus calefacit a-
quam actio autem & aquæ in manum, &
manus in aquam per medium vitrum tran-
smittitur.

Resp. admissa utraque hypothesi negan-
do

in stans. Ad hoc ut detur actio, & reactio sufficit quod agens totale & agat, & pariatur: non autem requiritur, ut per singulas sui partes agens, etiam in singulis suis partibus pariatur. Hinc sæpe audies hæc vocabula: *Pars passa: pars repassa, &c.* hoc est pars in quo recipitur actio agentis contrarij: pars à quo procedit actio in contrarium; simul in qua recipitur actio contrarij. non enim repugnat agens, quod secundum se totum agit, secundum aliquam dumtaxat sui partem pati. In quo casu datur pars passa, repassa. Passa quia à contrario patitur: repassa quia à contrario ab ipsa patiente patitur; si enim omnes agunt, nulla est quæ non agat; si nulla est quæ non agat, quæcumque patitur, simul agendo patitur; ut patet ex terminis.

Obiic. ultimo. Si calidum ut septem agens in frigidum ab eodem in eodem instanti repatitur: sequitur quod non agit secundum totam suam virtutem actiuam; consequens est absurdum; ergo & antecedens. Sequela maioris probatur, quia in illo instanti in quo agit in frigidum repatitur à frigido; repati autem à frigido est deperdere aliquid suæ intensiōis, adeoque sue actiuitatis; secundum autem illam actiuitatis particulam, quam amittit, non agit; ergo numquam agit secundum totam suam actiuitatem. Manifestum est autem ex terminis, quod pars illa quæ perit, non agit.

Resp. neg. seq. mai. Ad probationem
 distin-

distingue; non agit secundum totam suam
actiuitatem, hoc est quantum potest in hac
circumstantia: nega, hoc est secundum to-
tam intensiōem, quam prahabet tali ap-
proximationi: concede. Finge igitur duo
contraria ambo vt septem. In primo illo
congressu perit in vtroq. aliqua particula
qualitatis: secundum hanc neutrum agit,
aut agere potest: agit tamen vtrumq. & se-
cundum totam intensiōem quam habet: &
secundum totam actiuitatem, quæ in vtro-
que est tota qualitas dempta vtriusq. mini-
ma illa particula.

Q V Æ S T I O VI.

*De terminis magnitudinis & paruitatis
in qualitatibus.*

A R T I C V L V S I.

Declarantur nonnulla vocabula.

QVaritur hic an qualitates suos termi-
nos habeant magnitudinis & parui-
tatis: ad cuius rei intelligentiam præ-
mittenda est explicatio quarundam vocum,
quæ in hac materia addiberi solent à Phi-
losophis. Hæ sunt. *Maximum quod sit*, *Mi-
nimum quod sit*. *Maximum quod non*. *Mi-
nimum quod non*. Interest enim eas intelli-
gi, vt intelligas quid sentiant qui sic loquun-
tur. *Maximum quod sit* dicitur maxima
illa mensura in qua res aut qualitas existe-

re potest. Puta maximum quod sic caloris est mensura vt octo. *Minimum quod sic* est infima illa & minima mensura in qua res existere queat. Puta punctum vel minimum qualitatis; nam infra minimum qualitas conseruari nequit. *Maximum quod non* dicitur magnitudo maxima inter magnitudines ita paruas, vt in illis nequeat res consistere. Puta si homo consistere posset in quacunque magnitudine maiori quam sit digitalis, infra vero magnitudinem maiorem digitali non posset; magnitudo digitalis esset maximum quod non respectu mensuræ hominis. Quia omnes magnitudines incipientes à digitali & decrescientes in infinitum sunt ita parvæ vt in illis nequet homo consistere. Inter illas autem maxima est ipsa met mensura digitalis; cum à mensura digitali detrahi nequat vlla magnitudo non minor digitali.

Minimum quod non est mensura illa quæ minima est inter mensuras, ad quas vt poro excedentes res peruenire non potest. Puta posito quod calor peruenire non possit ad intensiorem supernantem octo gradus; minima inter omnes mensuras quæ sunt supra octo gradus, esset minimum quod non, respectu caloris. Maximum quod sic dicitur etiam terminus intrinsecus rei. Minimum quod sic item terminus intrinsecus. Maximum quod non, & minimum quod non dicuntur termini extrinseci, hic magnitudinis; ille paruitatis.

Hoc nomen termini intrinseci, & extrin-

trinfeci etiam in alia significatione vsurpari videbis apud authores. Sunt enim qui terminum intrinsecum vocent terminum exiguum ab ipsamet qualitate; extrinsecum autem eum qui ab agente imponitur, ex eo quod plus vel minus agere nequeat; puta da calorem ex natura sua petere non intendi supra mensuram octo graduum. Intensio vt octo erit terminus intrinsecus magnitudinis in calore; da calorem esse ex natura sua indifferentem vt ad octo vel decem vel viginti gradus augeatur; sed non dari agens naturale quod possit calorem intendere supra octo gradus; intensio vt octo erit terminus magnitudinis in calore, non intrinsecus sed extrinsecus. Perueniet enim ad illam magnitudinem vt ad summum, non ex eo quod petat non intendi vltius, sed ex eo quod nullum agens naturale possit illum intendere vltius.

Et quandoquidem de istis terminis intrinsecis & extrinsecis incidit sermo; obiter nota quod etiam circa desitionem rerum fit eadem diuisio in intrinsecam & extrinsecam. Desitionem intrinsecam vocant vltimum esse rei, extrinsecam vero primum non esse eiusdem. Da Petrum viuere per totam horam primam, & non amplius; vltimum momentum horæ primæ dicetur desitio intrinseca Petri, primum momentum horæ secundæ desitio extrinseca. Quia in vltimo momento horæ primæ vltimo est in primo horæ secundæ primo non est. Quondam hæc meminisse inuabit.

ARTICVLVS II.

Ponuntur aliquæ Conclusiones.

IN quibusdam qualitatibus non datur terminus magnitudinis intrinsecus seu maximum quod sic. Probatur: quia in quibusdam qualitatibus non datur vlla mensura vltra quam nequeat magis & magis intendi, ergo &c. Antec. probatur in impetu. Hic enim ad multiplicationem distantiae ab initio motus, seu ab eo puncto in quo incipit moueri, magis semper ac magis augetur; sed hæc distantia augeri potest magis magis in infinitum: ergo in infinitum augeri potest & impetus. Maior patet in descensu corpori grauis. Si lapis descendat ex altitudine centum passuum, in quinquagesimo velocius fertur quam in quadragesimo, & in centesimo maximam velocitatem habet quam habere potest ex eadem altitudine per idem medium ruens. Attolle lapidem ad duplam distantiam & velocius mouebitur in ducentesimo, quia infinitum multiplicare potius distantiam, etiam in infinitum multiplicari potest impetus.

Dicendum est secundo. Probabile est qualitates huiusmodi non habere terminum paruitatis nec intrinsecum nec extrinsecum. Probatur conclusio quia huiusmodi qualitatum intensio, sicut & aliarum, est diuisibilis in infinitum; ergo dari nequit mensura

ra ita parua vt nequeant in minori consistere, & consequenter non habent terminum paruitatis intrinsecum. Confirmatur, quia sicut quantitas, materia prima, & alia huiusmodi homogenea, sunt in infinitum diuisibilia, itaut & quælibet particula quantitatis sit quantitas, quælibet particula matetiae si materia, ita etiam impetum, & lumen, & si quid aliud huiusmodi est, in infinitum diuides, itaut quælibet particula impetus sit impetus, quælibet particula lucis sit lux, & sic de cæteris.

Rursus nequit dari magnitudo ita parua, vt in illa nequeat qualitas existerre, ergo nequit dari maxima inter ita paruas vt in illis nequeat consistere. Consequentia est euident; si enim repugnet minima, manifestum est quod repugnat maxima minimarum.

De qualitatibus supernaturalibus quales sunt gratia, charitas, lumen gloriæ & alia huiusmodi, censemus eas augeri posse in infinitum. Ratio est multiplex. Primo quia harum qualitatuum causa efficiens est Deus, & consequenter ex parte efficientis limitationem non habent. Secundo quia quo magis intenditur gratia eo magis dignificatur subiectum: subiectum autem dignificatum per gratiam eo ipso mereri potest gratiæ incrementum: immo, vniuersaliter loquendo, quo quis intensiorem habet gratiam eo maiora gratiæ incrementa tenetur acquirere; ne videlicet tam pretiosum talentum teneat repositum in sudario. Hinc noua gratiæ

tiæ incrementa sunt noua gratiæ semina; ex quo apparet numquam deueniri ad talem mensuram vt vltcrius intendi non valeat. Idem sic proportionaliter de habitu charitatis: quo enim intensior est, eo intensius diligere potes; & vicissim quo intensius diligis, eo magis intendis habitum. Lumen autem gloriæ manet in ea mensura in qua primo acquiritur, quia datur patria, vbi cum non sint noua merita, nec etiam dantur noua præmia, sed quia ad mensuram gratiæ datur lumen gloriæ, eo ipso quod gratia potest vltcrius & vltcrius intendi, potest & lumen gloriæ. Hac sufficiat delibasse. De qualitatibus autem alteratiuis.

Dicendum est primò, in qualitatibus huiusmodi nec dari terminum extrinsecum magnitudinis, nec terminum siue extrinsecum siue intrinsecum paruitatis.

Probatur conclusio; quia terminus extrinsecus magnitudinis est minima mensura inter maiores, terminus extrinsecus paruitatis est maxima mensura inter minores, neutra ex his datur, ergo &c. Explicationem maioris habes ex dictis, Minorem probabis hic, & primo quod non detur minima inter maiores, quia quacumq. mensura assignata inter excedentes, est assignabilis alia minior, ergo non datur minima inter excedentes. Ant. prob. quia quacumq. mensuram assignaueris supra mensuram vt octo, aliquid assignabis diuisibile, & quantumcunque diuidas erit vltcrius diuisibile: & consequenter quodlibet assignatum erit in duo
par.

partibile, quorum vtrumlibet sit minus toto. Naves hoc ex doctrina Philosophi circa quantum.

Probabis ex eodem principio nec dari terminum extrinsecum paruitatis. Quia quacumque data mensura est possibilis alia minor, in qua qualitas consistat: ergo non datur maxima inter ita parvas ut ipsis qualitas non possit consistere. Rursus quod non datur terminus intrinsecus paruitatis eadem ratione probabis. Quia quacumque mensura data, potest dari minor: ergo non datur minima. Valet hoc, si istud: quacunq; creatura data potest dari perfectior: ergo non datur perfectissima.

Dicendum secundo. In qualitatibus alteratiuis datur terminus imaginitudinis intrinsecus, seu maximum quod sic. Sermo est de termino magnitudinis naturali. Probatur conclusio; quia in qualitatibus huiusmodi datur aliqua mensura ultra quam nequeant naturaliter intendi, ergo &c. Hanc mensuram communiter vocant ut octo. Vocare potuissent ut centum. Debet autem mensura ut octo ita accipi ut per vtramque ex contrariis vel per vtrumlibet compleatur. Probatur iam antec. quia qualitates huiusmodi sunt secundum exigentiam formarum substantialium: hæ enim in mensura determinata exigunt ea, quæ secundum se sunt indifferentia ad magis & minus, immo qualitates huiusmodi ab hac & illa mensura habent proportionari huic & illi substantiæ, cum secundum se sint communes diversis.

Con-

Confirmatur: quia quantum introduci-
tur de vna qualitate, tantum expellitur de
altera: puta quantum frigoris inducitur in
subiectum, tantum expellitur caloris; id-
que siue qualitas sit noxia siue propitia su-
biecto. Igitur est quaedam mensura in qua-
libet contrarietate, ultra quam naturaliter
iri non potest.

Dices; non datur terminus paruitatis, er-
go hec magnitudinis. Resp. cuncto ante-
cedenti: negando consequentiam. Per ter-
minum paruitatis tollitur diuisibilitas in-
finitum: secus per terminum magnitu-
dinis.

DISPUTATIO VI.

De Elementis.

QVÆSTIO I.

Quid sit, & quotuplex Elementum.

ARTICVLVS I.

De quatuor primis qualitatibus.

Elementum, de quo hic. definit
Philosophus 3. de Cœlo textu 31.
Illud corporum in quod alia cor-
pora diuiduntur quod inest poten-
tia vel actu: hoc enim utromodo adhuc am-
biguum est. Ipsum autem est indiuisibile
in diuersa specie. Hæc Elementi definitio
cla-

lucratissima est. Etiam si enim aquam, aerem & cetera huiusmodi diuidas resoluendo in partes, resoluis in partes homogeneas; puta terram in particulas, quarum quælibet sit terra, & sic de reliquis; alia autem corpora, puta lignum & reliqua tum animata tum inanimata dum resoluis, resoluis in plura, quorum quodlibet non est lignum aut aliud huiusmodi, sed hæc quidem pars aqua, illa ignis, illa alia aer, illa terra, quod quod die vides dum ex ligno ignem facis; pars enim in cineres abit, pars in vapores, &c.

Quia vero numerus Elementorum probandus est per numerum combinationum, quæ vtiliter fieri possunt inter primas qualitates: ideo prius probandum est quatuor esse primas qualitates, calorem videlicet, frigus, humiditatem et siccitatem. Dari quatuor hæc qualitates patet ad sensum. Quod enim somniantur aliqui frigus et siccitatem non esse qualitates, sed hanc quidem consistere in priuatione humiditatis, illam vero in priuatione caloris, habendum est pro somnio. Constat enim utramque ex his agere: ut patebit ex sequentibus, cum à priuatione nequeat esse actio, ut patet ex dictis.

Quod autem Philosophus dicit hic 2. de Genet. textu. 8. *Calidum videlicet & frigidum esse actiua, humidum autem & siccum esse passiva*, non ita intelligendum est quasi vim actiuam ab humiditate et siccitate remoueat; sed quia calidum et frigidum per ordinem ad actionem; humidum autem

autem et Accum per ordinem ad passionem explicantur, ideo hæc passiva, illa activa dicuntur. *Calidum enim* . ait Philosophus, *est quod congregat ea, quæ sunt eiusdem generis: frigidum autem quod coniungit, & congregat similiter ea quæ eiusdem generis, & quæ non eiusdem, Humidum quod interminabile proprio termino, facile terminabile alieno: siccum autem facile terminabile proprio termino, difficile autem alieno:* in quibus vides quod congregare quidem actiuum est, terminari autem aut interminari, passiuum .

Inter qualitates autem tangibiles et ad generationem deferuentes prædictas quatuor esse primas, probabis; quia prædictæ quatuor nec ex aliis fiunt, nec ex se inuicem, sed ex istis reliquæ: quod est esse primas. Hoc autem probatur: quia non inveniuntur aliæ a quibus prædictæ oriuntur. Primæ enim alterationes quæ sub sensum cedunt sunt secundum calidum & frigidum, humidum, & siccum. Præterea non fiunt ex se inuicem: ex calido enim non fit frigidum, aut è conuerso: nec ex humido siccum, nisi vt ex termino à quo: quod impertinenter se habet ad rem præsentem.

Superest igitur probandum quod nec humidum & siccum ex calido & frigido oriatur, aut è conuerso. Probatur autem: quia humiditas & siccitas tum cum frigore quam cū calore coniungitur. Quod autem ex vno aptum est nasci, ineptum est nasci

lementū elemento contrarium est, eo modo quo substantiæ intur se contrariari possunt : videlicet secundum formas accidentales, secundum quas in se inuicē agunt. Denique dicuntur primæ differentiæ, quia per has primo sensibilibiter & quidem per sensum omnium vniuersalissimum ; videlicet per tactum, discernuntur inter se.

Aduerte autem sermonem hic esse de qualitatibus tangibilibus, & ad generationem & corruptionem pertinentibus. Vnde etiam si aliquod aliud genus qualitatis afferatur quod ant istat præcedat, aut ab istis non oriatur, non tollit ab his rationem primarum qualitatum: quin adhuc sunt primæ, quæ pertineant ad corpus tangibile vt tale; de quibus ex professo hic Philosophus 2. de Gener. textu 77.

ARTICVLVS II.

Elementa sunt quatuor.

Ignis, videlicet, aer, aqua, & terra. Huic sententiæ suffragatur totum genus humanum; cui pauci repugnāt, quos sulphureos vocant & falsarios, penes quos sal & sulphur sunt duo alia elementa. Probatur autem quaternarius hic numerus elementorum primo: quia tot sunt elementa quot sunt corpora simplicia, ex quorum permixtione vel formali vel virtuali cætera sunt: sed huiusmodi corpora sunt quatuor: ergo &c. Maior est definitio Elementi: mi-

not probatur: quia corpora simplicia modo explicato sunt ea, quibus prædictæ quatuor qualitates conueniunt sine permixtione contrariarum: sed huiusmodi sunt quatuor, ergo &c. Igni debetur calor sine permixtione frigoris: aeri humiditas sine permixtione siccitatis: aquæ frigiditas sine permixtione caloris: terræ siccitas sine permixtione humiditatis, Ab hac impermixtione qualitatis, huiusmodi corpora dicuntur simplicia.

Prædictis autem qualitates conuenire, itaut sint vna sine admixtione contrariæ, probatur: quia sunt possibles naturaliter secundum totam suam intensiōem naturalem; ergo alicui substantiæ, siue alicui corpori debentur secundum prædictam intensiōem; non enim sunt res in se subsistentes, sed entis entia. In tota autem sua intensiōe non patiuntur commixtionem contrariæ. Rursus in tota sua intensiōe non conueniunt mixtis: conueniunt igitur non mixtis. Non mixta autem seu simplicia corpore sunt elementa.

Probatur eadem Conclusio argumento Philosophi 2. de Genesi textu 16. petito ex numero qualitatum. Tot sunt elementa, quot sunt coniugationes possibles primarū qualitatum: sed istæ sunt solum quatuor; ergo quatuor sunt elementa. Minor probatur: quia coniugationes excogitabiles primarum quatuor qualitatum sunt hæ: calidi & frigidi, humidi & sicci, calidi & sicci, humidi & calidi, & frigidi & humidi-
sicci

ficci & frigidi . Sed istarum sex combinationum duæ primæ , ait Philosophus , sunt impossibiles ; ergo remanent solum quatuor . Vbi nota sermonē hic esse de coniugatione non arithmetica sed physica .

Atque hic obiter accipe modum faciendi omnes combinationes quæ fieri possunt ex pluribus unitatibus explicatum à Clauio in Sphæra c. i. Accipiendus est numerus immediate minor , & per illum multiplicandus numerus unitatum : numerus sic multiplicatus diuidatur bifariam ; & habes omnes combinationes possibiles . In casu præfenti qualitates sunt quatuor . Numerus ergo quaternarius multiplicetur per immediate minorem , hoc est per ternarium : ter quatuor sunt duodecim : diuidatur bifariam sunt sex : sex autem combinationes inuenimus ; ex quibus , duabus reiectis , reliquæ supersunt quatuor .

Aliis argumentis pro re fere inducitata , supersedemus ,

Q V Æ S T I O II.

*Quæ qualitates cuique Elemento
conueniat .*

A R T I C V L V S . I.

Resoluitur Quæstio .

IGni conuenire calorem in summo docet experientia , breuiterque probatur . Quia calor in summo conuenit aliqui sub-

iecto; ergo alicui elemento: consequentia patet ex dictis. Sed inter elementa nulli alteri conuenit calor intensior quam igni; ergo igni conuenit calor in summo. Præter calorem in summo conuenire igni siccitatem docet & Philosophus & experientia, ex eo quod ignis non solum calefaciat sed etiam exsiccat. Carnes aqua calidissima & bullienti coctæ non ita exsiccantur, sicut essæ ad ignem: ideoque harum usus à medicis præcipiuntur ijs ægrotis, qui humiditatem abundant.

Aduertendum est hic quod ex aliis refert Toletus lib. de Gen. & corrup. c. 3. & quæst. 5. siccitatem à Philosophis vulgo appellari limam qualitarum actiuarum; eo quod illarum actiuitatem acuat. Vnde tam calor quam frigus, si cum siccitate coniungantur, maiori actiuitate in contraria pugnant.

Terræ conuenit siccitas in summo. Tum ob rationem similem ei quam diximus pro calore respectu ignis: tum ob experientiam: tum ob testimonium sacrarum litterarum, in quibus nomine *arida* venit terra ita per anonomasiam nuncupata: quia inter omnia elementa est maxime arida; hoc est sicca. Ideo fræquenter cantas: & *Aridam fundauerunt manus eius.*

Est autem hic sermo de elementis secundum suam naturam consideratis. Vt enim sunt apud nos, pura non sunt. Terra tot flauis, & fontium scaturiginibus nunctatur ad commoditatem viuentium, ut arida
non

non videatur . Vbi autem humectationes huiusmodi deficient , difficile alieno termino , facile autem proprio terminatur : ita ut singula illa terræ corpuscula , quæ puluis dicuntur , suam figuram habeant nec se in alienam effundant .

Præter siccitatem conuenit terræ frigida . Patet hoc : quia remota actione agentis extrinseci , sponte vergit ad frigus , ex quo apparet esse in ipsa principium frigiditatis . An hoc principium sit ipsa substantia , an aliqua passio substantiæ nihil refert ad rem præsentem .

Aeri conuenit humiditas in summo . Probatur à definitione humidi superius allata . Humidum est interminabile termino proprio , facile autem alieno ; hoc conuenit aeri in summo ; ergo &c. minor probatur : quia nullum elementum facilius vndeque defluit , plus caret propria figura , aut facilius in omnem figuram conformatur , quam aer . Hoc autem ita debuit esse , ut aer esset & spirabilis & facillime permeabilis . Si enim propriam figuram haberet non tam facile spiraretur insinuando se per omnes etiam tenuissimas rimas nec tam facile permearetur , conformando se cuilibet corpori ipsum permeanti .

Præter humiditatem aeri conuenit calor . Probatur primo : quia alicui elemento præter ignem conuenit : non iræ , non aquæ : ergo aeri . Probatur secundo : quia calor est qualitas dispositiua ad aerem , & aeris productiua : frigiditas vero corruptiua eius .

rum qualitatatum, duæ sunt impossibiles: ita ex sex combinationibus elementorum duæ sunt secundum utramque qualiratem repugnantes.

Obiicitur 1. Aer exsiccat: ergo non est humidus. Conseq. est evidens. Antecedens probant mulierculæ, quæ pannos humefactos expandunt in aere vt exsiccantur.

Resp. dist. antec. aer exsiccat per se: nego antec. per accidens: omitto antec. aer exsiccat; vel potius panni siccantur in aere, vel à ventis perflantibus, vel à calore; quorum hic humorem rarefacit & rarefaciendo facit auolare, illi humorem excutiant, vel spiritibus siccis, quibus abundant, absumunt.

Obii. 2. Aqua magis humectat quam aer, ergo est humidior aere. Hinc Galenus & multi Medici cum illo, immo & D. Thomas 2. de Gener. lectione 3. ait manifestum esse quod aqua sit humidior aere, & hoc ipsum percipi à quolibet sensum tactus habente.

Resp. concesso antec. negando consequent. Etiam ferrum calidum magis urit quam ignis, saltem quam aliquis ignis. Maior actio, vt dictum est alibi non est semper à maiori intensiōe qualitatis; agit enim tale magis aut minus. secundum quod magis, aut minus densum est. Aer cum sua humiditate raritatem habet, aqua densitatem: propterea in ratione actiui dicitur aqua humidior aere. Et in hoc sensu D.

Thomas, Galenus, Medici intelligendi sunt: & hoc est quod sensu percipitur. Preterea ex hac ipsa raritate aeris habes quod minus adhereat, faciliusque per meatus etiam tenuissimos effluat; cum aqua vix pote crassior tenacius adhærescat. Aer ipse in locis paludosis & aqueis est malus, quia densior; à vulgo dicitur malus, quia nimis humidus: quod intelligendum est de humiditate quadam crassa & pingui, non autem tenui & facile spirabili, qualis est illa quæ est secundum naturam aeris. Certe aer quo purior est eo tenuior est, magisque spirabilis; quod aut proprium corporis maxime humidum.

Obiic. 3. Ignis magis exsiccatur quam terra: ergo ignis est siccior terra.

Resp. concesso antecedenti: negando consequentiam. Ignis exsiccatur siccitate per se, calore per accidens. Siccitate minus siccaret quam terra, quia minus est siccus. Quia autem insuper & calore: ideo simpliciter magis. Calor enim attenuat in corpore humefacto humorem: humor autem attenuatus sursum auolat. Hinc nota hanc propositionem: *minus siccum magis exsiccatur*, esse similem huc: *Musicus ædificat*: quemadmodum enim Musicus ædificat non ratione musicæ: sed alterius formæ in odem coniuncta cum musica; ita etiam minus siccum magis exsiccatur non ratione minoris siccitatis, sed alterius formæ cum siccitate coniunctæ.

ARTICVLVS II.

Satisfit cuidam quaesito.

EXsicari quædam ab igne manifestum est: videnter autem quædam alia ab eodem igne humectari; puta exsiccatum lutum & induratur: glacies autem, cera, metallum & id genus alia liquefunt, ideo que quodammodo humectantur. Quæritur hic quomodo hoc accadat?

Ad resolutionem quaesiti præmittendæ sunt definitiones primarum qualitatum. Philosophus 2. de Gener. textu 8. calorem in concreto seu calidum sic definit. *Calidum est quod congregat ea quæ sunt eiusdem generis.* Notat hic Philosophus quod segregatio quæ fit per ignem, cum sit segregatio differentium, quæ videlicet quæ eiusdem generis sunt simul confluunt, est vera & propria homogeneorum congregatio. Frigidum autem definit: *quod coniungit & congruat similiter & ea quæ eiusdem generis & quæ non eiusdem.* De humodo & frigiditate satis dictum est supra. Viriusque definitionis bonitas probatur experientia. Patet enim ignem applicatum ligno illud dissoluere, eleuando sursum partes æreas & igneas, quæ aqueis & terreis simul copulabantur in ligno; aqua & terra deorsum cadunt &c. Frigido autem etiam dissimilia congregari patet in glacie terram, aquam, festucas, ex halationes igneas simul coagi.

lantæ; quæ omnia adueniente vi caloris, dissoluuntur: & abeunt in locum sibi datum; leuiora sursum, grauiora deorsum.

Porro li eiusdem generis & diuersi generis in definitione vtriusque qualitatis positum; intelli debet secundum grauitatem. & leuitatem: ita ut ea quæ eiusdem grauitatis sunt, dicantur eiusdem generis: quæ diuersa; diuersi. Alias falsum esset homogenea, siue ea quæ eiusdem generis sunt, calore congregari. Constat hoc: quia vapores sunt eiusdem generis cum aqua: sunt, enim formaliter aqua, & tamen vi caloris separantur ab aqua, siue à reliqua mole aquæ. Idem dic de exhalationibus terrestribus, quæ sunt substantialiter terra, & tamen vi caloris eleuantur à reliqua mole terræ: per hoc autem quod attenuentur, leues auadunt, adeoque non manent eiusdem grauitatis cum reliquis partibus à quibus separantur. Quamuis enim & vapores & exhalationes aliquando adeo rarefiant, ut mutantur in aerem, non tamen semper ita accidit, aut in omnibus.

Supponendum præterea quod ad concretionem corporum nec sufficit sola siccitas, nec sola humiditas. Constat hoc & in ciueribus quæ præ nimia sua siccitate nequeunt conglari: & in aqua quæ cum tota sua humiditate concreescere nequit in gelu nisi cu admitione particularum siccarum. Igitur ad concretionem dari debet mixtio humidi & sicci: ita ut si humidum abundet, concretionem impediat, & faciat liquidum: si siccum, impediat tandem & in puluerem tota

mas.

massam resoluat. Rursus illæ eadem particulæ humidæ quæ condensatæ concretionem faciunt, rarefactæ, sunt ad concretionem nimiam, & totam massam in liquorem solvunt His præsuppositis.

Dicendum quod in metallis vi caloris fit liquefactio, quia humidum in huiusmodi mixtis abundans vi caloris rarefit, & rarefactum est nimium pro induratione metalli quod propterea liquefit. In cera alijsque similibus idem proportionaliter accidit. Lutum vero vi caloris induratur, quia partes humidæ, quæ in lutum abundat, vi caloris attenuantur, & eleuantur in vapores: adeoque remanent in ea dumtaxat mensura, quæ sufficit ut massam coagulet. Quod si ulterius & ulterius idem lutum incalescat, non solum vi caloris induratur, sed etiam in pulverem abit.

Quod autem facilius eleuetur in vapores humidum sine humor luti, quam humor metalli duplicem rationem reddes. Prima est quod metallum & singulæ partes metalli in gravitate longe superat lutum & singulas partes luti. Secunda est quod humor metalli aliorumque huiusmodi habet aliquid de glutinoso: adeoque difficilius auellitur à corpore cui adhæret, quàm humor non pinguis, qualis est humor luti. Hinc lutum olaceum ab eodem calore difficilius durefcit quàm lutum terrestre, & aqueum. Esse præterea alias qualitates in metallis ratione quarum in tantam duritiem concrefcant, est certum: sed quis eas proprio nomine appellet?

ARTICVLVS. III.

*Non utraque qualitas in Elemento
est summa.*

HÆc conclusio, quæ hic ponitur, sup-
posita est superius ab arguentibus.
Est autem contra Achellinum, Niphum,
aliosque non paucos, qui non improbabili-
ter philosophantur pro summa vtriusque
qualitatis intensione in elemento. Sequi-
mur tamen hac in re communio rem senten-
tiam; ut videre est apud Toletum, Suariū,
Ruuium, aliosque, quibus familiare est di-
cere; ex duabus qualitatibus, quæ cuique
elemento conueniunt, alteram esse in sum-
mo, alteram prope summum, &, ut aiunt,
in excellenti.

Probatur autem primo auctoritate Phi-
losophi secundo de Gener. tex. 23. *Sed ta-
men simpliciter quatuor existentia. Vnius
vnumquodque est. Terra enim sicci magis,
quam frigidi, aqua autem frigidi magis, quā
humidi, aer autem humidus magis, quam ca-
lidi, ignis autem calidi magis quem sicci.*
Ex quibus apparet distributio qualitatum
per singula elementa non in eadem vnus-
cuiusq. mensura.

Probatur secundo quia in aere humiditas
est in summo, ut probatum est: calor
non est in summo: ergo calor in aere non
est æque intensus, ac humiditas. Min. pro-
batur; quia calor in aere non est tantus,
quan-

quantus in igne, non est autem in igne supra summum, ut patet, est igitur in aere infra summum. Adde quod aer tantæ caliditatis non esset aptus respirationi animalium, exceptis vnis Salamandris.

Probatur tertio aquam esse minus humidam aere ex definitione humidi. Atque guttulæ, quamuis facile diffuant, aliquantulum tamen sese intra suos terminos continent, nec tam facile diffunduntur, quam aer. Item aer longe facilius secatur, quam aqua ut & ambulantes, & natantes experimus: humiditas autem non est in aere supra summum: ergo in aqua minor est quam in summo.

Terram autem esse minus frigidam aqua patet, tum ex eo quod aqua antonomastice dicitur frigida, tum ex eo quod cæteris paribus difficilior incalescit. Probatur denique terram esse magis siccam, quam ignem: quia terra est æque sicca, ac ignis est calidus: sed ignis est magis calidus, quam siccus; ergo terra est magis sicca, quam ignis. Maior probatur ex distributione qualitarum prius facta per elementa. Atque hoc ratio proportionaliter valet pro omnibus.

Obijc. 1. Ideo aer non est calidus æque ac humidus, quia esset ineptus respirationi animalium: sed hoc ipsum probat quod neque sit calidus prope summum, ergo &c. Minor probatur, quia si etiam calidus prope summum sit aptus respirationi animalium per admixtionem vaporum a-

quæ

quibus in suo calore attemperatur, hoc idē accidere poterit, etiam si sit calidus in summo, ergo vel saluari potest, quod sit calidus in summo, vel saluari nequit quod sit calidus prope summum.

Resp. conc. mai. neg. min. Esse calidum in summo consistit in indiuisibili, esse prope summum suscipit magis & minus. Potes ita esse prope ignem, vt comburaris, vel ita prope eundem, vt reficiaris. Aer summe calidus non est aptus admittendis vaporibus, vnde refrigeretur: secus si calidus infra summum. Verum est igitur quod à vaporibus refrigeretur: & hoc nequit æque saluari si sit summe, ac si sit solum excellenter calidus. Vapores igitur sursum elati, dū per mutuam coniunctionem sese suæ frigiditati restituant aerem etiam infrigidant, redduntq. aptum respirationi animalium. Confirmatur: quia ignis, etiam si multiplici vapore humectetur, manet ineptus animalium respirationi.

Dices primo, ergo supra infimam regionem aeris est aliquid grauius aere. Nam vapores, & exhalationes, à quibus attemperari dicitur aer, sunt aqua & terra, & consequenter sunt corpora aere grauiora. Hoc autem videtur absurdū: deberent enim statim descendere: statim, inquā, ac se reduxerunt ad suam pristinam frigiditatem: nam cum frigiditate redit densitas, cum densitate grauitas, cum grauitate natus deorsum.

Resp. conc. conf. & nego hoc esse absurdum. Certum est terram esse grauiorem aqua,

qua, nec tamen si terram aqua misceas, statim hæc infra descendet. Hoc idem apparet in uermixtione liquorum & puluerum, vini & facis, quorum alterum cum altero permixtum manet multo tempore. Quemadmodum autem hic puluis tandem infra aquam ascendit; ita etiam vapores, & exhalationes in pluuias tandem, niues, & græcines ruunt.

Sunt & aliæ causæ cur vapores, & exhalationes non tam citò deorsum ruant: ascensus videlicet novorum vaporum & exhalationum, à quibus, qui deorsum nituntur, repelluntur sursum: & perpetua quædam aeris agitatio. Hinc periculosum est, abeunte Sole, disco operto capite, in aperto morari; ne videlicet vapores in guttulas considerari in caput decendant, illudq. nimis humectent; quæ enim vi solis sursum trahuntur, abeunte Sole, medio in itinere deseruntur, & in nostra capita reuoluuntur.

Dices 2. Suprema regio aeris deberet calore suo trahere rursus vapores, qui sunt in media: sicut calore suo trahit è terra vapores, & exhalationes usq. ad mediam; ergo non debent prædicti vapores remanere in media regione. Prob. ant. quia non est minus actiuus calor supremæ regionis in mediam, quam calor Solis, etiam reflexus in terram, & aquam à se remotissimas; ergo si calor Solis est sufficiens ita rarefacere aquam ut ascendat supra infimam: calor supremæ regionis erit sufficiens rarefacere vapores iam elauatos, ita ut supra mediam eleuentur

tem raritatem vt quatuor : & conſequenter multiplicatio virtutis , etiamſi in infinitum creſcat , non propterea raritatem augebat in hoc corpore in infinitū . In forma igitur ad argumentū nega ant. Ad probationem diſt. conſ. cæteris paribus ; omitte : cæteris imparibus : nega , Non ſunt autem cætera paria , quia nec calor ſolis eſt adeo vehemens nec ipſi vapores , qui ſuſum ſunt , ſunt tam facile attenuabiles . Adde quod etiam tranſmiſſa cōſequentia , nihil admittis contra te , quia etiamſi è media aliqui ſuſum tollantur , non tamen omnes , vt patet ex dictis .

Q V Æ S T I O III.

An qualitas in elemento minus intenſa patiatur ad admixtionem contrarie.

PRO parte affirmatiua videtur quod ſic ; quia meſura qualitatis intra quamlibet contrarietatem communiter recepta à Philoſophis , eſt meſura vt octo : hæc autem deficeret , ſi quantum de eſt de vna qualitate , non tantumdem ad eſſet de oppoſita ergo &c.

Secundo . Si nihil adſit de contraria . v. g. nihil de humiditate in igne , de frigiditate in aere , ſequitur alterationem fieri poſſe in instanti , adeoq. non eſſe motum ſucceſſiuū conſ. eſt abſurdum : ergo & ant. Sequela mai. probatur . Admoueatur aeri agent calidum ; poterit producere in aere aliquid ca-

caloris; sed ad huius productionem nulla erit resistentia, ergo poterit dari productio caloris sine vlla resistentia, calor autem qui producetur, erit diuisibilis in partes: ergo aliqua mēsurā caloris producetur sine resistentia ex parte passi: ergo in instanti. Tota enim successiuitas alterationis est a resistentia.

Pro parte negatiua videtur quod non, quia si elementum habet cum qualitate remissa admixtionem contrariā, sequitur cui libet elemento conuenire non solum duas, sed tres qualitates: quod est contra sensum communem Peripati, distribuētis qualitates per combinationas, non vero per continuationes. Sequela est euidentis: quia ignis v. g. esset non solum calidus & siccus, sed praterea humidus: calidus in summo, siccus in excellenti; humidus in remisso. Idem dic de reliquis proportionaliter.

Praterēa sequeretur elementa non esse corpora simplicia, sed mixte. Sequela probatur: quia ita tantum dicuntur simplicia, in quantum habent qualitates simplices, hoc est impermixtas suis contrariis. Non enim dicuntur simplicia eo quod habent singulā unicā formā substantialē, quod à multistrībuitur etiam mixtis, ijsq. viuentibus, sed quod habeant impermixtas, & absq. contrarietate qualitates, quod non conuenit mixtis. Hoc autem nec conueniet elementis, si cum altera ex qualitatibus sua contraria misceatur.

Dicendum est utramq. sententiam esse
pro-

probabilem. Probatur hæc conclusio solutione argumentorum, quæ contra utramq. ponuntur. Pro parte affirmatiua.

Ad 1. dic, quod mensura illa graduum intelligenda est pro mixtis, in quibus per se requiritur qualitatum permixtio: non autem in elementis, quorum quodlibet aliquam saltem ex qualitatibus habet impermixtam. Ratio pro mixtis est; quia singula elementa concurrunt ad generationem mixtorum, adeoq. singula de suo dant quantum possunt. Vnde sequitur, quod quantum deest ad mensuram naturaliter possibilem de vna qualitate, tantum adsit de altera.

Ad 2. dic in sententia refundente successiuitatem alterationis in resistantiam, tamquam in rationem vnicam adequatam: non repugnare productionem vnius integri gradus, vel alterius intensiōis instantaneam in subiecto carente contraria qualitate; adeoq. non esset inconueniens rem ita accidere in casu posito. Quod si aliam causam habet successio; et iam in casu posito poterit esse alteratio successiua. Et cōsequenter argumentum propositum est inefficax.

Pro altera parte. Ad 1. dic, quod in rigore essent tres qualitates in quolibet elemento, sed quia minimum esset id, quod esset de tertia: ideo de ipsa nō habetur ratio, iuxta illud: Parum pro nihilo reputatur. Ratio autem cur non habeatur de ipsa ratio est: quia elementum notabiliter excedit in ipsius contraria adeoq. ita est in elemēto, ut putē cōpleat mensuram intensiōis, nihil autē agat.

Ad

Ad 2. neg. seq. Ad probat. dictum est supra. Elementa dicuntur corpora simplicia, eo quod in qualitate. quæ in ipsis est præcipua, & cuius vnumquodque est primaria radix, exigant esse sine admixtione contrariæ, quod non conuenit mixtis: in quibus nulla est qualitas ex primis siue admixtione qualitatis oppositæ.

Loquimur autem hic de elementis secundum exigentiam propriam, inspecta præcisè vniuiusque natura, Nam si inspiciantur vt de facto sunt apud nos, certum est ea habere admixtionem qualitatis non modo secundum vnā, sed etiam secundum aliam contrarietatem. In terra enim aliquid est humidi permixtum cum secco. aliquid calidi permixtum cum frigido, & sic de reliquis. Præterea propter ordinem localem, quem habent inter se, ratione cuius ignis habet sibi immediatè proximam aerem, aer aquam, aqua terram, per mutuam actionem, & reactionem se mutuo alunt. ita ut ignis v. g. aliquid ab aere patiatur. & aliquid aer ab igne, & sic de cæteris. In quo tamen sic ordinata sunt in pondere, numero & mensura per sapientiam conditoris, vt vnū ab altero nihil in præiudicium naturæ patiatur. Dum enim aer, v. g. tentatur à nimio calore ignis, habet in subsidium frigus aquæ, quæ in multos vapores eleuatur, & sic de cæteris. Quemadmodum autem diximus alibi, quod siccitas acuit, ita & obseruamus hic quod humiditas hebetat seu obtundit vim actiuam caloris.

Q V Æ S T I O IV.

*An qualitates symbolæ elementorum
sint eiusdem, vel diuersæ ra-
tionis inter se.*

Calorem non solum in igne esse, sed etiam in aere: frigus non solum in aqua, sed etiam in terra & sic de cæteris, statutum est supra. Quæritur autem hic an calor, qui conuenit aeri, sit eiusdem rationis, ac ille, qui conuenit igni, & sic de alijs qualitatibus, in diuersa mēsurā diuersis elementis conuenientibus. Quæstio autem hæc non restringitur ad qualitates prædictas prout existentes in elementis: sed ad easdem extenditur in quocumq. subiecto receptas, ita ut præsens controuersia complectatur tam calorem febilem, quam vilem, tam à Sole, quam ab igne productum, Idem dic de alijs huiusmodi. Dicendum est qualitate symbolas esse eiusdē rationis in diuersis,

Probat autem conclusio pro titulo posita i. experientia, qua constat calorem ab igne productum, & à motu, intendi per calorem productum à sole: qualitates autem diuersæ speciei non faciunt intensiōnem, si diuersitas sit secundum entitatem. Certe qui ab igne transit ad Solem, aut è conuerso, experitur se magis incalescere, haud aliter, quam si diutius, aut eidem Soli aut eidem igni admoueretur; & consequen-

libris de causis pūsuū , & alibi docet ,
Æthiopes & eos , qui ad meridiem ver-
gunt, ob caliditatem regionis abundare ca-
lore aduentitio ; Germanos vero, & Gallos,
aliosq. septentrionales ob frigiditatem re-
gionis abundare natiuo. Vnde etiam oriri
dicit , quod Septentrionales edaciores sint,
meliorisq. stomachi , quam meridionales ,
sicut accidit , quod iidem etiam homines
hyeme edaciores sint , quam æstate .

Ad hoc argumentum , quod multa con-
gerit , respondendum est per singula. Dico
primo , calorem elementarem non esse con-
trarium vitali ; imo sæpe calori vitali defi-
cienti adhibetur in subsidium calor elemē-
taris ; vt experti sunt quotquot pannis ca-
lidis calorem stomachi confouerunt .

Dico secundo : calorem elemētarem ali-
quando ratione suæ nimix intensiōis esse
contrarium vitæ animalis ; nam nimius ca-
lor absorbet & humidum , & frigidum ; cum
utroq. indigeat animal.

Dico 3. calorem febrilem febrilem
esse vel ob nimiam intensiōem , vel ob ad-
mixtionem aliarum qualitatum ; si ob ni-
miam intensiōem ; iam dictum est satis ; si
ob admixtionem aliarum qualitatum ; ma-
nifestum est non esse ex sua quidditate vi-
tali dissimilem . Calor igitur febrilis in esse
febrilis constituitur , non per suam entita-
tem præcise , sed per admixtionem qualita-
tis malignæ , vel ob excessum ; adeoq. si quis
ab hoc eodem calore separater qualitates
ipsi permixtas , & noxias animali , ille idem

de lineret esse febrilis. Hinc dicimus calorem febrilem differre à vitali, sicut vinum ad aquam à puro, non per seipsum, sed per coniunctionem cum alio.

Ad id quod ait Galenus circa Aethiopes & Gallos, dictum est alibi. In regionibus calidis curis, & caro rarefcit, adeoque aditum pandit spiritibus calidis, ut è stomacho effluant, & dissipentur in frigidis autem cutis & caro spissescit, adeoque impedit effugium prædictorum spirituum, qui propterea intra stomachum continentur, ibique cibos concoquunt. Sed nulla inde inferitur diuersitas caloris à calore. Galenus, & alii, ubi discriminant calorem febrilem à vitali, intelligunt de febrili ut tali, hoc est ut admixto qualitatibus infierentibus: ut talis autem dicit aliquid diuersum ab alio: sicut vinum ad aquam ut tale. dicit aliquid diuersum à vino. Si autem febrilis est per præcisum excessum in intensiōe; differt quidem ab altero secundum mensuram, non autem secundum entitatem, ut alibi dictum est,

Obiect. 2. ex Philosoph. de Gener. animal. c. 3. *In seminibus adest calor quidam, à quo secunda sunt. qui non est ignis nec talis facultas aliqua: sed spiritus, & in eo spiritu natura respondens elemento stellarum.* Est post alia ibidem concludit: calorem in animalibus contentum, nec ignem esse, nec ab igne originem ducere: ergo secundum Philosophum calor animalis, seu vitalis differt ab eo calore, qui in igne, & ab igne est.

Resp. conc. ant. neg. conf. Philosophus ibi non

non docet calorem animalis esse dissimile
calori ignis, aut calori procedenti ab igne,
sed tantum calorem animalis procedere nō
ab igne, sed à spiritibus, quos vocant spiri-
tus animales: qui quamuis non sint substan-
tialiter ignis, sunt tamen natura sua præs-
erui, & habent, præter calorem, quasdam alias
qualitates similes iis, quæ in syderibus præ-
cipuè verò in Sole sunt; ratione quarum di-
citur syderum calor secundus; quia per in-
fluxus, non solum caloris, sed etiam aliarum
qualitatum hæc inferiora fecundant: ut
verum sit; *Sol & homo generant hominem.*

Obiic. ultimo. Humiditas aquæ extinguit ignem, humiditas olei fouet ignem; ergo specie differt humiditas olei ab humiditate aquæ.

Resp. neg. antec. Aqua extinguit ignem: oleum fouet, & alit. Vnde autem habet Aduersaris, quod tam aqua, quam oleum hoc præsent per humiditatem, non autem per ipsam et substantiam, quarum altera suffocat, altera vero nutrit ignem; In aqua humiditas non est vinctuosa, & pinguis, ut in oleo, nec aqua apta est trahi in alimentum, ut oleum.

Q V Æ S T I O V.

De Virtutibus motiuis elementorum.

A R T I C V L V S I.

De raro, & denso.

COrpus ex raro densatur, & ex denso rarefcit. Quomodo autem id accadat, & in quo formaliter confiftat raritas, & denfitas, non fatis conuenit inter Philpophos. Definitur rarum: *Quod fua magnis dimensionibus parum habet materiæ*; denfum vero: *Quod fub paruis multum*. Hanc definitionem infinuat Philof. 4. Phyl. tex. 85. ubi fic habet; *Quare & magnitudo, & paruitas fenfibilis molis, non infuper accipiente aliquid materia, extenditur: fed quia potentia eft materia utriufque: quare eft idem denfum, & rarum, & una materia ipforum eft.*

Explicatur hoc dictum Philofophi per experientia. Aer inclufus in Thermofcopio, adueniente frigore, retrahit fe ad minus fpatium, vnde cogitur aqua furfum afcendere, vt fpatium impleat ab eodem relictum. Adueniente autem calore, idem ille aer diffundit fe ad fpatium maius, & aquam deorfum premens, locum ante relictum reoccupat. In primo cafu dicitur condensari, in fecundo rarefieri. Idem autem eft modo fub paruis, modo fub magnis dimensionibus,

De

De causa efficiente pre seram raritatis, quam densitatis omnes ferè Philosophi cōueniunt: calorem videlicet esse per se effectiū raritatis, frigus verò densitatis. Dixi: *Per se*; quia aliquando per accidens, puta meru vacui; etiam frigidissima rareseunt, & calida densantur.

Circa rarum & densum prima sententia sit illa, quam tribunt Scoto in 4. dist: 22. quæst. 4. rarefactionē videlicet fieri per additionem nouæ quantitatīs, condensationem verò per detraktionem. Hanc sententiam sic probari putant Scotistæ. Forma immediatè exigitiua extensionis localis, est quantitas; ergo quamdiu est eadem quantitas, est exigentia eiusdem extensionis localis; sed in rarefactione non est eadem, sed maior extensio, adeoque exigentia maioris extensionis: ergo in rarefactione non est eadem quantitas. Idem dic de condensatione. Si est eadem quantitas est eadem extensio: sed in re condensata non est eadem extensio; ergo nec eadem quantitas.

Secunda sententia est quorundam veterum. quos Arist. 4. Physic. tex. 79. & sequent. refert, & impugnatur qui dicebant rarum haberi formaliter per hoc, quod inter partes corporis rarefcentis intercipiuntur vacuitates quædam: densum vero per hoc quod huiusmodi vacuitates à partibus eiusdem corporis, vel impleantur, vel coarctentur. Hanc sententiam recentiores aliqui, inter quos Ariaga, Quietus, & alij, emendare voluerunt, insinuantes loco vacuitatum

alia corpuscula, eademq. per condensationem extrudi, per rarefactionem admitti, asserentes.

Hanc sententiam vides in olla. In hac enim igni superposita aqua rarefcit, & quæ medietatem ollæ vix attingebat, crescente calore, vsque ad orificium, & etiam supra, ebullit. Hæc rarefactio aquæ habetur, aiunt, per hoc, quod inter particulas aquæ insinuantur particule aeris, vt apparet in bullis eiusdem aquæ: cum enim sint concavæ, necesse est eas vel vacuas esse, vel alio corpore repleti. Ad hanc sententiam trahuntur quædam Philosophi dicta: puta in prædicamentis cap. de quali: *Spissum*, hoc est densum, dicitur eo quod partes sibi ipsis propinquæ sint, rarum vero quod distent a se inuicem. Hoc autem aiunt optimè conuenire raro, & denso, vt explicatur ab ipsis: quia dum inter vnâ, & alteram partem eiusdem corporis mediant plures vel pauciores ex prædictis atomis, seu corpusculis, plus vel minus eiusdem corporis partes à se inuicem distant.

A R T I C V L V S II.

Refelluntur prædictæ sententiæ.

Dicendum est 1. rarefactionem non haberi per augmentum, condensationem verò per decrementum quantitatis. Quid intelligamus hic nomine quantitatis habes ex dictis in Physica. Si enim nomine quan-

quantitatis nihil aliud intelligeres, quam
 extensionem secundum locum, recte dici-
 res hanc pertinere ad constitutionem rari,
 & densi, ut patet ex definitione, patebitq;
 ulterius ex dicendis. Intelligendo autem
 nomine quantitatis id, quod alibi diximus
 intelligendum: impugnatur primo prima
 sententia. Quantitas, quæ in rarefactione
 aduenit, vel recipitur in aliqua parte ma-
 teriæ iam ante quanta, vel non: neutrum
 dici potest; ergo &c. Minor probatur:
 quia si recipitur in parte materiæ iam ante
 quanta, in eadem parte materiæ recipitur
 duplex quantitas: adeoque quantitas cum
 quantitate penetratur; cum tamen quan-
 titas sit ipsamet formalis impenetrabilitas,
 & sui, & corporum quibus inest, cum alio
 quanto, vel quantitate. Si autem dicas re-
 cipi in aliqua parte materiæ nulla ante
 quantitate affecta, eo ipso das ante aduentū
 novæ quantitatis, dari aliquam partem ma-
 teriæ carentem omni quantitate, quod est
 absurdum: quælibet enim pars est cum alia
 impenetrabilis, adeoque quanta.

Æquivocatio in hac materia facilè dete-
 gitur. Antiquiores quantitatem cum dimen-
 sione facilè confunderunt. Dicunt enim
 tantū, & quantum secundum dimensionem.
 Patet autem ad oculum corpus rarescens
 non deferere locum, quem ante rarefactio-
 nem occupabat, sed illo retento, ad amplio-
 rem sese extendit. Hinc aiunt corpus rare-
 scere per hoc, quod pristinæ demensioni no-
 uam superaddat. Si autem per dimensionē,

cua, vt impediatur vacuum.

Quoad secundum partem: probatur eadem conclusio: quia aliud est plura corpora inter se misceri, aliud rarefieri. Nemo, nisi absurde, dicet quod quando aqua frigida miscetur cum vino: vinum rarefiat; & tamen inter singulas particulas vini intercipiuntur particule aquæ: adeoque non plus loci occupantur vinum, quam antea occuparet, licet à medietate vasis ascendat ad orificium. Totus enim ille locus non est solius vini; sed vini, & aquæ,

Præterea expugnatores arcium norunt quantum rarefiat materia pulueris termentarii, quando hic ignem conuertitur: unde autem, tam multa corpuscula confluunt, vt partes materiæ ita distendant, seque insinuent? omitto alia breuitatis ergo.

Vera igitur sententia est rarefactionem haberi per hoc formaliter, quod idem corpus habeat plus; condensationem vero per hoc, quod habeat minus extensionis localis. Ad intelligentiam: nota rarefactionem non consistere in maiori simplicitate; condensationem vero in minori vicatione: sed in vicatione cum multitudine, vel paucitate materiæ, adeoque raritas definiri potest: *Magnitudo loci cum paruitate materiæ*: densitas autem, *multitudo materiæ cum paruitate loci*: parum enim refert vtrum in recto efferas: vtrum in obliquo. Et hoc quidem melius apparet in eodẽ subiecto, secum ipso diuersis in statibus comparato: puta idem aer in Thermoscopio modo magnis, modo modicis dimensionibus

subest: hoc est; modo rarefit, modo densatur

Probatur autem conclusio posita ex dictis. Rarum est; quod sub magnis dimensionibus parum habet materiae, densum, quod sub parvis multum. Præterea Philosophus in prædicam. cap. de quali. sic habet *Rarum, & spissum, & asperum, & laue* putantur quidam quale quid significare: sed aliena huiusmodi putantur esse à diuisione, quæ circa quale est; quandam enim positionem magis videntur partium utrumque monstrare. Spissum enim dicitur eo quod partes sibi ipsis propinquæ sunt: rarum vero, eo quod distent à se inuicem, & laue quidem quod in rectitudinem aliquo modo partes iaceant, asperum vero quod hæc quidem superet, illa vero sit inferior. Vbi docet Philosophus raritatem, & densitatem non esse quasdam qualitates simplices, & reales, sicut est v. g. albedo, nigredo, aliaque huiusmodi: sed consistere in habitudine quadam partium ad se inuicem secundum locum.

Quod si dicas etiam per interpositionem corpusculorum saluari hanc partium ad se inuicem habitudinem; respondeo ita esse, sed hoc ad raritatem, aut densitatem nequaquam sufficere. Nam neque intronmissis corpusculis verum est, idem corpus maius spatium occupare, neque iisdem exclusis minus ut consideranti manifestum est.

Obiicitur 1. Partes corporis Christi Domini in Eucharistia differunt secundum rarum & densum: non differunt secundum extensionem localem; ergo rarum & densum

non,

non constituuntur per extensionem huiusmodi; Mai. probatur quia in corpore Christi Domini carnes, v. g. sunt minus densæ, quam ossa, etiam in Eucharistia; ergo &c.

Resp. neg. mai. Ad probationem: nego antec. & suppositum antecedentis. In Eucharistia partes Christi Domini, cum non habeant dimensionem localem, nisi in actu primo, non habent raritatem, aut densitatem, nisi in actu primo: hoc est partes corporis Christi, quæ sunt in Eucharistia, petunt ex natura sua, vna minus, altera maius spatium cum eadem portione materie. Vbi aduete non negari hic, quod partes corporis Christi habeant raritatem, aut densitatem, sed quod habeant hanc, vel illam in Eucharistia.

Obiic. 2. Est inexplicabile quomodo eiusdem corporis partes à se inuicem distent, nisi per interceptionem vacuitatum, aut corpusculorum; ergo inexplicabile est quomodo corpus rarefiat, nisi per interceptionem huiusmodi. Confirmatur hoc idem argumento Obiedi: quia per talem corpusculorum interceptionem facile intelligitur quomodo idem corpus plus spatii occupet rarum, quæ densum, raro enim plura, denso pauciora corpuscula insinuantur.

Resp. neg. ant. Quomodo id accadat explicatum est in experimento aeris in Thermoscopio inclusi. Per hoc enim quod intelligas singulas partes plus spatii occupare, hoc est dilatari spatiosa singularum partium: recte intelligis hanc extremitatem partis A, quæ sursum est, magis distare, quam di-

staret antea ad extremitate partis B, quæ illam deorsum attingit, & sic de singulis: ampliatis autem spatiolis singularum, facile intelligis ampliari spatium totius molis. Ad confirmationem Quiedi patet ex dictis. Nam per intromissionem corpusculorum, non habes quod idem corpus, sed quod plura corpora simul permixta plus occupent spatii: hoc autem non est rarefacere.

Explicatur autem ulterius raritas, & densitas eiusdem corporis exemplo velocitatis, & tarditatis eiusdem mobilis puta idem mobile, si velociter moveatur, pertransit intra vnum minutum temporis viginti passus: si autem tardè, pertransit decem: habetur autem illa velocitas non per hoc, quod excludantur morulae; supponimus enim ex communi utrumque motum esse continuum; sed per hoc, quod in qualibet particula temporis assignata duplo plus spatii conficit, si velociter, quam si tardè mouetur. Quemadmodum igitur definiri potest velocitas: consummatio magni loci intramodicum tempus: tarditas vero; consummatio parui loci intra magnum tempus: ita raritas est extensio parue materie ad magnum locum; densitas vero: coarctatio multe materie ad paruum. Quæ omnia patent ex dictis.

Obiic. 3. Sequitur, & per rarefactionem corpora replicari, & per densitatem compenetrari: raritas autem, & densitas naturaliter accidunt, ergo & replicatio, & penetratio naturaliter fiunt. Sequela mai. probatur: nam per replicationem nihil aliud

habes quam quod corpus sit in multiplici loco adæquato: per penetrationem nihil aliud, quàm quod duo corpora sint in eodem: sed per rarefactionem formaliter idem corpus est in duplici, vel triplici loco adæquato per condensationem duo, vel tria corpora, hoc est quæ erant in spatio v. g. tripalmari, ponuntur in spatio vel palmari, vel bipalmari, prout magis vel minus densantur; ergo per densitatem habetur penetratio. per rarefactionem replicatio.

Resp. neg. sequelam mai. Ad probationem nego min Per rarefactionem corpus non est idem, neque secundum easdem sui partes in plurius spatiis loci; sed vna pars eiusdem corpori tantū loci occupat, quantum antea occupabat totum, vt patet ex dictis. Per densitatem plures partes non sunt in eodem spatio, sed singulæ ad minus spatium coarctantur: quæ omnia sunt adeo clara, vt mirum si alioquos hoc argumento moueri.

Habes ex dictis ipsammet quantitatem esse indifferentem, vt eadem modo sit submagis, modo sub paruis dimensionibus. Secundo non esse necessarium absolutè vt corpus physicum & naturale sit vel rarum, vel densum in actu secundo, quamuis alterutrum habeat, si naturali modo se habeat. Tertio in habes id quod explicatu difficile videbatur, reipsa facillime explicari, dum explicatur per omnes causas. Puta rarefcit aer efficienter à calore, formaliter per paucitatem sui & magnitudinem extensionis
loca.

localis, finaliter vt impleat vacuum, vt se habeat secundum modum suæ naturæ, &c. Causa autem materialis est id ipsum quod rarefcit. Idem dic vice versa de densitate.

Q V Æ S T I O VI.

De Graui, & Leui.

A R T I C V L V S I.

Quid sit grauitas, quid leuitas.

Philosoph. 4. Physic. textu 85. post explicationem rari & densi, subiungit; *est autem ipsum quidem densum graue, rarum autem leue.* Estque satis commune inter Philosophos densitati grauitatem, raritati leuitatem adscribere. Conqueritur idē Philos. 4. de Cælo text. 3. de antiquioribus, quod graue quidem, & leue secundum comparisonem: ipsum autem graue & leue absolute non definiuerint. Postea tex. 7. statuit leue simpliciter, & absolute esse quod sursum fertur, & ad extremum, graue autem quod deorsum, & ad medium. Vnde tā ineptū est quærere cur graue deorsum, leue autem sursum feratur, quam cur placeat pulchrum. Sicut enim hoc ipsum est pulchrum esse, esse quod placet; ita hoc ipsum est esse graue, esse id, quod deorsum fertur; hoc esse leue, esse id quod sursum.

Post definitionem grauis, & leuis simpliciter dicti, definitionem affert ytriusq. secundum

dum comparationem. *Ad aliud autem leue & leuius, quod duobus habentibus grauitatem, atque molem aequalem deorsum altero alterum natura velocius fertur.* Videlicet illud est altero grauius, quod, ceteris paribus, mole sua celerius fertur deorsum. Obseruat autem Auerroes lib. 3. de Cælo num. 9. non omnia, quæ dicuntur secundum comparationē, dici posse absolute. Ita rectè dixeris, etiam secundum Philosophum aquam esse leuiorem terra; quamuis simpliciter non dixeris esse leuem, ita ex duobus agrotis alter altero melius habet, & neuter benè. His positis queritur in quo consistat grauitas & leuitas, Qua in re.

Dicendum est 1. grauitatem, & leuitatem non esse ipsamet lationes, seu motus deorsum, & sursum. Probatur, quia etiam deficiente motu deorsum, & sursum, manet grauitas & leuitas. Propterea 1. de Cælo text. 17, definitur graue: *quod ferri natum est ad medium*; leue autem; *quod à medio.* Quemadmodum igitur calefactiuū est tale, non per calefactionem ipsam, sed per vim calefaciendi, ita graue & leue talia sunt, non per lationes ipsas sursum aut deorsum, sed per vim sursum, & deorsum eundi.

Dico 2. grauitatem, & leuitatem non consistere in complexione primarum qualitatum. Hęc conclusio paucos habet Adversarios. Probatus autem: quia etiam diuersa secundum substantiam sunt similia secundum rationem grauis & leuis, sed diuer-

sa secundum substantiam diuersa sunt etiam secundum complexionem primarum qualitatum: ergo diuersa secundum complexionem huiusmodi sunt similia secundum graue & leue: & consequenter in complexione prædicta non consistit grauitas, & leuitas. Minor probatur; quia diuersis substantijs diuersæ debentur proprietates: non secundum entitatem qualitatum, ut visum est supra, sed secundum diuersam earundem temperiem. Non tamen est dubium quin etiam qualitatum complexio multum conferat ad graue, vel leue; sicut confert ad rarum, & densum quæ enim calidiora sunt, sunt ex natura rei cæteris paribus, rariora: quæ autem rariora, sunt & leuiora. Potest tamen cum calore aliud commisceri, tam raritatem, quam leuitatem impediens.

Dicendum 3. grauitatem formalem consistere formaliter in nisu deorsum, siue ad medium; leuitatem autem in nisu sursum, siue à medio. Probatur hæc conclusio 1. quia nullo alio modo melius explicatur quid sit grauitas, quid leuitas. 2. quia quæ violenter ad medium, vel à medio mouentur, mouentur per impetum ipsis ab extrinseco impressum: ergo quæ mouentur naturaliter à medio, vel ad medium, mouentur per impetum ipsis innatum: hic autem impetus à nobis dicitur nisus sursum, vel deorsum. Ita etiam aqua dum te calefacit per calorem ab extrinseco receptum te calefacit: ignis autem te calefacit per calorem innatum.

Probat^{ur} vlt^{erius} : quia graue est , quod ferrinatum est ad mediũ; leue autem quod à medio : ergo vis illa naturalis latius sursum aut deorsum rectè dicitur grauitas & leuitas; aptitudo enim ad hunc, & illum motum non rectè dicitur grauitas , aut leuitas : cum & grauia possit sursum , & leuia deorsum ferri: non est igitur grare , quod aptum est ad medium, sed quod nititur ad medium ire . Vbi aduerte nos pro grauitate non ponere ipsammet substantiam mobilis , sicut pro calore non ponimus ipsammet substantiam calidi: sed quemadmodum à substantia calidi profluit calor, quo est calidum : ita à substantia rei grauis profluit n^{isus} ille , seu grauitas, qua graue est : & quemadmodum substantia calidi est solum radicaliter, calor ita etiam substantia rei grauis est solum radicaliter grauitas; vnde res ipsa , quæ grauis est, est principium radicale, grauitas ipsa est principium formale & immediatum motus deorsum .

Ratio cur non ipsa substantia , sed accidens substantiæ superadditum ponatur pro grauitate, est multiplex . Primo quia etiam deficiente substantia grauitas manet, vt habes in venerabili Sacramento Eucharistiæ . Secundo, quia manente eadem substantia, grauitas variatur : puta vapor est substantialiter aqua, nec tamen eiusdem grauitatis cum aqua , à qua sursum attollitur .

ARTICVLVS II.

*Antam leuitas, quam grauitas sit
impetus innatus.*

Grauita em esse impetum innatum, secundus leuitatem grauissimi auctores affirmant. Aiunt autem leuia sursum ferri à grauioribus trusa; ita uita olei sursum emergit è fundo putei trusa ab aqua, sicut v. g. nucleus pressus à digitis sursum truditur, & mouetur. Alij contra leuitatem aiunt esse impetum innatum leuib; grauiora autem deorsum ruere, non impetu innato, sed pressa à leuioribus. Pro prima sententia aduersus secundam est hoc experimentum.

Sit catillus plenus argento uiuo. Accipiat tubus argento item uiuo non omnino impletus; ore inuerso immergatur in prædictum catillum: ita tamen ut fundum non tangat. Videbis argentum uiuum è tubo deorsum ruere, & consequenter in catillo ascendere prope orificium. Hinc inferunt grauitatem innatam. Si grauia, inquit, truderentur deorsum à leuib; aer immixtus catillo deorsum premeret argentum uiuum, adeoque non sinens illud attolli, impediret ne è tubo rueret in catillum, constaret autem attolli in catillo, & è tubo descendere; igitur aer non premit deorsum grauiora se, sed hac impetu sibi innato descendunt. Hoc experimento fit longè probabilius grauiora non trudi à leuioribus, quàm villo

ullo experimento fieri possit, non trudi leuia à grauioribus. Aer enim imminens toti catillo longè aptior est premendo argento viuo, quod eæ in eodem. quam modicum illud aeris intra tribum ad premendum argentum viuum intra eundem incusum, vt patebit consideranti molem immensam aeris catillo imminentes.

Nostra sententia est etiam leuia leuitate innata sursum ascendere. Probatur hæc sententia primo, quia Philosophus eodem modo tribuit seuitatem leuibus, quo grauibz grauitatem; vtrumque enim natura sua huc & illud ferri affirmat, ergo tam est innatum leuibus principium lationis sursum, quam grauibz principium lationis deorsum. Item 4. de Cælo text. 24. dicit quod graue, & leui in principium mutationis, hoc est lationis sursum, & deorsum habent. Probatur secundo; quia cum tam sit naturale leuibus sursum, quam grauibz deorsum ferri, non est ratio negandi leuitatem innatam, consonat hoc cum ijs, quæ dicta sunt, vbi de Vacuo: videlicet in hoc, si daretur, fore vt et grauia deorsum, & leuia sursum ferantur. Probatur denique soluendo obiecta.

Obiicies 1. Si daretur leuitas innata v.g. in aere, sequeretur quod quo plura includeretur aeris in folle, vel in vtre, eo plus follis vel vter leuitaret, conf. est contra experientiam, ergo & ant. Mai. probatur; quia quo plus poneretur aeris, eo plus poneretur leuitatis; sed quo plus ponitur leuitatis, eo plures leuitat; ergo quo plus po-
ne-

naretur aeris, eo plus leuitaret. Quemadmodum enim quo magis impletur vas corpore graui, eo plus grauitat: ita etiam quo plus implebitur follis corpore leui, eo plus leuitabit.

Resp. nego sequelam mai. Ad probationem nego mai. Ad paritatem cum grauitate dic: per additionem corporis grauis non imminui densitatem, ad quam consequitur grauitas: per additionem autem & constitutionem corporis leuis, puta aeris intra follem, minui raritatem, ad quam consequitur leuitas. Propterea non quantum addis de corpore leui, tantum addis leuitatis, si addendo leue leui, vtrumque spissas, siue addenensas.

Obijces 2. Nisus ille ad medium, in quo consistit grauitas, vel est nisus ad illud punctum, quod est centrum mundi, vel solum ad locum debitum mobili, videlicet infra omnia leuiora ipso, & supra omnia grauiora; neutrum dici potest, ergo inexplicabilis est talis nisus. Min. prob. quia si est nisus ad centrum mundi, est nisus ad impossibile, nequeunt enim omni graua collocari in centro mundi. Si autem est nisus non ad centrum mundi, sed ad locum dumtaxat, in quo sit infra leuiora se, & ita inter se graua disponantur, vt nullum ex grauibz aliud grauius se habeat supra se: contra est; quia hinc sequitur quotiescunque lapis aut plumbum non habet intra se aliud leuius se, aut supra se aliud grauius, perire eo ipso in ipsis grauitatem. Hoc au-

tem

tem absurdum esse patet ex eo, quod graue superpositum grauiori adhuc est graue, non solum in actu primo, sed in actu secundo, nititurque deorsum.

Resp. conc. mai. neg. min. Dico autem graua niri ad centrum mundi: ex hoc singulorum grauium nisu ad centrum mundi sequitur ordo ille, qui intenditur à natura inter graua, grauiora, & grauissima. Dum enim versus idem punctum nituntur singula; illud infra omnia se collocat, quod omnia intendo vincit; & quia quod grauissimum est, cæteris paribus, reliqua vincit; ideo grauissimum secundum naturæ ordinē est in medio grauium.

Dixi, secundum ordinem à natura intentum; seu, secundum ordinem, qui secundum proportionē grauis ad graue per se est. Cæterum apparet quod multa graua habent infra se, & ad latera, alia corpora leuiora. Nā & multi vertices montium concavi, & multi scopuli arem, & aquam infra se habent sed hoc se habet per accidens respectu grauitatis: resistit enim nisu deorsum corpus infra positum impermeabile, vel adhaerescētia partium inter se, quibus prædicta corpora constant; qua adhaerescētia sublata, deorsum ruunt corpora grauiora, vt ante aliquot annos accidit in monte Auentino.

Ad probationem in contrarium; nega nisum illum esse ad impossibile? nulli enim ex tendentibus ad centrum mundi, est impossibile illud assequi. Quod autem plura simul tendant ad vnum nō ocupabile simul à plu-

ribus: non est nouum, & quotidie accidit in moralibus, & politicis. Vna dignitas est scopus mille competitorum; & sic de cæteris.

Obijc. 3. Nisus ille tam deorsum, quem sursum, vel est qualitas immediate profluens à substantia mobilis. vel à temperamento eiusdem, vel ab aliquo peculiari accidente: nihil horum dici potest: ergo nisus huiusmodi non datur. Min prob. quia si profluit immediate ab ipsa substantia, quotiescunq. sunt diuersæ substantiæ, erunt diuersi impetus, sed constat diuersarum substantiarum esse eundem nisum, seu impetum sursum aut deorsum, ergo huiusmodi nisus non sūt immediate à substantia. Min. patet: quia diuersa secundum substantiam æqualiter ponderant. Idem dic de temperamento; sepe enim cum diuerso temperamento est eadem grauitas, vt dictum est supra, & inferri potest ex modo dictis; diuersarum enim substantiarum diuersum est temperamentum, cum tamen sit eadem grauitas. Quod si assignetur aliquod aliud accidens, eadem argumenta contra illud torquetur.

Resp. conc. mai. neg. min. Grauitatem aut leuitatem non fluere à temperamento primarum qualitatū est certum; quando quidem etiam elementa huiusmodi temperamento carentia sunt rara, & densa: grauiā, & leuiā. Præterea dictum est in Phisicis ea quæ naturaliter mouentur, habere in se, & sua substantia principium talis motus, quod intelligendum est de principio radicali: grauiā autem, & leuiā naturaliter mo-

mouentur; habent igitur in sua substantia principium radicale motus sursum, & deorsum; cum igitur grauitas illa sit formale, immediatum principium motus, necesse est substantiam ipsam esse principium talis grauitatis.

Ad rationes in contrarium dic etiam diuersarum substantiarum posse esse eandem grauitatem, sicut potest esse idem calor, idem frigus, & alia huiusmodi: non enim per quodlibet accidens substantia quolibet debet à qualibet alia esse diuersa, sed per complexionem omnium accidentium: potest autem cum conuenientia in quolibet determinate accepto stare discoueniencia vnius complexionis ab alia. Dum autem dicimus eandem grauitatem, sua eundem nifum, præscindimus ab identitate secundum speciem, consideratis omnibus. Nam si nifus ille esset forma modalis, sicut est ipse motus, non esset idem in diuersis substantiis: quia non repugnat enim dissimilia substantialiter, imo & inequalia, æqualiter deorsum niti.

Obiic. ult. Sequitur grauia grauitate, leuia leuitate in propriis locis: conf. est absurdum: ergo & antec.

A R T I C V L V S. III.

An grauia grauitent in propriis loci &c.

M Vlti negant; multi affirmant. Qui negant his fere argumentis ducuntur. i. grauitas est innata grauibus, vt graui-

uitando locum sibi debitum essequantur : quando sunt in proprijs locis, iam assequata sunt locum sibi debitum ; ergo non est amplius cur grauitent .

2. Vrinatores non sentiunt pondus aquæ sibi imminentis ; aqua igitur in aqua non grauitat. Hoc idem dic de piscibus , qui etiã dum in fundo maris , vel lacus quiescunt , non sentiunt pondus aquæ incūbentis , sicut nec senties , si in eodem fundo quiescas .

3. Experientia constat aquam , cum insitula extrahitur è puteo , quamdiu est intra malsam aquæ non ponderare , pondere autem statim ac emerfit ; igitur aqua in aere quidem grauitat , non autem in aqua . Eadem argumenta militant proportionaliter contra leuitatem leuium in proprijs locis . His non obstantibus .

Dicendum est graua grauitate , leuia leuitate in proprijs locis .

Hæc conclusio est iuxta principia Archimedis , qui humida æqualiter iacere affirmat per hoc , quod pars partem premar . Tenendum est autem hic quod dictum est supra , videlicet quod si omnia disponderentur localiter secūdem ordinem grauitaris , & lenitatis ; esset in centro mundi corpus omnium grauium grauiissimum , cui cætera secūdem proportionem suæ grauitatis propius , vel minus prope circumfunderentur contingit autem non omnia , imo pauca ex grauibz esse permeabilia , & propterea hūc ordinē non ita seruari , ea plane prouidentia , qua nec elementa contingit ab alijs elementis .

mentis depurari, quia sic expedit bono uiuentium.

Probatum autem conclusio posita varijs experimentis. Certum est quod ex dolio aqua pleno, vel vino, ruit maiori impetu aqua, vel vinum, quod extrahitur: quam si dolum sit solum semiplenum; & ea proportionem qua decrescit liquoris copia in dolo, decrescit etiam impetus eiusdem in amphoram defluens.

Hoc etiam apparet in ijs' siphunculis eo vehementius aquam eiacularibus, quo maiori aquæ copia sursum premuntur, quod non aliunde accidit, quam ex eo quod pars partem premit. Vterius: manifestum est vas aqua plenum eo magis ponderare, quo plus continet aquæ: superficies igitur superior, puta palmus superior aquæ, deorsum premit palmum inferiorem.

Denique probatur conclusio: quia grauitare nihil aliud est, quam niti deorsum: sed etiam in dispositione local; qua minus graue grauiori incumbit minus graue nititur deorsum: ergo etiam in tali dispositione grauitat: sed in tali dispositione singula habent proprium locum; ergo grauitant in proprijs locis. Solue iam quæ in oppositum dicebantur.

Ad primum dic finem grauitatis esse non solum ferre corpora ad locum debitum, sed eadem ibi tueri. Hoc autem obtinet dum singula, quantum possunt, deorsum nituntur vt explicatum est satis.

Ad secundum. Putat P. Syluester Mau-

rus per vrinatores recte probari sententiam quam hic tuemur. Primo quidem quod argumentum nihil valeat sic probatur. Corpus natatoris est leuius in specie, quam aqua. Hoc idem dic de piscibus: videmus enim pisces mortuos è fundo e mergeret sed in sententia etiam Aduersarij grauius supra minus graue grauitat, ergo aqua supra natatores, & supra pisces grauitat. Quomodo igitur ex eo, quod homo non sentiat pondus aquæ, inferes aquam non grauitare, cum etiam si non grauitet supra aquam, grauitate debeat supra natatorem: Da enim natatores sentire pondus aquæ, non tamen inde inferes aquam grauitare supra aquam: cum obuium sit dicere aquam supra natatorē grauitare, quia hic est leuior; non autē supra aquam, quia aqua non est grauior aqua.

Ex hoc eodem principio habes quod si aqua hominem premit, premit vt sursum attollat: quod autem premit vt rursus attollat non ponderat, ergo non est mirum quod aqua supra hominem non ponderet. Imo potius deberet experiri homo se sursum trahi: & de facto ita experitur: quamuis impetu quodam, quem metus imprimit vel aliunde ab extrinseco deorsum trahatur.

Ad vltimum dic quod in aqua aqua non ponderat plusquam alia aqua, quia non superat grauitatem medij, in quo e leuatur. Vnumquodq enim tantum ponderat, quantum superat grauitatē medij, in quo libatur. Hinc habes cur plumbum, vel quodlibet aliud corpus huiusmodi in aqua minus
pon-

ponderet, quam in aere, vt ad sēsum pater. Plumbum videlicet minus superat grauitatem aquæ, quam aeris. Gine etiam fundamenta ædificorum, quæ sufficiunt moli sustinendæ extra aquam, si sint in aqua minus sufficiunt, quia minus ponderant.

Q V Æ S T I O VII.

De acceleratione motus.

A R T I C V L V S I.

Proponuntur alienæ sententiæ.

Motus in fine velocior; adagium est habenti oculos manifestum: habeati intellectum innegabile; difficile tamen in suas causas resolubile. Thimistius, aliq. nonnulli existimatunt augeri velocitatem grauium in progressu motus, eo quod hæc quo propinquiora sunt centro, eo vehemētius trahantur ab ipso. Idem dic de leuibus proportionaliter respectu circumferentiæ. Ita, aiunt; ferrum, quo propius magnetem est, eo validius trahitur. Hanc sententiam alibi damnauimus, vbi diximus non moueri graua per hoc, quod trahantur à centro. Impugnatur vltcrius; quia si velocitas hæc esset à propinquitate; mobile prope centrum, siue præcessisset, siue non præcessisset motus, eadem vt traheretur; adeoq. eadem velocitate ferretur. Constat autem experientia non eadē velocitate ruere lapidem

deorsum, sit ex altitudine quatuor palmo-
rum in terram cadat, quam si ex altitudine
vnius miliaris: & tamen in distantia illa
quatuor palmorum a terra eandem habet
cum centro propinquitatem.

Secunda sententiâ est eorum qui velocita-
tem motus accelerati refundunt in medium.
Aer, inquit, quem mobile descendens dis-
rumpit, à fronte rarefit, à tergo autem den-
satur: rursus aer densatus conatur se ad suâ
raritatem reducere & tali conatu mobile
impellit. Aer verò qui à fronte mobilis
est, ob suam raritatem facillime cedit: &
quia quo magis mouetur mobile, eo magis
rarefit aer anterior, quo magis rarefit an-
terior, eo magis posterior premit, ideo quo
magis mouetur eo velocius mouetur.

Reijcitur hæc sententia: quia potius aer
densatur à frôte & à tergo rarefit, vt appa-
rer in nauis, cui à prora densatur aqua, & à
puppi rarefit. Cû igitur quo magis descen-
dit graue, eo magis aer denset: & quo ma-
gis densatur, eo magis resistat: eo tardius mo-
ueri deberet mobile, quò ex altiori loco
descendit, si determinatio ad velocitatem &
tarditatem solum haberetur à medio. Con-
firmatur hæc doctrina manifesta expetiētia
non solum nauis in aqua, sed etiam ipsius
met mobilis descendens in aere. Audirur
enim graui descendente ex alto sibilus qui-
dam aeris, quem suo descēsu mobile fundit,
eo maior quo ex altiori loco mobile ruit:
qui sibilus oritur eo maior, quo aer est den-
sior magisque descensui resistens. Hoc etiam

pater in naui findente aquos, quæ eo magis sibilant, quo magis resistunt. Ex hoc incremento resistentiæ inferunt aliqui quod quavis intra aliquod spatium augatur velocitas in mobili descendente, nos tamen augeri debet intra quodlibet ingens patium; imo contingere posse vt in progressu descensus non modo tardetur sed etia sistatur motus. Sed hoc postea. Pro resolutione igitur controuersia;

Notanda sunt aliqua quæ vix negari possunt. Quicunq. rudiculis ludit manifestum. habet, quod si vnâ pilam ita in aliam impingat, vt ab vna totus impetus trāsferatur in alteram pilam quæ prius mouebatur consistit in puncto, & altera in quam impegit ea velocitate fertur & versus illum terminum. qua, & versus quem altera ferebatur. Hoc vulgo dicitur *trucchia à resto*. Acciditque quando centrum grauitatis vnus recta impingit in centrum grauitatis alterius Si vero ita impingat vt non effundat totum impetum, sed solum eundem partiatui inter se & alteram pilam; tunc vtraq. mouebitur, sed tardiuscule; quælibet ad proportionem impetus vel accepti vel conseruari: impulsus enim natus mouere hanc molem tali velocitate, si distribuatur in plurâ; vel non mouebit, vel lentius mouebit.

Notandum est insuper quod mobile impingens in obiectum sistentem ipsum à motu totum impetum acquisitum amittit, & rursus à motu tardior, nouum descensum redoaditur. Ratio est: quia totum impetum

R 3 quem

quem acquisiuerat effudit in obicem. Si intelligeres impetum transire de subiecto in subiectum, rem tibi facile persuaderes. Et pro præsentī controuersia parum refert qui rem intelligas. Est enim impetus qualitas quædam talis indolis, vt per hoc ipsum quod effundatur in alterum, in eo cesset à quod effunditur: si autem in aliud effudi nequeat nec mouere illud in quo est: illud defatigat. Hinc si quis vacua manu eundem conatum ediderit, quem edit lapidem proiciens, ita defatigatur vr sentiat quasi brachium auelli ab humero. Quia videlicet conatus ille, qui lapidem impelleret ad signum, facit quantum potest vt deficiente lapide brachium ferat. His positis.

Dico causam accelerationis motus esse nouas & nouas partes impetus, que acquiruntur per motum. Sicut enim plures & plures partes caloris reddunt subiectum magis & magis calidum: ita etiam plures & plures partes impetus reddunt subiectum magis impulsum. Quo autem est magis impulsus, eo magis mouentur; nisi adsit impedimentum.

Aduerte autem quod aliud est in motu partes superaddi partibus, aliud in impulsu. Motu succedit motus, numquam tamen cum alio motu facit motum intensiorem. Impulsui succedit impulsus, facitq. cū illo impulsus, seu impetum intensiorem. Motus est quid successiuum, adeoque cuius pars parti non coexistit, impetus est qualitas permanens, adeoque cuius partes multæ simul

existunt. Impetum esse qualitatem permanentem constat ex eo quod ipsemet impetus violentus est quid permanens, ut apearer in lapide sursum proiecto. Si enim impetus quo lapidem sursum moues, esset quid fluens, non mouerentur proiecta nisi pro ea temporis differentia, qua sunt applicata proiicienti, quod tamen falsum esse constat.

Ex hoc facile intelligis quomodo possit impetus semper & semper augeri. Nam pars addita parti facit intensiōem, Hanc doctrinam satis communiter sequuntur recētiores Philosophi, quorum est dictum commune intendi motum, seu velocitatem motus augeri per multiplicationem impetus. Quam autem proportionem augeatur nefas est scire, Propterea puto ab aliquibus negari incrementum motus in progressu, sicut à Zennone negabatur motus ipse: quia videlicet nequeunt explicare qua proportionem augeatur. Certum est augeri ea proportionem qua impetus multiplicatur: qua autem proportionem multiplicetur hic; diuina si potes.

A R T I C V L V S II.

*Sustinetur noster impetus contra impetum
Aduersariorum.*

PRimus impetus Aduersariorum est Ariagæ. qui sic obiicit. Quæ mouentur motu alterationis & augmentationis nō accelerant motum: ergo neque quæ mouentur sursum aut deorsum motu locali. Ante-

cedens probatur in aqua recuperante suum frigus, quæ non celerius reprodueit vltimos, quam primos gradus frigiditatis. Hoc idem probatur in agente in subiectum extrinsecum. Puta ignis calefaciens aquam, non celerius producit vltimos, quàm primos gradus caloris. Imo experientia constat difficilius produci vltimos: ab intrinseco, quidem; quia cum dissimilitudo, seu contrarietas sit ratio agendi secundum qualitates prædictas, vt dictum est; hæc eo magis decrescit, quo plus de aduentitia qualitate inducitur, vt est manifestum. Ab extrinseco autem, ob actionem contrariorum, quæ reducenti se ad qualitatem sibi debitam propinqua sunt.

Resp. omisso antec. de quo dictum est disp. 2. q. 3. r. in fine, negando conseq. Disparitatem habes ex dictis. Causa motû accelerans est multiplicatio impulsus, adeoque multiplicatio causæ immediate mouentis, da autem etiam in motu alterationis, & augmentationi multiplicari causam immediatam huiusmodi motuum: dabis etiam accelerari hos motus. Hoc non contingit in istis, contingit autem in illo. Aduerte autem, quod effectus formalis ipsius impetus est facere subiectum impulsu, sicut effectus formalis caloris est constituere subiectum calidum. Effectus simpliciter, & sine addito eiusdem impetus est mouere suum subiectum. Hic quemadmodum maior calor facit formaliter magis calidum subiectum cuius est calor, magis autem ca-

lefacit subiectum in quod agit: ita maior impulsus facit formaliter magis impulsum subiectum in quo est: & simpliciter magis mouet subiectum, quod mouet. Contingit autem idem esse subiectum, & in quo est, & quod mouet, propterea & formaliter facit magis impulsus, & hoc idem efficienter magis mouet.

Nota præterea, quod motus nequit aliter intendi, quam per hoc quod intra spatium æquale temporis plus spatii localis conficiat; non enim intenditur motus per additionem partis ad partem; frigus autē, & aliæ qualitates huiusmodi per additionē partis ad partem augentur. Hinc longe melius arguens ē pati. Alteratio est semper in progressu intensior; ergo & latius. Ratio antecedentis est: qui in progressu gradus additur gradui, adeoque facit magistrale; ratio cōsequentis est, quia impulsus additur impulsui, adeoque augetur causa immediata motus. Hæc omnia sunt satis manifesta.

Obii. 2. Causa productiua impetus est ipsamet substantia mobilis, quod mouetur, determinata ab hac, vel illa densitate, hæc substantia est cum hac vel illa densitate, siue sit in principio, siue in progressu motus; ergo eundem impetum debet semper in se producere; sed ad eundem impulsus sequitur idem motus; ergo mobile eodem semper, & vniformi motu mouetur.

Resp. concesso antec. negando conseq. Idem argument. probat eadē causam non posse esse causam intentionis, & intensio-

ris qualitatibus. Mobile semper est eiusdem rationis, ut supponitur: non tamen propterea non multiplicat in se impulsus: sicut quamvis aqua sit semper eadē, non propterea non multiplicat in se gradus frigoris. Verum est etiam immotum mobile multiplicare in se impulsus; quod apparet ex eo quod idem pondus rumpit obicem, à quo diu sustentum est. Hanc autem impetus multiplicationem fieri magis dum movetur mobile, quam dum immotum est, constat à posteriori. Pila ferrea incidens in asserem illum frangit, cui diu incumbet sine factura. Ratio est, quia impetus est qualitas, cuius finis, & effectus est motus. Si igitur totus à mobili transfundatur in exterius, hoc est in aliud mobile, illud movet: si autem in mobili maneat, vel illud idem ulterius movet, vel ob impedimentum, seu obicē, si non movet, conatur movere. Quādiu autem movet, sit sit secundum naturam rei quæ movetur, novis sui partibus, seu potius novis semper novisq; impulsibus additus sit intensior, adeoque intensius movens idem. Quemadmodum enim motus mobilis *A* producit impetum in mobili *B*; ita etiam impetum ager in ipso mobili *A*, quæ omnia patent innumeris experimentis: cum enim certum sit motum augeri, causam autem motus esse impulsus, manifestum est non posse assignari causam meliorem incrementis motus, quam incrementum impulsus. in forma ad argumentum distingue minorem: est eadem substantia, eadem densitas,

& eadem aliæ circumstantiæ : nega ; & diuerſæ circumſtantiæ : concede, Hinc habes & impulſum eſſe cauſam motus , & motum cauſam impulſus, non tamen habes mutuâ prioritatem , quia motus non cauſat illum eundem impulſum, à quo eſt, ſed incrementum ipſius.

Hæc de impulſu , & motu ſecundum naturam mobilis. In ijs autem quæ non à ſe , ſed à proiiciente mouentur: alia cauſa querenda viſa eſt incremēti in motu. Puta pilam quam explodit bombardæ, ſi verum eſt quod aiunt , in aliqua diſtantiā à bombardā valdius quatit propugnaculum , quam in alia minori, puta validus , ad centum paſſus , quam ad viginti. In pila a bombardā emiſſa duplicem motum conſidera, rectum alterum verſus metā , alterum reuolutionis circa proprium centrum . Ad primum determinatur ab igne pellente, ad ſecundum à fundo tubi cui incumbit , dum extrahitur . Quamdiu utroque motu mouetur: minus velociter mouetur : ſed quia motus reuolutiones ad aliquam à bombardā diſtantiā ceſſat , adeoque impetus quantus quantus eſt in ferenda ad metā pila occupatur, ideo ad aliquam diſtantiā velocius mouet, donec inclinante aliquāliter deorſum vi grauitatis inatæ, paulatim remittatur . Prædicti duplici motus , & velocitatis auctæ dum alter ceſſat, habes exemplum familiare in pila eburnea , cuius in ludō tridicalorum eſt vſus . Hanc ſi è ſuperiori puncto digito ſic trudas , vt verſus metā

impellas, videbis reuolui circa seipsam, & simul versus metam ferri; ita vt cessante post breuem distantiam à puncto, ex quo pellitur, motu reuolutionis, motus ad metam sit ad oculū notabiliter velocior. Hoc idem applica cuilibet proiecto siue à funda, siue ab arcu: in his enim misceri motum cum motu, patet ex eo quod si sagittam obferues in arcu collocatā, plerumq; accidet, vt infixæ scopo ea pars ipsius infra sit, quæ dum emitteretur, supra erat. Quod est signū euidens eam vltra motū quo delata est ad scopum, alio motu notam.

Ad id quod dictū est sub finem superioris articuli, verum est medium sic aliquando constipari posse, vt difficilius vincatur à mobili, immò vt nec vincatur. Experieris hoc si scyphum recta inuertas, & immergas in aquam placidam: videbis aquam subingredi, & conatu suo sursum pellere aerem, illumq; constipare in fundo scyphi: quamdiu autē aer constipari potest, tandiu aqua scyphū ingreditur illumq; implet: sed tandem adeo constipatur, seu condensatur, vt nequeat vltcrius, adeoq; aquam sistat; itaut hæc nullo tuo conatu possit vltcrius trudi. Sed hoc accidit, quia neq. hinc, neq. inde aer habet effugium: vbi autem vtrinq; potest aer diffundi, est impossibilis casus, in quo mobile, præcipue iam motum, sistat. Præterquam quod enim aer hinc inde diffunditur, crescit semper in mobili per motum ipsum vis expulsiua & victrix cuiuslibet medij permeabilis.

QVÆ.

QVÆSTIO VIII.

*Deturne quies in puncto
reflexionis ?*

EXaminandum superest quid accidat in motu rei, vel ab impetu accepto, vel ab innato resiliente post contactum obicis. Dicimus igitur in puncto reflexionis non dari quietem, quod breuiter explicandū est, & probandum. Dicitur punctum reflexionis pars illa, in qua mobile attingit obicem, & a qua reflectitur versus terminum vnde capit moueri. Hoc accidit quoties pila in panimentum cadens sursum resilit. Sunt qui dixerint in illo puncto mobile quiesceret quia in illo puncto nec ultra obicem, neque versus terminum redit, vnde digestū est, & consequenter habet in illo contactu morula aliquā quietis. Nos contra sentimus.

Probamus autem nostram sententiam, quia vel illa quies est instantanea, vel secus nequit esse instantanea; quia si per hoc quod in instanti contingat obicem ita ut illud nec in antecedenti, nec in consequent attingat, dicitur quiescere, eodem iure in quolibet puncto spatii in quo mouetur, dicitur quiescere. Hoc autem non dicunt. Sequela est manifesta; nam quolibet punctum spatii attingat in instanti B: ita illud attingit vt neque prius, neque posterius tangat. Igitur qui & tempus componunt ex instantibus

ribus, & continuum permansens ex punctis ; nequeunt ponere quietem in puncto reflexionis. Quod autem neque quies illa possit esse plusquam instantanea probatur: quia experientia constat in petum acquisitum, per quietem, seu moram penitus interire. Da graue aliquod ex alto ruere, & videbis, quod si in obicem impingat, in quem effundai impetum acquisitum, statim ab obice moueri denuo incipit, sicut mouebatur initio motus, hoc est secundum impetum innatum. Est autem certum rem, quæ mouetur pure ab impetu innato, non moueri motu reflexio. Puta pila, quæ sursum resilit, non resilit à gravitate, seu vi grauitatis innatæ, secundum quam potius quiesceret in pavimento. Sed resilit ab impetu, vel recepto à proiiciente, vel acquisito per motum. Hinc docet Philosophus spharam si resiliat, à proiiciente sursum moueri. Idem dic, si etiam deorsum resiliat. Patet enim quod si te erioiciente impingat in foruicem, longe aliter deorsum recidit, quam si solum sponte sua deorsum rueret. Cum igitur tangere obicem in unico instanti non sit quiescere: in eodem autem immorari stare nequeat cum conseruatione impetus acquisiti: & reflexio sit per talem impetum: manifestum est quietem non dari in puncto reflexionis.

Quæst. 1. Motus sursum, & motus deorsum non habent continuitatem: ergo inter motum sursum, motum deorsum datur quies. Anteced. probatur, quia

con-

contraria simul non continuantur; motus autem qui sursum sunt & deorsum contrarij sunt. Conseq. patet, quia motus à motu discontinuari nequit, nisi per quietem.

Resp primo, quod eodem argumento probares motum circularem non posse esse continuum. Patet hoc, quia in motu circulari datur sursum, & deorsum: Secundo, negare potes motum reflexivum constare duplici motu, quorum alter sit sursum, alter deorsum. Motus enim reflexus habet eundem terminum pro termino à quo, & pro termino ad quem, eademq. viam conficit eundo, ac reundo. Dicitur enim terminus à quo, ubi incipit, terminus ad quem ubi desinit motus: quando igitur ibidem desinit ubi cepit; idem est terminus à quo qui ad quem. Et hoc proprie est esse motum reflexum. Tertio falsum est non posse motum à motu discontinuari, nisi per quietem.

Da enim esse duos motus, potest primus cessare non per hoc quod mobile quiescat, sed per hoc quod motu contrario, & incò-possibili moveatur: nam inter duo contraria non est necesse medium interponi. Denique distingue antec. non habent continuitatem in ratione motus: nega, in ratione talis motus; omitte antec. & nega conseq. Habent continuitatem in ratione motus quia inter utrumque nihil mediat. Non habent in ratione talis motus; quia cum sint alter sursum, alter deorsum, non sunt vnus motus.

Obii. 2

Obii. 2. Contractus mobilis cum obice à quo resilit non fit nec in motu pilæ deorsum nec in motu sursum: sed pila in casu posito non mouetur nisi sursum & deorsum; ergo contactus prædictus non fit in motu: fit tamen contactus, ergo fit in aliqua motu, seu quiete inter vtrumq; motum. Maior probatur: quia quamdiu pila mouetur deorsum nondum tangit pavementum, quando autem resilit sursum, eo ipso non amplius tangit; ergo non tangit neque quando deorsum, neque quando sursum mouetur: rursus si tangit, in aliquo tempore & quidem diuisibili tangit, non enim dantur indiuisibilia; ergo dum tangit, vere & proprie quiescit.

Resp. pilam & quodlibet aliud mobile multiplicem habere posse contactum cum obice à quo in oppositam partem reflecitur. Vel enim ita impigint in obicem vt suæ vel obicis, vel vtriusque partes comprimantur; vel ita ut non detur vlla partium compressio. Si primo modo res accadat: mobile per aliquod tempus diuisibile obicem tangit: nec propterea quiescit. Motus enim compressionis continere potest sursum & deorsum, & de facto continet in casu posito, patet enim ad oculum sollem lusorium decidentem in pavementum deorsum moueri, etiam dum tangit pavementum, secundum aliquas sui partes, & sursum secundum alias, quamuis secundum omnes tandem resiliat. Si secundo, non est assignabilis vlla pars temporis, in qua solum tangat obicem, sed quælibet assignetur

tur diuisibilis erit in duas in quarum altera tangat, & in altera non. Et hoc totum fundatur in doctrina alibi tradita circa continuum. Quod si arguens hanc doctrinam falsam existimet: clarius est in opposita, non dari quietem: quia tangere per vnicū instans obicem; non est quiescere vt patet ex distis. In forma nega maiorē. Cum impossibile sit te accipere vllam temporis particulā, in qua indiuisibiliter tangat; quæcumq; igitur pro contactu assignetur, erit diuisibilis in duas, in quarum altera tangat & in altera non; siue sit in motu sursum siue in motu deorsum.

Obiic. vltimo. Quando lapis sursum mouetur priusquam grauitas vincat imperam impressum debet eundē æquare ergo priusquam lapis descendat præualente grauitate, debet per aliquod instans æquilibrari in ære, quando enim æquales sunt duo impetus, alter sursum, alter deorsum pellens, neque sursum neque deorsum mobile fertur; ergo in talis instanti datur quies. Hoc ipsum probari videtur testimonio oculorum. Si enim pilam in altum recta proiecias videbis priusquam descendat eam veluti suspendit, quasi ancipitem an sursum ad deorsum eat.

Resp. primo quod etiam totum dans nihil das nam in instanti illo in quo æquales essent impetus nequit dici pila quiescere vt ostensum est supra. Secundo descensus lapidis à puncto quod attingit, si sit à præcisâ grauitate lapidis non est proprie motus reflex, non enim est vnus impetus ferens & referens lapidem. Tertio secundum

Phi.

402 *Disput. 6. Quæst. 9.*
Philosophi doctrinam de continuo, non
est assignabile vllum tempus in quo indiui-
sibiliter æquentur isti duo impulsus propter
rationem supra explicatum de diuisibilita-
te in infinitum. Da igitur æquari duos im-
petus in minuto C. Hoc ipsum minutum
diuisibile est in duas partes, in quarum al-
tera æquetur, & in in altera non. In forma
ad argumentum distingue maiorem: impe-
tus innatus seu grauitas debet æquare im-
pressum indiuisibiliter: nega: diuisibiliter:
omite antec. & nega cons. Vbi aduerte
doctrinam Aristotelis hic non esse necessa-
riam ad refellendam istam quietem: mani-
festum enim est quod sit prædictam æquali-
brium esset in vnico instanti, quod vnice
intendere potest Aduersarius, non suffice-
ret ad quietam, vt ostensum est supra.

Q V Æ S T I O IX.

De Mixtione elementorum

Philosophus in definitione elementi
quæstionem propositam indecisam re-
liquit. Ad huius resolutionem definitur ab
eodem Philosopho mixtio i. de Gener.
miscibilium alteratorum unio Nomine mi-
scibilium intelliguntur hic elementa, de
quibus quæritur an secundum suas formas
substantiales, an solum secundum acciden-
tales coalescant simul in mixtum. Manere
actu & secundum substantiam in mixto satis
communiter Medici opinantur, afferentes
pro

pro re suum Galenum, qui tamen alter sentire visus est Medicis etiam præstantibus. Non manete actu sed solum secundum qualitates refractas, hoc est imminutas docet D. Thom. aliq. innumeris, quibus subscribendum.

Dicendo Elementa non manare formaliter sed virtute dumtaxat in mixtis. Probatur conclusio 1. quia in mixto perfecto, hoc est in qualibet substantia physica, quæ sit vere & proprie vna substantia recte omnia saluantur sine formis substantialibus elementorum. ergo non debent admitti formæ substantiales elementorum in mixto. Nec enim has vel illas formas huic vel illi substantiæ unicuique licet pro suo libito appingere.

Probatur 2. quia vel in mixto prædicto sunt solæ illæ formæ elementares, vel præter illas est alia forma substantialis totius; neutrum dici potest? ergo &c. Non primū; non enim habetur hæc vel illa substantia formaliter per puram combinationem particularum elementarium, vt visum est, vbi de atomis. Quod præcipue qæter in mixtis perfectioribus; puta in viventibus; requiritur igit præter formas huiusmodi, si dentur, alia forma, quæ in hoc & illo mixto est principium intrinsecum harum, & illarum proprietatum, vt dictum est ibi. Neq. dici potest secundum; quia forma elementi est nata facere vnum per se: elementum enim est vere & proprie substantia, igitur si formæ elementi in eadem materia superaddas for-

formam mixti, facis vere & proprie vnum per accidens. Quod enim superuenit enti in actu facit vnum per accidens.

Denique probatur conclusio; quia si singula elementa sint actu in quolibet mixto: quodlibet mixtum erit velut æs corinthium, hoc est purum aggregatum æx multis dissimilibus substantiis, nec aliter misceri dicentur elementa quam misceatur vinum & aqua. Hoc autem absurdum est, & contradictoriam Philosophi, sensumq; communẽ sapientem, qui longe alia vnitate vnum existimant quodlibet viuens, quam quodlibet aggregatum ex multis substantiis, vt habes ex dictis in Physica.

Obiic. 1. mixtum resoluitur in elementa; ergo elementa actu continentur in mixto. Ant. patet experientia. Lignum enim quod comburitur in fenum, qui aer est, in aqua, in terram & in ignem resoluitur.

Resp. dist. antec. resoluitur in elementa resolutione generatrina: omittet; resolutione pure speratiua; neg. Quemadmodum ex elementis gignitur mixtum: ita accidit ex mixto gigni elementa. Nam in materiam mixti diuersimode secundum diuersas sui partes affectam facile est induci dispositiones alias, secundum quas pars abeat in ignem, pars in fenum & sic de cæteris. Preterea contingit elementares particulas, intra mixti poros congregatas per destructionem mixti ab inuicem separari, quæ dum separantur dissolutione mixti videntur fuisse partes eiusdem mixti.

Obiic.

Obiic. 2. Datur in mixto vis recuperatiua qualitatū elementarium; ergo dantur in mixto formæ substantiales elementorum. Antec. probatur: quia mixtum recuperat calorem, siccitatem, humiditatem &c. quæ sunt qualitates Elementorum. Probatur etiam consequ. quia vis reproductiua qualitatis elementaris nequit esse nisi forma elementi.

Resp. conc. antec. negando consequ. Ad probat. dic etiam formam mixti esse recuperatiuam qualitatis elementaris in mensura, quæ est ipsi debita. Ratio est quia prædicta qualitas in mixte & in elemento non differ nisi secundum magis & minus: quemadmodum igitur elementum, remoto impedimento, illam recuperat in mensura sibi debita, puta in summo aut in excellenti: ita etiam mixtum eandem recuperabit in ea mensura in qua ipsi debetur, puta in mensura quæ dicitur vterque ut quatuor &c.

Obiic. 3. mixtio est miscibilium alteratorum unio, ergo in mixto remanent miscibilia vnita: miscibilia autem sunt elementa: ergo &c.

Resp. dist. consequ. remanent miscibilia vel actu vel virtute: concedo. actu: nego. Philosophus ipse, ut in initio dictum est, non decidit an actu sint, an virtute in mixtis: & consequenter dum dicit mixtionem esse miscibilium alteratorum unionem, non definit an maneat actu elementa cum qualitatibus pure remissis, an pure qualitates re-

mis-

misle sine formis substantialibus elementorum. Secundo modo rem uccidere ostensum est supra ex doctrina eiusdem, secundum quam impossibile est ponere in eadem materia plures formas substantiales, singulas aptas facere vnum per re.

Dices; si elementa sunt in mixtis solum secundum qualitates non autem per seipsas, eodem modo vnum elementum componi dicetur ex alio elemento; immo ex aliis elementis, sicut mixtum componi dicetur ex elementis, consequens est absurdum, ergo & antec. Sequela maioris probatur; quia in quolibet elemento est qualitas vnius, immo duorum aliorum elementorum: puta in aere est calor, qui est qualitas ignis, & secundum opinionem probabilem cum calore in excellenti aliquid frigori, quod est qualitas aquæ. Idem facile est inuenire in reliquis.

Resp. neg. seq. maiori. Ad probationem dic mixtum ex elementis componi, non solum quia in ipso est temperies qualitatum elementarium, sed quia in ipso nulla est qualitas quæ non sit cum admixtione contrariæ, quod non conuenit elementa. Præterea qualitas quæ in elemento est solum excellens, dici nequit qualitas alterius elementi, quamuis in altero sit summa. Cuiuslibet enim elemento, vt dictum est in loco, duæ qualitates conueniunt: dicentur igitur mixta ex elementis constare per hoc quod horum qualitates in ipsis sint: quia productæ qualitates in sua perfectione pertinent

ad

ad elementa ut ad prima sua subiecta : non dicitur elementum ex aliis constare , quorum qualitatem retineat ex conflictu ; quia non magis pertinet hæc qualitas ad alia , quam ad ipsum . Vltius elementum non dicitur esse ex mixtione elementorum , quia ad generationem vnius elementi non requiritur quatuor elementorum pugna , sicut ad generationem mixti : sed quamuis elementum ex elemento gignatur , retineatque aliquid de elemento ex quo est genitum , dicitur tamen esse ex illo ut ex termino à quo . ratio est quia in tantum dicitur mixtum ex elementis constare , in quantum per destructionem potest modo supra explicato in elementa resolui , quod non conuenit vlli ex elementis .

QVÆSTIO VLTIMA.

De transmutatione elementorum.

TRia quærimus hac vltima quæstione , quorum resolutionem habemus apud Philosophum . Primum est an quodlibet elementum in aliud quodlibet transmutari queat : secundum an elementum symbolum facilius in sibi symbolum , quam in dissymbolum transmutetur . Tertium an ex duobus elementis inter se conflictantibus tertium elementum generari contingat . Ad hæc omnia respondemus affirmatiue .

Primum abunde probauimus in initio Physice , explicantes illud axioma quod ex vte-
teri-

teribus Aristoteles affert : *Ei quolibet sit quodlibet* . Vnde bene inferes : ergo ex quodlibet elemento quodlibet elementum : Conseq. patet . Confirmatur autem experientia qua videmus in criptis aquam conuerti in terram , aerem condensatum sæpe conuerti in aquam , aquam stillatim iniectam in ardentem rogam , magna saltem ex parte conuerti in ignem . Roboratur experientia ratione : quia quodlibet elementum cuiuslibet alteri saltem secundum alteram ex qualitatibus opponitur ; ergo in ipsum agere potest . Statuimus enim omnes quatuor qualitates esse actiuas . Elementum autem potens aliud alterare potest etiam aliud corrumpere : & sicut alterando introducit dispositiones contrarias alterato , sed consentaneas alteranti : ita corrumpendo expellit formam corrupti , introducit formam corrumpenti : vbi aduerte nullum esse elementum quod in aliqua circumstantia non possit esse altero validius , vel per molem maiorem , vel per maiorem in suis qualitatibus intensiorem , vel per aliquid aliud : puta per adintorium aliorum agentis sibi cooperantis .

De secundo dictum est initio huius anni . Videtur autem ratio Philosophi esse hæc : mutatio symboli in symbolum est minor mutatio quam in dissymbolum , quia est mutatio secundum pauciora ; symbola enim in altera ex qualitatibus conueniunt , cum dissymbola discrepant in vtraque . Vbi autem est mutatio secundum pauciora , eo
ipso

ipso est minus operosa : est enim evidens non tantumdem operari naturam quando calorem dumtaxat, quam quando calorem simul & quamlibet aliam qualitatem inducit. In hoc sensu evidens est doctrina Philosophi, & maxime probans, id pro quo adducta est, vbi de resolutione vsque ad materiam primam,

Tertium autem probatur : quia si confligunt simul ignis, & aqua, ita ignis expugnet frigiditatem aquæ & aqua siccitatem ignis, eo ipso erit in materia calidus & humiditas, quæ sunt accidentia aeris, & dispositiones ad ipsius formam substantialem; ergo in tali casu ex igne & aqua corruptis orietur tertium elementum, videlicet aer. Immo Philosophus hic textu 27. docet id plerumque accidere vt in conflictu elementorum dissymbolorum tertium aliquod oriatur vtrique dissimile, quamuis vtrique symbolicum, vt apparet in casu posito : aer enim cum igne per calorem, cum aqua per humiditatem symbolizat.

Occasione istius pugnae quæ per qualitates fit rogare posses explanationem cuiusdam proloqui in hac materie percelebris. Videlicet: *Qualitates magis actiua sunt minus resistitiua, & minus resistitiua sunt magis actiua*. Hoc proloquium sic nonnulli intelligunt. Calor est magis actiuus, quam frigus, sed frigus est magis resistitiuum, quam calor. Idem dic de humiditate comparata cum siccitate, quarum quæ magis actiua est, minus est resistitiua & è conuer-

so. Verum si sic intelligas prædictum proloquium, vix sustineri potest. Si enim maxime resistit frigus minime agit calor, cum non plus inducatur caloris, quam expellatur frigoris. Alij aliter explicant. Sensus proloquij facillimus est ex dictis. Qualitas quo intensior est, eo magis agit, quo remissior eo difficilius expellitur. Et in hoc fundatur argumentum quod alibi propositum est contra graduum homogeneitatem. Si igitur intensa vehementius agit, remissa difficilius pellitur, manifestum est magis actiuam difficilius pelli: pelli autem difficilius est magis resistere. Rursus remissa minus agit quam intensa: adeoque qualitas magis actiua minus resistit; magis resistitiua minus agit; quod erat demonstrandum.

DISPUTATIONES

In Libros de Anima.

ANimasticam aggredimur hoc est præstantissimam naturalis philosophiæ partem; in qua id potissimum studere debemus, ut mouenti Apollini delphico pareamus: *nosce ipsum*. Agemus primo de Anima in genere, illam deinde suas in species diuisuri, acturique de singulis, singularumque potentijs, & proprietatibus.

DISPUTATIO I.

De Anima in genere.

QVÆSTIO I.

Quid sit Anima.

D Ari animam si quis dubitet, sine anima est. Hanc autem per puram combinationem atomorum saluari non posse, ostensum à nobis est in Physica Philosophum sequentibus contra veterum, hæresim disputantem. Hic quid ipsa sit inquirendum suscipimus. Definitur anima à Philosopho 2. de anima tex. 6. *actus primus corporis naturalis organici potentia uitam habentis*. Ad intelligentiam huius definitionis duplicem in quolibet viuentem vitam considera: substantialem alteram, alteram accidentalem. Vita accidentalis sunt ipsæmet operationes vitales, puta nutritio, augmentatio, sensatio &c. Vita substantialis est ipsummet radicale seu substantiale principium, à quò huiusmodi operationes procedunt; vitamque hanc vita acceptionem habes apud Philosophum. Nam 2. de anima textu: 36. ait *vinere viuentibus est esse*: Et hæc est vita substantialis, seu id per quod viuens formaliter substantialiter viuit, estq; proxime potens elicere operationes vitales quantum est ex parte principij elicentis, Et eodem libro textu 3. ait

*Vitam autem dicimus quæ per ipsam fit al-
 tionem . augmentationem . & diminutionem
 quæ sunt operationes à vita substantiali
 tamquam à suo principio procedentes . Por-
 ro vt passim docet idem Philosophus , vita
 accidentalis siue ipsamet operationis vita-
 les dicuntur vita in actu secundo: Potentia
 autem operationum huiusmodi dicitur vita
 in actu primo , seu actus primus prædictæ
 vitæ .*

Controuertitur autem inter authores
 quidnam veniat in definitione animæ no-
 mine *corporis naturalis organici potentia
 vitam habentis* , Alii enim intelligi volunt
 solam materiam cū dispositionibus debitis ,
 ad hoc vt informetur ab Anima , subiectet
 ipsam; viuificeturq. per ipsam. Alii vero in-
 telligi volunt totum compositum viuens
 seu totum corpus animatum , etiam prout
 includens animam ipsam , siue , vt ait D.
 Thom. prout ipsam animam non excludit.
 Ad resolutionem .

Sciendum est actum seu formam compa-
 rari posse vel cum toto quod constituit , &
 per illud etiam desiri , vel cum subiecto
 cui aduenit , & quod informat. Comparatur
 cum subiecto quod informat nihredo quan-
 do dicitur: *nigredo est actus seu forma cor-
 ui* : comparatur cum toto quod constituit
 quando dicitur: *nigredo est actus seu forma
 nigri* . Hoc posito resoluis controuersiam
 explicando definitionem adductam , vt ex-
 plicatur à D. Thoma prima parte qu. 76
 art. 4. ad primum. Ibi D. Thom. his qui ad
 pro-

probandum in homine præter animam intellectiuam, eari aliam formam, adducebant definitionem Philosophi, respondet sic; Philosophus non dicit animam esse actum corporis tantum, sed actum corporis physici organici potentia vitam habentis: talis autem potentia non abiicit animam; unde manifestum est in cuius anima dicitur actus, etiam animam includi eo modo loquendi quo calor est actus calidi, & lumen est actus lucidi, non quod seorsim sit lucidum sint luce, sed quia est lucidum per lucem: & similiter dicitur quod anima sit actus corporis physici, &c. quia per animam & est corpus & est organicum & est potentia vitam habens, sed actus primus dicitur respectu actus secundi qui est operatio. Hæc D. Thom. quæ sunt valde notanda, non solum quia clarissime definitionem Aristotelicam explanant, sed etiam quia ijs quæ in fra decentur, sunt maxima opportuna.

Ex his soluis obiectionem ex definitione petitam. Sic enim arguit. Anima est actus primus corporis physici organici potentia vitam habentis: ecce aiunt comparatur anima ad corpus sicut forma ad materiam, sed corpus per aliquam formam substantialem est corpus; ergo præscindendo ab anime est in corpore aliqua forma substantialis: verum ut ait S. Doctor, non definitur hic anima per comparisonem ad aliam partem, cum qua constituit vnum viuens, sine per comparisonem ad materiam, quam actuat, & informat, sed per comparisonem

ad ipsummet totum, cuius ipsa est actus, eodem modo quo calor dicitur actus calidi & lumen actus lucidi. Erit igitur sensus definitionis hic. Anima est forma illa, per quam corpus naturale organicum potentia vitam habens, constituitur corpus naturale organicum proximè potens vitam habere: & in hoc sensu intelligendam esse definitionem cum D. Thom. sentimus.

Ultimas particulas definitionis prædictæ, videlicet: potentia vitam habentis ita intelligere debis ut anima sit actus primus non vitæ substantialis: cum substantialis vita constitutur formaliter per ipsammet animam, sed vita accidentis, hoc est operationum vitaliū, ut dictum est supra. Compositum enim vivens quāvis non solum potentia, sed actu substantialiter vivat, est proximè potens vitaliter operari, quia vita substantialis non est formaliter, sed radicaliter solum operatio vitalis, quæ propriè loquendo in sensu Philosophi, & D. Thomæ dicitur vita in actu secundo.

Ex prædicta definitione habes corpus animatum non posse esse corpus homogeneū, hoc est constans partibus similiaribus; debet enim esse organicum, hoc est Prædictum instrumentis, quibus possit vitaliter operari; huiusmodi autem instrumenta, siue organa apparent etiam in viventibus infimi ordinis, puta in plantis, in quibus & radix, & fibræ, & venulæ; & id genus alia conspiciuntur. An vero huiusmodi partes organicæ constituentur organicæ per solam
com-

combinationem diuersorum, aut diuersam combinationem accidentium, an per aliquas formas substantiales, quæ in eodem viuente, pro diuersis partibus sint diuersæ, examinabitur infra, vbi de formis partialibus.


Obijcies. Etiam forma Embrionis, & forma cadaueris est actus corporis organici potentia vitam habentis: prædicta forma non est Anima: ergo definitio Animæ conuenit etiam non Animæ. Formam cadaueris esse formam corporis naturalis est euidentius, sicut & esse formam corporis organici: immo eadem organa, quæ erant in viuente remaneant in cadauere. Tam autem Embrionem, quam Cadauer potentia vitam habere patet: quia vtrumque aptum est animari, & viuere.

Resp. disting. maiorem forma Embrionis, &c. est forma corporis organici potentia proxima vitæ habentis: nego maiorem; potentia remota vitam habentis: omitto maiorem: & concessa minori, nego consequentiã. Corpus animatum, de quo hic, est corpus proximè potens vitaliter operari, adeoque habent potentiam proximam ad vitam in actu secundo, hoc est ad operationes vitales, quod neque embrioni conuenit, neque cadaueri.

Quæres an præfacta definitio ita etiam intelligi queat, vt Animæ comparetur non solum cum toto, cuius est forma, sed etiam cum cõpare, in qua recipitur, quam actuat & informat. Ratio dubitandi est: quia ma-

teria prima pro priori ad receptionem formæ debet esse idonea receptioni eiusdem; non est autem idonea per seipsam: igitur per aliquid aliud: per id autem per quod est idonea Anima, est organica.

Resp. Quod aliqui ita intelligunt definitionem prædictam, ut comparent Animam cum subiecto, quod animat, & informat. Hi autem sunt in duplici classe. Alii existimant subiectum, quod animatur ab anima, pro priori ad animam esse corpus organicum, constitui autem in ratione corporis per formam, quam corporeitatis appellant: ij sunt omnes fere Scotistæ. Alii autem aiunt nomine corporis organici intelligi materiam dispositam receptioni actus, per quam sit in potentia proxima ad operationes vitales. Cū his secundis quæstio est purè denominæ: an videlicet materia ita disposita intelligi possit sub nomine corporis. Cum primis est quæstio de re tractanda in sequentibus. Vbi an plures formæ in eodem viuente substantiales. Interim teneatur explicatio Thomistica.



QVÆSTIO II.

De Vita.

ARTICVLVS I.

Quid sit viuere.

A Nimam superiori sectione cum Philosopho definiuimus per ordinem ad vitam. Vitam diuisimus in substantialem, & accidentalem, seu in vitam in actu primo, & vitam in actu secundo, iuxta Philosophum, qui pluribus in locis docet viuere in actu secundo idem esse, ac vitaliter operari. Nunc examinandum est quid sit vitaliter operari, seu quid sit viuere in actu secundo. Hoc explicato facile erit determinare quid sit viuere in actu primo.

In quarendo conceptu vitæ D. Thomam sequemur qui in prima parte quaest. 18. hac methodo vtitur. Primo accipit aliqua in quibus manifesta est vita: Et in iis obseruationem illam secundum quam dicuntur viuere, vt ex illa communissimum vitæ conceptum abstrahere possit. *Est autem vita* inquit, *in animalibus manifesta.* Igitur secundum illud distinguenda sunt viuentia à non viuentibus, secundum quod animalia dicuntur viuere. Primo autem dicimus animal viuere, quando incipit ex se motum habere, & tandem indicatur viuum animal, quando

diutalis motus in eo apparet: quando vero iam ex se non habet aliquem motum sed mouetur tantum ab alio, tunc dicitur animal mortuū per defectū vitæ. Ex hac notissima & maxime obuia ratione qua animal dicitur viuū, infert S. Doctor quod viuere est seipsum secundum aliquam speciem motus mouere; ita ut ea dicentur viuētia, quæ se agunt ad motum vel operationem aliquam; ea vero in quorum natura non est, ut se agant ad aliquem motum vel operationem, viuētia dici non possunt.

Ex hac D. Thomæ doctrina vitam aliqui definiuerunt *motum à intrinseco*. Hæc definitio est insufficiens, nec satis explicat aut mentem S. Doctoris, aut conceptum vitæ. Non esse secundū mentem S. Doctoris manifestum est; quia ex consideratione viuētiū infert quod viuere est seipsum secundum aliquam speciem motus mouere. Hinc sic: seipsum mouere est moueri ab intrinseco; seipsum mouere non sufficit ad conceptum vitæ: ergo moueri ab intrinseco non sufficit ad conceptū vitæ: minor probatur: quia D. Thomas non dicit quod viuere est seipsum mouere, sed insuper addit: *secundum aliquam speciem motus*: ergo ad hoc ut motus ab intrinseco sit vita, debet speciali aliqua differentia contrahi, per quam sit talis & non quilibet motus ab intrinseco.

Rursus, quod ratio motus ab intrinseco non sit per seipsam formaliter ratio vite, probatur: quia multa mouentur ab intrinseco quæ non viuunt, ergo male defines vi-

tam

ram motum ab intrinseco. Consequentia est euidens, antecedens probatur: quia graui, & leuia, calida, & frigida mouentur ab intrinseco: mouentur enim secundum naturam quæ est principium motus & quietis, in eo in quo est per se, & non secundum accidens. Igitur ad conceptum vitæ aliquid aliud superaddendum est, quo explicetur differentia motus vitalis à non vitali, etiam intra genus motus ab intrinseco.

Ad hoc debes hic cum eodem S. Thoma animaduertere quod grauia & leuia non mouent seipsa secundum naturam: hoc est quando sunt in sua dispositione naturali, nam grauia & leuia si sint in locis sibi debitis non mouent se vltcrius, sed ibi quiescunt: viuentia autem, plante videlicet, animalia &c. mouent seipsa secundum naturam, quia mouent se quando sunt in sua dispositione naturali. Hinc est quod motus grauium & leuium tribuitur generanti, non quod in grauib, & leuib non detur principium intrinsecum talis motus: sed quia dispositio illa naturalis in qua non indigeant vlllo vltcriori motu, debetur illis ab ipso generante: non enim bene se habet graue nec est secundum dispositionem suæ naturæ nisi quando est deorsum: nec bene se habet leue nisi quando est sursum. Cum igitur à generante debeatur illis esse secundum dispositionem suæ naturæ, & dispositio suæ naturæ exigat vt sint in propriis locis, grauia & leuia non sunt secundum dispositionem suæ nature, nisi quando

do sunt in propriis locis, quando autem sunt in propriis locis non mouentur: ergo quando sunt secundum dispositionem suæ naturæ non mouentur.

Aliter autem contingit in uiuentibus: quæ à generante per hoc ipsum quod accipiant esse secundum suam naturam, accipiunt vim & quandam necessitatem mouendi seipsa, etiam intra dispositionem suæ naturæ. Per hoc v. g. quod planta sit secundum suam naturam, debet seipsam mouere motu nutritionis, augmentationis &c. quos motus eo imperfectius habet quo magis remouetur à dispositione: eo perfectius quo magis accedit ad dispositionem, hoc est ad modum proprium suæ naturæ. Idem dic de animali & quocunq; alio uiuente. Omnia enim alia uiuentia eo perfectius mouent se, seu eo perfectius operantur vitaliter, quod melius se habent intra suam naturam. Totus hic discursus est D. Thomæ quæst. citata art. 1. Ex quo habes cōceptum vitæ quæm quærebat: videlicet. *Vita est motus quo res mouet seipsam secundum dispositionem suæ naturæ existens.* In quo vides nos rationi motus ab intrinseco superaddere aliam rationem, per quam contrahitur ad vitalitatem.

Præfato discursui superaddi posset quod grauia, & leuia dum mouent se, hæc à medio, illa ad medium; mouent se vt melius se habeant, per ordinem ad alia corpora quibus cum constituunt vnum quoddā: uiuentia autem dum mouent se, nō mouent se

vt melius se habeant solum secundum dispositionem quandam localem inter se & alia corpora constituendam, sed vt per suos motus vel per terminos motuum, aliter intrinsece se habeant quam se haberent, non propter aliud, nec per ordinem ad aliud, sed propter se. Hoc an verum sit de omni viuente, an solum de ijs, in quibus operari est nouæ perfectionis æquisitio: videbitur infra.

Obijciunt 1. Per augmentationem diminutionem, & respirationem animalia viuunt in actu secundo: sed huiusmodi motus non sunt motus quibus animalia mouent seipsa, ergo motus vitalis male definitur ille per quem viuens mouet seipsum &c. maior est certa: minor probatur auctoritate Philosophi 8. Physic. textu 51. vbi sic habet: *insunt alij motus naturales animalibus, secundum quos non mouentur per seipsa vt augmentatio, diminutio, respiratio, quibus mouetur animalium vnum quodque cum quiescit & non mouetur secundum eum motum qui est à seipso.*

Resp. concessa maiori: negando minorem. Ad probationem dic Philosophum non loqui de motu vitali secundum totam latitudinem, sed restricte ad eum qui est vel intencionalis, cuiusmodi est sentire, vel le &c. vel consequens ad intentionalem, cuiusmodi est progredi. Caterum prædictos motus esse vitales est indubitatum etiam apud Philosophum; vt notat D. Thomas ex 6. Ethic, quæst. supracitata art. 2.
vbi

intendit, donec tandem perueniat ad locum sibi naturaliter debitum, in quo quiescat retinens nisi suo locū acquisitum per motum, Vbi obseua comparat motum cum lapide sicut frigus cum aqua; motum inquam, non impetum. Impetus enim totus manet etiam cum motu contrario, cum frigus adueniente contrario remittatur.

Obit. 3. Deus perfectissime omnium viuentium trinit, Deus non mouetur; ergo viuere non est moueri. Maior est indubitata. Minor probatur; quia Deus est essentialiter immobilis: *ego Deus, & non mutor*: moueri autem immobile, repugnat in terminis.

Resp. dicendum esse hic aliquid de vita diuina? sed opera pretium erit prius distribuere viuentia in varios gradus; qua in re eundem, quem hactenus sequuti sumus, duccem, hoc est D. Thomam, sequemur.

ARTICVLVS II.

Distribuuntur viuentia in varios gradus.

EX conceptu vite superius explicato colligimus cum D. Thom. quest. citata art. 3. aliqua perfectius, aliqua imperfectius viuere. Hæc priusquam ab inuicem secer-
namus; sciendum est hic nomine motus non intelligi actum imperfecti, seu actum existentis in potentia, siue tendentis ad vltiorem aliquam perfectionem; sed intelli-
gi rationem aliquam communem, & ad actum

ctum perfecti, & ad actum imperfecti, videlicet operationem aliquam immanentem, qua secundum debitam suam dispositionem existens operetur, siue talis operatio sit tendentia ad aliquam aliam perfectionem, siue non. Hoc posito, cum viuere dicantur aliqua secundum quod operantur ex seipsis, & non quasi ab alijs mota, quanto perfectius competit hoc alicui, tanto perfectius in eo vita inuenitur. Sunt igitur aliqua quæ ita operantur ex seipsis vt tamen determinationem ad agendum tam secundum formam, quæ est principium intrinsecum agendi, quam secundum finem, qui est principium agendi extrinsecum recipiant à natura; agunt enim solum secundum formam, quæ est ipsis indita à natura, & per eam mouent sed ad finem à natura sibi etiam præstitutum. Huiusmodi sunt plantæ quæ ideo dicuntur mouere se solum quantum ad executiensem motus, eo quod ex se nec formam acquirant per quam mouentur, nec agendi finem sibi præstituant.

Sunt alia quæ non solum secundum formam sibi inditam à natura mouent se ad aliquid, sed etiam ad ipsammet formam acquirendam mouent se ipsa, à qua deinde ad alias operationes mouentur. Hæc vero ipsa sunt in triplici classe. Alia videlicet intelligunt, & alia sentiunt, Et iis autem quæ sentiunt, hoc est mouentur per formam acquisitam per sensum, alia sunt adeo limitata virtutis, vt non percipiant obiecta nisi per sensum tactus, adsoque non mouent se
per

per formam acquisitam , nisi motu dilationis, & compressionis intra seipsa. Huiusmodi sunt ostreae & alia fortasse imperfectiora , quæ Sophita seu plantanimalia nuncupantur . Alia vero virtutis minus limitata percipiunt obiecta non solum per sensum tactus , sed etiam per aliquem alium , puta per visum , odoratum , auditum : hæc percipiunt obiecta non solum coniuncta , sed etiam distantia : vnde per formas obiectorum apprehensas mouent se, non solum motu compressionis aut dilationis intra se , sed etiam motu progressionis, determinantia sed ad inquisitionem obiecti sibi conuenientis , vel ad rugam oppositi. Hæc tamen quamuis moueant se , & ad formam prædictas & per formas prædictas, ad finem, non tamen præstituunt sibi finem, sed ad finem feruntur sibi à natura præstitutum .

Viuentia vero intellectiua mouent se , & per formam à natura inditam , & per formam apprehensam , & insuper præstituunt sibi finem , comparando cum ipso mudia & eadem ordinando ad ipsum . Hæc perfectius operantur à seipsis quam hætenus dicta ; adeoque perfectius viuunt. Quamuis autem intellectiua huiusmodi operentur ex seipsis, tamen, sistendo in intellectu creato, non perfectissime operantur ex seipsis , quasi à nullo alio mota : mouentur enim per formam ipsis inditam à creatore & ad prima principia quibus nequeunt non assentiri , & ad finem vniuersalem , puta ad rationem boni,

boni, quam nequeunt nolle; immo secundū aliquos, quā nequeūt per omnes & singulos actus voluntatis non velle. Ille autem cuius natura est ipsum intelligere, & cui id quod naturaliter habet non est determinatum, ab alio, est in summo & perfectissimo gradu vitæ. Ille autem est Deus. Hæc habes ferre ut iacent, apud D. Thomam quæst. relata art. 3.

Ex his animam seu animatum diuidunt in tria genera: vegetatiuum, sensitium, intellectiuium. Vegetatiuum est quod seipsum mouet dumtaxat secundum augmentum, & decrementum. Huiusmodi sunt plantæ, quæ neque formam acquirunt apprehendendo vi cuius se moueant, nec præstipiunt sibi finem sui motus. Hoc intelligere de pure vegetatiuis: non enim repugnat idem simul esse & vegetatiuum & sensitium. Sensitiuum mouet se, non solum ex vi formæ sibi inditæ sed etiam nouas formas acquirit apprehendendo, & per formas huiusmodi mouet sed alias operationes. Puta lupo per formam ouis quam apprehendit mouet se ad inquisitionem eiusdem; contra vero ouis per formam lupo apprehensam mouet se ad fugam eiusdem. Sensitiuum, si intra rationem pure sensitiui se continet, non præstipit sibi finem, adeoque in illum fertur non formaliter à se, se à natura, ut dictum est in Physica, ubi de fine.

Intellectiua non solum mouentur ad finem, sed ipsa etiam sibi finem præstipiunt, comparando media cum ipso, & eadem ordi-

dinando ad ipsum. Hanc eadem animarum
in tria genera distributionem placet hic aliter
ex D. Thoma referre. Pro quo supponendum
est animata ex toto genere supergredi
inanimata, hoc est esse ordinis excellentioris.
Hoc posito, diuersæ animæ differunt
inter se secundum quod operatio animæ
diuersimode superat operationem naturę
corporæ, adeoque secundum quod esse
animatorum superat esse inanimatorum :
operari enim consequitur ad esse siue :
modus operandi sequitur modum essendi. Huiusmodi
autem operationes sunt in triplici
differentia : nam alæ ita superant naturam
corporea, vt neq. indigeant organo corporeo :
huiusmodi sunt operationes animæ intellectiue.
Aliæ ita superant vt indigeant quidem
organo tamquam instrumento, non tamen
exerceantur per qualitatem corpoream :
huiusmodi sunt operationes animæ sensitiuæ :
hæc enim quamuis indigeat organo corporeis,
non tamen exercet suos actus mediante corporea
qualitate, sed mediante specie intionali ipsius :
puta anima equi exercet visionem per organum
corporeum, videlicet per oculum, non tamen
mediante colore corporeo, sed mediante specie
intionalis coloris ob obiectum immissa, & in
eodem organo recepta. Denique alæ sunt, &
per organum corporeum & mediante qualitate
corporea. huiusmodi sunt operationes anime
vegetatiuæ, puta digestio, concoctio, & alæ
huiusmodi, quæ fiunt mediante calore ; superant
tamen operationes naturæ

turæ

turæ inanimatæ, & per hoc quod sint motus quibus vegetatiua mouent seipsa.

Ex hac triplici operationum differentia triplex enimarum genus aguat D. Thomas prima parte quæst. ar. 1. Et post animarum genera, enumerat ibidem genera potentiarum, quæ iuxta Philosophum 2. de Anima textu 27. reducuntur ad quinque. Sic enim habet Philosophus: *potentias autem dicimas vegetatiuum, sensitium, appetitiuum, motiuium secundum locum, intellectiuium.* Ex quibus deducit quatuor gradus animatorum. Nam aliqua solum vegetantur, & huiusmodi sunt plantæ, quæ, vt ait S. Doctor habent pro obiecto solum corpus vnitum animæ, vel eiusdem corporis propagationem per viam generationis. Quidquid enim operatur planta, operatur vt seipsam augmentet, conseruet, vel in indiuiduo, vel in specie, aut vniendo sibi nouam materiam per nutritionem, aut similem plantam generando per se semen, Aliqua vero non solum vegetantur, sed etiam sentiunt: huiusmodi sunt animalia. In ijs autem in quibus est sensus, est etiam appetitus: vnde appetitiuum non constituit gradum diuersum à sensitiuo.

Verum quidem est in ipso sensitiuo, duos gradus distingui nam aliqua ita sentiunt & appetunt, vt progredi nequeant ad distantia, adeoque nequeant appetere nisi coniuncta: eiusmodi sunt Zophita, de quibus supra aliqua vero ita sentiunt & appetunt vt moueant se progressive ad obiecta distantia à
se

se appetita ; huiusmodi sunt animalia perfectiora . Est præterea aliud gradus animatorum qui supra omnia hæctenus dicta excellit ; homo videlicet , qui est intellectivus ; quatuor igitur sunt gradus animatorum : vegetativum , sensitivum , progressivum , intellectivum . Huiusmodi autem gradus in his viventibus se habent sicut numeri ; hoc est ita ut secundus contineat primum ; tertius secundum & primum , quartus tertium secundum , & primum : primus autem non continet secundum , nec secundus tertium , nec tertius quartum : gradus enim vegetativi nullum alium gradum continet , continetur autem à sensitivo : omne enim sensitivum est vegetativum : gradus sensitivi , & vegetativi continetur in progressivo ; quia omne progressivum est vegetativum & sensitivum . Vegetativum sensitivum & progressivum in intellectu , de quo hic , hoc est in homine : omnis enim homo est progressivus sensitivus & vegetativus ,

Quæri posset hic cur in enumeratione potentiarum non addiderit Philosophus *volitivum* , sicut enim ad sensitivum sequitur appetitivum , ita etiam ad intellectivum sequitur volitivum . Respondetur nomine appetitivi potuisse intelligi ipsum etiam volitivum . Velle enim est formalissime appetere . Sicut autem appetitivum non constituit peculiarem gradum , quia appetere consequitur ad sentire ; ita volitivum non constituit ullum gradum distinctum ab intellectu , quia velle consequitur ad intelligere . Por-

Poro per ordinem ad huiusmodi gradus intelligenda est alia definitio animæ, quam Philosophus affert 2. de Anima textu 24. *Anima est id quo viuimus & sentimus, & mouemur, & intelligimus.* Quæ definitio ut omni animæ applicetur intelligenda est secundum distributionem accommodatam, ut sensus sit: anima est id quo uiuit id quod uiuit, quo sentit id quod sentit; quo progreditur id quod progreditur, quo intelligit id quod intelligit. Vbi nota hanc particulam *quo viuimus*, quæ non debet accipi pro ratione comuni ad omnes operationes vitales, sed in specie pro operatione animæ vegetatiuæ, ut patet ex toto illo capite in quo prædicta definit affertur. Nota etiam hanc alim *mouetur*, quæ intelligenda est non de quocūq; motu sed de progressiuo. Ex his omnibus facile est obiectioni satisfacere quam habes ad calcem superioris articuli. Deus perfectissime omnium uiuit, quia nec aliunde uiuit quam à se nec per aliud uiuit quam per se: non mouetur secundum quod motus est actus mobilis: actus enim huiusmodi est actus imperfecti. mouetur autem secundum quod motus est actus operantis, quia actus huiusmodi est actus perfecti. Motus ut est actus mobilis non est perfectio agentis quod mouet, sed ipsius moti ut autem est actus agentis est perfectio ipsiusmet agentis; primum genus motus remouet à se Deus, dum ait. *Ego Deus & non mutior:* secundum non remouet, immo ponit in se dum se omnia scientem appellat.]

lat. En verba D. Thomæ in
Philosophi in 3. de Anima. *Hoc igitur modo
quo intelligere est motus, id quod se intelli-
git, dicitur se mouere, & per hunc modum
etiam Plato posuit, quod Deus mouet seipsū
non eo modo quo motus est actus imperfecti.*

Q V Æ S T I O III.

*An ratio vitæ sit vna in Deo, &
creatura?*

A R T I C V L V S I.

Resoluitur questio.

Ratio dubitandi est magna diuersitas
quæ reperitur inter viuere Dei, &
viuere creaturæ. Nam viuere creature ha-
batur per motum qui non solum est actus
perfecti, sed etiam imperfecti: ita enim
mouet se creatura dum viuit, vt non solum
agat, sed etiam vt seipsam intrinsicè mutet
Secundum quod agit, vita est actus perfe-
cti; iuxta illud: vnumquodque agit in-
quantum perfectum est; secundum quod
autem immutatur intrinsicè, est actus im-
perfecti; immutatur enim vnumquodque
secundum quod imperfectum est; adeoque
motus ille in quo consistit vita creaturæ, est
actus mouentis simul & mobilis, hoc est
perfecti simul & imperfecti, perfecti quate-
nus ab ipsa est, imperfecti quatenus illam
ulterius perficit. In Deo autem vita non est
huius-

huiusmodi, sed est actus pure perfecti: neque enim Deus dum vivit seipsum immutat intrinsece, iuxta id quod superius dictum est: *ego Deus non mutor*.

Præterea vita creature in actu secundo non est ipsum esse creature; nec enim est aut planta per id formaliter per quod vegetat, aut brutum per id formaliter per quod sensifit, aut homo per id formaliter per quod intelligit: sed hæc omnia superveniunt, viventibus, distinguuntq. ab ipsis. At vero vivere Dei est ipsummet esse illius: neque enim quidquam Deo supervenit per quod vivat.

Denique vita creature in actu secundo supponit actum primum verum & physicum; quod non contingit in vita divina, nam in Deo vita est Deum: tam igitur repugnat dari actum primum physicum ad existentiam vite divine, quam eundem dari ad existentiam Dei; Ex his videtur non posse poni rationem univocam seu unam vite ad vitam creatam & vitam increatam.

Respondetur questionem esse magna ex parte de nomine. Deus & creatura conveniunt in hoc quod utrumque agat, adeoque quod utrumque moveat se secundum quod motus est actus perfecti, Secundum hunc conceptum præcisum quo nihil aliud asseritur nisi operatio immanens seu actio manens in principio à quo est, dari potest una ratio vite respectu Dei & creature. Si autem nomine vite intelligas motum, quod res seipsam immutat intrinsece, manifestum

rum est vitam non esse vnā in Deo, & creatura: quia tamen ad conceptum vitæ simpliciter sufficit ratio motus supradicta dicere potes simpliciter dari vnā rationem vitæ communem vniuoce Deo & creaturæ.

Aduerte autem nos non ponere vnā rationem vitæ in Deo & creatura, eo quod vita sit quædam aseitas sicut non ponimus in Logicis vnā rationem entis respectu substantiæ & accidentis, eo quod accidens seu ratio accidentis sit quædam perseitas: sed eo quod & illi vitæ quæ est aseitas, hoc est quæ Deus est, & illi alteri quæ est ab alietas, hoc est quæ creatura est & ab eo distincta cuius vita est, rationem communem inuenimus. Cæterum qui dicunt vitam etiam creatam esse aseitatem quandam, nec verum dicunt, proprie loquendo, nec falsum: quia proprie loquendo & metaphysice, nihil dicunt. Nam de omni omnino perfectione dici potest quod sit quiddam diuinum, cum quælibet perfectio sit quædam participatio diuinitatis quæ est omnis perfectio: sicut autem dicis esse quoddam diuinum, ita dicere potes esse quandam aseitatem: aut è conuerso: sicut dicis hoc & illud esse quandam aseitatem, dicere potes hoc & illud esse quandam diuinitatem, quod æque euidentius est ac est euidentius eodem modo dici de re definitum, ac dicitur definitio, aut è conuerso.

Hinc habes quod qui dicit vitam etiam plantæ esse quandam aseitatem, eodem iu-

re dicet, esse quandam deitatem cum a seitas sit conceptus differentialis Dei; sicut rationalitas v. g. est conceptus differentialis hominis, Sicut igitur id quod est quodammodo animal rationale, est quodammodo homo, ita id quod est quodammodo à se, est quodammodo Deus, & sicut id quod habet rationalitatem quandam, habet quandam humanitatem, ita id quod habet quandam a seitatem habet quandam deitatem. Hinc sequitur ulterius quod omne viuens esset quidam Deus, quod est ridiculū: vnde ignosci posset Aegyptii quod caper & alia adorarent: quod enim est quidam Deus, quandam adorationem meretur. Esse autem quodlibet viuens quendam Dum probatur quia eo ipso quod viuit, habet quandam a seitatem: si autem quandam a seitatem, quandam deitatem; ridiculum enim est vnum sine altero dare. Sicut igitur non definit vitam, qui dicit esse quendam deitatem, ita neque qui dicit esse quendam a seitatem. Nihil tamē mali dicit, quia proprie nihil dicit. Habet autem quod dicit ex quodam dicto Cardinalis Sfortuæ Pallauicini libro 6. de Sacram. cap. 14. *Vita debet esse, vel actus à se & per se subsistens qualis est Deus; vel actus proueniens effectiue ab eo cuius est actus, qualis est vita creaturarum & ideo vita est aliqua diuinum, quia est habere perfectionem aliquo modo à se: quæ vltima verba d'scuntur magis encomiastice, quam definitiue.*

Quod si aiant actum vitalem cum non sit
ab

ab extrinseco esse in omni rigore metaphy-
 fico perfectionem quam viuens habet à se,
 & hoc modo intelligendum esse quod dicitur.
 Responde etiam perfectiones quæ non
 sunt vita esse à principio in quo sunt, adeo-
 que in illis esse etiam quandam aseitatem;
 afferenti daterimen inter esse ab intrinseco
 quod conuertit vitæ, & esse ab intrinseco
 quod competit non vitæ: puta quod pri-
 mum ita sit ab intrinseco, vt repugnet essen-
 tialiter esse aliude, cum in cæteris quæ di-
 cuntur etiam esse ab intrinseco, non repu-
 gnet aut quicquid aliud huiusmodi pro di-
 scrimine assignanti repones esse diuersam
 aseitatem huius & illius: esse tamen etiam
 in perfectione non vitali aseitatem quan-
 dam & vere conuenire illi quod sit effecti-
 ue ab eo cuius est actus. Sed de hoc satis:
 qui enim dictum limitant per *quoddam*
quodammodo & alia huiusmodi; quilibet
 quodammodo dicere possunt.

Ad ea quæ initio proponebantur patet
 ex dictis. Et diuersitas inter viuere Dei, &
 viuere creaturæ sub conceptu præciso actus
 perfecti, seu motus accepti modo supra ex-
 plicato: nego sub alijs conceptibus: con-
 cedo. Conclusio tua est posse dari con-
 ceptum communem vitæ creatæ & increatæ;
 non autem vitam creatam & increatam
 conuenire in quolibet conceptu includente
 vitam. Vbi aduerte quod de conceptu vitæ
 est esse actum viuentis; quo ita perficitur
 secundum dispositionem suæ naturæ existēs
 vt per illum perfectius se habeat & melius

quam sine illo. In viuento creato habetur hoc per actum superadditum agenti seu per vitam superadditam viuenti; in increato autem habetur hoc per vitam quæ est ipsummet viuens; quod tamen si fingas carere tali vita fingis non eque perfectum, adeoque non esse id quod est.

ARTICVLVS II.

Satisfit alijs obiectionibus.

Objicitur 1. Etiam in viuento increato debet admitti vita distincta à viuenti: ergo etiam in viuento increato datur actus primus physicus respectu vitæ. Conf. est euident; antec. probatur, quia etiam in Deo sunt aliqui actus vitales, qui possent non esse; & è conuerso non sunt aliqui actus vitales, qui possent esse; actus autem qui potest esse, & non esse, non est Deus: ergo sunt aliqui actus in Deo qui non sunt Deus. Probatur maior: quia actus liberi Dei sunt actus vitales: actus autem liberi ita sunt in Deo, vt possint non esse. Puta ita est in Deo volitio, qua vult mundum, vt possit non esse; si enim non potest non esse in Deo volitio mundi, Deus necessario vult mundum: si autem necessario vult mundum, non est contingens mundum esse. E conuerso ita non est in Deo nolitio mundi, vt possit esse; si enim liberè vult mundum: ita vult ut possit nolle: posse autem nolle, & posse esse in Deo nolitionem mun.

mundi sunt unum & idem. Est autem mnai-
festum, quod id quod potest esse & non
esse, non est Deus.

Resp. circa actus huiusmodi falsificari il-
lud proloquium, Quot capira, tot sententiæ:
vnius enim capitis sūt hac in re plures sen-
tentiæ. Alij enim dixerunt denominationem
nolentis, aut volentis libere hoc & illud,
esse Deo adæquate intrinsecam. Alii esse
partim intrinsecam, & partim extrinsecam.
Hi diuiduntur rursus in duas crasses. Alij
enim ponunt complementa quædam æterna
per quæ verum est ab æterno, quod Deus
hoc velit, hoc nolit libere, quæ vocantur
ab ipsis entia in ratione veri, seu veritates
quædam obiectiuæ. Mouentur ad ita opi-
nandum ex eo quod Deus ab æterno velit
id quod vult &c. denominatio autem vo-
lentis, aut nolentis non habetur adæquate
per Deum solum, cum Deus solis sit indif-
ferens ad volendum, vel nō volendum; igi-
tur tam in ratione volentis, quam non vo-
lentis compleri debet per aliquid à se di-
stinctum: quod cum faciat illum ab æterno
volentem, necesse est esse æternum. Huius-
modi entia, seu complementa non pertinet
ad vllum ex prædicamentis, & si recte intel-
ligas quid sentiant authores ipsorum, in-
telleges non esse neq. creata, neque increata
adeoque esse pura vocabula inquirentis
aliquid, nihil inuenientis, statuentis tamen
apud se pro certo dari aliquid æternum -
Deo distinctum, per quod Deus sit æternum
volens, aut nolens hoc & illud.

Alii dicunt compleri Deum in ratione volentis aut nolentis per aliquid distinctum ab ipso, non tamen æternum, sed existens in tempore. Neque enim ad denominationem æternum requirunt formam denominantem æternam; sicut ad denominationem præsentem non requiritur præsens forma denominans, puta in Logice ad denominandam hic, & nunc veram hanc propositionem *Petrus saltabit*, non requisivimus saltum Peri præsentem, sicut nec ad denominandum verum de præsentem. *Petrus saltabit*. Iuxta hos; actio productiva mundi in tempore vel mundus ipse in tempore existens denominant mundum ab æterno volitum, Deumque ab æterno volentem mundum, idem dic de cæteris, afferendo semper pro complemento denominationum Deo liberarum aliquid temporale, quatenus denominationes prædictæ sint omnes æternæ, non enim dicuntur Deo liberæ eo quod aliquando eas sustineat, aliquando non; sed quia etiam si ab æterno sustineat: ita tamen sustinet ut potuerit non sustinere, immo sustinere oppositas.

Prima sententia ponens videlicet decreta libera adæquate Deo intrinseca impugnatur, quia huiusmodi decreta ita sunt ut potuerint non esse, puta volitio mundi est quædam denominatio ita competens Deo, ut potuerit eidem non competere; igitur non est adæquate intrinseca Deo: quod enim est Deo adæquate intrinsecum Deus est, & consequenter repugnat esse indifferens

rerens ut sit aut non sit.

Secunda sententia ponens complementa æterna ipsa sui explicatione sufficienter impugnata est: quicumque enim illam explicare conatur, eandem magis implicat & cogitur dare, dari aliquid quod non est neque Deus neque non Deus, neque creatum neque increatum: nisi admittat aliquas creaturas æternas, & necessitatem in Deo habendi ab æterno has vel illas creaturas secum. Aiunt enim impossibile esse quod circa omnem omnino rem à se distinctam, careat Deus omni omnino decreto libero puta ut neque velit, neque nolit, mundum aut alia huiusmodi.

Tertia igitur sententia tenenda est ut maxime consonatis principiis quæ in logica posuimus hausta ex Philosopho: iuxta hæc; denominatio volentis aut nolentis completur in Deo per aliquid in tempore existens, quamvis sit æterna, & secundum rationem actus seu formæ vitalis sit ipsemet Deus. Hoc ut intelligas considera actus tuos liberos: actum v. g. quo amas Franciscum aut Antonium; actus huiusmodi nullo modo immutat terminum in quem fertur, immutat autem te intrinsece. Rursus ita est ut ut possit non esse; quod sit autem potius quam non sit, habetur formaliter per ipsum; non autem per terminum ad quem fertur. Est igitur in illo actu indifferentia quædam ut sit vel non sit; non tamen est indifferentia ut respiciat hunc vel illum terminum, ut patet ex alibi dicti: actus enim huiusmodi

sunt relationes transcendētales ad obiecta :
In Deo res accidit modo plane inuerso : a-
ctus ille quo Deus vult mundum , non est
indifferens vt sit vel non sit in Deo ; est e-
nim essentialiter ipse Deus ; est tamen in-
differens vt respiciat hunc vel illum termi-
num ; respicit autem hunc potius quam il-
lum , per hoc quod in tempore sit potius hic
quam ille ; adeoque velle hunc vel illum ,
est denominatio quæ completur per hunc
vel illum , & consequenter non adæquate
intrinseca Deo .

Hinc facile intelliges quomodo Deus
uelit , aut nolit : ita uelit , ut possit non
uolle , ita uolit ut possit non nolle , sine ul-
lo præiudicio suæ immobilitatis : nam ea-
dem forma uitalis , quæ est ipsa met diuina
essentia , est indifferens ut denominet illum
uolentem aut nolentem : prout ponitur in
tempore hic uel ille terminus , positio au-
tem huius uel illius termini est mutatio
non in Deo , sed in creatura , Hinc etiam ex-
plicabis quomodo denominationes opposi-
tas respectu eiusdem successiue idem Deus
sustineat : quomodo v. g. dicatur odisse
nunc quem antea amauerat , aut contra ; pu-
ra odisse Saulem quem prius amabat , amare
Saulum quem prius oderat : non enim pu-
tandū est esse in Deo modo hunc , modo il-
lum actum , sicut est in nobis , quando uel
amamus quos ordimus , uel è conuerso : sed
ille idem indiuisibilis actus , qui in Deo est
& Deus est per hoc quod respiciat pro tali
tempore hoc obiectū , pro alio hoc aliud ,
deno-

denominatur amortalis rei pro tali tempore, & eiusdem odium pro alio; unde dicitur quod uoluntas diuina immota moueat, & secundum diuersos motus existentes temporaliter in creatura, suscipere denominationes diuersas. Puta ab aeterno amat Saulem obedientem, hoc est pro illa differentia temporis pro qua obedit, & odit illum eundem contumacem & transgressorem diuini imperii, pro illa differentia temporis, in qua diuinum imperium transgreditur; idque uno eodemque indiuisibili actu, a diuersis, quæ in tempore sunt complementis, diuersa nomina sortiente.

Iuxta hanc doctrinam facile est respondere argumento proposito, in quo negandum est antecedens. Ad probationem distinguere, actus liber est indifferens ut sit uel non sit secundum extrinsecum denominans; concede; secundum id quod est intrinsecum Deo: nega; Aliter etiam potes distinguere, est indifferens secundum complementum extrinsecum; concede. secundum formam intrinsecam: nega. Aliter; est indifferens indifferentia rei denominationis: concede; indifferentia rei denominate; nega. Actus ille seu forma vitalis quæ denominatur uolitio aut nolitio, amor aut odium huius uel illius obiecti, non est indifferens ut sit uel non sit in Deo: est tamen indifferens ut sit uel non sit complementum illud extrinsecum, quod est in tempore, & cum hæc uel illa denominatio habeatur per hoc uel illud complementum, Deus dicitur sim.

huiusmodi, sed est actus pure perfecti: neque enim Deus dum vivit seipsum immutat intrinsece, iuxta id quod superius dictum est: *ego Deus non mutor.*

Præterea vita creaturæ in actu secundo non est ipsum esse creaturæ; nec enim est aut planta per id formaliter per quod vegetat, aut brutum per id formaliter per quod sesit, aut homo per id formaliter per quod intelligit: sed hæc omnia superveniunt, viventibus, distinguuntq. ab ipsis. At vero vivere Dei est ipsummet esse illius: neque enim quidquam Deo supervenit per quod vivat.

Denique vita creaturæ in actu secundo supponit actum primum verum & physicum; quod non contingit in vita divina, nam in Deo vita est Deum: tam igitur repugnat dari actum primum physicum ad existentiam vitæ divinæ, quam eundem dari ad existentiam Dei; Ex his videtur non posse poni rationem univocam seu unam vitæ ad vitam creatam & vitam increatam.

Respondetur questionem esse magna ex parte de nomine. Deus & creatura conveniunt in hoc quod utrumque agat, adeoque quod utrumque moveat se secundum quod motus est actus perfecti, Secundum hunc conceptum præcisum quo nihil aliud assertur nisi operatio immanens seu actio manens in principio à quo est, dari potest una ratio vitæ respectu Dei & creaturæ. Si autem nomine vitæ intelligas motum, quo res seipsam immutat intrinsece, manifestum

stum est vitam non esse vnā in Deo, & creatura: quia tamen ad conceptum vitæ simpliciter sufficit ratio motus supradicta dicere potes simpliciter dari vnā rationem vitæ communem viuente Deo & creaturæ.

Aduerte autem nos non ponere vnā rationem vitæ in Deo & creatura, eo quod vita sit quædam aseitas sicut non ponimus in Logicis vnā rationem entis respectu substantiæ & accidentis, eo quod accidens seu ratio accidentis sit quædam perseitas: sed eo quod & illi vitæ quæ est aseitas, hoc est quæ Deus est, & illi alteri quæ est ab alietas, hoc est quæ creatura est & ab eo distincta cuius vita est, rationem communem inuenimus. Cæterum qui dicunt vitam etiam creatam esse aseitatem quandam, nec verum dicunt, proprie loquendo, nec falsum: quia proprie loquendo & metaphysice, nihil dicunt. Nam de omni omnino perfectione dici potest quod sit quiddam diuinum, cum qualibet perfectio sit quædam participatio diuinitatis quæ est omnis perfectio: sicut autem dicis esse quoddam diuinum, ita dicere potes esse quandam aseitatem: aut è conuerso: sicut dicis hoc & illud esse quandam aseitatem, dicere potes hoc & illud esse quandam diuinitatem, quod æque euidentius est ac est euidentius eodem modo dici de re definitum, ac dicitur definitio, aut è conuerso.

Hinc habes quod qui dicit vitam etiam plantæ esse quandam aseitatem, eodem iu-

re dicet, esse quandam deitatem cum aseitas sit conceptus differentialis Dei; sicut rationalitas v. g. est conceptus differentialis hominis, Sicut igitur id quod est quodammodo animal rationale, est quodammodo homo, ita id quod est quodammodo à se, est quodammodo Deus, & sicut id quod habet rationalitatem quandam, habet quandam humanitatem, ita id quod habet quandam aseitatem habet quandam deitatem. Hinc sequitur ulterius quod omne viuens esset quidam Deus, quod est ridiculū: vnde ignosci posset Aegyptii quod capre & alia adorarent: quod enim est quidam Deus, quandam adorationem meretur. Esse autem quodlibet viuens quendam Deum probatur quia eo ipso quod viuit, habet quandam aseitatem: si autem quandam aseitatem, quandam deitatem: ridiculum enim est vnum sine altero dare. Sicut igitur non desinit vitam, qui dicit esse quandam deitatem, ita neque qui dicit esse quandam aseitatem. Nihil tamē mali dicit, quia proprie nihil dicit. Habet autem quod dicit ex quodam dicto Cardinalis Sfortia Pallauicini libro 6. de Sacram. cap. 14. *Vita debet esse vel actus à se & per se subsistens qualis est Deus; vel actus proueniens effectiue ab eo cuius est actus, qualis est vita creaturarum & ideo vita est aliqua diuinum, quia est habere perfectionem aliquo modo à se: quæ vltima verba adferuntur magis encomiastice, quam definitiue.*

Quod si aiant actum vitalem cum non sit
ab

ab extrinseco esse in omni rigore metaphy-
fico perfectionem quam viuens habet à se,
& hoc modo intelligendum esse quod dici-
tur. Responde etiam perfectiones quæ non
sunt vita esse à principio in quo sunt, adeo-
que in illis esse etiam quandam aseitatem;
afferenti daterimen inter esse ab intrinseco
quod conuertit vitæ, & esse ab intrinseco
quod competit non vitæ: puta quod pri-
mum ita sit ab intrinseco, vt repugnet essen-
tialiter esse aliude, cum in cæteris quæ di-
cuntur etiam esse ab intrinseco, non repu-
gnet aut quicquid aliud huiusmodi pro di-
scrimine assignanti repones esse diuersam
aseitatem huius & illius: esse tamen etiam
in perfectione non vitali aseitatem quan-
dam & vere conuenire illi quod sit effecti-
ue ab eo cuius est actus. Sed de hoc satis:
qui enim dictum limitant per *quodammodo*
& alia huiusmodi; quilibet
quodammodo dicere possunt.

Ad ea quæ initio proponebantur patet
ex dictis. Et diuersitas inter viuere Dei, &
viuere creaturæ sub conceptu præciso actus
perfecti, seu motus accepti modo supraex-
plicato: nego sub alijs conceptibus: con-
cedo. Conclusio tua est posse dari con-
ceptum communem vitæ creatæ & increatæ;
non autem vitam creatam & increatam
conuenire in quolibet conceptu includente
vitam. Vbi aduerte quod de conceptu vitæ
est esse actum viuentis, quo ita perficitur
secundum dispositionem suæ naturæ existēs
vt per illum perfectius se habeat & melius

quam sine illo. In viuyente creato habetur hoc per actum superadditum agenti seu per vitam superadditam viuyente; in increato autem habetur hoc per vitam quæ est ipsummet viuens; quod tamen si fingas carere tali vita fingis non eque perfectum, adeoque non esse id quod est.

ARTICVLVS II.

Satisfit alijs obiectionibus.

Objicitur 1. Etiam in viuyente increato debet admitti vita distincta à viuyente: ergo etiam in viuyente increato datur actus primus physicus respectu vitæ. Conf. est euident; antec. probatur, quia etiam in Deo sunt aliqui actus vitales, qui possent non esse; & è conuerso non sunt aliqui actus vitales, qui possent esse; actus autem qui potest esse, & non esse, non est Deus: ergo sunt aliqui actus in Deo qui non sunt Deus. Probatur maior: quia actus liberi Dei sunt actus vitales: actus autem liberi ita sunt in Deo, vt possint non esse. Puta ita est in Deo volitio, qua vult mundum, vt possit non esse; si enim non potest non esse in Deo volitio mundi, Deus necessario vult mundum: si autem necessario vult mundum, non est contingens mundum esse. E conuerso ita non est in Deo nolitio mundi, vt possit esse; si enim liberè vult mundum: ita vult ut possit nolle: posse autem nolle, & posse esse in Deo nolitionem mun.

mundi sunt unum & idem. Est autem manifestum, quod id quod potest esse & non esse, non est Deus.

Resp. circa actus huiusmodi falsificari illud proloquium, 'Quot capita, tot sententiæ: vnus enim capitis sūt hac in re plures sententiæ. Alij enim dixerunt denominationem nolentis, aut volentis libere hoc & illud, esse Deo adæquate intrinsecam. Alij esse partim intrinsecam, & partim extrinsecam. Hi diuiduntur rursus in duas crasses. Alij enim ponunt complementa quædam æterna per quæ verum est ab æterno, quod Deus hoc velit, hoc nolit libere, quæ vocantur ab ipsis entia in ratione veri, seu veritates quædam obiectiuæ. Mouentur ad ita opinandum ex eo quod Deus ab æterno velit id quod vult &c. denominatio autem volentis, aut nolentis non habetur adæquate per Deum solum, cum Deus solus sit indifferens ad volendum, vel nō volendum; igitur tam in ratione volentis, quam non volentis compleri debet per aliquid à se distinctum: quod cum faciat illum ab æterno volentem, necesse est esse æternum. Huiusmodi entia, seu complementa non pertinet ad vllum ex prædicamentis, & si recte intelligas quid sentiant authores ipsorum, intelliges non esse neq. creata, neque increata adeoque esse pura vocabula inquirentis aliquid, nihil inuenientis, statuentis tamen apud se pro certo dari aliquid æternum: Deo distinctum, per quod Deus sit æternum volens, aut nolens hoc & illud.

Alii dicunt compleri Deum in ratione volentis aut nolentis per aliquid distinctum ab ipso, non tamen æternum, sed existens in tempore. Neque enim ad denominationem æternum requirunt formam denominantem æternam; sicut ad denominationem præsentem non requiritur præsens forma denominans, puta in Logice ad denominandam hic, & nunc veram hanc propositionem *Petrus saltabit*, non requisivimus saltum Peri præsentem, sicut nec ad denominandum verum de præsentem. *Petrus saltabit*. Iuxta hos; actio productiva mundi in tempore vel mundus ipse in tempore existens denominant mundum ab æterno volitum, Deumque ab æterno volentem mundum, idem dic de cæteris, afferendo semper pro complemento denominationum Deo liberarum aliquid temporale, quamvis denominationes prædictæ sint omnes æternæ, non enim dicuntur Deo liberæ eo quod aliquando eas sustineat, aliquando non, sed quia etiam si ab æterno sustineat: ita tamen sustinet ut potuerit non sustinere, immo sustinere oppositas.

Prima sententia ponens videlicet decreta libera adæquate Deo intrinseca impugnatur, quia huiusmodi decreta ita sunt ut potuerint non esse, puta volitio mundi est quædam denominatio ita competens Deo, ut potuerit eidem non competere; igitur non est adæquate intrinseca Deo: quod enim est Deo adæquate intrinsecum Deus est, & consequenter repugnat esse indiffe-

rens

rerens vt sit aut non sit.

Secunda sententia ponens complementa aeterna ipsa sui explicatione sufficienter impugnata est: quicumque enim illam explicare conatur, eandem magis implicat & cogitur dare, dari aliquid quod non est neque Deus neque non Deus, neque creatum neq; increatum: nisi admittat aliquas creaturas eternas, & necessitatem in Deo habendi ab aeterno has vel illas creaturas secum. Aiunt enim impossibile esse quod circa omnem omnino rem à se distinctam, careat Deus omni omnino decreto libero puta vt neque velit, neque nolit, mundum aut alia huiusmodi.

Tertia igitur sententia tenenda est vt maxime consona ijs principiis quæ in logica posuimus hausta ex Philosopho: iuxta hæc; denominatio volentis aut nolentis completur in Deo per aliquid in tempore existens, quamuis sit aeterna, & secundum rationem actus seu formæ vitalis sit ipsemet Deus. Hoc vt intelligas considera actus tuos liberos; actum v. g. quo amas Franciscum aut Antonium; actus huiusmodi nullo modo immutat terminum in quem fertur, immutat autem te intrinsece. Rursus ita est in te vt possit non esse; quod sit autem potius quam non sit, habetur formaliter per ipsum; non autem per terminum ad quem fertur. Est igitur in illo actu indifferentia quædam vt sit vel non sit; non tamen est indifferentia vt respiciat hunc vel illum terminum, vt patet ex alibi dicti: actus enim huiusmodi

sunt relationes transcendētales ad obiecta : In Deo res accidit modo plane inuerso : actus ille quo Deus vult mundum , non est indifferens vt sit vel non sit in Deo ; est enim essentialiter ipse Deus ; est tamen indifferens vt respiciat hunc vel illum terminum ; respicit autem hunc potius quam illum , per hoc quod in tempore sit potius hic quam ille ; adeoque velle hunc vel illum , est denominatio quæ completur per hunc vel illum , & consequenter non adæquate intrinseca Deo .

Hinc facile intelliges quomodo Deus velit , aut nolit : ita velit , ut possit non velle , ita uolit ut possit non nolle , sine ullo præiudicio suæ immobilitatis : nam eadem forma uitalis , quæ est ipsamet diuina essentia , est indifferens ut denominet illum uolentem aut nolentem : prout ponitur in tempore hic uel ille terminus , positio autem huius uel illius termini est mutatio non in Deo , sed in creatura , Hinc etiam explicabis quomodo denominationes oppositas respectu eiusdem successive idem Deus sustineat : quomodo v. g. dicatur odisse nunc quem antea amauerat , aut contra ; puta odisse Saulem quem prius amabat , amare Saulum quem prius oderat : non enim putandū est esse in Deo modo hunc , modo illum actum , sicut est in nobis , quando uel amamus quos ordimus , uel è conuerso : sed ille idem indiuisibilis actus , qui in Deo est & Deus est per hoc quod respiciat pro tali tempore hoc obiectū , pro alio hoc aliud , deno-

denominatur amortalis rei pro tali tempore, & eiusdem odium pro alio; unde dicitur quod uoluntas diuina immota moueat, & secundum diuersos motus existentes temporaliter in creatura, suscipere denominationes diuersas. Puta ab aeterno amat Saulem obedientem, hoc est pro illa differentia temporis pro qua obedit, & odit illum eundem contumacem & transgressorem diuini imperii, pro illa differentia temporis, in qua diuinum imperium transgreditur: idq; uno eodemque indiuisibili actu, a diuersis, quæ in tempore sunt complementis, diuersa nomina sortiente.

Iuxta hanc doctrinam facile est respondere argumento proposito, in quo negandum est antecedens. Ad probationem distingue, actus liber est indifferens ut sit uel non sit secundum extrinsecum denominans; concede; secundum id quod est intrinsecum Deo: nega; Aliter etiam potes distinguere, est indifferens secundum complementum extrinsecum; concede, secundum formam intrinsecam: nega. Aliter, est indifferens indifferentia rei denominationis: concede; indifferentia rei denominate; nega. Actus ille seu forma vitalis quæ denominatur uoluitio aut noluitio, amor aut odium huius uel illius obiecti, non est indifferens ut sit uel non sit in Deo: est tamen indifferens ut sit uel non sit complementum illud extrinsecum, quod est in tempore, & cum hæc uel illa denominatio habeatur per hoc uel illud complementum, Deus dicitur sim.

pliciter & absolute indifferens ad hanc vel illam denominationem.

Obiic. 2. complementum illud quod est in tempore supponit Deum ab æterno volentem quod sit in tempore; ergo complementum illud constituitur sed denominat Deum volentem ab æterno. Probatur antec. quia tale complementum est à Deo volente quod sit, proceditque à voluntate Dei tamquam à constitutiente actum primum ipsius. Patet hoc in nobis quia quotiescunque voluntarie & libere aliquid facimus extra nos, facimus ex voluntate seu volitione talis rei omnino præsupposita ad existentiam eiusdem. Quicumque autem creaturam faciat Deus, illam libere & voluntarie facit, adeoque volitio determinata talis creaturæ præexistit existentia eiusdem. Cum autem qualibet volitio Dei æterna sit, oportet ut volitio determinata talis rei sit æterna. Confirmatur quia quamuis facere in tempore non dicat imperfectionem in Deo, tamen velle in tempore diceret imperfectionem: quamuis igitur productio rei sit temporalis, tamen volitio eiusdem debet esse æterna.

Resp. nos non negare quod volitio vel volitio in Deo sit æterna: neq. de hoc est inter nos & Aduersarios controuersia. Controuersia est per quod formaliter habeatur quod hæc æterna volitio, aut nolitio sit hæc potius quam illa, hoc est huius potius obiecti quam alterius, dicimusque haberi hoc per aliquid in tempore; neque enim admit-

timus

rimus in Deo quidquam quod potuerit non esse in Deo, & consequenter non ponimus Deum per se solum hanc volitionem aut nolitionem esse potius, quam illam; neque admittimus quidquam æternum præter Deum. Præterea illud ipsum æternum a Deo distinctum, esset à libera voluntate Dei, & consequenter præsupponeret Deum volentem ipsum potius, quam oppositum, adeoque non constitueret Deum in ratione volentis, ut patet ex discursu contra complementum in tempore; qui si aliquid valet, eque est contra æternum ac contra temporale.

Resp. igitur cum distinctione: pro priori ad tale complementum sueponitur Deus volens hoc potius quam aliu secundum rem denominatam; concedo; secundum rationem dominantem; nego. Volitio secundum rem denominatam est actus divinus, & æternus, accipiens etiam ab eo quod est in tempore denominationem æternam. Secundum igitur id quod in Deo est, æternum est physice, secundum id quod extra Deum, æternum est denominative: secundum id quod æternum est, est actus primus ad id quod est in tempore, & ab eo ad quod est actus primus, recipit hanc denominationem vel illam. Ad paritatem patet ex dictis. Voluntas humana vult aut non vult per immutationem sui; voluntas divina per immutationem obiecti. Volitio creata per seipsam essentialiter respicit hunc terminum præ illo: volitio increata cum

fit indifferens, est huius vel illius denominatiue ab hoc vel illo. Est igitur de conceptu perfectionis diuinæ quod volitio ipsius secundum quod est in se ipso, sit physice æterna, secundum in quod est in tempore, sit huius potius quam illius, quandoque autem sit illud, quamui in tempore sit, sit volitum ab æterno. Adeoque denominet antequam sit; sicut v. g. res in tempore existens præ suo opposito, denominat Deum ab æterno videntem se, præ suo opposito.

Dices 1. Et omnis terminus creatus, & omnis actio creatiua est à Deo vt volente, ergo presupponit Deum formaliter volentem; ergo Deus non constituitur in ratione, volentis per vllum temporale.

Resp. etiam quælibet tuo volitio est à te vt volens, nec tamen præsupponit te formaliter volentem: cum per ipsam sis formaliter volens. Præsupponitur vtrobique id quod dominominatur, nusquam ratio denominans, in te superuenit intrinsece rei denominatæ ratio denominans. Secus in Deo; vt dictum est. Nota autem hoc posse dici contra quodlibet complementum. In forma, conc. ant. nega conseq. vel dist. ant. est à Deo vt volente denominatiue ab ipso met termino vel actione; conc. præscindendo ab omni termino & omni actione; nego ant. & consequentiam.

Dices 2. actio productiua mundi in tempore nequit denominare mundum productum antequam sit; ergo neque denomina-

bit

bit mundum volitum antequam sit. Probat^{ur} consequentia: quia non est potior ratio cur tribuat vnā denominationem quā aliam.

Resp. conc. antec. neg. conseq. Ad probationem dic quod producere est extra Deum, neque enim productio est actus immanens; velle autem aut nolle est intra Deum, cum uterque sit actus immanens. Propterea pertine ad perfectionem Dei vt denominationes huiusmodi antecedant terminum à quò desumuntur, non autem quod aliæ. Etiam in nobis non contingit rem fieri antequam fiat, contingit tamen esse uolitam. Sicut igitur uidere in Deo æternum est, quamuis sit videre huius potius quam illius obiecti denominatione ab existentia in tempore huius potius quam illius obiecti; ita etiam velle hoc & illud præ illo alio est æternum, quamuis denominatione habeatur ab existentia huius & illius in tempore præ illo alio.

Oiiic, 3. Potest non esse aliquide libere respectu Dei absqu. vllō actū libero in Deo, ergo nō omne exercitum libertatis diuinæ completur per aliquid in tempore existens. Probat^{ur} antecedēs ex iis quæ indicauimus in Physica vbi de negationibus. Videlicet: non entis non quærenda causa; ergo ad hoc vt aliquid non sit, non est necesse ponere per modum causæ vllum actum Dei, quo nolit vt sit. Explicatur hoc vlt^{er}ius. Ad hoc vt aliquid sit simpliciter requiritur quod Deus velit vt sit, nam sine concursu
pos-

positiuo diuinæ voluntatis nihil omnino sit,
iuxta illud: *sine ipso factum est nihil*: ergo
per hoc præcise quod non sit in Deo volun-
tas seu volitio quod sit, non erit id quo non
existente impossibilem est vt sit: sed per hoc
præcise quod non sit in Deo talis actus, non
ponitur in Deo alius actus; ergo contin-
gere potest quod aliquid non sit, absque eo
quod sit in Deo ullus actus, vi cuius non sit.
Quod autem hoc ipsum esset libere respectu
Dei probatur: quia res ita non esset, vt ta-
men si Deus vellet, futura esset, sitque in
potestate Dei vt velit. Exemplo rem ex-
plico. Alter mundus non est: ad hoc au-
tem vt esset requireretur actus diuinæ vo-
luntatis; ac hoc igitur vt non sit, sufficit non
dari talem actum; non dari autem talem
actum non est dari alium actum; ergo ad
hoc vt non sit alter mundus, non requiritur
ullus actus in Deo: quod autem non esse al-
terum mundum accadat libere Deo, proba-
tur: quia ita non habet actum quo velit
mundum existere, ut possit illum habere.

Resp. concessio antec negando conseq.
Non esse id quod non est & posset esse, du-
pliciter accidere potest; utroque modo li-
bere Deo. Primo per hoc quod Deus
non velit illud esse cum possit velle: secun-
do per hoc quod nolit illud esse. Si secun-
do modum accadat, accidit per aliquod extri-
nitium libertatis diuinæ. Deus enim ita
habet nolitionem circa illam rem, vt possit
illa carere, hæc autem illa nolitio est exer-
citiū positiuum voluntatis diuinæ. Pri-

mo modo, res non erit, non ex vi alicuius exercitii voluntatis diuinę, sed per omissionem omnis exercitii diuinę libertatis liberam Deo, per hoc quod ita non exerceat suā voluntatem, vt possit illam exercere. Quicquid enim ita operatur vt sit in actu primo proxime determinabili à se ad operandū, liberè non operatur, quia non operatur proxime potens determinare se ad operandum.

Ad hoc igitur vt contingentur & libere Deos res aliqua non sit, requiritur quidem vt possit Deus sua voluntate determinare vt sit, non autem requiritur vt sua voluntate determinet vt illa non sit, & hoc insinuauimus loco dicto philosophantes iuxta principia Augustini reuerentis Manicheos causam requirerentes tenebrarum. Cum igitur ad hoc vt res non sit etiam libere Deo non requiratur villos actus voluntatis diuinę, manifestum est non requiri quidquam pro complemento: sed per defectum omnis completi in quocunque tempore exituri recte intelliges non esse in Deo vllum actum liberum circa rem illam quę numquam erit. Ad hoc autem vt res illa non sit, idque accadat ex vi positiuę nolitionis, cum huiusmodi nolitio sit actus liber, requiritur aliquid extra Deum, non per quod formaliter res non sit, sed per quod Deus denominetur nolens rem quę non est: & consequenter complementum illud non verificabit formaliter propositionem dicentem: *res non est*: sed propositum dicentem

icm

tem Deum nolle quod sit res : vbi aduerte nos complementum illud ponere non At res non sit, sed ut Deus sit nolens rem illam. Probatnr hoc: quia rem nō esse habetur per omissionem puram, seu potius habetur cum pura omissione actus ipsam uelentis : pro pura omissione non ponitur ullum complementū; ergo ad hoc ut res non sit : non requiritur ullum complementum; non autem magis non est cum decreto nolente ut sit quam cum pura omissione, hoc est cum carentia decreli per quod sit.

Hoc ipsum intelliges in reipso. Ad hoc ut non scribas non est necesse esse in te ullū actum quo dicas : *nolo scribere* : sed etiam de scriptione incogitans uere non scribis : ad hoc autem ut nolens non scribas, requiritur in te actus quo nolis scribere : cum tamen non magis non scribas positue nolens scribere, quam omnino de scriptione incogitans.

Dices : uolitio & nolitio terminantur ad idem obiectum sicut affirmatio & negatio : v. g. *Volo mundum existere*, & : *nolo mundum existere*, sunt duo actus non differentes ex obiecto; sed ex modo tendendi in obiectum : sicut isti duo alij; *alter mundus est*, & : *alter mundus non est* : ergo utriusque erit idem complementum extrinsecum : sermo est enim de his actibus ut sunt in Deo : sed huius actus : *volo mundum existere* complementum est nel existentia mundi, uel actio productiua eiusdem : ergo etiam uel existentia mundi, uel actio productiua eius-

cuiusdem erit complementum huius alterius *nolo existere mundum*. Hoc autem absurdum est ex terminis.

Resp. actus diuinos non esse metiendos actibus nostris: isti duo actus: *volo*, & *nolo* differunt intrinsece in tua voluntate; adeoque non exigunt extra te aliquid per quod positivè differant. Isti dito actus *nolo*, & *volo*: non differunt positivè in Deo, quia sunt ipsemet Deus; ad hoc igitur ut differant aliquid exigunt diuersum extra Deum: hoc autem non diuersum obiectum, sed diuersum complementum. Igitur hic actus, *nolo* quamuis respiciat idem obiectum quod hic alius, *volo*, non tamen terminatur per idem complementum, sed hic quidem, *volo* per existentiam rei, hic alius *nolo* per aliquid aliud quod purè sit ad denominandum Deum nolentem.

Dices, hoc aliquid erit negatio formalis & obiectiua mundi; ergo dantur negationes formales obiectivæ. Probatur antecedens, quia illud aliud erit exclusivum essentiale mundi: ergo recte dicetur negatio obiectiua mundi. Conseq. patet. Antec. probatur: quia tam implicabit mundum existere cum tali complemento, quam mundum existere Deo nolente ut existat.

Resp. negando antecedens. Ad probationem distinguo; est exclusivum per modum contradictorii: nego; per modum incompossibilis: concedo antecedens & nego conseq. ad hoc ut tale complementum & mundus sint contradictoria obiectiua, requi-

requiritur non solum ut nequeant simul
adesse, sed insuper ut nequeant simul ab-
esse; puta ut, sicut non potest esse mun-
dus simul cum tali complemento, ita ne-
queat non esse nisi adsit tale complemen-
tum; visum est autem supra posse non esse
mundum etiam non existente actu, quo sit
nolitus, & consequenter etiam non existen-
te complemento ipsius, immo non existere,
talem actum non habetur nisi per non exi-
stentiam talis complementi. Consonat hæc
doctrina principijs summis circa cō-
tradictoria, de quorum ratione est quod ne-
queant simul abesse atque simul adesse. Adde
quod etiam si non posset mundus non existere
nisi Deo positive nolente ut existat, adhuc
tale complementum non magis proprie di-
ceretur negatio mundi, quam causa dica-
tur suus effectus; hoc est diceretur negatio
per tropum & rhetorice, non autem se-
cundum proprietatem vocabuli, & philo-
sophice.

QVÆSTIO IV.

*De unitate vel pluralitate Anima-
marum in eodem vi-
uente.*

ARTICVLVS I.

Sintne plures simul.

Comparabamus nuper gradus anima-
torum cum numeris ; in quibus su-
perior continet sub se inferiorum . Quæ-
rendum est hic an in eodem viuento , puta
an in homine , qui est in summo gradu a-
nimatorum sensibilibum continentia ista sic
falis , vt in ipso sub anima rationali sint a-
nima sensitua & vegetatiua ab eadem &
inter se distincta . Et quia hæc ipsa dubita-
tio bifariam intelligi potest , diuidenda est
in duas partes , In prima quarimus an præ-
dictæ tres animæ sint simul ; quasiuri po-
tèa an successiue saltem in idem viuens in-
trocant . Sunt enim qui primam partem
negantes , secundam admittant .

Dicendum est in eodem viuento non es-
se plures animas simul . Hec conclusio
communis est inter Peripateticos . immo
inter Catholicos ; itaut (quoad hominem)
opposita censeatur à nonnullis erronea . Est
autem contra Platonem , qui in diuersis
eiusdem hominis partibus diuersas animas
collocabat : anima vegetatiuam in hepate ,

concupiscibilem in corde , cognoscitiuam in cerebro vt refert S. Thomas ex Philoso- pho in prima parte quæst. 79. art. 3. Est etiam contra Menichæos , qui duas in ho- mine anima agnoscebant , vtramque ra- tionalem ; vnā sine labe culpæ à bono Deo factam , & ab ipso decisam quasi par- ticulam diuinæ ; substantiæ ; alteram vitij plenam factam à malo Deo vel Damone. Hanc Manicheorum hæresim vt ineptam refutauit Augustinus multis in locis , lib. 6. contra Faustum cap. 8. lib. de duabus animabus cap. 12. alibi.

Quantum ad Platonem . Non inchoa- renter ad principium falsum quod pro vero habebat , philosophantes est . Existimabat enim animam non esse formam vnitam , corpori ipsum informantem , & constituen- tem cum ipso vnum per se ; sed esse for- mam pure assistentem motricem corporis eo pacto quo dicuntur communiter Intel- ligentiæ mouere corpora cælestia . Hoc autem posita non inchoarenter ratiocina- batur : sicut enim in eodem Cælo diu ersa diuersos motores habere putantur ; ita contingere putabat in homine , in quo præcipuè animaduertabat motus opposi- tos.

Probat autem nostra conclusio primo authoritate Patrum , qui passim affirmant vnā esse in homine animam , illamq; ra- tionalem : authoritates Patrum & censuras docentium oppositum non vacat huc addu- cere . Habes illas apud Ruuium lib. 2. de

Ani-

Anima: vbi aduerte authoritates huiusmodi non pugnare directe pro vnitae animæ in quolibet viuento, sed solum in homine. Dixi *directe* quia ab vnitae animæ in homine, facile est inferre vnitatem animæ in quolibet viuento.

Probatur 2. conclusio; quia si plures anime essent in eodem viuento, illud viuens non esset vnum; consequens est absurdum; ergo & antecedes. Minor probatur; quia ipsimet Aduersarij volunt esse vnum & idem viuens; dari enim in pluribus viuentibus plures animas qui neget? Sequen-
la autem maiori probatur; quia vel ponuntur istæ animæ in diuersis subiectis, vt ponebat Plato, vel in eodem subiecto. Si ponuntur in diuersis, cum singule constituent viuens, tres animæ constituent tria viuentia; si autem in eodem, erunt in eodem subiecto tres formæ substantiales singule natæ facere vnum per se, vnā substantiam, vnum simpliciter in genere viuētis: & consequenter illud viuens non erit vnum per se.

Dixi: si fiat in diuersis subiectis, constituent plura viuentia. Ratio est, quia etiā si viuens uegetatiuū immediate iungatur sensitiuo, sensitiuum autem rationali, non tamen constituent vnum: diuersa enim subiecta diuersis formis substantialibus informata non constituunt vnum, nisi per aggregationem, sicuti cum multis tritici; nisi forte dixeris tres illas animas alicui alteri animæ deferuire illas bonum sui, ac totius ordinan-

nanti, & gubernanti Quamum erit hæc anima animam vegetatiuam, sensitiuam, & rationalem sibi subordinans;

Dices non dari quidem quartam illam animam prædictas tres animas sibi subordinantem: sed ex tribus istis animabus vnā: quæ est rationalis, duas alias sensitiuam & vegetatiuam sibi subordinaret & per hanc vnus ad alteram subordinationem saluari rationem vnus simpliciter. Confirmabis hoc, quia ex genere non repugnat vnā formam substantialem alteri subordinari in eodem subiecto, cum quo constituent vnū simpliciter viuens; ergo etiam si ponatur anima rationalis sibi subordinans in eodem subiecto animas sensitiuam, & vegetatiuā, non officit rationi vnus simpliciter. Probat̃ur antec. quia secundum Scotum, & Scotistas forma corporeitatis est forma substantialis subordinata alteri formæ contrahenti rem ad hanc vel illam speciem corporis, & consequenter non destruens rationem vnus simpliciter. Item formæ partiales in sententia satis comuni sunt in viuentibus substantiales, subordinatæ formæ totius, hoc est animæ, à qua totum desumit suam speciem.

Resp. tenendum esse hic, quod alibi dictū est vbi de formis elementorum in mixio. Anima vegetatiua facit vnū simpliciter, & absolute, sicut forma ignis, & aliarū de quibus ibi. Formæ autem substantiales facientes vnū simpliciter, non admittunt consortium vllius alterius formæ, quia con-

flu-

situū vere, & proprie ens in actu, cui pro-
pterea quicquid superuenit, ineptum est fa-
cere vnum per se cum illo. De aliis formis,
puta de forma corporeitatis, & de formis
partialibus disputabimus in loco. Interim
habet dispari tatem in promptu, quod he
non sūt natæ facere ens in actu simpliciter.

Ad confirm. omittit antec. quod alibi
forte negabis, & nega conseq. vt habes
ex dictis. Tam animam sensitivam, quam
vegetativam esse natas facere vnum sine
ulteriori forma, tam euidens est, quam
est euidens & plantam, & brutum esse spe-
cies substantiæ simpliciter, & absolute
completas.

Denique probatur eadem conclusio effi-
caciter; qua sine pluralitate animatum ha-
bentur ab eodem viuentē illæ omnes ope-
rationes, ad quas excogitata est prædicta
pluralitas: ergo non datur vlla ratio huius-
modi pluralitatem admittendi, Quo modo
autem eadem anima in homine sit & intel-
lectiva, & sensitiva, & vegetativa explicat
D. Tho. ex Philosopho 2. de Anima, exem-
plo ex figuris patito, quarum vna alijs su-
perior præstat in vno subiecto id omne
quod à pluribus in subiectis pluribus præ-
statetur. Superficies v.g. quæ figuram habet
pentagonam habet per hanc eandem figu-
ram trigonum, & tetragonum; non autem
per vnā figuram vnum, & per aliam aliud,
quia nimirum pentagonem continet trigo-
num, & tetragonum. Eodem modo homo
qui est viuens, animal, & homo non habet
per

per vnā animā esse viuens, per aliam
esse animal, & per aliam esse hominem: sed
per eam per quam habet esse hominem, ha-
bet esse animal, & esse viuens: quia pro-
prium est speciei superioris includere per-
fectionem inferioris, & aliquid plus: sicut
proprium est figurę superioris includere
figuram inferiorē, & numeri superioris,
numerus inferiorē.

In hac animarum cum figuris mathema-
ticis comparatione aduertendum est, quod
quem admodum pentagonū dat superficiē
habere tres angulos, sed non negat habere
plures, ita etiam anima sensitua præstat su-
biecto esse sensituum, sed non negat vltē-
rioram perfectionem. Quia cōtinentia ani-
mæ imperfectioris non excludit à continen-
te perfectionem maiorem, sicut v: g. à nu-
ro denario cōtinentia quaternarij non ex-
cludit quinarium, neque senarium.

Hinc facile respondebis ijs, qui interro-
gant, an anima sensitua contineat formali-
ter vegetatiuam. an rationalis sensituiam
formaliter, & vegetatiuam: Si enim conti-
nere formaliter est continere illas tam se-
cundum perfectionem, quem secundum ex-
clusionem maioris perfectionis; manifestū
est, quod superior non continet formaliter
inferiorem: nec enim in superiori datur ca-
rentia perfectionis vltioris, sicut in infe-
riori. Puta anima bruti non caret perfectio-
ne sensitui, sicut anima plantæ; nec anima
rationalis caret perfectione intellectui, si-
cut anima bruti. Si autem continere forma-
liter

liter nihil aliud est, quam continere totam
 imperfectionem illius, manifestum est, quod
 anima perfectior formaliter continet imper-
 fectiorem, cum perfectioni superaddit id,
 per quod una alteram vincit. Hic etiam
 modus continendi vocari potest eminētia-
 tis, eo quod nihil sit in inferiori perfectio-
 nis, quod non sit in superiori, cum supe-
 rior careat imperfectione, seu limitatione
 aliqua inferioris. Ita ratiocinare de anima-
 bus istis sicut de numeris, & eodem modo
 quo superior continere dicitur inferiorem,
 dic animam imperfectiorem in perfectiori
 contineri. Ex quo deduces omnes illas o-
 perationes, quibus destinantur in homine
 ab Aduersario animæ viliores, habere pro
 sui principio animam ipsam rationalem,
 quæ videlicet continens perfectionem ve-
 getatiuæ, & sensitiuæ, aliam superaddit vt
 rationalis, & consequenter est radix, &
 operationum viliorum, & sublimioris.

ARTICVLVS II.

Respondetur Aduersarijs.

Objicitur 1. Diuersæ, & oppositæ in-
 clinationes non possunt esse ab ea-
 dem animæ, sed in homine dantur diuersæ
 & oppositæ inclinationes, ergo in homine
 dantur plures animæ, Minor probatur ex-
 perientia: *Caro enim* [ait Apollolus] *con-*
cupiscit aduersus spiritum. Spiritus autem
aduersus carnem, Item: diuersitas operatio

num diuersitatem arguit principiorum ; sed in homine dantur diuersæ operationes ; dantur enim vegetatio , sensatio , intellectio ; ergo in homine cantur diuersa principia: videlicet anima negatiua , sensitua , & intellectua .

Resp. mille animas non suffesturas in homine, si argumentum ualeret. In forma: nega maiorem Eo ipso quod in homine præter vegetatiuam , & sensitiuam, ponis rationale; ponis principium se habens ad opposita , adeoq. potens in hanc , vel illam partem ex oppositis inclinari. Ratio est , quia anima rationalis non est determinata à natura, nisi ad rationem boni; hæc autem ratio boni diuersimode in diuersis subiectis contrahitur . Hanc autem, vel illam speciem boni eligere: hanc illi præferre, vel post habere , est in manu humani consilii. Aduersarius non ponit in eadem anima duo principia alterum assensus , alterum dissensus.

Ad illud de diuersis operationibus responde cum distinctione ; ex qualibet diuersitate operationum colligiur diuersitas principiorum. nega maiorem : ex aliquo speciali modo diuersitatis inter operationes colligi , tur diuersitas principiorum ; omite maiorem : & concessa minori , nega consequentiam . Eo ipso quod anima continet perfectionem vegetatiuam, & sensitiuam; eo ipso est principium diuersarum operationum . Immo vniuersaliter loquendo , quo aliqua causa est altioris ordinis , eo se habet ad plures operationes Hinc causæ vniuersales ad esse.

fectus adeo diuerſes concurrunt , & omniū vniuerſaliſſima , & perfectiſſima ad omnes Ratio à priori eſt : quia per hoc ipſū quod ſint in ordine altiori eminent inferioribus per æquiualentiam in perfectione , & incrementum perfectianis vltioris , ſupra ipſas .

Non eſſe pro qualibet diuerſitate operationum ponendam diuerſitatem principiorum maniſeſtum eſt , ex eo quod ab eodem homine operationes vitales inter ſe diuerſe ſint innumerabiles . Pone igitur animā dubitatiuam pro dubitationibus , promiſſiuam pro promiſſionibus , & ſic in infinitum . Modus autem arguendi diuerſitatem ſpecificam inter principia ex diuerſis operationibus eſt hic . Accipe duo principia , de quorum diſtinctione iam conſtet . In ijs obſerua collectiones operationum ab vtroque procedentium ; ſi collectiones iſtæ talem habeant inter ſe diuerſitatem , vt quæ ab vno eſt ; nequeat eſſe ſecundum ſpeciem ab altero : duo iſta principia ſunt ſpecie diuerſa : ſin minus , erunt ſolum diſtincta . Ita collige in vnum omnes operationes procedētes à Bucephalo : & omnes operationes procedentes à Petro ; & inuenies adè inter ſe diuerſas , vt quæ ab vno eſt , eſſe nequeat ſecundum ſpeciem ab altero ; ſecus accidis ſi collectionem operationum , quæ ſunt à Petro comparaueris cum collectione operationem , quæ ſunt à Paulo .

Obiicies ſecundo . Animæ ſenſitiuæ , & animæ intellectiue conueniunt prædicata

contradictoria ; ergo non sunt idem. Antecedens probatur : quia anima sensitiva est corruptibilis , intellectiva incorruptibilis , ergo &c.

Hoc & similia argumenta soluta sunt in Logica , ubi de gradibus metaphysicis. Anima sensitiva i qua est in equo est corruptibilis , non autem qua est in homine : sicut animal quod est in equo est hinnibile , non autem quod est in homine -

Obiicitur tertio . Si anima hominis est sensitiva , & vegetativa : anima sensitiva , & vegetativa est immortalis ; consequens est absurdum ; ergo & antecedens. Sequela probatur : quia anima hominis est immortalis , Minor autem probatur : quia anima numquam vegetatura male ponitur vegetativa : post mortem autem adeoq. per totam aeternitatem anima hominis non vegetabit ; frustra enim remanet principium operationum numquam eliciendarum .

Resp. concessa maiori : negando minorem. Ad probationem , dic non esse absurdum animam esse vegetativam in his , seu potius esse vegetantem in his , non autem illis circumstantiis . Anima rationalis est semper vegetativa , hoc est semper apta vegetare , dummodo sit in corpore vegetabili , non esse autem semper in ijs circumstantiis , in quibus veger , non est absurdum . Ratio à priori est , quia operationes huiusmodi non sunt ab anima intendibiles per modum finis , sed ut purum medium , & quidem remotum , ad eas qua ab anima finaliter intenduntur ; adeoq;

ijs obtentis; in quibus quiescit finaliter, istæ cessabunt. Habes igitur esse per totam æternitatem animam potentem vegetare corpus sibi vnitum, si vegetabile sit, hoc est si sit in iis circumstantiis, in quibus possit vegetari. In Deo est æterna potentia, æternam duratura miserendi Iudæ, si pœnitentiam egisset, & omnium dānatorum; hæc tamen potentia formaliter vt talis, numquam reducetur in actum. Habes hic potentiam videndi Regem Persarum, si sis Persepoli, fortasse numquam ibi futuris.

Obii. 4. In generatione hominis anima sensitiva succedit vegetatiuæ, intellectiua sensitivæ: duæ primæ educuntur de potentia subiecti, secus vltima; ergo duæ primæ distiunguntur ab vltima.

Resp. esse aliquos, qui hanc animarum successionem admittant: ita tamen vt succedente secunda, pereat prima, succedente tertia, pereat secunda. In hac sententia sunt non pauci ex Thomistis, quibus an assentiendū, an secus, examinabitur quæstione sequenti. Interim nota quod etiā si sibi succederent, non propterea anima rationalis non esset sensitiva simul & vegetativa: sed vegetativæ succederet sensitiva, quæ simul esset vegetativa, sensitivæ autem rationalis, quæ simul esset & sensitiva, & vegetativa: sicut siingas in eandem ceram introduci trigonum, tetragonum, & pentagonum, quorum secundum continet primum, vltimum verò secundum & primum. Ratio cur etiā negantes simulatam plurium animarū ad-

mittant successionem earundem petitur ex diuersis operationibus quarum aliqua nequeunt esse, dum dicitur viuens pure vegetare, aliqua dum dicitur vegetare, sentire. Puta in generatione hominis fœtus per aliquod tempus ita nutritur, vt non sentiat, per aliquod aliud ita sentit, & nutritur, vt nulla sit apparentia animæ discurrentis. Quando autem est indicium animæ discurrentis, sunt simul operationes vegetandi, & sentiendi, adeoq; hæc omnia recte tribui possunt vni principio.

Q V Æ S T I O V.

*An in generatione hominis intro-
ducantur successiue tres
Animæ.*

A R T I C V L V S I.

Ponitur conclusio negatiua.

Q Vi sententiam nobis oppositam tuentur, generationis humanæ progressum sic describunt: In utero matris formatur prius embrio, seu fœtus, qui est massa quædam lactea, in qua tres bullæ ampliores apparent, quibus præcipuæ tres humani corporis partes notantur: videlicet; cor, cerebrum, & hepar. Hic fœtus, siue embrio ab initio non nutritur, ideoque non viuit actu, sed solum potentia. Ratio est, quia nondum habet organa, per quæ possit exercere

cere primam operationem viventis, quæ est nutritio. Post aliquot dies, puta post septem apparent in fœtu quædam maculæ rubræ quæ sunt delineamenta, & veluti primi tractus tam admirandi opificii; & massa illa, quæ prius lactea apparebat, iam apparet sanguinea, & in ipsa tria præcipua membra, cerebrum, cor, & hepar distinctè visuntur. Tandem disponitur ad animam rationalem recipiendum, quæ in masculis post 40. & secundum alios post 30. dies; in fœminis post 80. & secundum alios post 40. superuenit.

Ratio cur tardius fœminæ, quam masculi corpus formetur, & ad animam rationalem aptetur, est caloris penuria, quæ maior est infœmina, quam in mare. His suppositis aiunt fœtum statim ac incipit vitaliter operari puta statim ac incipit nutrirî, habere iam pro priori naturâ animam vegetatiuam, à qua paulatim perficitur, & promouetur ad animam sensitiuam, postquam tandem redditur idoneus animæ rationali; ita vt posterior priorem trudet, vt clauus clauum; & accidere aiunt in Bombice, vbi anima vermis excluditur per animam papilionis.

Dicendum est hanc animarum successionem in hominis generatione non dari, sed fœtum seu embrionem statim ac viuit, viuere per animam rationalem. Hæc conclusio intelligenda est cum extensione ad generationem cuiuslibet animalis. Nam ille idem processus qui in hominis generatione narratur ab Aduersarijs valet proportionaliter in alijs

animantibus, in quibus etiam prius est nutriti quam sentire, prius sentire, quam sentire secundum modum proprium vniuscuiusq. Probatur autem conclusio euertendo rationes quibus opposita sustinetur Ideo non statim ac viuit fœtus, viuit anima rationali quia in fœtu nondum potest hæc exercere operationes sibi debitas: sed hæc ratio non valet; ergo &c. Minor probatur quia si valet, neq. post. 40. dies, immo neque post annum dari debet anima rationalis: nam, infans vnius anni non exercet operationes quæ vocantur debitas animæ rationali; nondum enim discurrit nec alia agit discursum consequentia; & consequenter nondum est homo; cum tamen mulier quæ dum parit tristitiam habet, postquam peperit iam non meminerit pressuræ: quia natus est homo in mundo. Hanc sequelam probare oportet: eius enim absurditatem vltro concedunt Adversarii. Probatur autem ipsorum argumentum: sic enim philosophantur. Sicut abscisso capite nequit anima rationalis manere in corpore, quia deficit per abscissionem huiusmodi organizatio debita animæ: ita etiam cum in fœtu paucorum dierum organizatio debita desit, non erit in eodem anima rationalis: deesse autem organizationem huiusmodi argunt ex defectu operationum organizationibus huiusmodi proportionatarum: cum igitur etiam in infante vnius anni non appareant operationes propriæ animæ rationalis, dicendum erit nec in infante huiusmodi talem animam dari.

Probatur 2. eadem conclusio; quia iisdem rationibus quibus probatur introductio successiva animarum in generatione, probari posset successiva expulsio earum in corruptione. Puta hominem moriturum emitte prius animam rationalem, stare autem in eodem animam sensitivam, cui percuñt sit superest anima vegetativa, quæ tandē & ipsa intereat. Contingit enim ira labefactari organa ut; euadat ineptus operationibus propriis homini, remanente organizatione sufficienti ad operationes animalis; & has ipsas postmodum ita corrumpi, ut remaneat dumtaxat organizatio apta vitæ vegetanti. Quod si dicas huiusmodi animas non esse simul, adeoque non posse successive perire; hinc infero maius absurdum, videlicet in hominis corruptione dari successivam generationem animarum: nam ubicunq. est organizatio apta animæ sensitivæ dari debet anima sensitiva; destructa organizatione debita animæ rationali, manet organizatio apta animæ sensitivæ; ergo dari debet hæc, illa abeunte. Idē hic de vegetativa post sensitivam; atq. ita sicut in generatione primo loco producitur vegetativa, secūdo sensitiva, tertia rationalis; in corruptione abeunte rationali, succedit primo sensitiva, quæ paulo post abiens locum dabit vegetativæ ultimo loco perituræ. Aduerte autem quod ad productionem prædictarum animarum in sententia Thomistica & nostra, non esset recurrendum ad aliud quam ad accidentia, quæ sunt virtus substantiæ: in aliena autem

eadem esset causa, quæ ceterorum omnium, prima videlicet rerum omnium causa.

Probatur 3. conclusio autoritate Ritualis Romani, in quo præcipitur ut si quæ mulier abortum fecerit, si fœtus motum aliquem edat, absolute & sine vlla conditio- ne baptizetur: supponit ergo Rituale Ro- manum omnem motum vitalem edendum in fœtu & à fœtu esse motum corporis præ- dicti anima rationalis: non enim baptizari debet absolute, sine conditione, id de- quo dubitatur vivat ne anima rationali, an pure sensitiva, hoc est sitne homo, an be- stia.

Ad hanc Ritualis autoritatem respondēt aduersarii quod anima sensitiva non suffi- cit ad motus spōraneos, ad quos requiritur organizatio perfecta, quæ non completur nisi per 30. aut 40. dies hoc est nisi quando infunditur anima rationalis. Sed contra est: quia queadmodum non introducitur ani- ma rationalis nisi quando est organizatio debita animæ rationali, ita nec introduci- tur anima sensitiva nisi quando est in fœtu organizatio debita animæ sensitivæ: sed an- te 40. aut 30. dies introducitur anima sen- sitiva; ergo ante 40. aut 30. dies datur or- ganizatio debita animæ sensitivæ: sed or- ganizatio debita animæ sensitivæ est suffi- ciens ad motus spontaneos; ergo introducta anima sensitiva datur sufficiens & adæqua- tum principium ad motus spontaneos. Cer- te negare quod anima sensitiva sit sufficiens ad huiusmodi motus, est negare quod brutū possit

possit huiusmodi motus edere, nisi forte nomine motus spontanei intelligere velis motum voluntarium; & tunc sensus erit: si foetus ediderit motus voluntatis, baptizetur, quod est ridiculum: quis enim dum videt foetum electum moveri, sicut moveretur castellus, indagare queat an huiusmodi motus sit huius vel illius naturæ: cum præcipiatur à Rituali ut si per motum ediderit signum vitæ, eo ipso baptizetur.

Denique animarum illa successio reiicitur sufficienter per hoc quod una sufficiat in toto processu generationis humanæ, ut patebit ex responsione ad obiectiones.

ARTICULVS II.

Respondetur Aduersarijs.

O Bicitur 1. autoritas Philosophi qui 2. de Gener. animal. cap. 3. ait in conceptu recipi prius animam vegetalem, animam etiam sensualem, qua animal est tempore præcedente; recipi & rationalem qua homo: *non enim simul & animal sit & homo*: ergo foetus prius animatur anima vegetali, deinde anima sensitiua: deniq. anima rationali.

Resp. 1. quod quemadmodum in foetu humano animam rationalem præcedit anima sensuali: ita etiam in foetu equino animam equinam, secundum Philosophum, præcedit alia anima, non pure vegetalis sed etiam sensitiua: præcedit enim anima qua animal

est animam qua equus est. Dicit enim ibi Philosophus: *non simul animal fit & homo; nec animal & equus*: ergo plures animæ sensitivæ paulatim & successive introducuntur, prout magis vel minus perfecte organizatur materia, in quam introducuntur. Et quia etiam materia in quam intraducenda est anima rationalis paulatim magis magisque perficitur: paulatim plures & plures animæ perfectiores introducuntur vsq. ad animam rationalem. Quemadmodum enim anima sensitiva, hoc est principium sentiendi prius introducitur in embrionem equinū quam introducatur anima hinnitina, hoc est principium hinniendi, quia dispositiones sufficientes ad animā sensitivam, non sufficiunt ad sic sensitivam, seu ad hinnitivam; ita etiam ponenda erit series animarum sensitivarum secundum seriem organizationū, quæ semper magis magisque perficiuntur, adeoque aptatur operationibus manis magisque perfectis, quibus singulis dandum est successive suum principium & sua anima. Frustra enim, immo indecore in foetu idoneo operationibus perfectis dumtaxat ut tria, datur anima elicitiva operationum perfectarum ut sex: adeoque mutandæ erunt singulis momentis animæ, ne in natura vel derur aliquid frustra, vel formæ formarum omnium præstantissimæ indecore locentur, sicut si Rex locaretur in rustica casa iis dumtaxat instrumentis instructa, quibus terra foditus & aratur; hæc enim non decent Regem: sicut nec animam rationalem instru-

menta sensationibus dumtaxat idonea.

Resp. 2. hoc Aristotelis testimonium explicari vulgo per vitam in actu secundo, non autem per vitam in actu primo, ita ut sensus sit: viuens illud quod est in vtero matris moueri prius per operationes vegetatiuas quam per sensitivas, & prius per sensitivas quam per rationales. Hoc est quod aiunt quando eiusdem Aristoteles ore pronunciant: homo prius viuit vita plantæ, deinde ut animalis, denique dita hominis. Hanc ultimam vitam ad quosdam homines non nisi tardiuscule venire experientia constat. sunt enim multi qui multus annis expectant vitam non frustra, usum rationis. Hæc responsio est communis & bona. Sapissime enim Philosophus nomine vitæ vitalem operationem intelligit, & quamuis videatur loqui non de ipsamet operatione, sed de principio ipsius; tamen principium ipsum attingit & denominat per ordinem ad operationem ipsam: loquitur enim in sensu formali, sicut si diceret; in Petro veniente à longe prius video animal quam hominem; quamuis enim realiter sit idem in Petro animal & homo, adeoque neget Logicus videre se prius animal quam hominem; tamen Metaphysicus qui est in loquendo formalior, & intelligit veros sensus propositionum, propositionum huiusmodi pro vera admitte. Est igitur in conceptu seu fœtu, prius anima vegetalis, non quo ad rem, sed quo ad operationem, & sic de alijs;

Quod si non placet hæc responsio; aliam
ad-

addas & dic viuens esse prius etiam in actu primo proximo vegetans quam sentiens, quia principium adæquatum vegetationis est prius principio adæquato sensationis. Principium enim sensationis adæquatum includit organa perfectiora: sicut & principium adæquatum vitæ rationalis. Quamuis enim anima in intelligendo non utatur organis, ijs tamen utitur ad intelligendum quia per organa & in organis elaborat species & phantasmata quæ speculetur: unde dicitur per conuersionem ad phantasmata speculari, vt verum sit: *nihil est in intellectu, quod prius non fuerit in sensu.*

Obije. 2. si non introducantur plures animæ successiue, homo non modo non generat hominem, sed nec generat viuens consequens est absurdum: ergo & antecedens. Sequela maioris probatur, quia per generationem non educit vllam animam de potentia subiecti, non rationalem: quia hæc non educitur, sed à Deo creatur: si igitur nulla alia anima inducitur in materiam, nulla anima procedit à generante, & consequenter nullum animatum seu viuens ab ipso est.

Resp. retorquendo argumentum, Si successiue introducantur plures animæ, homo non generat hominem, sed aliquod aliud viuens, puta primo plantam, deinde animal; numquam autem hominem. Prob. seq. quia generas illud viuens cuius animam educit de potentia subiecti; sed de potentia subiecti educit animam plantæ, & post animam plantæ

plantæ, animam animalis, numquam autem animam hominis; ergo homo generat plantam animal, non autem hominem. Dicit enim Philosophus quod homo non fit simul & animal & homo, sed prius animal & postea homo. Quod si respondeat arguens hominem ab homine generari per hoc quod hic actione sua educat de potentia materie unionem, quæ est formalis communicatio animæ ad corpus & corporis ad animam: recte responderet: sed simul dat, quod ad hoc ut homo generet hominem, equus equum, non est necesse quod ullam animam educat de potentia subiecti. Respondeo igitur negando sequelam maioris, & dico quod homo generat hominem, qui per unam eandemq. animam est viuens, animal & homo, per educationem unionis, quæ est formalissima communicatio in extremi ad extremum, adeoq. formalissima ratio vnius simpliciter ex duobus, hoc est potentia & actu ut dictum est in *Physicis*.

Obij. 3. Si statim ac uiuit fœtus uiueret anima rationali, statim operaretur anima rationali: consequens est falsum: ergo & antec. Seq. mai. prob. quia anima in eodem instanti in quo est, operatiua est. Probaturnon etiam min. quia operationes animæ rationalis sunt intellectio, uoluitio, &c. quæ embryoni non competunt.

Resp. 1. si valet hoc argumentum, toto tempore quo illud viuens est in utero matris & per totam infantiam caret anima discursiua: toto enim illo tempore caret discursiua.

scursu. Quod si diuas toto hoc tempore non
otari animam discursiuam, quia quamuis
non exeat in operationes perfectissimas ope-
ratur tamen elaborando sibi organa, quibus
deinde species & phantasmata vel recipiat
vel formet, quæ postmodum speculetur,
dicere etiam poteris etiam in embrione non
otari sed taulatim elaborare organa, qui-
bus deinde ad operationes perfectiones hoc
vel illo modo utatur: eo enim ipso quod
potest operari preparatiue ad aliter operan-
dum: nullum est tempus in quo dici valeat
otiosa, etiam si illam non solum post uiginti
dies, sed etiam post 20. horas immediate
ponas in corpore.

Resp. 2. conc. mai. neg. min. Ad proba-
tionem distingue, omnes operationes ani-
mæ rationalis sunt intellectio volitio &c.
nego, aliqua operationes: concedo. Di-
stinctio claret ex dictis tum ab arguente
hic, tum à nobis hic & alibi. Aduerten-
dum est autem hic quod etiam operatio-
nes, quæ non sunt intellectio, volitio &c.
& sunt in fœtu ab anima rationali, si con-
fidenrentur secundum omnia sua prædicata
intrinseca differunt essentialiter ab opera-
tionibus cuiuslibet alterius animæ. In iis
enim imbibitur relatio transcendentalis ad
principium à quo sunt, quod cum sit diuer-
sum essentialiter ab alio, refundit etiam in
ipsas dissimilitudinem essentialem ab ope-
rationibus procedentibus ab alio; dicuntur
tamen communiter vegetatio hominis &
vegetatio plantæ, sensatio hominis & sen-
satio

fatio bruti inter se conueniret quia respicitur solum ad terminos operationum huiusmodi; cum autem & in homine & in planta terminus vegetationis sit corporis incrementum, in homine & in bruto terminus sensationis sit obiectum illud quod per sensum attingitur; propterea dicuntur operationes huiusmodi conuenire, & principia ipsa esse inter se similia in operationibus huiusmodi: quia vidimus in Physica, operationes & motus specificari dicuntur à termino.

Præterea vegetationis ipsæ & sensationes quæ ab anima rationali sunt, si intime penetrentur, sunt dispositiones ad operationes ordinis sublimioris. Videlicet ad ratiocinationes, quæ in vnoquoq. eo sunt perfectiores, quib. perfectiora organa habet, quibus anima utitur ad species efformandas. Hanc autem vegetationum & sensationum ordinationem ad operationes generis præstantioris non inuenies in uegetationibus plantæ aut sensationibus bruti. Ex his habes quod anima rationalis neq. ut rationalis ostiatur, si rem accurate perpendas.

Dices. Prius est sub eodem esse dispositum ad operationes animæ sensitivæ, quàm ad operationes anime rationalis: & prius esse dispositum ad operationes animæ vegetatiuæ quam ad operationes animæ sensitivæ: ergo prius debet introduci anima sensitiva, quam rationaliter prius vegetatiua quam sensitiva. Confirmatur: quia non repugnat successiue in idem subiectum introduci plures

res animas. ergo &c. Probatur hoc quia ex ratione formæ substantialis non repugnat: nullum autem repugnantiam superaddit ratio animæ, ergo ex nullo capite repugnant; Maior. prob. quia re ipsa in eadem materiam successive plures formæ substantiales inducuntur, ita ut materia sit in continuo fluxu formarum. Vnam autem disponere subiectum ad aliam patet ex eo quod non ex quolibet immediate fit quodlibet. Neq. enim tam facile ignem facis ex lapide quam ex ligno aut stупpa. Immo D. Thom. explicando materiæ appetitum dicit hanc tendere ad formas substantiales per gradus, ita ut sub forma elementi appetat formam mixti, & sub forma mixti imperfectioris tendat ad perfectiorem; ut alibi diximus.

Ad hæc omnia respondeo breuiter omisso ant. dummodo sumatur in sensu formali neg. conf. Ad confirmat. dic primo. Non repugnat animam rationalem introduci sine antecedentia istarum animarum ignobiliorum; ergo &c. & consequenter *li non rapugnat* tam tibi fauet quam arguenti.

Resp. 2. neg. antec. Per animam sensitiuam habetur formalissime principium vegetationis, & per anima rationalem principium tam vegetandi, quam sentiendi & consequenter nullum est fundamentum dicendi quod non statim ac vegetat illud corpus, aut sentit, non sit ea anima animatum qua ultimo viuit, quando quidem ultima forma est principium operandi in omni

ni genere operationes vitalis , vt admittit ipse arguens. Ad probationem : forma substantialis ad quā subiectum dicitur aliqualiter dispositum per aliam formam substantialem , non præstat in subiecto id quod præstabatur per aliam , adeoque nequit dici quod sit eadem . Cæterum si forma ignis vltra operationes proprias ignis haberet proprietates ligni ; si forma pulli , vltra operationes & proprietates pulli , haberet operationes & proprietates oui : dicerem non aliam esse formam pulli , aliam oui , non aliam ignis , & aliam ligni , sed eandem formam ab imperfectioribus incepisse , & ad perfectiora promotam : cum igitur anima sensitiua habeat operationes uegetandi , anima rationalis operationes & sentiendi & uegerandi : adeoque idem simul sit & per eandem formam uegetans , sentiens , & intelligens , non est cur dicatur unam præcedere & alias subsequi ; cum eadem possit ista omnia , incipiendo ab imperfectioribus & promouendo se ad perfectiora . Ad probationem patet ex dictis ; non repugnat ex ratione formæ , sed repugnare potest ex ratione talis formæ , & inductione constat per successionem formarum in idem subiectum , tolli à toto denominationem , quam per antecedentes sustinuit , modo explicato .

Adde quod hæc animarum multiplicatio facienda esset in infinitum , & intra rationem sentiendi , quandoquidem cōceptes prius est animal , quam equus , eque ac prius ani-

animal quam homo. Cum igitur triplex ista operatio in homine iam perfecto recte tribuatur vni eidemq. principio vegetandi, sentiendi, & ratiocinandi: poterit & debet eidem tribui, etiam quando non simul sed etiam successiue fiunt; quandoquidem non est deratione principii actiui semper & in qualibet circumstantia facere quidquid potest in qualibet.

QVÆSTIO VI.

De unitate vel multiplicitate forma substantialis in eodem viuento.

ARTICVLVS I.

An præter animam rationalem datur in homine alia forma substantiali totalis.

Questio quæ procedit de homine, procedit proportionaliter de Leone & quolibet alio animali. Est autem hic controuersia non de omni alia forma, sed de forma substantiali totali. Fuit opinio quæ ex antiquis sequutus est Auicenna, dari in homine & in quolibet alio viuento sensibili præter formam qua constituitur in tali specie viuentis, aliam qua constituentur in esse genetico corporis; ideoq. hanc formam appellarunt formam corporeitatis. Formam hanc existimauit Auicenna coeuiam materiæ, ab eadem inseparabilem, adeoq. illam non in

in solis viuentibus, sed in omni composito ex materia & forma seperiri.

Scotus hanc Auicennæ opinionē ex parte sequitur, & ex parte repellit. Afferit enim dari in viuentibus præter formam specificam formā corporeitatis; sed in solis viuētibus: negatq. hanc esse coæuam materiæ. Primo enim producitur, quando producitur ipsum uiuens: introducitur autē pro priori ad formam specificam; puta in homine pro priori ad animā rationalem, & in equo pro priori ad animam caballinam, itaut & anima rationalis & caballina recipiantur in corpore præsupposito, cum quo constituent vnum.

Oppositam sententiam docet D. Thomas multis in locis; tum præcipuè & ex professo lib. 4. contra Gentes cap. 81. ubi tuctur resurrectionem mortuorum. Non sunt inquit, diuersæ formæ substantiales in vno & eodem, per quarum vnā collocatur in genere supremo, puta substantiæ, & per aliam in genere proximo, puta in genere corporis vel animalis, & per aliam in specie puta hominis aut equi: quia si prima forma faceret esse substantiam, sequētes formæ iam aduenirent ei quod est hoc aliquid in actu & subsistens in natura, & sic posteriores formæ non facerent hoc aliquid, sed essent in subiecto, quod est hoc aliquid sicut formæ accidentales. Hæc & multa alia in hanc sententiam ibi D. Thomas. Vbi aduerte assumi tanquam certum quod quolibet forma substantialis constituens tem in prædicamento substantiæ per se directè, puta

puta faciens substantiã, corpus vel animal, eo ipso facit hoc aliquid in actu, hoc est vnum per se simpliciter, & absolute. Quamuis autem id negent alii, dum aiunt formas substantiales genericas subordinari in eodẽ formis specificis: tamen standũ erit in hoc S. Doctori ita philosophanti ex Aristotele, apud quẽ quicquid habet rationẽ dispositionis permanentis ad aliam formam, per quam habeatur hoc aliquid: eo ipso habet puram rationem accidentis.

Probatur autem conclusio: quia per unicam formam potest haberi quidquid ponitur per illas multiplices; ergo nulla est ratio multiplicandi formas in viuento. Antecedens patebit ex responsione ad argumẽta. Interim autem nota nullũ esse corpus quod sit pure & præcise corpus: sicut nullum est animal quod sit pure & præcise animal, adeoq; ad diuersas illas rationes superiores & inferiores in linea substantiæ directe positas in categoria, sufficiunt rationes diuersæ logice, cũ in inferioribus contineãtur physice superiores, hoc est cũ inferior sit physice id per quod conuenit rei prædicatũ superius & inferius. Si Aduersarius in aliqua re reperiret rationem præcisam corporis, hoc est corpus nullius alterius speciei quæ corpus, tunc potiorem rationẽ haberet suspicandi constitui corpus, in ratione corporis per aliquam formam physicã, quæ esset præcise corporeitas eiusdem, cum autem quolibet corpus sit intra hanc vel illam speciem infimam corporis, puta lactuca vel
canis

canis &c. congruentissime ratio corporis inuenitur absq. vlla forma, quæ sit simpliciter & præcise contrahens materiam ad rationem corporis. An autem ratio corporis habeatur formaliter per hanc vel illam formam constituentem hanc & illam speciem substantiæ cum materia prima, analiter ; patebit infra.

ARTICVLVS. II.

Satisfit Obiectionibus.

Objecitur 1. Materia prima per seipsam formaliter non est corpus : ergo per aliquam formam trahitur ad rationem corporis : sicut quia per seipsam non est nec ignis, nec aqua. debet per formam sibi superadditum determinari ad ignem, vel ad aquam. Rursus in homine forma superaddita materiæ & faciens hominem est incapax trahere materiam ad rationem corporis, est enim forma spiritualis cui tam repugnat determinare partem ad rationem corporis, quam repugnet comparti determinare illam ad rationem spiritus: hoc est tam repugnat quod per unionem animæ ad materiam totum sit corpus, quàm quod per unionem materiæ ad animam totum sit spiritus, ergo debet in homine haberi ratio corporis per aliud quàm per animam rationalem. Hoc autem aliud est forma corporeitatis, quæ eadem manens & cum anima, & cum forma cadauerica animæ succedente, facit cum
vtra-

principium operationum corporearum; per
 irane enim non solum intelligimus, sed etia
 sentimus & vegetamur. Certum est enim
 animam esse natura sua proportionatam
 comparti cum qua facit vnum. Certum est
 præterea operationes sentiendi & vegetandi
 quæ sunt operationes corporeæ, etiam data
 forma corporeitatis, non esse a solo corpore,
 adeoque principium ipsarum esse etiam in
 anima: si enim animam tollas, vegetationē
 tollis & sensationem. Ex hoc igitur quod
 sit nata facere vnum principium cū mate-
 ria operationum corporearum, dicitur esse
 virtualiter corporea. Hoc non dices de ni-
 gredine ad faciendum album. In hac re-
 sponfione communiter conquinfcunt.

Hæc responsio accedit ad verum. Tamē,
 si dicendum est quod sentio, totum argu-
 mentum propositum laborat in supposito:
 quod videlicet ratio tribuēs rei denomina-
 tionem corporis debeat esse forma. Illud
 dicitur corpus cuius aliqua pars constitutiva
 est materia physica; si igitur homo constet
 ex anima rationali, quæ spiritus est, & ma-
 ria physica, eo ipso Pomo est corpus, per
 illud enim idem constituitur in ratione cor-
 poris per quod constituitur in ratione sub-
 stantiæ materialis. Hinc apud veteres Lo-
 gicor inuenies prædicamentum substantiæ
 descriptum sic In capite libri scribitur *sub-*
stantiæ, ad latus per modum differentiæ di-
 uisusæ ponitur ex vna parte *materialis* ex al-
 tera *immaterialis* & deinde directe sub *sub-*
stantia ponitur *corpus*, hoc est substantia per

materialitatem constituta corpus. Hoc idem intelligunt qui loco *materiali* & *immaterialis* pingunt : *corporea* , & *incorporea* .

Ex hac doctrina quæ facilis est , & clara ruit tota difficultas : homo est corpus , non tamen constituitur corpus per animam , sed per materiam physicam qua constat : & in tantum anima est apta facere corpus inquam , tum est apta facere vnum cum materia physica , quæ facit corpus . Hoc facile intelliges si apud te idem sonet *corpus* quod *materiale* . In hac igitur denominatione *corpus* id quod habet rationem formæ non est forma ipsa hominis , sed materia , sicut in hac denominatione : *materiale* . Hæc doctrina consonat his quæ diximus in Physica agentes de forma . Hanc enim diximus esse illam partem compositi à qua denominatur hoc & illud : ut igitur videas quid in aliquo concreto habeat rationem formæ , vide quid in illo concreto importetur per modum denominantis . In hoc autem concreto : *materiale* per modum denominantis importatur materia : hæc igitur habet rationem formæ .

Et ne aliqua alia æquiocatione capiaris aduert nos loqui hic de materiali formaliter & reduplicatiuæ , non autem de materiali materialiter & specificatiue accepto . Satatim enim vel puero hoc argumentum subueniet . denominatio hominis est denominatio corporei & materialis ; sed denominatio corporei & materialis habetur per materiam physicam

cam tamquam per formam; ergo denominationis hominis habetur per materiam physicam tamquam per formam. In quo vides fieri transitum à sensu reduplicante ad non reduplicantem. Homo denominationem hominis habet ab anima rationali; denominatione corporis à materia; ideo enim hoc totum est homo: quia animam includit rationale; ideo hoc idem totum est corpus, quia includit materiam physicam: materia physica trahitur ab anima in unitatem hominis, anima trahitur à materia in unitatem corporis. Sicut igitur quamuis animal in definitione hominis habeat rationem generis, hoc est materiae metaphysice, tamen est ratio & forma denominans hominem animal: homo enim non est animal formaliter per rationale; ita etiam quamuis materia physica sit veluti genus physicum in physica constitutione hominis, habet tamen rationem formae in denominatione materialis & corporei; quia homo non per animam formaliter, sed per materiam est materialis & corporeus.

Hinc patet ad ea quae dicuntur in objectione. Spiritus simul cum materia coalescens in unum non constituit unum nihil habens materiae physicae; adeoque non constituit spiritum seu spirituale; materia cum spiritu coalescens in unum constituit totum habens aliquid materiae. Diximus autem alibi quod immateriale seu spirituale est illud dumtaxat quod in sui constitutione caret materia physica, corporum autem &

materiale, seu potius corpus, id quod in sui physica constitutione materiam physicam includit. In forma ad argumentum concessio antec. distinguo consequ. trahitur ab aliqua forma &c. tamquam à ratione denominante; nega: tamquam à ratione requisita ad esse totum: concede. Materia sola non est totum includens in sui constitutione materiam, adeoque se sola non est corpus, cum denominatio corporis cadat supra totum; requirit igitur aliquid aliud cum quo coalescat in vnum; cum quocunque autem coalescat, eo ipso habet secum identificatum unde formaliter totum illud sit materiale & corpus.

Ad confirmationem nega idem esse corpus mortuum quod vivum: non enim est idem totum. Nota obiter quod sicut à Scottistis dicitur idem corpus quia est eadem forma corporeitatis; ita putare posset aliquis dici posse idem corpus in nostra sententia, quia est eadem ratio denominans corpus, est enim & in mortuo & in vivo eadem materia. Non tamen ita dicimus: quia quamvis utrobique sit eadem ratio denominans, non est utrobique idem denominatum, supra quod formalissime cadit ratio corporis: sicut si v.g. ab vno intellectu in alium eandem transferres sapientiam, non esset idem sapiens.

Dices, ratio corporis est vna respectu hominis vivi & hominis mortui, ergo est idem corpus vivum & mortuum. Probatur consequentia, quia ideo ratio hominis non est

vna respectu humoris viui & hominis mortui quia homo mortuus est solum æquiuoce homo : sed corpus motuum non est solum æquiuoce corpus ; ergo corpus est idem mortuum quod viuum &c.

Resp. conc. antec. negando conseq; Etiam respectu ligni & lapidis est vna ratio corporis ; & tamen lignum & lapis non sunt idem corpus. Est vna ratio corporis respectu viui & mortui quia tam mortuum quam viuum est vere & proprie corpus, & ratio corporis generice se habet ad animatum & inanimatum . Non est autem vna ratio hominis in homine viuo & mortuo, quia mortuus non est vere & proprie homo . Ad probationem negaminorem subsumptam . Esse vnā rationem respectu plurium non est plura illa, esse idem numero, sed est illa plura conuenire in illa ratione quæ generica est, si sit ad plura specie specifica, si ad plura dumtaxat numerice.

Obiic. 2. ex dicto Damasceni communiter recepto : Verbum diuinum quod semel assumpsit numquam dimisit. Hoc autem nequit esse verum si non sit idem corpus mortuum quod viuum, ergo &c. Minor probatur : quia corpus mortuum fuit vnitū Verbo Diuino, & edem vnitum fuit corpus reanimatum ; ergo si non est idem reanimatum quod mortuum, dimisit mortuū & vniuit sibi reanimatum ; si autem dimisit mortuum, dimisit semel assumptum.

Resp. distinguendo maiorem : quod as-

sumpsit per se nunquam dimisit : concedo : quod assumpsit per accidens : nego &c.

Obii. 3. Materia prima nequit constituere corpus in hac , vel illa ratione specifica corporis : ergo ratio specifica huius vel illius corporis habetur per aliud : non nisi per formam ; ergo per formam : si autem per formam ; habetur in homine per animam rationalem ; ergo ratio determinans ad hanc speciem corporis est anima rationalis.

Resp. idem argumentum esse siue admittas , siue neges formam corporeitatis : non enim corpus est equinum , aut humanum , adeoq. huius , vel illius speciei per formam corporeitatis : igitur præter illam formam requiritur alia , per quam trahatur ad talem speciem. Sicut igitur per animam cum forma corporeitatis constituitur hoc totum hominem , seu corpus humanum ; ita etiam per animam simul cum materia hoc idem totum constituitur . In forma ad argumentum concede totum . Vide autem ne hic de genere , & differentia physicis eodem modo philosopheris , quo de genere , & differentia metaphysicis . Genus , & differentia apud Metaphysicos sunt realiter idem , & hæc sunt in homine animal , & rationale : apud Physicos distinguuntur realiter , & hæc sunt materia & forma . In quocunque toto sit materia physica facit corpus ; cum hac autem vel illa forma facit hoc , vel illud corpus . Propterea dicitur materia dare rationem genericam corporis , forma verò differentialem , utraq. simul specificam .

Obiic.

Obiic. ultimo . Anima præsupponit subiectum in ratione corporis ; ergo forma corporeitatis præcedit introductionem animæ . Huic argumento satisfactum est supra , iterum autem negatur antec. quia anima non præsupponit subiectum in esse totius , sed in esse partis determinabilis ad hanc speciem corporis .

Q V Æ S T I O VII.

Denturne formæ partiales,

EX iis , qui formam corporeitatis reiciunt à viuente , alii formas partiales admittunt ; alii negant . Ratio admittendi non est inanis . Sunt enim in homine (idem dic de alijs) partes inter se adeò dissimiles , vt non irrationabiliter dubitetur de earum diuersitate substantiali . Huiusmodi sunt cerebrum , cor , hepar , ossa , caro , nerui &c. in quibus diuersitas habetur , vt opinantur aliqui , per formas substantiale , vt alii , per puram diuersitatem accidentium . Nos ex secundis sumus , quædamusq; totam æthærogenitatem in partibus viuenti saluari sufficienter per diuersas accidentium complexiones .

Probatyr autem conclusio : quia nihil est in vilo viuente ; nihil fit in vilo , aut ab vilo viuente , quod sine formis huiusmodi non saluetur ; ergo huiusmodi formæ non debent admitti . Consequentia est clara , cum enim constet viuens illud esse vnum , vnus suffi-

cit vna forma, nisi probetur necessitas multiplici-
tatis. Probatur vltcrius contra eos,
qui formas huiusmodi admittunt in viu-
entibus. negant in aliis. *Æ* theorogoneitas par-
tium æque sensibilibiter apparet in corpore
mortuo, ac in viuo; ergo æque admittende
sunt formæ partiales secundum substantiam
dissimiles in mortuo, ac in viuo. Autec,
est euident: quis enim dicat carnem mor-
tui minus disscire ab esse; quam ab esse
viui disscireat caro viui; Immo diuersitatem
hanc frequentius obseruamus in mortuo,
quam in viuo. Quod dico de carne, & osse
dic de cerebro. hepate, & corde, aliis-
que partibus, quarum aliæ aptæ sunt,
aliæ vel ineptæ, vel noxiæ, si adhibean-
tur in cibum. Propterea qui admittit for-
mas partiales in viuentibus, debet illas
admittere in non viuentibus. Denique
apud Philosophum conceptus formæ sub-
stantialis non admittit consortium alterius
formæ intra idem totum: & consequen-
ter *ly partialis* destruit rationem formæ
substantialis, cum trahiat aliam formam,
qua illa eadem pars viuentis cum om-
nibus alijs informetur. Potissima ta-
men probatio est responsio ad argu-
menta.

Obiicitur 1. Diuersitas operationum,
quales sunt auditio, visio, tactio, & aliæ
huiusmodi saluari nequit sine principiis
substantialibus diuersis: principia huius-
modi non habentur, nisi per formas substantia-
les, ergo diuersitas huiusmodi saluari ne-
quit

quit nisi per formas substantiales. Probatur maior: quia si sufficeret vna eademq. forma, dequeretur vni eademq. formæ, & quidem indiuisibili, qualis est anima rationalis, deberi in diuersis partibus subiecti diuersas complexiones accidentium; conseq: autem est falsum, ergo Probatur vltima minor: quia huiusmodi diuersitas refundi nequit in materiam, quæ est eiusdẽ rationis in singulis partibus eiusdem totius; neque in formam quæ est omnino eadem; ergo refundi debet in aliquod aliud principium: hoc autem nequit esse, nisi aliqua diuersitas præcedens in materia, quæ diuersitas cū præcedat complexionem accidentium, non habetur formaliter per ipsam, sed per formam specialiter debitam tali parti subiecti:

Resp. negando maiorem. Ad probationẽ retorque primo argumentum. Diuersæ illæ formæ substantiales debentur eidem indiuisibili anime, puta animæ rationali: nõ ratione sui, est enim eadem in omnibus, & singulis partibus totius; non ratione materiæ, quæ itidem est eiusdem rationis; ergo ratione alicuius antecedentis: hoc autem antecedens iam facit diuersitatem in partibus, & ætherogenitatem, igitur ætherogenitas habetur pro priori ad formas illas partiales, adeoque non per illas formaliter. Hæc retorsio monstrat inanitatem obiectionis.

Resp. 2. negando maiorem. Ad probationem concessa maiori, nego minorem. Ad

probationem minoris nega diuersam illam
 accidentium complexione non deberi vni
 eidemq; formæ etiam indiuisibili in diuer-
 sis partibus totius, quod constit. Forma
 cuius fini sunt operationes diuersæ exigit
 eoispo diuersa instrumenta: ad diuersitate
 autem instrumentorum non requiritur di-
 uersitas substantiæ: cum ex eodem ferro ser-
 ram facias, gladium & securim. Anima igitur
 exigit vnum organum ad audiendum,
 aliud ad imaginandum, & sic de cæteris;
 neq; enim est sicut Faber Delphicus in sua
 officina vno gladio utens ad omnes vsus, sed
 oculo ad videndum, aure ad audiendum,
 &c. eadem autem materia cum diuersa ac-
 cidentium complexione, & per diuersam
 accidentium complexione efformatur in
 oculum, aurem, & sic de cæteris; nomi-
 ne eiusdem materiæ intellige hic eandem
 substantiam, neque enim auris, aut oculus
 est sola materia cum prædictis accidenti-
 bus, sed est ipsamet hominis substantia, cum
 hac & illa accidentium complexione. Quod
 autem eadem indiuisibilis forma diuersimo-
 de sit operatiua, habes ex dictis, vbi patuit
 hoc pertinere ad excellentia ipsius.

Obiic. 2. si organizatio constiteret in so-
 la complexione accidentium, anima recu-
 pereretur organizationem deperditam: cons-
 tit. falsum; ergo & antec. Sequela maioris
 prob. quia forma est naturaliter recupera-
 tiua complexionis accidentium sibi debita;
 vt ostensum est alibi; ergo si organizatio
 consistit in complexione huiusmodi, orga-

niza.

nizatio est recuperabilis ab anima. Minor autem probatur; quia si cui offodias oculum, aut amputes auriculam, aut quodlibet aliud organum labefactes, experientia constat hæc non recuperari ab anima, sicut recuperatur frigus ab aqua & ab alijs alijs qualitates.

Resp. r. rationem cur anima recuperare deberet complexionem illam accidentum, etiam ostendere quod recuperare deberet formas illas partiales. Ideo enim debetur illi vis recuperatiua complexionis prædictæ, quia sine hac non bene se habes secundum modum suæ naturæ: sed neque sine illis formis partialibus bene se habet secundum modum suæ naturæ; ergo debetur etiam illis vis recuperatiua talium formarum; adeoque sumus in hoc pares cum arguente.

Resp. 2. hoc argumentum fundari in æquivocatione qua dicitur arguens: putat enim per complexionem huiusmodi nihil à nobis intelligi, nisi temperiem primarum qualitatum, aut aliarum huiusmodi, puritatis & densitatis. Quotiescumque autem habes seu defectus, seu vitium, seu mala habitudo organi non consistit, nisi in huiusmodi intemperie, toties nisi ab extrinseco impediatur anima recuperare potest perfectionem, seu rectam habitudinem huius velliis organi: dixi: Si non impediatur ab extrinseco: si enim humor defluens in huiusmodi organum impedit actionem naturæ, non est mirum quod debita.

complexio non recuperetur; sicut non esset
 mirum aquam non recuperare frigiditatem
 si in ipsam continuo deplueret ignis, vel
 aliquod aliud corpus calidum. Plerumque
 autem contingit labefactari organum per
 intrusionem corporis noxij, vel per detrac-
 tionem materiæ necessariæ ad ipsius bonâ
 habitudinem. Si quis estodiat alteri oculû,
 non solum tollit temperiem qualitatum,
 sed etiam & partem materiæ, & dispositio-
 nem secundum locum aliarum partium
 eiusdem, & præterea in locum materiæ or-
 ganizatiæ trahit alia corpora, puta sangui-
 nem, aut quemlibet alium humorem in-
 aptum recipere illam dispositionem, quæ ræ-
 quiritur ad rationem organi. Non debetur
 autem ulli formæ, quod possit remouere
 è se etiam corpora noxia, vel in quacumq.
 circumstantia ita illa elaborare, vt fiant in-
 strumentum ipsius. Præterea sæpe contingit
 huiusmodi organa neq. elaborari dum pri-
 mo est viuens, quamuis illi debeantur vt se
 habeat secundum modum suæ naturæ. Quâ
 multi enim surdi nascuntur & muti? Quid
 igitur mirum quod huiusmodi organa in
 quibusdam circumstantiis refici nequeât, si
 etiam in quibusdam fieri nequiverunt? De-
 nique in forma ad argumentum. Resp. di-
 stinguendo maiorem: organizatio esset re-
 recuperabilis in aliquibus circumstantiis: cō-
 cedo; in omnibus: nego & hæc eadem di-
 stinctio sufficit ad ea, quæ sequuntur in
 eadem obiectione.

Obiic. ult. Diversitas substantiæ à sub-
 stan-

stantia non innotescit ; nisi per diuersitatem accidentium : cor , & cerebrum differunt notabiliter secundum accidentia : ergo etiam secundum substantiam. Mai. probatur ; quia diuersitas substantiarum sensibilium apparet per ea per quæ substantiæ sunt sensibiles ; sunt autem sensibiles per accidentia. Min. autem prob. comparando cerebrum cum corde , quæ magis inter se diuersificantur secundum temperiem qualitatum , quam diuersificentur inter se argentum & stannum , æs & aurum , quæ tamen diuersa substantialiter sunt .

Resp. dist. maiorem : innotescit ex diuersitate accidentium quomodolibet considerata ; nego ; speciali aliquo modo considerata : concedo . Quomodo considerata sit ista diuersitas accidentium ad inueniendam diuersitatem inter substantias dictum est supra qu. 4. ar. 1. resp. ad 1. Si cor , & cerebrum essent duo supposita à se inuicem separata sicut stannum , & argentum , recte iudicaretur diuersas esse substantias ; cum , autem ex natura sua coalescant in vnum , cuius sunt partes ; & cui ratione suæ excellentiæ debetur , quod sit principium diuersarum operationum , diuersitas accidentium non sufficit in ipsis ad arguendam diuersitatem secundum substantiam : non enim cor , & cerebrum faciunt vnum per aggregationem & præter intensionem naturæ , sicut v. g. multa metalla in æræ Corinthio ; sed ad id vnum à natura intenduntur , vt integrent vnum per se intentum ab eadem natura .

QVÆ.

Q V Æ S T I O VIII.

Quanam partes viventis animentur.

P Artes viventis accipimus hic secundum latitudinem quandam, itaut nomen partis conveniat non solum cuilibet constituto, sed etiam rei coniunctæ, & adherescenti constituto. Sermo autem est de partibus integrantibus. Discrimen inter-essentials, & integrales alibi indicavimus. Materia, & forma dicuntur essentielles: quia per has saluatur tota essentia rei; puta si ab equo pes vel tibia abscindantur; adhuc manet equus, quia adhuc manet materia informata anima equina: non tamen manet integer equus, sed mutilus, & in hoc etiam apparet differentia alibi indicata. Rursus in eodem vivente, puta in animali dividere solent partes in fluidas, & solidas. Solidas vocant ossa, cerebrum, nervos, & alia huiusmodi: fluidas: pituitam, bilem, & sanguinem &c.

Præterea ex partibus integrantibus, ut ex D. Thoma observat Ruuius, aliæ pertinent ad constitutionem viventis, & huiusmodi sunt ossa, carnes, aliæque huiusmodi; aliæ vero non pertinent ad constitutionem ipsius, sunt tamen necessariae, ut aliæ constituent totum: huiusmodi sunt sanguis, alique humores, quibus deficientibus necesse est animal interire: aliæ denique neque con-

stituunt, neque necessariae sunt, vt alię constituant; sed solum pertinent vel ad commodum, vel ad ornatum viuientis, huiusmodi sunt pili, vnguens, lana, squammę, &c. Hac omnia nomine partium veniunt ad pręsens examen.

Sanguinem non modo esse animatum, sed ipsam animam animalis ex veteribus nonnulli opinati sunt, quibuscum loqui videtur Virgilius: *Purpuream vomit ille animam*. Recentiores, hoc antiquorum errore deposito, solum inquirunt an sit animatus. Affirmant Toletus, Hurtadus, Arriaga. Negant Ruuius aliq. in quorum sententiam nos etiam venimus. Primo, quia non apparet in sanguine vlla operatio vitalis, nec vlla dispositio propria vitaliter operantis. Conficitur autem sanguis à corde, vel hepate, vti suo loco videbimus, & in venas effunditur; transmittiturque per canaliculos, sicut aqua scaturiens à fonte, in vatios riuos dispergitur. Dispositionem autem ad vitales operationes requisitam nec in sanguine, nec in vllò alio humore reperiri facile tibi suadebis ex hoc ipso, quod & sanguis, & quilibet alius humor fluant.

Secundo. Philosophus 2. de partibus animalium cap. 3. ait. Sanguinem esse sanguineis animalibus vltimum alimentum; exanguibus vero id quod loco sanguinis; sed alimentum per nutritionem conuertitur in substantiam aliti; ergo sanguis per nutritionem conuertitur in substantiam al-

animalis: & consequenter pro priori ad con-
 uersionem prædictam non erit substantia
 animalis. Quemadmodum enim cibus an-
 tequam conuertatur in sanguinem non est
 sanguis, sed alia substantia; ita sanguis ipse
 priusquam conuertatur in substantiam ani-
 malis, non est anima, sed alia substantia
 ab animali. Sic autem comparat loco ci-
 rato Philosophus sanguinem cum substan-
 tia animalis, sicut cibum cum sanguine.
 Hinc dicit D. Thom. sanguinem esse par-
 tem animalis in potentia; quia nimirum
 proxime conuertitur in substantiam anima-
 lis; sicut etiam cibus dici potest sanguis in
 potentia; quia per operationem animalis
 cibus conuertitur in sanguinem. Hinc qui
 non sanguificant sunt salutis desperatæ, cum
 animal immediatè nutriatur sanguine, defi-
 ciente autem virtute nutritiva impossibile
 est durare animal; deficiente autem vi san-
 guificante necesse est & virtutem nutritiuā
 deficere, quæ occupatur proxime circa
 sanguinem.

Pro hac sententia asserri solent aliæ argu-
 menta: v. g. quando scinditur vena effluit
 sanguis, adeoq. anima illius animalis est nō
 solum in corpore quod animas, sed etiam in
 vase in quo sanguis excipitur. Hoc argu-
 mentum facile soluitur dicendo exanimari
 sanguinem statim ac erumpit e venā. Di-
 cunt alij non continuari sanguinem cum
 aliis partibus animalis, & probant; quia
 excurrit per venas: quasi vero fluidi cum
 solido, dummodo sint eiusdem substantiæ,
 dari

dari nequeat continuatio seu continuitas: si
cut v.g. si aliqua excurrat per canaliculos ef-
fossos in glacie.

Caro, nerui, & ossa, aliæque partes soli-
dæ animalis sunt ex communi omnium cu-
sensu animatæ. Apparet hoc ex operatio-
nibus vitalibus, quæ per huiusmodi partes
exercentur; ossa enim augentur ab intrinse-
co, adeoque nutriuntur. Immo in his appa-
ret non solum vegetatio, sed etiam sensa-
tio, vt experientia constat. De pilis, vn-
guibus, lana, squammis &c. dicendum est
quod animentur sed anima pure vegetati-
ua, adeoque distincta ab anima animalis.
Huiusmodi enim sunt velut hederæ aliq-
ue plantæ quæ aliis viventibus adhæres-
cunt, & ex eorum succo & excrementis
alimentum trahunt. Hinc in ijs qui abun-
dant humido, videbis crines in longum
excescere, secus in ijs qui siccioris sunt
temperamenti. Propterea saminæ lon-
giores habent crines, quam mares, quia ca-
pitis sunt humidioris. Viuere autem hæc
omnia, patet ex modo quo augentur: &
quia alimentum trahunt ab humore ita
temperato, contingit aliquando etiam in
mortuis illa augeri: neq. enim tale tempera-
mentum humoris statim deperditur: sed in
aliis quidē tardius, in aliis autem celerius;
sicut etiam contingere vides in hedera, quæ
aliquandiu etiam viuit mortua planta cui
adhærescit, cum qua deinde & ipsa interit:
quod etiā accidit capillis & vnguibus &c.
quæ tandem & ipsa moriuntur, mortuo ani-
mali cui adhærebant.

De

De cornibus animalium dubitator an eadem anima viuant qua viuunt animalia cornuta. In hac dubitatione sentiendum est cum Philosopho, cornua videlicet eiusdem esse substantiæ cuius sunt dentes, & eadem cum ipsis vita viuere. Hinc in animalibus cornutis contingit in maxilla superiori deesse dentes, eo quod materia sursum abeat in cornua. Viuere autem dentes anima pure vegetatiua est sententia satis communis.

Adipem, sæuum, lac; medullam odium censemus non esse animata. De sæuo probatur Aristotelis testimonio, qui secundo de partibus animalium cap. 5. ait sæuum & adipem esse sanguinem concoctum. Sanguinem autem non viuere probatum est supra per eundem Philosophum. Sæuum ab adipe differt per hoc quod si terreum adeoque magis densum; vnde fieri dicitur ex sanguine terriori. Medulla ossalis non differt substantialiter à sanguine; est enim eiusdem portio quadam crassior, transfusa ad concauitates ossum, vt ad eorundem nutrimentum deferuiat.

De medulla spinæ aliter sentimus. Putamus enim hanc esse animatam. Fundatur hæc opinio tum in eo quod apparet ex accidentibus ipsius, per quæ ab alia medulla notabiliter differt: tum in eo quod communiter asserunt Medici, eam videlicet eiusdem rationis & substantiæ esse cum cerebro: cerebrum autem viuere, vix cum cerebro neges. Hinc est quod in eadem
me-

medulla apparent multæ venulæ per quas subtilior sanguis ad eiusdem alimentum deferitur; vnde cum in ipsa pateat ad oculum quædam organizatio, dicendum est hanc vitiaiter operari & consequenter viuere.

De lacte autem valet à fortiori id quod dictum est de sanguine, quod idem etiam intelliges de bile, pitura, phlegmate aliisque humoribus, quæ in corpore animato ad ipsius conseruationem sunt.

Obiic. 1. Philosophus pluribus in locis sanguinem & alios humores numerat inter partes animalis. Immo nos etiam hic partes animalis diuisimus in solidas & fluidas; sed partes animalis sunt animatæ; ergo sanguis & aliæ huiusmodi viuunt. Item libro tertio de histor. Animal. capit. 19. ait. Quamdiu vita seruatur sanguis animatur & feruet. Confirmatur hoc idem authoritate Sacræ Scripturæ, nam Leuitici 17. dicitur: anima carnis in sanguine est.

Resp. quod & Philosophus & nos cum Philosopho enumerando partes animalis, nomine partium vsi sumus ampliatiue ad ea omnia quæ per naturalem coniunctionem pertinent ad animal. Quando autem loquimur de animatis, strictus loquimur. Ad illud Philosophi dic per sanguinem animatū & feruentem nihil aliud intelligi quam sanguinem ebullientem & excurientem per uenas, ijs spiritibus plenum, quibus vitur animal ad ipsum sanguinem concoquendū

& in substantiam aliti conuertendum. Hoc fere modo etiam aquę scaturientes è fontibus & per riuulos decurrentes, dicuntur aquę viuę, ad differentiã aquarum torpentium: quę dicuntur aquę mortuę; quia nimirum primę motum habent, & per motũ aliquam similitudinem vitę, secundę vero mortuorum instar, manent immotę. Ad illud Leuici dic animam esse in sanguine causaliter & conseruatiue, quia sine sanguine caro nostra uiuit.

Obiic. 2. sanguis non conuertitur immediate in substantiam aliti: ergo non est immediatum alimentum animalis: ergo dici nequit quod non uiuat ex eo quod sit alimentum animalis. Prob. antec. experientia quam ob oculos habuere frequenter Medici. Constat enim conuerti prius in rorem deinde in cambium, deinde in glutem, & ultimo in carnem.

Resp. 1. neg. ant. Ad prob. admitto Medicorum fidem, & experimentum; sed mutationes illę intermedię non sunt substantiales, nam etiam gluten est idem sanguis magis coagulatus, & per hoc aptior mutari in carnem. Pręterea etiam si des mutationes illas esse substantiales, adeoq. sanguinem ipsum non esse immediatum alimentũ nihil das contra te. immo valet à fortiori; si enim alimentum proximum anima caret, multo magis remotum.

Obiic. 3. Si sanguis non est animatus Verbum Diuinum assumpsit naturam in animatam: consequens est falsum; ergo &

antecedens. Sequela maioris probatur; quia Verbum Diuinum assumpsit sanguinem.

Resp. distinguendo; assumpsit natura inanimatam & impertinentem ad naturam animatam; nega; sed pertinentem ad animatam naturam; concede; & eodem modo distincta minori; nega conseq. Quomodo autem tam sanguis, quam alii humores, spiritusque vitales ad naturam assumptam pertineant, dictum est supra.

Obiic. 4. Sanguis mouetur in omnem partem; sed huiusmodi motus est proprius viuientium; ergo sanguis uiuit. Idem valet, vt vides, de aliis humoribus.

Resp. dist. antec. Sanguis mouetur in omnem partem a principio intrinseco; nego; à principio extrinseco; concedo maiorem; & eodem modo distincta minori; nego conseq. Mouetur sanguis in omnem partem. hoc est per venas diffunditur in omnem partem sese diramantes, vt patet; sed per impulsu receptum à partibus animatis, ipsum in omnem partem pellentibus; pellunt autem mediis quibusdam spiritibus, quibus abundant & feruet.

Obiic. vltimo. Sequitur ex dictis in eodem viuente esse plures animas; consequens repugnet aliqui dictis; ergo & antecedens. Sequela maioris probatur; quia in eodem animali datur anima sensitiva qua animantur aliquæ partes, puta cor & ossa, & anima pure vegetatiua, qua animantur aliquæ aliæ, puta capilli & vngues.

Resp. negaudo sequelam maioris Ad probationem.

bationem dic capillos & ungues, & alia huiusmodi non esse partes animalis rigorose dictas, sed corpora seu viuentia, quæ animaliadnascuntur, & ex eius superfluo viuunt, vt dictum est supra.

Q V Æ S T I O XI.

De potentijs animæ.

A R T I C V L V S I.

*An à se inuicem & ab anima distin-
guantur.*

IN homine potentias animæ alias esse organicas, alias inorganicas supponimus hic, alibi probatur. Organicae dicuntur, quæ per organum corporeum, in organica quæ non per organum corporeum suas operationes eliciunt. Primi generis sunt potentia visua, auditua, & alia huiusmodi, quæ dicuntur potentia sensitivæ. Secundi generis sunt intellectus & volûtas, Anima enim per oculum videt, seu potius oculus anima informatus videt, & auris anima informata audit, nullum autem organum aut intelligit aut vult, quia nullo organo corporeo operationes huiusmodi eliciuntur ab anima. Quaritur autem hic an potentia huiusmodi, tam primi videlicet quam secundi generis inter se, & ab anima distinguantur. Affirmant Thomistæ satis communiter, & cum ijs Suarez, Ruuius &c.

Ne-

Negant Hurradus, alijque recentiores cum Nominalibus.

Ad resolutionem quæstionis obseruandū est potentias animæ dupliciter considerari posse. Primo itaut nomine potentiæ veniat principium adæquatum elicitium operationum, quæ tali potentiæ tribuuntur: puta itaut nomine potentiæ visuæ veniat principium adæquatum elicitium visionis. In hac consideratione non venit solum id quod est, vel residet in anima, sed ipsum etiam organum simul cum anima, vel cum ea potentia, quæ animæ inest, ad operandum. Secundo potest nomine potentiæ vitalis intelligi solum illud principium quod in anima est, simulque cum organo influit in operationes prædictas. In prima acceptione certum est potentias distingui ab animâ includunt enim præter animam, organum ipsum, adeoque distinguunt ab ipsa, vt totum à parte, vt includens ab incluso. Præterea, sicut distinguuntur ab anima, distinguuntur etiam inter se; oculus videlicet ab aure, cum ista duo dicant dissimiles accidentium complexiones. Obiter nota animaduersionem hanc nostram esse in gratiam potentiarum sensitiuarum: conuenit enim inter nos & Aduersarios tam intellectum quam voluntatem esse in organicas; adeoque non posse accipi nisi vel pro anima ipsa, vel pro aliquo animæ inexistente. Controuersia igitur est an potentiæ animæ secundum id quod superaddunt organo, hoc est secundum id quod se tenet ex parte animæ,
fines

sint anima ipsa , aliquid animæ superad-
ditum . In qua .

3. Dicendum est potentias animæ , nec ab
anima , nec inter se distingui . Secunda pars
conclusionis probatur per primam . Quæ
identificantur vni tertio identificantur in-
ter se , sed potentiæ animæ identificantur
vni tertio , videlicet ipsimet animæ , ergo
identificantur inter se . Minor quæ est no-
stra conclusio probanda est primo auctori-
tate Augustini , aut certe operis inter opera
Augustini inserti , libro 3. de Spiritu & A-
nimo capit. 4. ubi sic habet . *Sensus vero
unus est in anima , & quod ipsa , & cum
corpus non sit , corporeus dicitur , quia cor-
pus non transcendit , vel quia à corporeis
exercentur instrumentis , unde ob numerum
instrumentorum quinquapertitus dicitur ,
cum intus non sit nisi unus , verumtamen
propter varia exteriora variatur & varie
nuncupatur , dicitur namque sensus , ima-
ginatio , ratio , intellectus , intelligentia ,
& hæc omnia in anima nihil aliud sunt quam
ipsa .*

Idem eodem libro capit. 13. sic habet ,
*Anima est spiritus intellectualis rationalis ,
semper viuens , semper in motu , bonæ ma-
læque voluntatis capax secundum benigni-
tatem Creatoris , atque secundum sui ope-
ris officium varijs nuncupatur nominibus ,
dicitur namque anima dum vegetat , spiri-
tus dum contemplatur , sensus dum sentit ,
animus dum sapit , dum intelligit mouet ,
dum discernit ratio , dum recordatur me-
mo-*

moria, dum vult voluntas. Iste tamen non differunt in substantia quemadmodum in nominibus, quoniam ista omnia una anima est. Hæcibi, & alia, quibus nihii dici potest clarius pro identitate potentiarum inter se & cum anima.

Probatur 2. auctoritate Philosophi dicentis animam esse id quo vivimus, movemur, sentimus, & intelligimus: si enim anima ipsa & sentimus & intelligimus, non est cur animæ prædictas potentias superaddas. Quod si dicas animam esse id quo radicaliter: non autem id quo formaliter: hoc est esse quidem principium radicale & remotum, non autem formale & proximum sentiendi & intelligendi; oportet ut probes rationem principi formalis & immediati non posse animæ convenire. Postea autem probatur evertendo principia quibus opposita sententia sustinetur. In primis quod dicitur apud Philosophum de substantia, quod non operetur nisi mediante virtute à se distincta; intelligi debet de actione in extraneum subiectum, ut patet ex dictis in libris de Ortu & Interitu; dum autem animam dicis per se ipsam immediate elicere suos actus vitales non ponis substantiam operantem in extraneum, vel enim actus vitales recipiuntur in toto, vel aliqui in toto, aliqui dumtaxat in parte, hi siue recipiantur in anima ipsa ut sunt actus immateriales, siue in sola materia; ut essent actus materiales, numquam recipiuntur in subiecto Animæ extraneo, cum nec anima

sibi, nec materia animæ unita intinsece, sit extranea. Si igitur etiam substantiæ, quæ in extraneum agunt per virtutem à se distinctam, sunt in seipsis per seipsas operatiuæ, & illius eiusdem virtutis principium, quæ agunt ad extra, anima quæ non ad extra, sed intra agit, bene poterit esse suarum actionum principium immediatum.

Confirmatur hoc ipsum: quia ipsæ potentia animæ debent ab eadem anima, ut à suo principio immediato, emanare: igitur non repugnat, nec est contra limitationem substantiæ creatæ. quod sit alicuius rei per seipsam immediate productiuæ: si autem alicuius rei, cur non suarum operationum? Potentiæ ipsæ non sunt immediate nisi ab anima ipsa, ut à principio sui; ly *nonnisi* non excludente dependentiam à causa prima, ut alibi dictum est: igitur ipsæ, quæ plures sunt suam actus ipsarum, possunt immediate esse ab anima, poterunt etiam & ipsi actus: & consequenter cum anima detur esse principium immediate productiuum: congruentius dicitur operationum quam potentiarum.

Confirmatur hoc vltcrius. quia actus liberi animæ sunt ab anima; & consequenter debet anima per seipsam in suos actus insperere, si autem per seipsam, non est cur potentiam ab ipsa distinctam illi superaddas. Esse ab anima prædictos actus probatur: quia *Anima, quæ peccauerit, ipsa mer-*
rie.

rietur. Da igitur ab anima non esse actum liberum, sed à voluntate distincta ab anima: dabis animam non peccare. Si enim voluntas seipsa se determinat ad hoc vel illud opus: quid hoc ad animam: nisi forte dicas hanc voluntatem esse animæ voluntatem. Verum ita est voluntas animæ ut non sit in potestate animæ habere vel non habere voluntatem: neque enim anima est principium liberum voluntatis & intellectus, quasi in ipsius electione situm sit, ut ab ipsa profluant vel non profluant prædictæ potentiæ: quod igitur in ipsa & ex ipsa sit voluntas, non est in ipsius potestate; quod autem voluntas quæ ab ipso & in ipsa est, hoc vel illud obiectum prosequatur aut fugiat, nec est ab ipsa. nisi per seipsam flectat in hanc vel illam partem voluntatem suam, hoc est determinet illam ad hunc vel illum actum. Quod si dicas seipsa voluntatem determinari ab anima ad hoc vel illos motus, cum illæ determinationes sint liberæ, has ipsas intelligimus nomine actuum, & in illis formaliter consistit agere, seu operari anime. Hoc modo si res accadat, recte intelligis quomodo voluntas non feratur in incognitum: quandoquidem eadem anima quæ intelligendo dicitur etiam intellectus, dicitur etiam volendo voluntas. Si autem & voluntatem ab intellectu, & utrumque ab anima distinguas: cum ferri in obiectum sit solus voluntatis; cognoscere, solius intellectus, difficile explicabis quomodo vo-

luntas non feratur in sibi cognitum. Si vero dicas animam ferri voluntate in id, quod intellectu cognoscit, determinationem ad motus huiusmodi petis ex anima ipsa, & consequenter facis animam per seipsam immediate operatricem. Posito autem, quod per seipsam operetur frustra potentia adiutorium requiris, cum præcipue ad actus innumerabiles illud ipsum adiutorium, puta ad omnes actus liberos determinari debeat ab anima, dictum est supra.

ARTICVLVS II.

Satisfit objectionibus.

Objecitur 1. autoritas Augustini Epist. 102. ubi Trinitatem aliquatiter explicans sic ait. *Ad hoc utcunq. intelligendum assumimus memoriam, intelligentiam voluntatem.* Et paulo post: *nec ideo putanda sunt hæc tria Trinitati sic comparata, ut omni ex parte conueniant.* Deinde; primo ergo in hoc inuenitur ista similitudo dissimilis quod tria hæc memoria, intelligentia, voluntas animæ insunt: non eadem tria est anima; illa vero Trinitas non inest sed ipsa Deus est: Ergo Augustinus qui superiori articulo adductus est pro identitate potentiarum cum anima, ponit reipsa distinctionem potentiarum ab anima.

Resp. conc. antec. quod videlicet ita loquatur Augustinus, negando consequentiam,

tiam. Non enim pro memoria, intelligentia & voluntate accipit ibi potentias ipsas, sed actus potentiarum, qui sunt distincti & ab anima & inter se. Ideo inquit ipsa mirabilis simplicitas commendatur quia non ibi aliud est esse, aliud intelligere, vel si quid aliud de Dei natura dicitur: cum in anima aliud sit esse, aliud intelligere; nam eadem anima manens modo intelligit modo non; & sic de aliis actibus.

Obiic. 2. Est absurdum ex terminis quod intellectus velit, & volentes intelligat: si autem potentia identificantur, intellectus vult & voluntas intelligit; ergo &c. Confirmatur, quia multi homines optimi intellectus male volunt, multi optimæ voluntatis male intelligunt; ergo excellentia intellectus non est excellentia voluntatis ne à conuerso. Explicatur hoc idem. Potest aliquis habere optimum intellectum, & pessimam voluntatem; optimam voluntatem & pessimum intellectum; ergo intellectus & voluntas distinguuntur inter se realiter.

Huiusmodi argumentis satisfactum est in Logica. In homine secundum rationes metaphysicas considerato, non sunt duo realiter principia; vnum sentiendi, alterum discurrendi; contingit tamen vnum hominem bene sentire, hoc est perfecte exercere operationes sensitiuas; & male discurrere; vel contra bene discurrere, & male sentire: quod autem ab eodem principio indiuiduali exeant operationes variæ, aliæ

bonae, alia male, non est nouum. Ad argumentum in forma; nega maiorem: tam enim non est absurdum quod intellectus velit, & voluntas intelligat, quam non est absurdum quod eadem anima sibi sit suus intellectus & sua voluntas. Hoc esset absurdum si neq. intellectus neq. voluntas eū anima aut inter se identificarentur. In quo etiam esset illud aliud absurreum quod vere voluntas incognoscens amaret. Resp. 2. distinguendo mai. est absurdum quod intellectus velit, & voluntas intelligat in sensu formali. concede; in sensu reali; nega: hoc enim principium comparatum cum tali genere operationum, puta cum intellectione, recte sortitur nomen intellectus, male nomen voluntatis; comparatum cum alio; puta cum volitione, recte sortitur nomen voluntatis, male autem intellectus. Ad cetera patet ex dictis. Est mala voluntas & bonus intellectus bonitate quoad aliqua & malitia quoad alia. Idem enim principium volendi & intelligendi elicit aliquas operationes bonas, & respectu illarum dicitur bonum; elicit alias vel non bonas vel malas, & respectu illarū dicitur vel non bonum vel malum: bonitas autem illa & malitia cadit supra rem hoc vel illo nomine denominatam, prout est in hoc vel illo genere operandi.

Obijc. 3. Posita identitate potentiarum inter se, & cum anima oculus audit, & auris videt; conf. est absurdum: ergo & ant. Sequela mai. prob. quia potentia auditiva est

est auris, visiva est oculus: visiva autem & auditiva sunt idem: ergo idem videt & audit, & consequenter oculus audit, & auris videt.

Resp. neg. sequelam mai. Ad probationem dictum est supra, ubi diuisæ sunt potentia organica ab inorganicis. Potentia visiva adæquate sumpta includit hoc tale organum: auditiva vero hoc aliud; & consequenter si vtramque adæquate accipias, vnā ab altera distingues. Quod si de potentia visiva nihil aliud accipias, quā quod in anima est: idem est in anima id quod cum organo visus elicit visionem, ac quod cum organo auditus elicit auditionem. Similiter respōdebis ad aliud quod obijci solet. Potentiam videlicet visivam remanete in anima etiam separata, & sic de alijs quæ tamen sunt potentie materiales; adeoq. manere in anima aliquid materiale: immo animam esse quid materiale, quandoquidem anima est suæ potentia. Non est in anima aut identificatum cum anima omne id quod includitur in potentia visiva, vel auditiva vel alijs huiusmodi adæquate sumptis. quando quidem sic includunt organa corporea, quæ non sunt anima; sunt autem huiusmodi in anima, immo potius anima ipsa, sumantur inadæquate, hoc est pro principio per huiusmodi organa eliciente hos & illos actus: quod nihil aliud est quā eandem indivisibilem animam vno organo vti ad vnum, alio ad aliud genus actuum.

Obije. vlc. Actus attingentes obiectum sub diuersa ratione formali sunt diuersarum potentiarum; intellectio & volitio sunt actus huiusmodi; ergo sunt & diuersarum potentiarum. Mai. prob. ex communi axioma: quod videlicet ratio formalis sub qua fit specificatum potentiarum. Hinc dicitur potentia visiva specificari à calora, auditiva à sono. Min. etiam prob. quia intellectiuo mouetur ab obiecto, & ad obiectum sub ratione veri; volitio autem sub ratione boni. Hoc eodem argumento probatur efficacius distinctio inter potentias sensitivas: est enim certum visiuam non moueri à sono, nec auditiuam à colore.

Resp. negando maiorem, vel si vis distinguendo; sunt diuersarum potentiarum in sensu formali: concedo: in sensu reali: nego; Anima vt intellegens, hoc est comparata ad intellectionem dicitur intellectus, sicut volens seu comparata ad volitionem, dicitur voluntas: ad intelligendum autem mouetur à ratione obiecti vt reali, seu potius ab intelligibili seu à vero, hoc est ab obiecto illi apparente seu representato per species & phantasmata, seu proprias seu alienas obiecti intellecti: ad volendum autem à bonitate vel apparente vel vera, semper autem representata in obiecto. Ad probationem maioris eodem modo distingue: potentia in sensu formali specificantur ab hac vel illa ratione formali sub qua: concede; in sensu reali; distingue iterum: specificantur ab hac vel illa adæquate; nega; inadæquate: concede.

Spe-

Specificatum adæquatum potentia intellectiva realiter accepta non est sola ratio veri, sed omnis ratio sub qua anima cui identificatur ferti potest in obiectum, aut fugere ab obiectis. Ad illud de potentijs sensivis dictum est species illas distingui & à se inuicem, & ab anima prout includunt instrumenta corporea inter se dissimilia: eadem autem anima ad hos aut illos àctus movetur per hæc aut illa organa, in quantum hæc aut illas species per illa recipit à quibus determinatur ad àctus: recipit autem species coloris non per aures, sed per oculum: species soni non per oculum sed per auerem. Cæterum eadem indivisibiliter quæ ab his determinatur ad unum, ab illis determinatur ad alium àctum: ubi observa animam ipsam multis alijs cōprincipijs indigere ad operandum, puta speciebus, habitibus &c. adeoque nullum esse periculum ne in nostra sententia minus limitata videatur, quam deceat substantiam creatam.

Q V Æ S T I O X.

De subiectum actuum vitalium.

Eorum actuum quos anima elicit non per potentias sibi superadditas, sed per se ipsam, subiectum querimus in præsentia. Pro quo sciendum est actuum vitalium alios esse spirituales, alios materiales. Materiales sunt qui exigunt esse a

potentia constituta in ratione potentia: adæquate par materiam physicam & accidentia corporea, Spirituales qui nati sunt elici à potentia constituta in esse potentia: adæquate absq. materia physica. Primi generis sunt actus vegetandi & sentiendi; secundi generis sunt actus intelligendi & volendi. Supponendum est autem non repugnare duplicem causam sustentatiuam eiusdem formæ, saltem si utralibet seorsim accepta sit solum partialis. Hoc modo nec repugnat duplex causa efficiens eiusdem numero effectus. Hoc posito.

Dico 1. actus spirituales recipi in anima sola. Probatur conclusio: quia huiusmodi actus sunt etiam animæ separata, immo sunt communes animæ & substantiis, seu formis nullum ordinem dicentibus ad materiam physicam; ergo huiusmodi actus sunt ex natura sua independentes à materia physica. Si autem sunt independentes à materia physica, habent pro subiecto sufficienti solam animam. Propterea dicuntur immateriales, non quod quodlibet principium à quo sunt, sit realiter extra omnem materiam: anima enim etiam in corpore existens & intelligi & vult, sed quod sint omnino independentes à materia, adeoque neque pro subiecto inadæquato habeant materiam.

Dico 2. sensationes, siue operationes animæ sensitivæ vitæ reciduntur in toto: Huiusmodi sunt auditio, visio &c. Probatur autem Conclusio: quia nec in anima sola

la nec in sola materia: recipiuntur vero in aliquo subiecto; ergo in toto. De materia communiter aiunt quod sit subiectum huiusmodi actuum, nam visio corporea recipitur in toto organo, à quo est, idem dic de aliis actibus huiusmodi; constat enim organa per actus huiusmodi intrinsece immutari. An ipsa etiam anima subeat rationem subiecti controuertitur. Probatur autem quod sic, quia per huiusmodi actus anima formaliter & in actu secundo viuit: ergo non solum elicit sed etiam recipit huiusmodi actus. Quod anima viuat per actus prædictos, nequit negari, Prob. igitur consequ. quia viuere est mouere se motu in creatis distincto ab eo quod mouet se: & consequenter mutare se intrinsece: causa autem per hoc quod agat non mouet se: puta ignis per hoc quod calefaciat, non mouet se, sed calefactibile, vt patet ex dictis in Physica: mouet igitur se mouens per hoc quod ipsum sit suæ actionis subiectum: adeoque si vitaliter operans necessatio mouet se, necesse est vt sit suæ operationis subiectum. Vbi obserua nos specialiter agere de vita animæ; neq. enim solum verum est quod homo viuat, sed etiam quod anima: quamuis enim aliquæ denominationes aptius cadant supra totum hominem, denominatio tamen videntis æque apte cadit supra animā: puta aptius forte dixeris; homo videt; homo audit; quam; anima videt, anima audit: non tamen aptius; homo viuit, quam; anima viuit.

De actibus animæ vegetantis vt talis, hoc est de nutritione, augmentatione &c. vt statuatur: considerandum est substantias quæ viuunt alias esse adæquate materiales, alias solum inadæquatæ (sermo est de viuentibus sensibilibus) Brutum est substantia adæquatè materialis & viuens, homo vero non ita. Quamuis enim sit simpliciter materialis, quia constat ex materia physica: habet tamē alterum ex constitutiuis, videlicet animam, immateriale. Propterea diuersimode philosophantur nonnulli circa actus animæ vegetantis, aientes in substantijs adæquate materialibus, quales sunt brutum & planta recipi in toto: in substantia autem solum ratione vnius partis materiali, in homine scilicet, recipi in sola materia. Ratio disparitatis est obuia, nam in homine nutrirī nequit pars vtraq. hominis constitutiuā, aut augmentari neq. enim est huiusmodi motuum capax Anima rationalis. cum in bruto, cuius Anima supponitur hic materialis non solum, sed etiam diuisibilis, vtraq. pars sit capax & augmentationis per additionem partis ad partem: & diminutionis per detractionem partis à parte. Hoc idem etiam apparet in alio actu pertinente ad Animam vegetatiuam vt talem; videlicet in generatione: planta v. g. generans plantam, aut equus equum, attingit actione generatiua tum formam plantæ tum formam equi, non solum vt terminum quem communicet, sed vt terminum quem producit, Quod non contingit
in

in generatione hominis . His non obstantibus .

Dicendum est actus vegetatiuos recipi in materia sola . Hæc conclusio vniformiter decidit & circa actus vegetatiuos hominis & circa actus vegetatiuos bruti & plantæ . Probatur autē: quia huiusmodi actus nō recipiuntur in Anima : ergo recipiuntur in materia sola . Probatur antecedens: quia tam nutritio quam augmentatio , si sit in viuente adæquate materiali, puta in bruto , est productio vel nouæ partis Animæ simul & nouæ vnionis , vel productio solū nouæ vnionis , quo pars Animæ vnitur materiæ de nouo aduenienti: huiusmodi autem productio non recipitur in Anima : ergo &c . Probatur minor, quia actio eductiua formæ aut vnionis formæ cum materia , nec in forma recipitur, nec in ipsa vnione, sed in sola materia vt habes ex dictis in Physica: igitur actio illa nutritiua & augmentatiua non recipitur nisi in materia, cui communicat, vel ex qua educit nouam Animæ partem . Hinc per huiusmodi actionem dicitur anima viuificare nouas partes materiæ, quas viuificando præexistentibus partibus aggenerat . Hoc in viuente adæquate materiali .

In homine autem res aliter contingit . Nihil enim animæ de nouo producitur, sed solum vnioni præexistenti nouæ superadduntur particulæ, quibus eadem indiuisibilis anima materiæ de nouo adueniendi communicatur . Actionem productiuam talis vnio-

nionis non recipi in Anima probatur: quia unio non educitur de potentia Animæ, sed de potentia materiæ, ut alibi dictum est: actio autem in illo recipitur de quo educitur terminus actionis. Dum autem dicis actionem nutritiuam recipi in sola materia, intellige in materia non præsuppositiue animata; hæc enim ipsa actio cum sit communicatiua animæ ad nouam materiam, est actiua animatio, seu viuificatio eiusdem materiæ. Quod dictum est de actione nutritiua & augmentatiua, proportionaliter dic de generatiua: hæc enim immutat intrinsece illam materiam ex qua educit vel formam simul & unionem, vel solam unionem. De nutritione, augmentatione, & generatione, qui sunt actus Animæ vegetantis ut talis dicetur infra ex professo.

Obiecitur 1. Actus spiritualis neque partialit subiectatur in materia; ergo actus materialis neque partialiter subiectatur in Anima spirituali. Sermo est hic de subiecto inhaesionis. Probatur antec. quia eo ipso quod aliquis actus subiectiue pendet à materia eo ipso est materialis: Conseq. autem probatur: quia si sufficit actui spirituali sola anima ipsum eliciens pro subiecto, actui materiali sufficiet pro subiecto sola materia.

Resp. conc. antec. eiusque probatione, negando conseq. Denominatio rei spiritualis est, ut alibi diximus negatiua, excluditque dependentiam à materia. Deno-

mina-

minatio autem rei materialis est positiua : adeoque ad ipsam sufficit quod res à materia pendeat ; quicquid sit an prateram pendeat à forma spiritali. Ad probationem consequentiæ dic Animam per sensationem sentire, sentire autem est intrinsece immutari : est enim sensatio affectio quædam rei sentientis. Vbi aduerte nos non ponere actum sentiendi in Anima ex hoc præcisè quod actus huiusmodi sit actus viuientis, sed ex hoc quod sit vita ipsius Animæ, de qua recte dicitur quod sentiat.

Obij. 2. Forma nequit naturaliter recipi in subiecto cui nequit præbere suum effectum formalem : sed actu materialis, qualis est sensatio, nequit Animæ rationali præbere suum effectum formalem ; ergo nequit naturaliter recipi in Anima rationali. Maior probatur : quia ideo forma ponitur in subiecto vt tribuat illi suum effectum formalem. Minor etiam probatur : quia actus materiales sunt diuisibile, extensi &c. esse autem extensum & diuisibile conuenire nequit Animæ rationali.

Resp. transmissa maiori, negando minorem. Effectus formalis sensationis non est *diuisibile & extensum* : neq; enim sensatio est diuisibilitas aut extensio sui subiecti, sed *senties* : esse autem sentientem habet formaliter Anima per sensationem.

Obijc. vltimo. Actus vegetatiui sunt actus vitales ; ergo recipiuntur in Anima à qua sunt. Antec. est certum, conseq. probatur : quia per actus huiusmodi Anima
viuit:

vinat : sed subiectat actus per quos viuunt ;
ergo &c.

Resp. conc. antec. negando conseq. Ad
probationem nega maiorem : per actus hu-
iusmodi Anima viuificat materiam quam
sibi adiungit, & quam de nouo informat :
adeoque viuunt quidem efficienter per hu-
iusmodi actus : non autem formaliter : viuunt
etiam argutiue & præsuppositiue : quia
actus huiusmodi nequeunt esse nisi à viuente :
vbi nota quod non quemadmodum
Anima sentit, sic etiam vegeatur, sentire
sonat passionem & affectionem sentientis :
vegetare autem sonat actionem : Anima igitur
sentit & vegetat : & dum sentit dicitur
sensus, dum vegetat Anima ; ad rotationem
igitur Animæ sufficit vegetare ; quod non est
immutari ; sed immutare, vbi aduerte me nō
negare quod viuens per actus vegetandi for-
maliter viuat, ipsum enim formaliter in-
trinsece immutatur per actus huiusmodi ;
sed quod anima huiusmodi actibus præsub-
posita per ipsos formaliter & intrinsece im-
mutetur, per modum subiecti talium actuum.
Dixi per modum subiecti talium actuum :
quia in materialibus quidem dici potest hanc
immutari per conjunctionem sui, & notis
partibus animæ, & materiæ aduentitiæ : in
homine autem solum per conjunctionem
nouæ materiæ.

Denique observa per operationem vege-
randi non immutari intentionaliter subie-
ctum, propterea non requirunt pro sub-
iecto animam, Per sensationes autem, cum
hæ

hæ sint actus intentionales, immutatur subiectum intentionaliter, & propterea requirunt pro subiecto potentiam intentionalem. quæ nequit esse sola materia, sed vt talis includit essentialiter animam.

DISPUTATIO II.

De singulis Animarum speciebus.

QVÆSTIO I.

De Anima vegetatiua.

ARTICVLVS I.

De Nutritione.

Omniam animarum, ait Philosophus, communissima est vegetatiua, quæ nimirum & ad pure vegetatiua, & ad sensitiua & ad intellectuua pertinet. Vnde quamuis sit infimus gradus viuendi, est tamen omnium vniuersalissimus, De hac agimus hic ipsius facultates examinando. Facultates igitur Animæ vegetatiuæ recensentur à Philosophis omninò tres, iuxta tres præcipuas operationes, quæ ab eadem Anima sunt: nutritiua: augmentatiua: generatiua. Obiectum enim operationis vegetatiuæ est corpus vel conseruandum per nutritionem, vel augendum per augmentationem, vel propagandum per generationem. Per nutritionem
sepa-

separat Anima partes absumptas tum à calore proprio, tum à causis extrinsecis. Per augmentationem viuens promouet se ad maiorem magnitudinem. Per generationem propagat se in indiuidua sibi similia.

Nutritio durat toto tempore vitæ; vnde est illud Alexandri medici; *vacatio à sensibus est somnus, vocatio à nutritione est mors*. Augmentatio nō durat toto tempore vitæ, sed quamdiu viuens peruenerit ad magnitudinem sibi debitam, debitā inquā attentis omnibus circūstantiis. Sicut enim non omnes homines sunt boni: ita nec omnes magni; iuxta illud Satyrici: *Terra malos homines nunc educat, atq. pusillos*. In homine augmentationem durare aiunt ad annos circiter 24. post quos ædificio, seu magno seu paruo, tectum imponitur. Generatiua non incipit in ipso vitæ initio, sed post aliquod tempus; quod quotidie apparet in hortis, lactuca enim prius perficit se secundum suam naturam, quam per semen à se productum sit idonea generationi similium lactucarum. Ratio Hypocrautica est, quia viuens generat ex abundanti, immo ex superfluo.

Diximus vacationem à nutritione esse mortem, non quod viuens semper indigeat externo alimento. Multa enim multo tempore nutriuntur succo suo. Quando nutritiua plus reparat, quā quod deteritur per actionem caloris aut alterius causæ est augmentatio quando minus, est diminutio: vnde patet facultatem augmentatiuam includere nu-

nutritiuam, adeoque non esse contradistinctam ab ipsa. Prædictæ facultates secundum id quod dicunt de Anima, non sunt aliquid ab ipsa distinctum, ut patet ex dictis: utitur autem Anima ad operationes huiusmodi non solum organis, sed etiam qualitatibus corporeis, ut etiam alibi dictum est.

Facultati nutritiuae quatuor aliæ facultatis obseruiunt: nimirum attractrix alimenti: retentrix: concoctrix, & expultrix excrementorum. Nam ad vitam viuentis necessarium est alimentum attrahi: attractum retineri; retentum concoqui: de concocto autem pars conuertitur in substantiam aliti, pars expellitur in excrementa. Qualibet ex his facultatibus deficiente, actum est de viuente.

Definitur autem nutritio: reparatio partium deperditarum per conuersionem alimenti in substantiam aliti. Requirit ad rationem alimenti Philosophus quod sit mixtum substantiale potestate viuens, partim simile & partim dissimile alito. Per hoc quod sit mixtum excluditur ratio alimenti à puris elementis: quicquid sit quod fabulantur de Salamandra & Camaleonte. Per hoc quod si partim simile, partim dissimile, aptum est actioni aliti, adeoque conuersioni in ipsum; nam ut ostensum est alibi, agens secundum qualitates alteratiuas, debet esse in eodem genere cum passio, adeoque in aliquo simile ipsi & simul contrarium passio, adeoque dissimile. Ad describendum hic ordinem nutritionis sequimur modum apud Anatomi-

stas

stas receptum. Hunc autem in homine describimus, ex quo licebit cum in aliis viventibus contemplari.

Primo igitur homo fame stimulatus, hoc est appetitu calidi & sicci cibum sumit, illumque in ore præparat ad primam concoctionem, quæ fit in ventriculo. Quia autem præparatio huiusmodi fieri debet per humectationem & contritionem cibi: ad hanc natura dedit homini triplex dentium genus: nam quatuor dentes anteriori tam supra quam infra, sunt acuti & lati, cultrorum instar, ad incidendum cibum idonei: post acutos & latos utrinque sunt alii apti ad perforandum: post hos sunt utrinque molares, quorum officium est cibum incisum atque diuisum molere atque conterere, lingua interim hac illac cibum versante.

Ad humectationem vero cibi sic conterendi: circa extremitates palati sunt duæ glandule, quæ salivam è cerebro stillantem excipiunt, eaque cibum affundunt. Hæc functio, quicquid dicat proverbiū, non est concoctio, sed præparatio ad primam concoctionem, ut ait Philosophus 2. de partibus Animal. cap. 3. diciturque proprio nomine masticatio. Cibus hoc modo præparatus ministerio linguæ & esophagi seu gulæ demittitur in ventriculum. Ad radices linguæ adsunt duo canales, unus anterior tendens ad pulmones, per quam respiramus diciturque aspera, seu volis arteria. Huius orificium radicibus linguæ proximum.

vocantur larnix. Alius canalis, posterior videlicet & interior dicitur esophagus seu gula, & per hunc cibus demittitur in ventriculum. Ne vero cibus à lingua demissus incidat in arteriam vocalem; huius orificium tegitur epiglotide. Hanc aliquando dum edimus aut bibimus, contingit eleuari, & micam aliquam vel guttulam infra demitti, vnde gravissimum discrimen imminet, cui non alia ratione melius medeberis, quam si periclitantem valide pugno percusseris, infra vertebra coll.

Ventriculus qui & stomachus dicitur, est veluti bursa quædam plicatilis ab extremo costarum, quæ dicuntur mendosæ, tendens fere vsque ad umbilicum. Maiori ex parte pendet ad sinistram ut compense pondus hepatis in parte dextera collocati. Tunicæ quibus tam esophagus quam ventriculus teguntur, intextæ sunt multis fibris seu filamentis, alijs rectis, ad attrahendum cibum: alijs obliquis, ad illum retinendum, alijs transversis ut cibus tam concoctus & incens in fundo stomachi sursum expellatur & per ianitorem emittatur in intestina: vel etiam, si opus fuerit, erjciatur per vomitum. Habet enim ventriculus duo ostia, primum satis amplum, & quâvis respectu nostri corporis sit in medio, est tamen si cum altero compareretur, sinistrum. Coniungitur hoc cum esophago, & per illud multis circularibus fibris intextum cibus ingreditur: fibre autem cibum à resiliendo impediunt.

Aliud ostium angustius est in parte dextera,

tera, non in fundo stomachi, ne forte cibus nondum concoctus per illud descendat; sed alteri ferre parallelum. Hoc dicitur Ianitor, quia per ipsum cibus concoctus fibrarum ministerio defertur in intestina.

Ex parte superiori est cor, & hepar: hoc ad dexteram, illud ad sinistram: infra est lien, quæ omnia simul cum intestinis adiacentibus maxime fouent calorem ventriculi, quo prima concoctio per modum elixationis conficitur. Ad hanc præter saliuam, quæ deorsum fluit, etiam potus affunditur, humidum, scilicet, & frigidum, ad quod animal tendit per sitim; quæ ideo definitur: appetitus humidi & frigidi. Cibus ita concoctus conuertitur in substantiam quædam fluidum, & albam, quæ dicitur chylus. Chylus autem per Ianitorem ingreditur intestinum, quod in diuersis sui partibus, diuersis nominibus appellatur. Diuiditur autem in sex partes: tria enim sunt intestina subtilia: tria crassa. Subtilia sunt duodenum, ieiunium, & ile, siue ileon; in quibus chylus continetur, concoquitur perfectius, & per natium calorem à facibus separatur. Crassa sunt; cæcum, cololon, & rectum quorum duo postrema cōtinendis facibus maxime destinantur.

Omnia hæc intestina includuntur in reticula, quæ dicitur omentum, constatque duabus membranis ad se reticulatim conspersis. Longitudo intestinorum à Ianitore usque ad successum, continet longitudinem totius corporis circiter septies. Qui bre-
mo-

uiora habent intestina sunt maxime voraces. Hinc lupo, qui hæc intestinorum inuolucra non habet, sed intestinum simplex propensum à ventriculo vsque ad secessum est bestia insatiabilis; ad quam eo magis hominum quilibet accedit, quo magis illi in rectitudine intestini assimilatur. Hinc qui maxime & intemperanter fament, lupino morbo laborare dicuntur.

Intestinis fere vndiq. adhæret mesenterium. Est autem mesenterium pellis quædam crassior, constans duplici tunica, & multis rugis implicata. Habet vndique multos neruos, arteriolas, & venulas, quæ dicuntur meseraicæ: quarum maxima pars coniungitur intestino ieiuno, reliquæ ileo. Hæ venulæ sugunt chylum defæcatum, eūque deferunt ad hæpar, vbi elaboratur in sanguinem. Est autem hepar sub diaphragmate, hoc est sub septo transuerso, quo separantur cor, & organa respirationis, ab organis nutritionis. Suspensum est autem ad dexteram hominis partem, alligatum robustissimo ligamine diaphragmati, & duplici vinculo Peritoneo: hoc est tenui cuiusdam tunice, quæ incipiens à diaphragmate, & deorsum vergens, inuoluit ventriculum, hepar, reticulam, lienem, intestina, vesicam. Ex huius fractione, sicut & ex fractione reticulæ, oriuntur rupturæ, herniæ, & alia huiusmodi!

Porro venæ meseraicæ alię apparent rubræ, alię lacteæ. In primas trāsmittitur sanguis ab hepate: per secundas chylus d. fer-

tur

tur ad hepar. Lactea non apparent, nisi feceretur animal vivum. Experientia fieri poterit in cane quinque, vel sex horas post cibum. Chilus intra seculum per venas lacteas receptus concoquitur, & mutatur in sanguinem; & hæc est secunda concoctio: per quam triplex excrementum fecenitur, videlicet flava bilis, serum, & atra bilis: alio nomine melancholia Flava bilis, ne totum corpus inficiat; certis venulis, & meatibus deferitur in bursam, quæ fellea dicitur, & hepatis intra suam concavitatem adheret: hæc autem per canaliculum quendam bilem de-
trudit in intestina, ut acrimonia sua extrinset potentiam expultricem intestinorum, quorum fæces suo calore inficit.

Serum non statim à sanguine separatur. sed simul cum ipso toto corpore diffusum, calorem ipsius temperat, illumque ita diluit, ut facile irriget totum corpus, & nutriat. Vbi autem suo munere functum est serum, attrahitur per venas, & amittit emulgentes à renibus, & per vretes, qui sunt canales quidam, transmittitur ad vesicam.

In hepate se paratur etiam atra bilis, quæ fit ex partibus magisterreis, & per venas, quæ dicuntur splenicæ, ab hepate defer-
tur in lienem. Collocatur autem lien in latere sinistro sub costis mondosis, adhæretque ex parte superiori, diaphragmati: ex parte vero inferiori, incumbit ventriculo. Lien ex Philosopho 3. de partib. Animal. videtur esse alterum hepar. Nam præcipua eius functio est conficere ex parte chili

crassiori sanguinem, quo ventris infimi viscera nutrantur. Sic autem aliquando intumescit lien, ut cingere hominem videatur: unde est illud Plauri in Cureu. *Quasi zonalienae cinctus ambulo*. Quod accidit, ait Philosophus lib 3. de partib. Anim. quoties excrementi plus in lienem diuertit, quam calor eius visceris possit conficere.

Dixi: ventris infimi, quin Anatomistæ totum corpus humanum diuidunt in tres magnos ventres. Primus venter est caput deseruiens potissimum vitæ sensitiuæ. Secundus est thorax deseruiens motui. Tertius est hipocastrium continens omnes partes, quæ subseruiunt nutritioni, augmentationi, & generationi.

Sanguis in iecinore perfectus deducitur ad varias corporis partes per venas, in quibus subit tertiam concoctionem. Ut verò de venis etiam aliquid dicamus. Constant venæ vnica tunica sibi propria, triplici filamentorum genere contexta. Alia enim recta protenduntur secundum longitudinem venæ; alia obliquantur: alia transversim iacent; ad attrahendum, continendum, & expellendum sanguinem; habent subinde ostiola quædam sibi annexa, ne totus sanguis deorsum impeturuat, quæ ostiola in venis maioribus frequentiora sunt, & duplicata. Quamuis autem in hepate atra, & flaua bilis à sere & sanguine separentur; numquam tamen vnus humor totaliter depuratur ab alio, ut apparet in sanguine, quando Chirurgi ope emittitur. Quod si

meatur atram, & flauam bilim deferentes in sua receptacula obstruantur: diffunduntur hi humores simul cum sanguine per totum corpus; quod à flaua, flauus; ab atra, atricoloris est. Denique tam flaua, quam atrabilis non sunt mera excrementa, sed in suis receptaculis adhuc vltius coquuntur; & aliquid inde extrahitur ad Alimentum viuientium; atra enim bilis est ad nutrimentum ossium, & partium magis terrearum; flaua vero in nutrimentum tunicarum, arteriarum &c.

Sunt autem inter venas duæ præcipuæ, & veluti aliarum omnium capita. Prima dicitur Vena porta, altera Vena caua. Vena porta oritur à parte concava hepatis: à quo paulum progressa diuiditur in duos ramos; ramus dexter est maior, & depressior; sinister vero minor, & altior. Ex ramo sinistro tres præcipue rami prodeunt. Primus tendit ad stomachum. Secundus ad lienem. Tertius ad cœcumentum. Prædicti etiam rami diuiduntur in plures ramulos, donec deriuentur in venulas, quæ ob maximam sui tenuitatem, dicuntur capillares. E dextro autem ramo descendunt innumeri alij minores, præcipue ad mesenterium, & intestina.

Vena caua, quæ est altera vena primaria, oritur à parte exteriori hepatis. Hæc statim accerumpit ab hepate, diuiditur in duos ramos, quorum vnus ascendit, & perforat diaphragma, quod multis venulis inspergit, deinde vergit ad dexterum cordis latus, & inde versus ingulum scandit; ibi diuiditur
in

in quator præcipue ramis , quorum duo sunt ad dexteram, duo ad sinistra . Ex dexteris alter diffunditur per dexterum brachiū , alter per gulam ascendit in partem capitis dexteram . Ex sinistris vero alter pervadit prachium sinistrum, alter ad partem capitis sinistram . In venis sanguis subit tertiam concoctionem, per quam proxime disponitur ad conversionem in substantiam aliti. Fit autem ista mutatio paulatim , ut alibi diximus è sanguine in rorem , è rore in cambium &c. Ex modo nutritionis in animalibus sanguineis, facile est intelligere modum nutritionis viventium exanguium ; fit enim in illis concoctio quædam succi alimentij, similis concoctioni sanguini ,

A R T I C V L V S II.

De augmentatione , & generatione .

Nutritio multipliciter accidere potest : nimirum vel ita ut plus acquiratur à viuentre quam deperditur ; vel ita ut tantumdem acquiratur quantum deperditur ; vel ita ut minus acquiratur , quam deperditur . Prima dicitur augmentatio, secunda dicitur præcise nutritio ; tertia dicitur decretio . Potest igitur augmentatio definiri ; acquisitio maioris materię quantæ ut quantæ facta Per introsusceptionem alimenti. Dicitur *Acquisitio maioris materię quantæ ut quantæ* , per quod explicatur terminus augmentationis qui neque est mera extensio , neque

mare maior materia , sed maior, quam esset substantia deperdita , & cum extensione maiori .

Debent autem in augmentatione vitali duo considerari . Primum est , quod sit per introsusceptionem alimenti; sed undut quod proportionaliter distribuitur tale alimentum per omnes partes viventis . Per hæc duo differt augmentatio vitalis à non vitali , qualis est v. g. augmentatio flammæ que tamen & ipsa, per analagiam quandam, dicitur nutriri, & augmentari per conuersionem olei , vel alterius materiæ in nouas partes flammæ seu ignis . In hac autem quomodocumq. fiat additio partium similarium , perinde est ad fines naturæ ; cum in viventibus , & requiratur modus specialis , & additio non sit partium vbiq. similarium . Hæc dicitur augeri per introsusceptionem alimenti ; alia verò per iuxta positionem .

Viuens non solum tendit per nutritionem ad conseruandum, & per augmentationem ad perficiendum seipsum ; sed etiam mortalitatis suæ natura conscius, tendit ad propagandum se , & quodammodo æternandum secundum speciem per generationem indiuiduorum similium . De generatione dictum est alibi , & ibidem indicatum examinandum hic relinqui specialiter generationem viventium . Definatur autem generatio vitalis ; *Origo viventis à viuento, ut à principio coniuncto in similitudinem naturæ* . Dicitur *Origo viventis à viuento* , quia quod per generationem huiusmodi de nouo est ,

est, suum esse, suumq. viuere trahit ab antecedenter viuente, vt inductione constat, & ratione: necesse est enim viuere id quod vitaliter operatur. Dicitur *vt à principio coniuncto*, quia in genito est aliquid de substantia generantis, adeoq. generans cum genito coniunctionem habet; vt apparet, & in planta, quæ de furculo alterius plantæ gignitur: & in animali, in quo generatio accidit per decisionem seminis remanentis in genito, & præcipuas illius partes efformantis virtute spirituum, quibus abundat. Dicitur: *In similitudinem naturæ*, quia omnia agens tendit ad assimilandum sibi passum, adeoque viuens in materiam in quam agit, tendit inducere formam substantialem similem illi, secundum quam agit. Quamuis enim immediale actiua sint accidentia, vt ex D. Thoma dictum est alibi, ratio tamen agendi per modum primi mouentis, est forma, cuius illa sunt virtus, iuxta illud: vnumquodque agit in quantum est actu.

Dubitari potest, an omnes partes corporis simul formentur, an alia alijæ prius;

Resp. non omnes partes corporis simul formari, sed tres præcipuas præire alij. in Animali. Sunt autem in animali præcipue partes cor, cerebrum, & hepar, de quibus alibi diximus. Ex his vere tribus quanam prima formetur, dissentiunt Animastici. Aristoteles affirmat prius formari cor; quam reliquas duas partes; idque ait sibi comperit experientia. Videtur hoc habere aliquam congruentiam, quia nimirum in cor-

de est fons natiui caloris, sine quo nulla pars animalis consistere potest, vnde est illud Sapientis, *Omni custodia custodi cor tuum, quoniam ab ipso vita procedit*. Si autem ab ipso in cæteras partes procedit vita: ipsum prius viuit quam ceteræ partes. Quamuis autem dictum Sapientis sit potius de vita spirituali, quam de vita physica, & naturali, tamen hic videtur vnā per alterā explicare, adeoq. supponere quod cor hominis sit fons vitæ respectu cæterarum partium eiusdem.

Hypocrates dicit prius formari hepar, sequē id experimento depræhendisse. Pro hoc afferri possunt aliquæ rationes. Prima sit, quod prima operatio fœtus est nutritio, quæ sit ab hepate, in quo sanguis elaboratur. Secunda, quod natura ab imperfectioribus incipere solet, & progredi ad perfectiora; hepar autē cum sit quædam massa sanguinea, non est tanti operis quanti cor: adeoq. congruentius est ab hepate naturam exordiri quam à corde. Tam Aristotele, quam Hypocrates cerebrum ultimo loco reponunt; fortasse quia non tam cito sapimus. Probabile est tria ista membra cerebrum, cor, & hepar simul formari. Hæc etiam opinio per experientiā suadetur. Constat enim in conceptu tres bullas simul tempore apparere, quibus prædictæ tres partes delineantur; igitur non alia post aliam, sed simul formantur. Suadetur secundo, quia prædicta membra talem habent inter se connexionem, vt vnum sine altero nequeat operari.

rari. Nam & calor cordis attemperari debet à cerebro, & hepar adiuuari debet à calore cordis ad sanguinem efficiendum. Res est vt videris incerta.

Obiicitur. Generatio viuientis ita debet definiri vt conuenire possit generationi Verbi diuini; non ita definitur hic; ergo malè definitur. Maior probatur, quia definitio generationis debet esse talis, vt conueniat primæ, & summæ generationi, qualis est diuina generatio, à qua omnis paternitas nominatur, & est. Probatur autem minor; quia non est explicabile, quomodo prædicta definitio conueniat potius processioni secundæ personæ à prima, quam processioni tertiæ à prima, & secunda; & tamen prima processio dicitur generatio, non autem secunda. Probatur hoc, quia etiam processio tertiæ personæ est origo viuientis à viuente; reque enim non viuunt Pater & Filius, à quibus vt ab vno principio procedit Spiritus Sanctus, qui & ipse viuit, Est à principio coniuncto, cum Patre. & Filius non sit minus coniuncti cum Spiritu Sancto, quam coniunctus sit Pater cum Filio. Est in similitudinem naturæ; cum Spiritus Sanctus in natura non sit minus similis; immò minus idem, cum Patre, & Filio, quam sit Filius cum Patre.

Resp. hoc esse supra nos. Breuiter tamen ad sustinendam nostram definitionem ex D. Thoma sic respondemus. Ad argumentum in forma concedimus maiorem, negamus minorem. Ad probationem, negamus Spi-

ritum Sanctum procedere à Patre & Filio in similitudinem naturæ: quod affirmamus de Filio, respectu Patris. Ratio disparitatis est: quia Filius procedit per intellectum: Spiritus Sanctus per voluntatē. En tibi verba S. Doctoris. *Intellectus sit in actu per hoc quod res intellecta est in intellectu secundum suā similitudinem. Voluntas autem sit in actu non per hoc quod aliqua similitudo voliti sit in voluntate, sed ex hoc quod voluntas habet quandam inclinationem in rem volitam.* Processio igitur quæ attenditur secundum rationem intellectus est secundum rationem similitudinis, & in tantum potest habere rationem generationis, quia omne generans generat sibi simile. Processio autem quæ attenditur secundum rationem voluntatis non consideratur secundum rationem similitudinis, sed magis secundum rationem impellentis & mouentis in aliquid, & ideo quod procedit in diuinis per modum amoris non procedit ut genitum, vel ut Filius, sed magis procedit ut Spiritus. Hæc D. Thomas prima parte quæst. 27. art. 2. corpore.

Aduerte autē hic rem abstrusissimam explicari à D. Thoma per rationes nobis notissimas. Est enim manifestum quod intellectus intelligendo assimilatur sibi rem intellectam: vnde dicitur apud Philosophum quod intellectus est quodammodo omnia, eo videlicet quod sit quodammodo intelligendo res intellecta, seu res quam intelligit: & quia nihil est quod aliquo modo nequeat intelligi: ideo intellectus est potentia

tia quodammodo omnia . Præterea manifestum est actum voluntatis natura sua subsequi ad actum intellectus : adeoque amorem esse impulsum quendam voluntatis in rem ante cognitam , & consequenter præsupponere intellectum iam actu suo assimilatum re , quam amat . Non esse autem de ratione voluntatis quod actu suo assimilet, etiam manifestum est ex hoc quod dicitur amorem ex similitudine oriri , unde est illud ; *amorem facit similitudo* Ex his omnibus quæ nota sunt assurgit D. Thomas ad inuestigandum Mysterium omninò supernas intellectum creatam ; & inueniens secundâ Personam à prima procedere per viam intellectus, dicit propterea generari, quia propterea procedit vt similis : inueniens autem tertiam procedere à prima & secunda per viam voluntatis , adeoque præsupponere , non natura quidem , sed origine , & primam quæ intelligit , & secundam quæ per viam intellectus adeoque , vt imago procedit à prima, inuenit cur in ipsa non inueniatur ratio imaginis , sed alia ad imaginem & similitudinem intelligentis consequens, videlicet ratio amoris, impulsus , seu spiritus .

Ad id quod dicitur quod in Spiritus æque reperiatur similitudo cum principio à quo procedit, ac in Filio ; respondet idem D. Thomas sic . Similitudo aliter pertinet ad Verbum , & aliter ad amorē. Nam ad Verbum pertinet in quantum ipsum est aliqua similitudo rei intellectæ, sicut genitum est

similitudo generantis . Sed ad amorem
 pertinet non quod ipse amor sit similitudo ,
 sed in quantum similitudo est principium
 amandi . In quo vides rationem cur gene-
 ratio conueniat processionj secundæ perso-
 næ à prima , non autem processioni ter-
 tiæ ab vtraque . Quia videlicet in prima &
 secunda , quæ sunt vnum indiuisibile prin-
 cipium , à quo tertia , reperitur vna quidem
 intelligens , altera vero per intellectiōem ,
 adeoque vt similitudo , procedens : in ter-
 tia vero reperitur ratio procedentis etiam
 à similitudine , quod est proprium impul-
 sus voluntatis , siue amoris , vt dictum est :
 idque cum indentitate naturæ in tribus per-
 sonis : adeoque ad rationem vel Filij , vel
 Spiritus , vel Patris non attenditur ad na-
 turam , sed ad modum quo vna procedit ab
 alia , vt dictum est supra ; & quia modus
 procedendi per intellectum est modus simi-
 litudinis , secus vero modus procedendi per
 voluntatem ideo secunda dicitur Filius ,
 non autem tertia . Hic etiam placet obiter
 notare quod ait Augustinus lib. 9. de Tri-
 nit. cap. 12. *Omnis res ait ille quamcūque
 cognoscimus, congenerat in nobis notitiā sui.*
Ab utroque enim notitia paritur : a cogno-
scente & cognito . Itaque mens cum seipsam
cognoscit sola parens est notitiæ suæ : & co-
cognitum enim & cognoscens ipsa est . Pater
igitur seipsum cognoscens patit notitiā
sui , quæ cum non sit ab alio quam à co-
cognoscente , idem enim est cognoscens &
cognitum , dum seipsum cognoscit ; non est
nisi

nisi à Patre, adeoque solus Pater est pater, sui Filij. Atque hoc ad objectionem propositam abunde est.

Q V Æ S T I O II.

De potentijs Animæ sensitivæ.

Potentia animæ sensitivæ sunt sensus, qui dividuntur in extrinos & internos. Sensus externi sunt quinque Visus, Auditus, Gustus, Odoratus & Tactus. Interni vero recenscentur quatuor: sensus communis, Fantasia siue imaginatio, Estimativa, Memoria. Dari huiusmodi sensus internos præterquam quod suse docet Philosophus 2. de anima à textu 136. facile probatur quia etiam bruta non solum oculo vident colorata, & aure audiunt sonora: sed etiam inter coloratum & sonorum aliquammodo discernunt: nequeunt autem villo modo discernere inter utrumque nisi per potentiam aliquo modo comparantem unum cum altero: sed potentia aliquo modo comparans unum cum altero nequit esse sensus externus; ergo debet esse aliqua facultas interna. Quod nequeat villo modo comparari unum cum altero per sensum externum probatur: quia ad comparandum duo, puta coloratum & sonorum debet utrumque percipi: nullus autem sensus externus utrumque percipit; oculus enim nihil nisi coloratum, auris nihil nisi sonorum attingit.

Quia tamen hæc ipsa aliqualis comparatio negari posset in brutis; discursus propositus non videtur omnino efficax. Vnde enim habes brutum discernere inter coloratum & sonorum, discretionem consistente in alio, quam quod per vnum sensum percipit coloratum, non vero sonorum, per alium autem percipit sonorum non vero coloratum? Probatur igitur hoc idem; quia experientia constat bruta sopitis sensibus externis determinari ad multas operationes, quæ determinatio nequit aliunde esse quam ab Imaginatione. Constat enim bruta etiam somniare, & in somnio multa operari. Hoc obseruarunt qui equos, & asinos, & alia bruta apprime & curiose obseruarunt: quod facile fuit, cum etiam in homine satis appareat has & illas operationes fieri à somniantem: puta homines oculis clausis ambulant: quod etiam contingit in bobus, vt testantur testes de visu. Quod autem non solum clausis oculis sed etiam dormientes, apparet ex motibus subitaneis, quos vtrique edunt dum excutuntur. Confirmatus hoc: quia sensus internus non est supra perfectionem naturæ puræ sensitiuæ. Præterea apparent in brutis organa proportionata sensibus internis.

Quemadmodum autem singulis sensibus externis singula obiecta attribuuntur: Visui coloratum. Auditui sonorum, Gustui lapidum, Odoratiui odorosum seu olens, Tactui tangibile: ita sensibus internis tribuen-

buendum est suum obiectum, non tamen
æque limitatum ad vñum. Immo vt patet
ex dictis debent sensus interni esse plurium
obiectorum cauaces, quando quidem per
operationem ipsorum debet animal deter-
minari ad varios motus circa varia. Sen-
sus igitur communis percipit obiecta om-
nium sensuum externorum, & hinc forti-
tur nomen sensus communis. Phantasia,
siue Imaginatio illa eadem obiecta compo-
nit & diuidit, formans ex eis diuersa
phantasmata, sicut qui multos lapillos com-
ponunt, aut diuidunt in opere musico va-
rias imagines offormantes. *Æstimatoria* a
phantasmatibus ita formatis sibi que obie-
ctis, per similitudinem quamdam discursus
progreditur ad percipiendum aliquid di-
stinctum ab ipsis. Constat enim bruta ali-
quid per nutus percipere distinctum à nu-
tibus. Atque hinc est aliud argumentum
interni sensus in brutis. Fugantur enim
bruta per aliquos nutus, & per aliquos
alliciuntur: vnde apparet in alijs appare-
re minas alicuius periculi quod fugiant,
in alijs illicitebras alicuius boni quo tra-
hantur.

Denique memoria obiecta præterita
reuoluit. Hanc in brutis dari manifestis in-
ditiis apparet. Canes enim & fæles & equi
determinantur ad operationes præsentis ab
obiectis præteritis. Quomodo autem id ac-
cidat dicetur infra.

Q V Æ S T I O III.

De organis sensuum externorum.

A R T I C V L V S I.

De organo visus.

Organum visus est oculus, cuius descriptionem hic accipe. Constat oculus tribus præcipue tunicis & tribus humoribus: nam à cerebro ad utrumque oculum provenit nervus, qui dicitur opticus, constans velut triplici canali. Primus canalus exterior provenit à dura matre, sicut à dura meninge. Sciendum est enim cerebrum non esse contentum vna tunica, sed duabus voltibus circumcingi, quas Græci meningē vocant. Vestis exterior firma & crassa dicitur dura mater; interior mollis & tenuis, dicitur pia mater. Primus ergo canalus & exterior nervi optici procedit à dura matre; & inter ossa quæ utrumque oculum continent, laxatur in duos ramos qui ampliuntur in figuram sphericam oculorum, constituentque primam tunicam quæ reliquas ambit. In hac duæ partes assignantur à nobis, anterior scilicet & posterior. Anterior vocatur cornea ob similitudinem quam habet cum cornu quod lanternis obducitur: hæc aliquantulum exat supra figuram sphericam, & pupillam cooperit, Pars posterior vocatur adnata.

Se-

Secundus canalis nervi optici intra primum inculusus procedit à pia matre ; hoc est à tunica interiori cerebri . Conformatur in rotundum membranam quæ dicitur vvea propter similitudinem quam habet cum acinulo vuæ , à quo sit auulsus periduculus . Nam quemadmodum acinutulus huiusmodi est ex vna parte proforatus ; ita etiam hunc tunica in anteriori parte foramen habet , diciturque pupilla eo quod Petrus intuens oculum Pauli videat in ea parte pupam seu parvam sui imaginem . Hæc tunica ob varios colores quibus circumfulget , dicitur iris oculorum .

Tertius canals intra duas alias tunicas inculusus procedit ab ipsa substantia cerebri , & ex parte anteriori figuram habet similem lenti , ex posteriori vero sphericam . Pars hæc posterior dicitur retina , seu retiformis , eo quod ad formam retis intertexta sit multis filamentis & nervulis plenis spirituum deseruientium visioni . Pars anterior vocatur Arachne , vel processus ciliaris : est enim subtilissima quædam pellicula rectos habens pilos , quales sunt pili ciliorum . Hæc pellicula conformatur fere in bursam plenam humore cristallino aliquantulum condensato : & ex parte anteriori opponitur foramini vuæ .

Tribus hisce tunicis correspondent tres humores : vitreus , cristallinus , & aquens . Aquens replet ipatium quod est inter corneam ,

neam, & vueam. Christalinus vndique circumfusus Arachnæ opponitur foramini vueæ, vt possit recipere species. Vitreus continetur retina, Arachne. Figuram hanc oculi potest quilibet sibi dipingere.

De musculis autem aliquid etiam indicandum. Sunt igitur in oculo humano musculi sex: duo ad motus oculi circulares: quatuor ad rectos. In quadrupedum oculo est insuper septimus adulum suspendendum; illumque in sua cauea continendum. Hoc homo non indiguit quia natura.

Os homini sublime dedit, cælumque tueri

Iussit, & erectos ad sydera tollere vultus.

Vt elegenter cecinit Naso. Musculis inferuntur filamenta prodeuntia ex secunda neruorum coniugatione, quæ à lateribus basis cerebri procedit, & exit per secundum foramen ossis cruciformis, adiuncta vena, arteria. Primus musculus attollit oculum diciturque superbus: secundus depressit & dicitur humilis: tertius oculum verit ad nasum & dicitur bibitorius: quartus à naso auertit ad latus externum, & dicitur indignatorus; quintus oculum deorsum voluit ad angulum exterum, & dicitur obliquus; sextus oculum circumagit ad internum, & dicitur uoclicearis. Duo isti ultimi dicuntur etiam amatorij. Sed de satis.

Dubitatur autem hic in quam parte descripti organi eliciatur actus visionis.

Alii

Alii enim affirmat fieri visionem in nervo optico ; alii in tunica retina . Pro quo sciendum est nerum à cerebro profluentem , vbi peruenit prope partem interiorrem summitatis nasi , distribui in duos ramos ad duos oculos pertinentes . Aiunt igitur aliqui in illa nervi optici parte fieri visionem , in qua duo isti nervi conueniunt . Quod si vehementer intendas oculum in obiectum remotum , talis pars nervi comprimitur ad nasum ; & propterea tunc receptæ in vtroque oculo species nequeunt in vnum idemq; punctum confluere . Hinc reddunt rationem cur per talem oculi contentionem duplicetur apparenter obiectum quia videlicet compressio illa nervi optici ad interiorrem nasum , impedit specierum confluxum & coalescentiam in vnam eandemque partem ; species autem receptæ per oculum sinistrum repræsentant obiectum & determinant ad visionem in illa parte nervi eliciendum , in qua sistunt . Idem dic de speciebus eiusdem obiecti receptis per oculum dexterum , quæ etiam determinant ad visionem eliciendam in illa nervi parte in qua quiescunt : cum igitur duæ illæ eiusdem nervi partes intercipientur per intermediam ; species discontinuatæ duplicem visionem efficiunt , vnicam effecturæ , si caluissent in medio .

Hoc qui tuentur : experimentum adducunt vnicuique obuium . Erige è regione tui nasi ad distantiam vnus palmi digitum inter vtrumque oculum . Digito ita pro-

po.

posito intende visum in obiectum vltcrius videbisque tuum tibi digitum duplicari. Idem dic de quolibet alio obiecto, non occupante amplitudine sua totum illud spatium, per quod species ad oculum transmittuntur. Huius duplicationis rationem reddunt per compressionē nerui optici ad superiora partiē nasi, quæ accidit te oculum intendente, vt explicatum est supra.

Discursus hic placeret summopere; si quodlibet obiectum ad huiusmodi compressionem duplicaretur; & tunc solum duplicaretur quando neruus huiusmodi comprimitur. Duo continet nostra hæc consideratio. Primum est quod per compressionem nerui optici ad summitatem nasi, non solum species obiecti *A*, sed etiam species obiecti *B* impediuntur ne confluant in idem punctum. Cur igitur obiectum *A* solum, non autem etiam obiectum *B* duplicatur? est enim eadem ratio: nam si compressio nerui non impedit has, neque impedit illas species, ne in vnum conueniant. Secundum est; etiam in fine tali compressione duplicari obiectum. Hoc experieris si digito superposito, vel leuiter oculum premas. Hinc inferes duplicationem obiecti non oriri ex compressione nerui optici, sed ex aliquo alio capite.

Dico igitur visionem fieri in retina. Hæc conclusio est inter recentiores communis. Retina profluens ab ipsa substantia cerebri abundat spiritibus: adeoque aptissi-
ma

ma est ad sensationem omnium nobilissimam exercendam. Præterea Sceiner hac in materia recte versatus, testatur se experimentum fecisse in oculo mortui; quo observavit lucernæ radios retractos in humore cristallino procedere ex retinam illamq; illuminare. Si igitur & lux & species vegetæ per lucem ad retinam terminantur, probabilissimum est in ipsa visionem elici.

Ad rationem pro nervo optico iam dictum est. Cur autem aliquando duplicetur, vel potius appareat duplex obiectum, non est facile explicare, Probabilissimum est geminationes huiusmodi recte refundi in diuāricationem oculorum dispergentium, ac distorquentium species ab obiectis emissas, Constat hoc experimento satis familiari perspiciliij multas facies multosque angulus habentis. Constat enim perspicillio huiusmodi multiplicari obiecta: huius multiplicationis non aliam fortasse rationem melius assignabis, quam dispersionem specierum intra eandem potentiam visuam. Neque enim retina ipsa consistit in puncto, sed ampla est & huiusmodi dispersionis facile capax.

A R T I C V L V S II.

De organis aliorum sensuum.

Post organa visus sit organum Auditus.
Organum auditus est auris. Habet hæc duas partes; exteriorē quæ dicitur auriculā,

& interiorem in qua sunt multi meatus, & sinuositatas labyrinthi instat & cochleæ. Mirabile hoc opificium est etiam per artē imitabile, ut testari potest auricula Siracusana. In medio habet foramen cui ex parte interiori obtenditur membrana quædam, quæ dicitur tympanum auditus; & paulatim desinit in nervos, qui ad cerebrum usque protensi, transmittunt à cerebro spiritus necessarios ad auditionem eliciendam. Intra coauitatem prædictæ membranae continetur acri, qui dicitur iuuentus. In hoc aere ponunt aliqui organum formale auditus probabilius tamen est organum huiusmodi esse neruum, quem vocant auditorium. Ratio est: quia auditio est actus vitalis, adeoque per illam organi partem elici debet quæ sit anima. Aerem autem innatum, qui nihil aliud est, quam vapor quidam intra auriculam latens, quis dicat esse animatum? Et hoc ipsum quis neget de neruo auscultatorio?

Organum gustus sunt nerui quidam, qui & intra palatum & in ipsa lingua, præcipue autem in cuspide disperguntur.

Organum odoratus iuxta communem sententiam residet in carunculis quibusdam mamillaribus: hoc est in carneis quibusdam tuberculis, quæ sunt in superema parte narium, & spiratione seu attractione spiritus dilatantur, respiratione verò coarctantur.

Organum tactus non est in vna corporis parte, sed per omnes fere dispergitur: resi-

residet enim in nervis toto corpore diffusum. Sunt qui aiunt non nervos solum, sed etiam carnem esse organum formale tactus, eo quod ubicunque approximaturni sensibile proprium tactus, puta frigus aut calor, aut aliud huiusmodi, eliciatur tactio seu sensatio circa tangibile ut tale. Facile tamen est, etiam stante hac experientia, per solos nervos fieri tactionem. Nam quælibet pars carnis in qua tactio fiat referra est multis nervulis, in quibus operatio huiusmodi exerceatur. Quod si ostenderet aliquis se sentire etiam ubi nullus vel minimus nervulus reperitur, nos facile traheret in suam sententiam.

Circa sensus internos dubitatur, an in eadem, an in diuersis cerebri partibus diuersorum sensuum organa sint. Sunt enim qui mordicus tenet organum memoriæ sensitivæ esse posteriorem cerebri partem: adducuntque pro hac opinione experimentum satis frequens hominis prædictam sibi partem digito perfricantis, ut species exciter rememorativas. Præterea ad æsionem huius partis notabilissimæ variationes fiunt quoad vim rememorandi. De hac re non est valde contendendum: cum certum sit apud omnes organum sensuum internorum esse cerebrum. Cum autem in cerebro multæ canitates, multi sinus, multi nervi appareant, facile est sustinere hic quidem esse sedem sensus communis, ibi vero Imaginativæ seu Phantasæ, & sic de cæteris; quamvis in re tam incerta
pro

pronunciare vix audeam hoc esse aliter probabilius.

Quia vero operationes animæ intellectiuae magnam habent à prædictis organis dependentiam, modo superius explicato: sæpe contingit per immutationem dispositionis in cerebro, ita hominem immutari ut ex ingenioso stolidus, & stolidus fiat ingeniosus. Aliquando enim per fracturam capitis, cerebrum plus æquo compressum dilatatur ad amplitudinem sibi debitam, aliquando nimis dilatatum comprimitur; & utroque modo aptatur ad operationes animæ perfectissimas; aliquando vero in dispositione debita præexistens remouetur ab eadem; adeoque ex apto fit ineptum operationibus perfectis. Prout enim est speciebus recipiendis, conseruandis, ordinandis, & in hæc vel illa phantasmata conformandis magis vel minus idoneum, obicit intellectui perfectiora, vel imperfectiora phantasmata, quæ intellectus speculatur, ut alibi indicatum est: quo autem perfectiora sunt prædicta phantasmata, eo consequuntur ad ipsa operationes intellectuales perfectiores.

Diximus alibi omne sensitium esse etiam appetituum. Consequitur igitur ad sedes prædictas Appetitus: qui propterea dicitur appetitus sensitivus. De hoc, secundum quod dicit de anima, ita philosophandum est sicut de potentijs, de quibus supra. Inclinationis animæ in bonum sensibile tribuitur appetitui sensitivo: quæ in-

clina-

clinatio, ut ait Augustinus, non est ad malum, sed ad bonum; Deus enim, qui vidit cuncta quæ fecerat esse valde bona, fecit bonum sensibile. Ea igitur dumtaxat propensio in bonum sensibilis damnabilis est, quæ contra regulam & dictamen rectæ rationis trahit in præiudicium boni maioris, puta boni honesti. Cæterum si tuam hanc inclinationem sic reges, ut rectæ rationi cedat, atque obtemperet, laudabiliter agis.

Verratur appetitus sensitivus circa bonum & malum: hoc molestum: illud iucundum: siue circa voluptatem & dolorem. Bonum iucundum & delectabile representatum animam trahit. Obiectum vero molestum animam fugat, cum tamen recta ratio aliquando dicet amplectendum esse molestum, fugiendum vero à iucundo. Sed de his magister Ethices.

ARTICVLVS VLTIMVS.

Obiecta sensuum.

Post organa sensuum inuestiganda sunt eorundem obiecta. Hæc in re procedemus ordine retrogrado. Obiectum Tactus sunt primæ qualitates, & aliquæ secundæ, quæ vno verbo dicuntur qualitates tangibiles. Tactu enim percipimus calidū & siccū humidū & frigidū: asperū, læue, molle, durū & alia huiusmodi: quorum aliqua non sunt simplices qualitates, ut alibi dictum est.

Obiecta

Obiectum Odoratus est odor : qui definitur : qualitas resultans ex permixtione primarum qualitatum prædominante calido & sicco . Quid sit odor facilius experiris quam explicas .

Obiectum Gustus est sapor : qui definitur à Philosopho : qualitas secunda solo gustu proxime sensibilis , orta ex ea primarum qualitatom temperie , in qua humidum aqueum sicco terrestri præualeat . Viden hic putes etiam qualitates tangibiles esse obiectum gustus ; eo quod frigidis potionibus maxime delecteris . Delectatio enim quam habes in portione frigida pertinet non ad gustum , sed ad tactum ; cuius organum diximus esse diffusum per totum corpus . Frigidum ergo & calidum non pertinent ad saporem , nisi per accidens : quatenus v. g. sapor cum calido magis afficit sensum , quam cum frigido : hinc qui in gustu potius quam in tactu voluptatem amant , calidis magis quam frigidis , si cætera sint paria , delectantur .

Obiectum auditus est sonus . *Fit autem secundum actum sonus* ait Philosophus 2. de Anima tex. 78. *semper alicuius ad aliquod & in aliquo . Percussio enim est quæ facit .* Ex hac definitione Philosophi habes tria ad sonum requiri : videlicet corpus percutiens , corpus percussum , & medium . Ictus enim seu percussio fieri nequit nisi in aliquo , hoc est nisi in medio inter percutiens , & percussum . Rursus ibi explicat Philosophus . & clarius Philosophi Paraphrastes , non eu-
ies-

iussu libet corporis percussione sonum effici. Puta neque lana neque spongia sonum edent. Secus si æs vel argentum alio corpore iicias. Hinc adeo difficilis est definitio soni, ut nemo fere illum definiens non supponat iam cognitum ante definitionem. Si enim aiunt: *sonus est qualitas producta ex percussione corporis sonori*. Si intelligis quid sit sonorum, gratias age sic definientibus, si non intelligis, quid discis ab ipsis? Alii definiunt sonum qualitatem motuam, potentiae auditivæ, vere; sed an bene: queritur enim quodnam sit obiectum notivum auditus? Respondetur: sonus, queritur quid sit sonus? Respondetur: est obiectum motivum auditus, non omnino tamen displicet hæc definitio; quia quid sit audire est omnibus non surdis per se notum, adeoque per ordinem ad hoc non male definitur sonus. Aliis sufficit dicere sonum esse qualitatem distinctam à motu locali, possent etiam cum veritate dicere esse qualitatem distinctam à calore, & frigore, &c. Ex his omnibus recte colliges difficillimum esse statuere quid sit sonus: hinc sonus fuit aliquibus, & erit materia ingentium voluminum, non tamen nobis. Fuere qui dicerent non aliter fieri sonum, quam per impulsu corporum in Tympanum auscultatorium. v. g. dum hæc dico, eodem spiritu, quo hæc dico, ita articulate moueo totum aerem comprehensum in hoc spatio, ut aer motus similiter moveat vestra Tympana, & in vobis illam sensationem exci-

ret, quæ dicitur audito. Hæc opinio potest multis experimentis suaderi. Primum est, quod pro diuersa agitatione aeris, diuersimode sonans aut loquens auditur, Puta si hanc eandem vocem, quam edo hic in aere tranquillo, ederem, vento aerem contra, vel intrauersum agente, non æqua facile exaudiret: quia nimirum aer aduersum impulsus non tam facile à me contra impellitur. Idem accidit etiam in voce seu sono Campanæ, & tormenti bellici, qui vento versas Orientem spirante, in hanc, aduersus spirante, in illam aliam partem longe lateque diffunditur. Hinc etiam alii alius soni sonius funduntur, quia videlicet alii alius maiorem spiritum edunt ex sonantibus:

Nos vero sonum definimus: qualitatem ortam dumtaxat ex collisione corporis ad corpus. Addimus h *dumtaxat* quia calor, raritas, & alia huiusmodi quæ oriri aptæ sunt ex collisione, ex aliis etiam causis oriuntur, & in hoc differunt à sono. Non requirimus in utroque ex collidentibus soliditatem: quia constat etiam vento excitari sonum in aere, & tamen non haberi tunc percussione solidi cum solido. Sibilat enim nonnumquam aer & mugit, flante Austro vel Aquilone. Verum quidem est etiam tunc aerem commotum in solidum impingere: & simul cum aere infusas particulas terrestres & aqueas dispersas per aerem, quæ in montes & ipsam terræ superficiem vehementer impactæ, sonitum edunt, sicut etiam contingit cum aqua in aquam vel in terram cadit.

cadit. Sed de his satis.

Obiectum potentiae visuæ assignatur color & lumen. Lumen sine colore videri sic probatur. Corpora, inquiunt, caelestia videntur: & tamen sunt pure lucida: ergo lumen per se solum sufficit mouendae potentiae visuæ. Verum; quis umquam vidit corpus caeleste nullius coloris: Certe Sydera & Firmamentum vel sunt, vel apparent colorata; sunt enim quaedam magis, quaedam minus candida: quaedam magis, quaedam minus flammea; quæ omnia important præter lucem id quod dicitur color.

Definiendum autem est hic quid sit lumen quid color. *Omnis color*, ait Philos. 2. de Anima tex. 67. *motius est eius quod est secundum actum perspicui, & hoc est ipsius natura*. Et tex. 69. de lumine ait, *lumen est actus huius perspicui secundum quod est perspicuum*. Vbi explicat illud corpus, quod est perspicuum, puta aerem aut aquam, esse aliquando in potentia, aliquando in actu perspicuum, hoc est aliquando potentia, aliquando actu transparens. Id per quod aer sit actu transparens, dicitur lumen; quando priuatur lumine; non actu, sed potentia diaphanus est. Certe quid sit lumen est adeo clarum, ut dilucidari non possit; dum vero dicitur, ut dici solet, *actus perspicui vi perspicui*, idem dicitur, ac si dicatur, *actus lucidi & iucidi*; & consequenter mutatis solum nominibus idem dicitur per explicationem quod per explicatum. Color autem definitur; *motus perspicui in actu*, hoc est

qualitas quædam, quæ mouet id, quod actu lucidum est, seu perspicuum. Aduertere tamen debes colorata non percipi nisi illuminentur: vnde idem est corporibus coloratis, quantum attinet ad mouendam potentiam, carere lucido, per quod vchatur in speciei sui, ac priuari colore; vnde est illud Poetæ: *Et rebus nox abstulit atra calorem.* Sed quæres quid sit hoc ipsum mouere perspicuum quatenus tale. Ad quod respondeo duplicem sensum est huius definitionis. Primus: color est qualitas diaphanum actu tale sui similitudine imbuens, & per propagationem eiusdem similitudinis, ad potentiam visuam, hanc mouens. Alius est: color est qualitas dans medio diaphano posse mouere potentiam ad visionem sui. Vterque sensus bonus est.

Notandum autem est hic, dubitari inter Authores, an color reipsa sit aliquid distinctum à lumine. Ratio dubitandi est quia patet ad oculum per lucem diuersimode reflexam & refractam, eadem objecta apparere diuersimode colorata. Apparet hoc in sericis quibusdam, & in collo Columbæ. Deciditur hæc controuersia dicendo aliquos esse colores veros, reales permanentes; alios vero transeuntos & apparentes. Secundi generis sunt qui apparent in collo Columbæ, & in aliis huiusmodi, qui propterea non ad quodlibet lumens, neque ad quemlibet aspectum iidem apparent. Primi generis sunt colores alii, quos oculo melius & aspectu quam voce discreueris,

QVÆ-

QVÆSTIO. IV.

De Anima rationali.

ARTICVLVS I.

*Sinte omnes Animæ rationales eiusdem
perfectionis?*

Fuit error Antiquiorū celeberrimus inter Pythagoricos, omnium viuentium Animas eundem rationis esse, differre autem solo domicilio, prout hoc vel illud corpus incolerent. Et quidem hoc principium cum tanta vniuersalitate intellexerunt nonnulli, ut etiam plantas eodem genere animæ animari putarent, quo animantur homines; adeo ut anima oleris & animalitoris non differrent nisi subiecto. Hic error nondum omnino euanuit: nam etiam nunc apud Bonzios viget (Bonzios vocant nationis Iaponicæ Sacerdotes) contra quos acriter & feliciter suo tempore pugnavit Indiarum Apostolus S. Franciscus Xaverius, cuius argumenta & argumentorum exitum eleganter, ut solet, refert Daniel Bartolus in ipsius vita. Opinantur autem huiusmodi Pythagorici eandem numeris animam modo recipi in corpore humano, modo in equino, modo in aquilino, & sic de cæteris. Idque Bonzii summæ felicitatis loco expectant; ut egressæ suis à corporibus animæ Vaccarum in corpora receptentur.

tur. Vnde est illis solemne, vt dum proximi morti videntur, suum in conclaue, & prope lectum Vaccam adducant, vt breuiori itinere fiat sumis votis expetita transmigratio. Animarum hanc ex corporibus in corpora vel meliora, vel deteriora pro meritis, vel demeritis transmigrationem, & vniuscuiusque non ante annorum decem millia, ad idem, vnde digressa est corpus, regressum, habes apud Platonem in Phædro, quæ utpote plena nugis non vacat hic recensere.

Non est animus hic hunc errorem impugnare, quem expugnatum habes apud Augustinum multis in locis, & præcipuè vbi de origine animæ in libris de peccat. mer. & remiss. vbi ostendit ex Apostolo animam Esau. quod idem valet de qualibet, antequam hic nasceretur nihil egisse boni, aut mali; & alibi animas meliores sepe in corporibus deterioribus esse, &c.

Quæstio igitur præsens est an omnium hominum animæ sint eiusdem perfectionis essentialis; proportionaliter autem ad id, quod dicemus de animabus hominum, dicendum erit de animabus equorum inter se, & quibuscunque aliij in eadem specie compræhensis.

Prima sententia est eorum, qui dicunt humanas animas esse diuersæ seu inæqualis perfectionis. Hanc sententiam tuetur Schola Parisiensis cum Magistro. Hanc eandem sequitur Quilius, citatque pro se D. Tho.

Thoma . Hanc perfectionem essentialem animarum inter se vocat perfectionem indiuidualem, quam dicit consistere in modo quodam substantiali, quo hæc anima constituitur hæc in indiuiduo .

Hæc sententia non placet? vel enim perfectio illa, quæ indiuiduat animam identificatur cum anima, vel ab anima distinguitur; neutrum dici potest; ergo, &c. Minor probatur; si enim dicas perfectionem hanc identificari cum anima; iam anima non per modum aliquem substantialem, sed per se ipsam formaliter est altera perfectior, nisi dicere velis & per se ipsam & per modum, esse perfectiorem, quia identificatur cum modo, & hoc est absurdum; si autem dicas animam Petri per modum distinctum sibi superadditum esse perfectiorem anima Pauli; non negamus vni animæ posse aduenire aliquid, per quod alteri Animæ præstet, sed hoc non est vnā esse essentialiter alia meliorem: neque enim per hoc formaliter indiuiduatur: vt patet ex alibi dictis. Præterea: sententia ponens diuersitatem substantialem suæ inæbualitatem inter hanc & illam animam, inter se, impugnatur per ea, quæ diximus, vbi de differentia specifica; & consequenter ad ea, quæ ibi diximus, perfectio substantialis in vna maior quam in altera, non erit differentia numerica, sed specifica.

Tertio. Ratio quæ mouet Parisienses & Ruuium ad diuersitatem illam secundum sub-

stantiam , eodem iure valeret ad agnoscendum in eodem homine in diuersis circumstantiis diuersas anima secundum substantiam . Rem explico . Compara Aristotelem cum Margite , pete ab Adversarijs an anima Aristotelis & anima Margitis sint æquales in perfectione essentiali : respondebunt negatiuè . Roga cur? Respondebunt quia Aristoteles acutè, profundè, & sapienter speculatur; Margites autem crasse & stolide iudicat , idque vterque non hodie solum, sed heri & nudius tertius. Bene est . Compara iam Aristotelem sobrium cum Aristotele ebrio , & in vtraque circumstantia propone Aristoteli an dentur Idææ Platonis : Aristoteles sobrius negabit, & rationes in oppositum acutas afferet . Quid autem agat Aristoteles ebrius ; fortasse illas concedet, & figmenta afferet ideis Platoniceis incomparabiliter mirabiliora ; Varias comparationes huiusmodi fac Aristotelis cum Aristotele , & tam discrepante habebis hominem à seipso , quam discrepat Margites à Philosopho. Dic igitur modo vnā modo alteram animam esse in corpore . Aristotelis.

In promptu est quod respondeas , in mutatione videlicet dispositionis in organis corporeis esse causam sufficientem tam diuersi modi operandi in vno eodemque principio ; puta in vna eademque anima , in vno eodemque intellectus Ita est ; sed sicut mutatio transiens in organis corporeis est sufficiens ratio , cur
ca-

eadem anima inæqualiter operetur, ita etiam dissimilitudo & inæqualitas permanens in organis corporeis est ratio sufficiens cur hæc duæ animæ semper inæqualiter operentur, hoc est vna perfectius, altera autem imperfectius. Non est igitur recurrendum ad diversitatem animarum, ubi est evidens diversitas organorum, & insuper certum est, secundum hac vel illam organorum dispositionem animam perfectius vel imperfectius operari.

Denique contra illum modum indiuiduantem est id quod alibi diximus, vnamquamque videlicet rem seipsa formaliter indiuiduari, cum quælibet res secundum se præcise considerata sit potius hæc quam illa.

Thomistæ qui indiuiduationem Animæ rationalis petunt à materia, non quod illa sit materialis, sed quod ordinem dicat ad materiam. dicere possunt vnam Animam esse alia perfectiorem, eo quod ordinem dicat ad organizationem perfectiorem quam alia. Sed contra hunc modum indiuiduandi res valet id, quod alibi diximus, ostendentes formas etiam aptas esse in subiecto, seipsis singulas indiuiduari. Extendimus enim hoc principium: *quodlibet seipso formaliter est potius id quod est, quam aliud* ad omnia rerum genera sine vlla prorsus restrictione: putamusque esse principium per se notum.

Opposita igitur sententia tenenda est.

Animas videlicet rationales esse omnes eiusdem omnino perfectionis sine vlla prorsus inæqualitate. Hæc sententia probata iam est reiectione oppositæ, probabiturq; ulterius obiectionum solutione.

A R T I C V L V S II.

Diluuntur obiecta.

Objicies 1. cum Schola Parisiensi. Si omnes animæ rationales sunt eiusdem perfectionis substantialis, sequitur animam Iudæ & animam Christi non differre in perfectione essentiali; consequens est absurdum, ergo & ant. Sequela mai. probatur: quia tam anima Iudæ, quam anima Christi est anima rationalis. Minor. probatur: quia videtur iniuriosum Christo Domino, qui supra omnes sortus est animam bonam, non tribuere illi animam meliorem quam Iscariotæ. Confirmatur: quia sequeretur animam Iudæ secundum se acceptam fuisse indifferentem ut infunderetur illud corpus in quod infusa est anima Christi; Animam Christi indifferentem secundum se, ut infunderetur in illud corpus: in quod infusa est anima Iudæ; ergo anima, illa, quæ constituit Christum Dominum, potuit constituere Iudam proditorem.

Resp. conc. sequela mai. neg. min. ad cuius probationem dic non fieri iniuriam Christo Domino, dum anima ipsius, præscin-

sciendando ab omni superaddito, ponitur eiusdem omnino perfectioris cum qualibet alia anima rationali. Ad id quod dicitur sortitum esse Christum Dominum supra ceteros animam bonam; dici non intelligi hoc de bonitate substantiali, sed de donis naturalibus, tum supernaturalibus, quæ talia fuerunt in Christo qualia in nullo alio: vnxit enim illum Deus oleo letitiæ, pre omnibus participibus suis: & ita vnxit, vt de plenitudine eius olei quicquid est boni in alijs, redundarit: cum de plenitudine eius omnes acceperimus.

Ad confirmationem concedo iterum sequelam, Vtramque videlicet ex prædictis animabus esse ex se indifferentem ad hoc, vel quodlibet aliud corpus aptum animæ rationali. Nego tamen ultimam consequentiam, quod videlicet anima illa, quæ constituit Christum, poterit constituere Iudam. Ratio est, quia, vt alibi diximus indentitas totius non habetur per indentitatem formæ solius: nec enim sola forma est tota quidditas compositi: adeoque hæc eadem anima cum alio corpore non esset hic homo, Nota autem quod Christus Dominus non constituitur in esse id quod est, per hanc animam & hoc corpus precise; sed insuper per Verbum diuinum, quod. cuiusque tandem singulari nature vniatur constituit Christum. An autem si alteri singulari Humanitati vnitum fuisset, constitueret eundem, an alterum Christum, est questio

magis de voce, quam de re: certum est enim non fore idem totum; quamuis dubitari posset an foret eadem persone, eo quod etiam altera Humanitas in tali Pypothese eadem personalitate personaretur. Breuitur dicere posses non fore eundem Christum secundum id quod dicit de naturæ personata; fore eundem, secundum id quod dicit de ratione personante.

Obiic. 2. Intellectus vnus animæ est perfectior intellectu alteris, ergo vna Anima est perfectior substantialiter quam altera. Conseq. probatur: quia vel intellectus identificatur cum animâ, vel ab eadem distinguitur. Si identificatur, impliat esse perfectiorem intellectum, & non perfectiorem animam: si distinguitur: imperfectior potentia debetur perfectioris substantiæ; ergo siue distinguatur, siue identificetur, intellectus perfectior infert animam perfectiorem. Probatur autem antec. quia inter intellectus humanos alij aliis incomparabiliter perfectius operantur.

Resp. neg. ant. Ad probationem dictum est alibi. Intellectus non intelligit nisi per speciem, quæ prout est magis vel minus perfecta, mouet ad magis vel minus perfectam intellectionem: specius autem intelligibilis pendet à specie materiali vt ab obiecto, cuius est imago in ordine sublimiori; species autem materialis perfectior elaboratur ab anima informante organa-
per-

perfecta, quam ab anima informante imperfecta. Et in hanc specierum elaborationem refunditur maior, vel minor perfectio intellectus. Da duas animas duo corpora informare æqualiter se habentia, quoad omnia, hoc est, tam quoad organa sensuum tum externorum, tum internorum, quam quoad præsentiam obiectorum & cætera huiusmodi, & dabis duas animas æqualiter aptas intelligere & philosophari. Obiter nota quod si ex perfectione diuersa intelligendi diuersæ essent animæ, & diuersi intellectus; non solum diuersorum hominum, sed eiusdem essent diuersæ in diuersis circumstantiis animæ. Patet hoc in homine sano & infirmo, sobrio & ebrio; puero & viro. Immo aliquando accidit hominem ingeniosissimum, & ad operationes intellectus præstantissimas expeditissimum, ex aliquo morbo ita immutari ut euaderet stupidus, stolidusque; quod est manifestissimum argumentum facilitatem illam operandi etiam in præstantissimo genere operationis, maxime pendere ab hac vel illa habitudine organosum, quibus anima vel mediate vel immediate utitur ad has & illas operationes. Quis enim dicat vi morbi mutasse animam hominem illum, aut eandem animam mutasse intellectum:

Cætera, quæ aduersus hanc sententiam congeruntur, cum petantur ex diuersitate & inæqualitate operationum, quæ sunt propriæ hominis, eadem omnino ratione

ne

366 *Disput. 2. Quæst. 4.*
ne soluantur. Vbi aduerte quod isdem
omnino rationibus probare posses, si quid
probarent, etiam animas equinas esse inter
se entitative dissimiles: nam etiam fun-
ctiones equinæ non sunt in omnibus equis
eiusdem omnino perfectionis: equi enim
alijs alijs melius & elegantius gestant ses-
sorem, incurrunt in hostem, & alia hu-
iusmodi, quæ equorum propria sunt, agunt.
Ab equis ad cætera bruta, & à brutis ad
plantas, in quibus nec omnes pimpinellas
eodem vigore germinantes inuenies: &
alia præstantes, quæ sunt propria pimpi-
nellæ.

QVÆSTIO V.

De immortalitate animæ rationalis.

ARTICVLVS I.

*Afferuntur aliqua pro immortalitate
Animæ.*

A Nimæ rationalis immortalitatem
negant ij, quorum interesset cum
corpore simul animam interire. Esse im-
mortalem animam rationalem, est de fi-
de, vt constat ex innumeris diuinæ scrip-
turæ testimonijs. Inter cætera sint ea,
quibus nobis recte viuentibus æterna præ-
mia: male vero, æterna supplicia propo-
nuntur. Ibunt enim hi in vitam æternam:
isti autem in ignem æternum, vel vt legit

Au-

Augustinus in combustionem aternam. Hinc animæ immortalitas à nemine inter Philosophos catholicos negantur: adeoque ista quæstio non est an sit, vel non sit? sed an demonstretur, vel non demonstretur anima immortalis? Vbi aduerte discrimen inter duas hæc propositiones; *non demonstratur Anima rationalis esse immortalis, & demonstratur anima rationalis non esse immortalis*. Si dicas primam propositionem esse erroneam, vel temerariam, damnaberis ipse à multis Catholicis, iisque magni nominis inter sapientes. Si hoc idem dicas de secunda, rectè dices, & laudaberis sapientiæ: est enim insipientis dicere demonstrari posse quod anima non sit immortalis, cum certum sit & indubitatum esse immortalem: neque enim vlla ratione naturali probari potest esse falsum vllum dogma fidei: adeoque cum de fide sit animam esse immortalem: implica vlla ratione probari oppositum.

Vbi aduerte duo hic hominum genere considerari posse. Primum est eorum, qui dicunt, ratione naturali demonstrari quod anima non sit immortalis. Secundum eorum qui dicunt, quod quamuis ex diuina reuelatione certum sit animam rationalem esse immortalem, tamen ratione naturali probari potest oppositum. Vtrique peccant: secundi insuper ineptiunt. Est enim non intelligentis principia dicere, quod verum demonstrari possit naturali ratione esse falsum: sed eo ipso quod aiunt

certam esse ex diuina reuelatione animæ immortalitatem, aiunt verum esse, quod anima sit immortalis: ergo peccant contra prima principia, dum aiunt demonstrari posse ratione naturali, quod non sit immortalis.

Præterea: qui negat animam esse immortalem est eo ipso insipiens: vnde dicitur in libro sapientix: *visi sunt oculis insipientium mori*. Vbi sermo est de ijs, qui pro fide & veritate occumbunt; qui per hoc ipsum meliorem vitam acquirunt: adeoque non moriuntur, nisi iudicio insipientium, qui non putant vitam in meliorem mutari. Immo illi ipsi, qui tam male iudicarunt, damnant se insipientiæ, dum aiunt: *nos insensati vitam illorum aestimabamus insaniam. & finem illorum sine honore, ecce quomodo computati sunt inter filios Dei, & inter sanctos fors illorum est*. Ex hoc autem quod insipientes sint, negando animæ immortalitatem, recte inferes eadem ratione naturali probari posse. Qui enim id negat, quod nulla ratione monstratur, non est insipiens. Hinc etiam qui negat existentiam Dei est insipiens, qui hæc demonstratur. *Dixit insipiens in corde suo, non est Deus*. Qui negat existere Deum est insipiens, non ex hoc præcise, quod Deus existat: multa enim multi negant de Deo quæ non sunt in Deo minus quam existentia Dei: nec propterea sunt insipientes; sed quia existentia Dei ratione monstratur, secus illa alia.

Rem explico. Controuertitur inter Theologos

logos & Metaphysicos an hoc & illud prædicatum pertineat ad quidditatem. Dei; alij negant, alij affirmant, consequenter circa quidditatum Dei aliqui falsum putant, quia tamen neq. quod pertineat, neq. quod non pertineat ad quidditatem Dei tale prædicatum, vlla ratione demonstratur. propterea neutri sunt insipientes. Puta, quæritur vtrum de essentia Mysterii Sanctissimæ Trinitatis sit distinctio virtualis intrinseca inter essentiam & personalitatem. Ex duobus ijsque primæ notæ Theologis, qui in hoc Collegio diuinâ diuine tractant, alter negat, alter affirmat. Vter merito? vter vere? Quis dicat? Hoc vnum esse certum alterum aberrare à vero quamuis neuter sit insipiens. Et tamen si diuina essentia petat distinctionem prædictam, aut si illam repellat; talis distinctio, aut talis distinctionis negatio æque est Deo necessaria, ac necessarium est ipsam existere. Cur igitur eris insipiens si neges existere, non autem si neges aut affirmes distingui virtualiter essentiam à personalitate: nisi quia alterum demonstratur, alterum vero est in vtramlibet partem probabile?

Duo insuper notanda sunt. Primum est aliud esse demonstrari animæ immortalitatē; aliud demonstrationem huiusmodi esse ad captum omnium etiam rudiorum, sicut aliud est demonstrabilem esse rotunditatem molis terraqueæ, aliud demonstrationem huiusmodi esse ad captum etiam rusticorū. Mathematicus hoc demonstrat; Rusticus non

ARTICVLVS I.

*Probatur ratione physica immortalitas
Animæ.*

PRima demonstratio immortalitatis animæ fundantur in dicto Philosophi 3. de anima tex. 3. & sequentibus: dicit autem ibi Philosophus sensitiuum quidem non sine corpore esse: intellectum autem separabilem esse. Hinc sic ratiocinatur D. Thomas; & cum D. Thoma ex Peripateticis mult. Omnis forma per se subsistens est incorruptibilis: sed anima rationalis est forma per se subsistens: ergo anima rationalis est incorruptibilis. Mai. prob. quia forma corrumpitur per hoc, quod expelatur à subiecto: vt inductione patet per omnes formas tum accidentales, tum substantiales: albedo per hoc destruitur; quod desinat esse in subiecto: anima canis per hoc destrigitur, quod non amplius constituat canem: per idem enim destruitur forma canis, per quod separatur à subiecto, cū quo faciebat vnum, nec inuenies in natura alium modum destruendi formas: duam expeliendo illas a sui subiectis. Hinc sequitur formam, quæ etiam extra subiectum apta est subsistere, incorruptibilem esse: si enim vnica via: per quam formæ corrumpi possunt, nequeat ipsam corrumpere: manifestum est eam incorruptibilem esse: sicut si vnicus esset gladius aptus hominem perimere, & ille
ne-

Probatur hoc idem ulterius, quia operari, quod est supra materiam, est independens à materia, sed operationes animæ intellectiue sunt supra materiam; ergo &c. Mai. est euidens. Min. prob. quia operatio intelligendi abstrahit omnino à materia, nō solum in quantum attingit res immateriales, cuiusmodi sunt Deus, & intelligentiæ; sed etiam in quantum ipsamet materialia attingit immaterialiter, præscindendo videlicet ab omnibus circumstantijs indiuiduantibus. Imo ipsamet obiecta immaterialia, quæ per imaginationē materializantur depurat intellectus ab omni materia, puta Angelum imaginatio repræsentat vt iuuenem alatum: huic & alias, & quodlibet aliud corporeum demit intellectus, substantiam sibi representans pure intelligibile, & ab omni omnino corporea concrezione diuisam. Est igitur anima rationalis independens à materia in operari, & consequ. in esse.

Est & aliud caput, vnde incorruptibilitatem animæ rationalis arguat D. Thomas s illud videlicet vnde Philosophus in libri Physic. demonstrat incorruptibilitatem materiæ primæ; materiæ, inquit. primæ nullum est contrarium: ergo est incorruptibilis. Prob. ant. ex eo quod sit capax contrariorum, eadem enim formæ substantiæ & priuationi formæ: albedini & nigredini, calori & frigori. Probat etiam consequentiam, quia, quod corrumpitur actione contrarii corrumpitur. Ita lignum ab igne, & sic

sic de cæteris. Eodem fere ratiocinio utitur D. Thom. animæ rationali nihil est contrarium: ergo est incorruptibilis. Probat antec. quia anima rationalis est capax contrariorum: nam rationes contrariorum, puta boni & mali: entis & non entis sunt simul in anima: cum eadem sit contrariorum disciplina. Conf. prob. ut supra.

Huic argumento facile est, si non vere, saltem apparenter respondere. Primo per instantiam in potentiis sensitivis, quæ tamen sunt corruptibiles: nam species contrariorum simul sunt in phantasia, & etiam in oculo: cum tamen huiusmodi potentia sint corruptibiles, secundo: negando omne quod corrumpitur corrumpi à contrario: lux, aiunt, est qualitas carens contrario, nec tamen est indefectibilis: idem dicunt de impetu, qui ad aliquod spatium durat, & tandem destruitur.

Hæc tamen potest rationabiliter replicari: primo dicendo, quod quamvis sunt simul in eadem parte sensitivæ species contrariorum, sicut in eodem intellectu contrariorum disciplina: non tamen est eadem ratio pro indivisibilitate potentia sensitivæ, ac pro indivisibilitate intellectivæ: cum unusquisque supra suos actus reflectendo animadvertere possit intellectum non indigere organo corporeo ad exercendas suas operationes: cum nulla potentia sensitiva huiusmodi organo non indigeat; neque enim possibile est aut aut oculo, aut imaginatione depurare obiectum ab omni ma-

teria: quodcumque illud sit; cum contin-
gat id fieri per intellectum. Rei autem cor-
poræ esse aliquid contrarium patet. Imo
ex hoc ipso quod intellectus & se, & suos
actus inspiciat, ostenditur esse ordinis supe-
rioris ad amorē, & quamlibet potentiaā sen-
sitiva; hæc enim nō refectit supra se, suosue
actus: neq. enim aut imaginatiua suas imagi-
nationes, aut visiva suas aspicit visiones.

Secundo afferendo rationem, cur & im-
petus tamdiu duret, & non plus; lux ūero
etiam non adueniente contrario intereat, si-
cut & aliæ qualitates, cuiusmodi sunt scien-
tiæ, quæ etiam sine aduentu erroris oppo-
siti destruantur? puta vt ex musico fias im-
musicus, non est necesse vt tibi superueniat
habitus canendi contra præcepta musicæ:
neque vt ex Physico imphysicus vt super-
ueniat tibi error circa ens sensibile: sed in
vtroque sufficit ignorantia, hoc est vt vtro-
que habitu priueris, nullo alio expellente.
De impetu quidē facile esset sustinere hunc
non destrui nisi à contrario. Tamdiu enim
lapis sursum, aut transuersum agitur, quan-
diu prævalente impetu innato non fertur
deorsum. Est autem inter impetum innatū,
& impressum contrarietas quædam, quate-
nus sunt ad terminos oppositos, & incom-
possibiles, De luce autem aliisque huius-
modi dici potest quod destruantur, nō qui-
dem à contrario, sed per defectum causæ
conseruantis. Puta ad conseruationem lu-
cis requiritur præsens luminosum: ad con-
seruationem scientiæ præsentia, & ordina-
tio

rio specierum, quas intellectus sciens speculatur, anima autem per defectum conservantis, nequit interire, quandoquidem eundem habet conservatorem, quem habuit conditorem; Deum videlicet essentialiter indefectibilem, & immensum; adeoq. qui nec potest deesse, nec esse non præsens suæ creaturæ. Hinc illud principium, quod adduximus ex Philosopho, & D. Thoma, si accipiat pro appendice paucas particulas, erit facilius propugnabile; dicendo. Quod corrumpitur, vel actione contrarii corrumpitur, vel ex defectu causæ conservantis. Quia autem suspicari non potes causam animæ conservatricem aut deficere, aut à sua creatura abesse, propterea fortasse superfluum putavit D. Thom. hoc addere, quod nos ad maiorem explicationem addidimus.

Nota obiter totum hunc discursum radicaliter fundari in hoc quod forma hominis, siue anima rationalis sit à materia independens adeoq. creetur à Deo, nec aliam sui causam habeat, seu creatricem, seu conservatricem, quam Deum. Hoc autem ex modo operandi eiusdem animæ, supponit demonstratum D. Thom.

Ad hanc D. Thomæ demonstrationem reducendum puto illud Augustini 10. de Trinit. c. 7. *Vita carere vita non potest*: anima est vita, igitur anima carere vita non potest. Maior tam est evidens, quam evidens est nihil abesse posse à seipso. Quod autem carere vita non potest, eo ipso est immortalis.

le. Animam autem vitam dicit, non qualemcumq. sed incorpoream, hoc est non solum totius, cuius ipsa est pars, sed sui ipsius, atque ita obuiat instantiæ quam facere posses.

Dices enim. Anima equi est vita: sed vita carere vita non potest: ergo anima equi carere vita non potest &c.

Resp. dist. mai. Anima equi est vita equi conc. est vita sui, nega mai. quia est vita equi, hoc est totius in quo est pars, quod non est ipsa: potest abesse ab eo, cuius est vita, & quia non est vita sui, sed totius: per hoc quod separaretur à toto: & totum moritur, & ipsa destruitur, anima aut rationalis cum sit vita & totius, sui, per hoc quod separaretur à comparte, cum qua facit vnum, illud vnum moritur: non tamen moritur ipsa, cum sit insuper vita sui ipsius. Hoc puto est, quod D. Thom. intelligit nomine formæ subsistenti: & hoc ipsum quod intelligit. D. Tho. nomine formæ subsistentis, puto, intellexit D. Aug. nomine vitæ substantialis, & incorporæ.

Dices. Anima rationalis pendet in operando à materia: ergo etiam in essendo. Probat:ur antec. quia anima pendet à phantasmatibus, sine quibus non intelligit; nam vt aiunt, intellectus per conuersionem ad phantasmata speculatur. Conseq. autem est euidens, quia modus operandi sequitur modum essendi, vt dictum est supra.

Resp. quod aliud est pendere à phantasmate tamqua ab obiecto, aliud à materia;

ut ab organo. Primum damus. secundum negamus. Intellectus speculatur phantasmata materialia, eadem spiritualizans: hoc est formando ad similitudinem specierum sensibilium, species pure intelligibiles, ut alibi indicatum est. Ex hoc autem ipso apparet ipsius immaterialitas; neque enim posset immaterializare, nisi esse immaterialis, ubi adverte assumi: ut evidens quod operari independentem à materia, superet modum operandi potentiae materialis, non autem quod omnis ratio, quæ est in termino cognito reperiri debeat in potentia cognoscente: quod est absurdum ex terminis. Attingere materialiter, aut immaterialiter obiectum pertinet ad modum cognoscendi potentiae. Attingeret tanta, vel tanta perfectione obiectum; puta probabiliter, vel evidenter: abstractivè, vel intuitivè, limitatè, vel illimitatè, compræhensivè, aut secus: pertinet ad perfectionem eisdem, quæ intra eundem modum, suscipit magis & minus.

Hanc eandem conclusionem probat D. Thomas 1. 2. quæst. 75. art. 6. ex appetitu innato, quem habet anima semper videndi: qui appetitus cum sit innatus animæ ratio, nali, nequit esse irrationabilis. Anima igitur æternitatem illam appetens, quam intelligit, nec intelligit, nec appetit chimeram. Hæc ratio, si bene penetratur est magni ponderis: quamvis apud obstinatos vix locum inveniat, qui non animæ, sed corporis immortalitatem magni facerent; sed sinamus illos, nam cæci sunt, & ducēs cæcorum.

ARTICVLVS II.

Afferuntur alia pro animæ immortalitate.

PRæter rationes physicas, quas ex Philosopho, & D. Tho. attulimus ad probandam immortalitatem animæ rationalis; afferendæ sunt aliæ, quæ & vulgo & Sapientibus efficaces videntur. Duo hic assumenda sunt non solum vt certa, sed etiam vt euidencia; videlicet dari Deum, & in Deo iustitiam, ac prouidentiam. Neutrum potest negari nisi ab insipiente, qui dicat; *Non est Deus*. Si enim des Deum esse, das iustum & prouidum esse. Deus enim est id, quo melius nihil cogitari potest. Cogita Deum sine iustitia, sine preuidencia; cogitetet alius iustum, & prouidum; hic aliquid melius cogitabit quam tu; & consequenter Deum non cogitasti. Atque hic nota quam facile sit probare in Deo cumulum omnium perfectionum. Deum igitur dari supponimus hic. Hoc supposito sic ad demonstrationem proceditur.

Homines virtuosos, & sancti non recipiunt in hac vita præmiū virtutis; nec impii omnes, suæ pœnas impietatis. Quod aiunt Stoici culpam ipsam esse sui ipsius pœnam: ridiculum est: & tam à Sapientibus, quam ab Insipientibus irridetur; ab his; quia plus voluptatis habent in culpa, quam doloris; sit tamen dolent in reparatione culpæ; ab illis, quia hoc ipsum sciunt: conscientiam

nos, & bene malos. Item est de ratione iusti prouisoris præmiare virtutes, & punire vitia: Deus est iustus prouisor: ergo Deus debet præmiare virtutes & punire vitia. subsumit hic Augustinus; in hac vita non solum non præmiantur virtutes, nec vitia puniuntur, sed potius prosperantur impii, boni cremuntur aduersitatibus: ait enim Psalmista: *vidi impium superexaltatum, & eleuatum*. sicut cedros Libani: cum contra; qui pie volunt viuere persecutionem patientur; ergo in hac vita non est merces virtutis, & pæna vitij, sed est euidentis dari mercedem virtutis, & pænam vitij; ergo euidentis est dari aliam vitam; adeoque animam separatam à corpore non interire, Hoc idem dicit Psalmista loco citato: statim enim ac miratus est felicitatem impij, subdit; *transiui, & ecce non erat*. Memento enim transire hæc omnia. Ex his cum Augustino sapienter deducimus bona hæc omnia temporalia esse omnino contemptibilia; quia sunt bonis & malis communia; & plerumque maiora in malis, quam in bonis. Imo plerumq; videntur fructus iuquitarij iuxta illud.

Aude aliquid breuibus gyaris, & carcere dignum,

Si vis esse aliquis; probitas laudatur, & alget.

Criminibus debet hortos, prætoria, mensas.

Argentum vetus & stantem extra pocula caprum.

Quamuis enim vetum sit etiam eos, qui virtutem amant, aliquando temporaliter esse felices tamen prædicta prosperitare vel le carere, maioris virtutis est; adeoque diuinæ erga nos benevolentia argumentum: iuxta illud; *flagellat Deus omnem filium quem recipit*: hoc est premit aduersis quamcumque amore paterno diligit. Ex quibus euidenter inferes esse alia bona istis præsentibus altiora, quibus amicorum merita muneratur; quandoquidem hæc præsentia etiam abundanter distribuit inimicis,

Scio non deesse Stoicis ampullata & inania verba, quibus dicunt viro fortis virtutem ipsam esse pretium sui, & patientiam esse præmiū patientis, & alia huiusmodi, quæ quam superbe dicuntur ab istis, tam iuste ridentur à nobis. Sapienter ait Apostolus; *Si in hac vita tantum in Christo sperantes sumus: miserabiliores sumus omnibus hominibus*. Vbi aduerte non hoc proponi ab Apostolo ut fide credendum; sed afferri ut euidens, & manifestum, & tamen ipse Stoicorum virtutes, cuiusmodi sunt contemptus vitæ, laboris patientia, & malorum perpassio, maiores sunt in ijs, de quibus philosophatur Apostolus, quam in Stoicis ipsis, ut examinanti patebit. Est igitur certum, quod malorum perpassio, nisi adsit spes remunerationis, nequit non facere miseros: quandoquidem nequit non facere miserabiles. Hæc omnia in responsione ad obiectiones magis elucidabuntur.

Pro-

Probatur intera conclusio posita alior argumento: comparando ens, qui tenent animæ immortalitatem cum ijs, qui contra sentiunt. Iudicium, quod anima sit immortalis determinat ad bene, & virtuose viuendum: cum proponat bene viuentibus præmia, male viuentibus supplicia, iudicium oppositum determinat ad viuendum in honeste, iuxta illud: *edamus & bibamus: cras enim moriemur*: cuius sensus est indulgendum esse hic crapulæ, & voluptatibus; quandoquidem nobis intereuntibus, quod breui accidet, omnia simul nobis intereunt. Est autem absurdum, quod ex duobus iudiciis oppositis illud sit erroneum, quod ponitur pro basi, & fundamento vitæ virtuose: illud autem verum, quod per se deordinat totam vitam humanam.

Dixi: *Iudicium, quod est fundamentum vitæ virtuosæ*: neque enim absurdum est me dependenter à iudicio falso in multis recte operari, male operaturum, si haberem circa idem obiectum iudicium verum. Puta si quis iudicet versari se inter carnifices intuentes minas, nisi à fide & Religione deficiat: potest hoc iudicio etiam falso determinari ad actus charitatis & fortitudinis heroicos; eosdem non elicituris; immo fortasse mula illicita commissurus in ludis & conuiuuijs, si iudicaret versari se, vt de facto forte versatur, inter amicos. Sed quod accidit circa iudicium aliquod respiciens hoc, & illud obiectum in particulari, nequit accidere circa iudicium, quod sit fun-

damentum operandi in vniuersum . Quod autem , qui animam iudicat mortalem , hoc ipso iudicio determinantur ad bene viuendum , patet ; sicut patet etiam sceleratos cohiberi à malefactoris metu supplicii intentati per leges ; & allici ad bene operandum salutem externe , spe mercedis per easdem proposita .

Atque hinc etiam desumere potes aliud argumentum . Constat enim ipsam sceleris conscientiam aliquod torquere sceleratos ; sceleris inquam , pure interni . Nemo enim repente fit pessimus , ait Philosophus , cum pessimorum sit , conscientia sceleris nullo modo torqueri . Tormentum autem illud est sensus quidam animæ sui sceleri pænes , & vindicem permescentis : unde qui securus est , sua sibi peccata condonata esse ; dolet quidem quod peccauerit , sed colore non torquente dolente ; immo suauitate , quadam ita conditum , vt dulcius sit flere peccatum , quam fuerit illud idem committere : ratio est quia lacryme ita dolentis sunt lacrymæ amantis , cum contra tormentum admissi sceleris , sed non remissi , non amantis sit , sed timentis , & aliquando hoc ipsum destantis , quod timere cogatur , quem effendit . Huius tormentosi doloris tot testes sunt , quot sunt impii perseverantes in scelere ; alterius doloris consolantis dolentem , testes sunt quotquot vere conuertuntur ad Deum : & inter cæteros in promptum est Augustinus , qui nostrum hoc ratiocinium luculenter confirmat .

AR.

ARTICVLVS IV.

Respondetur obiectionibus.

Obiic. 1. dictum Apostoli, qui de Deo loquens ait : *Qui solus habet immortalitatem*; ergo anima rationalis non est natura sua immortalis.

Resp. nomine immortalitatis intelligi ab Apostolo essentialem indefectibilitatem, hoc est metaphysicam necessitatem semper essendi : quod genus immortalitatis nec animæ rationali, nec ulli alteri creaturæ absolute conuenit. Eiam si enim anima rationalis sit ex natura sua immortalis, adeoq. petat numquam destrui : tamen potest Deus illam annihilare ; quod idem dicendum est de Angelo, & qualibet alia creatura huiusmodi.

Obiic. 2. anima rationalis fit ex nihilo : ergo in nihilum reuertitur. Conseq. prob. quia quemadmodum veteres philosophabantur : *ex nihilo nihil fit, ergo nihil reuertitur in nihilum*; ita videmur philosophari posse. Hoc ex nihilo est ergo in nihilum reuertitur.

Resp. conc. ant. neg. conf. Esse ex nihilo non ponit necessitatem reuertendi in nihilū. Aliter non solum anima non esset ex natura sua æterna ; sed repugnaret simpliciter & absolute creatura petens æternum durare. Patet hoc : quia omnis creatura est ex nihilo : omne quod est ex nihilo reuertere debet

in nihilum; ergo omnis creatura reuerti debet in nihilum: & consequenter creatura petens æternum durare est chimera. Non dico: creatura æternum durans; quandoquidem id etiam, quod natura sua interit, potest a Deo supra exigentiam naturæ æternit feruari: sed, dico: potens æternum dura; quia si tam necesse est ire natura sua in nihilum, quam necesse est ex nihilo esse; cum nulla creatura non sit ex nihilo; nulla creatura non ibit ex natura sua in nihilum.

Ratio cur in nihilum nihil abit, in sensu veterum, allata est alibi, vbi offensum est non dari in natura actionem pure corruptiuam. Cæterum est absolute falsum nihil in nihilum abire: nam formæ materiales tam substantiales, quàm accidentales omnino intereunt, nihilque de ipsis permanet in natura. Ratio con anima rationalis, quæ est ex nihilo, non abeat in nihilum, est etiam alibi dicta: quia videlicet est forma per se subsistens; adeoque non destruibilis per hoc, quod seperetur à subiecto. Rursus nec deficere potest aut actione contrarij, quod non habet, aut ex defectu causæ conseruantis, quæ est essentialiter indefectibilis.

Obijcies 3. Si anima rationalis est quid subsistens; est hoc aliquid: non est hoc aliquid; ergo non est quid subsistens. Maior est Aristotelis pro eodem habentis *subsistens*, & *hoc aliquid*. Minor probatur ex eodem, apud quem parcius, quod est hoc aliquid, non est hoc aliquid: anima autem rationalis est pars hominis, qui sine dubio est

est hoc aliquid : igitur ipsa non est hoc aliquid .

Resp. cum D. Thoma quaestione citata, quod *hoc aliquid* . dupliciter dicitur. Primo pro quolibet subsistente per se : & hoc modo anima rationalis est hoc aliquid . Secundo pro subsistente completo intra naturam alicuius speciei : & hoc modo anima, cum non sit natura completa in specie , sed solum pars , naturæ , non est hoc aliquid . De hoc secundo ait Philosophus, quod non sit pars eius, quod est hoc aliquid : nequit enim ex duobus per se subsistentibus fieri vnum subsistens, Ideo in Christo Domino non datur duo per se subsistentes, sicut non dantur duæ personæ; sed verbum quidem in se, & per se homo autem & in verbo, & per verbum subsistit .

Nota obiter animam rationalem ita esse partem subsistentis completi, vt ipsa etiam sit per se suo modo subsistens: ita enim petit facere vnum cum corpore, vt tamen non petat per separationem à corpore interire. Et quia modus operandi sequitur modum essendi, quemadmodum est naturaliter, & in corpore, & extra corpus: ita etiam habet naturaliter operationes pendentes à corpore, & operationes à corpore independentes, vt ostensum est supra.

Obijc. 4. Anima rationalis educitur de potentia materiæ; ergo est forma pendens à materiæ, & consequenter non subsistens per se. Antec probatur, quia materia, prius quam actuetur per formam rationalem, ,

est in potentia ad ipsam ; ergo forma rationalis educitur de potentia ipsius . Item anima rationalis non est forma seipsa operans ; ergo neque seipsa subsistens . Antec. probatur autoritate Philosophi 1. de anima tex. 64. vbi sic habet : *dicere autem irasci animam , simile est ac si dicat aliquis eam texere , aut edificare* : ergo secundum Philosophum seipsa non irascitur ; nec alias huiusmodi operationes habet .

Resp. neg. ant. Anima enim rationis creatur ; adeoq ; nec ex vlllo subiecto educitur , nec ab vlllo agente creato efficitur . Ad probationem conc. ant. neg. conseq. Materia est in potentia ad animam rationalem , non per hoc , quod hæc possit educi ex ipsa : sed per hoc , quod possit informari per ipsam . Non est autem de ratione formæ informantis educi de potentia subiecti , quod informat . Ad aliud argumentum nega ant. Ad autoritatem Philosophi , vbi dicit , quod anima non recta dicitur irasci , sed homo , dicendum est intentum Philosophi esse , quod denominationes huiusmodi aptius cadant supra totum , quam supra partem . Subsistit enim ibidem : *melius enim fortassis est non dicere animam misereri , aut addiscere , aut cogitare : sed hominem anima* . Cæterum adeo expresse docet esse in homine operationes independentes à materia , vt aliqui crediderint credidisse Philosophum intellectum esse potentiam quandam , non solum extramateriam , sed etiam extra animam . Quod

si ita esset operationes prædictæ potentia non essent in anima, sed in intellectu; nisi dicere velis intellectum, qui extra animam sit, intra animam operari. Aliter sensisse Philosophum ostendit D. Thomas docens nomine intellectus separati nihil aliud intelligi ab Aristotele, quam separationem, quandam in ordine ad operationem: hoc est vim intelligendi independentem ab organo corporeo. Secundum autem hoc dici quodammodo potest intellectus separatus, non quidem ab anima, sed à corpore, quatenus est in actu secundo intelligens independentem à corpore, non tamen independentem ab anima, hoc est sine concursu corporis: non tamen sine concursu animæ, cum anima, & ipse sint idem.

Obijc. 5. Est impossibile separari actionem intellectus ab actione potentia sensitivæ, puta Phantasiæ siue imaginationis: ergo impossibile est deprehendere operationes in nobis independentes ab organo corporeo: & consequenter impossibile est demonstrare ex modo operandi animæ proprio, quod ipsa sit immaterialis, & per se subsistens. Probatur antecedens; quia numquā intellectus agit, quin sit simul & agat imaginatio; intellectus enim per conversionem ad phantasmata speculatur, & consequenter eidem speculanti coagit phantasia obijciendo phantasmata, idemque in suis phantasmatibus contemplando, quod intellectus: hinc experimur in nobis rerum imagines, de quibus cogitamus; & quamvis dicamus,

nos

Disput. 2. Quæst. 5.
nos vno intuitu intelligere omne id, quod
per integrum syllogismum attingimus,
aientes cognitionem huiusmodi non consta-
re partibus, quarum altera sit prior, altera
posterior: tamen hoc magis credimus, quam
scimus; & si attente reflectamus supra no-
stros actus; videbuntur nobis æque fluere
per partes actus nostri intellectus, ac fluunt
verba ipsa, quibus eosdem actus exprimi-
mus, quamuis hæc lentius, illi celerius
fluant.

Confirmatur hoc, quia sæpissime syllogi-
zantes: post utramque præmissam hæremus
inelicienda conclusione; ergo non indiui-
sibiliter cognoscimus & principia, & id,
quod ex principijs eruitur:

Resp. neg. ant. Etiam si duæ operationes
simul sint ab eadem anima, tamen recte dis-
cernis inter hanc, & illam, & hanc alio
modo procedere, quam illam. Puta etiam si
videns eundem, Petrum eundem etiam videas
intellectu, hoc est eundem simul cogites, si-
ue apprehendas, recte tamen cognoscis aliud
esse cogitare, aliud videre; igitur etiam si
des actionem intellectus numquam esse sine
concomitanti actione imaginatiua: non
propterea erit impossibile discernere vnâ a-
ctionem ab alia, & modum vnus à modo
alterius. Discrimen autem inter modum o-
perandi vtriusque potentie dictum est alibi.
Imaginatiua non imaginatur suam imagina-
tionem: sicut oculus non videt suam visio-
nem: neutra enim est potentia reflexiua:
aliud enim est imaginari rem, aliud imagi-
nari.

nari imaginationem rei: Intellectus autem
 non solum intelligit rem, sed intelligit rur-
 sus ipsam intellectionem rei: voluntas non
 solum amat rem, sed insuper amat amorem
 ipsum, quo amat rem: ideo dicuntur istæ
 due potentia esse reflexive. Hinc Pytago-
 rici, qui omnia explicabant per numeros,
 dicebant quod *Anima est numerus seipsum
 in orbem mouens*; hoc est qui intra seipsum;
 & in seipsum reuoluitur. Vtentes autem fi-
 guris locæ numerorum, animam per circu-
 lum adumbrabant. Quibus omnibus nihil
 aliud significabatur, nisi animam esse sui
 ipsius, suorumque actuum cognoscentiam.
 Quæ ratione operatio imaginatiuæ comite-
 tur, vel potius præcedat operationem intel-
 lectus ostensum est supra, & inferius magis
 ostendetur: eo enim ipso, quod intellectus
 per conuersionem ad phantasmata speculatur,
 necesse est præire phantasma formationē
 intellectioni, eo modo, quo visioni præ-
 cedit obiectum corporeum, mouens poten-
 tiam ad videndum. Cæterum cum experia-
 mur nos cognitione nostra hæc ipsa phan-
 tasmata depurare à materialitate, quam ha-
 bent: optime cognoscimus cogitationē hu-
 iusmodi non esse potentia imaginatiuæ, &
 materialis; sed intellectiuæ; immaterialis:
 adeoqu. falsū est non posse discerni à nobis,
 quod spiritualiter attingamus obiecta. Ad
 confirmationem. Certum aliquando in-
 telligi principia, non intellectis ijs omni-
 bus, quæ ex principiis deduci queunt: sed
 tunc non syllogizamus: adeoq. ex hoc in-
 ferri

neq; enim simul est nunc, & simul in quolibet ex ijs instantibus in quibus fuit, aut erit. Imo aiunt esse de essentia cuiuslibet durationis creatæ applicare diuisibiliter suū subiectum diuersis partibus vel formalibus, vel virtualibus temporis vel realis, vel imaginarij in quo durat. Extensio secundum locum, vt patet ex dictis in *Physica*, non habetur nisi per hoc quod singulæ partes locati respondeāt singulis partibus loci: adeoque nequit haberi in subiecto indiuisibili, qualis est Angelus: extensio vero secundum tēpus habetur per hoc quod idē sit præsens modo huic, modo illi alteri, prius priori, & postea posteriori particulæ tēporis, quod haberi potest tam in subiecto diuisibili in partes, quam in indiuisibili, vt patet. Quod si consideres substantiam immaterialem in motu; quamuis hæc successiue diuersis spatij partibus applicetur, nunquam tamen non est tota in toto, & tota in qualibet particula spatij, quod illi in quolibet instanti assignes, pro toto spatio quod occupet.

Hinc habes rationem extensi secundum totam amplitudinem non esse propriā quarto modo materiæ aut rei materialis; sed restrictæ ad extensionem quæ est vel secundum partes subiecti, vel secundum partes loci, & cum hac restrictione putamus extensum per se ex natura rei conuenire omni vel materiæ vel rei materiali.

Obij. vltimo, etiam si probetur quod anima per separationē à corpore non intereat, non

non propterea probatur quod sit immortalis: ergo &c. probatur antec. quia dici potest quod dicitur sparata per aliquod annos: puncta per centum, aut mille, & postea destruat; ergo &c.

Resp. neg. antec. ad probat. iterum nego ant. eo ipso quod per separationem non interit, est forma per se subsistens. Rursus probatum est non posse destrui à contrario: quia non habet contrarium, cum contraria sint simul in ipsa secundum modum ipsius proprium: dentque neq; destrui potest per defectum aut absentiam causæ conservantis. Non est igitur unde destruat, nisi pro suo libito velit, ille in cuius potestate sunt omnia: hoc autem non erit ad exigentiam animæ. Dare animæ mille annos, & non æternitatem, non est philosophari: cum hoc nulla omnino ratione fundetur.

Q V Æ S T I O VI.

An ex eo quod anima rationalis creetur rectè inferatur esse à Deo solo.

A R T I C V L V S I.

Statuuntur Conclusiones veræ Doctrinæ.

QUærendum an ex eo quod anima rationalis creetur rectè inferatur esse à Deo solo, est quærendum an ita sit solius Dei creare, ut nulli omnino creaturæ competere possit. Dupliciter autem intelligi

ligi potest creatura creare; videlicet vel per modum causæ principalis, vel per modum causæ instrumentalis, quam distinctionem habes apud D. Tho. i. p. q. 45. a. 6. & apud Scot. in 4. dist. i. q. 1. Dicitur agere per modum causæ principalis quod virtute sibi propria & intrinseca agit. Hoc modo Ignis generat ignem; Faber efficit scamuū. Causa instrumentalis dicitur vel per comparisonem ad instrumenta naturæ & tunc est ipsamet virtus principalis agentis sicut calor est virtus ignis, eiusdemq; instrumentum ad gignendum alium ignem, vel per comparisonem ad instrumenta artis, estq; id quod per motum ab extrinseco acceptum ex intentione mouentis aliud facit, sicut securis per motum à Fabro ~~ex intentione eiusdem efficit scamnum.~~ ex intentione eiusdem efficit scamnum. His positis.

Deo 1. Implicat creatura creatrix per modum causæ principalis. Ita D. Tho. & Scot. locis supra citatis ac Theologi unanimiter omnes ex Doctrina Patrum: inter quos August. lib. 3. de Trin. c. 8. ait nefas esse credere siue bonos, siue malos angelos vllarum rerum creatores, & lib. 12. de Ciuit. Dei c. 23. dicit quod etiamsi Angeli operationem suam rebus quæ gignuntur in Mundo adhibeant, tam non eos dicimus creatores animalium, quam nec agricolas frugum. Vbi aduerte aptissimam esse comparisonem inter agricolas in ordine ad fruges, & Angelos in ordine ad effectus qui ipsis operantibus fiunt. Vtriq; enim
ap-

applicando actiua passiuis agunt.

Duo responderi possent ad Augustinum, Primum est cum loqui de ijs dumtaxat Agentibus quæ de facto sunt in rerum natura. Secundum est, quod creare apud ipsum non idem sonat quod apud Scholasticos. Fortasse enim apud ipsum creare est producere non solum independenter à concursu subiecti, sed independenter à concursu cuiuslibet alterius causæ, cum autem implicet creaturam agere nisi concurrente prima causa, manifestum est implicare etiam creaturam creare.

Neutrum tamen subsistit. Non primum; quia vim creatiuam commendat Augustinus ut propriam solius Dei: ergo negat illam non solum in existentibus sed etiam in possibilibus creaturis. En ipsius verba lib. 9. de Gen. ad lit. *Angeli enim nullam omnino possunt creare naturam, Solus enim unus cuiuslibet naturæ seu magnæ, seu minime creator est Deus.* Non secundum; quia si nefas est credere quod creent, eo quod ea omnia quæ faciunt ex præexistentibus faciunt, primordialiter videlicet, ut ait l. 3. de Trin. c. 9. in quadam textura elementorum creata: manifestum est quod creare apud ipsum idem sonat quod apud Scholasticos, producere videlicet, non absq; concursu ullius alterius causæ, sed absque concursu subiecti, hoc est nullo præsupposito ex quo res fiat. Et hoc idem significat l. 1. de lib. arb. c. 2. ubi dicit Deum nulla adiutum esse natura in creando, quasi qui

qui non sibi sufficeret. Veritatem tamen hanc auctoritate firmissimam ratione monstrare non est adeo facile vt quilibet intellectus conuinci possit.

Sunt qui putent probari sic. Si creatura creatrix est possibilis, existit de facto; non existit de facto, ergo non est possibilis. Minorem probant sola auctoritate, maiorem vero hac ratiocinatione. Creatura creatrix esset noua species, nouus ordo, noua pulchritudo vniuersi: ergo si est possibilis & non existens, deest vniuerso species, ordo & pulchritudo ipsi debita: quod est inconueniens: cum enim quælibet species sit speciale argumentum Sapientiæ Conditoris, creatura creatrix, vt pote inter alias nobilissima, illam maximopere & super omnes alias manifestaret: Deus igitur qui mundum condidit ad suam gloriam, non potuit creaturam illam non condere, quæ maxime ad ipsius gloriam facit, ostendens ipsum creare posse creaturam etiam creatricem. Quamuis enim ex nullius creaturæ possibilitate inferatur simpliciter & absolute eiusdem existentia: cum omnis creatura sit essentialiter contingens: infertur tamen legitime ex suppositione, puta hominem aut aliam creaturam intellectiuam existere non est necessarium absolute, est tamen necessarium ex suppositione quod Mundus creetur, quia nequit creari Mundus nisi ad gloriam Dei, nequit autem glorificandi Deus per Mundum nisi à creatura intellectiua, cum sola intellectiua cognoscat excel.

cellentiam creatoris in quo consistat gloria Dei extrinseca.

Mirum est hoc argumento uti etiam eos qui aiunt esse possibles rerum species non tot quin plures pulchriores & pulchriores in infinitum. Tu pro earum existentia utere argumento proposito. Species supra perfectissima n earum quæ existunt est possibilis, ergo datur, & consequenter existit creatura perfectior perfectissima existentiam: quod repugnat terminis. Conseq probatur: quia si non datur, deest vniuerso species, ordo & pulchritudo debita, manifestatiua diuinæ excellentiæ, &c. Sicut enim creatura creatrix sua hac speciali: ita quælibet species ex possibilibus sua etiam speciali pulchritudine sui conditoris pulchritudinem & sapientiam ostenderet. Ex quo conficitur nullum esse speciem possibilem pulchriorem existentibus: adeoque vel non dari processum in infinitum in speciebus possibilibus, vel inter infinitas reperiri omnium maximam & nobilissimam. Probat: quia si vlla ex his remanet in statu possibilitatis, deest pulchritudo debita vniuerso, & Sapientiæ conditoris se ipsum per suas creaturas manifestantis.

Dices alias species creaturarum possibles pulchriores existentibus esse perfectiores intra eundem rerum ordinem, adeoque non manifestaturas, etiam si existerent, perfectionem alterius ordinis: at vero creaturam creatricem fore aliterius ordinis, si datur,

retur, adeoq; manifestaturam alterius & longe excellentioris ordinis perfectionem per suam excellentiam. Resp. 1. Ergo ex possibilitate ipsius non infertur eiusdem existentia. Conseq. probatur: quia creaturæ intra hunc ordinem rerum perfectius manifestantes diuinam excellentiam quam de facto existentes, sunt pure possibiles: ergo, fortiori creatura quæ est supra, adeoq; extra hunc ordinem rerum. Conseq. est euidentius, si enim est indebita vniuerso pulchritudo spectans ad ordinem qui est de facto: multo magis est indebita pulchritudo quæ sit supra. Resp. 2. excellentia Dei vt creatoris manifestam esse ex creaturis per hoc quod sint ex nihilo, non autem per hoc quod aliqua quidquam facere possit ex nihilo. Ex eo autem quod creatura creatrix manifestaret hanc ipsam excellentiam creatoris esse communicabilem creature, non magis licet inferre quod existat si sit possibilis, quam ex possibilitate cuiuslibet excellentiori in quocumque; ordine perfectionis eiusdem existentiam: cum certum sit esse possibilem & excellentiorem rerum ordinem, & tam in hoc quam in quolibet alio esse possible non tot quin plura alia aliis excellentiora: cum tamen nec alius ordo, nec in villo ordine omnis perfectio possibilis existat. Deniq; rogo an valeat. Vnio hypostatica est possibilis ergo existit. Negabis, puto: hæc enim etiam ex suppositione mundi conditi existit Deo omnino libere volente vt existat; adeoq; po-

tente velle vt non existat: potuit ergo intra statum puræ possibilitatis remanere Homo Deus, adeoq; potuit esse communicabilis identitas suppositi homini cum Deo quin de facto communicaretur. Vnde igitur habes quod si vis creatiua sit communicabilis creature, eo quod sit ordinis excellentioris, sit eo ipso communicata.

Alij igitur eandem veritatem aliter probant. Actio, inquiunt, creatiua terminatu ad ens vt ens, actio creaturæ nequit terminari ad ens vt ens, ergo actio creaturæ nequit esse creatiua. Maior probatur, quia actio creatiua nihil supponit de re quam creat, adeoq; nullam physicam potentialitatem passiuam, sed puram potentialitatem logicam, hoc est puram non repugnantiam inter prædicata constitutiua rei quæ creatur. Probatur iam min. quia si sufficit in termino ratio entis, hoc est non repugnantis, creatura creatrix poterit creare omne creabile, & in omni creabili se ipsam: nam in ipsa reperitur ratio entis.

In hoc discursu etiam cæteris transmissis facile est in probatione minoris negare sequelam, quod videlicet idem posset creare seipsum. Nam etiam virtutis creatiua Dei dicitur terminari ad ens sub ratione entis, adeoq; extendi ad omne non repugnans, cum tamen non extendatur ad ipsum Deum, qui tamen non constat prædicatis repugnantibus. neq; enim Deus potest se ipsum creare. Quod si dicas Dei vim creatiuam extendi non ad omne ens simpliciter, sed

sed ad omne creabile: quemadmodum secū-
lūmitas rationem entis per additum *creabi-*
lis loquens de termino virtutis creatiue in
Deo, ita alius limitabit rationem creabilis
per additum à se distincti loquens de ter-
mino virtutis creatiue create, idq. ob neces-
sariam præsuppositionem causæ ad effe-
ctum, adeoq. ob necessaria distinctionem
inter effectum & causam. Præterea nega-
bitur sequela etiam quoad omne creabile
distinctum à create, dicereturq; aliud esse
nihil supponere nisi non repugnantiam sim-
pliciter, aliud, nisi non repugnantiam talis
termini. Contingit autem causam hanc esse
proportionatam huic termino potius quam
alteri; puta Angelum Angelo potius quam
Elephanti, etiam si nec hic nec ille secun-
dum vllum sui constitutum præsuppona-
tur: adeoq; nihil vtriuslibet detur nisi pu-
ra potentialitas logica. Sicut si fingeres
ignem esse creatiū, in ipso igne assigna-
bitur ratio cur potius creet ignem quam
aquam, quamuis ex suppositione quod
creet, nihil de vtrolibet præsupponat phy-
sicè, sed solum vtriusq; logicam potentia-
litatem. Ratio à priori est: quia quamuis
non repugnantia Angeli. v. g. & non repu-
gnantia Elephantis conueniant in ratione
vniuersalissima non repugnantia; differunt
tamen realitet inter se secundum sua præ-
dicata propria, ratione quorum potest vnus
terminus contineri intra actiuitatem illius
causæ intra quam non contingatur alius. Il-
lam autem eandem differentiam habent

inter se duæ illæ non repugnantia, quam
 habent termini qui dicuntur non repugna-
 re; cum ex dictis alibi, quilibet terminus
 non repugnans per suam quidditatem ha-
 beat intrinsece non repugnare. Ad argum.
 igitur in forma distinguunt. mai. actio crea-
 tiua terminatur ad ens vt ens sub ratione
 vniuersalissima entis, negabunt, dicentq;
 solum hoc conuenire virtuti creatiue in-
 creatae, ad ens vt ens sub aliqua speciali ra-
 tione entis: concedent maio. & eodem mo-
 do distincta minori, negabunt conseq. Da-
 bunt terminari actionem creaturæ creantis
 ad ens vt ens sub speciali ratione huius
 vel illius entis, quia neq; de illa speciali ra-
 tione, quicquam supponitur nisi pure possi-
 bile: non tamen sub ratione entis vniuer-
 salissima, quia etiam pure possibile est huius
 vel illius rationis determinate in statu pos-
 sibilitatis, ratione cuius est huius vel illius cau-
 sæ proportionatum, His itaq; omissis.

Probatur nostra Conclusio 1. quia actio
 creatiua dat primo esse rei quæ fit; nulli
 creaturæ debetur vis dandi primo esse rei
 quam facit, ergo nulli creaturæ debetur
 vis creatiua, adeoq; implicat creatura quæ
 principaliter creet. In hoc argumento quod
 ex D. Thom. & Cajet. huc ahero, video ne-
 gatum iri minorem. Nam & Intellectus
 suæ intellectioni, & voluntas, inquires, suæ
 volitioni, & Ignis igni à se productio in in-
 stanti A. dant primo esse, quando & Intelle-
 ctus intelligit; & voluntas vult & ignis
 ignem generat in instanti A. Verum per
 pri-

primo esse non intelligitur hic ita esse ut antea formaliter; sed ita esse ut antea neque primordialiter fuerit. Dicit enim August. l. 3. de Trin. c. 9. ea quæ datis opportunitatibus nascuntur, primordialiter, hoc est inchoatiue, in quadam textura elementorum iam creata esse; hoc est nihil de nouo fieri à creatura nisi ex ijs quæ iam à Deo creata sunt. Probatur igitur minor, quia agens per naturam non minus subordinatur Deo, quam agens per artem subordinatur naturæ. Sed agens per artem ita subordinatur naturæ ut necessario præsupponat opus nature ex quo faciat artefactum, ergo agens per naturam ita subordinatur Deo, ut necessario præsupponat opus Dei ex quo efficiat ens naturale. mai. est euident: min. probatur, quia non est intelligibile artefactum ex nullo naturali præsupposito. Quemadmodum igitur efficientia artis præsupponit opus naturæ, ita efficientia nature opus Dei, & propterea dixit August. ea quæ acceptis opportunitatibus prodeunt, primordialiter iam ante creata esse.

Dices 1. posse per artem effici aliquid ex aliqua refacta à Deo solo, puta si Deus creet lignum aut marmor, poterit artifex ex eo facere statuem: ergo ars non necessario præsupponit opus naturæ, ergo neque natura necessario opus Dei Resp. conc. antec. dist. 1. conseq. ars non necessario præsupponit opus naturæ vel formaliter vel æquiualerter; nego; opus naturæ formaliter, conc. 1. conseq. & nego 2. consequen.

tiam. Deus qui est supra naturam potest supplere pro natura subministrando subiectum arti. supra Deum autem non est vlla causa quæ possit pro ipso supelere, subministrando subiectum naturæ.

Dices 2. Data creatura creatrice adhuc ea quæ fiunt essent primordialiter in efficiente; ergo non primo fierent, li *primo* excludente esse primordialiter in aliquo. Resp. 1. quod etiam quæ per artem fiunt sunt primordialiter in artifice; & tamen nullum artefactum fieri potest nisi ex aliquo opere naturæ: ergo pariter etiam si quæ fiunt per naturam sint primordialiter in efficiente, nequent fieri nisi ex aliquo opere Dei, hoc est neq. ars neq. natura quicquam faciunt nisi ex subiecto. vtriusq. autem opus est in efficiente vt in eo à quo, non vt in eo ex quo. Quemadmodum autem in artifice non sufficit adiuuari à natura coefficiente, (viribus enim naturæ in agendo virtutis artifex) ita in agente naturali non sufficit adiuuari à Deo vt coefficiente; sed vtro. biq. requiritur adiutorum subiecti ex quo fiat id quod fit, Intellectio & volitio sunt inchoatiue in intellectu & voluntate, non vt in efficientibus, sed vt in potentijs ex quibus actus huiusmodi educuntur: ignis in materia ex qua ginitur, &c. Resp. 2. rogando quid sit esse primordialiter in efficiente. Est ne aliud quam esse in efficiente vim rem efficiendi? hoc vltro damus: sed negamus fieri posse nisi ex aliquo præexistente; sicut vt in artifice vis efficiendi statuam

tuam sed ex marmore, &c. adeoq: semper
stat comparatio. Quod si per esse primor-
dialiter in efficiente intelligas posse produ-
ci ex ipsamet substantia producentis: hoc
ipsum non est crari sed generari: Vnde
dicit August. l. 1. de lib. arb. c. 2. quod
*Deus de nihilo creauit omnia, de se autem
non creauit, sed genuit quod sibi per esset.*

Prob. 2. Conclusio quia creatura cui es-
set debita vis creandi esset substantia spiri-
tualis: modus enim operandi nobilissimus
nequit deberi nisi substantiæ nobilissimæ:
iuxta illud: *modus operandi sequitur mo-
dum essendi.* Sed nulli substantiæ spirituali
potest esse debita vis creandi: ergo, &c.
Min. probat. Scot. in 4. dist. 1. q. 1. & ex
Scoto Gabriel Vasq. Tom. 2. in 1. p. disp.
175. c. 2. quia creatura huiusmodi non agit
nisi per intellectionem & volitionem, quæ
cum sint in creatura mera accidentia (so-
lus enim Deus per suum esse intelligit, &
vult) nequeunt dare esse substantiæ. Hanc
rationem non admittimus: Si enim substan-
tia ceteroquin est sui similis productiua,
non obstat in virtute qua agit ratio acci-
dentis; vt vidimus alibi. Probatur igitur
eadem minor: quia intellectio quidem non
est effectiua; volitio autem diuina dumtaxat
est effectiua rei volitæ. Quod intellectio
non sit effectiua constat: quia Deus ipse
tam ea quæ non sunt, quam ea quæ sunt in-
telligit, cum tamen non tam ea quæ non
sunt, quam ea quæ sunt efficiat. Quod autē
sola diuina volitio sit effectiua rei volitæ

prob. 1. quia hæc est prærogatiua Dei vt per suum velle faciat omne quod vult *omnia quæcumq; voluit fecit. Ipse dixit & facta sunt: ipse mandauit & creata sunt.* 2. qui solo suo velle potest producere, potest eo ipso producere quodlibet, & vbi libet: hoc autem est contra limitationem creaturæ: ergo, &c. maior prob. quia omne volibile potest esse volitum. Voluntati enim non est magis proportionatum vnum volibile quam aliud: est enim potentia vniuersalis ad quodlibet, item velle potest hoc & illud in qualibet loco, & tempore, dum modo sint res non essentialiter affixæ huic loco aut tempori, &c.

Dices. Talis creatura in agende indigebit concursu Dei, sine quo nihil poterit velle aut agere: ergo habebit limitationem, sufficientem ad rationem agentis creati. Resp. concess. antec. neg. conseq. Absurditas talis creaturæ consistit in hoc quod concursus Dei sit illi æque debitus ad efficiendum eo ipso quod velit, & vbi vult & quando vult, ac est debitus igni ad calefaciendum calefactibile ipsi. approximatum. Si autem ipsius velle sit vis naturaliter effectiua rei volitæ: æque ei debetur concursus ad effectiorem rei cum sibi vult, ac igni ad calefactionem, &c.

Dico 2. Nulla creatura potest esse Instrumentum ad creationē, si Instrumentum dicatur per comparationem ad Instrumenta naturæ. Hæc conclusio sola sui explanatione probatur: esse Instrumentum hu-

iustmodi est esse virtutem propriam & intrinsecam principaliter creantis, nulla creatura potest esse virtus propria & intrinseca principaliter creantis; ergo, &c. mai. patet ex dictis. Min. prob. quia solus Deus potest esse principaliter creans, nulla autem creatura potest esse virtus propria & intrinseca Dei: virtus enim creativa Dei est ipsius omnipotentia ipsi identificata.

Dico 3. Nulla creatura potest esse Instrumentum ad creationem, etiamsi Instrumentum dicatur per comparationem ad Instrumenta artis. Prob. hæc Conc. quia est de ratione Instrumenti hoc modo accepti quod agens principale facilius aut perfectius operetur cum ipso quam sine ipso; sed implicat quod principale agens in creatione, quod est solus Deus, facilius aut perfectius operetur cum vlla creatura quam sine illa. ergo implicat quod vlla creatura sit Instrumentum physicum ad creationem. Min. est evidens. Maior prob. inductione per omnia Instrumenta artium. Fabus securi melius scindit lignum quam sine illa, imo sine securi non scindit. Pictor pennicillo melius pingit quam sine illo. Et vniuersaliter loquendo ad hoc inuenta sunt Instrumenta artium ut artifices rem animo præconceptam aut simplices, aut facilius, aut perfectius exequantur. Prob. 2. eadem Conclusio, quia in quolibet artefacto est semper aliquid specialiter respondens Instrumento, quod non specialiter respondet principali: puta scissio specialiter securi, sectio ferræ, limatio

quam proportionem cum aliquo , non aqualiter se habet ad omnia . Antec. probatur brevī excursionē per potentias quæ eleuantur ad operandum supra vires naturæ . Intellectus eleuatur per gratiam in via ad credendum , in patria per lumen gloriæ ad videndum Deum vt in se est . Voluntas ad amandum amore supernaturali , ad sperandum spe supernaturali eleuatur per gratiam . Intellectus autem est potentia natura sua apta credere , & videre , hoc est intelligere ; voluntas apta amare & sperare , per hoc igitur quod aliqua virtute supernaturali intra genus videndi , sperandi , amandi , &c. eleuentur supra ordinem naturæ , in illo eodem ordine operetur coniunctis viribus tum naturæ tum principij eleuantis . Hinc dicimus Intellectum adiutum lumine gloriæ videre Deum vt in se est , negamus oculum corporeum vlla uirtute eleuari posse ad videndum vel Angelum . Ratio à priori est quia quantumlibet perficiatur potentia corporea ; remanet semper corporea : adeoq: etiamsiingas eleuari ad alium ordinem , poterit quidem videre corpora ordinis præstantioris ; semper autem quilibet spiritus erit extra totam perceptiuitatem ipsius . Intellectus autem cum sit ex natura sua potentia porceptiua intelligibilium , per hoc quod aliqua virtute eleuetur ad ordinem sublimiorem , percipere poterit intelligibilia ordinis superioris : & quia Deus non est extra omne intelligibile , poterit eleuari ad Deum ipsum vt in se est

intelligendum. Eodem modo Deus non est extra omne amabile, imo est omnium amabilium amabilissimum. Aum igitur voluntas humana possit ex natura sua amare omne amabile; per hoc quod eleuentur per gratiam ad ordinem supernaturalem, poterit cum eadem gratia amare Deum supernaturaliter: itaut ratio amoris respondeat voluntati supernaturalitas gratiæ; sicut ratio Intellectionis respondet Intellectui, supernaturalitas vero lumini gloriæ, quamuis istæ formalitates in actu non fiat aliud & aliud, sed idem à diuersis principijs indiuisibiliter procedens.

Dico 5. Non datur euidentis sepugnantia creaturæ à Deo eleuabilis ad producendum quidlibet per modum aliqualis Instrumenti. Probabitur hæc vltima conclusio solutionem obiectionum.

ARTICVLVS II.

Respondetur Obiectionibus.

O Bij. 1. contra 1. concl. Substantiæ materiales producuot sibi similes, homo hominem, ignis ignem, &c. ergo etiam immateriales: sed immateriales produci nequeunt nisi per creationem; ergo substantiæ immateriales possunt creare. min. subsumpta prob. quia immateriales nequeunt educi de potentia materiæ: per hoc enim ipsu essent materiales.

Resp. 1. Substantiæ immateriale produci

ei nequeunt nisi per creationem ; nulla substantia creata potest creare ; ergo substantiæ immateriale produci nequeunt ab vlla substantia creata. Adeoq; error est quod dicit Auicenna , primam videlicet substantiam separatam à Deo creatam creasse aliam post se, &c. Resp. 2. conc. antec. neg. conseq. ratio disparitatis à priori est , quia substantiæ materiales sunt corruptibiles , adeoq. debetur illis in bonum naturæ vis conseruatiua sui secundum speciem per productionem indiuiduorum : at vero immateriales sunt incorruptibiles , adeoq; non indigent virtute productiua similium vt species conseruentur.

Obij. 2. contra 3. concl. Instrumenta quo sunt minus proportionata effectui , eo est mirabilior effectus ; ergo ad oderandum maxime mirabiliter requiritur vt nulla sit proportio inter Instrumentum & effectum : Deus autem maxime mirabiliter operatur. Antec. prob. quia laudabilius est malo quam bono calamo bene scribere : malo quam bono pennicillo bene pingere : & vniuersaliter loquendo prauitas Instrumenti commendat sapientium Artificis . Hinc Circulatores , vt admirationi sint , ad quosdam effectus ineptus Instrumentis vtuntur ? puta verbis , alijsue signis ad morbos vel inducendos , vel pellendos , & similia.

Resp. conc. antec. neg. conseq. Quamuis minor aptitudo Instrumenti reddat mirabiliorem opificem , nullus tamen opifex vti potest re nullam habente aptitudinem ad

effectum , aliud efficiendum , Nullus Pictor utitur securi ad pingendum, nullus Fabricator pennicilo ad sciendum . Neq; circulatores suis signis ut Instrumentis physicis quicquam efficiunt , sed vel occulte alia media adhibent proportionata effectibus quos intendunt , vel ex pacto Dæmones morbos aut inducunt aut pellunt celeriter & occulte applicando causas proportionatas.

Obj. 3. contra 4. concl. Quælibet res habet potentiam obedientialem passivam cuiuslibet rei receptibilis ; ergo qualibet res habet potentiam obedientialem activam cuiuslibet rei producibilis . Consequenter prob. quia non magis quidlibet est proportionatum cuiuslibet receptibili per modum subiecti, quàm cuiuslibet factibili per modum efficiētis Probatum iam antec. quia anima rationalis potest elevari ad recipiendā gratiam fidem atq; habitus supernaturales. Humanitas Christi Domini fuit eleuata ad receptionem vnionis hypostaticæ . Imo non imple gratiam, fidem, aliaq. huiusmodi dona supernaturalia recipi in bruto aut in lapide.

Resp. 1. nulla res potest esse potentia obedientiali passiva omnis formæ educibilis ; ergo neque potentia obedientialis activa omnis formæ producibilis. Consequenter ille qui arguit ex discursu arguentis. Antec. prob. quia neque forma spiritalis educi potest de potentia rei materialis: neque forma materialis de potentia rei spiritalis . Forma enim per hoc est materialis quod sit educta de

potentia materiae physicae : adeoque si fingas materiale educi de spiritu , fingis materiale immateriale : si immateriale de materia physica : fingis immateriale materiale. Aliud igitur est esse quomodocunque subiectum, aliud esse causam passivam. materia physica potest esse & est aliquantulum subiectum formae spiritualis in homine; non tamen causa passiva. Hinc etiam si ponas gratiam , & alia dona supernaturalia, poni in lapide , ponis quidem lapidem subiectum , non tamen causam passivam donorum huiusmodi .

Resp. igitur 2. neg. antec. cuius falsitas constat ex dictis . Ad probationem dic ex hoc quod anima , quae natura sua est capax donorum huiusmodi iuxta illud Augustini 1. de Praedestin. Sanct. c. 5. *Posse habere fidem, sicut & posse habere charitatem natura est hominem: eleuetur de facto per Deum ad ea actu habenda , iuxta eundem August. habere autem fidem quemadmodum et habere charitatem gratiae est fidelium* non sequitur quodlibet ad ea habenda eleuari posse. Adde quod etiam si ea omnia possit ponere Deus in bruto aut in lapide : nequit tamen dici per hoc eleuari brutum aut lapidem, per modum causae passivae ad ordinem super naturalem. Non solum quia neque brutum neque lapis sunt apta ut ex ipsis formae huiusmodi educantur : sed quia insuper & brutum & lapis sunt inepta transferri ad ordinem supernaturalem . Quod si nomine causae passivae nihil aliud intelligas quam
sub.

subiectum in quo forma quomodocumque esse potest.

Resp. 5. transm. antec. neg. conseq. Etiam si de gratiam poni in lapide, non facit propterea lapidem amicum Dei; adeoque etiam dans quamlibet formam aliquam recipi posse in quocumque subiecto, non propterea das præstare in illo proprium suum effectum formalem. ita etiam si fingas calorem poni in Angelo, erit quidem Angelus habens calorem, non tamen calidus. Ac vero si ponas actionem à quolibet, facit quodlibet formalissime agens; cum hoc sit esse agens quod actio sit ab ipso: adeoque si ponas à musca actionem Angeli productiuam, facis muscam Angeli productricem. Præterea posse qualitercumque recipere hanc vel illam formam non est perfectio præcontentiua huius vel illius formæ; secus posse illam aliquam dare. Denique cum anima rationalis habeat ex natura sua posse per gratiam sui conditoris eleuari ad formam supernaturalem, quamuis nequeat hoc ipsum ex natura exigere habet etiam ex naturâ sua proportionem cum ijs donis supernaturalibus quibus & illum assequi, & affectu frui possit. Hinc non solum in genere potentiæ passiuæ, sed etiam in genere actiuæ eleuatur à Deo. In ipsis autem & habitibus & actibus, quibus eleuatur & agit, semper inuenies, secunda supernaturalitate, specialem inter istos & animam proportionem, ratione cuius dicuntur esse secundum hæc & illa prædica-

ta formaliter ab anima vel illius potentij ; secundum autem supernaturalitatem formaliter à principio eleuante , quamuis nihil sit quod non sit realiter ab utroque . Puta anima potest ex natura sua sperare : per habitum supernaturalem spei & auxilium item ordinis supernaturalis constituitur in ordine potentis supernaturaliter sperare ratio spei vt sic respondet formaliter vt suo principio voluntati ; vt autem supernaturalis est , responderet principio eleuanti : ex voluntate autem & principio ipsā eleuante fit principium adæquatum spei supernaturalis , in qua cum ratio supernaturalis & ratio spei realiter identificentur , totaliter totalitate effectus pendet ab utrolibet : quamuis à neutro seorsim possit pendere totaliter totalitate causæ : cum nec habitus sine voluntate sperare possit , nec voluntas sine habitu aut alio supernaturali auxilio sperare supernaturaliter . Hanc autem proportionem inter quodlibet & quodlibet non inuenies .

Obiic. 4. contra eandē concl. Ignis materialis vt instrumentū diuinæ iustitiæ , & eleuatus à Deo physicè agit in Demones & in animas separatas ; ergo res materialis potest eleuari ad immutandum actione physica substantiam spirituales : sed hoc est argumentum euidens potentiæ obedientis actiue , ergo aliqua ratione ostenditur prædicta potentia .

Resp. neg. antec. Dico autem cum D. Augustin. Demones & animas separatas
cru-

cruciari per verū & proprium ignem miris
sed veris modis. Quomodo autem crucien-
tur explicat D. Thom. 4. contra Gen. c. 90.
Non igitur sic æstimandum est, ait ille,
quod substantia incorporea ab igne corporeo
pati possint, quod earum natura corumpatur
per ignem vel alteretur, aut qualiter-
cunque aliter trasmutetur, sicut nunc no-
stra corruptibilia patiuntur ab igne. Sub-
stantiæ enim incorporeæ non habent natura
corporalem, ut possint à rebus corporeis im-
mutari. Neque etiam formarum sensibilibus
susceptivæ sunt, nisi intelligibiter, talis
autem susceptio non est pœnalis, sed magis
perfectiva & delectabilis. Neque etiam dici
potest quod patiuntur ab igne corporeo affli-
ctionem, ratione alicuius contrarietatis, sicut
corpora post resurrectionem patientur, quia
substantiæ incorporeæ organa sensuum non
habent, nequa potentijs sensitivis utuntur.
patiuntur igitur ab igne corporeo substantiæ
incorporeæ per modum aligationis cuiusdam
& post pauca? Sicut Necromantici virtute
Damonum spiritus alligant imaginibus,
aut huiusmodi rebus, multo magis virtute
divina spiritus damnati igne corporeo alli-
gari possunt, & hoc ipsum est eis in affli-
ctionem quod sciant se rebus infimis alliga-
tos in pœnam. Hæc S. Doctor quibus ni-
hil addendum putamus.

Obijc. 5. contra eandem concl. Sacra-
menta causant physice gratiam: ergo res
corporeæ eleuantur à Deo ad producendum
qualitatem spiritualem; ergo datur ratio
ad-

admittendi potentiam obedientialem actiuam . Antec. probatur , quia si non produ-
cunt phyſice ſed ſolum naturaliter ſunt ſi-
cut ſigna magica quibus Circulatores aiunt
ſe mira efficere , cum tamen re ipſa nihil
efficiant : ſed ſolum Dæmones ex pacto ad
exhibitionem talium ſignorum vel mira o-
peratur , vel fingunt ſe mire operari .

Reſp. 1. à multis concedi antec. & di-
ſtingui conſeq. datur potentia obedientia-
lis actiua ad aliqua , concedunt : ad omnia
negant. Aiunt autem inueniri proportionē
quandam inter Sacramenta & gratiam quā
conferunt , ratione cuius hæc ab ipſis phy-
ſice eſſe poſſit , quam proportionem negant
inueniri inter quolibet & quodlibet. Pu-
ta eſt quædam proportio inter ablutionem
corporalem quæ fit per aquam in baptiſmo
& ablutionem ſpiritualem quæ fit per gra-
tiam: gratia enim ipſa dicitur analogice a-
qua vnde dicitur Chriſtus: *Fons aque ſa-
lientis in vitam æternam* , hoc eſt fons gra-
tiæ, & anima dicitur mundari per gratiam ,
ſicut corpus per aquam . Huiusmodi autem
analogias non inuenies in qualibet re cum
qualibet alia , puta in muſca cum Angelo .
Hæc controuerſia non eſt huius fori , quia
tamen ab arguente attingitur .

Reſp. 2. neg. antec. putamuſque Sacra-
menta eſſe cauſas non phyſicas ſed morales
gratiæ quam conferunt . Ad probat. diſt.
eſſent ſicut ſigna magica , cum omnimoda
ſimilitudine , negamus , cum aliqua ; con-
cedimus . Non eſt nouum quod Dæmon-

imi-

imiteretur, quantum potest, modum operandi diuinum. Quemadmodum igitur Deus ex pacto cum vnigenito filio suo inito ad positionem talium signorum talem & talem gratiam infundit fidelibus, ita etiam dæmon ex pacto inito cum magis ad positionem talium signorum puta talium characterum, circularum &c. hos & illos effectus mirabiles edit. Sunt autem cum hac similitudine multæ eæque magnæ dissimilitudines. I. sit quod dæmonis pactum non est infallibile: imo sæpissime fallit, tum ob infidelitatem ipsiusmet dæmonis non implentis promissum; Diabolus enim mendax est ab initio; tum ob impotentiam potest enim à Deo impediri ne faciat quod promissit; pacta autem Dei sunt omnino infallibilia ut pote fidelissimi & omnipotentis. II. sit quod dæmon sæpissime imponit sibi credentibus fingitque se facere quod non facit. Deus autem non decipit credentes in se. III. quod Deus in Sacramentis respicit dignitatem personæ cuius nomine exhibentur: imo quæ moraliter illa exhibet, dum per suos ministros exhibentur. Dæmon autem non ad dignitatem magorū, sed ad insipientiam ipsis credentium. Denique ad salutem credentium, Dæmon ad iuteritum sibi fidentium operatur.

* Dices. Aqua naturaliter calefacta physice calefacit; ergo aqua supernaturaliter sanctificata sanctificat. Resp. calor aquæ calefactæ est æque proprie calor, & eiusdem omnino rationis ac calor qui produci-

tur

tur in calefactibili, puta in manu: at vero sanctitas aquæ non est eiusdem rationis cum sanctitate animæ, anima enim per sanctitatem formaliter est amica Dei, quod dici nequit de aqua, calor igitur manus potest esse à calore aquæ physice, secus sanctitas animæ à sanctitate aquæ.

Obiic. 6. contra eadem concl. datur potentia creata quæ potest dare esse intentionale cuilibet rei: ergo est possibilis potentia creata quæ possit dare esse reale cuilibet rei. Antec. prob. quia Intellectus per hoc dicitur quodāmodo omnia quod possit rebus omnibus dare esse intentionale. Probatur iam consequ. quia maioris perfectionis est dare esse intentionale quam reale: puta maioris perfectionis est cognoscere ignem quam illum efficere: ignis enim ab igne fit, cum cognosci nequeat nisi à potentia vitali cognoscitiva, quæ toto genere supereminet non cognoscitivæ. Confirm. quia Intellectus dat esse intentionale cuilibet rei per modum causæ principalis: ergo à fortiori est possibilis potentia creata quæ possit dare esse reale cuilibet rei per modum instrumenti. Hoc argumentum, ut vides, magis militat quintæ conclusioni, quam contra quartam.

Resp. conc. ant. neg. consequ. Hoc eodem argumento probaretur esse possibilem creaturam effectricem Dei, & obiecti impossibilis. Nam datur potentia creata quæ dat esse intentionale Deo, & obiecto impossibili, ergo est possibilis quæ possit dare reale

le

le &c. Probationem consequi habes ab admerfario. Esse intentionale est esse pure metaphoricum rei quæ representatur; esse reale est esse proprium: ad primum sufficit efficere cognitionem rei quod est merum accidens modale: ad secundum oportet efficere rem ipsam. Quia tamen omnis cognitio est accidens pertinens ex natura sua ad genus cognoscitivorum, non autem omnis res; ideo melius est & maioris perfectionis esse natura sua productivum cognitionis, quam multarum aliarum rerum, quæ etiam à non cognoscitivis producuntur: cognoscitiva enim sunt toto genere supra non cognoscitiva. Dixi multarum aliarum rerum, non tamen omnium, quia quod potest dare esse cuilibet rei, potest etiam dare esse intentionale, probatur, quia esse intentionale & metaphoricum rei quæ representatur est esse reale & proprium representationis seu cognitionis: ergo potens dare omni rei esse reale, potest dare esse intentionale; quandoquidem esse intentionale unius est esse reale alterius.

Hinc si fingas alevari à Deo ignem ad producendum quidlibet, fingis elevari ad producendam cognitionem: adeoque ad dandum esse intentionale rei: non tamen ad cognoscendum: cognoscere enim non est quomodolibet efficienter concurrere ad cognitionem, sed rem sibi vitaliter repræsentare, adeoque etiam si species vel ingenta vel impressa concurrat efficienter ad cognitionem, non propterea cognoscit. Ex
quod

quod inferes quod etiam si ignis eleuaretur ad producendam intellactionem, adhuc esset infra muscam, quia adhuc nihil cognosceret, cum musca aliquid cognoscat. Ad probat. conseq. dist. ant. maioris perfectionis est dare esse intentionale &c. per modum cognoscentis: conc. per modum precise efficientis, nega. Ad confirm. conc; ant. nega. cōs. esse vniuersalē in cognoscendo est de natura intellectus: ex hoc autem nequit inferri esse de natura vllius creature esse vniuersalem in efficiendo. Quamuis enim si consideres ista duo: cognoscente omnia, & nihil efficere, & : efficere omnia & nihil cognoscere, maiorem perfectionē inuenias in primo quam in secundo: tamen illimitatio in primo genere debetur intellectui: illimitatio in secundo non debetur vlli creature: quia intelligere cuiuslibet rei est pure intelligere, & nihil ponit præter intelligere: efficere autem ponit aliquid præter efficere, terminum videlicet effectiōis, adeoque omnia non secundum esse diminute & metaphoricē, sed secundum esse realiter & proprie.

Obii. s. contra vlt. concl. Est euidens quod quæcumque tandem creatura creetur erit alicuius determinatæ speciei: sed est euidens nullam creaturam vnius determinatæ speciei posse neque instrumentaliter efficere omnem speciem creaturæ, ergo est euidens repugnantia talis creaturæ. Min. probatur, quia est euidens nullam speciem entis creati in genere efficientis etiam instrumentaliter habere pro specificatiuo a-

da-

adæquato omnem speciem entis creati, implicat autem vllam potentiam ferri ultra specificatiuum adæquatum sui, puta potentiam corpoream ad perceptionem rei spiritualis: potentiam visiuam ad perceptionem soni, auditiuam ad perceptionem coloris.

Resp. conc. mai. neg. min. ad probat. negatur mai. quæ est pura petitio principii. Quæritur enim vtrum al qua determinata creatura possit per diuinam omnipotentiam instrumentaliter efficere omnem speciem creaturæ: & respondetur non posse, quia non omnis creatura est in collectione adæquata effectuum qui possint esse instrumentaliter à tali creatura. Hoc est nulla creatura potest efficere instrumentaliter quodlibet, quia nequit quodlibet esse inter eos effectus qui fieri possunt instrumentaliter ab vlla creatura, quod est omnino idem, dum autem dicitur non esse intra specificatiuum adæquatum simpliciter, alia phrasi idem reperitur. Si enim petas quid si esse intra specificatiuum simpliciter adæquatum, respondetur, est esse intra collectionem eorum omnium quæ fieri quomodolibet possunt à tali causa. Ad illud de potentia corporea &c. transmittitur totum. Quænam est enim hæc consequentia; nequit potentia corporea percipere spiritum, auditiva colorem &c. ergo implicat creatura etenabilis ad producendum quodlibet instrumentaliter? Imo neque valet, potentia corporea nequit percipere spirituum, potentia-

tentia auditiua nequit percipere colorem : ergo neque hæc potest eleuari ad efficiendā perceptionem coloris ; neque illa ad efficiendam perceptionem spiritus . Aliud enim est percipere , aliud efficienter concurrere ad perceptionem , vt dictum est supra . Oculus non per hoc præcise quod efficienter se habeat ad visionem , videt : nam etiam species efficienter se habet , & non videt , sed vel per hoc quod taliter subiectet , vel taliter simul & efficiat & subiectet visionem . Denique ex hoc quod sonus sit extrinsecus specificatiuum adæquatum potentiæ visuæ specialis exclusiue , hoc est extra obiectum adæquatum potentiæ solum vniue , non sequitur esse extra obiectum adæquatum potentiæ visuæ specialis præcisiue , hoc est , non sequitur non esse possibilem potentiam quæ sit perceptiua & colorati & sonori , adeoque quæ habeat pro specificatiuo adæquato vtramque : differret autem hæc specie à potentia perceptiua vtriuslibet dumtaxat & exclusiue , sicut si daretur creatura eleuabilis ad quodlibet instrumentaliter : differret per hoc ipsum specie ab omni alia non eleuabili ; quod si omnis esset hoc modo eleuabilis , quælibet ab alia quælibet differret per alia prædicata . Adeoque rectè concessum est in maiori , quod si hæc daretur esset alicuius determinate speciei .

Obij. contra eandē. Sint aqua *A* , & aqua *B* : aqua *A* eleuetur ad creandum instrumentaliter Angelum , non autem aqua *B* . In tali casu nulla est relatio inter aquam *A* & An.

Angelum, quæ non sit inter aquam *B* & eundem: ergo non est vlla ratio causæ in *A* quæ non sit in *B*. Ant. prob. quia nulla est proportio inter *A* & Angelum quæ non est inter *B* & eundem. Ergo &c. Sed tam repugnat vnum aliquid proportionari omnibus, ac aquam Angelo in genere causæ: ergo &c. min. subsumpta probatur, quia proportionatum vni eo ipso improportionatur alteri, Puta proportionatum calori, improportionatur frigori producendo, ergo &c.

Resp. 1. admissa hypothese siue possibili siue impossibili, neg. antec. est enim inter *A* & Angelum relatio causæ & effectus consistens in ipsa actione qua Angelus fit instrumentaliter ab *A*. Ad probat. dist. nulla est proportio in actu primo inter *A* & Angelum, quæ non sit inter *B* & eundem, conc. in actu secundo, nego actio enim est ab *A* & non a *B*. Resp. 2. transm. antec. eiusque prob. neg. min. subsumptam. Ex eo enim quod nequeat aqua, non sequitur nullam creaturam possibilem posse hoc modo eleuari, & habere debitam ad hoc proportionem. Ad prob. nego antec. Sicut possunt de potentia absoluta simul esse esse in eodem subiecto contraria, cur non possit per diuinam omnipotentiam aliquid proportionari contrariis producendis.

Obij. ult. Non est euidens repugnare, ergo est euidens non repugnare. Conseq. probatur, quia præsumptio est pro diuina omnipotentia, Resp. neg. conseq. Ad probat.

bat. Tautum præsumptionis est pro diuina omnipotentia, quantum probabilitatis pro non repugnantia obiecti. Agitur enim hic non de limitatione diuinæ omnipotentiae, quam certum est extendi ad omne non repugnans; sed de limitatione creaturæ, quæ quamuis non euidenter, probabilissime tamen exigit vt de nulla creatura dici possit: *Excepta ipsa. omnia per ipsam facta sunt; & sine ipsa factum est nihil.*

Q V Æ S T I O VII.

An Anima rationalis sit forma informans.

A R T I C V L V S I.

Statuitur conclusio affirmatiua.

FVit error inter Veteres non infrequens animam rationalem esse formam non in formantem, sed pure assistentem; adeoq; mouentem corpus, non cui vnitur, sed cui assistit; sicut sessor equum, aut nauta nauim, aut potius, vt rem melius intelligas, ita mouentem tuum corpus, sicut tu moues tuum subuculam, aliasque vestes quibus indueris. In hoc errore fuit Plato. Hunc impugnauit Philosophus in libris de anima ostendens animam esse actum corporis organici &c. simulq. esse id quo viuimus, mouemur, sentimus, & intelligimus. Hunc eundem errorem damnat Concilium Lateranense,

nense, simulq; quosdam Philosophos, de quibus supra, vbi de animæ immortalitate. En verba Concilij sub Leone V. §. 8. *Cum diebus nostris nonnulli ausi sint dicere de natura animæ rationalis, quod sit mortali. & aliqui temere philosophantes secundum salutem philosophiam verum esse asseruerint. Sacro adprobante Concilo damnamus connes asserentes Animam intellectiuam mortalem esse; cum illa non solum vere, & per se, & essentialiter corporis forma existat: verum immortalis. Prore præsentia faciunt hæ particulæ: cum illa non solum vere, & per se, & essentialiter corporis forma existat.* Reliquæ faciunt pro superiori quæst. Contra eundem disputat D. Thomas prima parte quæst. 76. art. 1. His omnibus subscribimus; asserentes animam rationalem esse formam corporis vere, & proprie informantem.

Probatur conclusio primo, quia id, quo primo aliquid operatur, est forma ipsius: sed anima est id, quo prima homo operatur: ergo anima est forma hominis Maior probatur: quia vnumquodq. agit secundum quod est actu: actus autem cuiuslibet est forma ipsius. Hominem anima primo operari, hoc est principium operandi in homine esse animam, patet intelligenti; nihil enim aliud intelligitur nomine animæ, quam id quo viuimus, mouemur, sentimus, & intelligimus. Hoc argumentum habet D. Thomas pro demonstratiuo,

Confirmatur: quia vnusquisq. experitur aliter

aliter moueri se per animam, quam ipse moueat quodlibet sibi coniunctum; & in ijs, in quibus est præter animam, aliquod aliud monens, non actuans, aut informans, sed assistēs, est discrimen sensibile inter motus, qui sunt ab anima, & motus, qui sunt ab alio mouente. Ita contingit in Energumenis, qui optime discernunt motus, quibus seipsum mouent, à motibus, quibus mouentur à spiritu. Energumenus ille inter cæteros sanatus à Christo non ipse se proiebat in ignem, sed à spiritu intus incluso, ipsumque mouente. Ceteræ operationes nostras non esse neque solius animæ, neque solius corporis, sed vniuseiusdem principij ex anima constantis & corpore ita deprehendimus; ut non nisi fatue de hoc dubitare possimus.

Denique recte definitur homo: *animal rationale*; & consequenter forma; per quam est animal rationale, non est aliquid ipsi pure assistens, sed est constitutum ipsius. Solum autem corpus non habet rationem neque animalis, neque rationalis oporet igitur quod in homine præter corpus detur forma, per quam intrinsece determinetur ad rationem animalis, & quidem rationalis. Hoc autem principium vocamus animam, cuius est hanc materiam trahere physice potius in partem animalis, quam in partem plantæ; in partem viuentis hoc potius, quam illo genere vitæ: in partem viuentis potius quam non viuentis.

ARTICVLVS II.

Satisfit obiectionians.

O Bije. 1. Anima rationalis non est apta aduare materiam physicam; ergo non vnitur illi per modum formæ in vnitatem talis substantiæ corporeæ. Antecedens probatur; quia anima est spiritualis, & immaterialis; immateriale autem est improporcionatū materiæ. Alij alijs terminis sic argumentantur. Anima rationalis non est apta aduare corpus; ergo &c. Antec probant, quia corpus est aliquid seipso mutuum. Anima autē est aliquid seipso viuens. Igitur si natura animam vnit corpori imitatur feritatem illius, de quo dicitur; *mertua quin etiam inugebat corpora viuīs*. Ite corporis speciosi magis quam verū contemtores philosophantur, dum animam corpori vnitam, vel quasi captiuam, vel quasi damnatam ad supplicium, considerabant.

Resp. neg. ant. Ad probationem nego immateriale in genere formæ esse improporcionatum materiæ physicæ. Dantur substantiæ immateriales infra Deū in duplici ordine; primæ ita intelligunt; vt non indigeant neq. organo, neque phantasmata: & huiusmodi sunt Angeli; secundæ ita intelligunt, vt non indigeant quidem organo ad intelligendum, indigeant tamen phantasmate; huiusmodi sunt animæ rationales. Ex hoc quod indigeant phātasmate necesse est

est vniri materiæ organizatæ : per vnionem autem ad materiam organizatam transeunt in vnum principium cum ipsa , ad hæc ipsa phâtasmata efformanda; quæ deince operatione inorganica specularuntur. Ad secundum nego iterum antec. Ad probationem ; nega corpus esse se ipso quid mortuum . Ratio corporis est ratio substantiæ materialis completæ : quæ seipsa est indifferens ad rationem viuentis , & non viuentis : si illa substantia constituitur in sua ratione specifica per formam , quæ sit anima , est corpus viuens : si per formam quæ non sit anima ; est non viuens .

Ad illud de feritate naturæ retorque contra arguentem ; si enim anima est intra corpus , non vt actus . sed vt forma assistens , vere est per modum captiue ; & cum corpus sine anima non viuat , est veres viuens in corpore mortuo. Crudelius autem est includere viuum intra mortuum , quam mortuum cum viuo colligere : vnde vere illi naturam Mexentio crudeliorem faciunt . Et vero in hoc sensu intælligendi sunt Platonici miseram animæ intra corpus hoc caducum & fragile inclusæ deplorantes .

Obijc. 2. Actus & potentia debent esse in eodem genere , iuxta Philosophum : corpus & anima non sunt in eodem genere : ergo corpus & anima non se habent sicut actus & potentia . Minor probatur : quia corpus est de genera corruptibilium ; anima vero de genere incorruptibilium .

Resp. hoc dictum Philosophi non facere

ad rem præsentem. Quid significetur hoc dicto, alibi dictum est; eandem videlicet esse rem in actu, quæ fuit in potentia, adeoque Calliam possibilem esse in eodem prædicamento cum Callia existente. Verum etiã si hoc dictum aliter intelligendum foret, habes quod respondeas negando min. Nam corpus & anima sunt in vno eodemque genere substantiæ: imo sunt physicè vna substantia. Quod si dicas: sunt in diuerso, ergo non sunt in eodem, resp. transf. ant. neg. conf. Transmissi antec. ne immorarer in re inutili, explicando quomodo partes non sint proprie & formaliter in prædicamento, quod iam explicatum est in Logica, negavi conseq. quia esse in diuerso, non repugnat cum esse in eodem, quandoquidem duo conuenire in vna ratione, & disconuenire in alia, non repugnat. Denique hoc dictum in sensu arguentis est falsum, quia etiam accidentia actuane substantiam: immo nouem genera rerum, quæ sunt infra substantiam, pertinet ad ipsam, vt ad substantiam.

Obije. 3. Actus intellectus non sunt actus vilius corporis, ergo nec ipse intellectus est actus corporis, sed intellectus est realiter anima, ergo anima non est actus corporis. Ant. probatur, quia actus intellectus sunt immateriales, actus autem immateriales non sunt actus corporis, cum repugnet in terminis esse actum corporeum & immaterialem.

Resp. 1. neg. ant. Ad cuius probationem con.

concedo repugnare quod actus sit simul corporeus, & immaterialis: nego tamen repugnare, quod sit actus corporeis, immaterialis. Aliud est esse corporeum, aliud esse actum corporis. Esse corporeum est esse quid vel constans ex materia physica, vel eductum de potentia materiæ physica: neutrum conuenit actui intellectus, seu intellectui: esse actum corporeis nihil aliud est, quam esse formam apta vniri corporis, seu materiæ physicae in vnitatē substantiæ; quæ substantia per hoc ipsum est corpus, quod constat ex materia physica. Falsitas antecedentis negati patet ex hoc syllogismo: intellectio est actus hominis: homo est corpus, ergo intellectio est actus corporis. Maior est euidens. Minor patet ad oculū in tabellam, quam descripsisti in Logica, in qua homo est in linea recta sub hac ratione, *corpus*. Verū quidem est, hominem esse corpus constitutum ex materia physica, & anima rationali: & propterea præter actus à materia dependentes, habet insuper alios independentes à materia: propterea.

Resp. 2. dist. ant. actus intellectus non sunt actus vllius corporis formam aliter, & in hæsiue: conc: denominatiue: nega. Denominatio intelligentis cadit supra hominē quamuis intellectio elicatur a sola anima: & in sola anima recipiatur. Ex hoc autem non inferre intellectum ipsum non esse actū corporis, quandoquidem ille idem intellectus realiter alios operationes elicit, concurrente cum ipso tam in ratione principij,

quam in ratione subiecti organo corporeo: quandoquidem intellectus est realiter anima, quæ est realiter omnis sua potentia, principiumq. non solum intelligendi, sed etiam sentiendi.

Obiic. 4. Vel anima ita informat corpus vt sit tota in toto, & tota in qualibet parte totius: vel ita vt sit tota in toto, & pars in parte neutrum dic potest: ergo anima rationalis non informat corpus. Minor probatur: quia si anima secundo modo, hoc est diuisibiliter informat corpus, eo ipso partibus constat integrantibus: adeoq. deficit à ratione formæ indiuisibilis. Si autem primo, hoc est indiuisibiliter: est contra rationem totius diuisibiliter indiuisibiliter habere formam totam in qualibet sui particula, & totam in se toto.

Resp. conc. mai. neg. min. Dico animam rationalem esse ita in corpore, vt sit tota in toto, & tota in qualibet parte totius. Ratio est, quia forma rationalis est in indiuisibilis, vt patet ex dictis de modo operandi ipsius. adeoq. nequit secundum sui partes partibus corporis adaptari. Ad probationem in oppositum nega esse contra rationem formæ indiuisibilis esse partem totius diuisibilis: sicut non est contra rationem rei immaterialis esse partem totius materialis. Quæ omnia patent ex dictis.

Obiic. 5. Anima rationalis non petit ex notura sua vniri subiecto? ergo anima rationalis non est forma naturalis vllius subiecti, Ant. probatur, quia anima non petit
vniri

vniri rei impediendi modum ipsius operandi perfectissimum: corpus autem impedit modum operandi animæ perfectissimū: ergo non petit vniri corpori vt subiecto. Maior probatur quia modus operandi perfectissimus est operari independenter à phantasmatibus, sed ita operari impeditur à corpore; ergo &c. Quamdiu enim in corpore est, non aliter speculatur, quam conuertendo sed ad phantasmata.

Resp. negat. ant. Ad probationē nega min. anima per corpus non impeditur, sed adiuuatur ad operandum. Ratio est, quia est forma natura sua porportionata corpori, adeoque petens in primo sui esse vniri corpori, quo, vt instrumento elaboret sibi illa phantasmata, per conuersionem ad quæ speculatur. Ad probationem nega animam vnquam speculari independenter à phantasmatibus. Nam etiam à corpore sparata intuens species rerum intelligibiles, species intuetur, quas dependenter à phantasmatibus in se ipsa formauit: adeoq; quamuis intelligere independetur à phantasmate sit modus operandi perfectior, quam contra: hic tamen non est perfectissimus modus operandi animæ: quandoquidem non est modus operandi animæ.

Platonice, qui animam putabant inclusam in corpore, sicut nūc credimus Demones inclusis in corporibus Energumenum, existimabant hanc à perfectissimo modo operandi secundum naturam, impediri: sicut y. g. homo in angusto carcere arcte

conclusus impediuntur à deambu lando, eundem
doq. hac illac: sed in duobus errabant. Pri-
mo in ponendo animam hoc modo in cor-
pore: secundo in putando, quod hic modus
essendi impediret modum perfectissimum
operandi secundum naturam. Neq; enim
credendum est Dæmones etiam inculosos iu
prædictis corporibus impediri à perfectis-
simo modo operandi secundum suam natu-
ram: cum ibi etiam speculentur, & intel-
ligant quicquid extra intelligerent; & cum
eadem à pantasmatis independantia,
cum qua intelligerent extra.

Q V Æ S T I O VIII.

*An Animæ viventium sint indivi-
sibiles.*

A R T I C V L V S I.

Statuitur vera conclusio.

Viventia in plures gradus diuisimus
suo loco; videlicet in pure vegeta-
tiua, sensitiua, & intellectiua. In hac
ultima classe, secundum præsens examen
est solus homo: cum hic de viventibus dum-
taxat sensibilibus agendū sit. In prima clas-
se sunt puræ vegetatiua: cuiusmodi sunt
laurus, & pimpnella, & quælibet planta.
Hæc animabus constare diuisibilibus com-
muniter admittunt Philosophi: probantq;
per perseverantiam vitæ, adeoque animæ in
par-

partibus eiusdem plantæ à se inuicem separatis. De anima rationali certum est quod sit indiuisibilis. Controuersia igitur est de ijs, quæ in secunda classe retulimus. Hoc est de Brutis. Bruta autem rursus diuiduntur in duas classe, in perfectæ scilicet, & imperfectæ. Imperfectæ vocant vermes, serpentes, & alia huiusmodi, quæ insecta vocantur. Perfectæ sunt canes, equi, leones, & alia huiusmodi ab insectis diuersa. Iuxta hanc diuisionem; suam sententiam diuidunt, aientes imperfectorum quidē diuisibiles esse animas; perfectorum autem indiuisibiles. Diuisibiles esse animas insectorum probant, quia horumpartes etiam diuisæ viuunt. Pura vermislongior diuisus in duas partes, in vtraque viuit: & in quibusdam ex vno fiunt duo minora viuentia.

Ratio cur huiusmodi partes dicantur viuere, est motus, qui obseruatur in ijs, eiusdē rationis cum antecedenti. Immo est, qui dicat vidisse se partes huiusmodi iterum in vnum viuens coalescere. Neque enim quilibet motus in parte diuisa, est argumentum vitæ; sed motus perseuerans, qualis est ille, quem in sectis insectis obseruant Physici.

Animas autem animalium perfectiorum aiunt esse indiuisibiles. Mouentur ad ita opinandum ex hoc, quod in partibus recisis non maneat vllum inditium vitæ. Motus enim illi, qui eduntur ab ipsis nequeunt esse inditium animæ perseuerantis etiam potest separationem à reliquis; cum huiusmodi etiam edantur in partibus recisis ab homi-

ne. Puta si à Bucephalo recidas auriculam ea non magis mouetur auulsa à capite equino, quam moueretur auricula Socratis, si hanc humano capite recideris. Vtraque autem aliquos morus edet à spiritibus, qui intus erant, & sua fuga mouent corpus, quod deferunt. His non obstantibus.

Dicendum est omnes animas, præter rationalem, esse diuisibiles. Hæ conclusio circa insecta, & plantas probata est satis. Circa animalia perfectiora probanda est. Omnis forma materialis est diuisibilis; omnis anima, præter rationalem, est materialis; ergo omnis anima, præter rationalem, est diuisibilis. Minor probatur, quia omnis anima non rationalis pendet in esse, & operari à materia physica. Certe sine fundamento, & fortasse non sine errore diceres, anima brutorum perfectiorum creari à Deo non autem educi de potentia materiæ physicæ; cum hoc sit proprium animæ rationalis probandum est igitur diuisibilitatem necessario sequi à materialitate formæ.

Probatur autem: quia forma quæ educitur de potentia subiecti, participat de ratione subiecti ex quo educitur: sed ratio subiecti ex quo educitur anima materialis est diuisibilitas; ergo anima materialis participat de diuisibilitate. Maior videtur certa: certe congruentius affirmatur, quam negatur. Nam dicere quod sit ex materia, sed nullum prædicatum trahat, per quod formaliter conueniat cum materia; potius quàm
cum

cum quodlibet alio subiecto, est irrationabiliter philosophari. Rem explico esse ex subiecto ex quo educitur, est prædicatū commune omni formæ, quæ ex quocumq. subiecto educatur, puta intellectio est ex subiecto, ex quo educitur, volitio ex subiecto, ex quo educitur: igitur in hoc quod est esse ex subiecto, ex quo educantur, conueniunt omnes formæ, quæ ex quocumq. subiecto quomodolibet educuntur: si igitur neque intellectio, neque volitio, neque anima materialis habeat aliud commune cum subiectis, ex quibus sunt, nullum ex his participat ullam rationem, quæ sit specialiter subiecti, ex quo. Igitur ad hoc vt & intellectio, & volitio, & anima materialis participant singulæ specialiter aliquid de subiectis, ex quibus sunt, oportet vt & intellectio secundum aliquod speciale prædicatum respiciat intellectum, volitio voluntatem, anima materialis materiam. Hoc prædicatum in prima est secundum rationem assimilantis, in secunda secundum rationem inclinantis, in tertia est secundum rationem diuisibilis. Quia & proprium intellectus est assimilari obiecto, voluntatis amare, vel odire &c. materiæ autem primæ esse diuisibilem, & exiguiam, vel radicaliter, vel formaliter extensionis localis, vt dictum est in *Physica*, vbi de quantitate.

Confirmatur, quia ex D. Thoma est de ratione formæ materialis perire per separationem à subiecto, igitur anima equi per
sc.

630 *Disput. 2. Quæst. 8.*
separationem à pede, vel tibia equi debet
perire: constat autem non perire totā, cum
adhuc æquus uiuat abscisso pede, vel tibia:
perit igitur secundo sui partem. Hoc idem
non dices de anima rationali: hæc enim non
est de genere formarum perueritium per se-
parationem a subiecto. Scio hoc argumen-
tum facile euidi posse, dicendo, per abscis-
sionem pedis, vel tibiæ non sperari animā
equinam à subiecto, sed à parte subiecti:
adeoq. remaneri totam in æquo, & in quali-
bet alia parte equi, sicut contingit in ani-
ma hominis. Sed congruentius puto dicere
illam animam, quæ educitur de potentia
subiecti secundum se totam perire per se-
parationem à toto; secundum partem per
separationem à parte. Animam autem
equinam educi, non vero rationalem est
certum.

Denique probatur conclusio efficaciter:
quia indiuisibilitas est perfectio, quæ tri-
bitur animæ rationali ex modo ipsius ope-
randi: nullum autem est inditium talis mo-
di operandi in anima Bruti, qui exigit in-
diuisibilitatem; ergo nulla est ratio cur hoc
illi tribuatur. Non debet autem illi tribui
sine positiua ratione. Hoc vltimum argu-
mentum sustinetur, respondendo aduersa-
rijs.

ARTICVLVS II.

Satisfit obiectionibus.

OBic. 1. Pars recisa ab equo sic exanimatur, sicut exanimatur pars recisa ab homine; ergo anima equina eodem modo informat suum subiectum, quo anima humana summ. Ant. probatur experientia. Hinc ea vulnera, quæ lethalia sunt brutis perfectioribus, sunt etiam lethalia homini: quicquid impune abscindis equo, impune etiam tibi abscideris. Probatur autem consequ. quia si aliter hæc, & illa anima informaret subiectum, non esse ratio cur eodem modo partes recisæ se haberent quoad vitam, sed in vno, puta in equo, pars animæ rediceretur cum parte corporis: & sicut ex vno verme fiunt duo per diuisionem: ita ex vno equo in duas partes diuiso fierent, si non duo equi, saltem duo viuentia.

Resp. quod si probanda esset diuersitas animæ humanæ ab anima æquina circa punctum præsens, testimonio sensuum; res esset perdifficilis. Probatur autem animæ rationalis indiuisibilitas, non testimonio sensuum, sed rationibus metaphysicis petitis ex modo operandi. Itaq. argumentum in forma conc. ant. pist. conf. eodem modo informat vna ac altera, quoad aliquid: concedo; quoad omnia: nego. Eodẽ modo informant istæ duæ animæ quoad aliquid; quia vtraq.

in suo totali subiecto potest carere hoc, non autem isto organo, puta anima hominis, & anima equi potest utraque carere pede, vel auricula, quam informet: neutra cerebro, corde, vel hepate non autem quoad omnia, quia una est tota in toto, & tota in qualibet parte totius, quod illi convenit eo ipso, quod sit indivisibilis, altera autem eo ipso, quod non probatur esse indivisibilis, non habet unde iudicetur esse tota in toto, & tota in qualibet parte totius. Non probatur autem esse indivisibilis, cum constet esse materialem, educi de potentia materiæ, nec habere ullum genus operationum quod sit supra materiam physicam: hoc est supra rationem formæ in esse, & operari pendens à materia physica.

Obijc. 2. Nutritio in equo eodem modo contingit, quo in homine, ergo anima equi est indivisibilis, sicut anima hominis. Ant. prob. experientia. Conf. patet, quia in homine contingit nutritio sine productione novæ partis animæ, ergo si eodem modo contingit in equo, neq. in equo producit nova pars animæ, si autem non producit nova pars animæ, eadem anima, quæ minus informabat materiæ, plus materiæ informat, & consequenter eadem est in maiori vel minori subiecto, adeoq. eadē in pluribus partibus subiecti: quod est proprium formæ indivisibilis.

Resp. neg. ant. Imo potius ex nutritione, & augmentatione bruti argumentum habes contra indivisibilitatem animæ brutalis,

lis. Nutritionem hominis, & equi alibi descripsimus. Anima igitur, quæ informat nouas partes materiæ aduenientes equo, cum sit materialis, educitur de potentia subiecti quod actuat, actuat autem materiam de nouo aduenientem, ergo educitur de potentia materiæ de nouo aduenientis: anima præcedens nutritionem & augmentationem huiusmodi non educitur de potentia materiæ de nouo aduenientis: ergo huic additur illa, vt pars parti, nec aliam in unitatem coalescunt; quam in unitatem reidiuisibilis, & consequenter maiorem, quoad hoc, indiuisibilitatem non habent forma, quam materia. In nutritione autem hominis res nõ ita accidit, solum enim noua pars vnionis educitur de potentia materiæ de nouo aduenientis, & hominem augmentantis. Propterea dictum est in loco etiam vnionem, quæ est in homine, materialem esse & diuisibilem. Certe nõ educi animam rationalem de potetia materiæ est certum adeoque in homine materiam informari forma nõ educita ex ipsa, in bruto autem certum est id nõ accidere, vt dictum est supra.

Obije. vlt. Partes. quibus constat anima brutalis, vel sunt homogeneæ, vel etherogeneæ, neutrum dici potest, ergo &c: Minor probatur, si enim dicas esse homogeneas, contra est, quia pars animæ equinæ, quæ est in capite, est dissimilis parti, quæ est in pede, quæ enim in capite est, phantasiatur, secus quæ in pede, igitur quæ in capite est, est dissimilis ei, quæ in pede.

Quod

Quod si dicas esse etherogenas: contra est,
quia ad diuersas functiones sufficit cum
identitate principij substantialis, diuersitas
accidentalis in diuersis partibus subiecti,
quod à tali principio totali informatur.
Patet hoc in anima hominis indiuisibili, quæ
per meram diuersitatem organorum diuer-
sa in diuersis partibus operatur: neq. enim
anima rationalis quaslibet in quibuslibet
corporis partibus operationes exercet. Po-
terit igitur etiam anima diuisibilis, quamuis
similibus partibus constans, per meram
diuersitatem organorum etiam ipsa diuersi-
mode diuersis in partibus operari.

Resp. conc. mai. neg. min. Dico autem
partes Animæ prædictæ esse homogeneas
Ratio est, quia non est vlla necessitas
etherogenitatis distinctæ illa, quæ ha-
betur per diuersitatem organorum, quæ ab
eadem Anima informantur. Si igituringas
illam Animæ partem, quæ est in pede, poni
in oculo, æque habes principium videndi;
& sic de cæteris. Idem autem diuersis in-
strumentis diuersa racere est manifestum.

Dices: ex modo ipso phantasiandi appa-
ret Animam bruti esse indiuisibilem, ergo,
&c. Ant. probatur, quia totum obiectum
recipitur indiuisibiliter in potentia imagi-
natiua Bruti: totum, inquam, in tota po-
tentia, & totum in qualibet parte potentiæ,
quicquid autem recipitur per modum reci-
pientis recitur, ergo potentia imagina-
tiua Bruti, secundum id quod dicit in Ani-
ma, est indiuisibilis. Probatur maior, quia
non

non est intelligibile ouem v. g. esse in Anima lupi ipsam imaginante, itaut caput ouis sit in vna, tergum in alia, pes in alia parte eiusdem Animæ. Confirmatur, quia etiam in potentia visiva ita est totum obiectum, vt non distribuatur secundum partes sui, in diuersas partes potentia, cum tamen & ipsum totum, & singulae partes ipsius à prædicta potentia attingantur.

Resp. hoc idem argumentum eque probaturum indiuisibilitatem organi, ac probat indiuisibilitatem Animæ, siue potentia organum informantis. Quis enim intra organum lupinum ita ouem distribuatur, vt in vna quidem parte eiusdem ponat caput, in altera pedes, & sic de cæteris. In forma ad argumentum negant. Ad probationem negam. Ovis per se ipsam neq. diuisibiliter neq. indiuisibiliter est in anima Lupi: sed per speciem sui Species autem est secundum naturam potentia, in qua recipitur: cum igitur tam quæ in nobis: quam quæ in lupis phantasmata sunt, materialia sint, utpote recepta in potentia materiali, necesse est ea esse de natura materiae, adeoque esse diuisibilia. Recipitur autem indiuisibiliter in organo animato, vt tali, hoc est non secundum vnâ partem sui in materia, secundum aliam in anima informante materiam, sed illud idem, quod est in materia, est in anima materiâ informantē. Recipi autem sic non arguit indiuisibilitatem neq. recepti, neq. recipientis, cum idem accidat in sententia satis communi, etiam circa accidentia commu-

mi-

munia, puta circa calorem & frigus, quæ recipi aiunt nō in sole materia, sed in toto. Sicut autem phantasma illud, recipitur in parte diuisibili materiæ, ita etiam in parte diuisibili animæ, in ijs, in quibus est anima diuisibilis, atque hic periculum est, ne arguens pro phantasmate aliquod corpusculū intelligat, quod occupans locum in anima aliud quodlibet ab eodem excludat. Phantasma est purum accidens penetrabile cum alis infinitis, nec vllam subiecti partem vllius determinatæ magnitudinis exigens, propterea in aliquo sensu dici potest indiuisibiliter recipi & in anima, & in ipsomet organo, etiam viroq. seorsim accepto, hoc est nec in anima nec in organo exigere vllam determinate extensionem, vt in ipsis recipiatur. Imo qui admittunt compositionē ex indiuisibilibus, etiam in indiuisibili ponere possunt quamlibet, & qualibet etiam contrariorum species, per quas potentia brutitum imaginatiua tum appetitiua determinetur ad hos vel illos motus. Vidimus enim supra species contrariorum non esse contrarias, sed recipi in eadem indiuisibiliter parte subiecti. In vero etiam sensu dici potest esse totum in toto, & totum in qualibet parte subiecti, quia nec in toto subiecto est perfectius, nec in vlla vel minima particula subiecti est minus perfecte, quandoquidem secundum totam suam in-
tensionem est in qualibet : parte subiecti, Hoc modo intelligendi sunt D. Thomas, & alij magni nominis authores, quando dicunt
an-

animam bruti esse totam in toto, & totam in qualibet parte corporis quod informat, totam scilicet intensiue, non autem extensiue, quod etiam alicubi dictum inuenies à S. Thom. de qualibet forma materiali, puta de calore, de forma ignis, & aliis huiusmodi, quæ in qualibet subiecti parte sunt secundum totam suam perfectionem, non tamen secundum totam suam extensionem.

Instabis, si anima est diuisibilis, non est cur deficiente hoc vel illo organo, totum viuens deficiat, sed de facto ita accidit: ergo anima non est diuisibilis. Major probatur; quia posita diuisibilitate animæ, potest deficere illa pars, quæ est in parte, alia non deficiente. Minor autem probatur, quia deficiente corde, vel cerebro, deficiet totum viuens.

Resp. neg. mai. ad probationem dist. potest deficere pars in qualibet parte corporis, absq. eo quod tota anima deficiat; nego: in aliqua parte corporis; concedo. Quamuis anima sit diuisibilis, habet tamen talem connexionem quarundem cum quibusdam partibus, vt sit quibusdam stare non possit, stare nequeat in vlla; ratio à priori est, quia in quibusdam partibus ea sunt, vel fouentur, quæ pro omnibus necessaria sunt; puta: da in corde formari, vel foueri spiritus vitales, & à corde in reliquas corporis partes quaquā versum dispergi, si ponas deinde animam in corde deficere, tollis consequenter ab ea animæ parte, quæ est in
pede,

pede, vnde stare possit; deficiente enim anima in corde, necesse est deficere spiritus, qui ibi vel formantur, vel fouentur: deficientibus autem spiritibus huiusmodi, necesse est & ipsam vitam deficere. Quod dico de corde, dico de alijs partibus, quæ vitales dicuntur, in quibus mirabili naturæ opificio, quædam sunt, quæ indemnitati totius sunt omnino necessaria.

Q V Æ S T I O IX.

De anima à corpore separata.

STatum separationis animæ rationalis à corpore [de hac enim solum hic dubitari potest] violentum esse eidem animæ opinati sunt non pauci, nec sine omni omnino fundamento. Primo enim animæ etiam rationalis est actus corporis, & vt dictum est forma ex natura sua informans, sed actui non actuare, & formæ non informare est violentum ergo animæ rationali violentum est esse extra corpus: tunc enim nec actuatur nec informat, vt patet. Minor probatur quia, vt dictum est in physicis, materię primæ est violentum est sine forma substantiali, à qua informetur ergo etiam formæ natura sua informanti violentum est esse sine materia quem informet. Conf. probatur, quia non est minor inclinatio formæ ad informandum, quam materię ad hoc vt informetur, ergo si ratione talis inclinationis violentum est materię non actuare.

Actuari per formam, violentum erit formæ non actuare materiam.

Confirmatur hic discursus ratione altissima. Inclinatio formæ ad informandum est inclinatio fundata in abundantia, & in ratione boni; inclinatio autem materiæ est fundata in indigentia, & penuria boni, inclinatio autem, quæ fundatur in abundantia, maior est quam quæ fundatur in penuria, ergo inclinatio formæ ad actuandum, maior est quam inclinatio materiæ ad actuari. Materia inclinatur ad formam ut perficiatur ab ipsa forma inclinatur in materiã ut perficiat ipsam. Appetitus autem dandi, cum sit nobilior, quam recipiendi, est consequenter secundum ordinem naturæ maior.

Explicatur hoc idem exemplo petito ab eo, qui est summe bonus, & ideo summe diffusivus sui ipsius. Creatura habet inclinationem ad recipiendum, & esse, & incrementum sui esse ab eo, qui summe est & à quo est omne esse, Deus qui est plenitudo totius esse habent inclinationem ad communicandum esse. Inclinatio creaturæ fundatur in indigentia, inclinatio Dei in abundantia, maior autem est incomparabiliter inclinatio Dei ad dandũ, inclinatione creaturæ ad recipiendum, igitur inclinatio fundata in abundantia maior est inclinatione fundata in indigentia. Ratio à priori est, quia inclinatio Dei ad dandum fundatur in bonitate Dei; inclinatio creaturæ ad recipiendum, in paupertate; est autem infinite maior

maior bonitas Dei; quam paupertas creaturæ, ergo debet esse infinite maior inclinatio Dei addandum; quam creaturæ ad recipiendum,

Apparet hoc idem in ordine gratiæ; in quo tamen enixè, vt ita dicam, rogas nos Deus vt ipsum rogemus, petamusque incessanter ab ipso vt nos dicit abundanter gratijs suis: Petite, & accipietis, pulsate & aperietur vobis. Imo, vt ad maiora petenda nos extimulet, exprobat nostram in petendo inertiam. Vsque modo non petistis quicquam, Hoc est, nam pauca, & tam parua petistis ab eo, qui maxima vobis clarigiri desiderat, vt apud dantem pro nihilo habeatur.

Neque dicas oppositum apparere experientia, eo quod videamus pauperes longæffusiones in petendo, quam diuites in largiendo. Nam Auaritia in qua fundatur diuitum difficultas in largiendo, non est bonum: & consequenter propensio, quæ est in natura ad effusionem boni, non est comparanda cum inclinatione diuinis ad retentionem diuitiarum, inclinatio enim naturæ non debet comparari cum inclinatione vitiosa. Adde aliam disparitatem manifestam. Homo diues, dum sua largitur, suis priuatur, quamuis enim donando dicitur alio genere boni, bono videlicet virtutis, priuatur tamen bono sensibili diuitiarum, cuius æstimatio (prout pudor) plerumque præualet æstimationi alterius, vel si non æstimatio, quod prius est,

est, amor. Nefas enim est, & flagitium, magis amare quod minus æstimes. Actus vero seu forma, dum communicat se materiæ, quam actuat: non priuatur bono, quod communicat: imo dum facit materiam melius se habere: ipsa etiam melius se habet. Hoc accidit in effusione, seu communicatione per quam creatura sese alteri creaturæ communicat.

Nam per effusionem, qua summum bonum sese communicat creaturæ, nihil boni ipsi accedit, & hæc est ratio cur omnis communicatio ad extra sit libera Dco: si enim per communicationem sui melius aliquantulum se haberet, eo ipso non libere, sed necessario se cōmunicaret. Deus enim necessario ita se habet, ut nequeat melius se habere, & consequenter si melius se habet dando, quā non dādo sua, necessario dabit. Propterea verū est Deū solum esse vere, & proprie in effusione diuitiarum suarum liberalem. Diues enim v. g. dum vendit omnia, quæ habet, & dat pauperibus, plus accipit, quā det: quia per illam ipsam largitionem formaliter habet actum virtutis, qui præualet omnibus diuitis, quibus sese expoliat. Hinc ij, quibus Christus Dominus gratias agit, quod sibi in minimis suis, hoc est in persona pauperum, sua largiti sint: debent ipsi longe alias gratias referre, quod ab ipso acceperint non solum illa bona, quæ in pauperes distribuunt, sed etiam illum ipsum actum virtutis, quo hæc omnia in beneficium pauperum impenderunt. Hinc est

quod pauperes voluntarii, cuiusmodi sunt Religiosi, nisi perfectè vivant, maxima exprobratione digni sunt, vtpotenti erga Deum beneficii vel ingrati, vel immemores; quo hæc temporalia contemnere poterunt.

Ex eodem principio, ex quo deducitur summa libertas Dei in communicando se ad extra, infertur in eodem summa necessitas in communicando se ad intra. Est enim necessarium necessitate metaphysica, vt Deus eo modo se habeat, quo melius est ipsum se habere: sed melius est ipsum se habere cum communicatione ad intra: ita videlicet vt Pater communicet se Filio, Pater & Filius communicent se Spiritui Sancto, ergo datur in Deo summa, & metaphysica necessitas huiusmodi communicationis ad intra. Hæc dicta sint obiter occasione inclinationis in bonum.

Secunda ratio, qua status separationis à corpore videri potest Animæ violentus, est, quia, ex dictis alibi, Anima in statu separationis habet naturalem aptitudinem, & inclinationem ad corpus, & consequenter quamdiu est extra corpus frustratur inclinationis huiusmodi: estque in statu, in cuius oppositum inclinatur: res autem, quæ in statu, est, ad cuius oppositum inclinatur, eo ipso est in statu violento: quid eni aliud est esse in statu violento, quam esse in statu, cui repugnet inclinatio innata? Hoc modo dicimus lapidē sursum positū esse in loco violēto, quia naturali inclinatione deorsum.

Tcr-

Tertia ratio videtur cadere sub experientiam. Omnes enim quando morimur, cum morte, quam diu possumus luctamur, quid autem in hoc agone intendit mors, nisi Animam separare à corpore; Quid aliud intendimus morti resuscitantes, nisi Animam retinere in corpore? Adeoque quid conatur Anima ipsa, cuius est lucta; nisi remanere in corpore, quod habuit perpetuum peregrinationis suæ socium: si autem reluctatur, quantum potest, separationi huiusmodi, videtur clarum separationem ipsam esse illi violentam, Atque ex hoc ultimo capite facilius est quam ex ullo alio ex prædictis suspicari animam in statu separationis esse in statu violento. His non obstantibus.

Dicendum est, statum separationis non esse animæ violentum. Probatur conclusio, quia formæ per se subsistenti non est violentum esse extra subiectum: ergo animæ rationali non est violentus status separationis à materia. Conf. claret ex dictis. Ostensum est enim animam rationalem esse formam subsistentem, Probatur autem ant. quia forma per se subsistens, neque ad essendum, neque ad bene essendum indiget simpliciter subiecto, in quo sit: ergo non est illi violentum esse extra subiectum. Probatur ant. quia extra subiectum est nata facta operari eo genere operationis, quod est in ipsa perfectissimum, est enim forma per se subsistens ex natura sua operativa independentem à subiecto. Imo post species acceptas in statu

unionis cum corpore, perfectius postmodum extra corpus operatur: corpus enim aggrauat animam, ut ait scriptura, hoc est impedit, & retardat ab operando secundum illam perfectionem, secundum quam est apta operari. Hinc perfectissima contemplatio veritatis tunc potissimum accidit, quando anima alienata à corpore, etiam intra corpus patitur ecstasim talem, ut ipsa ignoret an intra corpus sit, an extra. *Scio hominem*, inquit Apostolus, *raptum usque ad tertium celum, siue in corpore, siue extra corpus nescio*. Testatur autem Apostolus vidisse se tunc res adeo mirabiles, ut nequeat illas eloqui. *Audiui*, inquit, *arcana verba, quæ non licet homini loqui*.

Dato autem quod etiã extra corpus eliciat non solum perfectiores operationes, & quæ in ipsa sunt præcipue, habentque rationem finis respectu aliarum: sed etiam eadem perfectius eliciat: certum est statum huiusmodi non esse illi violentum; ubi aduertere comparari hic statum animæ separatæ, cum statu eiusdem unitæ corpori corruptibili. Si enim illam consideres ut unitam corpori incorruptibili: cum hoc non aggrauet: certum est melius se habere quam separatam, & de hoc intelligendi sunt Augustinus, & alii, cum illam pro statu unionis suspirantem inducunt. Caterum si extra corpus incorruptibile dicenda esset esse in statu violento, magis esset dicenda in statu violento unita corpori corruptibili; ut patet

ret ex dictis, & ex dicendis patebit vberius, quod tamen nemo dicit. Bene igitur se habet secundum naturam, etiam in corpore corruptibili, melius extra; optimè in corpore incorruptibili. Confirmatur; quia si status separationis esset violentus, non esset natura sua durabilis; adeoque sic animæ deberetur reuniri corpori, à quo est separata, sicut debetur lapidi approximari alijs grauib; secundum proportionem maioris vel minoris grauitatis. Nullum enim, vt aiunt violentum durabile; & consequenter ita naturalis esset resurrectio mortuorum, sicut naturale est lapidi post absentiam à centro, ad illud idem reuerti.

Priusquam ad alia progrediamur, satisfaciendum est ijs, quæ supra posita sunt. Ad primum igitur distingue: formæ informanti, siue actui violentum est non actuare si huiusmodi forma sit per se subsistens: nega, si non sit per se subsistens: concede. Animam rationalem ita actuare corpus, vt sit natura sua apta subsistere per se, ostensum est supra. Ex hoc quod sit apta actuare corpus, existens in corpore non est in statu violento, ex hoc quod sit natura sua per se subsistens, neque extra corpus est in statu violento. Hinc patet disparitas inter ipsam, & quamlibet aliam formam: inter ipsam, & materiam primam. Ad illud de inclinatione distingue: non est minor inclinatio eodem genere inclinationis: nega suppositum, diuerso genere inclinationis: omitte.

ant. & nega conf. Inclination animæ ad corpusest ad aliquid, cum quo bene se habet; nontamen ad aliquid, siue quo male se haberet: cum inclinatio materiæ ad formam, & formæ materialis ad materiam, sit in vtraque ad aliquid; siue quo non bene se habent.

Ad rationem altissimam respondetur altiori ratiocinio; ostendendo præfatum discursum destruere principium cui innititur. Si inclinationi, quæ est ex abundantia, magis debeatur suus terminus, quam illi quæ est ex indigentiâ; eo ipso inclinatio ex abundantia erit magis ex indigentia, quam quæ ponitur ex indigentia. Si enim magis debetur illi suus terminus, quando est sine suo termino caret re sibi debita: si autem caret re sibi debita, eo ipso indiget, & eo magis indiget, quo vehementius illam apparit. Manifestum est enim quod vehementissimis nostris inclinationibus, si negatur id in quod per ipsas ferimur, tunc male nos habemus, idq. difficilius patimur, quam si inclinationi minus vehementi negetur terminus appetitus. Est enim impossibile intelligere summam inclinationem in aliquem terminum; & eiusdem termini priuationem absque eo quod intelligatur male se habere ille in quo est huiusmodi inclinatio. Confundit igitur Adversarius perfectionem inclinationis cum intensiōe: putatq; idem esse intensius, quod perfectius inclinari, hoc est; idem esse habere meliorem, ac habere intensiorem inclinationem, quæ tamen duo sunt valde diuersa.

Ob,

Obſerua præterea comparationem, quæ fit inter formam, ſiue animam natura ſua inclinatham ad corpus, & cauſam primam, quæ eſt cauſa omnis boni, inclinatham ad effuſionem ſuarum diuitiarum. Inclinatione cauſæ primæ eſt inclinatio principii actiui ad dandum, hoc eſt ad efficiendum aliquid à ſe diſtinctum. Inclinatione animæ in corpus non eſt ad efficiendum, ſed ad communicandum ſeipſam, & coaleſcendum ſimul cum corpore in vnitatem ſubſtantix: inclinatio, quæ eſt in Deo, eſt perfectiſſima, ſed ſimul tranquilliffima, adeoq; non eſt imaginandū ita Deum vrgeri hac ſua inclinatione ad effundendum ſe ad extra; ſicut vrgentur aliqui ab hac, vel ita inclinatione in hunc, vel illum terminum, quem inquiete, & vehementer amat. Inclinatione animæ ad communicandam ſe, cum fit inclinatio fundata in aptitudine faciendi vnum principium adæquatum harum & illarum operationem, talis eſt, vt in anima potente etiam extra illud comprincipium perfectiſſime operari, non faciat illam exiſtere violentè, etiam ſi ſit extra ipſum.

Ad ſecundam rationem dic animam ita eſſe aptam coniunctioni prædictæ, vt etiam apta ſit ſine tali coniunctione ſubſiſtere, & operari ſecundum modum ſuum, etiam perfectiſſimo genere operationis.

Ad vltimam. Aliud eſt ſeparationem ipſam eſſe aliqualiſer violentam: aliud ſtatum qui per huiusmodi ſeparationem acquiri-
tur eſſe violentum. Etiam agroto eſt ali-

qualiter violentum secari & vri; statuta-
men ille, qui per vstionem, sectionem
acquiritur, non est violentus: ita vt ille qui
vstus est de hac ipsa sui vstione, non qui-
dem in ipsa, sed in ipsius effectu latetur.
Præterea non est imaginandum agonem
illum, quem descripsimus in homine mo-
riente, esse luctam inter animam hærentem
corpori ex vna parte, & mortem ex altere
volentem illam e corpore expellere. Hoc
enim est quid poeticum: cum reipsa mors
nihil sit, adeoque non pugnet. Sed anima dici-
tur pugnare cum morte, eidemque reluctori,
quatenus conatur vel conseruare in corpo-
re temperamentum debitum vel illud idem
recuperare contra actionem agentium
contrariorum, vel repellendo quantum po-
test qualitates noxias, vel reproducendo
propitias, quantum finitur id agere per cir-
cumstantias, in quibus est. Quod autem na-
turaliter ament subiectum in quo est, nõ fa-
ciunt quod violenter se habeat quando extra
est: amat illud, quia in illo bene se habet:
non est violenter extra illud, quia etiam
extra illud bene se habet. Adde quod
etiamsi quoad aliquid melius se haberet.
adeoque libentius esset in corpore, quam ex-
tra corpus; non propterea extra corpus
violenter esset. Non enim quotiescunque status
aliquis nobis magis arridet quam ille, in quo
sumus; ille in quo sumus est nobis violentus;
præcipue quando hoc oritur ex ignorantia
status in quo erimus, cum experimento boni
quo fruimur in statu, in quo sumus.

Dices: ,

Dices: anima intra corpus est in statu naturali: ergo extra corpus est in statu violento. Probatur conf. quia status oppositus naturali est violentus; sed extra corpus est in statu opposito naturali: ergo est in statu violento. Minor est evidens. Status enim extra corpus opponitur statui intra corpus: hic est naturalis: ergo ille opponitur naturali.

Resp. conc. ant. neg. conf. Ad probationem, dist. mai. status oppositus omni statui naturali; est violentus: omittit, oppositus cuilibet statui naturali: nega mai. quia duo status inter se oppositi possunt esse ambo naturales, si in utroque res est natura sua apta esse & operari. Ad reliqua patet.

Instabis: ergo malius esset animæ produci extra corpus, & corpori numquam uniri. Probatur consequentia: quia à corpore, ut dictum est, potius aggrauatur, quam adiuvetur.

Resp. neg. conf. Non est naturale animæ in suo primo esse, esse extra corpus: est enim in suo operari dependens à phantasmate, adeoque à corpore, ut dictum est supra. Necessè est igitur ut corpori uniat, cuius ope per aliquas operationes alijs perfectioribus proludat. Quod satis patet ex alibi dictis,

QVÆSTIO X.

De speciabus intentionalibus.

ARTICVLVS I.

Quid sint huiusmodi species.

AD intelligentiam quæstionis propositæ diuidenda est species in expressam & impressam. Species expressa est obiectum ipsum, quod per nostram cognitionem exprimitur, prout per nostram cognitionem expressum. Duo enim in cognitione nostra consideramus: entitatem videlicet ipsam cognitionis, quæ est actus quidam vitalis in intellectu receptus; & obiectum ipsum, quod per talem cognitionem exprimitur. Obiectum ita expressum, si sit per cognitionem spiritualem, dicitur Verbum mentis: sicut v. g. res humana voce expressa ut expressa dicitur verbum oris. Notantur reduplico *ut expressum*, quia nec obiectum solum, nec sola cognitio, sed obiectum ut expressum formaliter per cognitionem dicitur Verbum. Iuuenies tamen qui & nomine speciei expressæ, & nomine verbi nihil aliud intelligi velint, quam cognitionem: sed hi minus placent quam D. Thomas, qui & verbum mentis intelligit, & explicat per similitudinem ad verbum oris, modo hic explicato. Posset etiam ulterius explicari per aliquid, non qui-

quidem adeo familiare, sed tamen certum, & creditum. Verbum Patris æterni non intelligitur esse sola & præcisa repræsentatio, prout hanc aliqua ratione distinguis à substantia rei repræsentatæ, sed insuper includit ipsammet substantiam Patris, cuius est repræsentatio; & Verbum Patris dicitur, quia Patri est intellectus, & dictio ipsiusmet substantiæ Patris: Pater enim per hoc formaliter quod seipsum sibi dicat, suum sibi generat Verbum.

Quod si cognitio sit materialis, cuiusmodi est perceptio obiecti, quæ fit per sensum; non dicitur Verbum, sed remanet sub nomine cognitionis. Est tamen & ipsa imago obiecti; quia ratio imaginis indifferenter se habet ad spiritualem, & materialem.

Species impressa est qualitas quædam emissa ab obiecto ad potentiam, ut illam compleat in ratione potentis elicere cognitionem circa ipsum. Hinc ipsa etiam est aliqualis similitudo obiecti: complex enim potentiam in genere immediate potentis obiectum attingere: illudque sibi repræsentare. Siue hæc immittatur ad potentiam spiritualem, siue ad sensitivam: dicitur species intentionalis. Si ad potentiam spirituales: siue potius, si complet potentiam in genere potentis spiritualiter cognoscere, hoc est intelligere: dicitur species intelligibilis.

Quæritur autem hic an in omni, an solum in aliquo ex sensibus admitti debeant huiusmodi species impressæ: per quas com-

pleantur ad percipiendum obiectum, illud idem sine tali complemento percipere impotentes. Hac in re.

Dico primo: In potentia visiva dati species huiusmodi. Habet hæc conclusio experientias pro se non tot quin plures. Prima sit in speculo, in quo & te, & ea quæ tibi à tergo sunt, inspicias: cum tamen ad eadem obiecta non sit conuersa potentia, quæ aspiciat. Species igitur ab obiecto ad speculum iactæ, & à speculo reflexæ ad oculum, complent illum in ratione immediatè potentis aspiciere. Secunda sit in multis speculis ita inter se dispositis, vt alterum in alterum species acceptas reuerberet: vnde accidit vnum obiectum in instanti apparenter centuplicari. Tertia sit hæc. Sit cubiculum bene clausum: fiat in fenestra exiguum foramen, cui in distantiâ debita opponatur charta, vel aliud huiusmodi. Tunc videbis in illa depingi obiecta, quæ sunt extra fenestram, quod nihil aliud est, nisi recipi in illa charta species ab obiectis emissas. Si videbis autem obiecta inuersa, propter decussationem specierum in foramine. Quæ omnia aperta fenestra eo modo euanescent, quo abeunte Ganimede, Ganimedis vultus à speculo.

Ratio à priori necessitatis specierum huiusmodi est, quia quotiescumq; potentia necessaria non est magis huius, quam illius obiecti perceptiua; sed indifferens ad hoc, vel illud, debet per aliquid determinari, vt hoc potius, quam illud obiectum sit proxime

mè poteas attingere : cum igitur potentia visiva secundum se non sit magis repræsentatiua huius , quam illius obiecti intra genus coloratorum , sed indifferens ad quodlibet debet reddi proximè potens hoc potius , quam illud repræsentare per aliquid sibi superueniens . Hoc autem per applicationem obiecti huius potius , quam illius ad potentiam : per applicationem , inquam , non physicam , sed intentionalem : hoc est media species , quæ propterea dicitur obiecti vicaria ; quia videlicet facit ut potentia sit in actu intentionaliter hoc potius , quam illud obiectum . Ita loquitur D. Thomas dum ponit potentiam cognoscitiuam fieri quodammodo rem cognitam : vnde est illud dictum Philosophi : *Intellectus est quodammodo omnia* ; quia videlicet intellectus omnia intelligit , intelligens autem fit quodammodo res intellecta , quod nihil aliud est , quam actu repræsentare rem per vnionem sui , cum similitudine obiectiua rei : seu potius per similitudinem obiectiuam rei , determinari ad exprimendum in se rem ipsam , cuius speciei vnitur . Unio enim huius ad illud facit quoddam vnum ex hoc , & illo .

Confirmatur prædicta poatio , quia non potest reddi ratio congruentior cur obiectum in tanta distantia , non autem in maiori , determinet potentiam ad vitalem perceptionem sui , nisi quod ad tantam , & non ad maiorem distantiam transmittit species sui . Non enim ex quodlibet loco quodlibet obiectum vides . Hinc etiam est perspicui-

liorum vsus, recolligentium species viderumq. dispersas, easq. vnitum deferentium ad potentiam visiuam. Vnde habes obiectum prius agere in potentiam, quam potentiam operari circa obiectum. Non dixi: quam potentiam operari in obiectum. Verè enim paries agit in oculum, oculus autem nihil agit in parietem. Denique hac ipsa conclusio clarior solutione obiectorum fiet.

ARTICVLVS II.

An etiam in alijs potentijs dentur species.

Species obiectorum vicarias sunt qui soli inter externas, potentia visua attribuant. Alij liberalius omni, omnino potentia, siue externa, siue interna. Et primo quidem de potentia auditua eodem fere modo ratiocinantur, ac de visua. Quemadmodum enim visibile per varias reflexiones multiplicatur; sic etiam constat multiplicar audibile: nemo enim est, qui non aliquando audierit repercussionem soni: siue potius sonum etiam multiotes repercussum, qui communite dicitur echo. Queamodum autem repercussio rei visibilis non est ipsius secundum suum esse physicum: sed secundum esse intentionale, ita etiam repercussio rei audibilis, seu soni, non est, aiunt, secundum ipsius esse physicum, sed secundum intentionale. Qui dicunt

cunt nihil aliud esse perceptionem soni, quam impressionem aeris moti in tympanum ausculaterium? species huiusmodi reiciunt: disparitatem autem afferunt inter hanc, & illam potentiam: quia potentia visiva percipit sine motu locali; adeoque, sine impetum recepto ab obiecto: auditiva vero non percipit, nisi per hoc, quod moveatur motu quodam concussionis à medio moto, & imprimente in ipsa motum simile illi, quem accepit à sonante.

Multo facilius putant sustineri posse ad sensationem tactus non requiri species intentionales. Obiectum, aiunt, potentiae tactivæ sunt qualitate tangibiles: cuiusmodi sunt calor, frigus &c. Hæ autem propagant se per medium per productionem physicam sibi physice simulum: recipiunturque realiter, secundum suum esse naturale in ipsomet organo potentiae ipsas percipientis. Puta in nervis, qui sunt organum tactus recipitur calor, & frigus realiter, & physice: quo modo certum est non recipi obiectum, quod videtur in potentia visiva.

Hoc tamen non obstante D. Thomas in prima part. quæst. 78 art. 3. corp. existimat etiam ad sensationem, quæ fit per tactum, necessarias esse species intentionales rei, vel qualitatis, quæ tangitur. En ipsius verba: *Est autem sensus quædam potentia passiva, quæ nata est immutari ab exteriori sensibili est autem duplex immutatio: una naturalis, & altera spiritalis. naturalis quidem secundum quod forma immutantis reci-*

recipitur in immutato secundum esse naturale, sicut calor in calefacto: spiritualis autem, secundum quod forma immutantis recipitur in immutato secundum esse spirituale, ut forma coloris in pupilla, quæ non fit per hoc colorata. Ad operationem autem sensus requiritur immutatio spiritualis, per quam intentio formæ sensibilis fiat in organo sensus. Alioquin si sola immutatio naturalis sufficeret ad sentiendum, omnia corpora naturalia sentirent, dum alterantur. In quibusdam sensibus inuenitur immutatio spiritualis tantum, sicut in visu: in quibusdam autem cum immutatione spirituali, naturalis. Hæc & alia ibi D. Thom.

In hac doctrina Angelica plura sunt notanda. Primum est, quod immutationem quæ fit per receptionem formæ secundum suum esse naturale, vocat naturalem: immutationem vero, quæ fit per speciem formæ, vocat spiritualement: dicit enim in visu inueniri immutationem dumtaxat spiritualement; quia non color, sed species coloris in visu recipitur. Vnde patet formam spiritualement hic, seu secundum esse spirituale, non accipiendam esse in toto rigore spiritualitatis: sed nomine formæ spiritualis nihil aliud intelligi, quam speciem intentionalem, siue intentionem ipsiusmet formæ sensibilis.

Secundum est hic discursus. Si sola immutatio naturalis sufficeret ad sentiendum etiam lignum, dum alteratur, sentiret. Lignum, dum, alteratur, non sentit; ergo sola

immutatio naturalis non sufficit ad sentien-
dum. Minor est indubitata. Maior est cui-
dens: nam in ligno fit immutatio natura-
lis, forma enim natura sua sensibilia: puta
calor, aut frigus, secundum suum esse natu-
rale recipitur in ligno, & in quolibet alio
corpore naturali. Videntur replices lignum
dum alteratur non sentire, sentire autem
manum: quia hæc est potentia vitalis, non
autem illud, nam prima, non omnis po-
tentia vitali sentit qualitatem à qua alte-
ratur, ut constat de plante, sed solum po-
tentia cognoscitiva. Secundo: ideo sentit
potentia cognoscitiva, non autem alia, quia
in cognoscitiva qualitas recipitur secundum
modum potentie cognoscitivæ, hoc est in-
tentionaliter; quia immutatio secundum
formam naturalem non est apta movere
potentiam intentionaliter, quod est inten-
tum S. Doctoris.

Tertium est quod hæc doctrina tota est
iuxta principia Philosophi, docentis, po-
tentiam sensitivam, quamvis sit materialis,
elevari tamen aliquantulum supra materiam
ad percipiendum obiecta, quæ percipit. O-
becta enim, quæ à sensibus percipiuntur,
non per hoc percipiuntur, aut potius fiunt
immediatè perceptibilia, quod ponantur
physicè supra sensus; sed per quod, quod
per speciem sui minus materialem quam ipsa
sint, elevent sensum ad perceptionem suam.
Hinc est illud; *sensibile positum supra sen-
sorium non facit sensationem*; quod proba-
tur à Philosopho per calorem positum
su.

supra oculum. Certum est enim visionem non fieri, nisi coloratum ita disponatur, ut ad potentiam visuam immittat species sui, adeoque nisi in aliqua distantia ab oculo collocetur.

Doctrinam hanc nos etiam pro vera admittimus putamusq. nullam sensationem fieri nisi concurrente specie rei, quæ sentitur, & organum eleuante ad operationem huiusmodi. Qualitates, quæ realiter recipiuntur in organo tactus, pertinent ad ipsius temperamentum, faciuntq. ut se habeat hoc vel illo modo, secundum qualitatem ipsi debitam: sicut & alia corpora, quæ non uiuunt. Ad percipiendum autem vitaliter has ipsas qualitates, debet coadiuari per speciem spiritualem, seu intentionale earundem. Ratio est: quia species facit formaliter ut qualitas aliter se habeat in ratione immediate sensibilis, quam in ratione pure naturaliter immutantis.

Confirmatur hæc D. Tho. & Philosophi doctrina, quia tactus percipit qualitates etiam non receptas in se. Potes enim etiam manu calidissima sentire frigus, & frigidissima calorem obiecti tibi applicati; quæ sensatio proculdubio non oritur ex immutatione organi per prædictam qualitatem secundum suum esse naturale. Hinc omnes actus sensitiui vocantur intentiones: quod nomen ex duplici capite illis conuenire potest, Primo; quia sunt cognitiones quædam obiecti, cum cognoscere sit potentie intentionalis: secundo, quia ipsamet potentia

tia ad cognitiones huiusmodi per species ,
quæ sunt formæ intentionales , eleuatur .
Hic discursus , qui nobis probabilissimus
est , militat æque pro potentia auditua, de
qua dicebatur supra , ac pro tactiua; nam si
immutatio per qualitatem physicam & rea-
lem non facit sensum tactus immediatè per-
ceptuum eiusdem qualitatis; multo minus
immutatio potentia audituæ per impulsum
vel motum concussionis , faciet sensum
auditus immediatè perceptuum sei obie-
cti . Actus audiendi est etiam ipse vitalis
perceptio obiecti , hoc est exercitium a-
ctuale potentia intentionaliter operantis
circa sonum; & consequenter debet etiam
ipsa potentia auditua per speciem soni
spiritualizari , hoc est , aliquammodo eleuari
supra materiam , idque etiam si supponas
sonum ipsum realem mouere secundum
suum esse naturale organum auditus . Hec
omnia nobis videntur probabiliora oppo-
sitis.

ARTICVLVS II.

De speciebus potentiarum internarum

Longe manifestius est species rerum es-
se in sensibus internis , quam esse in
externis . Etiam somniantes videmus mira-
bilia, siuntque in cerebro nostro combina-
tiones plane admirandæ phantasmatum , vt
vnicuique experientia constat . Imo aliqui
per huiusmodi specierum reuolutionem
deter-

determinantur ad operationes quasdam, quas vix, & ne vix quidem vigilantes auderent. Certum est autem obiecta illa non esse in anima, nisi per species sui, & leporem illum, quem venator dormiens insequitur: & coronam illam auditorum, ad quam Orator dormiens dicit, non esse nisi secundum speciem sui, in anima tum Venatoris, tum Oratoris.

Hoc idem accidit in vementibus, siue actu, siue habitu: qui oculis apertis vident ceteris omnibus inuisibilia, Valesunt qui Tragedias in foro vacuo admirantur & stupent plauduntque huic, & illi personæ quæ neque ibi, neque alibi est. Habes vnum ex his egregie descriptum apud Horatium in arte poetica. Species igitur emittuntur ab obiectis ad sensus externos, à sensibus externis transmittuntur ad internos. Hæc autem non ita intelligenda sunt, quasi obiecta ei aculentur ad potentias externas corpuscula quædam, quæ cum sint subtilissima, peruadant & perforant organum sensus externi, & hac via in organa potentiae interioris sese insinuent. Dicuntur autem transmitti species per sensus externos ad internos, per hoc, quod à specie recepta in potentia externa determinetur præsentia interior ad aliam adque subtiliorem, magisque immaterialem sibi elaborandum, vi cuius & ipsa determinetur ad perceptionem obiecti.

Intellectus etiam ipse indiget speciebus, quas elaborat consequenter ad operationem
sensus

sensus interni. Hinc est quod dicitur intellectum conuersum ad phantasmata speculari. Vt autem qua ratione, quibusue id fieri possit. explicetur, inuenta est celebris illa diuisio Intellectus in Agentem, & passibilem: de quo aliquid indicauimus primo anno huius Philosophiæ in tractatu de Vniuersalibus. Intellectum possibilem considera per modum tabulæ rasæ: intellectum Agentem per modum Pictoris, siue Scriptori. Tabula rasa seipsa nihil dicit aut exprimit: accedat opus Pictoris aut Scriptoris, quidlibet repræsentat, & loquitur. Intellectus igitur agens ad imitationem phantasmatum in internis sensibus receptorum pingit, seu scribit in intellectu possibili species intelligibiles obiectorum, puta hominis: leonis, &c. vnde quæ materialia sunt in se, dicuntur esse immaterialiter in intellectu. Intellectus possibilis per impræssionem seu receptionem talium specierum reducitur in actum cognoscentis, & ex tabula rasa euadit tabula Parrhasii vel Homeri omnia tepræsentans & cantans.

Deuellant hic authores atij pro præstantia intellectus agentis super possibilem: alij pro possibili supra agentem. Nos quibus super omnia place. pax, atque concordia, ex utroque facimus vnum. pro quo ne lis alia oriatur aduersus animam: illum ipsum cum anima identificamus. Non tamen controuersiam propositam curamus effugere. illam in sensu formali instituentes. Reducitur igitur quæstio; an intellectus ut agens sit

fit perfectior se ipso vt possibili, seu, vt aiunt, passibili: quod est idem ac quærere an operatio agentis vt agens est, sit perfectior operatione possibilis.

Pro intellectu agente est ipsummet nomen, & prerogatiua agentis. Videtur enim ex genere suo esse nobilius agere quam pati. Nam ratio agentis conuenit Deo, ratio patientis non conuenit. Præterea ex ipsamet explicatione supraposita intellectus agentis & patientis, videtur manifeste apparere excellentia agentis supra possibilem. Nam intellectus agens est Pictor: intellectus possibilis est tabula rasa. Quis autem dabitet Pictorem præstare tabulæ: Præterea intellectus agens dat intellectui possibili species intelligibiles, per quas hic reducitur in actum: possibilis autem accipit, sed nobilius est magis dare, quam accipere: ergo nobilior est intellectus agens quam possibilis.

Ex alio capite Patroni intellectus possibilis pro suo cliente sic aiunt. Intelligens ex toto genere est nobilior non intelligente, intellectus possibilis est intelligens: intellectus agens non est intelligens; ergo intellectus possibilis est nobilior intellectu agente. Maior est in scholis per modum primi principij: quamuis enim in genere intelligentis detur perfectius, & imperfectius, possintque multiplicari gradus perfectionis in infinitum; ramen nulla natura non intelligens potest esse supra vllam naturam intelligentem: quod est naturam intel-

intelligentem esse ex toto genere quid perfectius non intelligente. Debes enim advertere hic discrimen inter ista duo: *perfectius ex genere, & perfectius ex toto genere*. Dicitur vnum alio perfectius ex genere, quando est intra aliquod genus entis quod inter sua inferiora continet aliquid superans perfectionem illius alterius. Dicitur autem aliquid alio perfectius ex toto genere, quando pertinet ad aliquod genus entis non continens vllum inferius, quod non sit perfectius quodlibet inferiori illius alterius. Exemplum primi habes in materia prima, quæ in genere incorruptibilium: in cognitione quæ est in genere spiritualium, & in alijs huiusmodi innumerabilibus. Certum est enim materiam primam non esse simpliciter perfectiorem homine cognitionem non esse perfectiorem boue; & consequenter in genere incorruptibilium dari aliquid simpliciter imperfectius aliquo corruptibili, in genere spiritualium aliquid imperfectius aliquo materiali. Exemplum secundi habes in substantia, in viuento, in cognoscente, in intelligente. Nam in genere substantiæ nihil est, quod non sit perfectius quolibet accidente: & quodlibet viuens est quolibet non viuento perfectius, & sic de cæteris. Hæc dicuntur perfectiora ex toto genere, quia in illo genere nullum est, quod non vincat quodlibet aliud alterius generis. Illa sunt perfectiora solum ex genere, quia in illo aliquo genere, in quo sunt, reperitur ali-

quid

quid, quod est perfectius, ijs, quæ pertinent ad alia genera, quibus cum comparantur. Puta in genere incorruptibilis reperitur Angelus, qui, est perfectior quolibet corruptibili.

Pro resolutione controuersie nota intellectum possibilem, seu passibilem non ita vocari ex eo quod nihil agat, sed ex eo quod recipiat speciem ab agente, respectu cuius dicitur possibilis. Caterum ipse etiam agit dum completus per speciem impressam vitaliter percipit obiectum. Munus igitur intelligendi comperit intellectus passibilis: munus autem imprimendi speciem conuenit agenti: nobilius autem est intelligere, quam imprimere speciem intelligibilem: & consequenter intellectus passibilis est simpliciter perfectior agente.

Ex his patet ad ea, quæ dicuntur in fauorem agentis. Transeat quod aliquæ denominationes nobilius importent intellectum agentem quam passibilem. hoc est quod nobilius sit dare quæ recipere, & sic de alijs; non tamen erit nobilior potentia dans speciem intelligibilem, quam potentia illam eandem recipiens, si recipiens insuper repræsentat sibi vitaliter obiectum: hoc est; si recipiens intelligit. Aliud enim est esse perfectius ex genere dantis, quod ultro damus agenti supra possibilem: aliud esse perfectius simpliciter: quod ostendimus de passibili, dum ostendimus, intelligens esse non solum ex genere, sed ex toto genere perfectius non intelligente. Ne. igitur

ita consideres in passibili rationem recipientis, ut negligas rationem intelligentis, & habes prærogatiuam huius supra alium.

Ad paritatem ex Pictore ductam, & tabula, dic intellectum passibilem non se habere sicut tabulam, nisi secundum rationem abstractam recipientis: & secundum hanc cederet agenti: sed habet insuper intelligere obiectum cuius speciem recipit, & in hoc vincit agentem, ut dictum est: & quia vincere in hoc, est vincere simpliciter: patiens, seu passibilis vincit simpliciter agentem.

Dices: etiam intellectus agens, dando speciem, vitaliter operatur: ergo in prædicato vitaliter operantis convenit cum passibili. In prædicato dantis eidem præeminet: ergo est simpliciter nobilior. Ant. probatur: quia imprimere speciem intentionalem, eo modo quo intellectus agens imprimit illam passibili, nequit haberi nisi per exercitium potentiae vitalis ut talis; dixi: eo modo, quo imprimitur ab agente in passibili: quia dare speciem intentionalem est aliquid etiam conueniens non viventi; quandoquidem diximus obiecta sensibilia imprimere speciem sui in nostris potentijs sensitiuis: ad cuius imitationem intellectus deinde speciem sibi intelligibilem facit.

Resp. nos non dixisse intellectum passibilem præeminere agenti per hoc, quod operetur vitaliter, sed per hoc, quod intel-

ligat. Quodlibet autem intelligens est perfectius quolibet non intelligente, siue hoc viuat, siue non: adeoque ex hoc, quod conueniant vterque intellectus in ratione vitaliter operantis, vnus autem alterum vincat ex prædicato dantis, nequit vnus supra alterum victoria decantari, quæ bene decantur ex hoc, quod vnus intelligat, & non.

A R T I C V L V S IV.

Satisfit obiectionibus;

O Bije. 1. Non est de ratione potentia indifferenter se habētis ad plura, determinari ab extrinseco ad vnum potius quam ad alterum: ergo etiam si potentia cognoscitiua supponatur indifferēs aut plura, puta potentia visua ad albū, & nigrum auditua ad acutum, & graue, non propterea debet ab aliquo extrinseco determinari ad hoc potius, quam ad illud. Antec. probatum est alibi, vbi de concursu Dei. Nam voluntas est indifferens ad amandum hæc vel illa obiecta: imo ad hoc idem obiectum vel amandum, vel odio habendum: & tamen non modo non indiget determinatione ab extrinseco, sed petit non determinari, & hoc patet ratione suæ indifferentiæ.

Resp. conc. ant-eiusque probatione neg. conseq. Non assumimus hoc principium vniuersale. Omnis potentia indifferens ad plu-

plura debet ad hoc præ illo determinari ab extrinseco. Sed quis non videt discrimen inter voluntatem & intellectum. Ipsa met voluntas non habet hanc indifferentiam nisi circa objecta sibi proposita, nec enim est indifferens ad hos vel illos actus circa objecta incognita. Ad hoc igitur ut sese exerceat circa hoc potius, quam circa illud, debet hoc potius quam illud ipsi proponi. Igitur etiam in voluntate requiritur aliquod determinativum ab extrinseco; quamvis enim non determinetur ab alio ad hunc potius quam ad illum actum: determinatur tamen ad exercendum se per hunc vel illum actum circa hoc potius, quam illud objectum, per propositionem huius potius, quam illius objecti. Hinc potiori iure argues à pari, quam adversarius Nequit voluntas circa hoc potius, quam illud objectum, exercere se, nisi determinetur ab extrinseco: ergo neque intellectus. Antec. paret ex dictis, Conf. est à fortiori; si enim potentia libera ad plura indifferens determinari debet ab alio ad hoc potius quam ad illud; multo magis potentia necessaria, ad plura indifferens. Determinatur autem utraque potentia per propositionem objecti; voluntari proponitur per cognitionem, & quia libera est, objectum propositum vel odit vel amat, vel neque odit neque amat, prout vult. Proponitur intellectui per speciem sui, & quia est potentia necessaria, objectum propositum necessario intelligit.

Dices : ad determinandum potentiam sufficit ipsi proponi obiectum : propositio obiecti non includit speciem ; ergo ad determinandam potentia non requiritur species. Minor probatur : quia proponi obiectum potentiae nihil aliud est , quam obiectum collocari in tanta distantia à potentia : hoc non includit speciem ; ergo ; &c.

Resp. dist. mai. sufficit obiectum proponi secundum modum potentiae : concedo ; quocunq. genere propositionis ; nega mai. & eodem modo dist. min. nega conl. Posses etiam conc. mai. negare min. Applicatio enim ad tantam distantiam à potentia, non est propositio obiecti : non enim aliter proponi potest obiectum potentiae cognoscitivæ , quam per speciem intentionalem sui : quæ cum sit ad complendam potentiam in ratione visivæ , debet ad oculum transmitti per diaphanum & lucidum : ut ab oculo suo modo transeat ad internas potentias. Socrates , interiecta lamina inter te & ipsum , & in eadem distantia ab oculo , ac eadem ablata : non tamen æqualiter proponitur ; imo interiecta lamina simpliciter non proponitur , quamvis in tanta distantia collocetur. Proponitur autem , remota lamina, quia tunc speciem sui transmittit ad oculum quæ per opacum transmitti nequibat . Hoc intellige de speciebus , quæ pertinent ad oculum , ut oculus est . Si enim ea revoces , quæ alibi diximus : cum qualitates etiam tangibiles per speciem sui determinant po-
ten-

tentiam tactus, quæ etiam reperitur in oculo; oculus tangere poterit obiectum etiam interiecta lamina, non tamen videre. Puta si corpus igneum in distantia quinque palmorum colloces, etiam interiecta lamina, oculus sentiet calorem, quem etiam clausus sentiret. Non tamen sentiet, aut percipiet colorem, quia species colorati ut talis, non transmittuntur per opaca. Hinc qui palpebris constant tenuioribus etiam clausis oculis aliquantulum vident; non tamen perfecte; nullo autem modo qui crassioribus; hi melius se habent quam illi: sicut illa domus melius se habet quam alia, quæ ianuas habet meliores & aptiores resistere ijs, quam ab extrinseco venire possent.

Obijc. 2. Experientia constat sonum non propagari ad aures nisi successive: quod propagatur per species, propagatur instantaneè, ergo sonus ad aures non propagatur per species. Maior patet in eo, qui procul aspicit Venatorem scelopo interficientem Milium vel Leporem: adeo enim successive propagatur sonus ad ipsius tympanum, ut prius videat feram enectam, quam audiat sonitum scelopi. Hoc etiam milites experiuntur Argentorati, dum prius ictum bombardæ vident, quam eiusdem tonitru exaudiant. Minor autem probatur; quia species coloris ideo præcisè instantaneè diffunduntur, quia sunt species intentionales: siue potius: ideo color instantaneè percipitur, quia propagatur per species.

Resp.

Resp. con. mai. eiusdem que probatio-
ne neg. min. vniuersaliter loquendo. Quam-
uis enim aliqua species propagentur in-
stantaneè, non tamen necessariò omnes. Si
enim species aliqua ad sui propagationem
indiget aliqua corpora moueri localiter,
non propagabitur instantaneè. Lux ipsa
successiue propagatur quando ad sui diffu-
sionem exigit aliquid remoueri ab alio me-
dio, intra quod, & vltra quod diffunditur
puta in aere remotionem nebulatum, &
caliginis, aliorumue huiusmodi. Idem e-
tiam accidit in speciebus, quæ à qualitati-
bus tangibilibus diffunditur ad potentiam
perceptiuam.

Obijc. 3. Qualitates tangibiles per seip-
sas sunt intrinsecè in organo perceptiuo
sui; ergo non indigent esse in ipso per
species. Conseq. probatur, quia quod est
per seipsum præsens alicui, non indiget
fieri eidem præsens per suum vicarium,
ergo cum species sint vicariæ obiecti, ob-
iectum seipso præsens potentia non indiget
eidem fieri præsens per speciem. Confir-
matur primò, quia anima rationalis v. g.
vt alia obiecta intelligat, indiget quidem
speciebus aliorum obiectorum vicariis: vt
autem intelligat seipsam non indiget specie
sui, quia ipsa sibi est intimè præsens; imo
per seipsam itelligit alias animas eiusdem
rationis; puta anima Petri intelligit in se
animam Pauli sibi non præsentem, ob si-
militudinem inter se & ipsam. Confirma-
tur secundo quia ideo ex Theologis mul-

ti negant Deum à Beatis videri per speciem impressam sui, quia cum per seipsum sit intime præsens intellectui Beati, non indiget esse idem præsens in specie. Imo cum species sit ad supplendam realem præsentiam rei, cuius est species, implicet autem Deum non esse realiter præsentem cuilibet; aiunt consequenter implicare speciem impressam Dei.

Resp. conc. ant. neg. conseq. Qualitates tangibiles sunt in organo per seipsas secundum formam naturalem, & sic pertinent ad temperamentum organi: sunt autem in eodem per species sui secundum intentionem, & sic pertinent ad complementum organi in ratione proxime tactivi. Habent enim per hunc modum essendi esse præsentis potentia secundum modum potetia. Huc etiam facit quod sæpe dictum est: *quicquid recipitur, per modum recipientis recipitur*. Ad primam confirmationem, nega quod anima seipsam intelligat per seipsam, & non per speciem sui. Ad probationem, quæ supra ponitur, dic necessarias esse species obiecti etiam præsentis, si per seipsum non est præsens secundum modum potentia. Obiecta autem non sunt in anima ut intellectiva, secundum modum ipsius ut talis, nisi per speciem sui intelligibilem: adcoque etiam si ipsa sibi sit physice præsens, debet tamen sibi fieri intentionaliter præsens per speciem sui intelligibilem. Et quia hæc ipsa species est per eam, quæ sunt in sensu, est ænigmatica, & adco

imperfecta, ut nihil minus intelligamus quā nos: longeque melius de nostro corpore, quam de nostra anima philosophemur.

Ad secundum confirmatione, dic alios etiam Theologos dicere; Deum non posse videri à Beatis, nisi per speciem impressam sui. Imo ex his aliqui cum concedant posse Deū per seipsum supplere defectū luminis glorie, requisiti connaturaliter ad visionem ipsius; negant posse supplere defectu speciei impressæ. Ratio est illa, quam attulimus; quia videlicet Deus intime penetratus cum intellectu Beati, habet formaliter per hoc præsentiam physicam tali intellectui; non tamen præsentiam obiectiuam; sue, est quidem præsens secundum formam naturalem; non tamen secundum formam intentionalem. Præsentia autem obiectiua est essentialiter insupplebilis, cum igitur species sit præsentia obiectiua rei intelligibilis in intellectu, hæc per nihil aliud suppleri potest. In hac doctrina fundatur id quod alibi dictum est Deum videlicet posse quidem supplere defectum approximationis, adeoque facere ut ignis A stuppam vrat à se distantem, non autem defectum cognitionis, & facere ut voluntas amet rē sibi incognitē, quia videlicet cognitio est intentionalis & obiectiua præsentia rei, quæ amatur.

Adde quod etiam negata species impressa Dei, non propterea neganda est necessitas speciei intentionalis & impressæ obiecti creati. Qui enim hanc admittunt, etiam illam negant; aientes, quod necessitas speciei

ciei dicit non solum imperfectionem potentia ex se sufficientis intelligere: sed etiam imperfectionem obiecti per se solum non sufficienter intelligibilis. Cum igitur repugnet Deum, qui est infinita intelligibilitas, indigere ullo complemento in ratione intelligibilis repugnat, aiunt, dari speciem Dei impressam. Aui hanc admittunt, negant speciem supponere ullam imperfectionem in obiecto; aientes per hanc suppleri solum insufficientiam intelligentis, Hinc habes quod quicquid dicas, de specie impressa Dei, dices sine præiudicio tuæ cōclusionis.

Denique non sufficere præsentiam physicam obiecti in potentia ad intelligendum; constat ex eo, quod anima non intelligat id omne, quod intime est illi præsens præsentia physica. Quam multa enim ignoramus, quæ intra nos sunt? cum tamen quæ intra nos sunt, sint physicè præsentia animæ, utprote compenetratum ipsa

Q V Æ S T I O XI.

De habitibus potentiarum vitalium.

A R T I C V L V S I.

Quid sit habitus.

Philosophus 2. Ethic. cap. 1. observat aliqua fieri ita determinata à natura, ut non habeant indifferentiam ad hoc, ut
fian

fiant hoc vel illo modo . Ex quo sequitur quod ad illa hoc vel illo modo facienda , impertinens est omnis assuetudo . Nihil ex ijs , ait ipse , *quæ natura fiunt* , assuescere aliter potest , ut lapis cum natura deorsum feratur , numquam sursum forri assuescet , neque si millies quispiam cum sursum projiciendo velit assuescere . Hoc autem non solum in inanimatis contingit , sed etiam in nobis , & quidem etiam circa operationes vitales , aliquæ enim ita sunt determinatæ à natura , ut principia influentia in ipsas non acquirantur usu , sed omninò sunt à natura . Eorum enim , *quæ natura nobis eueniunt* , ait idem Philosophus , *facultates prius accipimus : deinde addimus operantes id quod in sensibus perspicuum est . Non enim ex eo quod sepe vel vidimus vel audiimus sensus & videndi & audiendi accepimus .*

Aliqua verò operamur ita ut quamvis potentiam operandi habuerimus à natura : facilitatem tamen , & inclinationem ad operationes huiusmodi non accepimus , sed faciendo acquisierimus . Huiusmodi sunt ea , quæ per virtutes seu per habitus virtutem , à nobis fiunt *Virtutes accipimus* , ait idem , *ubi prius fuerimus operari , &c . Sicut enim ædificando Aedificatores , cytharizande Cytharædi , ita iusta agendo iusti , temperamenta , temperantes , fortia , fortes euadimus .* Quibus verbis docet Philosophus nos non ita esse à natura comparatos , ut sine vlla

prævia exercitatione, sine ullo præiudicio studio, facile & cum voluptate elicere possimus actus prædictarum virtutum; sicut nec à natura cum facilitate cytharizamus, aut salramus, quamvis à natura ipsa idonei simus facultatibus huiusmodi comparandis. Hinc definiri solet habitus, *qualitas difficile mobilis, genita ex actibus, & ad similes actus inclinans*. Per quam definitionem intelligere debet principium quoddam operandi naturali potentiæ superadditum, illamque facilitans ad hos & illos actus, hoc est actus similes ijs, à quibus ipsum procedit. De hoc habitu quæritur hic quid sit.

Pro quo supponendum est actus, qui eliciuntur à nobis, relinquere quasdam species sui tum spirituales in intellectu, tum materiales in phantasia, per quas repræsentantur animæ & obiecta, circa quæ versabantur actus, & actus ipsi, qui circa huiusmodi obiecta erant. Quamvis enim actus obphantasiæ nequeunt per se esse obiectum potentiæ phantasiantis, possunt tamen esse per anigma sive per speciem sui hieroglyphicam. Rem facile intelliges in potentia visiva. Certum est cogitationem humanæ mentis non posse, neque in se, neque in specie sui propria esse obiectum potentiæ materialis visive; non propterea Pictor non poterit etiam tuis oculis repræsentare cogitationem mentis humanæ; repræsentabit autem per speciem anigmaticam, depingendo per-

sonam aliquam hoc vel illo habitu, his
& illis hieroglyphicis exornatam. Huius
argumentum habes in ædibus Sancti Lau-
rentij Florentinis, ubi pulcherrima, &
exactissima statua cogitationem humanæ
mentis Michael Angelus Bonarota sa-
pienter expressit. Hæc autem ipsa co-
gitatio, quæ non nisi per ænigma corpo-
reum, repræsentatur phantasiæ, per spe-
ciem propriam attingitur ab intellectu.
Idem dic de ipsomet actu phantasiandi,
qui ab intellectu attingitur per speciem
propriam, à phantasia per ænigmaticam.
Vbi nota aliud esse phantasiare, aliud
ipsammet phantasiationem attingere.
quædam objecta per speciem propriam
phantasia phantasiat, ipsammet phantasia-
tionem, non nisi per ænigma phantasiat.

Rursus non solum actus intellectus aut
phantasiæ, sed etiam voluntatis & appeti-
tus relinquunt speciem sui. Hoc tam cer-
tum est, quam certum est nos non solum
recordari objectorum, quæ amauimus,
appetimus, aut odimus, sed etiam ipsius-
met amatoris, appetitus, & odij: meministi
enim non solum objecti, quod odisti,
puta laboris & studij, sed etiam ipsiusmet
odij quod iam habes odio, factus amans
rei, quam oderas, & consequenter osor
odij, quod amabas. Constat præterea
post frequentatos actus circa hæc & illa
objecta, nos facilius in eadem ferri, aut
ab iisdem recipere, prout huius vel illius
rationis actus exercuimus, hoc autem

non solum facile, sed aliquando etiam iucunde. Puta qui plures actus vel Logicae, vel temperantiae exercuit, non solum facilius, & syllogizat, & sibi temperat, sed etiam iucundus. Oritur igitur ex frequentatione actuum non solum facilitas, sed etiam inclinatio ad similes actus; quae omnia hic habentur pro certis. Quaeritur autem in quo consistat ratio illa facilitans, & inclinans, quam habitum nuncupamus, videlicet an in aliqua qualitate simplici distincta à speciebus praedictis, an in ipsismet speciebus rete ordinatis. In hac controversia.

Dicendum est habitus consistere realiter in speciebus relictis ab actibus. Probatur conclusio, quia positis huiusmodi speciebus nulla est necessitas alterius qualitatis; ergo recte dicitur habitus consistere in speciebus. Ant. probatur quia per illas species habetur, & facilitas, sit inclinatio potentiae ad operandum. Conf. autem est manifesta, quia non ob aliud ponitur habitus, nisi ut faciliat, & inclinet potentiam. Explicatur haec nostra sententia excurrendo per ea, quae à nobis per habitus fiunt. Aliqua ex ijs quae per habitus fiunt, fiunt per potentias executivas externas. Huiusmodi sunt saltare, cytharizare, cantare. Potentiae huiusmodi actum effectivae perfecte subiunguntur potentiae appetitivae, exercenti in ipsas dominium planè despoticum: igitur ad imperium potentiae appetitivae statim digiti, pedes, & lingua exeunt in hos, & illos motus. Rursus ut potentiae appetitivae

rectè præcipa, nihil aliud requiritur, quam
ut clarè repræsententur præcepta artis, &
secundum hæc imperet. Hoc autem suffi-
cienter præstant species relictæ ab actibus
quæ propterea rectè inter se coordinatæ
circa hoc, vel illud obiectum dicuntur
constituere hanc vel illam artem; hunc, vel
illum habitum. Hæc ratiocinatio impu-
gnabitur argumentis apertis, ut pa-
tebit infra: nō tamē propterea non subsistet.

Alia fiunt non per potentias externas, sed
per internas; puta per Intellectum, & Vo-
luntatem; huiusmodi sunt actus scientifici,
virtutumque tam intellectuales, quam
moralium; puta syllogizare in hac, vel il-
la materia fit per intellectum; temperare
sibi circa hoc, vel illud iucundum, fit per
voluntatem. Sufficit autem pro utraque po-
tentia habitus in speciebus consistens modo
explicato. Species enim relictæ ab actibus
elicitis circa ens sensibile facilitant intelle-
ctum ad syllogizandum circa idem obiectum:
cum ad syllogizandum ut sic, facilitatem
habeat per species relictas à syllogismis
elicitis, tam circa hac, quam circa
quamlibet aliam materem. Sicut autem
actus intelligendi hoc vel illud obiectum
per species à se relictas facilitant ad alios
similes: ita etiam actus amandi, vel odio
habendi circa hoc, vel illud obiectum eli-
citi, per species à se relictas facilitant ad
alias eiusdem rationalis. Ratio est: quia vo-
luntas non mouetur nisi à cognito: tam
enim nō odit, quam non amat incognitum.

malum igitur æquæ indiget præsentari ut fuget: ac bonum, ut alliciat voluntatem. ratio autem, seu boni, seu mali non reperitur solum in obiecto; sed etiam in ipso met actu, quo hoc obiectum vel fugimus, vel prosequimur. Bonitas autem tam obiecti, quam actus idem dicitur de malitia, præsens est intellectui per speciem; voluntati autem per cognitionem: igitur ut voluntas facile possit hos, vel illos actus elicere, sufficit ut hæc vel illa ratio vivide illi per intellectum repræsentetur: ad vividam autem huiusmodi repræsentationem sufficiunt species, quas præcedentes actus in eodem intellectu reliquerunt.

Verum huiusmodi habitus non solum debent facilitare, sed etiam inclinare ad actus similes ijs, ex quibus sunt geniti. Inclinari autem voluntatem non accidit, ut docent Philosophi in Ethicis, nisi per rationem iucundi. Constat autem voluntatem per habitus acquisitos inclinari etiam ad molesta. Puta molestum est abstinere à cibis bene conditis: à ludo, & ab alijs huiusmodi. Manifestum est tamen per frequentatos actus abstinentiæ à rebus huiusmodi, gigni in anima aliquid ipsam inclinans ad alios actus eiusdem rationis. Pro quo sciendum est, quod anima priusquam elicit actus huiusmodi. Fortitudinis, Temperantiæ, &c. videt quidem honestatem in illis eliciendis: & quia honestas est bonitas, allicitur ab honestate: sed simul in ipsa videt rationem molesti, quæ cum

opponatur iucundo, quæ est ratio boni. maximè tractiua voluntatis, repellit aliqualiter voluntatem ab ijs actibus, ad quos traheretur per rationem honesti: quia tamen recta ratio dicat honestum præferendum esse iucundo, vbi iucundum retrahit ab ultimo fine, voluntas ipsa superat motiū retrahens, & exit in actum, ad quem allicitur ab honesto. Hic ipse actus, dum elicitur apparet minus molestus, quam putaretur, dum voluntas retrahebatur ab ipso eliciendo. Experitur præterea in hoc ipsomet virtutis exercitio voluptatem quandam ordinis superioris, hoc est propriam animæ rationalis vt talis; quæ voluptas etiam sui speciem relinquit: adeoque præsentem facit animæ dulcedinem illam, quæ in actibus etiam heroicis reperitur: iuxta illud Horatii. *dulce, & decorum est pro patria mori* Ex quo apparet trahi non solum ab honesto. sed etiam à iucundo quicumque fortia agit.

Ratio à priori est; quia in eo bono, quod habet et rationem finis, maximè delectatur. Hinc qui fortes sunt, magis gaudent de pugna vicina, quam qui Epulones de vicino prandio: plusque voluptatis reponunt in gloria, quam per victoriam sperant: quam alij in plenitudine abdominis, ad quam per crapulas aspirant. Media autem quò sunt propria fini, eò plus participant de bonitate eiusdem. Cum igitur vir fortis hoc sibi persuadeat, se per mortis contemptum grassari ad gloriam, in qua reponit felicitatem, non solum fortiter, seu etiam

etiam dulciter in mente reuoluit, *est hic, est animus vitæ contemptor, & illum, Qui vitæ benè credat emi, quo tendit bonorē.*

Cæterum assuetudine ipsa vel demi, vel minui terribilitatem obiecti terrefici, nemo est qui non animaduernerit. Nam etiam pueri à quibusdam obiectis terrefacti coguntur à maio, ibus ad eadem propius accedere, eadem pertrectare: quæ dum semel iterumque experiri sunt innocua, sponte deinde in eadem ruunt, & eadem amplectuntur. Hinc aiunt ortum esse quod Viri circumducantur per Ciuitates, ijsque Pueri insideant vt discant bestias etiā terribiles, & puerorum voraces, nihil timere.

Atque ex hoc ducere poteris aliam probationem conclusionis. Qualitas enim physica est inepta mouere voluntatem cuius natura est trahi à bono, non tractione, quæ sit de genere motuum physicorum sicut lapis à sua grauitate trahitur deorsum; sed tractione, quæ sit de genere motuum intentionalium, hoc est tamquam ab obiecto per proportionem sui cum potentia, trahente potentiam ad operandum. Hæc omnia magis patebunt infrà.

ARTICVLVS II.

Satisfit Obiectionibus.

O Bije. 1. Habitus cytharizandi nequit saluari per species relictas ab actibus. Idem dic de habitu saltandi, alijs.

aliisque huiusmodi ; ergo consistero debet in qualitate simplici. Ant. probatur : quia sæpe accidit cum speciebus relictis non durare habitum ; vt constat in eo cui pes, & manus ingrauescunt. Hic enim habet species relictas, & caret habitu. Probatur hoc : quia habitus dat facilitatem operandi : hoc non datur huiusmodi facilitas : ergo in hoc nō datur habitus.

Resp. neg. ant. Ad probationem ; confundit Aduersarius facilitatem, quæ est ex habitu, cum alia facilitate. Cytharædus etiam infirma manus est optimus cytharædus : quamuis propter impedimentum in potentia executiua nequeat cytharizare ; & saltator etiam ægrotani est optimus saltator, quamuis nequeat actus saltare. Hoc modo diximus Aristotelem etiam dormientem, & in sensu composito somni esse optimum Philosophum, quamuis nequeat in tali statu philosophari. Etiam qui habitum consistere putant in qualitate simplici, non illum collocant, aut in digitis cytharædi, aut in pedibus saltatoris, sed vel in potentia imaginatiua, vel appetitiua : quæ proculdubio non alteratur, per grauedinem manus aut pedis. Ex his patet ad argumentum. In eo non datur facilitas ex impedimento potentiaæ executiuaæ ; concede ; ex defectu principii dirigentis ad opus, & inclinantis ad idem ; nega.

Notandum tamen est quod per frequentationem actum non solum gignitur

tur habitus in anima, sed etiam ipsa
potentia executiua redditur ad agendum
expeditior & promptior. Ratio en; quia
in cytharizando, idem dic proportiona-
liter de aliis, mouentur digitorum ar-
ticuli, & illo motu frequentato nerui
flexilitatem quandam acquirunt, ratione
cuius cytharedi manus fit agilior. Hu-
mores etiam, qui inter articulorum iun-
cturas sese insinuat, per motus huiusmodi-
dissipantur: & ossa ipsa ita se mutuo atte-
runt, vt ad omnes motus expeditiora fiant.

Dices; species actuum eliciendorum pos-
sunt æquè haberi ab eo, qui numquam sese
exeruit, ac ab eo qui frequenter; ergo qui
numquam cytharizauit potest esse æque
bonus cytharædus, ac qui frequenter. Hoc
autem consequens est absurdum; cum re-
pugnet experientiæ, per quam constat ve-
ritas eius quod dicit Philosophus; cythari-
zando fit cytharædus. Probatur autem an-
tec. quia potest quis adeo frequenter audi-
ræ aut legere modum sic vel sic operan-
di; vt species actus eliciendi sit æquæ viuida
in ipso, ac si de facto sæpe operatus fuisset.

Resp. 1. neg. ant. Est enim impossibi-
le, saltem monaliter loquendo, species ac-
quisitas per puram cogitationem de acti-
bus, esse æque viuidas, ac species acqui-
sitas non solum per cogitationem, sed
etiam per ipsummet exercitium, quod re-
linquit speciem experimentalem rei fa-
ciendæ.

Resp. 2. transf. ant. dist. conf. potest esse
æque

æque bonus cytharædus quantum pertinet ad habitum; omitto; quantum ad executionem: nego. Dictum est supra in cytharizando potentiam externam, potæ manum & digitos, reddi expeditiores ad opus. Potest autem aliquis habere habitum cytharizandi etiam non expedita, imo positiuè impedita huiusmodi potentia. Patet hoc euidenter in alio habitu. Vidimus præstantissimos Musicos, qui ex defectu, vel guttis, vel pectoris, vel spiritus, nescirent canere. Imo plerumque accidit Cantorum Magistros, qui verè, & proprie Musici sunt, aut numquam canere, aut male canere, non ex defectu scientiæ, sed ob impedimentum potentiæ executiæ. Hinc eos habitus, quorum opus non exercetur per potentias externas, contingit aliquando in statu perfectissimo acquiri, etiam quoad executionem, aut instantaneè, aut ferè instantaneè. Da enim vel vnico actu, vel aliqua alia ratione in homine etiam intemperantissimo gigni speciem viuidissimam illius pulchritudinis, quæ est in temperando: statim ex intemperante fiet temperans. Eo enim ipso quod plus voluptatis repræsentetur voluntati in temperando, quam in indulgendo illi propositioni, qua ferebatur in hæc & illa obiecta sensibilia, trahitur ad temperandum, potius quam ad indulgendum. Plus autem voluptatis apparet quando clarè & viuide percipitur voluptas ordinis altioris, de qua supra dictum est.

Obijc.

Obijc. 2. sæpe accidit habentem species melius ordinatas minus perfectè operari : ergo habitus non consistit in speciebus huiusmodi. Maior constat ex dictis : sæpe enim accidit Magistrum Musicæ imperfectè canere, discipulo mirabiliter canente. Magistrum Saltatoriæ malè saltare, discipulo egregiè saltante, cum tamen in anima magistri species sint melius ordinatæ, quam in anima discipuli.

Resp. dist. ant. Accidit habentem species melius ordinatas minus perfectè operari, ceteris paribus : nega, cæteris imparibus, concede. Ad reliqua patet ex dictis. Parthasius etiam chiragra laborans est egregius pictori, & tamen nequit pingere.

Obijc. 3. Si habitus consistit in solis speciebus, contingere potest eundem esse simul temperantem & intemperantem, consurgere pugnai, ergo & ant. Sequela mai. probatur quia potest accidere in eodem homine esse species relictas ab actibus Intemperantiæ, & alias relictas ab actibus Temperantiæ, sed species relictæ ab vnis sunt habitus Temperantiæ : relictæ ab aliis habitus Intemperantiæ : ergo contingit in vno eodemque esse simul habitus Temperantiæ & Intemperantiæ. Quod dico de habitibus huiusmodi, dic de alijs : puta de habitibus Avaritiæ & Liberalitatis. Probat autem mai. quia species huiusmodi simul esse possunt, neque enim sese expellunt mutuo ab eadem anima, ita dictum alibi species albi, & nigri esse simul in eadem potentia.

Resp.

Resp. neg. sequelam mai. Habitus voluntatis præter hoc quod est repræsentare dicit etiam inclinare potentiam ad hos, vel illos actus. Dicitur ergo temperans, qui ex vi specierum relictarum ab actibus inclinatur ad actus Temperantiæ; intemperans autem qui ad oppositos, per species relictas ab oppositis. Quod si neutra ex huiusmodi speciebus inclinando alteri præualeat; non habet homo ille neque habitum Temperantiæ, neque Intemperantiæ; neutra autem præualet per se, si quantum est ex vi repræsentationis huius vel illius bonitatis, æqualiter se habet voluntas ad utramque, Ex his patet ad reliqua. Possunt esse species æque viuide actuum oppositorum, & utræque præ aliis inclinare; nego; & neutræ præ aliis; omitto; vel si aliæ præ aliis, est hic, & non ille habitus in hoc homine.

Dices Implicat hominem non esse neque temperantem, neque intemperantem; ergo implicat carere simul utroque habitu; & consequenter per species actuum oppositorum poni in statu, in quo nec hunc habeat, nec oppositum. Probatur aut quia, esse temperantem aut intemperantem est disiunctio inter contradictoria; implicat autem utroque contradictorio simul carere.

Resp. neg. ant. Dicitur intemperans non qui caret habitu Temperantiæ: aliter etiam inanimata dicerentur intemperantia; sed qui habet vitium inclinans in oppositum. Intemperans igitur opponitur
tem-

temperanti, non sicut non calidum calido; sed sicut frigidum calido. Quemadmodum igitur contingit subiectum non esse neque calidum, neque frigidum: ita etiam animam non esse neque temperantem, neque intemperantem. Non est temperans: quia non frequentauit actus Temperantiæ, non est intemperans, quia nec oppositos. Quod si per ly intemperans nihil aliud intelligeres, quam non temperans; in casu posito homo ille esset intemperans; sed de hac intemperantia non est sermo hic. Posset dici intemperans pure præcisiuè, aut negatiuè, non autem positiuè:

Instabis, Eo ipso quod non elicuit actus Intemperantiæ, temperauit sibi: sed eo ipso quod temperauis sibi est temperans: ergo eo ipso quod non elicuit actus Intemperantiæ est temperans, Maior patet in ieiunio. Eo ipso quod quis non comedit, ieiunauit. Quid enim aliud est ieiunare quam non eo menere;

Resp. neg. mai. Ad probationem dic aliud esse ieiunare, si sermo sit de ieiunio, quod est virtus, aliud non comedere. Ipsum non comedere, quod est materialiter ieiunare, potest esse actus gulæ, quæ est vitium oppositum ieiunio. Habes hoc eleganter explicatum ab Augustino in eo, qui pridie solennioris prandij abstinet à cena, vt iucundius, quia auidius, epuletur. *Negotium*, inquit, *ventris agitur in ieiunio*. Temperare igitur & ieiunare vt hæc sunt virtutis exercitium, est abstinere à cibis, alij-

alijsque voluptatibus, ex motiuo honestatis, quæ in huiusmodi actibus reperitur. Hinc inuenies homines assuetissimos materialiter ieiunare, intemperantissimos. Ratio est: quia non eæ honestare & pulchritudine, quæ est in abstinendo, abstinere: sed velex necessitate, vel ex aliquo alio capite. Hinc remota tali necessitate irruunt in cibos, & eidem ne redeat consulentes etiam in conuiuijs parant quæ sibi post epulas ad implendum abdomem iterum sufficiant,

Obiic. 4. Si habitus consistunt in speciebus prædictis, nequeunt distingui in habitus intellectus & habitus voluntatis, conf. est absurdum? Iergo & antec. Sequela mai. probatur; quia distinctio habituum prædictorum assignatur communiter per hoc, quod habitus intellectus subiectetur in intellectu: voluntatis vero in voluntate; sed si consistunt in speciebus non recipiuntur alii in vna, alij in altera potentia; ergo nequeunt hoc modo distingui.

Resp. neg. seq. mai. Ad probationem distinguo: distinguuntur hos, modo ab aduersarijs; conc. à nobis. nego. Diximus supra intellectum & voluntatem esse realiter idem inter se & cum anima; quomodo igitur distingui possunt habitus per hoc, quod hic in intellectu, & non in voluntate; ille in voluntate & non in intellectu subiectetur: Dic igitur tam habitus qui sunt voluntatis, quam qui intellectus, esse vt in proprio subiecto in anima, que est realiter & intellectus & voluntas: denominatur autem

tem hic voluntatis, ille intellectus, & ab actibus à quibus est genitus, & ab actibus ad quos inclinatur. Species relictæ à cognitionibus, & ad similes inclinantes, sunt habitus intellectus: relictæ à volitionibus; nolitionibus &c. ad similes volitiones, nolitiones inclinant, dicunturq. propterea habitus voluntatis.

Obic. 5. Qui plurimos actus temperantiæ elicit, aliquando etiam difficillime sibi temperat: ergo species relictæ ab actibus non sunt ipsemet habitus. Temperantiæ. Conf. probatur: quia qui habitum habet, non solum facile, sed etiam iucunde operatur; qui autem multos actus elicit habet species relictas ab actibus: ergo habens species relictas ab actibus, non habet per hoc formaliter habitum Temperantiæ. Probatur autem antec. quotidiana experientia qua constat multos die in aliqua virtute exercitos, etiam turpiter cadere. Puta diu quis sibi temperavit à murmurando; & deinde impatiens ait cū Poeta: *Quis teneat se.*

Resp. hoc argumentum non magis militare contra habitum consistentem in speciebus, quam contra consistentem in qualitate simplici. Est enim certum qualitatem illam necessario gigni ex actibus frequentatis, & consequenter non esse in anima prædictas species sine tali qualitate. Patet hoc species non sunt nisi ex actibus frequentatis: actus frequentari sunt causa necessaria talis qualitatis: ergo species non sunt si-
te tali qualitate. Si igitur accidit cum

prædictis speciebus hominem deficere a recte operando : etiam accidit hominem cum prædicta qualitate deficere. Certum est habitum in quocumque consistet, stare cum libertate, nec ita inclinare voluntatem, ut necessario operetur. Hinc accidit etiam homines virtuosissimos ab aliqua graui tentatione superari, & post multas insignesque victorias, turpiter vinci : idque ut non gloriatur omnis homo : sed qui stat cadenti compatiatur, & humiliter timeat, ne ipse cadat. Ex his patet ad argumentum. Conc. ant. nega. cons. Ad probationem. dist. operane ex habitu operatur fabile & iucunde, sed libere. conc. & necessario; nega. Habitus acquisitus facit ut facilius sit tentationis victoria : & iucundior : non tamen ut necessaria. Accedit autem nonnumquam ut superbientes de sua virtute mortales quasi aliquid habeant, quod non acceperint, mereantur in pœnam suæ superbiæ in turpissima vitia labi : Deo in sinente tum in aliorum exemplum, tum ad illorum eorundem emendationem. Est enim adeo grande malum superbia : ut in ipsius remedium, mala etiam grauissima à Deo permittantur : ordinatè videlicet sapienter omnia, maius malum permissione minoris emendante.

Obijc. 6. Voluntas per habitum elicit actus intensiores, & cæteris paribus, eo intensiores, quo intensior est habitus : ergo per habitum augetur virtus ipsiusmet voluntatis, sed solæ species non augent virtutem

voluntatis : ergo habitus non consistit in solis speciebus. Probatur prima conf. quia repugnat idem principium sine villo virtutis incremento fortius agere , quā ageret ante .

Resp. conc. ant. neg. conf. eiusque probationem. Voluntas agit , quia vult , & intente agit , quia vult intente agere : nec unquam agit quantum potest , adeoque eadem , manens sicut modo agit , modo non agit , ita etiā modo fortius , modo remissius. Verum quidem est quod quamvis sic agat quia vult , mouetur tamen a bonitate vel malitia obiecti propositi ad amorem vel odiū : mouetur autem in actu secundo quantum moueri vult . Sermo enim est hic de motu libero voluntatis . Rursus sicut bonitas & malitia mouet ; ita bonitas & malitia viuide proposita viuide mouet : per species autem relictas idoneus est intellemus viuide cognoscere , adeoque viuide repraesentare voluntati obiectum quod amet , aut oderit ,

Obiic. ult. habitus supernaturales consistunt in aliqua qualitate simplici , non autem in speciebus ordinatis circa hæc vel illa obiecta : ergo etiam habitus naturales , Probatur conf. quia vtriq. eodem modo faciliunt , inclinantiq. ad suos actus .

Resp. trans. ant. neg. conf. Habitui supernaturales præcedunt actus , adeoque nequeunt oriri ex actibus frequentatis. Infunduntur enim nobis à Deo , ut possimus operari ; adeoque de iis valet proportionaliter id quod ait Philosophus de sensibus . Non ex eo quod sæpe credidimus , sperauimus & a,

mauimus, Fidem. Spem : & Charitatem habemus : sed habitus huiusmodi natura , & plerunq. etiam tempore antecedunt ipsum credere , sperare , & amare, Hinc est quod communiter aiunt habitus naturales dare non ipsum posse , sed facile possec : supernaturales vero dare ipsum posse. An autem etiam per species relictas ab actibus supernaturalibus possit haberi habitus supernaturalis non est nostrum hic decernere. Decernimus . solum quod si actus supernaturales gignere possunt habitum supernaturalem , æque saluari potest per species , ac per qualitatem simplicem; nota me semper adde ly *simplicem*: neq. enim negamus habitum esse qualitatem , cum definitionem supra positam etiam pro bona admittamus . *Habitus est qualitas difficile mobilis &c.* sed negamus qualitatem huiusmodi esse quidam speciebus distinctum .

Dices; euidentis est prærequiritum ad actus non posse gigni ex actibus: dictum est habitum supernaturalem præquiri ad actus; ergo gigni nequit ex actibus. Confirmatur ; quia habitus supernaturalis se habet ad actus suos per modum potentia: potentia autem operandi non gignitur ex ipsamet operatione , quod tam certum est , quam posse , esse quid antecedens ad operari. Hinc habitus supernaturales præsupponunt quidem potentiam ad se , non autem ad suos actus . iuxta id: quod alibi indicauius; *posse habere Fidem , sicut & posse habere charitatem naturæ est hominis ; ipsam autem Fidem sicut*

& Charitatem habere gratiæ est fidelium :
Fides autem & Charitas sunt principia, hæc
amandi, illa credendi supernaturaliter.

Resp. quod quâvis habitus prærequira-
tur actibus, & actibus præeat; potest tamen
contingere quod aliquis actus etiam pro
priori ad habitum eliciatur ex vi alicuius
auxilij actualis. Puta peccator quamdiu
peccator est caret habitu Charitatis; per
peccatum enim vel formaliter, vel conse-
quenter inimicus Dei constituitur; inimicū
autem Dei habere Charitatē est impossi-
bile; sicut impossibile est esse amicum, &
habitu Charitatis carere; iuxta illud: *qui
non diligit manet in morte*. Potest tamen
peccator per euxilium gratiæ supernatura-
lis conuerti ad Deum, illumq. ex tota anima
diligere. Actus dilectionis huiusmodi non
erit ab habitu: imo pro præmio sui habe-
bit habitum. Dictum est autem supra con-
tingere aliquando per vnicū actum, ratione
suæ perfectionis, habilum gigni. Si igitur
possibile est hoc contingere; à quo hic præ-
scindimus, in supernaturalibus: aio æque
accidere posse per meram speciem relictā
ab actu prædicto; ac per vllam aliam qua-
litatem simplicem.

Adde non sic accidere in omnibus, sicut
accidit in Charitate. Neque enim cui libet
actui virtutis etiam intenso debetur pro
præmio ipsemet habitus, Puta non qui libet
actus Temperantiæ trahit necessario habi-
tum Temperantiæ, & sic de cæteris. Trahi-
tur autem habitus Charitatis ab actu, quia

per hoc quod diligas Deum super omnia; diligis diligentem te: neque enim hanc ipsam dilectionem dat nisi ex amore; diligere autem diligentem se, est esse amicum est autem de ratione amicitiae, ut sit, quantum est ex parte utriuslibet seorsim, perpetua: neque enim amicus est, qui non est paratus, quantum est ex se, semper amare. Et quia Deus est optimus amicus, eo ipso quod redematur, dat redamanti id quod est ex natura sua perpetuitas amicitiae, hoc est Charitatem habitualement, siue habitum ex natura sua perpetuum; ut cuius possint elici noui semper, & noui actus Charitatis. Propterea dissolutio amicitiae inter Deum, & hominem non incipit à Deo, sed ab homine: cum contra eiusdem redintegratio non ab homine fit, sed à Deo. Deus enim hominem non deserit, nisi prius deseratur ab homine: nec homo ad Deum conuertitur, nisi prius trabatur à Deo. Ex quo sequitur amicitiae dissolutionem tribuendam homini; ipsam autem amicitiam pro dono Dei habendam.

QVÆSTIO XII.

De intensione, remissione, & corruptione habituum.

ARTICVLVS I.

Statuitur triplex conclusio.

Habitum non intendi per actus remissos est sententia multorum Thomistarum. Voco autem remissos, qui non sunt secundum intensiorem habitus. Puta habens habitum Temperantiæ intensum, ut sex, si actum eliciat solum intensum ut quatuor, non intendit habitum Ratio qua mouentur ad ita opinandum, est quia talis actus non est proportionatus tali habitui, Secundo, quia actus remissus est dissimilis habitui intenso: nequit igitur gignere, aut intendere eundem. Probatur consequ. quia simile sibi facit, id quod agit. Præterea actus intensus, & actus remissus sunt inter se dissimiles; actus autem dissimiles naqueunt esse causa eiusdem habitus: igitur habitus ille, qui est ab actibus intensis, nequit idem esse a remissis. Maior probatur: quia, ut ait D. Thomas, non solum album & nigrum. sed etiam magis, & minus album inter se dissimilia sunt. Hinc datur motus ex minus albo ad magis album, His non obstantibus.

Dicendum est habitum intendi etiam per

actus remisso. Hęc sententia fautores habet innumeros: priuè circa habitus supernaturales. Ab his tamen hic abstinemus, & de alijs sic probamus. Etiam actus remissi relinquunt speciem sui; ergo per actus remissos intenditur habitus. Antec. est certum. Conf. probat. quia per speciem relictam formaliter fit maior collectio specierum circa hoc, & illud obiectum: in huiusmodi collectione consistit habitus, igitur fit maior habitus. Consonat hæc doctrina alibi dictis, quod videlicet luminosum minus in consortio maioris obiectum magis manifestat; quia videlicet ex hoc & illo fit aliquid maius, quam quodlibet seorsim.

Præterea si ad intensiōem habitus requireretur actus intensus, requireretur intensus supra habitum; conf. est absurdum; ergo & ant. Seq. mai. prob. in sententia aduersariorum: quia gradus intensiōis debent esse etheorogenei: igitur actus similis actui non intendit habitum genitum ab actu: nam actus *A* si sit omnino similis actui *B*, nequit dare, nisi quantum dedit actus *B*; duo autem gradus eiusdem rationis non faciunt intensiōem. Nequit hoc nobis opponi, qui existimamus vel minimū gradum albedinis superuenientē albissimo, facere magis albū.

Ad ea, quæ dicta sunt in contrarium facile est respondere. Actus remissus non est proportionatus proportionē arithmetica habuit intenso; est tamen proportionatus proportionē geometrica; hoc est proportio de effectus cum causa, Item non est similis
simi-

similitudine effectus cum causa: nega; similitudine omnimoda: concede. Ad aliud dic actus remissos, & intensos carere quidem similitudine secundum intensionem, non tamen secundum entitatem; hoc est non differere huiusmodi actus ex ratione obiecti utrumq. specificantis. Neq. enim dum similes dicimus quoad entitatem, asserimus per hoc vnum ab altero bmpl. ceter non differre sed solum non differre vnum ab altero ex parte rationis utrumq. specificantis, hoc est ex obiecto. Cum igitur circa idem, & ex eodem motivo ferantur: dicimus huiusmodi similitudinem sufficere, ut ad eundem habitum concurrant.

De remissione autem habituum sunt qui putent hanc accidere per hoc, quod cessemus ab actibus. Ratio est ipsamet experientia, qua constat nos non tam facile Virgili carmina recitare, si à recitandis diu cessemus, quam si eadem frequenter recitemus: idque contingit etiam si loco talium carminum nihil aliud discas. Quod à me notanter dicitur, nè imagineris in tua memoria specie à specie trudi. Immo sunt qui dicant non solum per cessationem; sed etiam per exercitium remissum virtutis, virtutem amitti, eo quod negligenter dare operam virtuti sit quidam virtutis contemptus. Hi pro se D. Bernardum, aliosq. ex Patribus videntur habere, apud quos pro eodem habetur non proficere, ac deficere: per actus autem remissos: aiunt, non proficitur: ergo deficitur.

Dicendum est remitti habitum tum per

cessationem ab operando : tum etiam per frequentationem actuum oppositorum . Remitti habitum patet experientia . Da enim Musicum diu otiosi in sua scientia : statim perpicias illum difficilius operari . Ratio est : quia species , in quibus consistit habitus , paulatim obliterantur per superuenientiam aliarum , vel etiam per mutationem subiecti , in quo sunt ; etiam si talis mutatio non sit per aduertum aliarum specierum . Exemplum habes in charta , vel in tabula , in qua notæ semel impressæ dupliciter obliterantur , aut confunduntur : primo si simul alias , & disparatas notas appingas : secundo si tabula ipsa , vel charta aliquo alio genere mutationis muretur , puta si ex alba fiat minus alba , aut aliquid aliud huiusmodi . Adde quod partes materiæ , in quibus sunt prædictæ species paulatim absumuntur . Nisi igitur per similes actus similes species imprimentur : contingere poterit , ut omnino obliuiscamur rei optimè scitæ : & de habitu olim acquisito nihil omnino remaneat . Constat hoc : si enim tota illa materia in qua impressæ sunt illæ species , absumatur : pereunt species ad corruptionem subiecti , adeoque si pars materiæ perit perit pars specierum , quod est remitti habitum , si tota perit , perit tota specierum collectio , quod est habitum destrui . Per exercitium autem etiam materia de nouo adueniens recipit speciem , adeoque veteri pereunt non propterea perit , imo non propterea remittitur habitus .

Quod

Quod autem, & quomodo per frequentationem actuum oppositorum remittatur habitus facile intelligitur, siue hic pertineat ad potentiam apprehensiuam, siue ad appetiuam. Exemplum sit in habitu Temperantiæ. Actus Intemperantiæ relinquit speciem sui adeoq. speciem iucunditatis; quæ cum sit in genere boni sensibilis, habet vim trahendi ad se potentiam sensitiuam. Hæc eadem spæius repetita, semper viuidius representat bonitatem obiecti amati; & quia etiam minoris boni cognitio viuidior, conducit ad amorem vehementiorem: sit ut bonum sensibile, non æstimatoriue, seu appetitiuè; sed affectiuiue præferatur honesto, & insensibili. Dixi; *Non appetitiuè*, sed *affectiue*, quod etiam explicat ille, qui dicit: *Video meliora, proboque, deteriora sequor*: quibus verbis indicat apud se virtutem habere rationem maioris boni, quam oppositum; & in hoc consistit peccatum: quod videlicet iudicans melius esse hoc, quàm illud, illud tamen amplectaris præ hoc. Qui enim nihil facit, nisi quod iudicat melius esse, non peccat: nisi fortasse in causa talis iudici, qualis esse potest vehemens passio, & cupabilis, inclinatis ad tale iudicium. Vide tamen nè putes peccari, quoties non fit id, quod est in æstimatione melius non, enim tenemur id facere, quod melius esse putamus. Peccamus autem cum id omittimus facere, quod tenemur facere: aut id facimus quod tenemur omittere. Si autem te ipsa putares id, quod ~~tenetur~~ omittere, re

ipsa melius factu esse, quam oppositum :
idq. inculpabiliter putares; faciendo non
peccares.

De corruptione habituum, postea ea, quæ
dicta sunt de remissione, facilius erit de-
cernere. Quod enim remittitur, paulatim
destruitur, iuxta illud: *omne alterabile est
corruptibile*. Breuiter dicendum est; cor-
rumpi habitus per corruptionem subiecti,
vel per introductionem contrarij. Explica-
bitur hoc tam in ijs, qui pertinent ad pro-
rentiam apprehensiuam, quam in ijs qui ad
appetiuam. Qui pertinent ad appetiuam,
dupliciter corrumpuntur; videlicet & per
desitionem subiecti, in quo sunt, superius
explicatam; & per species inclinantes in
oppositum, vt tales puta contingit homi-
nem diu temperasse; & deinde viuere in-
temperanter. In tali casu præterquam quod
species relictæ ab actibus Temperantiæ desi-
nunt desinente subiecto: etiam si des easdem
perseuerare; cum species relictæ ab actibus
Intemperantiæ vehementius inclinent in bo-
num sensibile: & nequeant simul idem appe-
titus vehementius ferri in opposita: habitus
Temperantiæ eo ipso corrumpitur: caret e-
nim vi inclinatiua præ opposito: & consequen-
ter caret ratione requisita ad habitum.

In habitibus autem, qui pertinent ad ap-
prehensiuam non ita accidit; neque enim
tam proprium est istorum inclinare, quam
aliorum: puta habitus Logicæ non corrumpi-
tur per hoc, quod species relictæ à para-
logismis inclinent intellectum ad paralogi-

zardum : magis quam inclinetur per Logicam ad syllogizandum ; implicat enim potentiam cognoscitivam magis assentiri falso quam vero, si verum ipsum magis appareat ; hoc est si in eo quod vere vnum est , detur maior apparentia veritatis , quam in eo , quod solum apparēter ; necesse est igitur ad corruptionem habitus Logicæ ita imminui species relictas ab actibus : puta à syllogismis , vt minus appareat ratio veri , quæ est in vero syllogismo , quam ea quæ apparenter est in paralogismo : adeoq. non potes dare quod remaneat tota virtus specierum relictarum , & simul species relictæ à paralogismis præualeant ad extorquendum assensum, hoc est inclinationem potentia in hoc præ illo. Hinc nequit intellectus iudicare hoc verius quidem esse quam illud ; assantrii tamen illi ; & non huic ; sicut voluntas bonum etiam minus , & cognitum vt minus , potest præ maiori amplecti. Suppono autem hic habitum prædictum esse verè habitum scientialem ; adeoq. obiecta , quæ per ipsum attinguntur, euidenter & certò attingi : quod nullo modo contingere potest habitui erroris , sicut est habitus paralogizandi : cum implicet per paralogismum rem euidenter cognosci , vt patet ex dictis in Logica , & alibi .

Corrumpitur igitur habitus, qui spectat ad apprehensiuam per hoc , quod subiectū, in quo est , corrumpatur ; itaut implicet persenerare illas species omnes , in quibus ipse consistit , & earundem inter se coordi-

nationem, & huic præualere oppositum. Loquor hic de habitu, qui sit virtus. Si enim de habitu loqueris, qui sit vitium intellectus, puta de errore, qualis est v. g. ille qui gignitur per paralogismos: corrumpitur hic per acquisitionem oppositi. Certum est enim species illas, per quas intellectus imperitur ad verum, eo ipso quod monstrent hoc & illud obiectum: alinare intellectum ab essentia fido, ut antea assentiebatur, falso, propter rationem quam supra diximus: adeoque dum dicimus non corrumpi habitum potentiae apprehensivæ per introductionem oppositi, intelligendum est hoc de habitibus, qui sunt virtus potentiae, cum etiam illi, qui sunt virtus potentiae appetitivæ, possint per oppositos expelli, ut explicatum est supra.

A R T I C V L V S II.

Satisfit objectionibus.

Obiect. 1. Habitus potentiarum spiritualium nequeunt corrumpi per corruptionem subiecti: habitus huiusmodi corrumpuntur; ergo corruptio habitus non habetur per corruptionem subiecti. Probat mai. quia potentia spiritualis, puta intellectus & voluntas sunt incorruptibiles: sunt enim realiter ipsa anima: & etiam si ponerentur distinctæ: adhuc essent incorruptibiles, quia implicat animam esse sine huiusmodi potentiis. Min. autem probatur: quia
con-

contingit ex sciente fieri ignorantem, ex temperante intemperantem; & consequenter destrui habitum scientiæ, & habitum Temperantiæ, quorum alter ad intellectum, alter pertinet ad voluntatem.

Resp. 1. non esse confundendos habitus, qui sunt in potentia immateriali cum ijs, qui sunt in materiali. Habitus scientiæ est in subiecte immateriali, cum sit virtus intellectualis: habitus autem Temperantiæ dicitur à multis pertinere ad potentiam sensitivam. Est autem subiectum ipsius secundum aliquos potentia appetitiva, secundum alios imaginativa: iuxta principia supra posita convenientius dicetur esse in imaginativa, quam in appetitiva, cum consistat in speciebus relictis ab actibus, quæ utpote repræsentatiuæ rerum, quarum sunt species, in sensu formali congruentis ponuntur in imaginatione, quam in appetitu, quamvis habeant vim inclinandi appetitum, Verum quidem est quod etiam species illæ determinant intellectum ad formandas alias species sibi proportionatas eorundem actuum & consequenter habitus Temperantiæ poterit esse in imaginativa simul, & intellectiva: in prima secundum species phantasticas, in secunda secundum species intelligibiles. Præterea tenendum est quod hætenus sæpe repetitum habes: intellectum videlicet per conuersionem ad phantasmata speculari. Hinc sequitur operationem intellectus pendere à phantasmate, ut obiecto: cum igitur phantasma ipsum corrumpi possit

sit

fit per corruptionem subiecti, sequitur habitum ipsum intellectualem corrumpi posse per corruptionem subiecti, non quidem in quo est ipse, sed in quo est obiectum, per conuersionem ad quod, intelligit: videlicet in quo est phantasma, quod pereunte subiecto, & ipsum perit. Hinc.

Resp. secundo dist. mai. habitus praedicti non corrumpuntur per corruptionem subiecti in quo sunt; conc. per corruptionem subiecti in quo est obiectum, per conuersionem ad quod operantur: nega, & conc. min. dist. eodem modo conf. Propterea D. Thom. in prima secundae, quaest. 53. art. 3. docet habitus huiusmodi non corrumper per se, sed per accidens; videlicet ex defectu obiecti, quod deficit ad deficientiam subiecti in quo est. Neq. in hoc potest esse in nostra sententia specialis difficultas pro habitu voluntati; cum enim hic sit realiter in intellectu, utpote consistens in speciebus, manifestum est deficere ipsum ad deficientiam phantasmatis. Ratio est, quia cessante operatione intellectus, cessat consequenter inclinatio voluntatis: haec enim ut natura sua inclinatur in bonum non tamen inclinatur in bonum, nisi cognitum: sed deficiente phantasmate deficit cognitio; igitur & inclinatio voluntatis. Hinc aiunt non pauci habitus intellectuales, qui sunt in anima, solum consopiri, eo quod ex defectu phantasmatis nequeant simul cum intellectu exire in actum ceterum in anima a corpore separata statim excitari, & modo in hos, modo in illos

los actus erumpere, prout hoc vel illo alio modo determinantur. Quemadmodum enim anima, quæ in corpore per conuersionem ad phantasmata intelligit, hoc potius quam illud intelligit, de hoc potius, quam de illo obiecto ratiocinatur, determinata per suscitationem huius vel illius phantasmatis; ita etiam posita extra corpus ut per hunc, aut illum habitum, circa hoc, vel illud obiectum operetur, determinari debet ab aliquo excitante species intelligibiles ad hoc potius, quam ad illud obiectum. Per quid autem fiat huiusmodi specierum excitatio, non est nostrum decernere. Quādiu anima est in corpore excitantur hæc, vel illæ species in intellectu ad excitationem horum, vel illorum phantasmatum in Phantasia. Hæc autem, vel illa phantasmata quomodo excitentur non omnes vno modo explicant. In multis est manifesta ratio cur hoc potius quam illud in te excitetur; in alijs vix alia ratio reddi potest, quam in casus. Puta dum dormis cur hæc potius, quam illa phantasmata excitentur, est quidem multiplex ratio, sed in hoc etiam locum habet casus. Plerumque accidit ut de ijs somniet dormiens, de quibus diu vigilans cogitasti. Contingit tamen aliquando somniate te de rebus, de quibus numquam cogitasti; fit autem hoc, per combinationem quandam phantasmatum, quæ animæ præsentata determinat illam ad talem phantastionem. Combinatio autem huiusmodi est casualis, sicut v. g. si multos characteres

temere proiicies, ita inter se concurrerent, & componerentur, vt inter causas secundas nullam rectè assignares, nisi casum.

Quamuis autem huiusmodi phantasmata aliquando casu excitentur, tamen aliquando etiam de industria; puta dum prouocaris ad disputandum de ente sensibili: per hanc ipsam prouocationem determinantur hæc, & illa phantasmata ex imperio voluntatis, & ab his, & illis phantasmatibus, intellectus ad speculandum hoc potius, quam illud obiectum. Præterea obiecta ipsa extrinseca, dum sese per species sui in sensus intrudunt, excitant species sibi similes: adeoque cur vidēs imaginem Christi Crucifixi, de ipso potius cogites, quam de Achille rationem reddes, quia hic & non Achilles receptus in species sui excitat cogitationem de se, In hac phantasmatum excitatione recognoscunt communiter vim externi principii: siue externę potestatis ad ciendos in nobis hos, & illos motus, tum intellectus, tum voluntatis. Malus Dæmon excitatione huiusmodi phantasmatum, excitat quandoq; in nobis tum cogitationes circa hæc & illa obiecta; tum affectiones voluntatis circa eadem illicitas: neque enim vim habet in intellectum immediatè, & per se, aut in voluntatem. Potest etiam ex motu talium phantasmatum colligere has & illas cogitationes, & videre an diu in illis immoremur, & simul ex alijs motibus appetitus sensitiui, an finamus nos trahi ab obiectis propositis, an contra fortiter & generosè

pugnamus. Cum enim phantasmata intellectu obiecta illum determinant ad cogitandum, si videt diu stare phantasmata huiusmodi in eodem statu, imo & alia similia accurrere videt consequenter nos diu cogitare, & quia ad cogitationem diuturnam sequitur plerumq; voluntatis affectio vel repudiatiua vel amplexatiua obiecti, eiusmodiq; affectio habet concomitantem motum eorum spirituum, qui appetitiui sensitiui seruiunt per huiusmodi motus indagar vel virtutem, vel infirmitatem animæ.

Contra bonus Angelus phantasmata excitat ad cogitationes bonas determinantia intellectum, & per cogitationes bonas ad affectiones pias voluntatem, & quia huiusmodi motus excitantur in vobis etiam ad alia distractis, & præter omnem industriam ex parte nostra: ideo dicit Philosophus bonam cogitationem esse à bona fortuna: nos sapientius dicimus esse à paterna Dei erga nos prouidentia. Cogitationes huiusmodi si sint supernaturales, sunt à Deo ipso, & ad actus supernaturales nos excitant, si sunt intra ordinem naturæ, sunt à Deo quidem, à quo est quicquid in quocunq; ordine boni, bonum est, vt à causa vniuersali, sed immediate ab Angelo, qui etiam secundum ordinem naturæ minister est diuinæ prouidentiae in gubernandis creaturis inferioribus. Immediate, inquam, non quasi ipse per seipsum inducat cogitationem huiusmodi in animam sed quia motus phantasmatis est ab ipso, vt ab extrinseco motore, nec alio concurfu ad id
in.

indiget, quam eo quem habet ad ciendos quoslibet motus.

Obiic. 2. Si habitus corrumpuntur per defectum phantasmatis, sequitur vel non remanere in Anima separata vel in Anima separata esse incorruptibiles; utrumque est absurdum, ergo & id vnde sequitur. Sequela mai. probatur. quia in Anima separata non remanet phantasma; hoc enim recipitur in organo corporeo; ergo si deficit habitus deficiente phantasmate, deficit in Anima separata. Hoc autem esse absurdum probatur, quia Anima separata fieret ex sciente ignorans. Præterea habitus consistit in speciebus; si igitur deficit habitus, deficient species; si autem deficient species, Anima separata eorum omnium obliuiscitur, quæ antea nouit, & consequenter animæ mortuorum nihil omnino mouerunt, sed hoc est falsum, ergo, &c. Quod autem si non corrumpuntur ad corruptionem phantasmatis, sint simpliciter incorruptibiles, probatur, quia nō est ullus modus, quo corrumpi possunt: sunt enim in subiecto incorruptibili, adeoque si non indigent ad conservationem sui perseverantia phantasmatis, cum habeant semper causā sui conservatricem tam in genere causæ passivæ, quàm in genere efficientes, non est vnde pereant. De causa passiva, seu de subiecto constat De efficiente probatur, quia causa efficiens speciei spiritualis est intellectus agens, concurrente simul, ut in cæteris, causa prima: hæc autem essentialiter, ille autem est naturaliter

ter indefectibilis, & consequenter ex defectu causæ nequit deficere, rursus neq; expelli potest à contrario: speciei enim species non contrariatur, vt dictum est.

Quod verò hoc absurdum sit facile monstratur: nam & habitus appræhensivæ, & habitus appetitivæ potentiæ destrui constat ex hoc, quod multi errores expellantur ab anima in statu separationis, ergo erravimus aiebant illi, & vitam veritatem non ambulavimus. Qui autem cognoscit se errasse, iam non errat: cum implicet intellectum habere pro vero, quod ipsi apparet vt falsū; hoc est: intellectum dicere de eodem: est & non est. De habitibus autem pertinentibus ad Appetitivam manifestum est eos, qui ad sensibilia inclinant, omnino deficere: quod monstratur ex eo, quod deficiat errori, dum enim pœnitet animam sensibilia dilexisse, & huius dilectionis causam, errorem videlicet, detestatur, eo ipso auersatur quod antea amavit: adeoq; deficit in ipsa vis inclinativa ad talia obiecta.

Resp. in hac obiectione multa involui, quorum aliqua iam explicata sunt, aliqua explicanda. Habitus intellectus non solum in anima separata sed etiam in anima unita, si sunt vitiosi, destruuntur ad advenientiam oppositorum, puta habitus errandi per habitum sciendi expellitur. Ratio est: quia quamvis in intellectu remaneant species parallogismi simul, & syllogismi; tamen cum hæ detegant falsitatem, in quam inducebant illæ, destruunt etiam in ipsis rationem habitus,

tus, quia demunt ipsis vim inclinatiuam potentia ad essensum: implicat enim intellectui proponi verum euidenter, & huic intellectum non assentiri. Etiam si igitur des remanere species in intellectu horum, & illorum actuum, quibus errauit: das remanere habitum pure materialiter, non autem formaliter: hoc est remanere id quod quamdiu habuit vim inclinandi intellectum, habuit rationem habitus; deficiente autem tali vi, hanc eandem amisit. Idem de iisdem aut alijs dicendum est quoad rationem habitus respectu potentia appetitiua: Eo enim ipso quod carent vi inclinatiua appetitus, seu voluntatis, carent ratione requisita ad habitum, ut patet ex definitione ipsius. Ex his patet ad argumentum. Igitur.

Resp. neg. sequelam mai. Habitus intellectus in anima separata, si sunt virtutes, remanent incorruptibiliter quoad esse, non autem quoad exerceri; sicut etiam in anima vnita non semper sunt in actu: puta habitus Logice in tuo intellectu non semper syllogizat, & sic de cæteris. Quomodo autem, etiam si sint ipsæmet species, eaq, incorruptibiles, amittant tamen rationem habitus dictum est supra, quod non est intelligendâ de habitibus virtutis in anima separata, si sit secundum modum suæ naturæ neq; enim in tali statu verum per falsum ab intellectu excluditur. Dixi, *si sit secundum modum suæ naturæ*, quia contingere potest, ut ratione culpe, quam contraxerit, ita malè habeatur ut per obiecta ipsi proposita, in multis er-

roribus perseveret: quamvis, certum sit etiam multos errores deponi. Habitum autem virtutis residentem in intellectu esse incorruptibilem facile intelliges, etiam intelligendo quod non semper operetur. Habitus inclinans ad assensum primis principiis: quod Philosophus vocat Intellectum, numquam destruitur, & tamen non semper operatur. Consistit enim in hoc, quod quoties hoc & illud obiectum proponitur anime, illam inclinet ad assensum, sed neq. hoc, neq. illud obiectum semper proponitur. Quod si contingeret obiecta huiusmodi numquam proponi: contingeret esse semper hunc habitum in anima, & numquam oportere. Quod dico de hoc, dic proportionaliter de aliis, anima Physici separata à corpore semper habet Physicam, non propterea semper de corpore naturali philosophatur, imò quia contingere potest, ut corpus naturale numquam illi obicitur, potest etiam contingere ut semper sit Physica, & nunquam sit ullus discursus, ulli actus circa obiectum Physicæ. Species autem intelligibilis, quæ in anima unita excitatur ad præsentiam phantasmatis, in eadem separata ad præsentiam obiecti per phantasma representati excitabitur. Quænam autem futura sit illa præsentia, non est facile explicare. Species purè intelligibiles excitari in cognoscente dictum est, ubi de locutione Angelorum, in quibus certum est non excitari species per phantasmata, neq. enim intelligunt dependenter à sensibus. Modo igitur quodam proportionali

nali ei, qui accidit in Angelis, accidet etiam in anima separata, inter species intelligibiles has excitari præ illis. Quamuis enim ponantur in Angelo congenitæ, hoc est impressæ intellectui Angelico à Creante, in anima autem hominis acquisitæ, non est tamen specialis difficultas ex hoc capite; & consequenter de vnis philosophari poteris cum proportionem ad alias.

Dices non est explicabile quomodo ipsa phantasmata præsententur animæ, & hæc præ illis determinant ad hanc, præ illa, operationem: ergo excitatio specierum intelligibilium non rectè explicatur in nobis per excitationem phantasmatum. Ant. probatur: quia phantasmata omnia sunt semper intimè præsentia animæ: cum anima sit intimè penetrata cum organo, in quo sunt: hoc enim organum est animatum. Quomodo igitur hoc præ illo ita præsentatur, ut animam determinet ad operandum?

Resp. neg. ant. Quamuis re ipsa difficile excitatio huiusmodi explicetur, explicatur tamen per motum earum fibrarum, quæ sunt in cerebro, in quibus ut in proprijs subiectis ea phantasmata resident. Motus autem ille sit ex imperio, vel volûtatis, vel appetitus sensitiui determinati ad hoc, per aliduid connexum cum hoc potius, quam cum illo phantasmate, modo iam supra explicato, Quamuis enim quicquid est in corpore, sit æqualiter præsens Animæ, quæ intimè penetratur cum corpore, non tamen æqualiter mouet animam, quia non æqualiter mouetur.

tur. Non igitur per solam praesentiam sui sed per sui motum animam mouent; mouetur autem ipsa ad motum subiecti, sicut accidit in alijs accidentibus. Subiectum autem ipsum, cum sit corpus, nun difficile intelligis quomodo moueatur. Sunt qui principium motuum fibrarum huiusmodi, in quibus, & species, & spiritus residente ponant in nucleo quodam sito in centro cerebri, ipsum autem nucleum determinari aiunt ab extrinseco, puta à nouis impressionibus ab hoc, vel illo obiecto in ipso factis, ad mouendas has, vel illas fibras. Hæc autem omnia, vt vides; quamuis intra nos fiant, nos tamen latent. Cerrum est principium mouens istorum omnium esse animam ipsam; quæ sicut in vegetatiuis qualitates corporeas; spiritusque vitales vndecumq; diffundit intra plantam ad eiusdem conseruationem, & operationes; ita in sensitiuis & spiritus & species mouet vt oportet ad operationes proprias eorundem. Anima autem in super rationalis, cum eadem in homine, quæ sensitiua, facile per vnâ speciem operationis determinatur ad aliam; sicut idem intellectus v. g. ab apprehensione vnius obiecti, determinatur ad iudicium: & à iudicio ad discursum circa idem; quod idem proportionaliter accidit in voluntate, quæ à simplici complacentia impellitur ad desiderium à desiderio ad spem obiecti, in quo vel est, vel apparet ratio boni.

Dices: obiectum per speciem sui est in anima quantum sufficit, vt videatur ab ani-

ma, ergo semper actu videtur ab anima: cons. probatur, quia anima in videndo est causa necessaria: de ratione autem causæ necessariæ est agere quantum potest, in quacumq; circumstantia: adeoque implicat in ipsa poni sufficientiam adæquatam ad agendum, & ipsam non agere. Ant. autem probatur ex dictis alibi; videlicet compleri ultimò potentiam vitalem in ratione perceptivæ per esse intentionale, seu per speciem obiecti perceptibilis.

Resp. dist. ant. obiectum per speciem suam est in anima quantum sufficit, ut videatur habitualiter ab anima, concedo, ut videatur actualiter: nego. Per speciem habitualement anima habitualiter videt; sicut per charitatem habitualement, habitualiter amat. Sicut autem habitus charitatis non semper exit in actum, ita nec habitus sciendi, quicumq; ille sit. Etiam incogitans de ente naturali dicitur sciens entis naturalis, eiusdemq; proprietatū, & passionū. Ut autē illa ipsa scientia exeat in actum, debet determinari ab hoc & illo obiecto proposito. Ratio à priori est, quia habitus est in hoc similis potentiae, quæ ratione suæ indifferentiæ ad tendendum in hoc, vel illud obiectū, debet ad hoc ipsū determinari ab extrinseco. Hoc apparet præcipuè in habitibus scientificis. Hi enim cum sint secundum species abstractas, adeoque indifferentes se habentes ad infinita, non est potior ratio cur circa hæc potius, quàm circa illa obiecta ratiocinentur; Debent igitur ad hoc determinari per speciem actualem illius

lius obiecti, circa quod præ alio operantur quæ species actualis, cū excitetur ad actua- lem apprehensionem obiecti, excitat conse- quenter ad philosophandum de ipso. Quod exemplificamus in habitu intellectus, exem- plificari posset in habitu voluntatis, siue naturali, siue supernaturali. Habitus chari- tatis v. g. inclinat ad contemnenda cætera bona præ eo bono quod est omne bonum. Non autem semper afferunt sese animæ om- nia bona, quæ cū sūmo comparari possint & præ ipso cōtemni; sed modo hoc modò illud aliud puta modo bonum famæ, modò bonū dignitatis, modo voluntatis: secundum quod autem hæc vel illa se offerunt, elicitur hic, vel ille actus charitatis amplectēdo præ his & illis sensibilibus, bonū insensibile, illudque alijs præferendo; eo autem est ex natura rei actus Charitatis perfectior, quo vehemen- tius illa sensibilia animam trahunt, siue alli- ciunt. Idem dic de habitu Temperantiæ, cuius exercitium circa hoc potius, quā cir- ca illud, pendet ab extrinseco determināte. Quod autem species relictæ ab actibus neq. actuum, neq; obiectorum ita sint similitudi- nes, vt non æque sint actuum, & obiecto- rum similium, habes ex dictis in Logica, vbi de perfecta similitudine eorum: quæ sunt in- tra eandem speciem. Cum igitur nec vllus sit actus, cui nequeant esse infiniti alii om- nino similes, nec vllum ferè obiectum, cui nequeant esse infinita similia: nulla est spe- cies quæ non possit constituere habitum, complentiē potentiam in ordine actus in-

finitos circa hæc, vel illa obiecta eliciēdos.
Ratio horum omnium adducta est in loco.

DISPUTATIO III.

*De obiecto & actibus voluntatis
humanae.*

QVÆSTIO I.

Quodnam sit obiectum voluntati.

Operatio intellectus operationem voluntatis præcedit. Propterea desiderare quis posset, ut de obiecto intellectus, priusquam de obiecto voluntatis, ageremus. Id tamen ita præstitum est à nobis, ut superiora considerans, huiusmodi desiderio satisfactum existimet. Nam de ente, de intelligibili, imò & de ipso non ente, & non intelligibili, tam multa diximus, ut secundum aliquos non solum adæquauerimus, sed etiam transcenderimus obiectum Intellectus. De obiecto igitur voluntatis, de quo vel nihil hactenus, vel fere nihil: aliquid saltem dicendum est; & constituto voluntatis obiecto, quarendum quomodo circa ipsum eadem voluntas se habeat.

Obiectum voluntatis esse bonum satis communiter aiunt; cur non etiam malum? Si ea recolās, quæ dicta sunt in Prææmialibus Logicæ, iuuenies id omne dici obiectum

potentiæ, circa quod potentia occupatur si igitur non solum circa bonum, sed etiam, circa malum occupatur voluntas, non solum bonum, sed etiam malum pertinebit ad obiectum voluntatis. Quod autem circa vtrunque occupetur suaderi posset ex eo, quod non solum per volitionem, sed etiam per resolutionem operetur voluntas. Quicquid sit autem an volitio solius boni sit, certe nolitio vel est, vel esse potest mali, ex quo sic philosophaberis, omne id circa quod operatur potentia, est obiectum potentiæ: sed etiam circa malum operatur voluntas: ergo etiam malum est obiectum voluntatis. Minor est probatu facilis, cum ipsa mali nolitio sit operatio voluntatis. Ex his liquet quod accipiendo nomen obiecti pro ratione circa quam quomodolibet versatur potentia, malum intra obiectum voluntatis adæquatū comprehendere necesse est.

Dices quod ipsemet actus, quo malum auersamur, est amor boni oppositi: puta odium infirmitatis est amor bonæ valetudinis: odium ignorantia & erroris, est amor scientiæ cum igitur nullum sit malum, quod non sit alicuius boni priuatio, nullum erit odium, quod non sit aliquis amor; nulla nolitio, quæ non sit aliqua volitio. Hinc argues obiectū voluntatis adæquatæ contineri intra rationem boni, Nam nullus est actus voluntatis, qui non versetur circa bonum, si autem omnis actus est circa bonū, singulis actibus assignabitur pro obiecto bonum: adeoq. ultra actus tēdentes in bonū, nullus

erit actus voluntatis, & consequenter obiectum adæquatum potentia erit solum bonum. Præterea eodem ratiocinio probari posse non solum verum sed etiam falsum esse obiectum intellectus. Non enim solum assentitur vero, sed etiam dissentitur falso. Tam autem dissensus est actus intellectus, quam assensus. Si igitur id omne est obiectum potentia, circa quod versatur potentia cum intellectus æque versetur circa falsum dissentiendo, ac circa verum assentiendo; eodem iure intra adæquatum obiectum potentia intellectiva continebitur falsum, ac intra obiectum adæquatum volitiva malum.

Hæc omnia, ut vides, sunt potius de voce quam de re. Diximus alibi obiectum potentia intellectiva esse ens, quod ab omnibus admittitur, accipiendo li ens saltem transcendentaliter. Dicitur autem esse verum: quia intellectus formaliter ut talis versatur circa ens cognoscendo hoc est repræsentando sibi passionem eiusdem: cognoscere autem quæ nā sint passionem obiecti, est considerare obiectum ut verum: attingendo videlicet passionem, quæ ipsi verè conueniunt dissentiri autem falso est iudicare quod hæc aut illa prædicata, hæc vel illæ passionem non conueniunt huic subiecto, quod est formalissime assentiri vero: hoc est, cognoscere rem ut est, illamque sibi repræsentare, ut repræsentari meretur.

Omittendo igitur quæstionem de voce, & nomine obiecti intelligendo obiectum prosecutionis, dicendum est solum bonum esse obiectum.

obiectum voluntatis. Ratio est: quia voluntas non amat nisi bonum: ergo obiectum adæquatum voluntatis continetur intra rationem boni.

Ad intelligentiam huius conclusionis tenenda est diuisio obiecti alibi adducta: in materiale & formale. Materiale vocant id, ad quod terminatur actus: formale, ratio sub qua ad hoc, vel illud terminatur. De hoc obiecto formali intelligenda est nostra conclusio. Rationem formaliter motiuam appetitus esse rationem boni; probatur ex ipsamet definitione boni communiter recepta. *Bonum est quod omnia appetunt.* Bonū igitur equi est quod ab equo appetitur bonum hominis, quod ab homine. Neque enim ita intelligenda est definitio, vt id solum bonum sit, in quod omnium appetitus tendit. Hac enim ratione nullum erit bonum. Puta felicitas hominis non erit bonum, quia non omnia appetunt hominis felicitatem. Quid enim curat canis, aut equus de hominis felicitate Appetitus igitur, seu potius appetibilitas explicat in obiecto rationem boni, & consequenter implicat alterius esse, quam boni, si enim des appetitum tēdere posse in malum, iam appetibile æque erit malum, ac bonum: adeoque non definietur bonum per rationem appetibilis, sicut v.g. coloratum non definiretur per *visibile*, si etiam incoloratum visibile esset.

Obijc. 1. Appetitus tendit in non esse appetentis: non esse appetentis est malum; ergo appetitus tendit in malum, & conse-

quenter nec definitio Aristotelica subsistit nec bonū recte assignatur pro obiecto adæquato voluntatis, ut est cōdentia in, & prosecutio. Probatur mai. in eo, qui optat non esse, & facit quantum potest ut non sit. Huiusmodi est qui se interimit, putans se post mortem nihil futurum. Præterea damnati appetunt non esse: & sic de alijs.

Resp. malum posse terminare actum appetentis, non tamen sub ratione mali. Peccatum ipsum malum est, & ut tale cognitū: non propterea non appetitur. Appetitur autem vel sub ratione utilis, vel sub ratione iucundi. Furtum v.g. à Pure appetitur sub ratione utilis, adulterium ab adultero sub ratione iucundi. Eodem modo ipsum non esse, quamvis absolute non sit vllum bonū apprehenditur tamen sub ratione alicuius boni, saltem comparatiue. Puta qui se interimit, putat in carentia essendi esse carentiam miseriarum, & quia summum malum putat illas misérias, ideo putat melius esse non esse, quam cum illis miserijs esse. De hoc alibi dictum est. In forma igitur ad argumentum dist. min. non esse est aliquod malum, & apprehensum ut tale in talibus circumstantijs ab appetente: nega; & apprehensum ut bonum saltem comparatiue: concede &c.

Dices; implicat quod in non esse appareat vlla ratio boni: ergo implicat quod non esse appetatur sub ratione boni. Ant. probatur: quia in non esse non apparet vlla ratio entis: vbi non apparet vlla ratio en-

tis non apparet vlla ratio boni; ergo in non esse non apparet vlla ratio boni.

Resp. dist. ant. in non esse non apparet vlla ratio boni absolute; concede: comparative: nega. Apparet enim minus malum esse ipsummet non esse, quam misere esse; & in hoc sensu explicatum est à nobis hoc dictum Christi Domini de Iscariote: melius ei erat, si natus non fuisset homo ille. Vbi aduerte nō dici solum melius erat, sed melius ei erat. Posses enim sic vrgere; si non fuisset, non poterat ei esse nec vllum bonū nec vllum malum, igitur non esse non erat ei melius. Ad hoc responderetur quod ly ei nō accipitur cum esse physice sub utroq; contradictorio, essendi & non essendi, implicat enim quod idem per esse, & cum esse physice sustineat utrumq; cum alterum expellatur formaliter per ipsummet esse physice. Quamuis autem idem cū esse physice, non sustineat utrumq; idem tamen utrumq; sustineat, quia de eodem diuise dicitur est & non est. Ille igitur iscariotes, qui est subiectum propositionis, qua de ipso dicitur est, est etiam subiectum propositionis, qua de ipso dicitur non est. Consideratus igitur in esse obiecti dicitur melius se habere sine esse physice cum culpa, hoc est simul cum vera miseria, quam cum esse simul cum culpa; adeoq; hoc ipsummet obiectum, etiam dum est, si cum suo esse coniunctam habet talem miseriam, debet appetere suum non esse, quia melius est de hoc verificari quod non sit, quam verificari quod sit, si simul

verificetur quod sit proditor. Ad probationem antecedentis patet ex dictis: non entis respectu entis potest apparere aliqua melioritas in sensu explicato, adeoque aliqua non entis præ ente expetibilitas.

Obijc. 2. Potest amari, & quidem sapienter, aliquid ut doloriferum: quod amatur ut doloriferum, amatur ut malum, ergo potest amari aliquid ut malum. Probatur maior inductione per omnes penitentes & amatores mortificationis. Qui mortificari appetit in appetitu inanis gloriæ, amat publice redargui, & contemni, contemptus autem animum cruciat etiā appetentis contemni: quandoquidem ob id ipsum contemni appetit, ut intus ipse crucietur, stimulisq. retundat sollicitantis ad gloriosam vanitatis. Qui appetit mortificari circa gulam sponte eligit ieiunia. Qui circa sensum tactus, cilicia induit, flagellis humeros sibi proscindit; & alia id genus amat, quæ facilius est laudare, quam facere. Minor autem probatur: quia dolor ut dolor est malum, ergo si ametur aliquid doloriferum ut tale amatur malum ut malum.

Resp. neg. min. Id quod amatur ut doloriferum, amatur ut bonum. Dare etiam posset amari ut malum, & negare non amari propterea ut bonum. Ratio enim mali, cum sit ratio talis mali, potest esse ratio formalis, quæ appetatur: quamvis in ipsa reperiatur ratio formalis boni, sub qua appetitur. Rem explico. Dolor est tale malum in genere mali physici: quod autem est
ma-

malum in genere mali physici, potest ordinari ad bonum sublimius, & esse materia circa quam occupetur virtus, boni alterius ordinis intentiva. Huiusmodi sunt mala illa, quæ in obiectione enumerantur. Hæc enim non amantur propter se, sed ab illa virtute quæ apud spirituales dicitur mortificatio, assumuntur in materiam, circa quam occupetur. Habent autem rationem medii ipsimet actus virtutis: quibus huiusmodi malis benè utimur: quæque amamus ut mediatur, vel immediatur conducentia ad illud bonum, quod habet rationem finis. Puta mortificatio appetitus sensitivi subdit appetitum, seipsam facilius subdit Deo: mens autem Deo perfecte subdita est rectè disposita ad felicitatem. Distinguenda est igitur ratio formalis quæ, à ratione formali sub qua. Ratio formalis quæ, potest esse in aliquo genere mali, ratio autem sub qua necessario est in genere boni. Dicitur autem ratio formalis quæ, non per hoc præcisè quod terminet actum, sed per hoc quod terminet, quia ipsa talis est. Puta ratio doloriferi, seu afflictivi est ratio formalis quæ monet voluntatem hominis pœnitentis, quia homo pœnitens amat obiectum afflictivum ut tale; quia tamen etiam in afflictivo ut tali reperitur ratio boni: puta ratio conducentis ad ultimum finem, ideo cum igitur phantasma ipsum corrumpi possit hæc ipsa ratio formalis, per quam est in genere mali, amatur sub ratione formali, per quam est in genere boni.

Dices; non solum malum physicum, sed etiam malum morale ut tale potest terminare actum amoris in malo morali ut tali non inuenitur ratio boni: ergo aliquod malum ut malum sine vlla ratione boni potest mouere, & terminare amorem. Maior probatur: quia potest aliqua voluntas adeo esse peruersa, ut amet peccatū quia est offensa Dei: sed hoc est amare malum morale ut tale; ergo &c. Maior probatur quia potest voluntas odisse Deum, & hoc aiunt non solum de Dæmonibus, verum etiam de hominibus damnatis. Qui autem alterum odit amat alterum offendi, & consequenter dato quod voluntas oderit Deum, amabit peccatum sub ratione offensæ Dei, hoc est propter hoc ipsum quia est offensa Dei. Imo probabile est Hæmones nihil magis amare in peccatis, ad quæ nos impellunt, quam rationem offensæ in Deum. Probatum iam minor primi syllogismi. Intantum in malo physico reperitur ratio boni, in quantum usus ipsius conducere potest ad felicitatē, hoc est ad summum bonum: siue in quantum ipsum amari potest ut conducat ad vltimū finem, iuxta illud: *oportet nos per multas tribulationes introire in regnum Dei*; sed malum morale, peccatum videlicet, nō quod esse medium: aut emari ut medium ad felicitatem: ergo in malo morali non reperitur vnde ametur sub ratione boni: ergo ratio formalis mali erit in peccato, non solum ratio quæ, sed etiā ratio sub qua ametur.

Resp. conc. mai. neg. min. Maior concedi-

ditur, quia videtur sufficienter probata in obiectione: negatur minor, quia hæc ipsa ratio formalis mali, quæ amatur; sub ratione boni amatur. Qui Deum odit, putat se iucundari posse in offensa ipsius; est enim familiare inimico lætari in malo inimici: adeoque apprehendere in malo ipsius rationem iucundi. Amare igitur offensam Dei contingit damnantis ex odio ipsiusmet Dei; dum putant esse aliquale malum Dei peccatum illud, quo Deus offenditur. Sicut enim qui Deum amant, non solum in suis, sed etiam in aliorum benefactis exultant quasi in bono Dei; ita qui Deum odierunt, non solum in suis, sed in aliorum malefactis, quasi in malo Dei lætantur. Et quemadmodum primi pro suo hoc erga Deum affectu mercedem habent veram æternamque lætitiā, ita etiam isti secundi pro suo, veram habent, æternamque tristiā. Ratio igitur formalis sub qua amatur hæc ipsa ratio formalis offensæ, est ratio boni iucundi. Perversitatis huius diabolicæ specimen habes in nonnullis, qui etiam dum inter mortales viuunt, hinc est priusquam cū Dæmonibus habitent, avidissimè expetent, & diligentissimè curant malum aliorum. seque felices putant, dum aliis noccant: ponentes bonum suum in malo alieno. Huiusmodi tamen homines Resp. necessarii sunt, vt per ipsorum improbitatem, aliorum virtus & exerceatur, & luceat. Ad probationē minoris dist. mai. intarum &c. inquactum est ratio conducentis ad vitimū finem,

finem, si ly *inquantum* reduplicet formaliter supra rationem formalem sub qua; nega, si reduplicet materialiter, concede. Ratio formalis sub qua formaliter considerata, est ratio boni, quæ secundum se præscindit ab honesto, utili, & iucundo. In malo physico, de quo supra, hæc ratio contrahitur ad utile; in malo morali, de quo hic, contrahitur ad iucundum. Atque hic tenendū est, quod ex Philosopho diximus in Physica: bonū videlicet non solum reale, sed etiam appares habere vim mouendi voluntatem: adeoque frustra conabitur Aduersarius demonstrare quod in huiusmodi malis non reperitur vlla realiter ratio boni: cum sufficiat hanc reperiri apparenter. Hæc propositio: *nemo potest uti malo morali ad bonum* ut iacet, est falsa. Certum est enim peccatū ipsum posse esse materiam circa quam versentur actus honesti, & ad felicitatem conducentes, quamuis verum sit, peccatum ipsum non posse amari amore honesto. Patet hor: quia actus ipsi, quibus detestamur peccata commissa, sunt actus salutare.

Obijc, ultimo. Potest voluntas odisse bonum. quia bonum est; ergo potest amare malum, quia malum est. Probaturs conf. quia non est potior ratio quod bonum mouere possit ad odium; quam quod malum mouere possit ad amorem. Neque enim natura sua voluntas magis fertur in bonum, quam auerfetur malum. Hinc quemadmodum Philosophus bonum definit: *id quod*

omniū appetunt: malum definire posses; id quod omnia fugiunt: itaut malum hominibus sit quod ab homine fugitur, malum cuiuslibet alterius, quod à quolibet alio. Probatur autem ant. primò: quia hic actus; nollem id boni esse quod sum; vel: vellem esse deterior quam sum, ut magis Deo displicerem, non repugnat in voluntate creata: per huiusmodi autem actus odio habetur illud modicū boni, quod habetur, quia est bonum? ergo potest odium ferri in bonum quia bonum.

Resp. totū hac obiectione nihil contineri contra positam conclusionem. Dictum est supra malum ut malum amari posse: quia etiam in malo ut malum est, reperitur unde ametur sub ratione boni: Dum enim amatur ut tale malum, amatur ut malum sed quia non sub præcisa ratione mali, propterea etiam ut malum non amatur sub ratione mali, tamquam sub ratione sub qua. Sicut autem dicitur malum ut tale malum posse amari; dici potest bonum ut tale bonum posse odio haberi. Sicut autem in malo, ut tali malo apprehenditur aliqua ratio boni; ita etiam in bono ut tali bono apprehendi potest aliqua ratio mali; & consequenter sicut in tali malo etiam ut tali; ratio formalis sub qua amatur, est ratio boni; etiam in tali bono ut tali, ratio sub qua odio habebitur, erit ratio mali: ita enim se habet ad malum quoad odium voluntas humana, sicut ad bonum quod amorem. Quemadmodum autem in malo alterius pos-

possum apprehendere bonum meum: ita etiã & in malo meo malum, & in bono meo, bonum alterius: & ex odio alterius displicere mihi in bono meo. putans malum meũ, si loco boni adesset, fore maius malum alterius. In casu posito homo ille sceleratus apprehendit bonum suum vt aliquale bonum Dei, videlicet vt obiectũ aliqualis diuinæ complacentiæ; & malum quod per exclusionem talis boni adesset, malum Dei, vt ipse obiectum aliqualis diuinæ displicentiæ: & quia Deum odit vt sibi inimicum, appetit appetitu elicitò & irrationabili priuari hoc ipso bono, vt maioris in Deo displicentiæ obiectum existat. Huiusmodi actus, vt videtie, sunt impiissimæ perversitatis. Hos autem aliqualliter imitantur, qui etiam maiori suo damno, alienum damnum procurant.

Dices: impossibile est, quod homo magis oderit alterum, quam amat seipsum; in tali casu magis odisset inimicũ, quam amaret se: ergo talis casus est impossibilis. Maior probatur: quia odiũ erga alterum fundatur in amore sui ipsius; ergo non magis alterum odit, quam amet se. Præterea per illud ipsum odium magis amat se, quam alterum oderit; ergo non vult sibi plus mali, quam alteri: imò magis sibi vult bonum, quam velit alteri malum. Probatur hoc vltcrius. Odisse alterum est velle malum alteri, sicut mare est velle bonum: vult autem alteri malum, quia vult sibi bonum; & consequenter amat malum alterius

rius ex amore boni sui : si autem ex amore sui boni , amat alterius malum : eo ipso agnis amat suum bonum , quam malum alterius ; hus facit quod alibi diximus : *Propter quod unum duod ; tale, & illud magis.* ex quibus aperse conficitur esse maiorem hominis illius amorem erga se , quam odiū erga Deum Constat hoc ex breui reiociatio. Est maior amor quini sui , quam amor mali alterius : ergo est maior amor sui , quam odium alterius. Antec. probatum est ; quia amor mali in altero , est propter bonū in se.

Probatur iam minor primi syllogismi : quia in tali casu malū , quod sibi vul , est magis malum sui , quam malum alterius ; ergo per illum actum minus amat se , quam alterum oderit ; imò odit se simpliciter magis , quam alterum ; amat enim id quod est maius suum malum , quam alterius. Esse autem priuationem talis boni maius malum subiecti , quam cuiuslibet alterius , patet , & præcipuè respectu Dei , qui est omnis mali incapax .

Resp. totum hoc argumentum laborare in æquiuoco ab esse realiter , ad esse intentionaliter : sunt qui vt parentes infament , à quibus malè habiti sibi videntur , malitiosè subeant ipsi infamiam . Huiusmodi est. qui nobiliter , & ingenuè natus , vt parentibus notà inurat , carnificem agit. Non est dubium maiorem esse ipsius , quàm parentum infamiam : quia tamen in hoc ipso apprehendit pro parentibus purum malum infamiæ , pro se vero in hoc ipso malo infamiæ

tum suæ, tum parentum, dulcedinem quandam vindictæ: ideo hoc ipsum malum quod est magis suum, quàm aliorum, amat ex amoris sui. Mitto hic examinare, an possibile sit quòd aliquis magis alterum oderit, quàm amet se. Certum est contingere posse, imò de cetero contingere quo aliquis magis amet alterum, quàm se ipsum. Habes hoc in omnibus Beatis, qui magis amant Deum, quàm se: & in omnibus, qui verè, & sanctè Deum amant, etiam non Beati Charitate enim supernaturalis magis attrahimus Deum, quàm nos ipsos, cum Deum super omnia, & consequenter supra nos ipsos diligamus. Ex hoc autem quod alium magis amemus, quàm nos, vix an liceat inferre nos etiam posse magis odire nos, quàm quemlibet alium. Ratio quæ possibilitatem amoris prædicti demonstrat, non militat pro possibilitate prædicti odii. Hæc enim fundatur in puritate, & summitate boni, quod diligimus; cum odium fundari nequeat in puritate, aut summitate mali odibilis: eadeoque ab uno non licet inferre ad aliud. Adde, quod etiam si aliquid esset; quod respectu tui haberet rationem puri mali; hoc non esset tibi implicat enim id quod necessario amas habere respectu tui rationem puri mali; te autem necessario amas. Ex hoc quod te necessario, & Deum libere, magis tamen Deum, quàm te ames rectè inferes non necessario magis amari quod amatur necessario, quàm quod libere. Sed his omissis, ad argumentum in forma trans mai.

nega

nega min. Ad probationem dist. Malum, seu priuatio illius boni, est illi homini maius malum, quam vlli alteri, realitur; concede; apparenter nega: vel subdist. est maius malum cum aliqua ratione boni, concede; sine vlla ratione boni; nega. Homo peruersitatis, de qua supra, in hoc suo maiori malo considerat malum inimici, hoc est obiectum displicentiæ personæ, quam odit; in hac autem illius personæ displicentia delectatur, & consequenter hanc displicentiam amat sub ratione obiecti iucundi. Cæterum si in hoc suo malo non agnosceret malum personæ exosæ, hoc ipsum suum malum non amaret; nec de facto illud amat, nisi sub ratione mali, quod est alterius malum. Hinc etiam illi, qui vident alios delectari in displicentia sua, vt hanc ipsam voluntatem eludant, dissimulant, finguntq; non sibi displicere, quod re ipsa displicet: hoc modo osiores suos scelecta illa, & improba voluptate priuant: vicissimq; latantur in hoc ipso, quod apparenti sua priuatione dolosis alii crucientur.

Q V Æ S T I O II.

De amore boni.

A R T I C V L V S I.

An bonum necessariò ametur.

Voluntas humana non solum est potentia libera, sed etiam naturalis. Ex hoc quod sit libera, est de ratione ipsius esse dominam suæ actionis; ex hoc quod sit naturalis, est de ratione eiusdem per naturam, hoc est per innatam propensionem ferri in aliquod obiectum. Hinc alibi diximus libertatem voluntatis humanæ non esse circa bonum, vel non bonum; sed circa hoc, vel illud bonum. Hæc tamen disunctio dupliciter intelligi posset. Primò itaut voluntas non sit libera ad amandum bonum, vel non bonum: secundò itaut non sit libera ad amandum, non amandum bonum. Primam libertatem, quæ dici potest contrarietatis, abstulimus a voluntate, ubi statuimus non amari, nisi bonum. Aduerre autem libertatem hanc contrarietatis dici, non per contrarietatem actus cum actu: comparatur enim amor, & amor: sed per contrarietatem obiecti cum obiecto: comparatur enim bonum cum nō bono; adeoq. non agimus hic de libertate contrarietatis quoad actus circa idem obiectum; sed de contrarietate in obiectis, circa quæ actus non contrarii exercentur.

De

De secunda, quæ dici posset libertas contradictionis, agimus hic quærentes, an ita voluntas non possit amare malum, ut non possit non amare bonum. Pro quo distinguere oportet inter bonum, & bonum. Est enim quoddam bonum, quod ita bonum est, ut nihil habeat admixtum mali: & sunt quædam bona, quæ ita bona sunt, ut aliquid habeant admixtum mali. Rursus illud ipsum bonum, quod re ipsa non habet ullam admixtionem mali, potest apparere cum aliqua admixtione alicuius mali: illud autem bonum, quod habet admixtionem mali, ita apparere, ut nihil præferat, nisi rationem boni. Exemplum sit in utroque. Deus est tale bonum, ut realiter nullam habeat rationem mali; potest tamen apparere cum ratione mali dupliciter: damnato sub ratione inimici: viatori ratione ardui, hoc est difficulter assequibilis. Est autem & malum damnato quod Deus ipsum oderit, aut sanè apparet ut malum & similiter apparet ut malum viatori, quod sit difficulter, & solum per multos labores assequibile. Difficultas enim &, ut ita dicam, laboriositas est aliqua species mali. Molestum enim opponitur iucundo. Bona creata, quæ plerumque sequimur; ita sunt mixta malis, ut aliquando nihil in ipsis appareat mali, quod habent. Vindicta v.g. vel mors inimici sic habet rationem iucundi, ut habeat simul admixtam rationem noxii; nocet enim tibi inimicum occidere, quamvis hoc ipsum te delectet. Contingit tamen ita tibi representari ratio-

tionem incundi, vt nulla alia ratio tibi formaliter appareat. Obiecta hoc modo representata determinare solent voluntatem ad illos motus, qui vulgo dicuntur primo primi, hoc est præcedentes omnem omnino deliberationem.

Præterea tenendū est hic quod in Physica diximus de distinctione inter appetitum innatum & elicitum. Appetitus innatus nihil aliud est quam proportio quædam inter rem appetentem, & appetitam, vt inter potentiam & bonum potentiæ. Cum igitur voluntas sit potentia naturalis: cui naturaliter aliquid proportionatur per modum finis, seu boni: certum est etiam in ipsa esse appetitum innatum ad aliquid, vt ad finem suum, hoc est ad suum bonum. Hic appetitus ex alibi dictis est idem realiter cum re appetente: sicut igitur appetitus materiæ primæ ad formas est realiter ipsamet materia prima: ita appetitus voluntatis ad finem eiusdem innatus, est ipsamet realiter voluntas. Finem autem voluntatis esse summum bonum eiusdem, est indubitatum. Quamuis enim inter Philosophos disputatum fuerit de vltimo fine hominis: in hoc conuentum est ab omnibus, illum in summo bono eiusdem consistere. Ad quam deinde materiam contraheretur ratio illa summi boni, non fuit vna omnium sententia.

Epicurei rationem summi boni in voluptate positam existamarunt, dignitatem humanæ naturæ ad felicitatem bestialem deprimentis. Intelliguntur enim communi-

ter ita sensisse de voluptate corporis. Vnde aliqui ex ipsis merito porcorum nomina sibi vsurparunt. Hic Horatius:

Mepinguem, & nitidum, bene curata cute, vises,

Cum ridere voles, Epicuri de grege porcum.

Quod si voluptate corporis, ad animi voluntatem animum transferas, merito dicessimum hominis bonum in voluptate consistere, quæ summa est in contemplatione primæ veritatis, & amore primæ bonitatis.

Stipici non in voluptatæ, sed in virtute summum hominis bonum reposuere: & in hoc errauerunt, & loqui sunt falsa. Virtus enim non habet rationem finis, sed mediij: & intantum Fortitudo, & Temperantia, aliæque huiusmodi habent rationem boni, in quantum ad illud bonum conducunt, quod amatur ut finis. Dubitari posset utri perniciosius arrauerint. Quæ dubitatio, si à nobis resoluenda esset, standum est Stoicis supra Epicureos in errando victoria. Ratio est; quia facilius est homines etiam bonæ indolis trahi in errorem Stoicorum, quam in errorem Epicureorum; habet enim Stoicorum stultitia speciem quandam sapientiæ: dum pro fine ponit id quod re ipsa bonum est, honestum, quamvis neque bonum, neque honestum in ratione finis. Præterea virtutis exercitium habet vim alliciendi homines etiam modestos: cum exercitium crapulæ, aliarumque voluptatum facile contempnatur. Imo illi ipsi qui inter voluptates,

tes, bestiarum instar, voluntantur, agnoscunt hoc esse infirmitatis humanæ : cum contas qui virtutem sectantur, in sua virtute facile gloriantur . Hinc differt Stoicorum error ab errore Epicureorum sicut vero simile, ab euidenter falso : facilius autem est decipi per simile vero, quam per oppositum. Rem explico. Tam Epicureus quam Stoicus recedunt à verò : quia summum bonum neque in virtute, neque in voluptate consistit. Exercitium tamen virtutis est bonum : usus intemperans voluptatis est malus ; est igitur similior summo bono virtutis usus, quam voluptatis : conuenit enim cum summo bono in ratione boni. Adde quod ipsa met aptitudo conducendi ad summum bonum est aliqua similitudo cum summo bono : hæc igitur cum reperiatur in usu virtutis, non autem in usu voluptatis ; manifestum est hunc minus assimilari, quam illum, summo bono.

Denique cum pulchritudo virtutis sit secundum partem hominis præstantiorem, hoc est secundam rationem ; facile est illam amare, & illa conquiescere quasi in fine, vt apparet ex infinitis Stoicorum axiomatis, quibus generosos se, & fortes venditât, eo quod virtutem propter se ipsam ament, seque à vulgo segregent per hoc ipsum, quod nullum virtutis premium, nisi virtutem ipsam expectent. Hinc Reges ipsos, imo, vt aiunt, & Deos præ virtute parui-pendunt : & quia huiusmodi homines habentur pro sapientibus, propterea error

hic

hic est peniciosus: qui enim à cæteris vt sapientes coluntur, assumuntur in exempla viuendi: itaut qui aliter viuunt se ipsos damnent, fateanturque se non rectè viuere. Lege Senecam, & videbit quam speciosè in suo Stoicismò superbiat. Contra vero voluptas corporis, cum nihil habeat quod sit hominis proprium, imò quod non æque sit in bestiis, habet deformitatem quandam dignitatis humanæ depressiuam, & consequenter facilem fastidiri ab eo, qui se hominem esse, hoc est rationis compotem, attente consideret.

Simili fere ratiocinio probant; Augustino duce, Patres spirituales, facilius esse malum hominem euadere bonum; quam tepidum, & in virtute torpentem, euadere in eadem feruidum & generosum. Nam malus homo ab ipsa vitij deformitate vrgetur, ad virtutis pulchritudinem: cum autem virtus ipsa remissa nihil præferat deformitatis, caret hoc stimulo homo tepidus, adeoque difficilius fit ex mediocriter bono optimus, quam ex malo. Huc facit doctrina Philosophi in Ethicis quod quando concupiscibilis simul & irascibilis in vnum idemque conspirant, ad illud longe vehementius tendimus, quam quando solum alterutra. Puta actius incumbis tuendæ vitæ quando instat peris, quam hoste remoto, quamuis etiam sine hoste vitam cures. Instante hoste. conseruationi vitæ militas & irascibilis contra persequentem, & concupiscibilis pro te conseruanda: imò irasci-

bilis milita tunc sub vexillis concupiscibilis. Idem proportionaliter accidit quando à deformitate vitij impellimur ad virtutem; hanc enim ob suam formositatem concupiscimus, illud ob suam deformitatem hortemus; unde aiebat Eucherius nescire se an bona vitæ futuræ magis traherent, an magis mala præsentis sugarent; cortè utraque in bonum nostrum conspirant. Hæc de Stoicis & Epicureis obiter, In quo autem ratio summi boni sit sita conuenit fere inter omnes; nam etiam qui verum Deum ignorant, sub aliquo illum nomine agnoscunt, putantque Deum esse id, quo nihil melius cogitari potest; & in hoc habent verum conceptum Dei: quamuis distincta eiusdem prædicata non norint. Non autem hoc intendimus præsentis quæstione; ut inueniamus an per hunc vel illum actum, huius vel illius potentia, bonum hoc summum beatifice possideatur: qua in re triplex est communi sententia.

Prima est Thomistarum fatis communiter aientium summum bonum beatifice possideri per actum intellectus, Vel enim fermo est de beatitudine supernaturali, vel de naturali: supernaturalem aiunt consistere in visione clara, & intuitiua Dei; naturalem autem in contemplatione eiusdem perfectissima. Dico naturalem non quod iam beatitudinem naturalem ullus hominum assequatur; ita enim elenati sumus per gratiam, ut vel felicitatem supernaturalem consequi necesse sit, vel in æternam miseriam labi.

labi. Vocāt autem Ethici naturalem illam ,
quæ esset secundum naturam hominis putē
& præcisè secundum se consideram; qua-
lem v. g. agnouit Aristoteles , aliquē hu-
iusmodi , qui supernaturalem ignoratunt .

Ratio fundamentalis huius sententiæ est :
quia per actus intellectus primo posside-
tur summum bonum , fitque possidentis iux-
ta illud : *obiectum cognitum est in cogno-
scente*, imo fit vnum quodammodo cum co-
gnoscente; cetera autem , vt sunt amor , &
gaudium de obiecto cognito , sunt quædā
necessario consequentia . sicut v. g. bono-
rum communitas , & arcanorum commu-
nicatio sunt consequentia amicitia , consi-
stentis formaliter in amore mutuo neutrum
latente ex amantibus . Primam summiboni
possessionem haberi formaliter per a-
ctum intellectus est certum , & etiam ab iis
qui contra Thomistas sentiunt , vltro con-
cessum . Certum est enim operationem in-
tellectus præcedere naturā operationem
voluntatis , iuxta illud : *nihil amatum quin
præcognitum* . beatitudinem autem consi-
stere in cognitione summiboni , videtur
tum euidens , tum ab Augustino definitum ,
aiente illum beatum esse , qui habet quod
vult , & nihil mali vult . Est autem manife-
stum quod ille , qui Deum possidet , habet
quicquid vult , quia in Deo habet omne
bonum , & nihil mali vult , quia nihil vult
præter Deum aut si aliquid præter Deum
vult , vult quod Deus vult ipsum velic :
Deus autē non vult , vt aliquid mali velit ;

Secunda sententia est. Scotistarum alienum beatitudinem formalem consistere non in actu intellectus; sed in actu voluntatis: videlicet in ipsamet fruitione boni possessi. In hac sententia visio beatifica dicitur beare non formaliter, sed radicaliter seu efficienter: quatenus videlicet hæc ipsa visio determinat ad amorem fructuum siue ad fruitionem & gaudium de summo bono. Suam hanc, sententiam fundant primo in conceptu communi mortalium, apud quos idem fere sonat esse beatum, ac frui & gaudere de obiecto: quod dicitur beatificare Conceptum hunc communem placet hic explicare per falsas felicitates, seu potius per imitamenta quedam felicitatis, quibus homines capiuntur. Da duos æqualiter auritos ad musicam; dabis obiectum proportionatum æqualiter utrique potentiae auditivæ, ab utraque æqualiter secundum suum modum possideri, contingit tamen ex his alterum delectari: alterum vero non: alter igitur dicet beatum esse se musica, alter autem negabit. Ratio disparitatis in utroque est prompta: quia videlicet quamvis uterque idem possideat, alter tantum delectatur in re possessa? delectari autem est potentiae appetitivæ.

Qui contra sentiunt etiam in potentia apprehensiva rationem fruentis, seu delectantis se in obiecto sibi proportionato, inveniunt. Aiunt enim intellectum per contemplationem primi veri formaliter iucundari, Quia iucundatio vitalis consistit for-

formatiter in vitali quiete potentiae in ob-
iecto sibi proportionato: cum igitur verum
sit obiectum proportionatum potentiae in-
tellectivae; haec in vero vitaliter quiescit,
hoc est delectatur. Delectationem huius-
modi reperiri aiunt in qualibet potentia
vitali siue externa, siue interna. Puta: Phan-
tasia delectatur formaliter per perceptio-
nem pulchri phantasmatis: potentia visiva
per visionem pulchri obiecti: auditiva Per
auditionem soni numerosi. Quod autem
hic hoc sono delectetur, ille molesteretur, est
ex eo quod hic sonus huic, non autem illi
alteri potentiae proportionetur. Nam sicut
definitionem boni; videlicet: *quod omnia*
appetunt ita intelligis, ut ad rationem ip-
sius non exigas, idem omnia ab omnibus
eppeti: sed ita ut sit bonum huic, quod ab
hoc; sit bonum illi, quod ab illo appeti-
tur: & bonum omnibus, quod ab omnibus:
ita etiam definitionem pulchri, videlicet:
quod omnibus placet, sic intelligere debes
ut pulchrum sit huic, quod huic: pulchrum
illi, quod illi placet; pulchrum omnibus, si
quid est, quod omnibus placeat. Hinc mu-
sica illa qua delectatur Petrus, & non Pau-
lus, erit pulchra, & numerosa auribus Pe-
tri, non auribus Pauli adeoq, iucundabitur
in illa auris Petri, non autem aurii Pauli.
Idem dic de obiecto potentiae visivae: con-
tingit enim eodem obiecto oculum unius
delectari, & alterius offendi.

Alii vero delectationem huiusmodi aiunt
haberi formaliter non per actum ipsius mei

potentiæ cognoscentis, sed per actum subsequentem potentiæ appetentis. Delectari in pulchritudine obiecti visi, vel auditi, est potentiæ appetentis obiectum visum, vel auditum, appeti autem musicam, vel aliud huiusmodi non per aures formaliter, sed per voluntatem pro certo habent. Actus enim desiderii, & inquisiti talis obiecti, non sunt à potentia aditua: eiusdem autem est inquirere cuius est appetere, eiusdem autem quiescere in obiecto possessio, cuius fuit & appetere obiectum, & media ponere ad esse quoniam obiectum.

Hinc est aliud argumentum pro sententia Scotistica. Beatitudo formalis consistit in quiete vitali appetitus rationalis; quies vitalis appetitus rationalis est actus voluntatis; ergo beatitudo formalis consistit in actus voluntatis, Maior probatur: quia per beatitudinem formaliter debet satiari appetitus hominis, seu inclinatio hominis, ut homo est: huiusmodi autem appetitus est appetitus rationalis, hoc est secundum rationem. Ratio enim repræsentat summum bonum, & per repræsentationem summi boni excitat appetitum eiusdem; hic appetitus dicitur rationalis & hominis ut homo est. Minor autem probatur; quia appetitus rationalis, & voluntas sunt unum & idem: & consequentes eiusdem voluntatis est secundum rationem appetere, & in re quam appetit, iam posse iucundari, & quiescere. Præscindimus hic, ut vides, à beatitudinem naturali, & supernaturali. Pro
su.

supernaturali afferunt Scotistæ testimonia diuinæ Scripturæ: cuiusmodi sunt: *intra in gaudium Domini tui. Torrente voluntatis tuæ potabis eos*: quæ aliis explicantur vel vt immediate consequentia ad formalem beatitudinem, vel vt significantia iucunditatem cuiuslibet potentia suum bonum possidentis.

Alia etiam ratione vtuntur Scotistæ: quod videlicet obiectum beatificans, beatificat sub ratione formali summi boni: ratio autem boni formaliter dicitur respectiue ad voluntatem; ergo beatitudo formalis consistit formaliter in actu voluntatis. Probat. conf. quia beatitudo formalis debet consistere in possessione obiecti sub illa ratione, sub qua formaliter habet rationem beatus, sed habet rationem beatus sub rationem boni; ergo consistit in possessione, quæ sit formaliter sub ratione boni: hæc autem est possessio propria voluntatis.

Tertia sententia mediat inter vtramque dum vtramq. vnit, ponitque beatitudinem consistere tum in actu intellectus, tum in actu voluntatis. Hanc amplectuntur ex recentioribus non pauci. Huius fundamentum est: quia tum intellectus, tum voluntas sunt potentia vniuersales, adeoque capaces vniuersalis boni: in vniuersali autem bono ponunt beatitudinem obiectiuam; duæ igitur istæ potentia capaces sunt possidendi beatitudinem obiectiuam; possessio autem beatitudinis obiectiuæ est formalis beatitudo: adeoque in actu vtriusque po-

te⁷⁵²ntiæ indiuisibiliter beatitudo consistit ;
ita ut neque per solum actum intellectus ,
neque per solum actum voluntatis beatus
constituatur. Præter hoc quod est possidere
vniuersale bonum : conuenit præterea utri-
quæ potentiæ in hoc eodem obiecto dele-
ctari : quamuis enim bonum sub ratione
formali boni explicetur per ordinem ad
appetitum : non propterea non potest etiam
sub hac ratione pertinere ad intellectum .
Ratio est : quia etiam in intellectu forma-
liter ut talis reperitur ratio appetentis ; ap-
petere enim , ut ali dictum est , est esse
huius velli illi rei proportionatum ut bono
suo , sed intellectus etiam summo bono est
proportionatus ut bono suo ; ergo etiam in-
tellectus appetit summum bonum . Minor
probat : quia etiam intellecti bonum est
intelligere , & intueri summum bonum :
adeoque etiam in intellectu est appetitus
innatus ad cognitionem summi boni : huic
autem appetitui satisficit per præsentiam
eiusdem in intellectu . Præterea obiectum
beatificans non est solum summum bonum ,
sed summum verum ; adeoque aptum etiam
secundum hanc rationem satiare appetitum
innatum intellectus natura sua tendentis in
verum . Vbi aduert quod ipsa tendentia
in summum bonum per modum intelli-
gentis , est tendentia formalis in verum : ra-
tio enim veri dicitur per ordinem ad intel-
lectum , sicut ratio boni per ordinem ad
voluntatem : sicut igitur qui amando ten-
dit in obiectum , dicitur credere in bonum
for-

formaliter : ita etiam qui tendit cognoscendo, dicitur tendere in verum; & quia bonum ut bonum est cognoscibile, ideo etiam bonum ut tale potest terminare tendentiam, quæ sit tendentia in verum, dum bonum vere cognoscitur ut bonum,

Atque hic, ut vides, de intellectu & voluntate loquimur in sensu formali: cum enim intellectus sit realiter voluntas, eo ipso quod beatitudo consistit in actu intellectus consistit in actu utriusque potentie: cum utraque sit una: sed controuersia est an anima beetur cognoscens, an ut amans, hoc est an per actum, qui sit intuitio aut contemplatio obiecti, an per actum consequentem ad huiusmodi contemperationem, qui est actus gaudij, utrumque actum dari, & necessario dari in beato omnes admittunt: in utroque, & an in altero tantum, an in utroque, disputant; & in hac disputatione præcipuas sententias hic retulimus.

Quod si quæras quid in hac controuersia sentiendum sit. Secunda videtur omnium probalissima; quæ videlicet beatitudinem ponit in actu consequente ad contemperationem obiecti. Ratio quæ in hanc sententiam trahit est illa, quam secundo loco retulimus; quod videlicet per beatitudinem formaliter satiatur appetitus rationalis, qui non est intellectu, sed in voluntate; intellectus enim non appetit nisi innate, cum voluntas appetat secundum rationem: hoc est feratur in bonum sibi per rationem representatum: unde quamuis intellectus

fit ratio, eius tamen appetitus non est secundum rationem, nisi materialiter, cum non consequatur ad repræsentationem boni: imo nihil aliud est quam aptitudo attingendi, & repræsentandi quolibet intelligibiles, satietas autem appetitus huiusmodi, non est satietas appetitus hominis ut homo est. Probaturs hoc: quia hoc modo appetere conuenit etiam non homini, imo omni rei simpliciter: nulla enim est res, quæ non alicui obiecto proportionetur ut sibi consentaneo. Propterea putamus eos, qui beatitudinem ponunt in actu intellectus, ponere beatitudinem intellectus, pro beatitudine hominis: aliud autem est id, in quo quiescit Intellectus; aliud in quo quiescit homo: Intellectus quiescit in contemplatione formaliter; homo autem in delectatione circa obiectum, seu in fruitione obiecti quod contemplatur. Hæc autem formalis quies intellectus est radicalis quies hominis, quia necessitat ad gaudium, in quo formaliter consistit quies hominis ut homo est: adeoque rectè contemplatio huiusmodi dicitur beatifica, quia vere beatificat, dum ponit in anima obiectum per fruitionem cuius est formaliter beata. Sicut autem intellectus beatificatur formaliter per contemplationem obiecti intelligibilis; sic etiam oculus dicitur beatificari suo modo per visionem obiecti aspectabilis; auditus per auditionem obiecti audibilis, & sic de cæteris.

Ex his, quæ dicta sunt resoluenda est
quæ

quæstio proposita circa amorem boni. Dicendum est igitur primo. Bonum potest ita proponi voluntati, ut necessitet ad exercitium amoris. Probatur hæc conclusio; quia de facto Beati, dum vident Deum ut in se est, necessitentur ad eundem amandum; ergo bonum ita proponi potest ut &c. Ratio à priori est; quia Beatis non solum proponitur summum & purum bonum, sed etiam clare proponitur; voluntas autem natura sua propendens in bonum; in summum bonum, summe propendet, si illud idem clare & viuide proponatur. An igitur ille, quamuis necessarius, est tamen summe voluntarius, quia est secundum propensionem voluntatis. Hanc conclusionem non est qui neget.

Dicendum 2. summum bonum non necessario amatur. Probatur Conclusio; quia summum bonum non necessaria apparet sub ratione summi boni, ut patet ex dictis.

Dicendum 3. non solum summum bonum, sed quodlibet bonum apparens sua precisa ratione boni necessario aliquo amore amatur. In veritate huius Conclusionis fundatur necessitas motuum, quos vocant primo primos in voluntate; qui sunt quidem voluntarij non autem liberi. Ratio à priori est, quia bonum est obiectum naturale complacentiæ voluntatis diximus enim voluntatem ita esse natura sua determinatam ad bonum, sicut oculus est determinatus ad coloratum; auris ad sonorum; quociescumque igitur nihil apparet in obiecto nisi bo-

num, totties natura sua & pondere innato fertur in ipsum: quod autē ita fit, necessario ita fit, necessitate etiam quoad exercitium.

Non ita accidit quando simul cum bono apparet aliqua admixtio mali: quam enim naturaliter amat bonum, tam naturaliter odit malum, in quo differt ab ijs potentijs quæ non sunt & ad opposita obiecta, & ad oppositos actus, quia in obiecto habente rationem boni admixtam rationi mali, non habet neque pure id quod allicit, neque pure id quod remouet; sed & rationem aptam mouere, & rationē aptam remouere: propterea in tali casu netrum necessario agit, hoc est, nec necessario amat, nec necessario odit, sed vel alterutrum pro suo libito, vel netrum.

Confirmatur; quia in huiusmodi motibus etiam circa bonum sensibile, puta circe vindictam, non reperitur ratio mali moralis; non enim per actus primo primos peccatur; igitur ad ipsos non datur libertas neque quoad exercitium, seu contradictionis. Conseq. probatur; quia si sis liber ad hoc ut mouearis, vel non mouearis peædictis motibus, manifestum est posse dari legem prohibentem ne mouearis; si autem potest dari lex ne huiusmodi motibus mouearis, motus primo primi possunt esse peccaminosi formaliter; quod est contra sensum communem Sapientem; enim huiusmodi lex dari possit, datur de facto; est enim lex naturalis, saltem circā illa obiecta quorum amor est lege naturæ prohibitus; huiusmodi autem.

aurem actur esse peccaminosos nemo concedet, adeoque nec lege naturæ prohibitos.

Confirmatur 1. quia necessitas quam omnes admittunt in Beatis: etiam quoad exercitium amandi Deum, non fundatur in alio quam in eo quod appareat illis purum bonum: quotiescumque igitur apperet purum bonum, datur necessitas ad amorem. Da enim posse voluntatem non amare bonum nihil præferens nisi rationem boni, & assigna, si potes, cur vidēs Deum nequeat suum amorem suspendere, Claritas visionis nihil aliud facit quam necessitare ad perfectiorem & intensiorem amorem, sicut v. g. perfectior applicatio calefactui ad calefactibile determinat ad intensiorem calefactionem. Ceterum quacumque applicatione applicetur, aliquali calefactione calefacit: dummodo non impediatur ab aliquo contrario, & hoc accidit bono, quotiescumque apparet admixtum malo. Accidit inquam posse non mouere, hoc est non amari; non autē sēper non mouere, hoc est non amari, cū in tali circumstantia possit pro suo libito voluntas, vel amare vel odisse, vel nec amare, nec odisse, ut dictum est supra.

A R T I C V L V S II.

Satisfit obiectionibus.

O Bije. 1. Contra primam Conclusionem. Per quemlibet: actum voluntatis amamus felicitatem: ergo summum bonum

num necessariò amatur. Probatur ant. quia per quemlibet actum voluntatis amamus bonum; ergo amamus, si non totam, saltem aliquam partem nostræ felicitatis; summum enim bonum, quod est nostra adæquata felicitas, consistit inadæquatè in quolibet particulari bono. Atque hic quod dicitur de amore boni intelligendum est pariformiter de odio mali; qui enim odit malum, vult per hoc formaliter bene habere: quod est formalissime amare felicitatem. Confirmatur hoc; quia summum bonum nostrum est vniuersale bonum: vniuersale autem bonum adæquatè identificatur cum omni, inadæquatè cum quolibet bono. Ant. etiam probatur tum auctoritate, tum ratione Augustini dicentis passim, & explicantis quomodo etiam peccantes, dum actu peccant, felicitatem ament, cuius per peccatum iacturam faciunt. Exemplum sit in Epulone; Quid amat Epulo etiam inter crapulas, nisi voluptatem? cur autem voluptatem amat, nisi vt bene se habeat? Amat igitur benè se habere, qui autem benè se habet, beatus est, Hinc est illud eiusdem Augustini; posse videlicet diuinare quemlibet quid omnes, & singuli velint: volunt scilicet omnes esse beati. Probatur iam consequentia; quia non quodlibet bonum apparet sub ratione summi boni: ergo si amando quodlibet bonum ametur felicitas, amaetur summum bonum, etiam quando non apparet sub ratione summi boni.

Resp,

Resp. 1. per probationem consequentis destrui veritatem antecedentis: si enim non apparet ratio summi boni, non amatur summū bonum, nihil enim amatū quin præcognitū: rursus si non apparet ratio summi boni, nec ratio felicitatis, ergo &c.

Resp. 2. in hac obiectione multa confundi. Antecedens, si benè intelligatur, est verum, Bene autem intelligitur si æquiuocè sumitur nomen hoc beatitudo: videlicet tam pro imitamento quodam beatitudinis, quàm pro beatitudine ipsa. Certum est cum, qui carnalem voluptatem amat, per quā nouit se ab æterna voluptate deuari, non amare per illum actū Beatitudinem veram, sed imitamentum quoddā beatitudinis. Patet hoc, quia voluptate prædicta non solum non videt vim conductiuam ad beatitudinem, sed potius vim ab eadem beatitudine repulsiuam; nequit igitur voluptatem hanc amare neque vt finem, quia non est ipsa beatitudo, neque vt medium, quia non est ad beatitudinem igitur amans ipsam, non amat per huiusmodi amorem beatitudinem: rursus neque amat illam vt particulam beatitudinis, tum quia remouens à beatitudine non est pars beatitudinis: tum quia voluptas huiusmodi non est inter bona, quæ beatum efficiunt: superest igitur vt ametur vt umbra quædam, & imago veræ felicitatis, quia per felicitatem homo contentus uiuit; implicat enim beatum esse, & non esse contentum, homo autem in voluptate prædicta

dicta est etiam aliquo modo contentus. Dixi omnem beatum esse etiam contentum, quod videtur per se manifestum: non tamen sicut beati, ita & contenti: nam etiam si hic & ille in ratione beati differant, eo quod alter altero sit magis beatus; non tamen in ratione contenti hic ab illo differt, quia etiam inæqualiter beati sunt æqualiter contenti, ex beatis enim quilibet habet quod vult, adeoque nihil ulterius appetit supra id quod habet: hoc autem est esse contentum; unus autem est altero beatior, non quod unus plus boni possideat quam alter cum bonum omnium sit unum & idem: sed quia hoc idem bonum perfectius & intensius possideatur ab uno, quam alio, tum possessione per intellectum, tum possessione per voluntatem; quarum illa est perfectior intuitio, hæc autem perfectior fructio eiusdem boni.

Ad illud de vniuersali bono: cauenda est alia æquivocatio. Beatitudo definitur à nonnullis, *status omnium bonorum aggregatione perfectus*. *Ly omnium bonorum* non ita debet intelligi, quasi quæcunque hic & nunc nobis bona videntur, eadem, vel secundum individuum, vel secundum speciem à nobis habenda sint, quando, ut sperandum est, beati erimus. Certum est enim ex presentibus bonis pleraque, si non omnia, à nobis tunc contemptum iri: sed ita ut in illo statu habitui simus quicquid volumus, nihil mali volturi. Præterea ita intelligi potest prædicta definitio, ut in Deo
verè

verè reperiantur hæc omnia bona , quæ hic vehementer amamus , eminenter tamen , non autem formaliter : hoc est secundum omne id quod dicunt de perfectione , non vero secundum id quod dicunt de imperfectione . Propterea etiam in diuinis litteris vera felicitas sub ijs nominibus adumbratur , quibus significantur ea bona in quibus hic homines iucundantur : puta sub nominibus conuiuii, cænæ magnæ, nuptiarum, & aliis huiusmodi .

Præterea quando dicitur quod quilibet actus nostræ voluntatis est aliquis amor felicitatis , potest esse sensus quemlibet actum nostræ voluntatis esse ex appetitu felicitatis . Appetitus autem hic debet accipi pro appetitu innato : cum enim voluntas proportionetur cum bono , tamquam cum obiecto proprio , dicitur innatè appetere bonum : & cum ratio boni summè reperitur in obiecto beatificante , rectè dicitur summè appetere felicitatem , quia autem in quolibet bono reperitur ratio boni . & quodlibet bonum est & à summo bono vt ab efficiente , & propter summum bonum vt propter finem ; hinc per amorem cuiuslibet boni dicitur amare aliquod vestigium summi boni aptum conducere ad cognitionem , & per cognitionem ad amorem summi boni : non quod de facto bonum quodlibet amatum illi representetur vt participatio summi boni ; ameturue formaliter vt manuducens ad cognitionem & amorem summi boni . Di-

xi in quolibet bono, nullum excipiens, reperiri aptitudinem ad manifestandum summum bonum, & ad amorem eiusdem impellendum, quia re ipsa in quolibet bono quicquid boni est, est vestigium summi boni, & arguens in summo bono bonitatem longè maiorem. Hinc dicit Augustinus se nullo genere boni delectatum fuisse, quo non gustauerit multò maius, adeoque multò magis delectans in Deo: adeo ut suauitates illæ, quibus antea ducebatur, & se ducebatur, euaderent illi amaræ & in iucundæ Deo per suauitatem alterius & longè altioris ordinis, illas expellente. His positis.

Resp. neg. ant. Ad probationem negat hęc bona particularia esse partem nostræ felicitatis, adeoque illius vniuersalis boni quo felicitamur. Qui amat vniuersale bonum, putatque felicitatem consistere in vniuersali bono, intelligendo per ly vniuersale bonum aggregationem bonorum omnium tam inferiorum, quam superiorum amat felicitatem chimericam: cum multa ex istis bonis habeant & inter se, & cum possessione summi boni repugnantiam. Patet hoc ex illo dicto Christi Domini: recepisti bona in vita tua, & Lazarus similiter mala: certè non omnia bona, quæ recipimus in vita nostra, remouent ab illo bono, quod post vitam nostram speramus: sed solum bona illicita & illicitè amata, atque conquistata; similiter nec omnia mala, quæ patimur in vita nostra, sunt pignus illius boni, ad quod aspiramus, sed mala

pa-

patienter & cum virtute tolerata . Igitur qui putaret beatitatem consistere in possessione & fruitione eorum omnium , quæ hic bona nuncupantur , fingeret sibi beatitudinem impossibilem . Dicitur autem bonum beatificans vniuersalè bonum , quia vniuersaliter sariat appetitum .

Obiic, 2. Summum malum quomodolibet cognitum necessitat ad odium , ergo summum bonum quomodocunque cognitum necessitat ad amorem . Probatur antec. quia non solum damnati necessario oderunt miseriam , in qua sunt , sed omnes homines necessario oderunt damnati . Probatur iam cons. quia maior est efficacia boni summi in trahendo ad amorem , quam summi mali in impellendo ad odium: ergo &c.

Resp. primò neg. suppositum : quod videlicet detur summum, malum, neque enim sicut in bono reperitur ratio summi , ita & in malo , est aliquod bonum , quo non est possibile maius , non est vllum malum , quo non sit possibile maius . Ratio est , quia datur bonum sine vilo defectu : non datur malum , quod non sit aliquid , adeoque quod sit defectus omnis boni : nam quod malum est simpliciter , est in aliquo genere boni : datur autem aliquod bonum , quod non est in vilo genere mali . Duo mala vel seorsim vel simul possunt induisse apud arguentem apparentiam summi mali : puta malum culpæ , & malum pœnæ . In peccantibus dum non sunt in via , est malum culpæ diuisum à malo pœnæ : in iisdem

dem dum sunt in termino , videlicet in
 damnatis , est simulta, mali culpæ , & mali
 pænæ ; etiam enim damnati peccant : iuxta
 illud : *superbia eorum, qui te oderunt, ascen-*
dit semper : quod secundum interpretatio-
 nē Doctoris Angelici, de malis Angelis alijs-
 que damnatis intelligendū est . Vt ū ex his
 duobus malis sit maius disputant Theologi .

Ex principijs alibi positis rectè inferes
 malum culpæ maius esse, quam malum pæ-
 næ , quando quidem est in ordine , siue in
 genere mali moralis , quod secundum se
 totum vincit genus mali physici : imo per
 malum physicum , de cuius genere est pæ-
 na , homo non fit malus , sed supponitur
 iam malus factus per malum culpæ . Hinc
 oriuntur piæ illæ Sanctorum affectiones
 dicentium : nihil se formidare infernum , ni-
 si ob culpam, quæ ibi committitur : paratos
 sustinere gehennam ne peccent , Certè qui
 vri malunt & æternum vri, quàm vel semel
 peccare , manifestissimè iudicant malum
 culpæ longè maius esse malo pænæ . Præte-
 rea mali culpæ implicat Deum esse autho-
 rem , Deus enim peccatum non facit ; non
 implicat autem , imò maximè conuenit ,
 Deum esse authorem mali pænæ, sicut enim
 malum culpæ esse à peccante , ita malum
 pænæ est à Iudice , seu Vindice nostrarum
 prauaricationum , de hoc genere mali in-
 telligendum est illud , quod dicitur : *non est*
malum in ciuitate, quod non fecerit Domi-
nus , & alia huiusmodi : patet igitur pecca-
 tum peius esse quam pœnam peccati .

Rur-

Rursus per pœnam reordinatur natura rationalis, quæ per culpam erat deordinata: id autem per quod reordinatur deordinatum, nequit esse æque malum, ac fuit id quo deordinatum est, igitur malum pœnæ nequit esse æque malum ac malum culpæ.

Hoc argumentum plus etiam probat quàm intendamus, & recte probat, videlicet malum pœnæ ex suppositione culpæ non esse malum: reipsa tamen malum est, sed non in illo genere mali, quod reordinatur per ipsum, ex quo apparet malum vnius generis esse reordinatum mali alterius: adeoque malum vnius generis ex suppositione mali in alio genere, esse bonum, melius enim est eum, qui peccauit, sustinere pœnam peccati, quàm impunitate frui iuxta illud Augustini in lib. de nat. boni c. 9. *melius ordinatur natura ut iuste dolcat in supplicio, quam ut impune gandeat de peccato.* Quamuis autem sit bonum, est tamen etiam malum patienti, quamuis enim reordinet naturam rationalem, est tamen illi doloriferum & consequenter malum ex genere mali, quod opponitur iucundo. Hinc est illud argumentum Ioannis Chrisostomi, pœnam videlicet pro peccato inflictam quamuis torqueat sustinentem, non esse tamen simpliciter malum: quia si malum esset, cum Deus pœnam addat culpæ, adderet malum malo, quæ ratio quomodo intelligenda sit habes ex dictis.

Quamuis autem malum culpæ sit deterius, & incomparabiliter deterius malo

pœnæ , complexum tamen ex malo culpæ & malo pœnæ videtur deterius solo malo culpæ . Adeoque si pœna damnatorum includeret formaliter in sui constitutivis malum culpæ : videtur maius malum pœna damnatorum, quam culpa. Quod enim præter malum culpæ includit etiam malum pœnæ, dicit plus mali , quam si diceret malum culpæ præcisè. quandoquidem toti illi malitiæ aliam superaddit. Posses tamen dicere hæc duo mala non facere maius malum : primo quia cum sint in diuerso genere , non faciunt intensiorem : secundo quia per vnum ex his malis præc. se secundum se consideratum homo non fit malus : neque enim malus est Iscariotes per hoc, quod puniatur. Imo posses dicere esse minus malum complexum ex culpa & pœna , quam culpæ solam : idque probare ex dictis : quia videlicet culpa sine pœna est malum nullo modo compensatum, & ita deordinans naturam rationalem vt per nihil aliud reordinetur , malum autem culpæ coniunctum cum malo pœnæ est malum aliquammodo compensatum per aliquid, quod ex suppositione ipsius habet rationem boni , & ita deordinans vt simul per aliud reordinetur , adeoque quavis arithmetice enumerando mala in peccante & simul punito , videaris inuenisse plus mali , quam in peccante dumtaxat, nihilominus in hoc ultimo plus mali formaliter inuenis : & huc facit dictum illud supra relatum : *melius ordinatur natura vt iuste doleat in supplicio , quam vt impune gaudeat de peccato.*

Ex

Ex his inferes hunc actum; *Demine, si futurus sis semper cum culpa, fac me potius in aeternum puniri, quam aeternum impune peccare*; esse voluntatis bene ordinatæ, & amantis inter duo mala minus malū, adeoque habens comparative ad alterum rationem boni. Huiusmodi affectus oriri potest ex amore summo divinæ gloriæ: nam sicut Deo gloriosum est misereri & parcere, ita etiam gloriosum est punire: & iuxta multos non punire peccata, neq; dimittere, non esset gloriosum, adeoque est impossibile, hæc dicta sint obiter occasione argumenti propositi, ad quod.

Resp. 2. neg. ant. Falsitas antecedentis probatur ex dictis, nam summum malū, si detur aliquid quod hoc nomine nuncupetur, potest ita proponi, ut non necessitet ad odium, adeoque falsū est non posse non haberi odio. Ad probationem. Quemadmodum damnati oderunt suam miseriam: ita etiam Beati amant suam felicitatem: sed aliud est; damnati necessario oderunt suam miseriam, seu, si vis, summum malum: aliud omnis creatura rationalis necessario odit miseriam summam, seu summum malum. Neq. enim omnes ita cognoscunt malum, siue miseriam, sicut illam cognoscunt damnati, sicut autem experimentalis cognitio summe miserie damnatos cogit ad odium ita etiam experimentalis cognitio suæ felicitatis necessitat Beatos ad gaudium. Vbi nota discrimen inter hæc duo: *cogit, & necessitat*; quorum primum adhibemus pro odio dam-

damnatorum, secundum pro gaudio Beatorum. Damnati coguntur ad odium & tristitiam, aliosq. actus, quos exercent circa miseriam, non per hoc quod tristiari & odisse non sit secundum naturam, & propensionem miseri ut miser est, sed quia hæc ipsa miseria est omnino contra inclinationem illius, qui miser est. Hoc modo lapis proiectus cogitur sursum ire, non quod sit contra inclinationem projecti ut talis; sed quia hoc ipsum projici est contra inclinationem lapidis qui projicere. Beatus autem non cogitur, sed necessitatur tum ad amorem suæ felicitatis, tum ad gaudium circa obiectum felicitans, quia nec ipsum amare aut gaudere, nec obiectum ad amorem & gaudium trahens, est contra naturam aut inclinationem Beati; imo cum hoc obiectum sit summum bonum, est summè secundum naturam voluntatis, quæ cum experimentaliter illud attingat, tanta propensione fertur in ipsum, ut nequeat non ferri. Propterea voluntas beati quamvis non liberè, voluntariè tamen amat obiectum beatificans, & delectatur in illo. Hanc voluntarietatem aliqui nuncupant nomine libertatis; libertatis autem non à necessitate, sed à coactione. Ex his posses ad argumentum: Sicut enim beatitudo sub conceptu præciso beatitudinis, hoc est boni puri, necessario amatur, ita & damnatio sub ratione præcisa mali necessario odio habetur. Sicut enim beatum esse necessario placet, ita necessario displicet esse miserum,

Resp. 3. summum malum, quomodo cū
que

que cognitum necessitat ad exercitium odii, nega: Speciali quadam cognitione cognitum; omitte. & idem dices potiori iure de eo; quod vere summum bonum est respectu amoris. Sicut enim experientia summæ miseriæ facit damnatos necessario osores eiusdem. ita etiam experientia summæ felicitatis facit Beatos necessario amatores & suæ felicitatis, & illius boni per quod sunt felices .

Ex dictis patet & summū bonum habere vim necessitandi ad exercitium amoris ergo se, & hanc vim non semper exeri ab eodem summo bono. Et consequenter posse summū bonum necessitate ad amorem sui; non tamen semper necessitare. Potest: quia potest & intuitiue, & experimentaliter, & sub pura ratione boni poni in anima; non semper necessitat; quia non semper est animæ hoc modo præsens. In quo apparet discrimen inter cognitionem abstractam summi boni, & cognitionem intuituam eiusdem. An autem cognitio abstracta talis esse possit, ut perperuo necessitet, non solum quoad specificationem, sed etiā quoad exercitium, est alia contiouersia; in quā probabilem putamus partē affirmatiuam. Ratio. quæ in hanc opinionem iuducit, est: quia homini considerato ut homo est, præscindendo ab ea elevatione. qua leuatus est supra se, debet esse proportionata aliqua felicitas per modum finis: si autem ponas in tali hypothesi beari posse beatitudine, ut aiunt, naturali; necesse est assignari aliquem terminum viæ, post quem bonum beatificās

assequatur, in eoq. quiescat. Hanc quietem, per quam homo formaliter sit beatus, multi, ex Philosopho, ponunt in contemplatione summi veri, multi in amore eiusdem. Certum est autem in tali statu contemplationem huiusmodi non futuram fore intuitivam, naturalis enim intuitio primi veri ut in se est, hoc est intuitio clara diuinæ essentiae non est per naturam: esset igitur contemplatio abstractiua per lumen aliquod intensissimum, sed intra ordinem naturalem; hoc autem lumine ita cognosceretur primū verum, ut raperet in amorem sui, & amantem sūma iucunditate perfunderet.

Suadetur hoc ex multis capitibus. Primo experientia constat quod quanto intensius cognoscitur ratio boni, tanto validius allucitur voluntas ad amorem ipsius: Hinc tarditatem amoris sui reiecit August. in tarditatem cognitionis: *Sero te cognoui bonitos tam antiqua.* Hoc autē à fortiori valet circa bonum in quo, non apparet vlla admixtio mali, nā circa aliud contingere potest ut maios cognitio diminuat amorem obiecti cogniti, eo videlicet quod dum detegit magis aliquam perfectionem in obiecto, detegat indiuisibiliter magis & aliquam imperfectionem; hæc autem magis displiceat, quam placeat illa; hoc accidere nequit circa Deum. Hinc summa hominis cum homine familiaritas vel plerumque, vel saltem aliquando contemptum patit; & pariendo contemptum, imminuit ardorem amicitiae: summa vere hominis cum Deo famili-

familiaritas non modo non parit contemptum, sed æstimationem auget, & cum æstimatione ardorem Charitatis. Ratio patet ex dictis; quia quo familiarius homo agit cum homine, eo perfectius hominem novit; cum igitur contingat homines esse imperfectos contingit eorum imperfectiones agnosci. At vero quanto familiarius agis cum Deo, eo perfectius Deum cognoscis: in Deo autem præter perfectiones nihil inuenies; perfectio autem quo perfectius cognoscitur; eo vehementius allicit ad amorem sui. Hinc qui sacra tractant, si non sunt maiores; signum est eos non tractare sacra religiosè & sancte, & ut debent: si enim hoc agerent, cum sacra specialiter Deum respiciant, Deum semper præsentē haberent, adeoque in eius cognitione & amore semper crescerent.

Rursus status ille, in illa hypotesi esset status beatitudinis; petinet autem ad beatitudinem naturæ; rationalis perpetuitas & in esse, & in cognosci: puta ut homo etiam naturaliter, si fieri potest, beatus sit, habitus ille, per quem beatus est, siue operatio per quam formaliter beatificatur, debet non solum esse perpetua, sed etiam cognoscit ut perpetua: siue igitur beatiudo consistat in contemplatione, siue in gaudio, amor obiecti beatificantis debet esse perpetuus. Et quidē si in gaudio, res est manifesta: implicat enim te perpetuo gaudere in possessione obiecti, quod non ames; nemo enim gaudet, nisi de eo quod amat: si autem in contem-

K k 2. pla.

platione ; res est etiam clara : quia contem-
plari obiectum, quod non ames, non te bea-
tum facit. Contemplationem Dei abstracti-
uam & in speculo habet Dæmones, & qui-
dem perfectissimam ; nec tamen propterea
sunt beati : quia videlicet non amant obie-
ctum, quod contēplantur : non amant autē,
quia cognoscunt in illo rationem inimici,
adeoq; aliquam rationem mali respectu ip-
sorum : est enim malum illis habere Deum
inimicum. Rursus hæc perpetuis debet nō
solum est, sed cognosci ; igitur debet cog-
noscere homo se perpetuo contemplaturum
& hac contemplatione futurum vel forma-
liter, vel radicaliter beatum : hanc autem
cognitionem aiunt pertinere ad statum bea-
titudinis, quia vt beatus sis, debes esse cer-
tus de tua beatitudine : pertinet autem ad
tuam beatitudinem perpetuitas eiusdem :
igitur vt beatus sis, debes esse certus dæ hac
ipsa perpetuitate. Ratio vltior est : quia
neq; ex ignorantia neq. ex errore circa tuā
ipsam beatitudinem potes esse beatus. Hæc
ratio probat indiuisibiliter esse & cognosci
perpetuam, imo ex cognosci probat esse.
Supponis autem beatum non esse suę felici-
tatis incurium, qualis esset, si de ipsa, etiam
dum ipsam possidet, incogitans esset an pa-
trum, an diu, an æternum duratura sit. Quis
enim ex nobis possidens aliquod bonū, non
statim est de illius duratione sollicitus :
Hoc posito pone beatum de sua beatitate
cogitantem. Hac cogitatione vel congoscit
habituram finem, vel putat non habituram,
cum.

cum re ipsa habitura sit : si primum : cruciatur à futura iactura boni , in quo summo-
pere delectatur : sicut enim finis, quem præ-
stolamur in malis quæ patimur , est præse-
s in ipsa malorum perpeffione solatium ; ita
etiam finis, quem timemus in bonis quibus
fruimur , est præsens in ipsa bonorum pos-
sessione tormentum implicat autem cru-
ciari hominem dum beatus est, ergo impli-
cat hominem simul esse beatum, simulque
cognoscere desituram suam felicitatem . Si
secundum: igitur per hoc quod putet æter-
num fore, quod æternum non erit , beatus
est ; hoc autem est beatum esse beneficio
erroris circa ipsam felicitatem .

In hypothesi autem quod putet æternam
fore possessionem boni quod possidet , quæ
re ipsa non sit futura æterna, non erit beatus
cum beatitudo formalis vel tota sit in co-
gnitione veri perfectissima , vel in fruitione
obiecti cogniti. Quomodo autem habet co-
gnitionem perfectissimā veri ipsum beatifi-
cantis, si circa ipsum erreret quoad punctum
maxime faciens ad felicitatem ? Restat igitur
ut cognoscat , & vere cognoscat posses-
sionem hanc summi boni æternam fore ; im-
plicat autem quod hoc vere cognoscat , &
re ipsa non sit futura æterna , ergo ex eo
quod debeat ad rationem beatitudinis per-
tinere cognitio perpetuitatis eiusdē , sequi-
tur beatitudinem ipsum debere esse perpe-
tuam. Nota nos hic de beatitudine naturali
philosophari, non statuentes an de facto sit
possibilis, de hoc enim nihil ad nos , sed in

hypothesi quod sit possibilis . De superna-
turali autem minus est nostrum statuere,
quamvis proportionaliter ad ea, quæ de ip-
sa dicuntur, quantum in nobis fuit, de na-
turali dixerimus.

Q V Æ S T I O III.

De pura promissione libera .

A R T I C V L V S I.

An sit possibilis .

Voluntatem nostram circa quodlibet
bonum aut malum posse pure omit-
tere, hoc est nec actum amoris elicere,
nec actum ouij, est indubitatum, da enim
neque hoc neque illud obiectum proponi
voluntati, neq. per amorem, neque per o-
dium sese hæc exercebit circa ipsum, nihil
enim aut amatum, aut odio habitum, nisi
præcognitum. Vnde quemadmodū alicubi
quæritur an cognitio sit solum conditio, an
insuper saltē partialis virtus motiua ad a-
morem, ita etiam quæri posset an cognitio
sit solum conditio tan etiam virtus partia-
lis motiua ad odium: qua in re ij, qui di-
cunt non solum bonitatem obiecti esse vim
adæquate tractiuam voluntatis: dicere de-
bent neque solum malitiam esse vim adæ-
quate fugatiuam eiusdem ab obiecto malò:
nos utrobique rationem puræ conditionis
admittimus.

Con-

Controuertitur autem an voluntas, quam certum est posse purè omittere, possit pure omittere libere, ita vt videlicet non solum non sese exerceat vllō actū: sed etiam vt hoc ipsum illi accadat: dū est in actū primo proximo vel ad vtrūlibet vel ad alterutrum: adeoque hoc ipsum non agere sit quādam determinatio voluntatis, per quam sit simpliciter, & quodammodo in actū secundo suæ libertatis. Hoc est quod sub aliis terminis inquit D. Thomas prima 2. quæst. 6. art. 3. an possit esse voluntarium absq; omni actū; respondetq; affirmative. Habes de hac re aliquid delibatum tum in quæstione de negationibus, ū in quæstione de vita vbi etiā sententię hic amplectē & viā strauimus.

Dicendum est igitur possibilem esse purā omissionem liberam. Probatur conclusio 1. quia in voluntate datur libertas non solum contrarietatis; sed etiam contradictionis: ergo est possibilis pura omisso libera. Qui negant possibilitatem omissionis prædictæ, negare deberent antecedens; quia tamen videtur receptum satis communiter putant admitti posse, & negari consequentia. Probatur autem consequentia ex principijs, quæ posuimus partim in summulis, & partim alibi; diximus in summulis ad rationem contradictoriij pertinere quod vel præcise ponat, quod tollitur per alterum: vel præcise tollat, quod per alterum ponitur, hinc nō sunt cōtradictoriæ istæ duæ propositiones; *nullus homo currit, & Petrus currit*, quia videlicet per secundam plus poni-

tur, quam requiratur ad destructionem primæ: adeoq. contingere potest utramque esse falsam. In quæstione de negationibus dictū est, quod ad non esse aliquid non est necesse esse aliud, quod sit exclusivū illius. Considera iam actū primū proximū amoris & odij, vel viriuslibet ex ipsis Libertas contradictionis nequit respicere utrumque ex oppositis actibus pro suis extremis. v. g. nō est libertas contradictionis per hoc quod ita sit potentia ad amorem, ut etiam sit ad odiū odisse enim non est contradictorium, sed contrarium amoris; sicut & amare non est contradictorium, sed contrarium odij, si igitur talis libertas ita sit ad amorem, ut solum sit etiam ad odium; manifestum est esse quidem libertatem contrarietatis, non autem contradictionis. Propterea dicitur libertatem hanc, quæ prout est ad amorem & odium est contrarietatis, esse contradictionis per hoc, quod sit ad amorem, & quælibet alium actum impossibilem cū amore, v. g. potens amare & non amare, potest non solum amare, sed etiam nolle amare, actus autem quo dicat, nolo amare non est actus odii, quamvis sit exclusivus amoris. Libertas ad amorem & hunc alium, aut quemlibet similem actum est libertas contradictionis.

Hæc doctrina multipliciter impugnatur. Primo ex dictis. Hic actus nolo amare non est contradictorium amoris, quia non esse præcisè amorem non est esse aliquem actū impossibilem cum amore, igitur libertas

tas huiusmodi nō est libertas pure contradi-
ctionis. Secundo; contingere potest vt actus
primus proximus ad amandum, non sit a-
ctus primus proximus ad hanc ipsam noli-
tionem amoris. Puta si amor ipse non repre-
sentetur, adeoq. non sit proxime nolibilis,
aut volibilis. Da enim repræsentari præcisè
obiectum, circa quod exercēda sit voluntas
non autem ipsummet exercitum eligendū
vel repudiandum per alium actum volunta-
tis, & das posse quidem amari, vel non a-
mari obiectum, non autem posse exerceri
per actum reflexum circa ipsummet exerci-
tium amandi, illud amplectendo, vel repel-
lendo. Qui aiunt impossibile esse repræsen-
tari obiectum, quin repræsentetur actus eli-
ciendus, vel determinatio habenda in vo-
luntate circa hoc obiectum; dupliciter pec-
cant, primo contra manifestissimam expe-
rientiam, qua constat nos trahi vel repellī
ab obiecto nobis repræsentato, nihil deliberā-
tes, imo omnino incogitantes circa actum,
quo vel prosequimur, vel auersamur obie-
ctum. Secundo: quia hoc ipsum nulla alia
ratione probare nituntur, nisi quia alter
daretur pura omiffio libera, hoc est nisi per
petitionem principij. Libertas actus non
necessario habetur per indifferentiam co-
gnitionis circa ipsum, sed per indifferentiā
cognitionis circa obiectum. Rem explico.
Vt libere ames hoc vel illud obiectū, oportet
vt in illo obiecto appareat cum ratione
boni aliqua ratio mali, in quo dicitur con-
sistere indifferentia cognitionis requisita ad

libertatem saltem contrarietatis: non est autem necesse ut in ipsis actibus elicendis, putatum in actu amoris, tum in actu odij represententur rationes prædictæ, quandoquidem nec est necesse representari actus prædictos.

Verum quidem est nos etiam aliquando circa ipsos actus deliberare, an videlicet bonus sit hic vel illè actus, adeoque; an amplectendus an omittendus; sed tunc actus ipsi induunt rationem obiecti, & ita obuersantur nobis, ut non obuersentur alij actus, per quos eligimus aut illos elicere, aut omittere. Ratio est quia illi etiam actus habent aliquam rationem boni, & cum ratione boni admixtam quandoque aliqualem rationem mali, puta rationem difficilis & iniucundi, adeoque in ipso actu reperiri accidit & quod ad ipsum alliciat, & quod ab ipso repellat.

Probat 2. Conclusio: quia per hoc præcisè quod voluntas ita amet hic & nunc, ut cum toto hoc actu primo possit coniungi negatio amaris, habes conceptum fortissimum libere amantis; ergo per hoc præcisè quod ita non amet, ut nulla re addita ex parte actus primi, detur adæquata sufficientia ad amandum, ipsum non amare est liberum: sed non amare seu omittere per se præcisè & formaliter, non est ullus actus; ergo potest haberi liberum absque omni actu, adeoque pura omissio libera.

Amorem fore liberum concedunt aduersarij, omissionem fore liberam negant. Ratio

tionem dant per petitionem principij, hoc est nullam, amor esset liber; quia est formale exercitium potentia; omiffio non esset libera, quia omittere non est ullū exerceri, cum nihil sit, & omne exercitiū sit aliquid. Dixi hanc esse petitionem principij, quia hæc ratio nihil aliud est quam contradictorium conclusionis positæ, qua videlicet asserimus voluntatem in actu primo proximo completā ad exercendum se circa obiectum propositum, posse omni exercitio carere, ita vt hæc carentia sit illi libera, adeoq. non omnem determinationem ad vtrumlibet ex contradictorijs esse per aliquem actū, petere igitur vt non sit determinata ad vllum ex contradictorijs, nisi per aliquem actum, hoc est, nisi per aliquid, quod simpliciter sit, est petere principium. Hoc idem intelliges in re determinabilis ad denominationes oppositas non libera. Aer est determinabilis ad rationem lucidi & non lucidi, quæ sunt denominationes contradictoriæ oppositæ, siue ad rationem lucidi & tenebrosi, quæ dicuntur denominationes priuatiue oppositæ; ad alteram ex istis denominationibus nequit determinari nisi per formam; qui enim lucidus erit absq. forma lucificante? Ad alteram tamen videlicet ad rationem non lucidi non determinatur per formam, sed per carentiam formæ, & ad rationem tenebrosi per eandem carentiam, & aptitudinem in se ad formam, qua caret: in hoc enim differunt priuationes à puro ratione carentiæ, quod insuper dicant aptitudinem in subiecto. At.

que hic etiam aliquammodo explicatur & conclusio, & ratio conclusionis. Sicut enim aptitudo quæ est in aere ad lucem determinat carentiam lucis ad rationem privatiuam: ita etiam potentia adæquata, quæ est in voluntate tua ad amorem, determinat carentiam amoris ad rationem liberam: ita enim cares in hypothese posita actu amoris, ut possis non carere si velis, adeoque ut libere careas.

Dices denominationem libere esse intrinsecam rationi quæ dicitur libera; adeoque si determinatio per purum contradictoriū amoris, hoc est per purum non amorem, est libera, est intrinsece libera: implicat autem esse intrinsece liberū quod nihil est: adeoque denominatio liberæ pugnat cum denominatione puræ omissionis. Vt utitur; ratio liberi est perfectio rationis, quæ denominatur libera; puræ autē omissioni repugnat perfectionem inesse; cum omnis perfectio sit quid positivum; igitur repugnat rationem liberæ inesse omissioni puræ.

Resp. duplicem hac in re sententiam esse apud Ethicos. alij ponentibus libertatem intrinsecam actui libero, alij extrinsecam: in neutra specialiter laborat nostra sententia. Qui ponunt actum liberum esse liberum per denominationem sibi intrinsecam, dupliciter respondere poterunt. Primo quod etiam si actus liber sit intrinsece liber, & per perfectionem sibi intrinsecam; non continuo etiam non actus, seu ommissio actus etiam libera debet esse libera per denominationem sibi intrinsecam: Erit autem libera per hoc, quod

quod ita suo modo fit, vt potentia, quæ per ipsa determinatur ad hoc potius, quam ad illud ex contradicторijs, fit etiam ad oppositum. Secundo dicere possent ipsam etiam puram omiffionem esse intrinsecè liberam, quia est formalis priuatio actus intrinsecè liberi: in hoc sensu cæcitas sustinet intrinsecè prædicata, quæ sustinet idem dic de omnibus alijs tum priuationibus, tum negationibus, prædicata enim quæ intrinsecè conueniunt formis, per similes denominationes conueniunt priuationibus formarum, vt patet ex alibi dictis ex Diuo Thoma. Hoc modo diximus vnā priuationem differre ab alia, puta surditatem à cæcitate, & quidem intrinsecè: quia differentias suas sumunt à rationibus, quas excludunt: & quia denominationes tum priuatiuæ, tum negatiuæ semper attingunt terminum, quē excludunt, excludunt autē illum non per opus nostri intellectus, sed omninò independenter à ratione nostra, ideo etiam denominationes huiusmodi dicuntur reales. Hinc cæcus est realiter cæcus, & voluntas omittens omnem actum, realiter omittit, & liberè omittens realiter liberè omittit: non tamen per ipsam liberam omiffionem formaliter habet realiter aliquid, sed realiter caret aliquo quod haberet, si non omitteret.

Alij qui negant libertatem esse intrinsecam actui libero facilius sese expediunt. Si enim actus ipse liber est per denominationem extrinsecam, poterit & per eandem esse libera omiffio. Aiunt autem denomi-
na-

nationem liberæ convenire cuilibet determinationi liberæ nostræ volūtatī, per hoc, quod sit à potentia adæquatè completa ad utrumlibet ex oppositis; puta amor est liber formaliter per hoc, quod sit à volūtate completa etiā ad non amandum; eodē modo ommissio amoris erit libera per hoc, quod potentia non amans sit perfecte completa ad amandum: ita vid. licet ut ad hoc ut amaret potius, quam non amaret, nihil requiratur, nisi amor ipse: hoc est nihil plus requiratur ex parte actus primi. Ex hoc patet quod pura ommissio quāvis in ratione ommissionis nihil dicat positivum, dicit tū ali-quod positivū in ratione liberæ; quandoquidē libera est formaliter per actum primum proximum ad oppositū: sed hoc nihil ponit ex parte actus secundi; seu ex parte determinationis, qua voluntas est cū hoc potius, quam cum illo contradictorio. Quod si gentes utra ex prædictis sententijs sit probabilior: respondeo probaliorem videri secundam. Per hoc enim præcise quod hæc, vel illa determinatio sit à potentia completa ad opposita, est modo, quo impossibile est eam esse à potentis necessaria; & consequenter habet per hoc undè sufficientissimè discriminetur à determinatione potentiæ necessariæ, neque enim determinatio potentiæ necessariæ est potentiæ se habentis ad utrumlibet, ut patet ex alibi dictis. Aliæ rationes hic omittuntur, tū quia hæc sufficit, tum quia hæc controuersia non agitur hic ex professione. Aduerue tamē, quod libertas actus
per

per denominationem extrinsecam ab indifferentia Potentiæ, feruat in actu rationem resistentis motiuo in oppositum impellenti; resistentis in quam, per hoc formaliter quod voluntas non sinat se à prædicto motiuo in oppositum flecti. quod fuit notandum hic, quia patroni aduersæ sententiæ in hoc præcipuè incumbunt, vt estendant omnē actū liberum esse victoriosum motui trahentis ad oppositum, Hanc victoriam habet actus per hoc formaliter, quod sit præ opposito. Hoc etiam pro omiffione pura examinabitur infra, vbi aliud genus victoriæ non dabitur, quam hactenus datum.

A R T I C V L V S II.

Satisfit Obiectionibus.

Objicitur 1. Si esset possibilis pura omiffio libera, posset actus secundus in nullo differre ab actu primo: conseq. est falsum: ergo & antec. Minor prob. quia implicat per actum secundum, hoc est per effectum nihil aliud haberi, quam quod habetur per actum primum, seu per causam: causa enim, & effectus. actus primus. & actu secundus est aliquid essentialiter plus, quam sola causa, & solus actus primus. Probatur iam sequela mai. quia per putam omiffionē liberam nihil est in natura, nisi potentia completa ad vtrumq. ex oppositis: nam vt pura omiffio, nihil est; vt libera, nihil dicitur nisi indifferentiam potentiæ; hæc autem indif-

differentia tota est in actu primo. Hinc videtur eadem difficultas. Indifferentia determinata ad utrumlibet ex oppositis dicit aliquid plus, quam indifferentia præscindens ab hac, aut illa determinatio: eo ipso quod detur actus secundus, datur indifferentia determinata ad hoc potius, quam illud ex extremis, ergo eo ipso datur aliquid plus, quàm indifferentia præscindens ab hac, vel illa determinatione: sed omissio libera habet rationem actus secundi, hoc est determinationis formalis ad hoc potius, quam ad illud; ergo per omissionem liberam debet poni aliquid supra indifferentiam præscindentem ab hac, vel illa determinatione.

Resp. difficultatem esse magis in modo loquendi, quam in re, & hoc accidit quotiescūq. sermo est de negationibus, aut privationibus. Actus primus de suo conceptu formali præscindit ab actu, & non actu: actu autem secundus includit vel actum, vel non actum; si per actum primum ad amorem ames, coniungis potentiam cum actu, si non ames, coniungis cum non actu; utrolibet modo te habeas, potentia transit ab actu primo ad secundum: ampliando acceptionem actus secundi ad quamcumq. determinationem potentia. Si enim rigorosè accipias actum secundum, cum non actus non sit ullus actus, pura omissio non erit actus secundus; & tunc nostra conclusio erit posse potentiam liberam adequatè completam ad actum, esse sine omni actu, seu: possibilem esse actum primum proximum adequatum

tum carentum omni actu secundo i

Rurfus ipfe non actus cum nihil fit recte dicitur nihil poni cum actu primo pro determinatiuo ipsius, ly tamen nihil negatiue siue exclusiue acceptu, non autem præcisiue, Ex his patet ad argumentum. Negat. seq. mai. Different actus primus & actus secundus per hoc, quod in denominationes actus primi præscindas ab actu & non actu, seu ab agere & non agere: in denominatione autem actus secundi neges, seu excludas ipsum agere.

Dices. Ergo vt actus primus reducatur in secundum, debet dari aliquid: quod sit vel actus vel exclusiue ipsius, ergo nequit dari pura omiffio libera.

Resp. dist. primum conseq. stebet dari vel actus vel aliquid exclusiue per modum contrarii: nego, per modum contradictonij: subdist. debet dari in effere: nego, in esse veri, concedo. Quem sensum faciunt propositione huiusmodi datur negatio, datur omiffio, & similes, explicatum est alibi. Omiffio autem libera per hoc differt ab omiffione præcisè quod hæc præscindat ab eo quod est esse à potentia indifferente, vel contra; illa autem sit à potentia indifferente, hoc est perfecte completa ad actum. Esse autem hanc omiffionem nihil aliud est, quam non esse actum, qui per hunc ipsum actum primum proximum esse posset;

Obiic. 2. Omnis determinatio potentie vitalis vt talis, est perfectio talis potentie, omiffio

omissio libera est determinatio potentiae vitalis ut talis: ergo est perfectio eiusdem. Maior probatur ratione à priori. Finis naturae in complendo potentiam vitalem ad operandum est ut potentia determinando se, hoc est reducendo se in actum, se ipsam perficiat, & consequenter omnis actus primus est propter aliquem actum secundum. Explicatur ulterius: ratio per quam potentia constituitur in actu primo proximo ad operandum, est perfectio aliqua eiusdem potentiae, huiusmodi tamen perfectio non est intentia à natura per modum finis, sed solum per modum medij. Perfectio autem habens rationem medij, est eo ipso ad ulteriorem perfectionem: imo ratione ulterioris perfectionis dumtaxat, non autem ratione sui est perfectio aliqua, sicut v. g. ratioe sanitatis dumtaxat, non autem ratione sui medicina est aliquod bonum, & prudenter expetibilis, contemptibilis futura si nihil conduceret ad sanitatem. Propter hanc rationem, aliaeq. huiusmodi prioristicas putant aliqui tam necessarium esse causam liberam secundum totam vim actus primi, egredi in actum secundum: quam necessarium est id in necessarias accidere. Exemplo rem explico; Oculus edaquate completus ad videndum videt quantum potest. Voluntas etiam adaquate completa ad agendum agit quantum potest. Est autem inter utramque potentiam hoc discrimen, quod oculus ita necessario operetur, ut non se determinet ad hoc vel illud genus operationis, puta ad videndum.

dendum vel repellendum obiectum: voluntas autem in tota quanta est, & secundum totam suam vim operatur, vt se determinet ad hoc, vel illud genus operationis: puta ad volendum vel nolendum, & ad exeundum in hos vel illos actus circa hæc vel illa obiecta ex iis, quæ eidem per intellectum proponuntur, puta voluntas in actu primo proximo posita ad amandum felicitatem, habet simul sibi proposita bona sensibilia: contingere autem potest vt totam suam vim exerat in amando felicitatem, vt nullo actu sese exerceat circa vllū ex alijs bonis; potest etiā contingere quod hanc eandem vim totam exerat in amando bona sensibilia; item accidere potest vt potens intense amare felicitatem, amet illam remissè: aut cum possit bona sensibilia intense amare, eadem amet remissè: tunc autem cum neque erga felicitatem, neque erga bona sensibilia secundum totum suum posse sese exerceat; necesse est, aiunt, vt in alios, actus vim suam impendat, ne nimirum remaneat aliquid de actu primo, quod non exeat in secundum. Ratio à priori est, quia ratio liberæ non tollit rationem vitalis, est autem de ratione potentiæ vitalis vt agat quantum potest; ergo &c. Probatur minor: quia potentia vitalis per operationē viuit in actu secundo: vnūquodque autem viuens viuit in quibuslibet circūstantiis, quantum viuere potest; ergo operatur, quantum operari potest.

Confirmatur hæc doctrina ratiocinio quo vti sumus ad probationem conclusionis su-

pra-

propositæ : cum hac necessitate operandi quantū potest fiat in voluntate nostra perfectissima ratio potentia libera, & potentia libera sufficientissime discriminatur à non libera : ergo &c. Prob. cons. quia posita tali necessitate, ponitur simul cum libertate necessitas perfectionis in potentia per actum secundum, distincta à perfectione, quæ constituit actum primum ; sic autem melius se habet, quam cum indifferentia ad habendum vel non habendum perfectionē vltiorem : per determinationem sui ad alterum ex extremis suæ libertatis.

Resp. voluntatē humanam non necessario perfici per quancumque determinationem suæ indifferentiæ ad vtrumlibet ex extremis, ad quæ dicitur indifferent, idque etiam si ponas omnē determinationem huiusmodi esse necessario aliquid positivū. Loquor de voluntate humana vt voluntas est, hoc est vt causa moraliter operans. Probatur hoc euidenter, Voluntas per actum malum non perficitur actus malus est aliquid positivum, & positiua determinatio voluntatis : igitur non omnis determinatio voluntatis per aliquid positivum est perfectio voluntatis. Maior est evidens ; nam voluntas non perficitur per id, per quod formaliter fit mala ; fit mala per actum malum : ergo &c. Actum autem malum tam evidens est, esse quid positivum, quam est evidens esse actū : voluntatis ; quicquid sit vnde formaliter habeat esse malum. Sio dicturos esse aduersarios voluntatem etiam per actū
ma-

malū intrinsece perfici: eo enim ipso quod actus malus est aliquid, est aliquid bonum, adeoque aliqua perfectio illius potentiae, quam actuat. Propterea dixi voluntatem, ut voluatas est, non perfici per actum malum: non autem voluntatem nullo modo perfici per actū malum. Perficitur per actū malū purè physicè, & perfectione quæ purè transcendentaliter est perfectio; adeoq. perfectione ex hoc capite omnino contēptibili. Imo melius est voluntatem hanc perfectione carere; adeoque melius consulimus voluntati dum facimus eam in potentem bene operari, ut carere possit operatione tam bona quam mala: quam ij qui sic illam esse institutam volunt, ut in actu primo proximo ita sit ad bonum ut nequeat esse sine hoc: vel sine malo. Totus igitur ille discursus nihil habet roboris contra sententiam positam. Verum est potentiam etiam liberam, esse potentiam vitalem: sed per hoc quod libera est, non necessario vivit in actu secundo, & ad hoc ipsum dicimus esse liberam, videlicet ad vivendum, vel non vivendum in actu secundo. In forma ad argutum nega maiorem, quæ reipsa nihil aliud est, quam petitio principij. Ad rationem petitam ex fine, dic finem naturæ esse actū bonum, natura enim non tēdit ad malum: hoc tamen fine quam saepe caret: Certè dum malè operaris, non ponis id quod ut finis intenditur ab eo, qui ponit in te actum primum proximum ad operandū. Da igitur arguenti, finem Naturæ in complen-

plenda potētia vitali libera esse perfectio-
 nē potētiæ, nega non posse propterea de-
 terminari voluntatem ad vtrumlibet ex op-
 positis, nisi per aliquid, quo perficiatur.
 Ratio à priori, & vera est, quia voluntas
 per hoc ipsum quod compleatur in ratione
 potētiæ libere ad actum, completur in ra-
 tione potētiæ frustrare intentum illam
 complentis; adeoque totus ille discursus
 arguentis in nihilum abit. Ad illud aliud
 de vita, dic, voluntatem esse liberam ad
 viuendam, vel non viuendum in actu se-
 cundo. Vivere in actu quantum potest,
 est potētiæ necessariæ, quantum velit, est
 liberæ, quod eodem argumento probatur,
 quo probatum est ipsam habere libertatem
 contradictionis. Ad vltimum; de conceptu
 liberratis est non solum quod eligat hoc vel
 illo actu tendere in obiectum, vel fugere ab
 obiecto; sed etiam quod agat, vel non agat
 circa illud obiectum, & sicut ad libertatem
 ipsius requiritur vt possit hoc & illud obie-
 ctum vel auersari, vel prosequi, ita etiam
 ad eandē spectat quod possit ab omni actu
 abstinere, hanc autem speciem libertatis
 non impugnat Aduersarius, dum probat,
 voluntatem, hac etiam deficiente, fore li-
 beram. Hinc probamus nos, dum proba-
 mus non pertinere ex vlllo capite ad volun-
 tatem, vt nequeat determinari ex actu pri-
 mo ad secundum nisi per actum positium.
 Hinc ad argumentum propositum neg. ma.
 Ad reliqua patet ex dictis.

Dices; ratio libere non tollit à volunta-
 te

te rationem vitalis; est de ratione potentiae vitalis, non determinati, nisi per actum: ergo & de ratione potentiae liberae. Maior est evidens. Ratio enim liberi non solum non tollit, sed essentialiter supponit rationem vitalis. Minor autem probatur quia omnis determinatio per modum actus secundi potentiae vitalis, est vita in actu secundo: omnis vita in actu secundo est aliqua operatio: ergo omnis determinatio potentiae vitalis per modum actus secundi est aliqua operatio. Probatur haec ultima minor ex dictis ubi de vita, dictum est enim vitam in actu secundo esse operationem.

Resp. conc. mai. eiusdemq. probatione neg. mi. Ratio potentiae vitalis est indifferens ad liberam & non liberam, seu ad liberam, necessariam. Necessaria ab actu primo necessario exit in secundum. Libera etiam in actu primo, liberè omittit vivere in actu secundo. Ad probationem iam dictum est quod accipiendo rigorosè hoc nomen actus, omiffio libera non est actus secundus, nō tamen propterea non est formalis determinatio potentiae libere, quia videlicet per ipsum non agere ex suppositione libertatis completæ ad agendum, sustinet denominationem liberè non agentis; & consequenter ipsum non agere determinat ad hanc denominationem præ opposita. Ad probationem ultimæ minoris? dic omnem operationem potentiae vitalis esse vitam in actu secundo, & è conuerso omnem vitam in actu secundo esse aliquam operationem: sed

sed neque necessario omnem determinationem potentiaæ vitalis esse vitam, neq; operationem; adeoque stare hanc doctrinam cum alibi tradita: neque enim dicis voluntatem vivere in actu secundo per puram omissionem liberam, sed solum determinari, determinatione videlicet iam explicata.

Obiicies 3. Potentia libera est in ratione potentia perfectior potentia necessaria, g. determinari nequit nisi per actum positivum. Antecedens supponitur pro certo. Consequ. probatur: quia potentia necessaria si determinetur, per actum determinatur: adeoque determinatio potentiaæ necessariae est incrementum perfectionis in eadem potentia, potentia autem libera non per hoc præcisè quod determinetur, perficitur ulterius, ergo est deterius conditionis, quam necessaria. Explicatur hoc una potentia dicitur esse alia perfectior in ratione potentiaæ per hoc, quod sit ad maiorem perfectionem quam alia sed libera libertate contradictionis in sensu explicato, quatenus talis, non esset ad maiorem perfectionem, quam necessaria: g. libera ut talis non esset perfectior in ratione potentiaæ. Maior probatur: quia potentia ut potentia desumit rationem perfectioris vel minus perfectæ, à maiori vel minori perfectione termini; iuxta illud quo alibi dictum est. Min. autem prob. quia potentiam liberam, præter hoc quod est posse terminati ad actum habere in super posse cadere omni actu, non est terminari ad maiorem perfectionem, quam terminetur

tur potentia neceffaria , quæ ad actum dūtaxat , ergo &c. Compara potentiam neceffariam cum libera. Secundum quod vtraque terminatur ad actum , conueniunt in ratione potentium agere : potentia autem libera pro prærogatiua fupra neceffariam das in fuper poffe nō agere , adeoq. per poffe non agere vis illam fupra hoc , quod eft poffe agere , habere incrementum perfectionis ; videtur autem euident quod per poffe nō agere , nequeat dici perfectior potentia .

Refp. hoc argumentum laborare in æquiuoco . Potentia libera præualet neceffariae non per poffe non agere , fed per poffe non agere liberè , adeoque per illud poffe non agere , quod eft poffe hoc modo agere. Cōpara iam vtramque potentiam ; neceffaria quando agit , fic agit , vt non poffit non agere : libera quando agit , fic agit , vt poffit non agere : rurfus : neceffaria quando non agit , ita non agit , vt non poffit agere , libera quando non agit ; ita non agit , vt poffit agere , & hoc non agere fit liberum non agere per hoc , quod fit à potentia petente agere : falſum eft igitur prærogatiuam liberè fupra neceffariam conſtitui à nobis in ipſo non agere . Ex his patet ad argumentū in forma . Conc. ant. neg. conſeq. Ad probationem nega iterum conſeq. Ad explicationem neg. mī. Terminus ad quem eft potentia liberè omittens agens , eft actus , qui per hoc ipſum eft liber , quod fit à potentia potente omittere : adeoque non ſpecificatur in ratione liberae à non agere , tamquam à

termino: sed ab actu quam elicere potest, & per sufficientiam ad quem dicitur non precise omittens; sed libere omittens. Ad probationem min. nego antec. posse carere omni actu cum actu primò proximo ad actum, est formalissime posse terminari ad actum libere: si igitur actus liber est perfectior actu non libere, est eo ipso posse terminari ad terminum perfectiorem. Certum est vnicuique experibilibus esse ita posse agere, ut possit vel loco huius actus ponere alium actum, vel omittere omnem actum, quam posse solum vel hunc, vel aliquam alium actum elicere. Vnicuique enim placet suæ libertatis terminos amplificari.

Dices, posse non agere non est aliquid posse, ergo posse non agere non amplificat terminos libertatis, seu non amplificat libertatem agentis. Probatur ant. quia non agere non est aliquid ergo posse non agere, non est posse aliquid. Confirmatur: quia non agere nequit esse terminus potètiæ actiuae, potentia autè libera est actiua; ergo &c.

Resp. dist. ant. posse non agere precise, non est aliquid posse; concedo: posse non agere libere; nego ant. & consequ. Posse non agere libere, est posse hoc modo agere, quandoquidem ipsum non agere, est liberum non agere formaliter per hoc, quod possis agere. Et hæc est illa amplificatio libertatis, quam hic intendimus. Talis videlicet ut voluntas se habeat non inter duo, sed inter plura extrema; videlicet inter agere hoc, vel agere illud, vel omnino non agere.

agere. Specificatiuum igitur potentiaē vt liberè non agentis, est ipfummet agere. Ab illud de termino dic idem, quod dictum est de determinatione. Certum est potentiam per non agere, non ponere in natura illum terminum in hoc autem ipso est libera in actu secundo, quod dicat non terminum, cum posset actu aliquo termino terminari. Cæterum eo ipso quod dicis potentiaē completam ad actum, posse non agere dicis posse non terminari ad vllum obiectum; putamus autem ampliorem esse libertatem quæ se habet hoc modo: quàm quæ alio.

Obiicies 4. Implicat potentiam vitalem transire ab actu primo ad secundum, & non viuere in actu secundo: implicat viuere in actu secundo, & non operari: ergo implicat transire ab actu primo ad secundum, & non operari. Maior probatur: quia omnis reductio actus primi ad secundum est positio rei, ad quam erat sufficientia; ergo reductio actus primi in genere vitæ ad actum secundum, est positio illius vitæ, ad quam erat sufficientia. Minor autem constat ex dictis.

Resp. dist. mai. implicat &c. accipiendo rigorosè rationem actus secundi: concedo; accipiendo rationem actus secundi ampliatiuè ad quamcumque determinationem potentiaē: nego mai. & eodem modo dist. min. nego conseq. Ad probationem maioris: falsum est anteceden. Potentia libera etiam illa libertate dumtaxat, quam concedunt Aduersarij, cum ab actu primo transit ad secundum, non ponit id omne, ad quod est

sufficientia, sed prohibito suo, sufficientia ad utrumlibet ex oppositis utitur ad alterum ex ipsis. Ex quo habes hoc evidens ratiocinium. Actus primus proximus ad amorem est sufficientia adæquata ad amorem: huiusmodi actus primus reducitur in secundum etiam sine actu amoris, ergo non omnis sufficientia; seu potius non omnis reductio actus primi in secundum, est positio rei, ad quam erat sufficientia. Scio sufficientiam prædictam non esse solum ad amorem sed etiam ad odium, vel ad aliquem alium actum impossibilem cum amore; sed hoc ipsum fauet nostræ sententiæ aut responsioni, quandoquidem ostendit esse in potestate potentiæ liberæ determinare se hoc vel illo modo: inter modos autem determinandi se est ille, quem ponimus, abstinendo videlicet ab omni omnino actu. Posses etiā distinguere idem antecedens modo supra indicato: videlicet per reductionem in actum secundū stricte acceptū, aut in actum secundum ampliatiue.

Dices: ut volūtas determinet se ad omit- tendum vel actū amoris, vel actum odij, debet determinare se ad amplectendam omis- sionem potius, quàm quemlibet actum; nequit determinare se hoc pacto: ergo nequit &c. Maior probatur: quia eo ipso quod libere omittit, eligit omittere præ non omit- tere, ergo determinat se ad omissionem po- tius amplectendam, quàm quemlibet actū: cum non omittere sit formaliter aliquo ac- tu agere. Minor autem probatur: quia im-
pli-

plicat, quod in omiffione appareat vlla ratio, propter quam fit voluntate præferibilis omni, & cuilibet actui, ad quem hic, & nunc est perfectè completa; ergo est impoffibile quod fe determinet ad hanc potius, quam ad quemlibet actum ipfi oppofitum. Probatur hoc vltimum antecedens: quia in omiffione pura non reperitur vlla ratio boni; in qualibet autem actu, aliquid boni reperitur: fed implicat carens omni bono effe vlli bono præferibile; ergo implicat præferri a voluntate puram omiffionē omni actui.

Resp. puram omiffionem afferri in obiectione nō per modum determinationis potentiaæ liberae, fed per modum obiecti, circa quod verfetur potentia libera, & in hoc æquiuvoco fapē laborant, qui contra nos sentiunt. Ille ipfe actus, per quem voluntas eligeret fignatè omiffionem, effet actus pofitiuus, per quam diceret: *Nolo agere*: aut: *Volo abftinere*, aut aliquid huiusmodi. Præterea patet ex dictis, quod etiam fi non fit realiter, & phyficè vllum bonum in non agere: poteft tamen ipfum non agere pofitiuè præferri ipfimet agere, fi fermo fit de aliquo actu particulari circa hoc, vel illud obiectum eliciendo. Rem explico. Da repræfentari tibi actum amoris, vt elicibilem circa hoc, vel illud obiectum. In tali cafu deliberare potes eliciendus, nè an non eliciendus hic, & nunc hic actus, & poft talem deliberationem pofitiuè repellere hunc actū amoris: quamvis reipfa non elicere hunc, non fit vllus actus, adeoq; vllum bonum:

elicere autem foret aliquod bonum?

Dices: in tali casu non omitteret omnem actum; diceret enim: *Nolo elicere actum amoris cirra hoc obiectum* ergo in tali casu non esset omissio.

Resp. conc. totum. Non diximus in tali casu fore puram omissionem: sed omissionem actus amoris in tali casu prælatum ipsi actui: adeoq. falsum esse omissionem actus non posse præferri actui: quâvis enim repudiatio actus sit actus positivus: ad huc verum est per ipsam præferri omissionem actus A ipsi actui A. His igitur omissis ad objectionem propositam in forma.

Resp. secundò: dist. mai. voluntas nequit determinare se &c. in actu signato: nego, in actu exercito concedo. Ad p̄obat: iterum dist. voluntas non potest præferre signatâ ipsum omittere omni actui: concede: exercite: nego. In his distinctionibus de industria utimur his vocibus. *In actu signato; in actu exercito: signatè, exercitè*, & quod aliud est utimur non solum diuersimodè, sed etiâ secundum acceptiones, quæ videntur inter se opposita: quod idcò facimus, quia res ipsa diuersimodè sonat apud diuersos authores semper autem pro nobis harmonicè. Voluntas determinat sed amplectendam omissionem in actu signato: quia signatè non elicit vllum actum: non determinat se in actu exercito: quia hoc ipsum omittere non est vllum exercitium voluntatis: implicat enim interminis determinat se per aliquem actum ad omissionem omnis actus: sicut im-

plicat per aliquem motū carere omni motu. Rursus præferet exercitè, non autem signat omissionem omnis actus omni & cui-libet actui: quia omitendo non comparat actum cum non actu, alterum eligens, alterum repudians: sed reipsa potius non agit, quam agat: adeoq: quæ in potestate ipsius sit utrum: agere videlicet & non agere, per hoc formaliter quod non agat, præfert exercitè non agere ipsimet agere: hoc est cum sit ad agendum & non agendum libera: potius non agit, quam agat; & in hoc eodem sensu intelligi potest, quod eligat non agere potius, quam agere.

Dices; ut eligat potius agere, quam non agere oportet, ut in ipso non agere appereat aliqua præferibilitas ipsimet agere: sed nequit in non agere apparet quicquam huiusmodi, ergo &c. Confirmatur; quia ad hoc ut possit unum extremum alteri extremo præligi, oportet ut habeat aliquam eligibilitatem; sed non agere non habet ullam eligibilitatem; ergo &c. Min. prob. quia, omnis eligibilitas est aliqua amabilitas; in non agere non est vlla amabilitas; ergo &c. Minor ultima patet ex dicti; quia in non agere non est vlla ratio boni.

Resp. quod ad illam prælationem, quam supra concessimus, consistentem videlicet hoc, quod reipsa potius nō agas, quam agas, non requiritur vlla amabilitas in ipsomet non agere; ad hoc enim ut non agere præferas exercitè ipsi agere, sufficit obiectum, quod tibi præsentatur, circa quod agere
pos-

possis, non præferre neq. tantum bonitatis, vt necessitet ad amorem, neque tantum malitiæ vt ad odium; per hoc enim præcisè potes exercite eligere ipsum non agere, hoc est, potes liberè non agere circa ipsum. Confundit argues electionem agendi; vel non agendi, quæ sit per ipsum agere, vel non agere, cum electione distincta ab ipsomet agere, vel non agere: adeoq. tam agere, quàm non agere considerat non per modum determinationis liberæ voluntatis, sed per modum obiecti, circa quod deliberatio habeatur. Præterea negatum est supra in non actu non esse ullam vel realem, vel apparentem rationem boni: potest enim accidere quod carentia alicuius actus, quamvis absolute non sit vllum bonum, tamen comparative appareat quid melius ipsomet actu, ut dictum est alibi: eo quod videlicet carendo actu, careas etiam positiua difficultate, quæ experiris in elicendo in actu.

Ad argumentum in forma distingue; oportet vt habeat aliquam præferibilitatem formaliter, & directe: nego: denominatiue, & indirectè: concedo. Preferibilitas formalis & directa? correspondet huic, quod est præferri signate: denominatiua, & indirecta, huic quod est præferri exercite. Idem dic de eligibilitate, amabilitate &c. Huiusmodi autem præferibilitas non consistit in alio, quam in tali genere amabilitatis, uel odibilitatis proximæ, & completæ obiecti propositi. Dixi: *Amabilitatis, vel odibilitatis proximæ, & completæ*, includendo videlicet
 intra

intra constitutiva amabilitatis ipsammet cognitionem, sub qua apparet obiectum. Constat enim & summum bonum, & summam miseriam posse ita apparere, ut non necessitent, hoc ad odium, illud ad amorē, quamvis re ipsa utrumque quantum est ex se; habeat vim necessitandi ad huiusmodi actus. Ex hoc autem quod bonum, aut malū propositum voluntati non necessitent, neque hoc ad odium, neque illud ad amorem, voluntas potest nec amare, nec odire, & quia nec amare, nec odire, non est ullus actus, nec ullum obiectum, de quo dicat, *volo*, vel *nolo*, propterea non sustinet denominationem eligibilis, aut amabilis formaliter, & directe: sustinet autem amabilis, aut eligibilis, seu præferibilis denominatione, eo quod re ipsa cum possis amare, aut odire; potius nec amas, nec odisti: adeoque inter duas denominationes contradictorie oppositas, ad quas te habes per actum primum indifferenter, es determinate cum hac potius, quam cum illa, per hoc formaliter, quod non agas.

Dices: Potentia libera est potentia rationalis: g. si libere omittit, omittit secundum modum proprium potentie rationalis, sed implicat libere omittere, & omittere secundum modum proprium potentie rationalis; ergo implicat voluntatem creatam pure omittere, & omittere libere. Minor probatur: quia omittere secundum modum potentie rationalis est omittere ex motivo inducente ad omittendum; sed quicumque omittit hoc modo, non pure omittit: ergo
&c.

&c. Probatur vltima minor; quia eo ipso quod ex motiuo omittis, per aliquem actum omittis; neque enim motiuum, quod te inducit, non te mouet; implicat autem moueri voluntatem, & non agere, cum omnis motus voluntaris sit aliquis actus eiusdem.

Resp. neg. min. subsump. Ad probationem iterum nega. Omittere secundum modum potentię rationalis, est omittere, vel ex motiuo, vel cum motiuo. Voluntas omittens ex motiuo, omittit vnum actum per alium exclusiuum ipsius: omittens cum motiuo præcise, non omittit per actum; sed solum cum motiuo, hoc est præsentem motiuo ad hos, vel illos actus, abstinere ab omni actu: vbi vide, quod quando dicimus voluntatem omittere cum motiuo; non appellamus motiuum omitendi; sed motiuum agendi, quod quia non necessitat ad agendum etiam ipso præsentem voluntas non agit.

Dices; qui libere omittit, debet posse reddere rationem cur omittat: sed eo ipso quod potest reddere rationem cur omittat, omittit ex motiuo: ergo libere omittens omittit ex motiuo; omittere ex motiuo nequit haberi sine motu: adeoq. nec sine actu voluntatis; ergo &c. Confirmatur; quia in quantum voluntas non necessario amat, in quantum in obiecto non apparet pura ratio boni; ergo in quantum simul apparet aliqua ratio mali. Sed si indeo con. et necessario, quia apparet aliqua ratio mali, eo ipso ab amando retrahitur, siue impeditur ab apparente ratione mali; ergo ideo non


amat, quia impeditur à ratione mali. Rur-
sus si impeditur à ratione mali, impeditur
secundum modum potētiae rationalis, adeo-
que intentionaliter mota à ratione propo-
sita ad non amandum: non amare autem
motam ad non amandum, est non amare
per aliquem motum, adeoq: per aliquem
actum, vt dictum est.

Resp. 1. conc. maior. neg. minor. ratio cur
omittat non est motuum efficax omittēdi,
sed motuum inefficax agendi. Reddit igitur
rationem, dicendo, quia hoc vel illud mo-
tuum non me necessitant. Non igitur per
influxum motui non agit, sed per defectū
influxus non influit autem motuum in a-
ctu secundo, non per aliud quam per hoc,
quod voluntas non velit.

Resp. 2. dist. debet reddere rationem, mo-
uentem ad omittendum; nego, non mouen-
tem, quamuis potentem mouere ad agendū
conc. mai. & eodem modo dist. minor. nego
consequentiam. Ad confirmationem trans-
misso primo entimemate: distinguo mino-
rem subsumptam: quia retrahitur, impedi-
tur retractione, aut impeditione positiua;
nego; retractione, aut impeditione negati-
ua: concedo. Non retrahitur retractione
positiua, quia non retrahitur per motum,
quo ex cōsideratione mali se determinet ad
non amandum; sed retractione negatiua, per
negationem motus, quo ex cōsideratione
talis boni se determinet ad amandum.
Ratio autem mali quæ est, vel apraret in
obiecto, est impediētū formale rationis
bo-

boni, quæ est in eodem ad imprimendum in
voluntate illum motum, quem imprimeret,
si vel sola esset, vel non sola appareret. Si-
cut v.g. presentia agentis frigidi est impe-
dimentum, absque eo quod quicquam agat,
ad actionem calidi eidem indivisibiliter su-
biecto applicati. Et hoc est impediri per
modum potentiæ liberæ, hoc est per modum
potentiæ adæquate completæ ad illum
eundem actum, quem omittit.

Atque hic plura dicere non omnino li-
berè omittimus. Iam enim Triennij nostri
sines, quos prætergredi non licet, attigimus:
omnia ad eius laudem, & gloriam referen-
tes, siue quo nihil boni dicere, nihil cogi-
tare valemus.



F I N I S.

MAG 2005666

יורה

Ch. 12